

M. TULLII CICERONIS
O P E R A O M N I A

EX RECENSIONE

JO. AUGUSTI ERNESTI

QUI ET NOTAS SUAS ADJECIT.



VOLUMINIS QUARTI

PARS PRIMA

OPERA PHILOSOPHICA.



LONDINI:

TYPIS EXCUDIT J. F. DOVE;

PROSTANT VENALES APUD R. PRIESTLEY.

MDCCCXIX.

PRÆFATIO.

QUI hoc volumine continentur libri Ciceronis, ea rerum præstantia insignes sunt, ea disserendi cum subtilitate et elegantia, tum copia et suavitate, ut nihil iis esse possit ad ingenium rerum optimarum copia alendum uberius, et acuum efficacius, orationem denique in disserendo fingendam ornandamque apte ad rei cujusque genus atque modum limatus. Itaque ut est quisque ad sensum illorum bonorum minus hebes, ita plus horum librorum lectione teneatur necesse est. Nos quidem hi libri juvenili ætate legi cœpti, ita dulcedine bonorum suorum et pulchritudine cepere, ut iis legendis satiari nunquam potuerimus. Quo libentius etiam ad eos recensendos, et tum emendandos, tum explicandos accessimus. In quo nos non parvo exemplorum tum scriptorum, tum formis litterarum expressorum numero adjuti sumus. Scriptorum quidem exempla bibliothecæ variæ, Gothana, Guelferbytana, Curiensis, excerpta autem e talibus exemplis amici plures suppeditavere, editorum autem exempla antiquiora, tum pariter bibliothecæ publicæ, tum nostra, quam a multis annis Ciceronianorum librorum exemplis instruere studuimus: in quibus sunt, quæ a superioribus eorum editoribus, vel omnino non, vel non satis diligenter consulta reperimus. Libros hos primi uno volumine edidere, Schweinhemius et Panartius, omissis tamen de Officiis libris, quos post a. 1479 ab iis editos habemus, et Tusculanis quæstionibus, quæ an. 1471 ex eorum officina prodire, ante ab Ulrico Gallo Viennensi editæ, Jo. de Colonia et Jensonio aliisque post hos, etiam

PRÆFATIO.

cum notis, de quibus editionibus Fabricii Bibliotheca latina consulenda est, sicut et de editionibus horum librorum universorum, et in exemplis quæ postea ad eorum exemplum facta sunt, non reperiuntur. Primum eos addidit, quod sciam, editio Mediolanensis loco tertio. Nam ordo primarum editionum differt ab eo, qui nunc servatur, sequunturque libros Academicarum disputationum, qui primum locum tenent, libri de Legibus, hos de Officiis, de Finibus, Tusculanæ Quæstiones, et reliqui. Ordinem eum, qui nunc est, induxit Cratander, ipsum Cicronem auctorem secutus, ut in præfatione demonstravit. Hoc autem apparatu nostro ita usi sumus in textu recensendo et conformando, ut artis criticæ ratio postulabat, neque audaciæ in eo corrigendo indulgentes, neque evidenti necessitati, per inanem modestiæ speciem repugnantes. Itaque speramus nos multis locis bene consuluisse textus Ciceroniani integritati. Quod si tamen locis forte quibusdam ab legibus severæ artis criticæ, contra consilium nostrum disceserimus, veniam nobis daturus esse viros harum rerum usu peritos, qui, quam difficile sit, sibi ab omni lapsu in hoc genere cavere sciant, speramus. Scr. Lipsiæ. d. XXIV. Sept. a. c. MDCCLXXVI.



M. TULLII CICERONIS

ACADEMICÆ QUÆSTIONES.

CICERO VARRONI S. D.

ETSI minus flagitare, quamvis quis ostenderit, ne populus quidem solet, nisi concitatus: tamen ego expectatione promissi tui moveor, ut admoneam te, non ut flagitem. nisi autem ad te quatuor admonitores non nimis verecundos. nostri enim profecto os adolescentioris Academiæ. Ex ea igitur media excitatos nûsi: qui, metuo, ne te forte flagitent. ego autem mandavi, ut rogarent. Expectabam omnino jamdiu, meque sustinebam, ne ad te prius ipse quid scriberem, quam aliquid accepissem, ut possem te remunerari quam simillimo munere. Sed cum tu tardius faceres, id est, ut ego interpretor, diligentius, teneri non potui, quin conjunctionem studiorum, amorisque nostri, quo possem litterarum genere, declararem. Feci igitur sermonem inter nos habitum in Cumano, cum esset una Pomponius. tibi dedi partes Antiochinas, quas a te probari intellexisse mihi videbar: mihi suasi Philonis. Puto fore, ut, cum legeris, mirere id nos nos locutos esse inter nos, quod nunquam locuti sumus. sed nosti morem dialogorum. Posthæc autem, mi Varro, quam plurima, si videbitur, et de nobis, et inter nos: sero fortasse: sed superiorum temporum, fortuna reipublicæ, causam sustineat: hæc ipsi præstare debemus. atque utinam quietis temporibus, atque aliquo, si non bono, et saltem certo statu civitatis, hæc inter nos studia exercere possemus! quamquam tunc quidem vel aliæ quæpiam rationes, honestas nobis et curas, et actiones darent. nunc autem ^{b.} quid est, sine his cur vivere velimus? mihi vero cum his ipsis vix: his autem detractis, ne vix quidem. sed hæc coram, et sæpius. Migrationem, et emtionem feliciter evenire volo, tuumque in ea re consilium probo. Cura ut valeas.

M. TULLII CICERONIS
ACADEMICARUM QUÆSTIONUM
LIBER PRIMUS.

AD

M. TERENTII VARRONEM.

ARGUMENTUM.

*Quatuor omnium libros Academicarum Disputationum scripsit Cicero, in quibus omnem Philosophiam Academicam cum veteris tam uerba explicavit, sed ita, ut facile intelligeretur, id quod ipse fatetur, v. c. Ep. ad Dir. IX, 8. se novam veteri præferre. Itaque induxit Varronem, Antiochi, quintæ Academicæ conditoris, et veterem Academiam iustaurare cupientis, se autem Philonis partes suscipientem, qui quartæ Academicæ caput fuerat, et novæ Academicæ placita tenuerat, sed ita, ut nihil inter veterem et novam interesse disputaret, v. L. I. c. 4. et Luculli c. 4. quod Antiochus libro, quem SOSUS inscripserat, negabat. Horum quatuor librorum primi tantum fragmentum hoc restat, in quo post præfationem, quæ de instituto Philosophiæ latinis litteris illustrandæ agit, et occasionem sermonis demonstrat, c. 1—3. Varro primum, inde a Socrate repetens usque ad Arcesilam, Philosophiæ rationem exponit, c. 4—13. deinde Cicero ab Arcesila incipit, et in Carneade desinit. Summa sermonis Varroniani hæc est : Socraticum primum capisse de moribus magis quam de veræ naturæ disputare, in qua sola superiores philosophi versati erant, atque in omnibus sermonibus usum esse illa *ἐν παντί*, qua nihil se scire decrevit, nisi ad ipsum, quod nihil sciret. Hujus discipuli, Platonis, auctoritate etiam et consentientem duobus vocabulis Philosophiæ formam institutam esse, Academicorum et Peripateticorum, qui certam et completam philosophiæ formulam composuerint, sed Socraticam dubitationem, et de omnibus rebus sine assensu disputandi consuetudinem, reliquerint, atque ita artem Philosophiæ effecerint, c. 4. Triplicem autem fuisse philosophandi rationem, unam, de vita et moribus, quæ a natura peteretur, cui parendum, in qua summum bonum querendum dicerent, c. 5. 6. alteram, de natura, quæ contineretur ex effectione et materia, quam fingeret et formaret effectio, c. 7. 8. coll. c. 2. tertiam, quæ in ratione et disserendo versaretur, ductum illam quidem a sensibus, sed ita, ut iudicium veritatis non sensibus fallentibus, sed menti tribueretur, quæ sola cerneret, quod semper esset, simplex, et unius modi, et tale, quale esset, quam ideam appellasset. Omnem a sensibus ductam cognitionem opinabilem tantum esse, scientiam tantum in animi motionibus et rationibus inesse, c. 9. Aristotelem deinde primum ideas labefactasse ; Theophrastum negasse, in virtute sola positum esse, beate vivere ; Stratonem totum se ad naturæ obscuritatem contulisse, c. 10. Zenonem autem imprimis disciplinam corrigere*

conatum esse, et plurima in triplici illa ratione novasse, c. 11. 12. Zenoni deinde se opposuisse Arcesilam, non pertinacia, sed obscuritate verum commotum, et revocasse illam veteribus omnibus usurpatam de rebus omnibus dubitandi consuetudinem, nihilque dixisse sciri posse, ne id ipsum quidem, quod Socrates exceperat. cf. L. II. c. 24. Hanc esse Academiam novam appellatam, et ut Carneadem perductam. c. 13.

IN CUMANO nuper cum mecum Atticus noster esset, 1
nuntiatum est nobis ¹a M. Varrone, venisse cum Roma 1
pridie vesperi, et nisi de via fessus esset, continuo ad nos
venturum fuisse. quod cum audissemus, nullam moram in-
terponendam putavimus, quin videremus hominem, nobis-
cum et studiis eisdem, et vetustate amicitiae conjunctum.
itaque confestim ad eum ire perreximus: paullumque cum
²eius villa abissemus, ipsum ad nos venientem vidimus:
atque illum complexi, ut mos amicorum est, ³satis cum
longo intervallo ad suam villam reduximus. Ille ⁴pauca 2
primo, ⁵atque percontantibus nobis, ⁶ecquid forte Roma
novi: Atticus, Omitte ista, quæ nec percontari, nec audire
sine molestia possumus, quæso, inquit: et quære potius,
ecquid ipse novi. silent enim diutius Musæ Varronis, quam
solebant: nec tamen ⁷cessare, sed celare, quæ scribat, ex-
istimo. Minime vero, inquit ille. intemperantis enim ⁸ar-
bitror esse, scribere, quod occultari velit. sed habeo opus
magnum in manibus, quod jam pridem ⁹ad hunc ipsum (me b.
autem dicebat) quædam institui, quæ et sunt magna sane, 3
et limantur a me politius. Et ego, Ista quidem, inquam,
Varro, jam diu exspectans, non audeo tamen flagitare: au-
divi enim e Libone nostro, cujus nosti studium (nihil enim
ejusmodi celare possumus) non te ea intermittere, sed ac-
curatius tractare, nec de manibus inquam deponere. Illud

1 a M. Varrone.] I. e. e villa ejus, per servum aliquem.

2 Ejus villa abissemus.] Ed. Ven. 1494. abissemus ric. v. not. sq.

3 Satis cum longo intervallo, &c.] Hoc non convenit cum lectione vulgata: nam si paullum a villa Varronis aberant, non longo intervallo eum potius reducere ad villam ejus. Itaque Davisius putabat corrigendum se risentium longo intervallo, ut alibi dicit Cicero, i. e. post longum intervallum. melius convenit lectioni Venetæ: paullum abissemus ric, sc. a mea villa.

4 Pauca primo.] Intell. locuti sumus de more congregantium. Sic de Fin. 1, 5. pauca primo inter nos de literis. ibid. III,

2. med. surrexit statim: deinde prima illa, quæ in congressu solemus.

5 Atque ea percontantibus nobis.] Ea delevimus. abest ed. Ven. 1494.

6 Et si quid.] Correximus ecquid cum Davisio. ed. Ald. ecsi quid. scil. afferret: nisi vero legendum est Roma, quod melius sequentibus conveniret. ecquid ipse novi sc. habeat, egerit.

7 Istum cessare.] Abest istum ab ed. Ven. bene, opinor: nisi legendum ipsam.

8 Arbitror esse.] Esse cum Davisio addimus. habent edd. Ven. Mediol. Ald. &c.

9 Ad hunc ipsum.] Eum offendit, idque delevit Dav. defendit frustra Wopkensius.

1

CICERO ATTICO SAL.

PETITIONIS nostræ, quam tibi summæ curæ esse scio, hujusmodi ratio est, quod adhuc conjectura provideri possit. Prensatur unus P. Galba. sine fūco ac fallaciis, more majorum, negatur. ut opinio est hominum, non aliena rationi nostræ fuit illius hæc præproperea prensatio. nam illi ita negant vulgo, ut mihi se deberé dicant. ita quiddam spero nobis profici, cum hoc percrescit, plurimos nostros amicos inveniri. Nos autem initium prensandi facere cogitamus eo ipso tempore, quo tuum puerum cum his litteris proficisci Cincius dicebat, in campo, comitiis tribunicis, a. d. XVI Kalend. Sext. Competitores, qui certi esse videantur, Galba, et Antonius, et Q. Cornificius. puto te in hoc aut risisse, aut ¹ingemuisse, ut frontem ferias. sunt, qui etiam Cæsonium putent. Aquillium non arbitramur, ²qui denegavit, et juravit morbum, et illud suum regnum judiciale opposuit. Catilina, ³si judicatum erit, meridie non lucere, certus erit competitor. De Aufidio, et de Palicano, non puto te exspectare, dum scribam. De iis, qui nunc petunt, Cæsar certus putatur. Thermus cum Silano contendere existimatur; qui sic inopes et ab amicis et existimatione sunt, ut mihi videatur non esse ἀδύνατον, b. Curium obducere. sed hoc præter me nemini videtur. Nostri rationibus maxime conducere videtur, ⁴Thermum fieri cum Cæsare. nemo est enim ex iis, qui nunc petunt, qui, si in nostrum annum reciderit, firmior candidatus fore videatur; propterea quod curator est viæ Flaminiae, quæ tum erit ⁵absoluta. sane facile eum [liberi] *ῥηπὺν* ciceri

1 *Ingemuisse ut fr. ferias.*] Legitima ratio postulat ferias, nisi interpungatur cum Tunstallo p. 25. *ingemuisse. Ut frontem ferias, sunt,* &c. quod mihi durum videtur.

2 *Qui denegat et juravit m. &c.*] Correxī *denegavit*. Favent libri scr. in quibus repertum est *et negavit*, quod et placebat Pithæo, cujus Ms. habebat *et negant*. Grævio placebat, *qui et negavit*.

3 *Si judicatum erit, meridie non lucere.*] I. e. si in manifestissimo scelere tamen absolutus erit. mire hic se, vel potius Ciceronem, torquent critici in verbo *lucere*, nuper etiam Tunstallus l. c. frustra omnes. Vulgatum rectissimum est.

4 *Th. fieri cum Cæsare.*] I. prætorem. Est autem Minucius Thermus is, qui post

in gentem patriciam adoptatus, Marciam, C. Marcius Figulus fuit.

5 *Absoluta sane facile. eum liberi ῥηπὺν ciceri consuli accuderint.*] Hæc sine dubio sunt vitiosa. Primum res postulat interpungi post *absoluta*. Sequentium sensum in promptu est esse: libenter eum populus prætorem faciet, me consule: sed ludit in nomen *ῥηπὺν* et suum Ciceronis. *lupini* et *ciceres* sunt similes, et simul coqui, edi possint. Hinc dicit facile eum *ῥηπὺν* ciceri accuderint. Verbum *consuli* est manifeste a glossa. Si Cicero sic scripsisset, ante et addidisset *prætorem*. Denique verbum *accudere* pro addere, et ipsam per lusus dicitur, ex *Mo trito cuditur faba*. restat difficultas in *liberi*, pro quo Mss. quidam et *edd. pr.* habent *libenter*: sed id est

[cōsuli] accuderint. Petitorum hæc est adhuc informata cogitatio. Nos ⁶ in omni munere candidatorum fungendo summam adhibebimus diligentiam: et fortasse, quoniam videtur in suffragiis multum ⁷ posse Gallia, cum Romæ a iudiciis forum refrixerit, excurremus mense Septembri legati ad Pisonem, ut Januario revertamur. Cum perspexero voluntates nobilium, scribam ad te. cetera spero prolixa esse, his duntaxat urbanis competitoribus. Illam manum, tu, mihi, cura ut præstes, quoniam propius abes, Pompeii, nostri amici. nega me ei iratum fore, si ad mea comitia non venerit. Atque hæc hujusmodi sunt. Sed est, quod abs te mihi ignosci pervelim. Cæcilius, avunculus tuus, a P. Vario cum magna pecunia fraudaretur, agere cœpit cum ejus fratre Caninio Satrio de iis rebus, ⁸ quas eum dolo malo mancipio accepisse de Vario diceret. una agebant ceteri creditores, in quibus erat Lucullus, et P. Scipio, et is, quem putabant magistrum fore, si bona venirent, L. Pontius. ⁹ verum hoc ridiculum est, de magistro nunc cognoscere. rogavit me Cæcilius, ut adessem contra Satrium. Dies fere nullus est, quin hic Satrius domum meam ventitet. observat L. Domitium maxime: me habet proximum. fuit et mihi et Q. fratri magno usui in nostris petitionibus. Sane sum perturbatus, cum ipsius Satrii familiaritate, tum Domitii, in quo uno maxime ambitio nostra nititur. Demonstravi hæc Cæcilio: simul et illud ostendi, si ipse unus cum illo uno contenderet, me ei satisfacturum fuisse: nunc in causa universorum creditorum, hominum præsertim amplissimorum, qui sine eo, quem Cæcilius suo nomine perhiberet, facile causam communem sustinerent, æquum esse, eum et officio meo consulere, et tempori. durius accipere hoc mihi visus est, quam vellem, et quam homines belli solent; et postea prorsus ¹⁰ ab in-

p. 2.
a.

jam in facile. itaque deleverim. alia omnes conjecturae sunt conortæ. Libri veteres et ser. et edd. valde variant et corrupti sunt.

6 In o. m. candidatorio.] Non credo hoc verbum esse Ciceronis, etsi in libris omnibus est: corrigendum est candidatorum.

7 Posse Gallia.] I. Cisalpina, in qua multæ colonie et municipia, civesque adeo Romani, quos sibi in transitu conciliaret, quoniam jam a foro abesse posset, cum nulla essent judicia. Exempla hujus generis ambitionis in Gallia et alia occurrunt, quæ ad h. l. adfert Victorius. Lega-

tus autem iturus erat legatione libera.

8 Quas eum dolo malo -- accepisse, &c.] Nempe per venditionem factam in fraudem creditorum. Grævio non displicet lectio libri veteris dicerent, sc. homines. sed vulgata melior et exquisitior. Ed. Rom. dicebat.

9 Verum hoc ridiculum est.] Hoc friget. alibi in simili forma omittitur, ut post II, 15. verum est stultum, me præcipere, &c.

10 Ab instituta nostra paucorum dierum consuetudine.] Paucorum dierum mihi glossam sapit.

stituta nostra paucorum dierum consuetudine longe refugit. Abs te peto, ut mihi hoc ignoscas, et me existimes humanitate esse prohibitum, ne contra amici summam existimationem miserrimo ejus tempore venirem: cum is omnia sua studia et officia me contulisset. quod si voles in me esse durior, ambitionem putabis mihi obstitisse. ego autem arbitror, etiamsi id sit, mihi ignoscendum esse: *ἐπεὶ οὐχ' ἰσχυρίων, οὐδὲ βούλην* ¹¹ vides enim, in quo cursu simus, et quam omnes gratias non modo retinendas, verum etiam acquirendas putemus. Spero tibi me causam probasse; cupio quidem certe. Hermathena tua valde me delectat, et posita ita belle est, ut totum gymnasium *ἡλὸν ἀνάθημα* esse videatur. multum te amamus.

2

CICERO ATTICO S.

L. Julio Cæsare, C. Marcio Figulo ¹² consulibus, filio me auctum scito, salva Terentia. Abs te tam diu nihil litterarum? Ego de meis ad te rationibus scripsi antea diligenter. Hoc tempore Catilinam, competitorem nostrum, defendere cogitamus. iudices habemus, quos voluimus, summa accusatoris voluntate. spero, si absolutus erit, conjunctionem illum nobis fore in ratione petitionis: sin
aliter acciderit, humaniter feremus. Tuo adventu nobis opus est maturo, nam prorsus summa hominum est opinio; tuos familiares, nobiles homines, adversarios honori nostro fore. ad eorum voluntatem mihi conciliandam maximo te mihi usui fore video. quare Januario mense, ut constituisti, cura ut Romæ sis.

3

CICERO ATTICO S.

AVIAM tuam scito desiderio tui mortuam esse, et simul, quod verita sit, ne Latinæ in officio non manerent, et in montem Albanum hostias non adducerent. ejus rei ¹³ consolationem ad te L. Saufeium missurum esse arbitror. Nos hic te ad mensem Januarium exspectamus, ex quodam rumore, an ex litteris tuis ad alios missis? nam ad me de eo nihil scripsisti. Signa, quæ nobis curasti, ea sunt ad Ca-

¹¹ Vides, in quo cursu simus.] Sic dedi pro sumus, ut voluit jam Lambinus et latinitas postulat, hac forma, et alterum putemus.

¹² Consulibus.] Designatis intelligunt Bosius ad h. l. et Tunstallus p. 10. Ce-

terum in edd. pr. hæc cum antecedente cohæret.

¹³ Consolationem L. Saufeium.] Hoc per jocum dicitur. Saufeius erat et ipse Epicureus, ut Atticus: Epicureorum consolationes quales fuerint, constat.

ietam exposita. nos ea non vidimus. neque enim exeundi Roma potestas nobis fuit. misimus qui pro vectura solveret. te multum amamus, quod ea abs te diligenter, parvoque curata sunt. Quod ad me sæpe scripsisti ¹⁴ de nostro amico placando, feci, et expertus sum omnia: sed mirandum in modum est animo abalienato: quibus de suspicionibus, etsi audisse te arbitror, tamen ex me, cum veneris, cognosces. Sallustium præsentem restituere in ejus veterem gratiam non potui. Hoc ad te scripsi, quod is me accusare ¹⁵ de te solebat. in se expertus est, illum esse minus exorabilem, ¹⁶ meum studium nec tibi defuisse. Tulliolam C. Pisoni L. F. Frugi despondimus.

CICERO ATTICO S.

4

CREBRAS expectationes nobis tui commoves. nuper quidem, cum jam te adventare arbitraremur, repente abs te in mensem Quintilem rejecti sumus. nunc vero censeo; quod commodum tuo facere poteris, venias ad id tempus, quod scribis. obieris Quinti fratris comitia; nos longo intervallo viseris; Acutilianam controversiam transegeris. hoc me etiam Peducæus, ut ad te scriberem, admonuit. putamus enim utile esse, ¹⁷ te aliquando jam rem transigere. mea intercessio parata et est et fuit. Nos hic incredibili ac singulari populi voluntate de C. Macro transegimus. cui cum æqui fuissetus, tamen multo majorem fructum ex populi existimatione, illo damnato, cepimus, quam ex ipsis, si absolutus esset, gratia cepissemus. Quod ad me de Hermathena scribis, ¹⁸ per mihi gratum est, et ornamentum Academiæ proprium meæ, quod et Hermes commune omnium, et Minerva singulare est insigne ejus gymnasii. quare velim, ut scribis, ceteris quoque rebus quam plurimis eum locum ornes. Quæ mihi antea signa misisti, ea nondum vidi. in Formiano sunt; quo ego nunc proficisci

14 De amico nostro.] L. Lucceio. v. ep. 9.

corrigebat al. tandem.

15 De te.] Quod te non restituissem in ejus gratiam, eo placato tibi. respicit ea, quæ narrantur ep. 11.

16 Meum studium nec tibi defuisse.] Hoc non potest pendere ab expertus est. puto excidisse verbum, ut, intellexit, credet, &c. ita et melius ante est abfuerit. Ab ed. Rom. etiam abest at. bene. delevi.

17 Te aliquando jam rem tr.] Corradus

18 Per mihi gratum est, et ornamentum A. proprium meæ.] Hæc non bene coherent, ut jam alii videre. Edd. pr. non habent et. quod et Faernus delebat. Sed tamen sic nondum satis placet. puto legendum per mihi gratum est (vel erit) ornamentum Academiæ et proprium meæ: v. ad Div. IX, 5.

cogitabam. illa omnia in Tusculanum deportabo. Caietam, si quando abundare coepero, ornabo. Libros tuos conserva; et noli desperare, eos me meos facere posse. quod si assequor, supero Crassum divitiis, atque omnium vicos, et prata contemno.

5

CICERO ATTICO S.

QUANTUM dolorem acceperim, et quanto fructu sim privatus et forensi et domestico, Lucii fratris nostri morte, in primis, pro nostra consuetudine, tu existimare potes.

b. nam mihi omnia, quæ jucunda ex humanitate alterius et moribus homini accidere possunt, ex illo accidebant. quare non dubito, quin tibi quoque id molestum sit, cum et meo dolore moveare, et ipse omni virtute, officioque ornatissimum, tuique et sua sponte, et meo sermone amantem, affinem, amicumque amiseris. Quod ad me scribis de sorore tua; testis erit tibi ipsa, quantæ mihi curæ fuerit, ut Quinti fratris animus in eam esset is, qui esse deberet. quem cum esse offensorem arbitrarer, eas litteras ad eum misi, quibus et placarem ut fratrem, et monerem ut minorem, et objurgarem ut errantem. itaque ex iis, quæ postea sæpe ab eo ad me scripta sunt, confido ita esse omnia, ut et oporteat, et velimus. De litterarum missione sine causa abs te accusor. numquam enim a Pomponia nostra certior sum factus, esse, cui litteras dare possem. porro autem neque mihi accidit, ut haberem, qui in Epirum ¹⁹ proficisceretur: neque dum te Athenis esse audiebamus. De Acutiliano autem negotio quod mihi mandaras, ut primum a tuo digressu Romam veni, confeceram: sed accidit, ut et contentione nihil opus esset, et ut ego, qui in te satis consilii statuerim esse, mallem Peducæum tibi consilium per litteras, quam me dare. Etenim cum multos dies aures meas Acutilio dedissem, (cujus sermonis genus tibi notum esse arbitror,) non mihi grave duxissem scribere ad te de illius querimoniis, cum eas audire, quod erat subdiosum, leve putassem. sed abs te ipso, qui me accusas, unas mihi scito litteras redditas esse, cum et otii ad scribendum plus, et facultatem dandi majorem habueris. Quod scribis, etiamsi cujus animus in te

19 *Proficisceretur.*] Sic omnes præter Rom. edd. pr. non *proficiscerentur* ut ed. Grut.

esset offensor, a me recolligi oportere; ²⁰ quid dicas: ne-
 que id neglexi: sed est miro quodam modo affectus. ego ^{p. 4.}
 autem, quæ dicenda fuerunt de te, non præterii. ^{a.} ²¹ quid au-
 tem contendendum esset, ex tua putabam voluntate sta-
 tuere oportere: quam si ad me perscripseris, intelliges, me
 neque diligentiorē esse voluisse, quam tu esses, neque
 negligentiorē fore, quam tu velis. De Tadiana re, me-
 cum Tadius locutus est, te ita scripsisse, nihil esse jam,
 quod laboraretur, quoniam hereditas usucapta esset. id
 mirabamur te ignorare. de tutela legitima, in qua dicitur
 esse puella, nihil usucapi posse. Epiroticam emtionem
 gaudeo tibi placere. Quæ tibi mandavi, et quæ tu intelli-
 ges convenire nostro Tusculano, velim, ut scribis, cures,
 quod sine molestia tua facere poteris. nam nos ex omnibus
 molestiis et laboribus uno illo in loco conquiescimus, quo
 fratrem quotidie exspectamus. Terentia magnos articulo-
 rum dolores habet, et tē, et sororem tuam, et matrem maxi-
 me diligit, salutemque tibi plurimam adscribit, et Tulliola,
 deliciæ nostræ. Cura, ut valeas, et nos ames; et tibi per-
 suadeas, te a me fraternē amari.

CICERO ATTICO S.

6

NON committam posthac, ut me accusare de epistola-
 rum negligentia possis. tu modo videto, in tanto otio ut par
 mihi sis. Domum Rabirianam Neapoli, quam tu jam di-
 mensam et exædificatam animo habebas, ²² M. Fonteius
 emit H-S cccccc xxx. id te scire volui, si quid forte ea
 res ad cogitationes tuas pertineret. Q. frater, ut mihi vide-
 tur, quo volumus animo est in Pomponiam, et cum ea nunc
 in Arpinatibus prædiis erat, et secum habebat hominem
 χορηγομαθῆν, D. Turraniū. Pater nobis decessit a. d. viii ^{b.}
 Kal. Decembr. Hæc habebam fere, quæ te scire vellem.
 Tu, velim, si qua ornamenta γυμνασιώδῃ reperire poteris,
 quæ loci sint ejus, quem tu non ignoras, ne prætermittas.
 Nos Tusculano ita delectamur, ut nobismet ipsis tum de-
 nique, cum illo venimus, placeamus. Quid agas omni-
 bus de rebus, et quid acturus sis, fac nos quam diligentis-
 sime certiores.

20 Quid dicas: neque.] Dicunt elli-
 ptice dictum, intelligendumque scio. sed
 durum est et contra consuetudinem Cice-
 ronis, qui semper addit.

21 Q. contendendum esset.] Græv. e co-
 dice Balliol. assert. concedendum et probat.
 recte. nam id verbum statuere postulat.

7

CICERO ATTICO S.

APUD matrem recte est, eaque nobis curæ est. L. Cincio H-S XXCD constitui me curaturum Idibus Febr. Tu, velim, ea, quæ nobis emisse et parasse scribis, des operam, ut quam primum habeamus : et velim cogites, id quod mihi pollicitus es, quemadmodum bibliothecam nobis conficere possis. omnem spem delectationis nostræ, quam, cum in otium venerimus, habere volumus, in tua humanitate positam habemus.

8

CICERO ATTICO S.

APUD te est, ut volumus. mater tua et soror a me Quintoque fratre diligitur. Cum Acutilio sum locutus. is sibi negat a suo procuratore quidquam scriptum esse, et miratur istam controversiam fuisse, ²³ quod ille recusarit satisfacere, amplius abs te non peti. Quod te de Tadiano negotio decidisse scribis, id ego Tadio et gratum esse intellexi, et magnopere jucundum. ²⁴ Ille noster amicus, vir mehercule optimus, et mihi amicissimus, sane tibi iratus est. hoc, si, quanti tu æstimes, sciam, tum, quid mihi elaborandum sit, scire possim. L. Cincio H-S CCICD CCICD CCCC pro signis Megaricis, ut tu ad me scripseras, curavi. Hermæ tui Pentelici cum capitibus æneis, de quibus ad me scripsisti, jam nunc me admodum delectant. quare velim, et eos, et signa, ²⁵ et cetera, quæ tibi ²⁶ ejus loci, et nostri studii, et tuæ elegantiae esse videbuntur, quam plurima, quam primumque mittas, et maxime quæ tibi gymnasii xystique videbuntur esse. nam in eo genere sic studio efferimur, ut abs te adjuvandi, ab aliis prope reprehendendi simus. si Lentuli navis non erit, quo tibi placebit, imponito. Tulliola, diliciolæ nostræ, tuum munusculum flagitat, et me, ut sponsorem, appellat. mihi autem abjurare certius est, quam dependere.

22 M. Fonteius.] Edd. pr. habent Fontius, e quo factum male Fontinus, quod nomen nuspiam reperitur. recte sic edidit Grævius.

23 Quod i. recusarit satisfacere, amplius abs te non peti.] Edd. pr. recusarat et petit. Illud bene Malaspina correxit recusarit et peti. poterat et corrigi recusaret. Sed cur non et satisfacere? quod mihi primum legenti in mentem venit, post et Corrado reperi placuisse, nam pertinet ad

procuratorem, qui satisfacere noluerat. Non dubitavi sic rescribere.

24 Ille noster amicus.] Est Lucceius. v. ep. ut supra ep. 3.

25 Et cetera.] Et doleri volebat Casaubonus. recte. nam signa tantum querebat Cicero.

26 Ejus loci.] Tusculani ep. 5. -- tua elegantia, tuo iudicio in hoc genere rectissimi prebentur.

CICERO ATTICO S.

9

NIMIUM raro nobis abs te litteræ afferuntur: cum et multo tu facilius reperiās, qui Romam proficiscantur, quam ego, qui Athenas: et certius tibi sit, me esse Romæ, quam mihi, te Athenis. itaque propter hanc dubitationem meam brevior hæc ipsa epistola est: quod, cum incertus essem, ubi esses, nolebam illum nostrum familiarem sermonem in alienas manus devenire. Signa Megarica, et Hermas, de quibus ad me scripsisti, vehementer exspecto. quidquid ejusdem generis habebis, dignum Academia tibi quod videbitur, ne dubitaris mittere, et arcæ nostræ confidito. genus hoc est voluptatis meæ: quæ γυμνασιῶδῃ maxime sunt, ea quæro. Lentulus naves suas pollicetur. peto abs te, ut hæc cures diligenter. Chilius te rogat, et ego ejus rogatu, Εὐμολπίδων πάτρια.

CICERO ATTICO S.

10

CUM essem in Tusculano, (erit hoc tibi pro illo tuo, *Cum essem in Ceramico*,) verumtamen cum ibi essem, b. Roma puer, a sorore tua missus, epistolam mihi abs te allatam dedit, nuntiavitque, eo ipso die post meridiem ²⁷ iturum, qui ad te proficisceretur. eo factum est, ut epistolæ tuæ rescriberem aliquid; brevitate temporis tam pauca cogere scribere. Primum tibi de nostro amico placando, aut etiam plane restituendo polliceor. quod ego, etsi mea sponte ante faciebam, eo nunc tamen et agam studiosius, et contendam ab illo vehementius, quod tantam ex epistola voluntatem ejus rei tuam perspicere videor. hoc te intelligere volo, pergraviter illum esse offensum: sed quia nullam video gravem subesse causam, magnopere confido illum fore in officio, et in nostra potestate. Signa nostra, et Hermeraclas, ut scribis, cum commodissime poteris, velim imponas, et si quod aliud οἰκίον ejus loci, quem non ignoras, reperiēs, et maxime, quæ tibi palæstræ, gymnasii-que videbuntur esse. etenim ibi sedens hæc ad te scribebam; ut me locus ipse admoneret. Præterea typos tibi mando, quos in tectorio atrio possim includere, et putealia sigillata duo. Bibliothecam tuam cave cuiquam despondeas, quamvis acrem amatorem inveneris: nam ego

²⁷ *Iturum eum; qui, &c.] Eum delendum: nec addi solet, et hic in vicinia eo bis positum nimis friget.*

omnes meas vindemiolas ego reservo, ut illud subsidium se-
nectuti parem. De fratre, confido ita esse, ut semper vo-
lui et elaboravi. multa signa sunt ejus rei, non minimum,
²⁸ quod soror pręguans est. De comitiis meis et tibi me
permisisse memini, et ego jampridem hoc communibus ami-
cis, qui te exspectant, prędico : ²⁹ te non modo non arcessi
a me, sed prohiberi; quod intelligam, multo magis inter-
esse tua, te agere, quod agendum est hoc tempore, quam
mea, te adesse comitiis. proinde eo animo te velim esse,
p. 6. quasi mei negotii causa in ista loca missus esses. me autem
^{4.} cum et offēdes erga te, et audies, quasi mihi, si qua parta
erunt, non modo te pręsente, sed per te parta sint. ³⁰ Tul-
liola tibi diem dat; sponsores appellat.

11

CICERO ATTICO S.

ET mea sponte faciebam antea, et post, duabus episto-
lis tuis perdiligenter in eandem rationem scriptis, magno-
pere sum commotus. eo accedebat hortator assiduus Sal-
lustius, ut agerem quam diligentissime cum Luceio de
vestra vetere gratia reconcilianda. sed, cum omnia fecis-
sem, non modo eam voluntatem ejus, quę fuerat erga te,
recuperare non potui, verum ne causam quidem elicere im-
mutatę voluntatis. tametsi jactat ille quidem ³¹ illud tuum
arbitrium, et ea, quę jam tum, cum aderas, offendere ejus
animum intelligebam: tamen habet quiddam profecto, quod
magis in animo ejus insederit, quod neque epistolę tuę,
neque nostra allegatio tum potest facile delere, quam tu
pręsens non modo oratione, sed tuo vultu illo familiari
tolles, si modo tanti putabis id, quod, si me audies, et, si
humanitati tuę constare voles, certe putabis. ac, ne illud
mirere, cur, cum ego antea significarem tibi per litteras,

²⁸ Quod soror pręguans est.] Sic libros
veteres habere testatur Launbius, et sic
dixisse veteres tradit Probus, reperitur
que apud poetās: nude receptum est pro
pręguans, quod edd. pr. habent. Sed ta-
men non pro certo dici potest, Ciceronem
hanc veterem formam secutum esse, prę-
sertim in tali epistola.

²⁹ Te non modo non arcessam, sed etiam
prohibebo.] Sic edd. omnes, nisi quod
veteres in principio addunt et. Bosius e
libro scr. corrigebat arcessi a me, sed pro-
hiberi: quam correctionem verissimam
puto, nec sequi dubitavi. nam tota struc-

tura orationis eam desiderat: inprimis
verbum intelligam, in quo omnes libri con-
sentiunt: pro quo in vulgata lectione in-
telligo deberet esse.

³⁰ Tulliola -- appellat.] Edd. vet.
addunt non, unde et revocavit Victorinus
in ed. secunda, male. vide ep. 8. extr.
omisit prius Aldus.

³¹ Illud saum arbitrium.] Corradus ait,
alios libros, quos non nominat, habere tu-
um: quod rectissime probat Grævius.
Nempe arbiter fuerat Atticus in causā ali-
qua Luceii, et contra eum pronuntiaverat.

me sperare illum in nostra potestate fore, nunc idem videar diffidere; incredibile est, quanto mihi videatur illius voluntas obstinatior, et in hac iracundia offmratior: sed hæc aut sanabuntur, cum veneris; aut ei molesta erunt, in utro culpa crit. Quod in epistola tua scriptum erat, me jam arbitrari designatum esse; scito, nihil tam exercitum esse nunc Romæ, quam candidatos, omnibus iniquitatibus; nec, quando futura sint comitia, sciri. verum hæc audies de Philadelpho. Tu, velim, quæ Academiæ nostræ parasti, quamprimum mittas. mire quam illius loci non modo usus, sed etiam cogitatio delectat. Libros vero tuos cave cuiquam tradas. nobis eos, quemadmodum scribis, conserva. summum me eorum studium tenet, sicut odium jam ceterarum rerum: quas tu, incredibile est, quam brevi tempore quanto deteriores offensurus sis, quam reliquisti.

CICERO ATTICO S.

12

³² TEUCRIS illa lentum sane negotium: neque Corneli-
us ad Terentiam postea rediit. opinor, ad Considium,
Axiu, Selicium confugiendum est. nam a Cæcilio propin-
qui ³³ minore centesimis numum movere non possunt. ³⁴ sed,
ut ad prima illa redeam, nihil ego illa impudentius, astu-
tius, lentius vidi. ³⁵ libertum mitto: Tito mandavi: σκίψεις
atque ἀναβολαί. sed ³⁶ nescio, an ταυτόματον ἡμῶν. nam mihi
Pompeiani prodromi nuntiant, aperte Pompeium acturum,
Antonio succedi oportere: eodemque tempore agat prætor
ad populum. res ejusmodi est, ut ego, nec per honorum,
nec per popularem existimationem, honeste possim homi-
nem defendere: nec mihi libeat, quod vel maximum est.

32 Teueris illa.] Hæc epistola in edil.
pr. et Mss. cobaret cum superiori. auctore
Corrado sejuncta est recte, interque
hanc et illam biennii intervallum fuit. v.
Corrad. Quæst. p. 358. ed. nostræ. Quæ
illa Teueris sit, de eo multa viri docti ad
h. l. quæ fædjo sit legere. Satis est in-
telligi hominem, quem Cicero nomine figu-
rato appellare maluit, qui debuisse vide-
tur Ciceroni, et non, quo tempore vole-
bat Cicero, solvisse, ut a *lenti* verbo col-
ligere licet. Ad C. Antonianu pertinet,
ut ex sequentibus patet.

33 Miore centesimis.] Conjecere viri
docti, scribendum esse *minoris*: quæ est
legitima in hac re forma. Etiam *miore*
legitimum esse, ut *magni* et *magno* emere,
dicunt vulgati defensores. pro *minoris* il-

lud est, quod ex hoc loco sic commemo-
rat Seneca epistola 21. *quam durus fene-
rator Cæcilius, a quo minoris centesimis pro-
pinquis numus moveri non possit: nisi ibi
mutatum est minore in minoris. Ego in
minore intelligam usura, quod in centesimis
latet: nam centesimæ usure plene di-
cuntur.*

34 Sed, ut ad prima illa redeam.] Con-
jeci aliquando, Ciceronem acrispisse, ad
primam illam, quia Cæcili i mentio inter-
cesserat. Sed non ignoro esse Ciceroni
usitatam formulam, ut ad prima redeam.

35 Libertum mitto: Tito mandari.] Hæc
sunt Teueridis. Sic illa scripserat, vel
responderat appellata de solutione.

36 Nescio, an ταυτ. ἡμῶν.] V. Indicem
Græcum.

etenim accidit hoc, quod totum, cujusmodi sit, mando tibi, ut perspicias. Libertum ego habeo, sane nequam hominem, Hilarum dico, ratiocinatorem, et clientem tuum. De eo mihi Valerius interpres nuntiat, Chiliusque se audisse scribit hæc; esse hominem cum Antonio: Antonium porro in cogendis pecuniis dictitare, partem mihi quæri, et a me custodem communis quæstus libertum esse missum. Non sum mediocriter commotus: neque tamen credidi: sed certe aliquid sermonis fuit. totum investiga, cognosce, p. 7. perspice, et nebulonem illum, si quo pacto potes, ex istis
 2. locis amove. Hujus sermonis Valerius auctorem Cn. Plancium nominabat. mando tibi plane, totum, ut videas, cujusmodi sit. Pompeium nobis amicissimum constat esse. 37 Divortium Muciae vehementer probatur. P. Clodium, Appii F. credo te audisse, cum veste muliebri deprehensum domi C. Cæsaris, cum pro populo fieret, eumque 38 per manus servulæ servatum et eductum; rem esse insigni infamia: quod te moleste ferre certo scio. 39 Quod præterea ad te scribam, non habeo. et mehercule eram conturbatior. nam puer festivus, anagnostes noster, Sositheus decesserat, meque plus, quam servi mors debere videbatur, commoverat. Tu velim sæpe ad nos scribas. si rem nullam habebis, quod in buccam venerit, scribito. Kal. Januar. M. Messala, M. Pisone coss.

13

CICERO ATTICO S.

ACCEPI tuas tres jam epistolas: unam a M. Cornelio, quam Tribus Tabernis, ut opinor, ei dedisti; alteram, quam mihi Canusinus tuus hospes reddidit; tertiam, quam, ut scribis, 40 ancora sublata, de phaselo dedisti: 41 quæ fuerunt omnes rhetorum. pure loquuntur, cum

37 *Divortium Muciae.*] Quam Pompeius rediens dimiserat, ob suspicionem adulterii cum C. Cæsare.

38 *Per manus servulæ.*] Sic cum Grævio edidi, ut habent edd. pr. pro Gruteriano *Seprulla*, quod in quibusdam libris scr. repertum est, et a nonnullis valde defenditur, vel ad edendum aliud nomen, quod Romanum sit, torquetur. Cicero clare ancillis idem tribuit in Or. de Har. Resp.

39 *Quod præterea scribam, non habeo.*] Malaspina hærebat, utrum *Quod an* *Quid* probaret, quod utrumque in libris reperitur. *Quod* verum est, ut aliis jam locis

monimus, ut ad Epp. ad Div. et inde ab Aldi prima in edd. fuit. Lectu digna tamen est illa Malaspina nota super his pronominibus eorumque usu.

40 *Ancora soluta, de ph. d.]* Edd. pr. inde a Jens. *ancoris solutis*. Rom. et libri scr. plures *ancora soluta*, quod receptum a Victorio in ceteras edd. venit. Sed Casaubonus legendum defendebat *ancora sublata*, quæ est forma Latinorum legitima. Quia in Ms. Pal. Gruterus reperit *ancoris sublati*, id præferim.

41 *Quæ fuerunt omnes rhetorum. pure loq., &c.]* Hunc locum in principio vitio-

humanitatis sparsæ salæ, tum insignes amoris notis. quibus epistolis sum equidem abs te lacessitus ad scribendum; sed idcirco sum tardior, quod non ingenio fidelem tabellarium. quotus enim quisque est, qui ⁴² epistolam paullo graviores ferre possit, nisi eam pellectione relevavit? accedit eo, quod mihi non est notum, ut quisque in Epirum proficiscatur. ego enim te arbitror, ⁴³ cæsis apud Amaltheam tuam victimis, statim esse ad Sicyonem oppugnandum profectum. neque tamen id ipsum certum habeo, quando ad Antonium proficiscare, aut quid in Epiro temporis ponas. ita neque Achaicis hominibus, neque Epiroticis paullo liberiores litteras committere audeo. Sunt autem post discessum a me tuum res dignæ litteris nostris, sed non committendæ ejusmodi periculo, ut aut interire, aut aperiri, aut intercipi possint. ⁴⁴ Primum igitur scito, primum me non esse rogatum sententiam, præpositumque esse nobis pacificatorem Allobrogum, idque admurmurante senatu, neque me invito, esse factum. sum enim et ab observando homine perverso liber, et ad dignitatem in republica retinendam contra illius voluntatem solutus: et ille secundus in dicendo locus habet auctoritatem pæne principis, et voluntatem non nimis devinctam beneficio consulis. Tertius est Catulus, quartus (si etiam hoc quæris) Hortensius. ⁴⁵ Consul autem ipse parvo animo et pravo, tantum ⁴⁶ cavillator genere illo moroso, quod etiam sine dicacitate ridetur, facie magis, quam faciliis ridiculus, ⁴⁷ nihil agens cum republica, sejunctus ab optimatibus: a quo nihil speres boni reipublicæ, quia non vult; nihil metuas mali, quia non audet. ejus autem

sum puto. nimis abruptum est: epistolæ fuerunt omnes rhetorum. Si *rhetoris* esset: utcumque ferri posset. Sed libri nihil juvant.

⁴² *Epistolam graviores -- pellectione relevavit.*] Lépide. Dicit, raros fideles tabellarios, qui non referent litteras, quas sciant de rebus gravibus scriptas: sicuti qui litteras pecunia graves ferunt, dicere possimus eas ferre non posse, nisi relevant pondere detrahendo, &c.

⁴³ *Cæsis apud Amaltheam victimis -- ad Sicyonem opp.*] Elegans locus. Comparat adventum Attici in Græciam, et iter, quod pecuniarum exigendarum causa suscepit, cum itinere et adventu imperatoris, qui cum in litus egressus est, sacra facit, deinde progreditur ad urbes oppugnandas, &c. Sic Atticum dicit, sacris post

adventum in Epirum apud villam suam factis, progredi ad debitores aggrediendos et ad solutionem cogendos.

⁴⁴ *Primum igitur scito, primum me, &c.*] Alterum primum non est in edd. pr. præter Rom. Addidit Victorius, post, inde opinor, P. Manutius. non bene sonat hæc repetitio ejusdem verbi: sed tamen in illis, *me non rogatum e. s.* verbum id est necessarium, ut e sequentibus patet. Sed et potest intelligi ordo hic: *igitur scito, primum me, &c.* ita non opus erit addere.

⁴⁵ *Consul autem.*] Intoll. Pisonem, qui post nominatur.

⁴⁶ *Cavillator genere illo moroso.*] Excidisse puto de vel e.

⁴⁷ *Nihil agens cum rep.*] I. e. in agendo non est cum rep. conjunctus: non spectat utilitatem reipublicæ.

collega et in me perhonorificus, et partium studiosus, ac defensor bonarum. quinimmo leviter inter se dissident. Sed vereor, ⁴⁸ ne hoc, quod infectum est, serpat longius. credo enim te audisse, cum apud Cæsarem pro populo fieret, venisse eo muliebri vestitu virum; idque sacrificium cum virgines instaurassent, mentionem a Q. Cornificio in senatu factam: (is fuit princeps; ne tu forte aliquem nostrum putes;) ⁴⁹ postea rem ex senatus consulto ad pontifices relatum, idque ab iis nefas esse decretum: deinde ex senatus consulto consules rogationem promulgasse; uxori Cæsarem nuntium remisisse. In hac causa Piso, amicitia P. Clodii ductus, operam dat, ut ea rogatio, quam ipse fert, et fert ex senatus consulto et de religione, antiquetur. Messala vehementer adhuc agit severe. boni viri precibus Clodii remouentur a causa: operæ comparantur, nosmetipsi, qui Lycurgei a principio fuissetus, quotidie demitigamur. instat et urget Cato. Quid multa? vereor, ne hæc, neglecta a bonis, defensa ab improbis, ⁵⁰ magnorum rei publicæ malorum causa sint. ⁵¹ Tuus autem ille amicus, (scin' quem dicam?) de quo tu ad me scripsisti, posteaquam non auderet reprehendere, laudare coepisse, nos, ut ostendit, admodum diligit, amplectitur, amat, aperte laudat; occulte, sed ita, ut perspicuum sit, invidet. nihil come, nihil simplex, nihil ἐν τοῖς πολιτικοῖς honestum, nihil illustre, nihil forte, nihil liberum. Sed hæc ad te scribam alias subtilius. nam neque adhuc mihi satis nota sunt: et huic, terræ filio, nescio cui, committere epistolam tantis de rebus non ardeo. Provincias prætores nondum sortiti sunt. res eodem est loci, quo reliquisti, τοποθεσίαν, quam postulas, Miseni et Puteolorum, ⁵² includam orationi meæ. A. d. 111 Non. Decemb. ⁵³ mendose fuisse animadverteram. Quæ laudas ex orationibus, mihi crede, valde mihi placebant: sed non audebam antea dicere. nunc vero, quod a te probata sunt, multo mihi ἀρρικώτερα videntur. In illam oratio-

48 Ne hoc, quod infectum est.] Alias dicit Cicero, ne contagio serpat longius: sed hoc loco expressit vitium cum annecto.

49 Postea rem ex Scto ad pontifices relatum.] Proprium in hac re verbum erat delatum: et sic videtur legendum. nam hæc duo verba sæpe in libris permutantur.

50 M. in causa sint.] Sint cum Grævio dedimus pro sit, quod et in Mess. reperitur.

51 Tuus autem ille amicus.] Hortensium intelligit Taustallus p. 36. rectius quam alii, qui Pompeium intelligunt.

52 Includam orationi meæ.] Cui? Catilinariam aliquam intelligunt, quia Nonæ Decembres statim commemorantur. non credo. intelligo: ei, in qua tu vitium τοποθεσίας animadveristi et de eo monuisti.

53 Mendose f. animadverteram.] Sc. ante quam tu me monuisti.

nem Metellinam addidi quædam. liber tibi mittetur; quoniam te amor nostri φιλοφρονα reddidit. ⁵⁴ Novi tibi quidnam scribam? quid? etiam. Messala consul Autronianam b. domum emit H-S ccccxvii. quid id ad me, inquires? tantum, quod ea emtione et nos bene emisse iudicati sumus: et homines intelligere cœperunt, licere ⁵⁵ amicorum facultatibus in emendo ad dignitatem aliquam pervenire. Teucris illa lentum negotium est, sed tamen est in spe. tu ista confice. a nobis liberiores epistolam exspecta. vi Kalend. Febr. M. Messala et M. Pisone coss.

CICERO ATTICO S.

14

VEREOR, ne putidum sit scribere ad te, quam sim occupatus; sed tamen distinebar, ut huic vix tantulæ epistolæ tempus haberim, atque id ereptum e summis occupationibus. Prima concio Pompeii qualis fuisset, scripsi ad te autea, non jucunda miseris, inanis improbis, beatis non grata, bonis non gravis, itaque frigebat. tum Pisonis consulis impulsu levissimus tribunus plebis Fufius in concionem produxit Pompeium. res agebatur in circo Flaminio: et erat in eo ipso loco illo die nundinarum πανηγυρις. quæsivit ex eo, placeretne ei, iudices a prætore legi, quo consilio idem prætor uteretur. id autem erat de Clodiana religione ab senatu constitutum. tum Pompeius μάλ' ἀριστοκρατικῶς locutus est, senatusque auctoritatem sibi omnibus in rebus maximam videri, semperque visam esse, respondit, et id multis verbis. Postea Messala consul in senatu de Pompeio quæsivit, quid de religione, et de promulgata rogatione sentiret. locutus ita est in senatu, ut omnia illius ordinis consulta ⁵⁶ γενικῶς laudaret: mihiq; ut assedit, dixit, se putare, satis ab se ⁵⁷ etiam de istius rebus esse responsum. Crassus posteaquam vidit, illum excepisse lau-

⁵⁴ Novi tibi quidnam scribam? quid? etiam.] Non convenit τῷ etiam illa interrogatio quidnam? quid? nam etiam habet vim affirmandi; cui illa interrogatio non convenit: sed, novi tibi quid vel aliquid scribam? itaque delerim nam, nisi etiam h. l. significat, immo scio quid scribam, nam id correctioni servit.

⁵⁵ Amicorum facultatibus.] l. e. mutua pecunia ab amicis sumenda ad emendum, ut ipse feci domo emenda, et iure alieno contrahendo.

⁵⁶ γενικῶς.] V. Ind. Græcum.

⁵⁷ Etiam de istius rebus.] Hoc com- modum sensum non habet. Eleganter concepit Taustallus p. 34. de mei ipsius rebus. nam id optime consentit sequentibus. Alii istius referunt ad Ciceronem, δεικνύσας, quod bene haberet, si coram ista dixisset Attico. in oratione ad absentem locum non habent. alii de meis, vel nostris rebus. ad Ciceronem quidem pertinere, sequentia docent. itaque correctio Pop- ular, de istis, non habet locum, quod ad antecedentia pertinere, nec ei convenit etiam.

- p. 9. dem ex eo, ^aquod suspicarentur homines, ei consulatum meum placere, surrexit, ornatissimeque de meo consulatu locutus est; ut ita diceret, se, quod esset senator, quod civis, quod liber, quod viveret, mihi acceptum referre; quoties conjugem, quoties domum, quoties patriam videret, toties se beneficium meum videre. Quid multa? totum hunc locum, ⁵⁸quem ego varie meis orationibus, quarum tu Aristarchus es, soleo pingere, de flamma, de ferro, (nosti illas *ληρόδους*.) valde graviter pertexuit. Proxime Pompeium sedebam. intellexi hominem moveri; utrum Crassum inire eam gratiam, quam ipse prætermisisset, an esse tantas res nostras, quæ tam libenti senatu laudarentur, ab eo præsertim, qui mihi laudem illam eo minus deberet, quod ⁶⁰meis omnibus litteris in Pompeiana laude perstrictus esset. Hic dies me valde Crasso adjunxit: et tamen, ab illo aperte, tecte quidquid est datum, libenter accepi. ego autem ipse, dii boni! quod modo *ἐνπεπερευσάμην* novo auditori Pompeio? si umquam mihi *περίοδοι*, *ἡ καμπαι*, *ἡ ἐνδυμήματα*, *ἡ κατασκευαὶ* suppeditaverunt, illo tempore. Quid multa? clamores. etenim hæc erat *ἐπιδέσεις*, de gravitate ordinis, de equestri concordia, de consensione Italiæ, ⁶¹de immortalis reliquiis conjurationis, ⁶²de vilitate, de otio. nosti jam in hac materia sonitus nostros: tanti fuerunt, ut ego eo brevior sim, quod eos usque istim exanditos putem. Romanæ autem se res sic habent. Senatus *ἀρεῖος πάρος*, nihil constantius, nihil severius, nihil fortius. nam cum dies venisset rogationi ex senatus consulto ferendæ, concursabant barbatuli juvenes, totus ille grex Catilinæ, ⁶³duce filiola Curionis, et populum, ut antiquaret, rogabant. Piso autem consul, lator rogationis, idem erat dissuasor. operæ Clodianæ pontes occupant. tabellæ ministrabantur ita, ut

58 Quod hi s. h.] Hi, vel ii, quod quidam libri habent, hic locum non habet, delevique cum Grævio.

59 Quem ego varie, &c.] Tunstallus p. 39. addit in aristocratia, i. e. consultat: quem in aristocratia varie, &c. e codice Tornæsiano. Habent et edd. Jens. Ascens. et cetera veteres. Delevit primus Victorius, nec mihi placet.

60 Meis omnibus litteris] Exquisite pro scriptis libris, orationibus inprimis. v. Clav. mox ab illo int. Pompeio.

61 De immortalis reliquiis conj.] Non placet immortalis: nam immortalis est, qui

in aliquo actu, conatu mortuus est: quod est alienum. An intermortuis? (ut intermortui plausus alibi dicuntur) i. e. fractis, debilitatis ita, ut mox plane interitura sint, ut apud Livium aliquis in concione intermortuus dicitur fuisse, qui paullo post mortuus sit.

62 De vilitate.] Sc. annonæ, præfectura annonæ Pompeio decernenda ab ipso affecta. hoc cum Grævio revocavi e Victoriana et Manutiana a. 1540. pro utilitate.

63 Duce filiola Curionis.] Filio Curionis, qui cum Antonio sædam consuetudinem habebat.

nulla daretur UTI ROGAS. ⁶⁴ Hic tibi Rostra Cato advolat, convicium Pisoni consuli mirificum facit; si id est convicium, vox plena gravitatis, plena auctoritatis, plena denique salutis. accedit eodem etiam noster Hortensius, multi præterea boni. insignis vero opera Favonii fuit. Hoc concursu optimatum comitia dimittuntur: Senatus vocatur. cum decerneretur frequenti senatu, contra pugnante Pione, ad pedes omnium singillatim accidente Clodio, ut consules populum cohortarentur ad rogationem accipiendam; homines ad xv Curioni, nullum senatus consultum facienti, assenserunt: ex altera parte facile cccc fuerunt. acta res est. Fufius tribunus tum concessit. Clodius ⁶⁵ conciones miserabiles habebat, in quibus Lucullum, Hortensium, C. Pisonem, Messalam consulem contumeliose lædebat; ⁶⁶ me tantum comperisse omnia criminabatur. Senatus et de provinciis prætorum, et de legationibus, et de ceteris rebus decernebat, ut ante, quam rogatio lata esset, ne quid ageretur. Habes res Romanas. sed tamen etiam illud, quod non speraram, audi. Messala consul est egregius, fortis, constans, diligens, nostri laudator, amator, imitator. ⁶⁷ ille alter uno vitio minus vitiosus; quod iners, quod somni plenus, quod imperitus, quod ἀπρακτικός, sed voluntate ita καχύκνης, ut Pompeium post illam concionem, qua ab eo senatus laudatus est, odisse coeperit. itaque mirum in modum omnes a se bonos alienavit. neque id magis amicitia Clodii adductus facit, quam studio perditarum rerum atque partium. sed habet sui similem in magistratibus, præter Fufium, neminem. Bonis utimur tribunis plebis, Cornuto vero pseudocatone. Quid quæris? nunc ad privata redeam, Τεύκρης promissa patravit. tu mandata effice, quæ recepisti. Quintus frater, qui Argiletani ædificii reliquum dodrantem emit H-S DCCXXV, Tusculanum venditat, ut, si possit, emat Pacilianam domum. Cum Lucceio in gratiam redi. video hominem valde petiturire. navabo ope-

p. 10.

⁶⁴ Hic tibi Rostra C. advolat.] Durior est omissio prepositionis. Sed non sine exemplo, saltem apud poetas.

⁶⁵ Conciones m. habebat.] Productus est. a Fufio trib. pl. miseris, in quibus hæc dicebat, quod cause sue prodesset, tantum maledicebat, criminabatur.

⁶⁶ Me tantum comperisse omnia criminabatur.] Nempe hoc ad irridendum Ci-

ceronem solebant dicere, eum omnia comperisse, quod in consulatu aliquoties de rebus Catilinæ id dixerat. vid. ad Div. V, 5.

⁶⁷ Ille alter uno vitio minus vitiosus.] Lepide. Unum vitium inest Pisoni, propter quod reliqua vitia minora, aut irrita sunt, quia minus noxia sunt eo vitio, i. e. inertia et ignavia.

ram. Tu, quid agas, ubi sis, cujusmodi istae res sint, fac me quam diligentissime certiores. Idibus Febr.

15

CICERO ATTICO S.

ASIAM Quinto, suavissimo fratri, obtigisse audiam: non enim dubito, quin celerius tibi hoc rumor, quam ullas postram litterae nuntiarint, nunc quoniam et laudis avidissimi semper fuimus, et praeter ceteros φιλέλλητες et sumus, et habemur, et multorum odia atque inimicitias, reipublicae causa suscepimus; παντοίης ἀπερίτης μυνήσκετο, cura quoque, effice, ut ab omnibus et laudemur et amemur. His de rebus plura ad te in ea epistola scribam, quam ipsi Quinto dabo. Tu me, velim, certiores facias, quid de meis mandatis egeris, atque etiam, quid de tuo negotio. nam ut Brundisio profectus es, nullae mihi abs te sunt redditae litterae. valde haveo scire quid agas. Idib. Mart.

16

CICERO ATTICO S.

QUÆRIS ex me, quid acciderit ⁶⁶de iudicio, quod tam praeter opinionem omnium factum sit: et simul vis scire, quo modo ego minus, quam soleam, proeliatus sim: respondebo tibi ὑστερον πρότερον, Ὀμηρικῶς. Ego enim, quam diu senatus auctoritas mihi defendenda fuit, sic acriter et vehementer proeliatus sum, ut clamor concursusque maxima cum mea laude fierent. quod si tibi umquam sum visus in republica fortis, certe me in illa causa admiratus esses. cum enim ⁶⁹ille ad conciones confugisset, in iisque meo nomine ad invidiam uteretur, dii immortales! quas ego pugnās et quantas strages edidi? quos impetus in Pisonem, in Curionem, in totam illam manum feci? quo modo sum insectatus levitatem senum, libidinem juventutis? saepe, ita me dii juvent! te non solum auctorem consiliorum meorum, verum etiam spectatorem pugnarum mirificarum desideravi. Postea vero quam Hortensius excogitavit, ut legem de religione Fufius tribunus plebis ferret; in qua nihil aliud a consulari rogatione differebat, ⁷⁰nisi iudicium genus; (in eo autem erant omnia;) pugnavitque,

⁶⁶ De iudicio, quod - - factum sit.]

Est iudicium Clodianum de violatis sacris.

Factum sit, ad eventum iudicii pertinet.

⁶⁹ Ille ad conciones confugisset.] De

quibus supra, ep. 14.

⁷⁰ Nisi iudicium genus.]

Rogatio consularis jubebat iudices legi extra ordinem:

Fufius, ut sorte, de more, legerentur a de-

curtis iudicem.

ut ita fieret, quod et sibi et aliis persuaserat, nullis illum iudicibus corrumpere posse: contraxi vela, perspicientes ⁷¹ inopiam iudicum; neque dixi quicquam pro testimonio, nisi quod erat ita notum atque testatum, ut non possem praeterire. itaque, si causam quaeris absolutionis, (ut jam *ποδὲρ τὸ ἀπόρεσθαι* revertar,) egestas iudicum fuit, et turpitudine. Id autem ut accideret, commissum est Hortensii consilio: quidum veritus est, ne Fufius ei legi intercederet, quæ ex senatus consulto ferebatur, non vidit illud, satius esse, illum ⁷² in infamia relinqui ac sordibus, quam infirmo iudicio committi. sed ductus odio properavit rem deducere in iudicium; cum illum plumbeo gladio jugulatum iri tamen diceret. Sed iudiciū, si quaeris, quale fuerit; incredibili exitu; sic, uti nunc ex eventu ab aliis, a me tamen ex ipso initio consilium Hortensii reprehendatur, nam ut ⁷³ reiectio facta est clamoribus maximis; cum accusator, tamquam censor bonus, homines nequissimos rejiceret: reus, tamquam clemens lanista, frugalissimum quemque secerneret; ut primum iudices consederunt, valde diffidere boni coeperunt. non enim umquam turpior in ludo talario concessus fuit. maculosi senatores, nudi equites, tribuni non tam ærati, quam, ut appellantur, ærarii. pauci tamen boni incrant, quos rejectione fugare ille non potuerat; qui moesti inter sui dissimiles, et moerentes sedebant, et ⁷⁴ contagione turpitudinis vehementer permovebantur. hic, ut quæque res ad consilium ⁷⁵ primis postulationibus referebatur, incredibilis erat severitas, nulla varietate sententiarum: nihil impetrarat reus: plus accusatori dabatur, quam postulabat: triumphabat (quid quaeris?) Hortensius se vidisse tantum: nemo erat, qui illum reum, ac non milites condemnatum arbitraretur. me vero teste producto, credo te, ⁷⁶ ex acclamatione Clodii advocatorum, audisse, quæ consurrectio iudicum facta sit, ut me circumsteterint,

P. 11.

71 *Inopiam iudicum.*] Post egestatem iudicum commemorat. Videbat Cicero eos propter inopiam facile corrumpi posse, unde post *infirmum iudicium* vocat.

72 *In infamia relinqui ac sordibus.*] Reum manere facinoris et suspectum, cum non esset absolutus iudicio legitimo. Edd, quædam veti. *infamiae relinqui sordibus.*

73 *Reiectio f. est clamoribus maximis.*] Sc. populi indignantis, quod homines optimi reijcerentur ab reo, ne inter iudices essent.

74 *Contagione turpitudinis.*] Quod ti-

mebant, ne et ipsi, absoluto Clodio, in infamiam corruptionis venirent.

75 *Primis postulationibus.*] Cum aliquid peteret a prætoro et iudicibus ante, quam causa dicebatur, quod ad agendam causam pertinere videretur. quidam habent *petitionibus*; quæ est *gloriosa*.

76 *Ex acclamatione advocatorum.*] Non pendet ab audisse, sed coniungitur cum *consurrectio f. s. cum advocati Clodii reclamarent, et Ciceronem testem repudiarent.* Sed ex paullo durius est.

ut aperte jagula sua pro meo capite P. Clodii ostentarent. quæ mihi res multo honorificentior visa est, quam aut illa, cum jurare ⁷⁷ tui cives Xenocratem testimonium dicentem prohibuerunt; aut cum tabulas Metelli Numidici, cum hæc, ut mos est, circumferrentur, nostri judices aspicere notuerunt. multo hæc, inquam, nostra res major. Itaque judicum vocibus, cum ego sic ab iis, ut salus patriæ, defenderer, fractus reus, et una patroni omnes conciderunt. ad me ^{b.} autem eadem frequentia postridie convenit, quacum abiens consulatū sum domum reductus. clamare præclari Ariopagitæ, se non esse venturos, nisi præsidio constituto. refertur ad consilium: una sola sententia præsidium non desideravit. deferitur res ad senatum; gravissime ornatissimeque decernitur: laudantur judices: datur negotium magistratibus: responsurum hominem nemo arbitrabatur. *Ἐπετε νῦν μοι μοῦσαι, ὅπως δὴ πρῶτον κῆρ ἔμπεσε.* nosti ⁷⁸ Calvum, ex Nanneianis illum, illum laudatorem meum, de cujus oratione erga me honorifica ad te scripseram. biduo per unum servum, et eum ex gladiatorio ludo, ⁷⁹ confecit totum negotium: arcessivit ad se, promisit, intercessit, dedit. jam verbū (o dii boni! rem perditam!) etiam noctes certarum mulierum, atque adolescentulorum nobilium introductiones nonnullis iudicibus pro mercedis cumulo fuerunt. ita, summo discessu bonorum, pleno foro servorum, xxv judices ita fortes tamen fuerunt, ut, summo proposito periculo, vel perire maluerint, quam perdere omnia. xxxi ⁸⁰ fuerunt, quos fames magis, quam fama commoverat. quorum Catulus cum vidisset quendam, Quid vos, inquit, præsidium a nobis postulabatis? an, ne numi vobis eriperentur, timebatis? Habes, ut brevissime potui, genus iudicii, et causam absolutionis. Quæris deinceps, qui nunc sit status rerum, et qui meus. Reipublicæ statum illum, quem tu meo consilio, ego divino confirmatum putabam, qui bonorum omnium conjunctione, et auctoritate consulatus mei, fixus et fundatus videbatur, nisi quis nos deus respexerit, elapsū

⁷⁷ Tui cives.] Athenienses: quos cives Attici vocat, quod ille amabat Athenienses, unde et Atticus dictus.

⁷⁸ Calvum, ex Nanneianis illum.] M. Crassum, de cuius laudibus in Ciceronem congestis supra scripsit. Calvus per jocum dicitur, quia, cum Nannei a Sulla proscripti bona emisset per procuratores,

in tabulis curavit scribi, ex bona emta Licinio Calvo: nam et Licinii Calvi fuere.

⁷⁹ Confecit totum negotium.] Sc. corripenderam iudicium.

⁸⁰ Fuerunt, quos - - commoverat.] Sc. commoveret, sive ex ed. Rom. commoverat, etiam ante est in eadem forma maluerint, ad quod sc. hoc a librariis est conformatum.

scite esse de manibus uno hoc iudicio: si iudicium est,
^{a1} triginta homines populi Romani levissimos ac nequissi-
 mos, numulis acceptis, jus ac fas omne delere, et, quod om-
 nes non modo homines, verum etiam pecudes factum esse
 sciant, id Talam, et Plautum, et Spongiam, et ceteras hu-
 jusmodi quisquilias statuere, numquam esse factum. Sed p. 12.
 tamen, ut te de republica consolere, non ita, ut sperarunt
 mali, tanto imposito reipublicæ vulnere, alacris exultat im-
 probitas in victoria. nam plane ita putaverunt, cum religio,
 cum pudicitia, cum iudiciorum fides, cum senatus auctori-
 tas concidisset, fore, ut aperte victrix nequitia ac libido pœ-
 nas ab optimo quoque peteret sui doloris, quem improbis-
 simo cuique inusserat severitas consulatus mei. Idem ego
 ille, (non enim mihi videor insolenter gloriari, cum de me
 apud te loquor, in ea præsertim epistola, quam nolo aliis
 legi,) idem, inquam, ego recreavi afflictos animos bonorum,
 unumquemque confirmans, excitans. insectandis vero exa-
 gitandisque numariis iudiciis, omnem omnibus studiosis
 ac fautoribus illius victoriæ *παρρησίαν* eripui: Pisonem con-
 sulem nulla in re consistere umquam sum passus: de-
 sponsam homini jam Syriam ademi: senatum ad pristinam
 suam severitatem revocavi, atque abjectum excitavi: Clo-
 dium præsentem fregi in senatu, cum oratione perpetua,
 plenissima gravitatis, tum altercatione ejusmodi, ex qua
 licet pauca degustes. nam cetera non possunt habere neque
 vim, neque venustatem, remoto illo studio contentionis,
 quem *ἀγῶνα* vos appellatis. Nam, ut Idib. Maii in senatum
 convenimus, rogatus ego sententiam, multa dixi de summa
 republica, atque ille locus inductus a me est divinitus: ne,
 una plaga accepta, patres conscripti conciderent, ne defi-
 cerent: vulnus esse ejusmodi, quod mihi nec dissimulan-
 dum, nec pertimescendum videretur: ne aut metuendo igna-
 vissimi, aut ignorando stultissimi judicaremur: bis abso-
 lutum esse Lentulum, bis Catilinam: hunc tertium jam esse
 a iudiciis ^{a2} in rempublicam immissum. Erras, Clodi,
 non te iudices urbi, sed carceri reservarunt; neque te reti-
 nere in civitate, ^{a3} sed exsilio privare voluerunt. Quam-

^{a1} Triginta homines populi Rom.] Dixit
 triginta rotunde pro XXXI. Sed populi
 Romani mihi suspectum est.

^{a2} In remp. immissum.] Sc. non dam-
 nando: ut jam posset rempublicam vexare.

^{a3} Sed exsilio privare.] Nempe ut bono,
 beneficio: quod bene consultum putarent
 Clodio, si in exsiliū damnatus abiret:
 cum nunc potius graviore relinqueretur.

obrem, patres conscripti, erigite animos, ~~refutato~~ vestram dignitatem. manet illa in republica bonorum consensus: dolor accessit bonis viris, virtus non est imminuta: nihil est damni factum novi: sed, quod erat, inventum est. in unius hominis perditio iudicio plures similes reperti sunt. Sed quid ago? pæne orationem in epistolam inclusi. Redeo ad altercationem. Surgit pulchellus puer: objicit mihi, me ad Baias fuisse. ⁸⁴ falsum: sed tamen quid hoc? simile est, inquam, quasi dicas in operto fuisse. Quid, inquit, ⁸⁵ homini Arpinati cum aquis caldis? narra, inquam, ⁸⁶ patrono tuo, qui ⁸⁷ Arpinatis aquas concupivit: ⁸⁸ nosti enim marinas. Quousque, inquit, hunc regem feremus? regem appellas, inquam, cum Rex tui mentionem nullam fecerit? (ille autem Regis hereditatem spe devorarat.) Domum, inquit, emisti. putes, inquam, dicere, iudices emisti: iuranti, inquit, tibi non crediderunt. mihi vero, inquam, XXV iudices crediderunt: XXXI, quoniam numos ante acceperunt, tibi nihil crediderunt. magnis clamoribus afflictus conticuit, et concidit. Noster autem status est hic. apud bonos iidem sumus, quos reliquisti; apud sordem urbis, et fæccem multo melius nunc, quam reliquisti. nam et illud nobis non obest, videri nostrum testimonium non valuisse. ⁸⁹ missus est sanguis invidiæ sine dolore; atque etiam hoc magis, quod omnes illi fautores illius flagitii, ⁹⁰ rem mani-

p. 13.

a.

⁸⁴ *Falsum.*] Tunstallus eleganter ac vere, p. 51. corrigit *salsum*. nempe hoc est respondentis Clodio Ciceronis. post interpungit: *sed tamen quid? hoc est simile*, quod non placet. Vulgatum verum est: quid, aut quale est, quod mihi exprobras? quasi hoc esset tale, quale tuum est illud, quod in operto Bonæ Dæce fuisti.

⁸⁵ *Homini Arpinati.*] I. e. rustico, quem non decent lautitiæ vitæ.

⁸⁶ *Patrono tuo.*] Clodiæ sorori, quæ te per amasios suos tuetur.

⁸⁷ *Arpinates aquas.*] Nempe Ciceroni illa Clodia appetiverat, ut tradit Plutarchus in Cicerone. Idem Tunstallus corrigit *Arpinatis*; quod placet, nam sic edd. pr. et melius respondet antecedenti: quid homini Arpinati. Sed ille intelligit Marii, qui et ipse Arpinas fuit, villas ad Baias, quas M. Crassus appetiverat, quem et patroni nomine intelligit: quod mihi alienum videtur, nec convenit sententiæ universæ: quæ pertinet ad docendum, Arpinates homines non esse alienos ab

elegantia: et vix *aquæ* sic intelligi possunt.

⁸⁸ *Nosti enim marinas.*] Sic ed. Jens. In Rom. et Ascens. pr. est *Marianas*, ex ed. Med. opinor. quod nonnulli prætulere, præfert etiam Tunstallus, ut consuetudinis suæ interpretationi. *marinus* intelligunt de Clodio stuprato a piratis, quorum in manus olim venerat. Fateor me nexum huius scœmmatis cum superioribus non videre. Sed non magis in altera lectione satis perspicio aptum scœsum: nam si *Marianas* aquæ sunt villæ illæ, secundum Tunstalli rationem, idem bis dicitur.

⁸⁹ *Missus est sanguis invidia.*] I. e. ille testimonii nostri contentus profuit nobis ad invidiam extinguendam, nec multum nobis ille doloris attulit.

⁹⁰ *Rem manifestam illum.*] Hoc non verum videtur. Cicero videtur dixisse, manifestam esse, iudicium illud redemptum et corruptum fuisse, facinus ipsum, quæ esset res manifesta, non redimitur, saltem non a iudicibus. Tum nimis frequens est

festam illam redemptam esse a iudicibus confitentur. ⁹¹ Accedit, quod illa concionalis hirudo ærarii, misera ac jejuna plebecula, me ab hoc Magno unice diligi putat: et hercule multa et jucunda consuetudine conjuncti inter nos sumus, itaque eo, ut nostri isti commissatores conjurationis, barbari juvenes, illum in sermonibus Cnæum Ciceronem appellent. itaque et ludis, et gladiatoribus, mirandas *ἐκτρομαχίας*, sine ulla pastoricia fistula, auferebamus. Nunc est expectatio comitiorum, in qua omnibus invitis trudit noster Magnus Auli filium; atque in eo neque auctoritate, neque gratia pugnat, sed ⁹² quibus Philippus omnia castella expugnari posse dicebat, in quæ modo asellus onustus auro posset ascendere. ⁹³ Consul autem ille, Doterionis histri-
onis similis, suscepisse negotium dicitur, et domi divisores habere: quod ego non credo. sed senatus consulta duo jam facta sunt, odiosa, quod in consulem facta putantur, Cato et Domitio postulante; unum, ut apud magistratus inquiri liceret; alterum, ⁹⁴ cujus domi divisores haberent adversus rempublicam. Lurco autem tribunus plebis, ⁹⁵ qui magistratum simul cum lege Ælia iniit, solutus est et Ælia, et Fufia, ut legem de ambitu ferret; quam ille ⁹⁶ bono auspicio claudus homo promulgavit. ita comitia in ante diem VI Kal. Sext. dilata sunt. novi est in lege hoc, ut, ⁹⁷ qui

pronomen ille, quod tribus versibus quinque est. Itaque legerim rem manifeste redemptam esse, vel manifestam illam pro glossa deleverim.

91 Accedit, quod, &c.] Etiam id interdum temere verbo accedit additum est a librariis. delevi illud.

92 Quibus Ph.] Intelligitur aurum: sed pluralem posuit, quia duo præcedunt, auctoritas et gratia.

93 Consul ille.] Est Piso. Doterionis est correctio Bosii et Ms. in quo erat Doterionis pro vulg. deterioris.

94 Cujus domi div. haberent.] Primi editores dederunt, ut Rom. Jensonus, Asc. 1. habitarent, item mihi pro domi, quæ est correctio. Aldus haberent dedit, sed servato cujus modi, quod servatum est diu. Græterus dedit cujus domi - - habitarent: in ed. Gronovii factum haberent, nescio an consulto. habere pro habitare dici potest sine dubio. Sed an dici possit alicujus domi habere, ea quæstio est, et id nunc credo, nec exemplum tale reperi. nec credo, commode dici posse, domi alicujus divisores habitare. Legendum est qui. nam id respondet illi de Pisone, qui domi divi-

sos haberet. Forte et alterum est inauditum: nam inquiri simpliciter positum est, nec additur, de quo inquirere liceret: sed id videtur esse hoc ipsum, qui domi haberent divisores. Alterum autem Scitum est de Lurcone, ut legem ferret. quia ei non additur numeri verbum, putaverant alterum excidisse librarii, et alieno loco addiderunt. Sed et alia loca reperta sunt, in quibus post unum aut primum non diserte est alterum vel secundum.

95 Qui magistratum simul - - Fufia.] Hoc vix intelligi potest: nec incorruptum puto. Tanstallus, qui id sensit, p. 70. conjecit, qui magistratus, i. e. tribunatus, quod lex Ælia ita confirmasset intercessionem, ut tum tribunatus inceptisse videretur. Sed magistratus iniit dici sic non potest. Ego locum sic corrigendum puto: qui magistratum simul (pro simulac) iniit, solutus est lege Ælia et Fufia. Solutus autem est senatus consulto.

96 Bono auspicio claudus homo.] In hoc est jocus Ciceronis: malum enim auspici-um erat, quod legem claudus ferret.

97 Qui nunos in tribu pronuntiarit.] In tribu vitiosum est: nam in tribu præ-

numos in tribus pronuntiarit, si non dederit, ⁹⁷ si non dederit, ut, quoad vivat, singulis tribubus ⁹⁸ *κιο κιο* debeat. Dixi, hanc legem P. Clodium ⁹⁹ *κιο κιο* servasse: pronuntiare enim solitum esse, et non dare. Sed heus tu! videsne, consulatum illum nostrum, quem Cato antea *ἀροδισμὸν* vocabat, ¹⁰⁰ si hic factus erit, ¹⁰¹ fabam innum futurum? quare, ut opinor, *φιλοσοφίαν*, id quod tu facis, et istos consulatus ¹⁰² non flocci *ἐστίν*. Quod ad me scribis, te in Asiam statuuisse non ire; equidem mallet, ut iras: ac vereor, ne quid in ista re minus commode fiat. sed tamen non possum reprehendere consilium tuum, praesertim cum ego met in provinciam non sum profectus. Epigrammatis tuis, quæ in Amaltheo posuisti, contenti erimus, praesertim cum et Chilius nos reliquerit, et Archias nihil de me scripserit; ac vereor, ne, Lucullis quoniam Græcum poema condidit, nunc ad Cæcilianam fabulam spectet. Antonio tuo nomine gratias egi; eamque epistolam Manlio dedi. Ad te ideo antea rarius scripsi, quod non habebam idoneum, cui darem; nec satis sciebam, quid darem. Vale. Te vindi-

nuntiare non dicitur. Edidi in tribus: quod et sequentibus consentit: singulis tribubus, &c. Sic esse legendum coniecere Corradus et alii. at sic est in edd. Jens. Ascens. Est tribus ex ed. Rom. unde Aldina videtur transisse. In ed. Rom. est mox tribubus, iode in margine ed. Crat. et sceleritia sine numero 3000.

98 Si hic f. e.] Auli filios, Afranius, homo indignissimus consulatu, ut patet ex epp. ultimis hujus libri.

99 Fabam innum futurum.] Valde exercuit hic locus viros doctos; unde variae ortæ conjecturæ, quas omnes commemorare tædet. Lectio edd. pr. est *fabam numum*: Victorius dedit *fabam minum*; e *fabam minum*, quod in Mss. antiquis omnibus repertum tradit, nec tamen ei lectioni satis confidit. Si *numum* est a Cicerone, sensus est: erit nomen inane, ut *fabam* pro numo est, ut apud poetas, non videtur. Horatii locus notus est: *quid distent ara lupinis*, i. e. verus numus a lupino, qui pro numo est. idem autem intelligunt in *fabam minum*: sed id est durius, quocumque modo expliçetur. Si coniecero placeat, corrigam *fabam puerum*, vel *puerum*, quod et inter Casauboni coniecturas est: favet illud Plauti, *non, ac. reperi, quod pueri in faba*: idque eundem sensum efficit, quod *fabam numum*.

100 Non flocci *ἐστίν*.] Mss. teste Vie-

torio et Malaspina non *floccisæcton*. Edd. indo ab Rom. Asc. 1. *nonne διαφύριον*. Ex ista recepit Victorius non *floccisæcton*, velut imitatione τῷ φιλοσοφίαν factum: item Lambius. Adr. Turnebus correxit *consulatus non flocci ἐστίν*: i. e. mittendi consulatus, ut res non flocci: quæ correctio probata Casaubono in textum recepta est a Grutero. estque sine dubio melius Tunstalliano p. 39. ἀφιλοσοφίαν.

1 Ne nunc ad Cæcilianam fabulam spectet.] I. e. ne nunc de Metellis, qui fuerunt e Cæciliis, scribat carmen, nam iis æque familiaris erat Archias, ac Lucullus. Id appellat per jocum Cæcilianam fabulam, per aliusiorem ad Cæcilium poetam scenicum.

2 Antonio.] Intelligit C. qui Ciceronis collega fuerat.

3 Vale. te vindicavi.] Sic ed. Jens. Vale omittit Asoeus. In valde mutavit Aldus, quod secuti sunt ceteri ad Victorium usque, qui edidit: Vale. Te vindicavi. Gruterus e Bosii correctione vile te venditari. Grævius revocavit vetus: Vale. Te vindicavi. Difficile est decernere. Edidi cum Grævio vetus. Valde tamen placet J. Fr. Gronovii correctio *belle te vindicavi*. Nam vale sane non placet, nam sequentia non habent formam appendicis facta epistola scripta.

cavi. Cincius si quid ad me tui negotii detulerit, suscipiam, sed nunc magis in suo est occupatus; in quo ego ei non desum. Tu, si uno in loco es futurus, crebras a nobis literas exspecta; ast plures etiam ipse mittito. Velim, ad me scribas, ejusmodi sit Ἀμαλθείον tuum, ornatu, quā τοποθεσία; et quæ poemata quasque historias de Ἀμαλθείῳ habes, ad me mittas. ⁴libet mihi facere in Arpinati. Ego tibi aliquid de meis scriptis mittam. nihil erat absoluti.

CICERO ATTICO S.

17

MAGNA mihi varietas voluntatis, et dissimilitudo opinionis ac judicii Quinti fratris mei, demonstrata est ex literis tuis, in quibus ad me epistolarum illius exempla misisti. qua ex re et molestia sum tanta affectus, quantam mihi meus amor summus erga utrumque vestrum asferre debuit; et admiratione, quidnam accidisset, quod afferret Quinto fratri meo, aut offensionem tam gravem, aut commutationem tantam voluntatis. Atque illud a me jam ante intelligebatur, quod te quoque ipsum discedentem a nobis suspicari videbam, subesse nescio quid opinionis incommodæ, ⁵saueiunque ejus animum insedissem quasdam odiosas suspiciones: quibus ego mederi cum eupercm antea sæpe, et vehementius etiam post sortitionem provincie; nec tantum intelligebam ei esse offensionis, quantum litteræ tuæ declarant, nec tantum proficiebam, quantum volebam. sed tamen hoc me ipse consolabar, quod non dubitabam, quin te ille aut Dyrrachii, aut in istis locis uspiam visurus esset. quod eum accidisset; confidebam ac mihi persuaseram fore, ut omnia placarentur inter vos non modo sermone ac disputatione, sed conspectu ipso congressuque vestro. nam, quanta sit in Quinto fratre meo eomitas, quanta jucunditas, quam mollis animus et ad accipiendam et ad deponendam offensionem, nihil attinet me ad te, qui ea nosti, scribere. sed accidit perincommode, quod eum nusquam vidisti. valuit enim plus, quod erat illi nonnullorum artificis inculeatum, quam aut officium, aut necessitudo, aut amor vester ille pristinus, qui plurimum valere debuit. At-

⁴ Libet mihi facere in Arpinati.] I. e. Amaltheum sive tui ædificare in villa mea Arpinati.

⁵ Saueiunque ejus animum, et insedissem, &c.] Credo delendum et: opiniones in-

sidere animum bene dicantur. nam et cum accusativo insidere dicitur. et est ex ed. Rom. que pro ejus habet esse: quo in ejus mutato debebat et deleri.

- que hujus incommodi culpa ubi resideat, facilius possum existimare, quam scribere. vereor enim, ne, dum defendam meos, non parcam tuis. nam sic intelligo, ut nihil a domesticis vulneris factum sit, illud quidem, quod erat, eos certe sanare potuisse. Sed hujusce rei totius vitium, quod ali-
- b. quanto etiam latius patet, quam vedetur, præsenti tibi commodius exponam. De iis litteris, quas ad te Thessalonica misit, et de sermonibus, quos ab illo et Romæ apud amicos tuos, et in itinere habitos putas; ⁶ ecquid tantum causæ sit, ignoro: sed omnis in tua posita est humanitate mihi spes hujus levandæ molestiæ. nam, si ita statueris, et irritabiles animos esse optimorum sæpe hominum, et eosdem placabiles; et esse hanc agilitatem, ut ita dicam, mollitiæque naturæ plerumque bonitatis, et, id quod caput est, nobis inter nos nostra sive incommoda, sive vitia, sive injurias esse tolerandas; facile hæc, quemadmodum spero, mitigabuntur. quod, ego, ut facias, te oro. nam ad me, qui te unice diligo, maxime pertinet, neminem esse meorum, qui aut te non amet, aut abs te non ametur. Illa pars epistolæ tuæ minime fuit necessaria, in qua exponis, quas facultates aut provincialium, aut urbanorum commodorum, et aliis temporibus, et ⁷ me ipso consule, prætermiseris. mihi enim perspecta est ingenuitas et magnitudo animi tui; neque ego inter me atque te quicquam interesse umquam duxi, præter ⁸ voluntatem institutæ vitæ: quod me ambitio quædam ad honorum studium, te autem alia minime reprehendenda ratio ad honestum otium duxit. Vera quidem laude probitatis, diligentiae, religionis, neque me tibi, neque quemquam antepono: amoris vero erga me, ⁹ cum a fraterno[amore] domesticoque discessi, tibi primas defero. vidi enim, vidi, penitusque perspexi, in meis variis temporibus, et sollicitudines et lætitiâs tuas. fuit mihi sæpe et laudis nostræ gratulatio tua
- p. 15. jucunda, et timoris consolatio grata. quin mihi nunc, te
- a. absente, non solum consilium, quo tu excellis, sed etiam sermonis communicatio, quæ mihi suavissima tecum solet esse, maxime deest. quid dicam? ¹⁰ in publica re? quo in

6 *Ecquid tantum causæ sit.*] Friget licet tantum. Cicero scripsit, opinor, tandem.

7 *Me ipso consule.*] Ipso augendi vim habet, me consule ipso, quo tempore etiam per me adjuvari potuisses ac debuisses.

8 *Voluntatem institutæ vitæ.*] Expri- mit Græcorum *προαισθησις*.

9 *Cum a fraterno amore domesticoque d.*] Amore delendum est, quod ob nimis vicini- num amoris valde friget. est a glossatore.

10 *In publica re?*] *Plinius* c. Ms. ad- didit ne: in publicane re, quod Gruterus imitatus est. nil interest, addatur, an omit- tatur.

genere mihi negligenti esse non licet; an in forensi labore? quem antea propter ambitionem sustinebam, nunc, ut dignitatem tueri gratia possim; an in ipsis domesticis negotiis? in quibus ego cum antea, tum vero post discessum fratris, te sermonesque nostros desidero. postremo non labor meus, non requies; non negotium, non otium; non forenses res, non domesticæ, non publicæ, non privatæ carere diutius tuo suavissimo atque amantissimo consilio ac sermone possunt. Atque harum rerum commemorationem verecundia sæpe impedivit utriusque nostrum. nunc autem ea fuit necessaria propter eam partem epistolæ tuæ; per quam te ac mores tuos mihi purgatos ac probatos esse voluisti. Atque in ista incommoditate alienati illius animi et offensi, illud inest tamen commodi, quod et mihi et ceteris amicis tuis nota fuit, et abs te aliquando testificata tua voluntas omittendæ provinciæ; ut, quod una non estis, non dissensione ac dissidio vestro, sed voluntate ac iudicio tuo factum esse videatur. quare et illa, quæ violata, expiabuntur; et hæc nostra, quæ sunt sanctissime conservata, suam religionem obtinebunt. Nos hic in republica infirma, misera, commutabilique versamur. credo enim te audisse, nostros equites pæne a senatu esse disjunctos; ¹¹ qui primum illud valde graviter tulerunt, promulgatum ex senatus consulto fuisse, ut de iis, ¹² qui ob iudicandum pecuniam accepissent, quæreretur. qua in re discernenda cum ego casu non affuissem, sensissemque id equestrem ordinem ferre moleste, neque aperte dicere; objurgavi senatum, ut mihi visus sum, summa cum auctoritate; et ¹³ in causa non verecunda, admodum gravis et copiosus fui. Ecce ¹⁴ aliæ deliciarum equitum vix ferendæ, quas ego non solum tuli, sed

11 Qui primum illud -- tulerunt prom.] Illud mihi non placet. nam si maxime cum promulgatum fuisse conjungas, tamen friget. In vulgata interpunctione deberet esse, quod promulgatum e Senatu fuit. Id autem pertinebat eo, quod cum in iudicio Clodiano etiam equites iudicassent, si ita querendum esset, etiam de equitibus queri deberet. Erat autem hoc semper defensum ab equitibus, legem de repetundis ad ordinem equestrem, sive equites, non pertinere, de quo late Cicero in Or. pro Cluentio.

12 Qui ob iudicandum pecuniam accepissent.] A quibusdam Mss. abest pecuniam, item ed. Rom. quod Lambino,

Grævio, &c. placuit, qui et omisere. mihi non placet, quod semper in hac forma additur. malim etiam cepissent, quod est verbum in hac re legitimum. Sed accipere tamen est L. II. ep. 1.

13 In causa non verecunda.] Nam impudens videri poterat, defendere equites in re turpi: sc. ne, cum iudices essent, rei fieri possent, si in suspicionem acceptæ pecuniæ venissent, cum senatores eo nomine rei fieri possent.

14 Aliæ deliciarum equitum.] Utrum de re ab equitibus postulata impudenter dictum ironice, an de equitibus ipsis capiendum? mihi posterior placet, ut aiunt illi Asiani publicani.

etiam ornavi. Asiani, qui de censoribus conduxerant, questi sunt in senatu, sc, cupiditate prolapsos, nimium magno conduxisse: ut induceretur locatio, postulaverunt. Ego princeps in adiutoribus atque adeo secundus. nam, ut illi auderent hoc postulare, Crassus eos impulit. invidiosa res, turpis postulatio, et confessio temeritatis. summum erat periculum, ne, si nihil impetrassent, plane alienarentur a senatu. Huic quoque rei subventum est maxime a nobis; perfectumque, ut frequentissimo senatu et libentissimo uterentur, multaque a me de ordinum dignitate et concordia dicta sunt Kal. Decemb. et postridie. neque adhuc res confecta est, sed voluntas senatus perspecta. unus enim contra dixerat Metellus, consul designatus. quin erat dicturus (ad quem propter diei brevitatem perventum non est) heros ille noster Cato. ¹⁵ Sic ego conservans rationem institutionemque nostram, tueor, ut possum, illam a me conglutinatam concordiam: sed tamen, quoniam ista sunt infirma, munitur quædam nobis ad retinendas opes nostras tuta, ut spero, via, quam tibi litteris satis explicare non possum; significatione parva ostendam tamen. Utor Pompeio familiarissime. ¹⁶ Video, quid dicas. cavebo, quæ sunt cavenda; ac scribam alias ad te de meis consiliis capessendæ reipublicæ plura. Laccium scito consulatum habere in animo statim petere. duo enim soli dicuntur petaturi. Cæsar

p. 16. a. cum eo coire per Arrium cogitat: et Bibulus cum hoc se putat per Pisonem posse conjungi. Rides? non sunt hæc ridicula, mihi crede. Quid aliud scribam ad te? quid? multa sunt: sed in aliud tempus. Te si exspectari velis, cures, ut sciam. jam illud modeste rogo, quod maxime cupio, ut quamprimum venias. Nonis Decemb.

18

CICERO ATTICO S.

NIHIL mihi nunc scito tam deesse, quam hominem cum, ¹⁷ quocum omnia, quæ me cura aliqua afficiunt, una communicem: qui me amet, qui sapiat, ¹⁸ quicum ego col-

¹⁵ Sic ego conservans, &c.] Bene habet: sed tamen interdum suspicatus sum, Ciceronem scripsisse: Sic ergo.

¹⁶ Video, quid dicas.] Sc. hæc legens. facile intelligo, quid tu hæc legens sis cogitaturus et iudicaturus de hoc, quod scripsi, me Pompeio familiariter uti. Sed cavebo, ne ejus invidia decipiar, &c.

¹⁷ Quocum omnia - una communicem.]

Una profecto hic durum et suspectum est. nam addi sic verbo *communicare cum aliquo*, hoc quidem sensu, non reperi.

¹⁸ Quicum ego colloquar, nihil fingam.] Hæc non satis Ciceroniano more cohererent, ut alibi. Scripsisse putem, *ita colloquar, ut nihil fingam*, &c. hic certe sensus est Ciceronis.

loquar, nihil fingam, nihil dissimulem, nihil obtegam. abest enim frater ἀφελέστατος et amantissimus : Metellus non homo sed littus, atque aer, et solitudo mera : tu autem, qui sapissime curam et augorem animi mei sermone et consilio levasti tuo ; qui mihi et in publica re socius, et in privatis omnibus conscius, et omnium meorum sermonum et consiliorum particeps esse soles, ubinam es ? ita sum ab omnibus destitutus, ut tantum requietis habeam, quantum cum uxore, et filiola, et mellito Cicerone consumitur. nam illæ ambiciosæ nostræ fucosæque amicitiae sunt in quodam splendore forensi ; fructum domesticum non habent. itaque, cum bene completa domus est, tempore matutino, cum ad forum stipati gregibus amicorum descendimus, reperire ex magna turba neminem possumus, quocum autolari libere, aut suspirare familiariter possimus. quare te expectamus, te desideramus, te jam etiam arcessimus. ¹⁹ multa enim me sollicitant anguntque, quæ mihi videor, aures nactus tuas, unius ambulationis sermone exhaurire posse. Ac domesticarum quidem sollicitudinum aculeos omnes et scrupulos occultabo : ²⁰ neque ego huic epistolæ atque ignoto tabellario committam. Atque hi (nolo enim te permoveri) non sunt permolesti, sed tamen insident et urgent, et nullius amantis consilio aut sermone requiescunt. In republica vero, quamquam animus est præsens, ²¹ tamen voluntas etiam atque etiam ipsam medicinam refugit. nam, ut ea breviter, quæ post tuum discessum acta sunt, colligam, jam exclames necesse est, res Romanas diutius stare non posse. Etenim, post profectionem tuam, ²² primus, ut opinor, introitus fuit in causam fabulæ Clodianæ ; in qua ego nactus, ut mihi videbar, locum resecandæ libidinis, et coercendæ juventutis, vehemens fui, et omnes profundi vires

19 Multa enim me sollicitant anguntque, quæ m. v.] Hanc lectionem, quam ex parte Victorius e Ms. suo dedit, prætulī alteri, multa enim sunt, quæ m. s. anguntque, quæ mihi videor ; in qua repetitio quæ, quæ, quæ, frigidior est, et tota forma languet.

20 Neque ego huic.] Ego me semper offendit, conjecique id aut delendum esse, aut legendum eos, quod et Ursino placuisse vidi.

21 Tamen voluntas e. a. e. ipsa medicinam effugit.] Hæc est antiquior lectio ed. Jons. Aldi, nisi quod illa habet medi-

cina ; Rom. etiam efficit. aliæ aliter, sed e conjectura : ut P. Manutii tamen voluntas e. a. e. ipsa me deficit, quod non placet. (nam voluntas quidem bona Ciceronem non defecit, et ea est ab h. l. aliena, nata a glossatore.) Ego sic corrigo : tamen e. a. e. ipsam medicinam refugit sc. animus. Sic Virgil. Æn. II, 12. animus meminisse horret, luctuque refugit. item ipse Cicero ; ut Phil. XIV, 3. animus refugit ac refarmidat.

22 Primus. - introitus fuit in causam fabulæ Clodianæ.] Gronov. corrigit fabula Clodiana. non male, sed non necesse erat.

animi atque ingenii mei, non odio adductus alicujus, sed spe reipublicæ corrigendæ, et sanandæ civitatis. Afflicta respublica est ²³emto constupratoque judicio. vide, quæ sint postea consecuta. Consul est impositus is nobis, quem nemo, præter nos philosophos, aspicere sine suspiratu posset. quantum hoc vulnus? facto senatus consulto de ambitu, de judiciis, nulla lex perlata, exagitatus senatus, alienati equites Romani. sic ille. annus duo firmamenta reipublicæ, per me unum constituta, evertit: ²⁴nam et senatus auctoritatem abjecit, et ordinum concordiam disjunxit. Instat hic nunc ²⁵ille annus egregius. ejus initium ejusmodi fuit, ut anniversaria sacra Juventatis non committerentur. nam M. Luculli uxorem Memmius ²⁶suis sacris initiavit. Menelaus, ægre id passus, divortium fecit. quamquam ille

p. 17. pastor Idæus Menelaum solum contemserat: hic noster

a. Paris tam Menelaum, quam Agamemnonem liberum non putavit. Est autem C. Herennius quidam tribunus plebis, quem tu fortasse ne nosti quidem, (tametsi potes nosse; tribulis enim tuus est, et Sextus, pater ejus, numos vobis dividere solebat;) is ad plebem P. Clodium traducit; idemque fert, ut universus populus in campo Martio suffragium de re Clodii ferat. hunc ego accepi in senatu, ut soleo: sed nihil est illo homine lentius. Metellus est consul egregius, et nos amat; sed imminuit auctoritatem suam, ²⁷quod habet dicis causa promulgatum illud idem de Clodio. Auli autem filius, o dii immortales! quam ignavus, ac sine animo

²³ Emto stupratoque judicio.] De eo supra ep. 16. Edidi ex edd. pr. *constupratoque*. Sic dixit iudicium, quia concessus iudiciis concessi. vid. ep. 13. Ed. Rom. tamen habet *stupratoque*.

²⁴ Nam et senatus auct. abj.] Malim: *nam senatus et auctoritatem a. et o. c. d. Durus est, annus abiecit.*

²⁵ Ille annus e.] Metello et Afranio Cons.

²⁶ Suis sacris initiavit.] Sc. stuprando; jocosè, pro, in suis sacris stupravit. Memmius Aed. Cur. sacra Cerialia primus fecit, teste numo antiquo. v. Politianus Misc. c. 85. qui hunc locum primus hinc explicavit bene. Menelaus est Lucullus, Paris idem Memmius, et Agamemnon est L. Luculli frater Marcus. liberum non putavit, pro, ejus uxorem pariter stupravit.

²⁷ Quod habet dicis causa promulgatum

de Clodio.] Hoc nullum sensum habet commodum. nam quod dicunt esse *dicis causa*, non vere, frustra, id non probatur usu latino. Ed. Jens. *quod habet dicit causam promulgatam*: edd. Rom. Asc. Ald. &c. *habere dicit promulgatam causam. illud idem de Clodio*: et valde variant Mss. quidam: *et habet, ut dicit, c. p. quod Victorius recepit. Vulgatum habent Malasp. Lamb. &c. Tunstallus p. 41. correxit: quod habere dicit causam promulgatum illud idem de Clodio*; quod non displicet. *causam habere* rhetorum formula est, cum volunt dicere, aliquem habere rationem probabilem, qua uti possit quis in re sua disceptanda. Infra VII, 3. *causam solum illa causa non habet, ceteris rebus abundat.* v. et Clav. in *causa*. Ita sensus erit, Metellus dicit legem illam de Clodio rationem saltem probabilem habere.

miles? quam dignus, qui Palicano, sicut facit, os ad male audiendum quotidie præbeat? Agraria autem promulgata est a Flavio, sane levis, eadem fere, quæ fuit Plotia. sed interea πολιτικὸς ἀνὴρ οὐδ' ὄναρ quisquam inveniri potest. ²⁸ qui poterat, familiaris noster (sic est enim; volo te hoc scire) Pompeius, togulam illam pictam silentio tuetur suam. Crassus verbum nullum contra gratiam. ceteros jam nosti: qui ita sunt stulti, ut amissa republica ²⁹ piscinas suas fore salvas sperare videantur. Unus est, qui curet, constantia magis et integritate, quam, ut mihi videtur, consilio, aut ingenio, Cato; qui miseros publicanos, quos habuit amantissimos sui, tertium jam mensem vexat, neque iis a senatu responsum dari patitur. ita nos cogimur reliquis de rebus nihil decernere ante, quam publicanis responsum sit. quare etiam legationes rejectum iri puto. Nunc vides, quibus ^{b.} fluctibus jacemur: et, ³⁰ si ex iis, quæ scripsimus, (tanta es perspicacitate,) etiam a me non scripta perspicis, revise nos aliquando: et quamquam sunt hæc fugienda, quo te voco; tamen fac, ut amorem nostrum tanti æstimes, ut eo vel cum his molestiis perfrui velis. nam, ne absens censeare, curabo edicendum et proponendum locis omnibus. sub lustrum autem censeri, germani negotiatoris est. quare cura, ut te quamprimum videamus. Kal. Febr. Q. Metello et L. Afranio coss.

CICERO ATTICO S.

19

NON modo, si mihi tantum esset otii, quantum est tibi, verum etiam, ³¹ si tam brevis epistolas vellem mittere, ³² quam tu soles facere, te superarem, et in scribendo multo essem crebrior, quam tu: sed ad summas atque incredibiles

²⁸ Qui poterat, fam. noster, &c.] Qui poterat inveniri, esse, se talem rebus præstare — silet, et se illo jure togæ pictæ ludis gestandæ, quod ei ex Asia victori datum erat, parum dignum præstat: hoc ironice dixit, silentio tuetur.

²⁹ Piscinas suas f. salvas.] Videtur ad Lucullum pertinere, cujus piscinæ murænarum, &c. famosæ erant, et ad similes. jocus valde mordax. infra piscinarii dicuntur. cf. et II, 1.

³⁰ Si ex iis, quæ scripsimus, tanta etiam, &c.] Interpungam in hac lectione post tanta, ut ad scripsimus pertineat. P. Manutius e tanta fecit tamen. Sed ed. Rom. habet, tanta es perspicacitate, in parenthesi

dictum: quod ed. Hervag. revocavit. id verum est, idque adeo restitui.

³¹ Si tam br. ep. vellem mittere.] Dedi vellem pro vulgato velim, quod est vitiosum et contra latinitatem.

³² Quod tu s. facere.] Si tam verum est, pro quod debet esse quam; quod Grævius e Ms. Helmst. recepit, idque secutus sum. Sed prope malim tam deleri. Mox pro in scripto puto legendum in scribendo: ut jam alii voluere, nescio qui, apud Manutium. nam ita solet Cicero dicere, ut: quis est in scribendo tam impiger, &c. in epp. ad Div. &c. in scripto sic nusquam reperi. e. scribendo factum est scripto.

occupationes meas accedit, quod nullam a me epistolam ad te sino ³³ absque argumento ac sententia pervenire. Et primum tibi, ut æquum est, civi amanti patriam, quæ sunt in republica, exponam : deinde, quoniam tibi amore nos proximi sumus, scribemus etiam de nobis ea, quæ scire te non nolle arbitramur. Atque in republica nunc quidem maxime Gallici belli versatur metus. nam Ædui, fratres nostri, pugnant : Sequani perniale pugnarunt : et Helvetii sine dubio sunt in armis, excursionsque in provinciam faciunt. Senatus decrevit, ut consules duas Gallias sortirentur, delectus haberetur, vacationes ne valerent, legati cum auctoritate mitterentur, qui adirent Galliæ civitates, darentque operam, ne eæ cum Helvetiis se jungerent. Legati sunt Q. Metellus Creticus, et L. Flaccus, et, τὸ ἐπὶ τῇ φακῇ μῦθον, Lentulus Clodiani filius. Atque hoc loco illud non quo præterire, quod, cum de consularibus ³⁴ mea prima sors exisset, una voce senatus frequens retinendum me in urbe censuit. hoc idem post me Pompeio accidit : ut nos duo, quasi pignora reipublicæ, retineri videremur. quid enim ego ³⁵ aliorum in me ἐπιφωνήματα exspectem, cum hæc

p. 18. a. domi nascentur ? Urbanæ autem res sic se habent. Agraria lex a Flavio tribuno plebis vehementer agitabatur auctore Pompeio ; ³⁶ quæ nihil populare habebat, præter auctorem. ex hac ego lege, secunda concionis voluntate, omnia tollebam, quæ ad privatorum incommodum pertinebant : liberabam agrum cum, qui, P. Mucio, L. Calpurnio consulibus, publicus fuisset : Sullanorum hominum possessiones confirmabam : Volaterranos et ³⁷ Arretinos, quorum agrum Sulla publicarat, neque diviserat, in sua possessione retinebam : unam rationem non rejiciebam, ut ager hac adventicia pecunia emeretur, quæ ex novis vectigalibus per quinquennium reciperetur. Huic toti rationi agrariæ senatus adversabatur, suspicans, Pompeio novam quandam potentiam quæri.

33 Absque argumento ac sententia.] I. e. in qua non aliqua res tractetur gravior : non, in qua variæ res minutæ narrentur, ludantur, &c. Sic Livius L. VII, 2. fabulam argumento screre, cum ante essent meræ saturæ, dicteria non coherentia. v. et ad Cæsar. 27.

34 Mea prima sors exisset.] Sc. ut legatus in provinciam Galliam irem.

35 Aliorum in me ἐπιφ.] Bene Malaspina conjecit alienorum, i. e. externorum,

Gallorum.

36 Quæ nihil populare habebat.] Videtur Cicero scripsisse habet : nam imperfecta adhibentur in tali narratione de rebus iis, quæ interea, dum epistola est in via, mutari possunt. Librarii tempus huius verbi ceteris consentiens facere voluerunt, ut opinor.

37 Arretinos.] Pro Arretitanos cum Grævio edidi. v. Clavis.

Pompeius vero ad voluntatem perferendæ legis incubuerat. ego autem, magna cum agrariorum gratia, confirmabam omnium privatorum possessiones: (is enim est noster exercitus, hominum, ut tute seis, locupletium:) populo autem, et Pompeio (nam id quoque volebam) satisfaciebam cunctione: qua constituta diligenter, et sentinam urbis exhauriri, et Italiæ solitudinem frequentari posse arbitrabar. sed hæc tota res interpellata bello refrixerat. Metellus est consul sane bonus, et nos admodum diligit. ille alter ita nihil est, ³⁸ ut plane, quid emerit, nesciat. Hæc sunt in republica: ³⁹ nisi etiam illud ad rempublicam putas pertinere, Herennium quendam, tribunum plebis, tribulem tuum, sane hominem nequam atque egentem, sæpe jam de P. b. Clodio ad plebem traducendo agere cœpisse. huic frequenter interceditur. ⁴⁰ [Hæc sunt, ut opinor, in republica.] Ego autem, ut semel nonarum illarum Decembrium, junctam invidia ac multorum inimiciis, eximiam quandam atque immortalem gloriam consecutus sum, non destiti eadem animi magnitudine in republica versari, et illam institutam ac susceptam dignitatem tueri: sed posteaquam primum Clodii absolute levitatem infirmitatemque iudiciorum perspexi, deinde vidi, nostros publicanos facile a senatu disjungi, quamquam a me ipso non divellerentur, tum autem beatos homines (hos piscinarios dico, amicos tuos) non obscure nobis invidere: putavi, mihi majores quasdam opes et firmiora præsidia esse quærenda. Itaque primum cum, qui nimium diu de rebus nostris tacuerat, Pompeium adduxi in eam voluntatem, ut in senatu non semel, sed sæpe, multisque verbis, hujus mihi saltem imperii atque orbis terrarum adjudicaret. quod non tam interfuit mea, (neque enim illæ res aut ita sunt obscuræ, ut testimonium, aut ita dubiæ, ut laudationem desiderent,) quam reipublicæ: quod erant quidam improbi, qui contentionem fore aliquam mihi cum Pompeio, ex rerum illarum dissensione arbitrarentur.

⁴¹ Cum hoc ego me tanta familiaritate conjunxi, ut uterque

³⁸ *Ut plane, quid emerit, nesciat.*] Ut frustra largitiones fecerit, cum dignitatis nihil è consulatu gerendo quærat.

³⁹ *Nisi etiam - - putes pertinere.*] Malasp. in suis libris putas, et in Ms. Helmst. reperit Grævius. mihi quoque in mentem venit dudum, denique in ed. Rom. reperi, et sic edidi.

⁴⁰ *Hæc sunt, ut opinor, in republica.*] Hæc repetitio valde friget, præsertim et propter ut opinor. Dixisset, inquam, igitur, &c. Uncis inclini.

⁴¹ *Cum hoc ego.*] Puto ergo legendum. mox in sua ratione exquisitè dixit pro privato: ita concinnior oratio: in sua ratione - - in republica.

nostram in sua ratione manitior, et in republica firmitior hæc conjunctione esse possit. Odia autem illa libidinosæ et delicatæ juventutis, quæ erant in me incitata, sic mitigata sunt comitate quadam mea, me unum ut omnes illi colant. nihil jam denique a me asperum in quemquam fit, nec ta-
 p. 19. men quicquam populare ac dissolutum; sed ita temperat^a.
 tota ratio est, ut reipublicæ constantiam præstem, privatis rebus meis, propter infirmitatem bonorum, iniquitatem malivolorum, odium in me improborum, adhibeam quandam cautionem et diligentiam; atque ita amem, ⁴² si iis novis amicitii implicati sumus, ut crebro mihi vafer ille Siculus insusurret Epicharmus cantilenam illam suam :

Νάφε, καὶ μένuas' ἀπιστεῖν. ἄρθρα ταῦτα τῶν φρενῶν.

Ac nostræ quidem rationis ac vitæ quasi quandam formam, ut opinor, vides. ⁴³ De tuo autem negotio sæpe ad me scribis; cui mederi nunc non possumus. est enim illud senatus consultum ⁴⁴ summa pedariorum voluntate, nullius nostrum auctoritate factum. nam, quod me ⁴⁵ esse ad scribendum vides, ex ipso senatus consulto intelligere potes, aliam rem tum relatam, hoc autem ⁴⁶ de populis liberis, sine causa additum: ⁴⁷ et ita factum est a P. Servilio filio, qui in postremis sententiam dixit, sed immutari hoc tempore non potest. itaque ⁴⁸ conventus, qui initio celebrabantur, jam diu fieri desierunt. tu si tuis blanditiis tamen a Sicyoniis numulorum aliquid expresseris; velim, me facias certiolem. Commentarium consulatus mei Græce compositum misi ad te; in quo si quid erit, quod homini Attico minus Græcum

⁴² Si iis novis amic. implicati s.] Iis delendum est: quod et Ms. Tornæs. absuit. idque melius est, quam si cum Grævio legamus etsi iis, aut omni Victorio tametsi iis, tametsi habent edd. Rom. Jens. sed loco ejus pro iis, quod ad Pompeium pertineret, si verum esset. non autem est de unius Pompeii amicitia sermo, et tametsi ex amem, si natum est.

⁴³ De tuo negotio.] De pecunia, quam ei debebat Sicyon publice.

⁴⁴ Summa pedariorum volunt.] Quare summa additum sit h. l. non intelligo. Sed mihi venit in mentem, Ciceronis manum esse sola ped. vol. quod melius respondet alteri, nullius nostram auctoritate factum esse Scitum, et de Servilio auctore, qui in extremis consularibus sententiam dixit, quam peditarii arripuerunt. of. ep. 20.

⁴⁵ Esse ad scribendum.] Hæsero viri docti in verbo esse, et secere inde adesse vel affuisse, ut Lambinus et Ursinus, vel isse, ut Bosius. Corradus defendit ex altera forma ad Div. IX, 15, nemini in mentem venit locus alter ad Div. XII, 29. Consulibus illis nunquam fuit ad scribendum.

⁴⁶ De populis liberis.] Scil. ut videtur, ne ii vi publica in rebus privatis cogere-ntur, ut colligas ex sequentibus: si tuis blanditiis aliquid numulorum a Sicyoniis expresseris. of. ep. 20.

⁴⁷ Et ita factum est.] Ferri potest, melius tamen, opinor, foret et id factum est. etiam alibi hæc verba confusa reperi.

⁴⁸ Conventus, qui init. celebr.] Nempe senatorum, quibus deliberaretur de illo Scito, si posset aboleri.

eruditumque videatur; non dicam quod tibi, ut opinor, Panormi Lucullus de suis historiis dixerat; se, quo facilius illas probaret Romani hominis esse, idcirco barbara ⁴⁹ quædam et σόλοικα dispersisse. apud me si quid erit ejusmodi, me imprudente erit et invito. ⁵⁰ Latinum si perfecero, ad te mittam. tertium poema exspectato, ne quod genus a me ipso laudis meæ prætermittatur. hic tu, cave, dicas, τίς πατέρ' αἰνήσει; si est enim apud homines quidquam, quod potius sit, laudetur; nos vituperemur, qui non potius alia laudemus. quamquam non εγκωμιαστικά sunt hæc, sed ιστορικά, ^{b.} quæ scribimus. Quintus frater purgat se multum per litteras, et affirmat, nihil a se cuiquam de te secus esse dictum. Verum hæc nobis coram summa cura et diligentia sunt agenda: tu modo nos revise aliquando. Cossinius hic, cui dedi litteras, valde mihi bonus homo, et non levis, et amans tui visus est, et talis, qualem esse cum tuæ mihi litteræ nuntiant. Idibus Mart.

CICERO ATTICO S.

20

CUM e Pompeiano me Romam recepissem a. d. IIII Idus Maii, Cincius noster eam mihi abs te epistolam reddidit, quam tu Idib. Feb. dederas. ei nunc epistolæ litteris his respondebo. Ac primum, tibi perspectum esse judicium de te meum, lætor; deinde, te in iis rebus, quæ mihi asperius a nobis, atque nostris, et injucundius actæ videbantur, moderatissimum fuisse, vehementissime gaudeo; idque neque amoris mediocris, et ingenii summi, ac sapientiæ judico. qua de re cum ad me ita suaviter, diligenter, officiose, et humaniter scripseris, ut non modo te hortari amplius non debeam, sed ne exspectare quidem abs te, aut ab ullo homine tantum facilitatis ac mansuetudinis potuerim; nihil duco esse commodius, quam de his rebus ⁵¹ nihil amplius scribere. cum crimus congressi; tum, si quid res feret, coram inter nos conferemus. Quod ad me de republica scribis, disputas tu quidem et amanter et prudenter; et a meis

⁴⁹ Quædam et σόλοικα dispersisse.] Edd. milen. tertium int. opus, librum meum, pr. obsoleta. una Rom. soloeca, quod Victorius e Mss. se dicit edidisse. bene. meis, sed non historicum.

Dispersisse est, pro quibusdam locis admiscuisse, nisi scribendum est adpersisse, quod et aliis in mentem venit.

⁵⁰ Latinum.] Sc. commentarium si-

⁵¹ Nihil amplius scribere.] Sic edd. pr. In Mss. quibusdam et ed. Rom. est nihil jam amplius scribere, unde jam ascitum est. Sed redundat non suaviter.

p. 20. ^a consiliis ratio tua non abhorret: (nam ⁵²neque de statu nobis nostræ dignitatis est recedendum, neque sine nostris copiis intra alterius præsidia veniendum: et is, de quo scribis, nihil habet amplum, nihil excelsum, nihil non summissum atque populare:) verumtamen fuit ratio mihi fortasse ad tranquillitatem meorum temporum non inutilis; sed me hercule reipublicæ multo etiam utilior, quam mihi, civium improborum impetus in me reprimi, cum hominis amplissima fortuna, auctoritate, gratia, fluctuantem sententiam confirmassem, et a spe malorum ad mearum rerum laudem convertissem. quod si ⁵³cum aliqua levitate mihi faciendum fuisset, nullam rem tanti æstimassem; sed tamen a me ita acta sunt omnia, non ut ego illi assentiens levior, sed ut ille me probans gravior videretur. Reliqua sic a me aguntur et agentur, ut non committamus, ut ea, quæ gessimus, ⁵⁴fortuito gessisse videamur, meos bonos viros, illos quos significas, et eam, quam mihi dicis obtigisse, σπάρταν, non modo numquam deseram; sed etiam, ⁵⁵si ego ab illa deserrar, tamen in mea pristina sententia permanebo. illud tamen, velim, existimes, me hanc viam optinatum, post Catuli mortem, nec præsidio ullo, nec comitatu tenere. nam, ut ait Rhinton, ut opinor,

Οἱ μὲν παρ' οὐδέν εἰσιν, οἷς δ' οὐδὲν μέλει

mihi vero ut invideant piscinarii nostri, aut scribam ad te alias, aut in congressum nostrum reservabo. A curia autem nulla me res divellet: vel quod ita rectum est: vel quod rebus meis maxime consentaneum: vel quod, a senatu quanti fiam, minime me poenitet. De Sicyoniis, ut ad te scripsi antea, non inultum spei est in senatu. nemo est enim jam, qui queratur. quare, si id exspectas, longum est. alia via, si qua potes, pugna. cum est actum, neque animadver-

⁵² Neque de statu nostra dign.] Locus elegans. Sensus est: non abiciam auctoritatem, quam in rep. consulatu meo consecutus sum, nec me cum alio, ut Pompeio, conjungam sic, ut ejus auctoritatem tantum sequar et ei obediam.

⁵³ Cum aliqua levitate.] Ut auctoritatem meam amitterem ac dignitatem, instantiam aut cupiditatem aliquam procedendo, nulla res me potuisset inducere, quamvis utilis videretur.

⁵⁴ Fortuito gessisse videamur, meos bonos v., &c.] Meos non rectum videtur.

Mss. quidam et ed. Rom. habent in eos. quod favet emendationi Tunstalli p. 104. g. v. in consulatu. Bonos v. i. mihi tamen languere hæc appendix videtur, et glossæ similis videretur, si maxime in libris reperiretur: nisi transferretur ad gessimus, ubi bene staret.

⁵⁵ Si ego ab illa deserar.] A qua? nam cum sparta conjungi non potest, nisi re publica intelligere velimus, quæ in sparta latet. Lenius fuerit illis, sç bonis viris illis, quos sequor.

sum est, ad quos pertineret, et raptim in eam sententiam ^{b.}
⁵⁶pedarii cucurrerunt. inducendi senatus consulti maturitas nondum est: quod neque sunt, qui querantur, et multi partim malivolentia, partim opinione æquitatis delectantur. Metellus tuus est egregius consul. unum reprehendo, quod otium e Gallia nuntiari non magnopere gaudet. cupit, credo, triumphare. Hoc vellem mediocrius: cetera egregia. Auli filius vero ita se gerit, ut ejus consulatus non consulatus sit, ^ased Magni nostri *ἡρώπιον*. De meis scriptis, misi ad te ⁵⁸Græce perfectum consulatum meum. eum librum L. Cossinio dedi. puto te Latinis meis delectari; huic autem Græco Græcum invidere. alii si scripserint, mittimus ad te; sed, mihi crede, simul atque hoc nostrum legerunt, nescio quo pacto retardantur. Nunc (ut ad rem meam redeam) L. Papirius Pætus, vir bonus, amatorque noster, mihi libros eos, quos Ser. Claudius reliquit, donavit. cum mihi, per legem Cinciam licere capere, Cincius amicus tuus diceret: libenter, dixi, me accepturum, si attulisset. nunc, si me amas, si te a me amari scis, enitere per amicos, cientes, hospites, libertos denique, ac servos tuos, ut scida ne qua depercat. nam et Græcis his libris, quos suspicor, et Latinis, quos scio illum reliquisse, mihi vehementer opus est. ego autem quotidie magis, quod mihi de forensi labore temporis datur, in iis studiis conquiesco. per mihi, per, inquam, gratum feceris, si in hoc tam diligens fueris, quam soles in his rebus, quas me valde velle arbitraris: ipsiusque Pæti tibi negotia commendo, de quibus tibi ille agit maximas gratias: et ut jam invisas nos, non solum rogo, sed etiam suadeo.

⁵⁶ Pedarii cucurrerunt.] Lepide ad exprimendam levitatem et præcipitantiam, pro solemoni: pedarii ierunt. post inducere SCtum pro abolere, verbum proprium in hac re. v. Clav.

⁵⁷ Sed M. nostri *ἡρώπιον*.] Nempe,

quia Pompeius, omnibus invitis cum omni ope adjuverat in consulatu consequendo. vid. ep. 16.

⁵⁸ Græce perfectum cons. m.] Durius est perfectum, placetque Lambini correctio perscriptum.

M. TULLII CICERONIS
EPISTOLARUM

AD

ATTICUM

LIBER II.

ARGUMENTUM.

Due primæ libri hujus epistolæ, scriptæ sunt, item ut ultimæ superioris, Q. Metello Celere, L. Afranio: reliquæ omnes, C. Julio Cæsare, M. Bibulo coss. mensibus fere XVII. Continent vero contentionem Clodii, ut Tribunus pl. fieret: quod demum obtinuit, Cæsare adnitente, cujus item opera, quo magistratum illum capere posset, plebejus factus est. Nam Ciceroni iratus, quod quodam in judicio statum temporum deplorasset, ejus inimicum Clodium, frustra jam pridem a patribus ad plebem transire nitentem, eodem die, horaque, nova lege de adoptione ejus lata, traduxit. Auctor est Suetonius. Idem hoc ipso anno, agrariam legem pertulit, contradicente Catone: quem ea de causa e senatu abreptum in carcerem duci jussit; inuitis optimatibus et collega: quem obnuntiantem, armis foro depulit: seque domesticis parietibus, reliquo anni tempore, continere cœgit; ut, nisi per edicta, prorsus nihil ageret: quæ tamen ille acerbissima in collegam proponebat: hisque comitia in mensem Octobrem distulit. perlata igitur lege, XX millia hominum quæ tris plurisque liberos haberent, in campum Stellatæ majoribus consecratum, ut Tranquillus ait, in agrumque Campanum, ad subsidia reip. vectigalem relictum, induxit. Publicanos a Catone vexatos, remissionem petentes, tertia mercedum parte relevavit. Et ut in quosdam diversæ factionis cives scire posset, Vettium quendam præmiis adduxit, qui se ab illis, de inferenda Cn. Pompeio necesse sollicitatum diceret: quamvis irritò conatu, propterea, quod unum atque alterum frustra, nec sine suspitione fraudis, nominaverit. Quare tam præcipitis consilii eventum desperans, interceptis veneno indicem creditus est. Hæc fere in hoc secundo libro continentur, ad remp. spectantia. Alia privata sunt.

CICERO ATTICO S.

KAL. Jun. eunti mihi Antium, et gladiatores M. Metelli cupide relinquenti, vneit obviam tuus puer. is mihi litteras abs te, et commentarium consulatus mei Græce scriptum reddidit. In quo lætatus sum, aliquanto ante, de iisdem

rebus Græce, item scriptum librum L. Cossinio ad te perferendum dedisse. nam, si ego tuum ante legissem, furatum me abs te esse, diceres. quamquam tua illa (¹legi enim libenter) horridula mihi atque incompta visa sunt: sed tamen erant ornata hoc ipso, ²quod ornamenta neglexerant; et, ut mulieres, ideo bene olere, quia nihil olebant, videbantur. meus autem liber totum Isoerati *μυροθήκιον*, atque omnes ejus discipulorum arculas, ac nonnihil etiam Aristotelia pigmenta consumsit: quem tu Corcyrae, ut mihi aliis litteris significas, strictim attigisti; post autem, ut arbitror, a Cossinio accepisti; quem tibi ego non essem ausus mittere, nisi eum lente ac fastidiose probavissem. quamquam ad me rescripsit jam Rhodo Posidonius, se, nostrum illud *ὑπόμνημα* cum legeret, quod ego ad eum, ut ornatus de iisdem rebus scriberet, miseram, ³non modo excitatum esse ad scribendum, sed etiam plane perterritum. quid quæris? conturbavi Græcam nationem. ita vulgo qui instabant, ut darem sibi, ^{b.} quod ornarent, jam exhibere mihi molestiam destiterunt. tu, si tibi placuerit liber, curabis, ut et Athenis sit, et in ceteris oppidis Græciæ. videtur enim posse ⁴aliquid nostris rebus lucis afferre. Oratiunculas autem, et quas postulas, et plures etiam mittam: quoniam quidem ea, quæ nos scribimus, adolescentulorum studiis excitati, te etiam delectant. fuit enim mihi commodum, quod in eis orationibus, quæ *Philippicæ* nominantur, enituerat civis ille tuus Demosthenes, et quod se ab hoc refractariolo judiciali dicendi genere abjunxerat, ut *σεμνότερός τις, καὶ πολιτικώτερος* videretur, curare, ut meæ quoque essent orationes, quæ *Consulares* nominarentur. quarum una est in senatu Kal. Jan. altera ad populum de lege agraria; tertia de Othone; quarta pro Rabirio; quinta de proscriptorum filiis; sexta, cum provinciam in concione deposui; septima, qua Catilinam emisi; octava, quam habui ad populum postridie, quam Catilina profugit; nona in concione, quo die Allobroges involgarunt; decima in senatu, nonis Decemb.

1 Legi enim libenter.] Hoc non videtur sequenti consentire. Vult dicere, se statim cupide legisse. Sed libenter tamen interdum pro cupide reperi.

2 Quod ornamenta neglexerant.] Veniat alicui in mentem neglexcras. nam libri ipsi non negligant. Sed loquitur per personam de libris.

3 Non modo - - sed etiam.] Pro non modo non. v. Clavis in modo, tum pro perterritum Lambinus malebat deterritum, quod placet.

4 Aliquid nostris rebus lucis afferre.] Lux hic pertinet ad laudis et gloriæ augmentum.

Sunt præterea duæ breves, ⁵ quasi ἀποσπασμάτια legis agrariæ. hoc totum σῶμα curabo ut habeas. Et quoniam te cum scripta, tum res meæ delectant; iisdem ex libris perspicies, et quæ gesserim, et quæ dixerim: ⁶ aut ne poposcisses. ego enim tibi me non offerebam. Quod quæris, quid sit, quod te arcessam; ac simul, impeditum te negotiis esse, significas; neque recusas, quin, non modo si opus sit, sed etiam si velim, accurras: nihil sane est necesse; verumtamen videbare mihi tempora peregrinationis commodius posse describere. nimis abes diu, præsertim cum sis in pro-

- p. 22. pinquis locis: neque nos te fruimur; et tu nobis cares. Ac
 a. nunc quidem otium est: sed, si paulo plus furor Pulchelli progredi posset, valde ego te istinc excitarem. verum præclare Metellus impedit, et impediēt. quid quæris? est consul φιλόπατρις, et, ut semper iudicavi, natura bonus. ⁷ ille autem non simulat, sed plane tribunus plebis fieri cupit. qua de re cum in senatu ageretur, fregi hominem: et inconstantiam ejus reprehendi, qui Romæ tribunatum plebis peteret, ⁸ eum in Sicilia ædilitatem sæpe dictasset. sed neque magnopere dixi esse nobis laborandum: quod nihilo magis ei licitum esset plebeio rempublicam perdere, quam ⁹ similibus ejus, me consule, patriciis esset licitum. Jam, cum se ille septimo die venisse a freto, neque sibi obviam quemquam prodire potuisse, et noctu se introisse dixisset, in eoque se in concione jaetasset: nihil ei novi dixi accidisse: ex Sicilia septimo die Romam; ¹⁰ tribus horis Roma Interamnam: noctu introisse item ante: ¹¹ non esse itum obviam;

5 Quasi ἀποσπασμάτια.] Quæ oon totam causam tractant, suntque velut appendices justarum orationum. harum alteram adhuc habebamus, numeraturque tertia Agraria.

6 Aut ne poposcisses.] Est paullo abruptius dictum. Capiō autem sic: id si non ita erit, vellem ne poposcisses.

7 Ille autem non simulat.] Quid simulat Clodius? Immo sequentia, sed plane tribunus plebis fieri cupit, videntur postulare non dissimulat, sc. quid velit, petat.

8 Cum in Sicilia ædilitatem sæpe dictasset.] Sc. se petiturum. hæc est lectio edd. pr. Manutii dedere dictitasset, ut est in ed. Rom. Corrados e sæpe faciebat se petere pro petiturum. Victorinus e libris antiquis dedit hereditatem sæpe hereditasset, sed ut, quid ex eo faciendum sit, aliis cogitandum relinqueret: unde variae conjecturæ, quas

referre nihil attinet. Grævius: Hæc ædilitatem se petere dictitasset, sed mallet Himeræ, aut Hirro, ædilitas quidem necessaria est; nam hinc inconstantia hominis patet, quam ei Cicero exprobravit, quod in Sicilia sæpe dixisset, se ædilitatem postulatam petiturum, nunc tribunus fieri velit.

9 Similibus ejus - - patriciis esset licitum.] Temporis ratio postulat fuisse.

10 Tribus horis Roma Interamnam.] Abrupte dictum, ut cetera, pro, qui tribus horis Roma Interamnam isset: pertinet ad causam Clodii de violatis sacris, in qua dixerat, se tom Interamnæ fuisse, cum diceretur facinos illos fecisse, Cicero autem dixisset, se die illa Romæ ipsum vidisse.

11 Non esse itum obviam.] Jocus ex ambiguo verborum, obviam ire, honoris causa, et resistendi causa, nempe ne in-

ne tum quidem, cum iri maxime debuit. quid quæris? hominem petulantem modestum reddo, non solum perpetua gravitate orationis, sed etiam hoc genere dictorum. itaque jam familiariter cum ipso etiam cavillor ac jocor. quin etiam cum candidatum deduceremus, quærit ex me, num consuessem Siculis locum gladiatoribus dare? negavi. ¹²at ego, inquit, novus patronus instituiam. sed soror, ¹³quæ tantum habeat consularis loci, unum mihi solum pedem dat. noli, inquam, de uno pede sororis queri: licet etiam alterum tollas. non consulare, inquires, dictum; fateor: sed ego illam odi male consularem. ea est enim seditiosa: ea cum viro bellum gerit, neque solum cum Metello, sed etiam cum Fabio, ¹⁴quod eos in hoc esse, moleste fert. Quod de agraria lege quæris, sane jam videtur refrixisse. Quod ^{b.} ¹⁵me quodam modo, molli brachio, de Pompeii familiaritate objurgas: nolim ita existimes, me mei præsidii causa cum illo conjunctum esse: sed ita res erat instituta, ut, si inter nos esset aliqua forte dissensio, maximas in republica discordias versari esset necesse. quod a me ita præcautum, atque ita provisum est, non ut ego de optima illa mea ratione decederem, sed ut ille esset melior, et aliquid de populari levitate deponeret: quem de meis rebus, in quas eum multi incitarant, multo scito gloriosius, quam de suis prædicare. sibi enim bene gestæ, mihi conservatæ reipublicæ dat testimonium. hoc facere illum, mihi quam prosit, nescio; reipublicæ certe prodest. Quid, si etiam Cæsarem, cujus nunc venti valde sunt secundi, reddo meliorem? ¹⁶num tantum obscurum reipublicæ? quia etiam, si mihi ne-

grederetur domum Cæsaris, cum sacra Bonæ deæ fierent.

12 *At ego novus patronus instituiam.*] Patronus int. Siciliæ, melior sc. te, qui et ipse, quæstor olim in Sicilia, patronus Siciliæ es: instituiam dare locum Siculis in munere gladiatorio.

13 *Quæ tantum habeat consularis loci.*] I. e. quæ, quia consultus uxor est, latius habeat spectandum, ut aliis locum dare possit, si velit. Ceterum res et oratio postulant habet, nisi ante pro quæ legendum sit quum. — licet etiam alterum tollas. v. Clav. in pres.

14 *Quod eos in hoc esse, moleste fert.*] Est a Victorio, sed e libris. etiam ed. Rom. quod eos nihil in hoc esse. intelligunt in hoc, hoc agere, ut ejus tribunatum ini-

pediant. Sed id durius est, quia, quod de impediendo tribunatu ejus dixit, nimis longe hinc abest, nec ad illum Ciceronis sermonem cum Clodio pertinet. nec minus altera interpretatio, ut in hoc ad Ciceronem pertineat *deixuxâs* pronuntiatum. Igitur præfero lectionem ceterarum edd. pr. *quod eas mihi amicos esse.*

15 *Me quodammodo molli brachio.*] Quodammodo mihi videtur esse glossa τῷ molli brachio.

16 *Num tantum obscurum reip.*] Tantum, iut. quantum tu dicis, exprobrans mihi Pompeii familiaritatem. Bosius *deixuxâs* dictum vult, pro vel tantillum. Suspiciatus autem sæpe sum, Ciceronem scripsisse, num tamen obscurum r.

mo invideret; si omnes, ut erat æquum, faverent; tamen non minus esset probanda medicina, quæ sanaret vitiosas partes reipublicæ, quam quæ exsecaret. nunc vero, cum¹⁷ equitatus ille, quem ego in clivo Capitolino, te signifero ac principe, collocaram, senatum deseruerit; nostri autem principes digito se cælum putent attingere, si nulli barbati in piscinis sint, ¹⁸qui ad manum accedant; alia autem negligant: nonne tibi satis prodesse videor, si perficio, ut nolint obesse, qui possunt? Nam Catonem nostrum non tu amas plus, quam ego: sed tamen ille, optimo animo utens, et summa fide, nocet interdum reipublicæ. dicit enim tamquam in Platonis πολιτεία, non tamquam in Romuli fæce, sententiam. Quid verius, quam in iudicium¹⁹ venire, qui ob rem iudicandam pecuniam acceperit? censuit hoc Cato. assensit senatus. Equites curiæ bellum, non mihi. nam ego dissensi. quid impudentius ²⁰publicanis renuntiantibus? fuit tamen, retinendi ordinis causa, facienda jactura. Restitit et pervicit Cato. itaque nunc, ²¹consule in carcere incluso, sæpe item seditione commota, aspiravit nemo eorum, quorum ego concursu, itemque consules, qui post me fuerunt, rempublicam defendere solebant. Quid ergo? istos, inquires, ²²mercede conductos habebimus? Quid faciemus, si aliter non possumus? ²³an libertinis atque etiam servis serviemus? sed, ut tu ais, ἄλις σπουδῆς. Favonius meam tribum tulit honestius, quam suam; Lucceii perdidit. accusavit Nasicam inhoneste, ac (modeste tamen dicit) ita ut Rhodi videretur molis potius, quam Moloni, operam dōdisse. mihi, quod defegdissem, leviter succensuit. nunc tamen ²⁴petit iterum reipublicæ causa.

¹⁷ Equitatus ille - - deseruerit.] Equitatum dicit insolentius ordinem equestrem, opinor, quia de equitum opera militari sibi navata loquitur. deseruerit, scil. disjunctus ab eo per negatam sibi remissionem locationis vectigalium, de qua superiori libro dixerat.

¹⁸ Qui ad manum accedant.] Sc. vocati a domino adnatent, manum lambant, e manu edant, &c. ut Martialis habet IV, 30. et alii.

¹⁹ Publicanis renuntiantibus.] Scil. locationem vectigaliorum Asiæ, de quo supra.

²⁰ Consule in carcerem incluso.] Consule Metello, a Flavio tribuno plebis, quia legi ejus agrarius restiterat, ut narrat Dio

L. 37. c. 50. — nemo eorum, &c. περίφρασις equitum.

²¹ Mercede conductos habebimus.] Invidiose, de remissa parte locationis.

²² An lib. u. e. servis serviamus.] Serviamus invidiosius etiam, pro, an libertinorum et servorum opera utemur potius ad rempublicam defendendam, iisque nos obnoxios faciemus. Ceterum mulim serviamus legere, quod forma hujus orationis postulat. atque etiam ante est mercede conductos habebimus, non habeamus, propter quod etiam sic correxi.

²³ Petit iterum reip. causa.] Nempe post repulsam. in altera, reip. causa, videtur esse irrisio Favonii, quasi alias non petitiuri iterum.

Luccius quid agat, scribam ad te, cum Cæsarem videro, qui aderit biduo. Quod ²⁴ Sicyonii te lædunt; Catoni et ejus amulatori attribuas Servilio. Quid? ea plaga nonne ad multos bonos viros pertinet? sed, si ita placuit, laudemus; deinde ²⁵ in dissensionibus soli relinquamur. Amalthea mea te exspectat, et indiget tui. Tusculanum et Pompeianum valde me delectant; nisi quod me, illum ipsum vindicem æris alieni, ære non Corinthio, sed hoc circumforaneo obruerunt. In Gallia speramus esse otium. Prognostica mea cum orationibus propediem exspecta, et tamen, quid cogites de adventu tuo, scribe ad nos. nam mihi Pomponia nuntiari jussit, te mense Quintili Romæ fore. id a tuis litteris, quas ad me ²⁶ de accessu tuo miserat, discrepabat. Pætus, ut antea ad te scripsi, omnes libros, quos frater suus reliquisset, mihi donavit. hoc illius munus ^{b.} in tua diligentia positum est. si me amas, cura, ut conserventur, ²⁷ et ad me perferantur. hoc mihi nihil potest esse gratius: et, cum Græcos, tum vero diligenter Latinos ut conserves velim. tuum esse hoc munusculum putabo. Ad ²⁸ Octavium dedi litteras: cum ipso nihil eram locutus. neque enim ista tua negotia provincialia esse putabam: neque te in tocullionibus habebam. sed scripsi, ut debui, diligenter.

CICERO ATTICO S.

2

CURA, amabo te, ²⁹ Ciceronem nostrum. ei nos θεῖοι videmur. ³⁰ Πελλαγαίων in manibus tenebam, et hercule magnam acervum Dicæarchi mihi ante pedes ³¹ extruxeram.

²⁴ Sicyonii te lædunt.] Non solvenda pecunia, quam tibi debent, propter illud scitum de populis liberis, de quo supra. *ea plaga n. ad m. bonos viros p.* int. jactura pecuniar, quæ multis locupletibus, negotiatoribus, facienda est, eadem de causa.

²⁵ In dissensionibus.] Hæc est lectio edd. pr. P. Manutius, quanquam e libris, induxit *dissensionibus*. Gravius vetus restituit bene. intelliguntur dissensiones civiles, in quibus aut reliquos equites senatum. De discessionibus in senatu, cum in sententiis itur, hic cogitari non potest: nam equites hic intelligendi, qui senatores non sunt, publicani, negotiatores, &c.

²⁶ De accessu tuo.] Intelligunt ad nos, de reditu tuo: quod et non displicet Gravius, etsi ipse cum Bosio edidit *de recessu tuo* sc. e provincia. illud est ex edd. Rom. Aldi, P. Manutii. Edd. aliæ pr. habent

de recessu tuo, ut Jens.

²⁷ Et ad me perferantur.] Hæc verba a quibusdam libris scr. absuot, malebatque et Gravius deleri. Edd. vet. habent omnes præter Rom. a qua absunt. nec video, quare languere dicantur.

²⁸ Octavium.] Macedoniæ prætorem: de quo v. in Clave.

²⁹ Ciceronem nostrum.] Q. filium, Attici e sorore nepotem, qui erat apud Atticum in Epiro.—*ei nos θεῖοι videmur:* et erant patrui, sed eos severiores putabat. v. Ind. Gr.

³⁰ Πελλαγαίων.] Int. πολέμιον, sc. a Dicæarcho scriptam, de quo statim.

³¹ Extruxeram.] Edd. pr. *obstruxeram*, nescio an melius. Vulgatum est ab Aldo. intelligit libros a se lectos deinceps, quos a lectione ante pedes abjecerat.

O magnum hominem! ³² et a quo multo plura didiceris, quam de Proclio. Κορινθίων et Αθηναίων puto me Romæ habere. ³³ mihi credes, leges; hæc doceo; mirabilis vir est. Ἡρώδης, si homo esset, cum potius legeret, quam unam litteram scriberet: ³⁴ qui me epistola petivit, ad te, ut video, cominus accessit. conjurasse mallet, quam restitisse conjurationi, ³⁵ si illum mihi audiendum putarem. De Lollio, sanus non es: de Vinio, laudo. Sed heus tu, ecquid vides, Kal. venire, ³⁶ Antonium non venire? judices cogi? nam ita ad me mittunt, Nigidium minari in concione, se judicem, qui non affuerit, compellaturum. velim tamen, si quid est de Antonii adventu, quod audieris, scribas ad me, et, quoniam huc non venis, cenes apud nos utique pridie Kal. Cave aliter facias. Cura, ut valeas.

3

CICERO ATTICO S.

p. 24.
a.

PRIMUM, ut opinor, εὐαγγέλια. Valerius absolutus est, Hortensio defendente. id iudicium ³⁷ K. Atilio condonatum putabatur: et Epicratem suspicor, ut scribis, lascivum fuisse. etenim mihi caligæ ejus, ut fasciæ cretatæ, non placebant. quid sit, sciemus, cum veneris. Fenestrarum angustias quod reprehendis, scito te Κύρου παιδείαν reprehendere. nam, cum ego idem istuc dicerem, Cyrus agebat, ³⁸ viridariorum διαφάσεις latis luminibus, non tam esse sua-

32 Et a quo m. p. d.] Et non placet h. l. deleri velim. Sed et Jens. habet et eodem m. p. d. forte pro ex eo quidem, ut mox de Proclio. v. Clav.

33 Mihi credes, leges; hæc doceo.] Hoc est vitiosum: in eoqne corrigendo fluctuant viri docti. Simplicissimum est sequi ed. Jens., quæ habet: mihi credes, lege. te hoc doceo. Sensus est: Si modo legeris, mihi credes, re cognita: ceterum ego tibi hoc pro certo dico. quamquam et ultimum etiam ad sequens referri potest. Ed. Rom. mihi heredes, lege hoc doceo.

34 Qui me epistola petivit, ad te, &c.] Simplicissimum est, cum J. Fr. Gronovio accipere, mihi epistola molestus fuit, tibi coram.

35 Si illum m. aud. putassem.] Quocumque modo accipias, legendum putarem, nam mallet indicat, de presenti sermonem esse. Si de præterito, de tempore consulatus, deberet esse maluisse conjurare: et tum Herodes nondum hæc scripserat. audiendum i. e. probanda ea, quæ ipse probat et commendat.

36 Antonium non venire.] E provincia, cum ei successor esset datus Octavius. Intelligitur Caius: is reus erat factus.

37 K. Atilio.] Sic e Ms. Tornæs. et alio edidit Bosius, nempe cum K. nam Atilio omnes habent. Sed quis ille fuerit, non potuit docere; qui tantæ tum dignitatis et gratiæ fuerit, ut ei iudicium tale condonaretur. At conjunctio Pompeii (Epicratis) cum hac re, satis docet, veram lectionem esse, Atili filio; ut conjecit primum Malaspina ad h. l. deinde Tunstallus p. 40. Sed ille intelligebat Valerii filium, hic Afranium, qui supra sic appellatur aliquoties. Is apud Pompeianum gratiosissimus fuit.

38 Viridariorum διαφάσεις.] Edd. pr. habent viridiorum. Inde Aldus fecit radiorum, quod Victorius dicit se e codice suo restituisse, idque alii secuti sunt. Sed Lamb. et Bosius e Mss. suis dedere viridariorum, quæ vulgata facta est. Sahnasius volebat thuridium pro græco θυρίδιον. Tunstallus p. 85. sic: vi radiorum (esse) διαφάσεις. (i. e. τὸ ὄρα, per radios esse vi-

ves. etenim ἔστω ὄψις μὲν ἡ α' τὸ δὲ δρώμενον, β. γ. ἀκτῖνες δὲ, δ, καὶ ε. vides enim cetera. ³⁹ nam, si κατ' εἰδῶλων ἐμπτώσεις videremus, valde laborarent εἰδῶλα in angustiiis: nunc fit lepide illa ἐκχυσις radiorum. cetera si reprehenderis, non feres tacitum, nisi quid erit ejusmodi, quod sine sumtu corrigi possit. Venio nunc ad mensem Januarium, et ad ὑπόστασιν nostram ac πολιτείαν: in qua Σωκρατικῶς εἰς ἐκάτερον, sed tamen ad extremum, ut illi solebant, τὴν ἀρέσκουσιν. est res sane magni consilii. nam aut fortiter resistendum est ⁴⁰ legi agrariæ; in quo est quædam dimicatio, sed plena laudis: aut quiescendum; quod est non dissimile, atque ire in Solonium, aut Antium: aut etiam adjuvandum; quod a me ajunt Cæsarem sic exspectare, ut non dubitet. nam fuit apud me Cornelius; hunc dico Balbum, Cæsaris familiarem. is affirmabat, illum omnibus in rebus meo et Pompeii consilio usurum, daturumque operam, ut cum Pompeio Crassum conjungeret. Hic sunt hæc, conjunctio mihi summa cum Pompeio; si placet, etiam cum Cæsare; reditus in gratiam cum inimicis, pax cum multitudine, se-nectutis otium. sed me ⁴¹ κατὰσεις mea illa commovet, quæ est in libro III.

*Interea cursus, quos prima a parte juvenæ,
Quosque ideo consul virtute, animoque petisti,
Hos retine, atque auge famam, laudesque bonorum.*

Hæc mihi cum in eo libro, in quo multa sunt scripta ἀριστοκρατικῶς, Calliope ipsa præscripserit, non opinor esse dubitandum, quin semper nobis videatur

Εἰς οἰωνός ἄριστος ἀμύνεσθαι περὶ πάτρης.

Sed hæc ambulationibus Compitaliciis reservemus. Tu pridie Compitalia memento. balineum calferi jubebo: et Pomponiam Terentia rogat: matrem adjungemus. Θεοφράστου ⁴² περὶ φιλοτιμίας affert mihi de libris Quinti fratris.

sum.) *latis luminibus non tam esse suaves.* Sed illa ellipsis τοῦ esse h. l. durior est. Si de fenestris versus hortum sermo est, vulgata bene habet, intelligiturque prospectus in hortos, quem suaviorem esse angustis fenestris. atque ita videtur; quia de villæ ædificatione sermo est sine dubio.

³⁹ Nam, si - nunc.] Puto Ciceronem scripsisse jam: cui nunc bene respondet. est genus argumentationis. nunc illa ἐκχυσις radiorum, quam ego sc. probō.

⁴⁰ Legi agrariæ.] Cæsaris.

⁴¹ Κατὰσεις illa.] Est cohortatio ad cursum; nam κατὰτείνιν δρόμον dicunt Græci. Tunstallus probat Turnebi conjecturam κατακλσις, conclusio s. clausula, putatque his versibus finitum fuisse librum III, de consulatu. κατακλσις sic est IX, 18. Placebat et Lambino.

⁴² Περί φιλοτιμίας.] Sic legitur e correctione Victorii, cum anto legeretur φιλομασίας. In Ms. fuit φιλοτέλειας. Tunstallus

FECISTI mihi pergratum, quod Serapionis librum ad me misisti: ex quo quidem ego (quod inter nos ⁴³ liceat dicere) millesimam partem vix intelligo. pro eo tibi praesentem pecuniam solvi imperavi, ne tu expensum muneribus forres. At quoniam numorum mentio facta est; amabo te, cura, ut cum Titinio, quoquo modo poteris, transigas. si in eo, ⁴⁴ quod ostenderat, non stat; mihi maxime placet, ea, quæ male emta sunt, reddi, si voluntate Pomponiæ fieri poterit: si ne id quidem, ⁴⁵ numi potius reddantur, quam ullus sit scrupulus. Valde hoc velim ante, quam proficiscare, amanter, ut soles, diligenterque conficias. Clodius p. 25. ergo, ut ais, ad Tigranem? velim, ⁴⁶ Syspiræ conditione: sed facile patior. accommodatius enim nobis erit ad liberam legationem ⁴⁷ tempus illud, cum et Quintus noster jam, ut speramus, in otio consederit, ⁴⁸ et, iste sacerdos Bonæ deæ, cujus modi futurus sit, sciemus. Interea quidem cum Musis nos delectabimus animo æquo, immo vero etiam gaudenti ac libenti. neque mihi umquam veniet in mentem Crasso invidere, neque pœnitere, quod a me ipse non desceverim. De Geographia, dabo operam, ut tibi satisficiam: sed nihil certi polliceor. magnum opus est; ⁴⁹ sed tamen, ut jubes, curabo, ut hujus peregrinationis aliquod tibi opus exstet. Tu quidquid indagaris de republica, et maxime quos consules futuros putes, facito, ut sciam: tametsi minus sum curiosus. statui enim nihil jam de republica cogitare. Terentiæ saltum perspeximus. quid quæris? præter quercum Dodonæam nihil desideramus, quo minus

legit *περὶ πολιτείας*, qualem librum Theophrasti fuisse patet e libris de Legibus III, 6. Laetius V, 49. laudat *περὶ ἀρίστης πολιτείας*. non displicet conjectura.

43 *Liceat dicere.*] Grævius e Ms. Helmst. delendum putat *dicere*, quod et alibi in hac forma omittit Cicero: idque bene convenit Ciceroni in his epistolis.

44 *Quod ostenderat.*] De pretio rei a se emendat.

45 *Numi potius reddantur.*] Manutius, Malaspina et J. Fr. Gronovius corrigunt *addantur*, quod rei bene convenit.

46 *Syspiræ conditione.*] Sic e correctione Bosii legitur. Edd. pr. *Syrpie*. Varie se torquent critici. nihil melius vidi Gronovii conjectura *Scepai*, ut ad Metrodorum Scepsium pertineat, qui in legatione ad Ti-

granem missus a Mithridate perierat: unde sensus valde aptus fit. Tunstallus p. 43.

legit *scripserat conditiones*: i. e. *αἰνυματώδεις*. 47 *Tempus illud.*] Sc. quo aberit Clodius Roma.

48 *Et, iste sac. - futurus, ejus sit.*] Edd. pr. *scripi possit*, præter Rom. quæ habet *c. futurus sit, sciemus*. Mss. quidam *sciens sit*, unde factum *ejus sit*. In Ms. Victorii erat: *et iste sacerdos bene de te ejusmodi futurus sciens sit*. Ex quo Tunstallus, p. 96. facit: *et i. s. bene, de te ejusmodi futurus, ejetus sit*. Edidi lectionem Romanam: *accommodatius enim nobis erit ad l. l. - cum - de te futurus sit, sciemus*. Unum *sciemus* e conjectura nostra, omisso *de te*.

49 *Sed tamen curabo.*] V. epist. 6. init.

Epirum ipsam possidere videamur. Nos circiter Kal. aut in Formiano erimus, aut in Pompeiano. tu, si in Formiano non erimus; si nos amas, in Pompeianum venito. id et nobis erit perjucundum, et tibi non sane devium. De muro, imperavi Philotimo, ne impediret, quo minus id fieret, quod tibi videretur. censeo tamen, adhibeas Vettium. his temporibus, tam dubia vita optimi cujusque, magni æstimo unius æstatis ⁵⁰ fructum palæstræ Palatinæ, sed ita tamen, ut nihil minus velim, quam Pomponiam et puerum versari in timore ruinæ.

CICERO ATTICO S.

5

CUPIO equidem, et jam pridem cupio Alexandriam, reliquamque Ægyptum visere, et simul ab hac hominum satietate nostri discedere, et cum aliquo desiderio reverti: ^{b.} sed hoc tempore, et ⁵¹ his mittentibus,

Αἰδέομαι Τρώας, καὶ Τρωάδας ἑλκεσιπέλους.

quid enim nostri optimates, si qui reliqui sunt, loquentur? an, me aliquo præmio de sententia esse deductum? .

Πουλυδάμας μοι πρῶτος ἐλεγχεῖν ἀναθήσει.

Cato ille noster, qui mihi unus est pro centum millibus. Quid vero historiæ de nobis ad annos ne prædicarint? quas quidem ego multo magis vereor, quam eorum hominum, qui hodie vivunt, rumusculos. ⁵² sed, opinor, excipiamus, et exspectemus. si enim deferetur, erit quædam nostra potestas, et tum deliberabimus. etiam est in non accipiendo nonnulla gloria. quare si quid Θεοφάνης tecum forte contulerit, ne omnino repudiariis. de istis rebus exspecto tuas litteras: ⁵³ quid Arrius narret; quo animo se destitutum ferat: ecqui consules parentur; utrum, ut populi sermo, Pompeius et Crassus; an, ut mihi scribitur, cum Gabinio Servius Sulpicius: et, num quæ novæ leges: et, num quid

⁵⁰ *Fructum palæstræ Palat., &c.]* Sermo est de domo Ciceronis in Palatio, quæ habebat palæstram. Domus Q. fratris ei erat sine intervallo juncta, sed murus palæstræ, unde exercitationes palæstricæ spectabantur, erat ruinosus. ei vitio mœderi volebat per architectum.

⁵¹ *His mittentibus.]* Cæsare et Pompeio, qui ei hanc legationem destinarent, ad societatem cum Ptolemæo faciendam.

⁵² *Sed, o. excipiamus et exspectemus.]* Quid sit excipiamus nescio, nec quisquam explicavit.

⁵³ *Quid Arrius narret: quo animo, &c.]* Tunstallus, p. 47. corrigit: quid Arrius narret, (se. litteræ) quo animo, &c. nempe speraverat, se Crassi patrociniū consulem futurum. Sed non placet, quid - - quo animo: et narret ep. G. iterum sic dicitur, ut h. l. accipi debet.

novi omnino: et, quoniam Nepos proficiscitur, cuinam auguratus deferatur: quo quidem uno ego ab istis capi possum. ⁵⁴vide levitatem meam. sed quid ego hæc, quæ cupio deponere, et toto animo atque omni cura φιλοσοφῆιν? sic, inquam, in animo est. vellem ab initio. nunc vero, quoniam, quæ putavi esse præclara, expertus sum, quam essent inania, ⁵⁵cum omnibus Musis rationem habere cogito. Tu tamen ⁵⁶de Curtio ad me rescribe certius; et, num quis in ejus locum paretur; et, quid de P. Clodio fiat; et, omnia, quemadmodum polliceris, ἐπὶ σχολῆς scribe; et, quo die Roma te exiturum putes, velim ad me scribas: ut certior te faciam, quibus in locis futurus sim; epistolamque statim des de iis rebus, de quibus ad te scripsi. valde enim ^{a.}exspecto tuas litteras.

6

CICERO ATTICO S.

QUOD tibi superioribus litteris promiseram, fore, ut opus exstaret hujus peregrinationis; nihil jam magnopere confirmo. sic enim sum complexus otium, ut ab eo divelli non queam. itaque aut libris me delecto, quorum habeo Antii festivam copiam: aut fluctus numero. nam ad ⁵⁷lacetos captandos tempestates non sunt idoneæ. a scribendo prorsus abhorret animus. etenim γεωγραφικῇ, quæ constitueram, magnum opus est: ita valde Eratosthenes, quem mihi proposueram, a Serapione et ab Hipparcho reprehenditur. quid censes, si Tyrannio accesserit? Et hercule sunt res difficiles ad explicandum, et ὁμοειδῆς, nec tam possunt ἀνθροπογραφῆσθαι, quam videbatur: et, quod caput est, mihi quævis satis justa causa cessandi est. quin etiam dubitem, an hic, an Antii considam, et hoc tempus omne consumam; ubi quidem ego malletm Duumvirum, quam Romæ

⁵⁴ Vide levitatem meam.] Edd. pr. civitatem, sine dubio vitiose. Ex eo Mureti conjectura factum levitatem. Bosius et Ms. reposuit securitatem, quod et Grutorus secutus est, probat Taunstallus, l. c. Sed quid hic securitas velit, non potest intelligi, aut doceri. Jac. Gronovius conjecit cecilitatem, et id in textum recepit, quia et iofra ep. 19. se dicit τυφλώσσειν: verum in alia re. Mihi lectio Mureti optima videtur, eamque secutus sum. Levitas est in eo, quod movetur auguratus cupiditate, et eo se capi posse dicit: item ante gloria e legatione oblata.

⁵⁵ Cum omnibus Musis r. h. c.] Bene, pro: omne genus litterarum tractabo. Sed hoc non satis aptum rei: quæ postulare videtur cum solis Musis, aut simile quid hujus sententiæ.

⁵⁶ De Curtio.] Historiam ignorant omnes: si tamen lectio vera est. Conjiungunt Arrin, sed de eo ante scripserat, et ei non satis apta res est.

⁵⁷ Lacertos captandas.] J. Fr. Gron. bene corrigit lacertos captandos: nam hi sunt marini, lacertæ sunt terrestria animalia. Non dubitavi sic edere.

me fuisse. tu vero sapientior Buthroti domum parasti. sed, mihi crede, proxima est illi municipio hæc Antiatiū civitas. ⁵⁸ esse locum tam prope Romam, ubi multi sint, qui Vatinium numquam viderint? ubi nemo sit præter me, qui quemquam ex vigintiviris ⁵⁹ vivum et salvum velit? ubi me interpellat nemo, diligant omnes? hic nimirum πολιτευτέον. nam istic non solum non licet, sed etiam tædet. itaque ἀνέκδοτα, quæ tibi uni legamus, Theopompino genere, aut etiam asperiore multo, pangentur. neque aliud jam quicquam πολιτεύομαι, nisi odisse improbos, et id ipsum nullo cum stomacho, sed potius cum aliqua scribendi voluptate. Sed ut ad rem, scripsi ad quæstores urbanos ⁶⁰ de Quinti fratris negotio. vide, quid narrent, ecqua spes sit denarii, an cistophoro Pompeiano jaceamus. Præterea de muro, statue, quid faciendum sit. Aliud quid? etiam. quando te proficisci istinc putes, fac, ut sciam.

CICERO ATTICO S.

7

DE geographia etiam atque etiam deliberabimus. Orationes autem me duas postulas: quarum alteram non libebat mihi scribere, ⁶¹ quia abscederam; alteram, ne laudarem eum, quem non amabam. sed id quoque videbimus. denique aliquid exstabit; ne tibi plane cessasse videamur. De Publio quæ ad me scribis, sane mihi jucunda sunt: eaque etiam velim, omnibus vestigiis indagata, ad me afferas, cum venies; et interea scribas, si quid intelliges, aut suspicabere: et maxime de legatione quid sit acturus. equidem

⁵⁸ Esse locum, &c.] Forma admirantis. quis credat in loco tam vicino Romæ no-
ruini visum Vatinium. Sic comici iopri-
mis passim.

⁵⁹ Vivum et salvum velit.] Hoc præ-
tuli enim Grævio e correctione Corradi,
quæ maxime consentit lectioni edd. Jensoni,
Aldi, &c. unum esse salvum velit.
Sæpe in libris unus et vivus permittantur.
Vatiani etiam ortum videtur ex eo, quod
præter me ad præcedentia referebant. Ce-
teræ correctiones nihili sunt. Ed. Rom.
unum esse Sergium velit.

⁶⁰ De Q. fratris negotio.] Prætoris
Asiæ pecuniam sibi decretam petentis sibi
solvi pecunia Romana, non Græca, cisto-
phoro, in qua jacturam faceret Cicero, lu-
crum quæstor vel ærarium. Cur Pompe-
ianum dicat cistophorum, non satis mihi
liquet.

⁶¹ Quia abscederam.] Sic, vel abscuram,

libri omnes, præter ed. Rom. quæ habet
abfueram. Sensus est autem, quia, cum
scribere epistolam cœpisssem, repente ejus
scriptionem præcidi et ipsam abjeci, no-
lens ad finem perducere. Sic abscessio
figura est, qua, cum aliquid dicere cœpi-
mus, præcidimus, ut est ad Herenn. IV,
54. Scilicet oratores scribebant oratio-
nes suas non ante, quam dicerent, sed post-
quam dixerant, nec id faciebant in omni-
bus. Itaque Cicero et ipse voluerat eam
orationem, de qua dicit, re recenti, scri-
bere, quia et audientibus et ipsi placuerat,
sed antequam ad finem venerat, mutato
consilio abrupterat scriptionem. nunc æ-
rum erat et difficile eam scribere. nisi vero
illa abscessio in ipsa orationis dictione
facta est propter repentiam aut idoneam
aliquam causam: nec voluit deinde ora-
tionem absolute scribere, quam in dicendo
non absolvisset.

novi omnino: et, quoniam Nepos proficiscitur, cuiam auguratus deferatur: quo quidem uno ego ab istis capi possum. ⁵⁴ vide levitatem ineam. sed quid ego hæc, quæ cupio deponere, et toto animo atque omni cura φιλοσοφῆιν? sic, inquam, in animo est. vellem ab initio. nunc vero, quoniam, quæ putavi esse præclara, expertus sum, quam essent inania, ⁵⁵ cum omnibus Musis rationem habere cogito. Tu tamen ⁵⁶ de Curtio ad me rescribe certius; et, num quis in ejus locum paretur; et, quid de P. Clodio fiat; et, ~~omnia~~ ^{omnia}, quemadmodum polliceris, ἐπὶ σχολῆς scribe; et, quo die Roma te exiturum putes, velim ad me scribere.

~~Ad exigendas pecunias,~~
Druso, ut opinor, Pisaurensi, ⁶⁵ an epuloni Vatinio reservatur: hæc jejuna ac bella relegatio datur ei, cujus tribunatus ad istorum tempora reservatur. incende hominem, amabo te, ⁶⁶ quod potest. una spes est salutis, ⁶⁷ istorum inter ipsos dissensio: cujus ego quædam initia sensi ex Curione. jam vero Arrius consulatum sibi ereptum fremit. ⁶⁸ Megabocchus, et hæc sanguinaria juvenus inimicissima est. accedat vero, accedat etiam ista rixa auguratus. spero, me præclaras de istis rebus epistolas ad te sæpe missurum.

⁶² In hominem ire cupiebam.] Si sic Cicero scripsisset, sensus esset: impetum in eum facere volebam; sed id non convenit sequentibus. Itaque in defendendum putavere viri docti, delevere Lambinus, Brutus, &c. Atque hoc ipse verum puto, Græv. conjicit istum pro istum. Tuistallus, p. 45. corrigit meo nomine ire cup. i. e. de causa mea, ut possem eum eo alterari, exagitare ejus legationem, sc. ut post est. Sed hæc intelligi possunt etiam servata lectione illa.

⁶³ Commovet et lutoribus. et ausp. legis.] Primum et deleverim, quod e finali τὸν commovet natum puto. Latores et auspices sunt ejusdem generis.

⁶⁴ Ad exigendas pecunias.] In Agyptum, opinor, ad pecunias a rege exigendas.

⁶⁵ An epuloni Vatinio.] Sic currere Lamb. Bosius et alii lectionem ed. pr. nepuloni V. e Mss. et sic vocatur Vatinus or. in Vat. 12. Ed. Rom. habet nebuloni, quod non displicet. videtur et dare valuisse aut. nam habet Pisaurensia. Tuistallus l. c. corrigit, an Putcolano V. ex or. in Vat. 5. Drusus quare Pisaurensis dicatur, nemo dicat.

⁶⁶ Quod potest.] Libri plures scr. potes. Grævius præfert quod, e libris scr. bene. pot' est pro potest ineptum est. Edidi quod potest, ut habent etiam edd. Rom. Jens. quod potes ed. Asc. quoad induxit Aldus.

⁶⁷ Istorum inter istos dissensio.] Inter istos ineptum est. Scr. inter ipsos: si isti inter se ipsi dissentiant. nec dubitavi sic edere, re manifesta. isti et ipsi passim in libris confunduntur.

⁶⁸ Megabocchus.] Sic ed. Rom. et Mss. plures, intelliguntque de Pompeio, quod is Bogudi Mauritanie regi pro patre ejus Boecchu imperarit. Sed quare hic sic appelletur? In edd. Jens. et seqq. est Megabrotus, quod simile videtur Epurati, ul supra appellatur Pompeius: quasi princeps hominum. Megabocchus revocatum est a Vict. Man. &c. J. Pr. Grunovius malit Megabacchus e Plutarchi Crasso, nobilis juvenis, qui cum Crasso occubuit videaturque e suspectis Catilinæ sociis fuisse. Sed quare is hic commemoraretur? oportet aliquis potens homo esse illius temporis? et videtur utique Pompeius indicari. sanguinaria juvenus est Catilinaria, v. I, 12.

LIBER II.

me fuisse. tu vero sapientior Buthroti domum parasti. sed, mihi crede, proxima est illi municipio hæc Antiatium civitas. ⁶⁸esse locum tam prope Romam, ubi multi sint, qui Vatinium numquam viderint? ubi nemo sit præter me, qui quemquam ex vigintiviris ⁶⁹vivum et saluum velit? ubi me interpellat nemo, diligant omnes? hic nimirum ~~receptum iam istis non solum non licet, sed etiam debet. Aliqua enim, quæ tibi mihi hærent. Illudque non potest, ut de vigintiviris, receptum~~

ΠΥΡΡΑΣ ἄκοιτον ψευδοῦς ἀδελφεῖν ποιεῖ.

De muro, quid opus sit, videbis. ⁷⁰Castricianum mendum nos corrigemus: tamen ad me Quintus ⁷¹[CIC] CCICCC ICXXX scripserat, nunc ad sororem tuam H-S XXX. Terentia tibi salutem dicit. Cicero tibi mandat, ut Aristodemo idem de se respondeas, quod de fratre suo, sororis tuæ filio, respondisti. De Amalthea quod me admones, non negligemus. Cura, ut valeas.

CICERO ATTICO S.

EPISTOLAM cum a te avide exspectarem ad vesperum, ut soleo; ecce tibi nuntius, pueros venisse Roma. voce, quæro, ecquid litterarum? negant. quid ais, inquam, nihilne a Pomponio? perterriti voce et vultu, confessi sunt se accepisse, sed excidisse in via. Quid quæris? permolestè tuli. nulla enim abs te per hos dies epistola inanis aliqua re utili et suavi venerat. nunc, si quid in ea epistola, quam ante diem XVI Kal. Mai. dedisti, fuit ⁷²historia dignum, scribe quamprimum, ne ignoremus: sin nihil præter jocationem, redde id ipsum. et scito Curionem adolescentem venisse ad me salutatum. valde ejus sermo de Publio cum tuis litteris congruebat. ipse vero mirandum in modum

69 Cum cogar exire d. n. non abjectis, sed receptis gub.] Edd. pr. inde a Jens. ereptis, quod male a Vitorio mutatum est in receptis, quod Mss. quidam habent, et ed. Rom. nam id quid est? Gronovius dicit esse, sed retractis in navem et suo commodo depositis. Sed Cicero exibat de nave. Vitorio dicit: receperat ad se gub. ut iis uti post posset. Sed habebat jam et tenebat ante, quam exiret. Vult dicere, se non sponte, sed coactum injuriis dimisisse gubernacula. Sio et Manutius intelligebat. Itaque vetus restitui. Forte

et melius sit scribere, cum cogor.

70 Castricianum mendum.] De Castircio v. Clav. mendum videtur esse aliquid peccati vel fraudis in re pecuniaria et negotio cum Q. Cicerone.

71 CIC CCICCC ICXXX.] Numeri hi vitiosi sunt. CIC quid ante majorem numerum? deinde inepte ICXXX, post CCICCC, i. e. numerum minorem. Verum videtur CCICCC ICXXX quæ sunt quindecim millia aut CCCICCC ICXXX potius. post Quintus XXX scripserat sibi deberi.

72 Historia dignum.] V. Clav.

⁷³ *reges odisse superbos.* peræque narrabat incensam esse juventutem, neque ferre hæc posse. ⁷⁴ *bene habemus:* nos, si in his spes est, opinor, aliud agamus. Ego me do historiæ. quamquam, licet me Saufeium putes esse, nihil me est inertius. Sed cognosce itinera nostra; ut statuas, ubi nos visurus sis. In Formianum volumus venire Parilibus: inde (quoniam putas prætermittendum nobis esse hoc tempore ⁷⁵ *Cratera illum delicatū*) Kal. Mai. de Formiano proficiscemur, ut Antii simus a. d. v Non. Mai. Iudi enim Antii futuri sunt a iv ad prid. Non. Mai. eos Tullia spectare vult. inde cogito in Tusculanum, deinde Arpinum, Romam ad Kal. Jun. Te aut in Formiano, aut Antii, aut in Tusculano, cura, ut videamus. Epistolam superiorem restitue nobis, et appinge aliquid novi.

CICERO ATTICO S.

9
p. 28. a. S. V. B. E. Cum mihi dixisset ⁷⁶ Cæcilius quæstor, puerum se Romam mittere, hæc scripsi raptim, ut tuos elicerem mirificos cum Publio dialogos, cum eos, de quibus scribis, tum illum, quem abdis, et ais, longum esse, quæ ad ea responderis, perscribere: ⁷⁷ illum vero, qui nondum habitus est, quem illa *βωπις*, cum c Solonio redierit, ad te est relatura, sic velim putes, nihil hoc posse mihi esse jucundius. si vero, ⁷⁸ quæ de me pacta sunt, ea non servantur; ⁷⁹ in cælo sum: ut sciat hic noster Hierosolymarius traductor ad plebem, quam ⁸⁰ bonam meis putissimis orationibus gratiam retulerit: quarum exspecta divinam *παλιρρησίαν*. etenim, quantum conjectura auguramur, si erit nebulo iste cum his

⁷³ *Reges odisse superbos.*] Est Eunii. et infra ep. 24. intelliguntur autem Pompeius, Cæsar, Crassus.

⁷⁴ *Bene habemus.*] In edd. pr. Rom. Jens. cum habemus conjungitur nos. ita nihil difficultatis in habemus. Sed nos ad agamus referri debere, clarum est. Itaque cum Corrado sentio, qui habet legi volebat. Sic semper Cicero. nec illius formulæ exemplum aliud notatum est.

⁷⁵ *Cratera i. d.*] V. Clav. Ind. Geogr.

⁷⁶ *Cæcilius quæstor.*] Qui sit, nemo dicit. In ed. Rom. est *Calius*, ut infra lex *Calia* pro *Cecilia*.

⁷⁷ *Illum vero.*] Int. quod ad illum vero dialogum attinet, quem a Clodia accipies: nam alias constructio non constat.

⁷⁸ *Quæ de me pacta sunt.*] Inter Clod-

ium et Pompeium, de Cicerone, ne illum Clodius vexaret. *pacisci* passive dictum in tali contextu non reperi. an fuit *pacti*?

⁷⁹ *In cælo sum: ut sciat.*] In cælo sum bene: sed quomodo coheret cum sequentibus? sc. gaudent id factum esse, quod et optavi, ut ita sentiat Pompeius, &c.

⁸⁰ *Bonam meis putissimis or. gratiam.*] Putissime orationes etsi explicari possunt, tamen non placent. nam Cicero non vult orationes suas laudare, sed quid iis debuerit Pompeius, dicere. Ed. Rom. habet *potissimis orat.* Conjecerim *meis potissimum orationibus*, earum *divinam palinodiam*: eleganter dixit. ipse non vult illas laudes retractare, sed a diis ipsius falsitatis convinci.

dynastis in gratia, ⁸¹ non modo de cynico consulari, sed ne de istis quidem piscinarum Tritonibus poterit se jactare. non enim poterimus ulla esse in invidia, spoliati opibus et illa senatoria potentia. sin autem ab his dissentiet; erit absurdum in nos invehi. verumtamen invehatur. festive, mihi crede; et minore sonitu, quam putaram, orbis hic in republica est conversus: ⁸² citius omnino, quam potuit, [id] culpa Catonis, sed rursus improbitate istorum, qui auspicia, qui Æliam legem, qui Juniam et Liciniam, qui Cæciliam et Didiam neglexerunt; qui ⁸³ omnia remedia reipublicæ effuderunt; qui regna, ⁸⁴ qui prædia tetrarchis, qui immanes pecunias paucis dederunt. Video jam, quo invidia transeat, et ubi sit habitatura. nihil me existimaris, neque usu, neque a Theophrastò didicisse, nisi brevi tempore desiderari nostra illa tempora videris, etenim si fuit invidiosa senatus potentia; cum ea non ad populum, sed ad tris homines immoderatos redacta sit, quidnam censes fore? proinde isti licet faciant, quos volent, consules, tribunos plebis, denique etiam Vatinius strumam sacerdotii ἐβάρφω vestiant; videbis brevi tempore magnos non modo eos, qui nihil titubarunt, sed etiam illum ipsum, qui peccavit, Catonem. nam nos quidem, si per istum tuum sodalem Publium licebit, σοφιστεῦν cogitamus: ⁸⁵ si ille cogit ἄντα, tum duntaxat nos defendere; et, quod est proprium artis hujus, ἐπαγγέλλομαι

Ἄνδρ' ἀπαμύνεσθαι, ὅτε τις πρότερος χαλεπήνῃ.

Patria propicia sit: habet a nobis, etiamsi non plus, quam debitum est, plus certe, quam postulatum est. male vehi malo, alio gubernante, quam, tam ingratis vectōribus, bene

81 Non modo de cynico consulari.] l. e. de me. Clodius Ciceronem consulem cynicum appellabat, quod non minus quam cynici mordax esset dicturi. In non modo int. non, omissum, quia sequitur ne quidem, ut sæpe.

82 Citius, quam potuit, id culpa Catonis.] Quam potuit dictum pro posse fieri putabatur. Sed id tamen durius est, nec culpa: Catonis satis convenit. Probo lectionem Ms. Longoliani oportuit. tum id delendum puto; nam durum est sic abrupte ponitum est e finali præcedentis verbi, ut sæpe alibi. Culpa Catonis supra narrata est in causa publicanorum.

83 O. remedia reipublicæ.] Omnia ea, per quæ respublica resistere turbulentis

tribunis et eorum conatus noxios reprimere potuit.

84 Qui prædia tetrarchis.] Quid hic sint prædia, non vel dixere, vel in eo satisfacere interpretes. Mihi videtur excidisse populi Rom. Scriptum erat P. R. id absorptum est, ut quibusdam aliis locis similibus a verbo prædia. In Agr. Cicero vectigalia et agros publicos vocat prædia populi Rom. Puto, me hanc correctionem omnibus probaturum. Mox immanes pecunias ex ærario erogatas paucis, singulis hominibus, ut est in or. in Vatin.

85 Si ille cogit ἄντα.] Si sic a Cicerone est, int. ἐπεσοῦσαι, iēvai. Sed est e mera conjectura Bosii, ceteris tamen meliore. Poterat sufficere, si ille cogit, ut ante est tantum si licebit.

gubernare. Sed hæc coram commodius. nunc audi, quod quæris. Antium me ex Formiano recipere cogito a. d. v Non. Mai. Antio volo Non. Mai. proficisci in Tusculanum. sed cum e Formiano rediero, (ibi esse usque ad prid. Kalend. Mai. volo,) faciam statim te certiore. Terentia tibi salutem. *Κικέρων ὁ μικρὸς ἀσπάζεταιται Τίτον Ἀθηναῖον.*

10

CICERO ATTICO S.

VOLO ames meam constantiam. ludos Antii spectare non placet. Est enim *ὑποσολικον*, cum velim vitare omnium deliciarum suspicionem, repente *ἀναφαίνεσθαι* ⁸⁶ non solum delicate, sed etiam inepte peregrinantem. quare usque ad Non. Mai. te in Formiano exspectabo. nunc fac, ut sciam, quo die te visuri simus. Ab Appii Foro, hora quarta. ^{p. 29.} ^{a.} dederam aliam paulo ante Tribus Tabernis.

11

CICERO ATTICO S.

NARRO tibi: plane relegatus mihi videor, posteaquam in Formiano sum. dies enim nullus erat, Antii cum essem, quo die non melius scirem, Romæ quid ageretur, quam ii, qui erant Romæ. etenim litteræ tuæ, non solum quid Romæ, sed etiam quid in republica, neque solum quid fieret, verum etiam quid futurum esset, indicabant. nunc, nisi si quid ex prætereunte viatore exceptum est, scire nihil possumus. quare quamquam jam te ipsum exspecto, tamen isti puero, quem ad me statim jussi recurrere, da ponderosam aliquam epistolam, plenam omnium non modo actorum, sed etiam opinionum tuarum: ac diem, quo Roma sis exiturus, cura, ut sciam. Nos in Formiano esse volumus usque ad prid. Nonas Mai. eo si ante eam diem non veneris, Romæ te fortasse videbo. nam Arpinum quid ego te invitem?

Τρηχεῖ, ἀλλ' ἀγαθὴ κουροτρόφος. οὗτι ἔγωγε

Ἦς γαίης δύναμαι γλυκερώτερον ἄλλο ἰδέσθαι.

Hæc igitur. Cura, ut valeas.

12

CICERO ATTICO S.

⁸⁷ NEGENT illi Publium plebeium factum esse. hoc vero regnum est, et ferri nullo pacto potest. Emittat ad me

⁸⁶ Non solum delicate, sed etiam inepte inaptum est foris querere, quod domi peregrinantem.] Illud refertur ad Antii lius habeas.
delicias, hoc ad spectacula extra urbem. ⁸⁷ Negent illi.] Hæc epistola debe-

Publius, ⁸⁸ qui obsignent; jurabo, Cnæum nostrum, ⁸⁹ collegam Balbi, Antii mihi narrasse, se in auspicio fuisse. o suaves epistolas tuas, uno tempore mihi datas, duas! quibus *εὐαγγέλια* quæ reddam, nescio: deberi quidem plane fateor. sed vide *συγκύρημα*. Emerseram commode ex Antiatii in Appiam ad Tris Tabernas, ipsis Cerialibus, cum in me incurrit Roma veniens Curio meus. ibidem ilico puer abs te cum epistolis. ille ex me, nihilne audissem novi: ego negare. Publius, inquit, tribunatum plebis petit. quid ais? et inimicissimus quidem Cæsaris, et ut omnia, inquit, ista rescindat. quid Cæsar? inquam. negat, se quicquam de illius adoptione tulisse. deinde suum, Memmii, Metelli Nepotis expromsit odium. Complexus juvenem dimisi, properans ad epistolas. Ubi sunt, qui ajunt *ζώσης φωνῆς*? quanto magis vidi ex tuis litteris, quam ex illius sermone, quid ageretur? ⁹⁰ de ruminatone quotidiana, de cogitatione Publii, de lituis *βοώπιδος*, ⁹¹ de signifero Athenione, de litteris missis ad Cnæum, de Theophanis, Memmiique sermone: quantam porro mihi expectationem dedisti convivii istius *ἀσελγοῦς*? ⁹² sum in curiositate *ἰξύνειρος*: sed tamen facile patior te id ad me *συμπόσιον* non scribere; præsentem audire malo. Quod me, ut scribam aliquid, hortaris: crescit mihi quidem materies, ut dicis: sed tota res etiam nunc fluctuat: *κατ' ὁπώρην τρῦξ*. ⁹³ quæ si desiderit; magis erunt judicata, quæ scribam: quæ si statim a me ferre non potueris, primus habebis tamen, et aliquamdiu solus. Dicæarchum recte amas. luculentus homo est, et civis haud paullo melior, quam isti nostri *ἀδίκαιαρχοι*. Litteras scripsi hora decima Cerialibus, statim, ut tuas legeram: sed eas eram daturus, ut putaram, postridie ei, qui mihi primus obviam venisset. Terentia delectata est

bat ante septimam esse, ex ordine temporis scriptarum epistolarum, quia non eo ordine reddita est. v. ep. seq.

88 Qui obsignent.] Int. testimonium meum, quod jurato firmabo.

89 Collegam Balbi.] Int. in XXviritu agri Campani dividundi.

90 De ruminatone quotidiana.] Videtur nomen hominis excidisse, quod in singulis membris est. Itaque nec satis intelligi potest, quæ sit illa ruminatio quotidiana.

91 De sign. Athenione.] V. Clav.

92 Sum in curiositate *ἰξύνειρος*.] Facere cum irrisione eorum, qui convivia *ἀσελγῆ* expetebant. in studio rerum cognoscendarum sum avidus.

93 Quæ si desiderit.] Hæc est vera h. l. lectio. opponitur materiæ fluctuanti, quæ recte dicitur *desidera*. Libri sor. et odd. item fluctuant inter *desederit* et *decesse-rit*. Locus est elegans admodum a tropi delectu et constantia. Sed *judicata* post hæc non placeet, quod nimis aberrat a tropo. *purgata* aut simile quid expectassem.

tuis litteris. impertit tibi multam salutem: καὶ Κικέρων ὁ φιλόσοφος τὸν πολιτικὸν Τίτον ἀσπάζεται.

CICERO ATTICO S.

13
p. 30.
n.

FACINUS indignum! epistolam, αὐθαρρὲς tibi a Tribus Tabernis rescriptam ad tuas suavissimas epistolas, neminem reddidisse? at scito, eum fasciculum, quo illam conjeceram, domum eo ipso die latum esse, quo ego dederam, et ad me in Formianum relatum esse. itaque ⁹⁴tibi tuam epistolam jussi referri; ex qua intelligeres, quam mihi tum illæ gratæ fuissent. Romæ quod scribis sileri, ita putabam. at hercule in agris non siletur: nec jam ipsi agri regnum vestrum ferre possunt. si vero in hanc *τηλέπυλον* veneris *Λαιστρυγονίην*, (Formias dico,) qui fremitus hominum? quam irati animi? quanto in odio noster amicus Magnus? cujus cognomen una cum Crassi Divitis cognomine consenescit. credas mihi velim; neminem adhuc offendi, qui hæc tam lente, quam ego fero, ferret. quare, mihi crede, φιλοσοφῶμεν. juratus tibi possum dicere, nihil esse tanti. Tu ⁹⁵si litteras ad Sicyonios habes, advola in Formianum: unde nos pr. Non. Mai. cogitamus.

14

CICERO ATTICO S.

QUANTAM tu mihi moves expectationem de sermone Bibuli? quantam de colloquio βοώπιδος? quantam etiā de illo delicato convivio? ⁹⁶proinde ita fac, venias ad siti-entis aures. quamquam nihil est jam, quod magis timendum nobis putem, quam ne ille noster Sampsciceramus, cum se omnium sermonibus sentiet vapulare, et cum has actiones
b. εὐανατρέπτους videbit, ruere incipiat. ego autem usque eo sum enervatus, ut hoc otio, quo nunc tabescimus, malim ἐντυραννίσθαι, quam cum optima spe dimicare. ⁹⁷De pangendo quod me crebro adhortaris, fieri nihil potest. basilicam

94 Tibi tuam, &c.] Quam tibi destina-veram, scripseram. — quam mihi tum illæ gratæ fuissent, sc. de quibus ante. Sed interdum conjei: quam mihi tuæ illæ.

95 Si litteras ad Sicyonios.] De negotio pecuniario too. habes est mittere cupis, scribere. de epistolis a seoutu vel Coss. hic non est cogitandum.

96 Proinde ita fac, venias, &c.] Int. utpromissis litteris alii libri ut subjiciunt: ut ad sitientes aures. Sed id friget. Ce-

terum si verbum venire ad sequentia refertor, videtur melius venies.

97 De pangendo, &c.] I. e. Scribendo libro, quod Atticus hortabatur sæpe Ciceroem litteris. Non fieri hoc tempore posse respondet, se jam nunc villam habere, quæ basilicæ iustar sit, a multitudine hominum in ista regione. erat autem ibi tribus Æmilia, hanc frequentia et copia sua facile instar basilicæ efficere. ita illo concursu et strepitu impediri a scribendo.

habeo, non villam, frequentia Formianorum, at quam parem basilicæ tribum Æmiliam? sed omitto vulgus: post horam IV molesti ceteri non sunt. C. Arrius proximus est vicinus: immo ille quidem jam contubernalis; qui etiam se idcirco Romam ire negat, ut hic mecum totos dies philosophetur. Ecce ex altera parte Sebosus, ille Catuli familiaris, quo me vertam? statim mehercule Arpinum irem, nite in Formiano commodissime exspectari viderem, duntaxat ad prid. Non. Mai. vide enim, quibus hominibus aures sint deditæ meæ, occasionem mirificam, si qui nunc, dum hi apud me sunt, emere de me fundum Formianum velit, et tamen illud probem? *magnum quid aggrediamur, et multæ cogitationis atque otii.* sed tamen ⁹⁸satisfiet a nobis, neque parceatur labori.

CICERO ATTICO S.

15

UT scribis, ita video, non minus incerta in republica, quam in epistola tua: sed tamen ista ipsa me varietas sermonum opinionumque delectat. Romæ enim videor esse, cum tuas litteras lego, et, ut fit in tantis rebus, modo hoc, modo illud audire. illud tamen explicare non possum, ⁹⁹quidnam invenire possit, nullo recusante, ad facultatem agrariam. Bibuli autem ista magnitudo animi in comitionum dilatione, quid habet, nisi ipsius iudicium sine ulla correctione reipublicæ? nimirum in Publio spes est? fiat tribunus plebis: si nihil aliud, ut eo citius tu ex Epiro revertare. nam, ut illo tu careas, non video posse fieri; præsertim si mecum aliquid volet disputare. sed id quidem non dubium est, quin, si quid erit ejusmodi, sis advolaturus. verum ut hoc non sit; tamen seu ruct, seu eriget rempublicam, præclarum spectaculum mihi propono, modo te consessore spectare liceat. Cum hæc maxime scriberem, ecce tibi Sebosus. nondum plane ingemueram; salve, inquit Arrius. Hoc est Roma decedere? Quos ego homines effugi, cum in hos incidi? ego vero in montes patrios, et ad incunabula nostra pergam. denique, ¹⁰⁰si solus non po-

⁹⁸ Satisfiet.] Tibi, qui vis aliquid a nobis scribi.

⁹⁹ Quidnam invenire possit, &c.] Invenire habent edd. Rom. Jena. et Mss. ceteræ veti. inveniri, quod facili in mentem veniat. Sed vetus restituit Victorinus. intellige Casar. Sensus est, quid excogi-

tare possit, ut lex agraria perferri nemine repugnante possit. sed nullo recusante, pro ita, ut nullus repugnet, est duriuscule dictum.

¹⁰⁰ Si solus non potuero.] Immo non potero.

tero, cum rusticis potius, quam cum his perurbanis: ita tamen, ut, quoniam tu certi nihil scribis, in Formiano tibi præstoler usque ad III Non. Mai. Terentiæ pergrata est assiduitas tua et diligentia in controversia Mulviana. nescit omnino, te communem causam defendere eorum, qui agros publicos possideant. sed tamen ¹tu aliquid publicanis pendis; hæc etiam id recusat. ea tibi igitur, et Κικέρων, ἀριστοκρατικώτατος παῖς, salutem dicunt.

16

CICERO ATTICO S.

CENATO mihi, et jam dormitanti, prid. Kal. Mai. epistola est illa reddita, in qua de agro Campano scribis. quid quæris? primum ita me pupugit, ut somnum mihi ademerrit, ²sed id cogitatione magis, quam molestia. cogitanti autem hæc fere succurrebant. primum ex eo, quod superioribus litteris scripseras, ex familiari te illius audisse, prolatum iri aliquid, quod nemo improbare; majus aliquid ^{b.}timueram: hoc mihi ejusmodi non videbatur. deinde, ut me ego consoler, omnis expectatio largitionis agrariæ in agrum Campanum videtur esse derivata: qui ager, ³ut dena jugera sint, non amplius hominum quinque millia potest sustinere. reliqua omnis multitudo ab illis abalienetur, necesse est. præterea, si ulla res est, quæ bonorum animos, quos jam video esse commotos, vehementius possit incendere, hæc certe est, et eo magis, quod portorii Italiæ sublati, agro Campano diviso, quod vectigal superest domesticum, præter vicesimam? quæ mihi videtur una conciuncula, clamore pedissequorum nostrorum, esse peritura. Cnæus quidem noster jam plane quid cogitet, nescio.

Φυσῆ γὰρ οὐ μικροῖσιν ἀνθρώποις ἐστὶ,

Ἄλλ' ἀγρίαις φύσαισι, φορβείας ἄτερ:

qui quidem etiam istuc adduci potuerit. nam adhuc hoc ἐσοφίζετο, se leges Cæsaris probare; actiones ipsum præstare debere: agrariam legem sibi placuisse: potuerit in-

¹ Tu aliquid publicanis pendis.] Hoc melius quam publicanus, quod in libris multis est, etiam ed. Rom. nam non qui sit, quæritur, sed quid faciat, an vectigal pendat, quod publicanis penditur, is igitur inammonitatem eorum agrorum, de quibus Terentia controversiam habebat cum pub-

licanis, non petebat.

² Sed id cogitatione m. q. m.] Hic quoque id e præcedente sed natam puto. melius enim abfuerit.

³ Ut dena jugera sint.] Sc. quæ singulis denter: si dena jugera fiant in singula capita.

tercedi, nec ne, nihil ad se pertinere: ⁴ de rege Alexandrino placuisse sibi aliquando confici; Bibulus de cælo tum servasset, nec ne, sibi quærendum non fuisse: de publicanis, voluisse illi ordini commodare; quid futurum fuerit, si Bibulus tum in forum descendisset, se divinare non potuisse. nunc vero Sampsicerame, quid dices? ⁵ vectigal te nobis in monte Antilibano constituisse, agri Campani abstulisse? quid, hoc quemadmodum obtinebis? oppressos vos, inquit, tenebo exercitu Cæsaris. non mehercule me tu quidem tam isto exercitu, quam ingratis animis eorum hominum, qui appellantur boni: qui mihi non modo præmiorum, sed ne sermonum quidem umquam fructum ullum, p. 32. aut gratiam retulerunt. quodsi ⁶ in eam me partem incitarem, profecto jam aliquam reperirem resistendi viam. nunc prorsus hoc statui, ut, quoniam tanta controversia est Dicæarcho, familiari tuo, cum Theophrasto, amico meo, ut ille tuus τὸν πρακτικὸν βίον longe omnibus anteponat, hic autem τὸν θεωρητικὸν, utrique a me mos gestus esse videatur. puto enim me Dicæarcho affatim satisfacisse: ⁷ respicio nunc ad hanc familiam, quæ mihi non modo, ut requiescam, permittit, sed reprehendit, quia non semper quierim. quare incumbamus, o noster Tite, ad illa præclara studia, et eo, unde discedere non oportuit, aliquando revertamur. Quod de Quinti fratris epistola scribis, ad me quoque fuit πρόσθε λέων, ὅπιδιν δέ: quid dicam nescio. nam ita deplorat primis versibus ⁸ mansionem suam, ut quemvis movere possit: ita rursus remittit, ut me roget, ut annales suos emendem, et edam. Illud tamen, quod scribit, animadvertas velim, de portorio circumvectionis: ait, se de consilii sententia rem ad senatum rejecisse. nondum videlicet meas litteras legerat; quibus ad eum, re consulta et explorata, perscripseram, non deberi. velim, si qui Græci jam Romam ex Asia de ea causa venerunt, videas, et, si tibi

⁴ De rege Alexandrino.] Ut socius pop. R. appellaretur, de quo etiam confectum est.

⁵ Vectigal te nobis, &c.] Cum Syriam regi ademisset post bellum Mithridaticum, etiam Palæstinæ.

⁶ In eam me partem incitarem.] Hoc est efficacius, quam si dixisset, si in eam partem inclinarem, quod et sequentibus apertius est.

⁷ Respicio nunc ad hanc familiam.] Sc. philosophorum, in qua erat Theophrastus. non autem hic sectam, quam proprie dicimus, intelligit, sed tantum diversam rationem sentiendi etiam inter philosophos ejusdem scholæ.

⁸ Mansionem suam.] In provincia Asia. mox, roget ut emendem annales & soil. ut diu abesse velle videatur. de Annalibus Quinti v. Clav.

videbitur, his demonstres, quid ego de ea re sentiam. ⁹ si possum discedere, ne causa optima in senatu pereat, ego satisfaciam publicanis; *εἰ δὲ μὴ*, (vere tecum loquar,) in hac re malo universæ Asiæ, et negotiatoribus. nam eorum quoque vehementer interest. hoc ego sentio valde nobis opus esse. sed tu id videbis. Quæstores autem, quæso, num
 b. etiam ¹⁰ de cistophoro dubitant? nam si illud nihil erit; cum erimus omnia experti, ego illud ne quidem contemnam, ¹¹ quod extremum est. Te in Arpinati videbimus, et ¹² hospitio agresti accipiemus; quoniam maritimum hoc contemsisti.

17

CICERO ATTICO S.

PRORSUS, ut scribis, ita sentio. ¹³ turbatur Sampsiceramus. nihil est, quod non timendum sit. *ὁμολογουμένως τυραννίδα συσκεινύζεται*. quid enim ista repentina affinitatis conjunctio, quid ager Campanus, quid effusio pecuniæ significant? ¹⁴ quæ si essent extrema, tamen esset nimium mali: sed ea natura rei est, ut hæc extrema esse non possint. quid enim eos hæc ipsa per se delectare possunt? numquam huc venissent, nisi ad alias res pestiferas aditus sibi compararent. ¹⁵ verum, ut scribis, hæc in Arpinati a. d. vi circiter Id. Mai. non deflebimus, ne et opera et oleum ¹⁶ philologiæ nostræ perierit: sed conferemus tranquillo animo. dii immortales! neque tam me *ἐλεηπιστία* consolatur, ut antea, quam *ἀδιαφορία*, qua nulla in fê tam utor, quam in hac civili et publica. quin etiam, ¹⁷ quod est subinane in

⁹ Si possum discedere.] Manutius, nam ceteri tacent, explicat, si possum consequi, ita ut in ea causa discedam, ut Græcas liberem a vectigali. Sed ita nimis abrupte dixit Cicero. an ad discessionem in seauatu spectat?

¹⁰ De cistophoro.] V. supra ad ep. 6.

¹¹ Quod extremum est.] Alii appellationem tribb. pl. intelligunt: P. Manutius, ut a quæstoribus Romæ cistophoros exigam: quod iis contumeliosum erit, cum ibi nou valeant: idque et Grævius probat. mihi illud magis placet.

¹² Hospitio agresti - - maritimum hoc.] Int. hospitio rustico et minus amœno, quoniam in hoc amœnium, Formianum, non venisti.

¹³ Turbatur Sampsiceramus.] Sio edd. pr. quod eset, animo consternatus est: sed id sequentibus non convenit. Sine dubio Cicero scripsit *turbat*, turbas dat, vel movet. id sequentibus convenit: idque

et aliis, etiam Grævio probatur. Si tamen turbatur servandum sit, intelligendum erit, inconstans factus est, et de statu suo discessit.

¹⁴ Quæ si essent extrema.] Si in his finem turbandi faceret, nec longius progredieretur.

¹⁵ Verum.] Ed. Grævii habet dii immortales. verum. id est ab Aldo, idque Hervag. P. Manutius, &c. scotti sunt. edd. pr. Crat. Vict. non habent. nec tamen displicet, beneque sequentibus convenit. Videtur tamen e sequentibus hu tractum esse.

¹⁶ Philologiæ nostræ.] Ms. Halliol. philosophiæ nostræ, quod præfert Grævius. nil interest. nam philologia est studium philosophiæ. Item mox hoc feremus pro conferemus, non bene. dicit, non flebimus, sed philosophiæ disserendo dabimus operam.

¹⁷ Quod est subinane.] V. not. sequentem.

nobis, et non ἀφιλοδοξον, (bellum est enim sua vitia nosse,) afficitur quadam delectatione. solebat enim me pungere, ne Sampsiceram merita in patriam ad annos DC majora viderentur, quam nostra: hac quidem cura certe ¹⁸ jam vacuum est. jacet enim ille sic, ut ¹⁹ Phocis Curiana stare videatur. Sed hæc coram. Tu tamen videris mihi Romæ fore ad nostrum adventum. quod sane facile patiar, si tuo commodo fieri possit. sin, ut scribis, ita venies; velim e Theophane expiscere, quonam in me animo sit Alabarches. quæres scilicet, ut soles κατὰ τὸ κηδεμονικόν, et ad me ab eo quasi ἐποθίμας adferes, quemadmodum me geram. aliquid ex ejus sermone poterimus περὶ τῶν ὄλων suspicari.

p. 33.
2.

CICERO ATTICO S.

18

ACCEPI aliquot epistolas tuas: ex quibus intellexi, quam suspenso animo et sollicito scire avenes, quid esset novi. tenemur undique: neque jam, quo minus serviamus, recusamus: sed mortem, et ejectionem, quasi majora, timeamus: quæ multo sunt minora. ²⁰ atque hic status, qui una voce omnium gemitur, neque verbo cujusquam sublevatur. σκοπὸς est, ut suspicor, ²¹ illis qui tenent, nullam cuiquam largitionem relinquere. unus loquitur, et palam adversatur adolescens Curio. huic plausus maximi, consalutatio forensis perhonorifica, signa præterea benivolentiæ permulta a bonis impertiuntur: Fufium clamoribus, et conviciis, et sibilis consecantur. his ex rebus non spes, sed dolor est major; cum videas civitatis voluntatem solutam, virtutem alligatam. ac ne forte quæras ²² κατὰ λεπτὸν de singulis rebus, universa res eo est deducta, spes ut nulla sit, aliquando non modo privatos, verum etiam magistratus

18 Jam vacuum est.] Bosius refert ad superius, quod est subitane in nobis et non ἀφιλοδοξον. recte. pars animi ea, quæ habet aliquid inane, quia sc. movetur laudis dulcedine, ea jam nihil movetur et vacua est cura. Ludit in ambiguitate verborum. Ante Bosium legebatur vacuus est: quod quo referatur non habet.

19 Phocis Curiana.] Hæc est lectio edd. pr. in qua valde se torsero ingenia viro- rum doctorum, variis conjecturis proferendis. Bene Turnebus Q. Curium intel- ligit, hominem perditum et senatu motum, cum allusione ad Phocidem Græciæ, a Philippo rege eversam, Phocidem Curia- nam vocari. Jac. Gronovius edidit Pra-

tis Curiana e mera conjectura, ducta a fabula Prætidium. quod iusto audacius fac- tum. Tunstallus p. 49. corrigat Αφελότης Curiana, quæ tum in proverbium abierit.

20 Atque hic status, qui una v. o. g.] Aut addendum est, cujus durior hic ellip- sis sit, aut qui delendum.

21 Illis, qui tenent.] Int. omnis, rem- publicam, vel etiam nos; ut referatur ad superius tenemur.

22 Κατὰ λεπτὸν de singulis rebus.] De s. rebus glossam sapit: nisi vero oppositio- nis exprimende causa additum est: sin- gule res, universa res. Illud et Manutius in mentem venisse video.

liberos fore. Hac tamen in oppressione, sermo, in circulis duntaxat et conviviis, est liberior, quam fuit. vincere incipit timorem dolor, sed ita, ut omnia sint plenissima desperationis. habet etiam Campana lex execrationem ²³ in coitione candidatorum; ²⁴ si mentionem fecerint, quo aliter ager possideatur, atque ut ex legibus Juliis. ²⁵ Non dubitant jurare ceteri: Laterensis existimatur ²⁶ laute fecisse, quod tribunatum plebis petere destitit, ne juraret. Sed de republica non libet plura scribere. displiceo mihi, nec sine summo scribo dolore. me tueor; ut oppressis omnibus, non demisse; ut tantis rebus gestis, parum fortiter. a Cæsare valde liberaliter invitor in legationem illam, sibi ut sim legatus: atque etiam libera legatio voti causa datur. sed hæc et præsidii apud pudorem Pulchelli non habet satis, et a fratris adventu me ablegat: illa et munitior est, et non impedit, quo minus adsim, cum velim. hanc ego teneo; sed usurum me non puto. neque tamen scit quisquam. non lubet fugere: aveo pugnare. magna sunt hominum studia. sed nihil affirmo: tu hoc silebis. ²⁷ De Statio manumisso, et nonnullis aliis rebus, angor quidem, sed jam prorsus occallui. tu, vellem, ²⁸ ego ve cuperem, adesses: nec mihi consilium, nec consolatio deesset. sed ita te para, ut, si inclamaro, advoles.

19

CICERO ATTICO S.

MULTA me sollicitant, et ex reipublicæ tanto motu, et ex iis periculis, quæ mihi ipsi intenduntur: ²⁹ et sexcenta

²³ In coitione candidatorum.] Coitiones candidatorum etiam alibi memorantur. v. Clav. sed ex privato et illicito. Itaque Grævius prætulit lectionem Ms. Balliol. concione, quam et ed. Rom. habet contione. atque ita edidit. Sed concionem candidatorum sic memorari non reperi. Conjeci aliquando in ambitione cand. cum in foro vel campo Martio circummeant populum prensandi causa, et candidato alicui hæc conditio proponitur. Possis etiam conditione cand. legere, eodem sensu: ac mihi hoc optime placet: Concio et conditio sæpe in Mss. confunduntur.

²⁴ Si ment. fecerint, quo aliter ager poss.] Sunt verba juris jurandi, aut legis, quæ illud iuramentum jusserat. Sensus est, si legem tulerint de conditione agrorum mutanda, ut sacri sint.

²⁵ Non dubitant j. ceteri: Laterensis &c.] Sic interpungendum est. nam ceteri

refertur ad Laterensem. Ceterum suspicatus sum legendum esse dubitarunt: quod de præterito sermo esse videtur.

²⁶ Caute fecisse.] Mihi semper rē caute minus visum est quam pro re. sicut et recte in edd. Rom. Aldinis et sqq. restitui igitur antiquam lectionem laute i. e. magnifico, in quo est etiam lepida allusio ad nomen Laterensis. Sic edd. Jens. Asc. et Mss. plures, probabaturque Malaspina. caute ex uno Ms. edidit Bosius primus.

²⁷ De Statio manumisso.] A fratre in Asia. v. ep. seq. et ad Q. Fr. I, 2.

²⁸ Ego ve cuperem.] Alii egone c. sed nemo explicat, et, quid id sibi velit, docet. An e magnopere factum est? aut plane debemus? hoc optimum.

²⁹ Et sexcenta sunt.] Hoc non bene sic cum antecedente conjungitur. Conjeci ea s. s.

sunt. sed mihi nihil est molestius, quam Statium manumissum. nec meum imperium? ac mitto imperium, non similitatem meam revereri saltem? nec, quid faciam, scio: neque tantum* est in re, quantus est sermo. ego autem ne irasci possum quidem iis, quos valde amo; tantum doleo, ac mirifice quidem. cetera in magnis rebus, minæ Clodii, contentionesque, quæ mihi proponuntur, modice me tangunt. etenim vel subire eas videor mihi summa cum dignitate, vel declinare nulla cum molestia posse. Dices fortasse, dignitatis ἄλις, tamquam ὀνός: salutem, si me amas, consule. Me miserum! cur non ades? nihil te profecto præteriret: ego fortasse τυφλώττω, et nimium τῷ καλῷ προσπέπονθα. scito nihil umquam fuisse tam infame, tam turpe, tam peræque omnibus generibus, ordinibus, ætatibus offensum, quam hunc statum, qui nunc est: magis meherecule, quam vellem, non modo ³⁰ quam putaram. populares isti jam etiam modestos homines sibilare docuerunt. Bibulus in cælo est: nec, quare, scio; sed ita laudatur, quasi *Unus homo nobis cunctando* ³¹ *restituit rem*. Pompeius, nostri amores, quod mihi summo dolori est, ipse se afflixit: neminem tenet: ³² voluntate, an metu necesse sit iis uti, vereor. Ego autem neque pugno cum illa causa, propter illam amicitiam, neque approbo, ne omnia improbem, quæ antea gessi: utor via. populi sensus maxime ³³ theatro et spectaculis perspectus est. nam gladiatoribus, ³⁴ qua dominus, qua advocati sibilis conscissi: ludis Apollinaribus Diphilus tragædus in nostrum Pompeium petulanter invectus est: *Nostri miseria tu es Magnus*, millies coactus est dicere. *Eandem virtutem istam, veniet tempus, cum graviter gemes*, totius theatri clamore dixit, itemque cetera. nam et ejusmodi sunt ii versus, ut in tempus ab inimico Pompeii scripti esse videantur. *Si neque leges, neque mores cogunt*, et cetera magno cum fremitu et clamore sunt dicta. Cæsar cum

p. 34.
a.

30 *Quam putaram.*] Sic cum Grævio dedi pro vulg. *putarem*, quod et sponte fecissem.

31 *Restituit rem.*] Debebat esse *restituerit rem*, sed versus Ennii extra structuram orationis posuit: ita laudatur, ut ille apud Ennium *unus*, &c.

32 *V. a. m. n. e. iis uti, vereor.*] Iis, Cæsare, Crasso et similibus. *Vereor* h. l. debet esse, non satis scio. Sed constructio non satis constat. *voluntate* non habet,

unde pendeat. nam ad *necesse sit* referri non potest. itaque abrupte capiendum est, pro, voluntate iis se adjunxerit, an meta necesse sit, se adjungere. Forte locus corruptus est.

33 *Theatro et spectaculis.*] I. ceteris spectaculis, Circensibus, muneribus.

34 *Qua dominus, qua adv.*] Dominum int. editorem: advocatos autem amicos, qui resisterent inimicis sibilantibus, male dicentibus.

EPIST. AD ATTICUM

venisset mortuo plausu, Curio filius est insecutus. ³⁵ huic ita plausum est, ut, salva republica, Pompeio plaudi solebat. tulit Cæsar graviter. litteræ Capuam ad Pompeium volare dicebantur. ³⁶ inimici erant equitibus, qui Curioni stantes plausuerant; hostes omnibus. ³⁷ Rosciæ legi, etiam frumentariæ minitabantur. sane res erat perturbata. Equidem malueram, quod erat susceptum ab illis, silentio transire: sed vereor, ne non liceat. non ferunt homines, quod videtur esse tamen ferendum. sed est jam una vox omnium, magis odio firmata, quam præsidio. Noster autem Publius ³⁸ mihi inimicatur: impendet negotium: ad quod tu scilicet advolabis. Videor mihi nostrum illum consularem exercitum bonorum omnium, etiam satis bonorum, habere firmissimum. Pompeius significat studium erga me non mediocre. idem affirmat, ³⁹ verbum de me ullum non esse facturum. in quo non me ille fallit, sed ipse fallitur. ⁴⁰ Cosconio mortuo, sum in ejus locum invitatus. id erat ⁴¹ vocari in locum mortui. ⁴² nihil me turpius apud homines fuisset: neque vero, ad istam ipsam ἀσφάλειαν quicquam alienius. sunt enim illi apud bonos invidiosi: ego apud improbos meam retinuissem invidiam, alienam assummissem. Cæsar me sibi vult esse legatum. honestior hæc declinatio periculi. ⁴³ sed ego hoc repudio. quid ergo est? pugnare malo. nihil tamen certi. iterum dico, utinam adesses! sed tamen, si erit necesse, arcessemus. Quid aliud? quid? hoc opinor. certi sumus perisse omnia. quid enim ἀκκιζόμεθα tamdiu? sed

35 Huic l. p. e.] Quia Cæsaris et Pompeii potentiam libere insectabatur.

36 Inimici erant.] Cæsar et ejus amici.

37 Rosciæ legi, etiam frum.] Illi, equitum odio, lulo populi.

38 Mihi minitatur, inimicus est.] Inimicus est abest Ms. Balliol. delorique volebat Grævius. bene. Sed originem hujus appendiculae reperi. Ed. Jensoni habet mihi inimicatur, inimicus est. Vera igitur lectio est mihi inimicatur: ejus glossa est inimicus est, quæ in textum irrepsit: ex inimicatur factum est minitatur, quia illud rarius est, o precedente paullo ante minitabantur. Verbo illo et Q. Cicero de Petit. Cons. c. 12. usus est, si edd. pr. audias, quarum lectionem mutavit Corradus, de quo suo loco videbimus; et Horatius C. IV, 15. 20. inimicare, ut id verbum repudiandum non sit. Itaque non dubitavi, id verbum Ciceroni h. l. restituere.

39 Verbum de me illum n. e. facturum.]

Illum de Clodio intelligendum. mox ille de Pompeio. Sed legendum putavi ultum, et tamen de Clodio res intelligenda. Itaque sic correxi. Et sic edd. Rom. Asceus, habent.

40 Cosconio.] Qui XXvir fuerat.

41 Vocari in locum mortui.] Quomodo id turpe erat? nempe quia non ab initio lectus esset, sed ci Cosconius prælatus, ipse mortuo demum successit.

42 Nihil me turpius ap. h. f.] Durum est turpis apud homines de homine. an scripsit mi pro mihi? quod et alibi in libris reperitur, etiam in his ipsis epistolis sic a nonnullis aliquoties editum.

43 Sed ego hoc nunc repudio.] Quare nunc? an alio tempore accepisset aut accipere volebat? Edd. pr. habent non, e quo nunc factum correctione. At a Ms. Ursini abfuit particula. recte. factum est non casu ex hoc. Delevi.

hæc scripsi properans, et melius scribam. posthac ad te, aut, si perfidelem habebo, cui dem, ~~scribam~~ plane omnia, aut, si obscure scribam, tu tamen intelliges, in iis epistolis me Lælium, te Furium faciam: cetera erunt ~~et~~ *ἀντιγραφῶν*. Hic Cæcilium colimus et observamus diligenter. Edicta Bibuli audio ad te missa. iis ardet dolore et ira noster. Pompeius.

CICERO ATTICO S.

20

ANICATO, ut te velle intellexeram, nullo loco defui. Numestium ex litteris tuis, studiose scriptis, libenter in amicitiam recepi. Cæcilium, quibus rebus possum, tueor diligenter. Varro satisfecit nobis. Pompeius amat nos, carosque habet. credis? inquires. credo: prorsus mihi persuadet. sed quia, ut video, pragmatici homines omnibus historicis præceptis, versibus denique cavere jubent, et vetant credere: alterum facio, ut caveam; alterum, ut non credam, facere non possum. Clodius adhuc mihi denuntiat periculum: Pompeius affirmat, non esse periculum: adjurat; addit etiam, se prius occisum iri ab eo, quam me violatum iri. tractatur res. ^{p. 24.} ^{a.} simul ac quid erit certi, scribam ad te. si erit pugnandum, arcessam ad societatem laboris: si quies dabitur, ab Amalthea te non commovebo. De republica breviter ad te scribam. jam enim, charta ipsa ne nos prodat, pertimesco. itaque posthac, si erunt mihi plura ad te scribenda, *ἀλληγορίαις* obscurabo. Nunc quidem novo quodam morbo civitas moritur; ut, cum omnes ea, quæ sunt acta, improbent, querantur, doleant, varietas in re nulla sit, aperteque loquantur, et jam clare gemant; tamen medicina nulla afferatur. neque enim resisti sine internecone posse arbitramur: nec videmus, qui finis cediendi, præter exitium, futurus sit. Bibulus hominum admiratione et benivolentia in cælo est. edicta ejus et conciones describunt et legunt. novo quodam genere in summam gloriam venit. populare nunc nihil tam est, quam odium popularium. Hæc quo sint eruptura, timeo. sed, si dispicere quid coepero, scribam ad te apertius. tu, si me amas tantum, quantum profecto amas; expeditus, facito, ^{b.}

44 Simul et quid erit certa.] Simul et Romana, habet simulac sine interpunctione. recte. atque ita edidi.

edd. Jens. Asc. Ald., &c. Sed interpungunt post simul. At altera princeps editio,

ut esse; et incivitas, ut auctoritas. sed de operam et labori
ne sit necessitas. Quod scripseram, te Furium scripturam
nihil necesse est tuum nomen mutare. me faciam Iulium,
et te Atticum; neque utar meo chirographo, neque signo;
si modo erant ejusmodi litteræ, quas in alienam incidere
nolim. * Diodotus mortuus est: reliquit nobis H-S for-
tasse centies. Comitia Bibulus cum Archilochio edicto in
ante diem xv Kal. Novemb. distulit. A Vibio 46 libros
accepi. poeta ineptus: 47 nec tamen scit nihil: et est non inu-
tilis. describo et remitto.

21

CICERO ATTICO S.

DE republica 48 quid ego tibi subtiliter? tota periit:
49 atque hoc est miserior, quam reliquisti, quod tum videba-
tur ejusmodi dominatio civitatem oppressisse, quæ jucunda
esset multitudini, bonis autem ita molesta, ut tamen sine
perniciæ: nunc repente tanto in odio est omnibus, ut, quor-
um eruptura sit, horreamus. nam iracundiam atque intem-
perantiam illorum sumus experti, qui Catoni irati omnia
perdiderunt. sed ita lenibus uti videbantur venenis, ut posse
videremur sine dolore interire. nunc vero sibilis vulgi, ser-
monibus honestorum, fremitu Italiæ, vereor ne exarserint.
Equidem sperabam, ut sæpe etiam loqui tecum solebam,
50 sic orbem reipublicæ esse conversum, ut vix sonitum
audire, vix impressam orbitam videre possemus: et fuisset
ita, si homines transitum tempestatis expectare potuis-
sent: sed cum diu occulte suspirassent, postea jam gemere,
p. 36. ad extremum vero loqui omnes et clamare coeperunt. ita-
que ille amicus noster, insolens infamiæ, semper in laude
versatus, circumfluens gloria, 51 deformatus corpore, fractus
animo, quo se conferat nescit: progressum præcipitem, in-

45 Diodotus - H-S. fortasse centies.] Dio-
dotus est Stoicus ille, qui domi Ciceronis
vixit et mortuus. Summa pecunie major
videtur, quam pro tali homine: nam cen-
ties H-S æquat 250000 scutillorum. Ita-
que Malaspina corrigebat centum i. e. tria
millia fere. Bene.

46 Libros.] Alexandri poeta, de quo
supra scripsit.

47 Nec tamen scit nihil: sed e. n. i.]
Edd. pr. et tamen: quod recte e sensu mu-
tatum est in nec tamen. Cur ergo alterum
sed est non in. relictum est? quod non con-
venit novæ lectioni. Legendum est, et

est non inutilis, nempe quia non indoctus
est. Sic Man. a. 1540. edidit.

48 Quid ego tibi subtiliter.] Sic ed.
Rom. P. Mantii et inde aliae bene. Ed.
Jens. Asc. Aldi addunt scribam: male.

49 Atque hoc est miserior.] Nexus ora-
tionis suadet legere atque nunc est miserior.

50 S. o. r. esse conversum.] Corradus
corrigebat iri. nam sententiæ certe futurum
postulat. possis et: esse se conversurum,
vel sine se. locus totus venustus est.

51 Deformatus corpore.] Nempe infra
dicit, cum dolore et ægritudine tabescere.

constantem reditum videt: bonos inimicos habet, improbos ipse non amicos. Ac vide mollitiem animi. non tantum lacrymas, cum illum ante VIII Kal. Sext. vidi de edictis Bibuli concionantem: qui antea solitus esset iactare se magnificentissime illo in loco, summo cum amore populi, cunctis faventibus, ut ille tum humilis, ut demissus erat, ut ipse etiam sibi, non iis solum, qui aderant, displicebat. o! spectaculum uni Crasso jucundum, ceteris non item! ⁵² nam, qui deciderat ex astris, lapsus, quam progressus, potius videbatur: et, ut Apelles, si Venerem, aut si Protogenes Jalysum illum suum cœno oblitum videret, magnum, credo, acciperet dolorem: sic ego hunc, omnibus a me pictum et politum artis coloribus, subito deformatum, non sine magno dolore vidi. quamquam nemo putabat, propter Clodianum negotium, me illi amicum esse debere: tamen tantus fuit amor, ut exhauriri nulla posset injuria. itaque Archilochia in illum edicta Bibuli populo ita sunt jucunda, ut eum locum, ubi proponuntur, præ multitudine eorum, qui legunt, transire nequeant; ipsi ita acerba, ut tabescat dolore; mihi mehercule molesta, quod et eum, quem semper dilexi, nimis excruciant, et timeo, tam vehemens vir, tamque acer in ferro, et tam insuetus contumeliæ, ne omni animi impetu dolori et iracundiæ pareat. Bibuli qui sit exitus futurus, nescio. ut nunc res se habet, admirabili gloria est. quin cum comitia in mensem Octobr. distulisset; quod solet ea res populi voluntatem offendere, putarat Cæsar, oratione sua posse impelli concionem, ⁵³ ut iret ad Bibulum; multa cum seditiosissime diceret, vocem exprimere non potuit. Quid quæris? sentiunt, se nullam ullius partis voluntatem tenere: eo magis vis nobis est timenda. Clodius inimicus est nobis. Pompeius confirmat, cum nihil esse facturum contra me. mihi periculosum est credere: ad resistendum me paro. studia spero me summa habiturum omnium ordinum. te cum ego desidero, ⁵⁴ tum vero res ac tem-

⁵² Nam, quia deciderat, &c.] Quæ ratio-
ratiocinatio ista! quis lapsus cælo erat,
propterea lapsus magis quam progressus
videbatur. Immo pro quæ scribendum qui-
res est ita evidens, ut sic rescribere non
dubitarim. Post lapsus ad temeritatem et
præcipitantiam pertinet, progressus ad con-
ciliium.

⁵³ Ut iret ad Bibulum.] Urinus con-
jecit in Bibulum, scil. impetum in eum

faceret, clamore, &c. speciose, et sic ipse
conjecit. Sed ad Bibulum potest etiam ac-
cipi ad edes Bibuli tumultuandi causa: ut
accepit Manutius.

⁵⁴ Tum vero res ad tempus illud vocat.]
Non intelligo, quid sit res ad tempus vocat.
immo scribendum res ac tempus i. v. infra
ep. 25. extr. res et tempus, in eadem sen-
tentia. nec dubitavi sic corrigere.

pus illud ~~volui~~ ~~per me~~ ~~consilii~~, animi, praesidii denique mihi, se te ad tempus videro, accesserit. Varro mihi satisfacit. Pompeius loquitur divinitus. spero nos aut certe cum summa gloria, aut sine molestia etiam discessuros. Tu, quid agas, quemadmodum te oblectes, quid cum Sicyoniis egeris, ut sciam, cura.

22

CICERO ATTICO S.

QUAM vellem Romae! mansisses profecto, si haec fore putassemus. nam Pulchellum nostrum facillime teneremus: aut certe, quid esset facturus, scire possemus. nunc se res sic habet; volitat, furit, nihil habet certi; multis denuntiat; quod fors obtulerit, id acturus videtur. cum videt, quo sit in odio status hic rerum, in eos, qui haec egerunt, impetum facturns videtur. cum autem rursus opes et vim exercitus recordatur, convertit se in nos. nobis autem ipsis cum vim, tum iudicium minatur. Cum hoc Pompeius egit, et, ut ad me ipse referebat, (alium enim habeo neminem tem-
 p. 37. a. tem,) vehementer egit, cum diceret, in summa se perfidia et sceleris infamia fore, si mihi periculum crearetur ab eo, quem ipse armasset, cum plebeium fieri passus esset: ⁵⁵sed fidem recepisse sibi et ipsum, et Appium de me: hanc si ille non servaret, ita laturum, ut omnes intelligerent, nihil sibi antiquius amicitia nostra fuisse. Haec, et in eam sententiam cum multa dixisset, aiebat illum primo sane diu multa contra: ad extremum autem manus dedisse, et affirmasse, nihil se contra ejus voluntatem esse facturum. sed postea tamen ille non destitit de nobis asperrime loqui. quod si non faceret, tamen ei nihil crederemus: atque omnia, sicut facimus, pararemus. nunc ita nos gerimus, ut in dies singulos et studia in nos hominum, et opes nostrae augeantur. rempublicam nulla ex parte attingimus. in causis atque in illa opera nostra forensi summa industria versamur. quod egregie, non modo iis, qui utuntur opera, sed etiam in vulgus gratum esse sentimus. domus celebratur: occurritur: renovatur memoria consulatus: studia significantur: in eam spem adducimur, ut nobis ea contentio, quae

55 Sed fidem recepisse.] Offendit hoc *fidem* pro glossa delerim. In hanc fides me, ut Lambinum, Popmam; quorum ille intelligi potest e ra et sensu verbi recepisse. *didit f. dedisse, hic re faciat, ac. dextra* *pisse.*
 data, illud melius: sed tamen durius. Ego

impenderet, interdum non fugienda videatur. nunc mihi et consiliis opus est tuis, et amore, et fide. quare advola. expedita mihi erunt omnia, si te habebo. multa per Varronem nostrum agi possunt, quæ te urgente erunt firmitiora; multa ab ipso Publio elici, multa cognosci, quæ tibi occulta esse non poterunt: multa etiam; sed absurdum est singula explicare: tum ego requiram te, ad omnia. Unum illud tibi persuadeas velim, omnia mihi fore explicata, si te videro: sed totum est in eo, si ante, quam ille incat magistratum. ^b Puto Pompeium Crasso urgente, si tu adëris, qui per *βούρην* ex ipso intelligere possis, qua fide ab illis agatur, nos aut sine molestia, aut certe sine errore futuros. precibus nostris et cohortatione non indiges. quid mea voluntas, quid tempus, quid rei magnitudo postulet, intelligis. De republica nihil habeo ad te scribere, nisi summum odium omnium hominum in eos, qui tenent omnia, mutationis tamen spes nulla. sed, quod facile sentias, tædet ipsum Pompeium, vehementerque pœnitet. non provideo satis, quem exitum futurum putem. sed certe videntur hæc aliquo eruptione. Libros Alexandri, negligentis hominis, et non boni poetæ, sed tamen non inutilis, tibi remisi. Numerium, Numestium libenter accepi in amicitiam; et hominem gravem, et prudentem, et dignum tua commendatione cognovi.

CICERO ATTICO S.

23

NUMQUAM ante arbitror te epistolam meam legisse, nisi mea manu scriptam. ex eo colligere poteris, quanta occupatione distinear. nam, cum vacui temporis nihil haberem, et cum, recreandæ vocolæ causa, necesse esse mihi ambulare, hæc dictavi ambulans. Primum igitur illud te scire volo, Sampsiceramum, nostrum amicum, vehementer sui status pœnitere; restituique in eum locum cupere, ex quo decedit: doloremque suum impertire nobis, et medicinam interdum aperte quærere; ⁵⁶ quam ego possum invenire nullam: post deinde omnes illius partis auctores ac socios, nullo adversario, consenescere; consensionem universorum nec voluntatis, nec sermonis majorem umquam

⁵⁶ Quam ego possum invenire nullam.] int. dixi. Sed id dyrius est. pro. post de-
Sic cum Grævio rescripti pro vulgato inde. Tunstallus p. 44. legit *ἀπὸ τῆς δεξιᾶς* deinde,
posse inveniri, ut et Man. et Viot. edidit, et id sæpe in post imputat. dicit. post de-
habentque Mas. quidam. Edd. pr. possem inde etiam alibi occurrit, ut deinde post.
inveniri, unde posse inveniri factum, in quo

p. 38. fuisse. Nos autem (nam id te scire cupere, certo scio)
 a. publicis consiliis nullis intersumus, totosque nos ad forensem operam laboremque contulimus. ex quo, quod facile intelligi possit, in multa commemoratione earum rerum, quas gessimus, desiderioque versamur. sed *βοώπιδος* nostræ consanguineus non mediocris terrores jacet atque denun-
 tiat, et Sampsiceraimo negat; ceteris præ se fert, et ostentat. Quamobrem, ⁵⁷ si me amas tantum, quantum profecto amas; si dormis, expergiscere; si stas, ingredi; si ingrederis, curre; si curris, advola. Credibile non est, quantum ego in consiliis et prudentia tua, quod maximum est, quantum in amore et fide ponam. magnitudo rei longam orationem fortasse desiderat: conjunctio vero nostrorum animorum brevitate contenta est. permagni nostra interest, te, si comitiis non potueris, at, declarato illo, esse Romæ. Cura, ut valeas.

24

CICERO ATTICO S.

QUAS Numestio litteras dedi, sic te iis evocabam, ut nihil acrius, neque incitatus fieri posset. ad illam *κέλευσιν* adde etiam, si quid potes. ac ne sis perturbatus; novi enim te, et non ignoro, quam sit amor omnis sollicitus atque anxius: sed res est, ut spero, non tam exitu molesta, quam auditu. Vettius ille, ille noster index, Cæsari, ut perspicimus, pollicitus est, sese curaturum, ut in aliquam suspicionem facinoris Curio filius adduceretur. itaque insinuatus in familiaritatem adolescentis, et cum eo, ut res indicat,
 b. sæpe congressus, ⁵⁸ rem in eum locum deduxit, ut diceret, sibi certum esse, cum suis servis in Pompeium impetum facere, eumque occidere. hoc Curio ad patrem detulit, ille ad Pompeium. res delata ad senatum est. introductus Vettius, primo negabat, ⁵⁹ se umquam cum Curione restitisse: neque id sane diu. nam statim fidem publicam postulavit. ⁶⁰ haud reclamatum est. tum exposuit, manum fuisse juven-

57 Si me amas - - amas.] Videatur consequens excidisse: sed hoc pro antecedente est, si dormis, exp. et reliqua pro consequente.

58 Rem in eum locum deduxit, ut diceret.] Sc. Curioni. id autem fecit, ut e Curione eliceret aliquid, quod deferre et inde facinoris suspectum facere posset. Sed res aliter cecidit.

59 Se umquam cum Curione restitisse.]

I. e. nunquam se cum eo verbum commutasse, collocutum esse; ne breviter quidem, ut fit, cum in via sibi occurrentes resistunt, quod est proprium de tali congressu verbum.

60 Haud reclamatum est.] I. e. haud negatum: nempe non scito ei fides data, sed acclamatione senatus. Sed id dubium

tutis, duce Curione, in qua Paullus initio fuisset, et ⁶¹ Q. Cæpio hic Brutus, et Lentulus, flaminis filius, conscio patre. postea C. Septimium, scribam Bibuli, pugionem sibi a Bibulo attulisse: quod totum irrisum est: Vettio pugionem defuisse, nisi ei consul dedisset: eoque magis id ejectum est, quod a. d. 111 Id. Mai. Bibulus Pompeium fecerat certio-
 tiorem, ut caveret insidias. in quo ei Pompeius gratias egerat. Introductus Curio filius, dixit ad ea, quæ Vettius dixerat: maximeque in eo tum quidem Vettius est reprehensus, quod ⁶² dixerat, adolescentium consilium, ut in foro cum gladiatoribus Gabinii Pompeium adorirentur; in eo principem Paullum fuisse; quem constabat eo tempore in Macedonia fuisse. fit senatus consultum, ut Vettius, quod confessus esset, se cum telo fuisse, in vincula conjiceretur: qui cum emisisset, contra rempublicam esse facturum. res erat in ea opinione, ut putarent id esse actum, ut Vettius in foro cum pugione, et item servi ejus comprehenderentur cum telis, deinde ille se diceret indicaturum; ⁶³ idque ita factum esset, nisi Curiones rem ante ad Pompeium detulissent. tum senatus consultum in concione recitatum est. Postero autem die Cæsar, is, qui olim, prætor cum esset, Q. Catulum ex inferiore loco jusserat dicere, ⁶⁴ Vettium in Rostra produxit; cumque in eo loco constituit, quo Bibulo p. 39. consuli aspirare non liceret. ⁶⁵ hic ille omnia, quæ voluit, de a. republica dixit; ⁶⁶ et qui illuc factus institutusque venisset. primum Cæpionem de oratione sua sustulit, quem in senatu acerrime nominarat; ut appareret, ⁶⁷ noctem et nocturnam deprecationem intercessisse; deinde, quos in senatu ne te-

factum nonnullis ex eo, quod post dicitur in vincula conjertus esse. Verum illa fides pertinebat ad delationem eorum, quos appellatus erat, in quibus ipse consul Bibulus. In vincula conjectus est ob facinus, ad quod fides publica non pertinet. Ceterum edd. pr. omnes carent verbo haud. e Ms. addidit Bosius.

61 Q. Cæpio hic Brutus.] Q. pro Cn. recte recepit Grævius. nam id prænomen et alibi est. v. Clav. Ed. Rom. habet Cn. Jens. C.

62 Dixerat, adolescentium consilium.] Int. e. sequentibus fuisse: etsi paullo durius omittitur hic. forte post legendum in eoque.

63 Idque ita actum esset.] Haud dubie scribendum factum esset. vitium ortum, quod ante est actum esse.

64 Vettium in Rostra produxit.] Nempe ex inferiore loco audicidus erat homo vilis, cum Q. Catulus non in Rostra productus esset ab eo.

65 Hic ille omnia, quæ voluit, &c.] Puto ille esse alieno loco, scribendumque: hic omnia, quæ ille (Cæsar) voluit.

66 Et qui illuc f. i. venisset.] Sic Mss. fere, et edd. pr. Aldus dedit ut qui, quod et alii secuti sunt. id est sane facilius. Sed qui est pro quomodo, vel ut. et id firmat correctionem nostram de loco rōw ille. nam alias deberet esse venerat, ut ante voluit, quod tamen et in Aldina lectione valet. factus, sc. a Cæsare, est compositus: dixit omnia ex composito.

67 Noctem.] Jocus ex ambiguo. nam de tempore et de concubitu intelligi potest.

nuissima quidem suspitione attigerat, eos nominavit: Lucullum, a quo solitum esse ad se mitti C. Fannium, illum, qui in P. Clodium subscripserat; L. Domitium, cujus domum constitutam fuisse, unde eruptio fieret: me non nominavit: sed dixit, consularem disertum, vicinum consulis, sibi dixisse, Ahalam Servilium aliquem, aut Brutum opus esse reperiri. addidit ad extremum, cum, jam dimissa concione, revocatus a Vatinius fuisset, se audisse a Curione, his de rebus conscium esse Pisonem, generum meum, et M. Laterensem. nunc reus erat apud Crassum Divitem Vettius de vi: et, ⁶⁸ cum esset damnatus, erat indicium postulaturus: quod si impetrasset, ⁶⁹ judicia fore videbantur. ⁷⁰ ea nos, utpote qui nihil contemnere solemus, non pertimescebamus. hominum quidem summa erga nos studia significabantur: sed prorsus vitæ tædet: ita sunt omnia omnium miseriarum plenissima. modo cædem timueramus, quam oratio fortissimi senis Q. Considii discusserat: ⁷¹ ea, quam quôtidie timere potueramus, subito exorta est. Quid quaeris? nihil me infortunatius, ⁷² nil fortunatius est Catulo, cum splendore vitæ, tum hoc tempore. nos tamen in his miseriis erecto animo et minime perturbato sumus: honestissimeque ⁷³ et dignitatem nostram magna cura tuemur. Pompeius de Clodio jubet nos esse sine cura, et summam in nos benivolentiam omni oratione significat. Te habere consiliorum auctorem, sollicitudinum socium, omni in cogitatione conjunctum, cupio. quare, ut Numestio mandavi, tecum ut ageret, item, atque eo, si potest, acrius, te rogo, ut plane ad nos advoles. respiraro, si te videro.

25

CICERO ATTICO S.

CUM aliquem apud te laudaro tuorum familiarium, vocam illum scire ex te, me id fecisse; ut nuper me scis scripsisse ad te de Varronis erga me officio, te ad me rescripsisse,

68 Cum esset damnatus.] Non damnatum esse dicit: sed, si esset damnatus, apparebat postulaturum esse, ut sibi liceret iudicium facere. male, ut saepe. edd. pr. habent *iudicium*, Bosius primus recte dedit *iudicium*.

69 *Judicia fore vid.*] Futuros esse ex illa secta, qui reos facerent, quos indicasset ille.

70 Ea nos, utpote qui n. e. s. non pertimescebamus.] Utpote alienum est, videtur-

que esse a glossatore. non pertimescebam, cum alias uil contemnere soleam.

71 Ea subito exorta est.] 1. in lucem prolata est, ut appareret, eam agitatam timeendamque fuisse.

72 Nil fortunatius est Catulo, &c.] Nempe quia mortuus erat ante hoc tam miserum tempus.

73 Et dignitatem n. magna cura.] Et pertinet ad magna cura, forteque temere transpositum est.

eam rem summæ tibi voluptati esse, sed ego ⁷⁴mallem, ad ipsum scripsisses, mihi illum satisfacere, non quo faceret, sed ut faceret. ⁷⁵mirabiliter enim moratus est, sicut nosti, ἐλατὰ καὶ οὐδέν. sed nos tenemus præceptum illud, τὰς τῶν κρατούντων. at hercule alter, tuus familiaris, Hortalus, quam plena manu, quam ingenue, quam ornate nostras laudes in astra sustulit, cum de Flacci prætura, et de illo tempore Allobrogum diceret? sic ha¹ eto, nec anantius, nec honorificentius, nec copiosius potuisse dici. ei te hoc scribere a me tibi esse missum, sane volo. sed quid tu scribas? quem jam ego venire atque adesse arbitror. ita enim egi tecum superioribus litteris. valde te exspecto, valde desidero; neque ego magis, quam ipsa res et tempus poscit. His de negotiis quid scribam ad te, nisi idem, quod sæpe? Republica nihil desperatius; iis, quorum opera, nihil majore odio. Nos, ut opinio, et spes, et conjectura nostra fert, firmissima benivolentia hominum muniti sumus. quare advola. aut expedit nos omni molestia, aut eris particeps. Ideo sum brevior, quod, ut spero, coram brevi tempore conferre, quæ volumus, licebit. Cura, ut valeas.

M. TULLII CICERONIS

p. 40
a.

EPISTOLARUM

AD

ATTICUM

LIBER III.

ARGUMENTUM.

P. Clodius ope C. Caesaris consulis, tribunus pl. declaratus, ut magistratum inivit, illud vacuum spectavit, ut M. Tullium inimicissimum suum ulcisceretur. Itaque duobus legibus, quarum altera frumentum, quod antea senis æris

⁷⁴ Mallem, ad illum scripsisses.] Illum sine dubio vitiosum est. scripsi ad ipsum ser. opponuntur me - ipsum. ejus confusionis plura exempla reperta sunt.

⁷⁵ Mirabiliter moratus est.] Intelligent de cunctatione nescio qua. ei sensui vix aptum τὸ mirabiliter. et illud ἐλατὰ, &c. immo, mores hominis sunt miri.

ac trientibus esset in singulos modios, gratis dabatur: altera non solum collegia, quæ senatus sustulerat, restituta sunt, sed nova etiam ex omni vulgi face atque servitio constituta. Plebis voluntate sibi adjuncta rogationem promulgavit contra eos, qui sine iudicio populi, civem Romanum necavissent, quæ tametsi cum nullo nominatim agebat, nemo tamen dubitabat, quin Ciceronem peteret, qui in suo consulatu, quamquam ex senatus consulto, tamen injussu populi, contra leges in cives animadvertisset. Id cum agi videret Cicero, mutavit vestem, et cum eo, velut in communi calamitate, ad hominum XX millia. Verum cum se a Cn. Pompeio, M. Crasso, C. que Casare destitutum videret, ne sua causa eades vicinus fieret, invidiorum, ut ipse pulam queritur, consilio, circiter Kalendas Aprilis, urbe cessit, Gabinio et Pisone consulibus: domus ipsius a Clodio statim invensa: areæ Libertati consecrata: bona publicata: prædia direpta sua: lex de ejus exsilio perlata: eique aqua et igni interdictum: et ne quis textum intra quadringenta millia passuum ab Italia præberet: ne quis de eo ad senatum referret: ne doceretur: ne disputaret: ne loqueretur: ne pedibus iret: ne scribendo adesset, ut in oratione post reditum in senatu et pro domo legitur. Ille ergo in Macedoniam transmittens, Thessalonica apud Cn. Plancium, toto fere illo exsili tempore mansit; unde, præter paucas ex itinere missas, omnes fere libri hujus epistolæ datæ sunt.

1 CICERO ATTICO S.

CUM antea maxime nostra interesse arbitrabar, te esse nobiscum; tum vero, ¹ ut legi rogationem, intellexi, ad iter id, quod constitui, nihil mihi optatius cadere posse, quam ut tu me quam primum consequare; ut, cum ex Italia profecti essemus, sive per Epirum iter esset faciendum, tuo tuorumque præsidio uteremur; sive aliud quid agendum esset, certum consilium de tua sententia capere possemus. quamobrem, te oro, des operam, ut me statim consequare facilius potes; quoniam de provincia Macedonia perlata lex est. Pluribus verbis tecum agerem, nisi pro me apud te res ipsa loqueretur.

2 CICERO ATTICO S.

ITINERIS nostri causa fuit, quod non habebam locum, ubi pro meo jure diutius esse possem, quam in fundum Sicæ; præsertim nondum rogatione correctæ: et simul intelligebam, ex eo loco, si te haberem, posse me Brundisium referre; sine te autem non esse nobis illas partes te-

1 Ut legi rogationem.] Clodium de ipso. in provinciam proficisci.
v. argumentum.

2 Perlata lex est.] Qua L. Pisoni ea data definitione loci, quo exsul esse posset, provincia data fuit: propter quam scilicet. nempe ultra quadringenta millia passuum consultum erat, Atticum abire ex urbe et v. ep. 4.

3 Nondum rogatione correctæ.] Sc. ad-

nendas. *propter Autronium. nunc, ut ad te antea scripsi, si ad nos veneris, consilium totius rei capiemus. iter esse molestum scio : sed tota calamitas omnes molestias habet. Plura scribere non possum, ita sum animo percusso et abjecto. Cura, ut valeas. Dat. VI Id. Apr. ⁵in oris Luc.

CICERO ATTICO S.

3

UTINAM illum diem videam, cum tibi agam gratias, quod me vivere coegisti ! adhuc quidem valde me poenitet. sed te oro, ut ad me Vibonem statim venias, quo ego multis de causis converti iter meum. sed eo si veneris, de toto itinere ac fuga mea consilium capere potero. si id non feceris, mirabor, sed confido te esse facturum.

CICERO ATTICO S.

4

MISERIAE nostrae potius velim, quam inconstantiae, tribuas, quod a Vibone, quo te arcessebamus, subito discessimus. allata est enim nobis rogatio de pernicie mea ; ^{b.} in qua, quod correctum esse audieramus, erat ejusmodi, ut mihi ultra quadringenta millia liceret esse. illo cum pervenire non liceret, statim iter Brundisium versus contuli ante diem rogationis ; ne et Sica, apud quem eram, periret ; et quod Melitae esse non licebat. nunc tu propera, ut nos consequare, si modo recipiemur. adhuc invitamur benigne. sed, quod superest, timemus. me, ni Pomponi, valde poenitet vivere. qua in re apud me tu plurimum valuisti. *Sed haec coram. fac modo, ut venias.

CICERO ATTICO S.

5

TERENTIA tibi et saepe et maximas agit gratias. id est mihi gratissimum. ego vivo miserrimus, et maximo dolore conficior. ad te quid scribam, nescio. si enim es Romae, jam me assequi non potes : sin es in via, cum eris me assequutus, coram agemus, quae erunt agenda. tantum te oro, ^{p. 41.} ut, ^{a.} quoniam me ipsum semper amasti, eodem amore sis. ego enim idem sum. inimici mea mihi, non me ipsum, ademerunt. Cura, ut valeas. Dat. IIX Id. Apr. Thurii.

4 Propter Autronium.] Catilinarium illum, cujus sc. insidias timeret.

5 In oris Luc.] I. e. Lucaniae. ex corr. Bosii in edd. pr. in Naris Luc. quod Tunstallus p. 89. capit in Naris, Iuniois, Iuco : unde egressurus hanc epistolam scripserit.

6 Quoniam me ipsum s. amasti.] I. e. non splendorem, opes, gratia, &c. sed animum, &c. --- mox inimici me mea mihi mei delendum est : nam sic bene latine non additur. et satis est conjungi mea mihi mei si accesserit, frigeat.

6

CICERO ATTICO S.

NON fuerat mihi dubium, quin te Tarenti aut Brundisii visurus essem: idque ad multa pertinuit; in eis, et ut in Epiro consisteremus, et de reliquis rebus tuo consilio uteremur. quoniam id non contigit, erit hoc quoque in magno numero nostrorum malorum. nobis iter est in Asiam maxime Cyzicum. meos tibi commendo. me vix misereque sustento. Dat. XIV Kal. Mai. de Tarentino.

7

CICERO ATTICO S.

BRUNDISIUM veni a. d. XIV Kal. Mai. eo die pueri tui mihi a te litteras reddiderunt: et alii pueri, post diem tertium ejus diei, alias litteras attulerunt. Quod me rogas et hortaris, ut apud te in Epiro sim; voluntas tua mihi valde grata est, et minime nova: ⁷sed et consilium mihi quidem optatum, si liceret ibi omne tempus consumere: odi enim celebritatem; fugio homines; lucem aspicere vix possum: esset mihi ista solitudo, praesertim tam familiari in loco, non amara: sed, itineris causa, ut deverterem, primum est devium; deinde ab Autronio et ceteris quadridui: ^{b.} deinde sine te, nam castellum numitum habitanti mihi prodesset; transeunti non est necessarium. quod si auderem, Athenas peterem. sane ita cadebat, ut vellem. nunc et nostri hostes ibi sunt; et te non habemus; et veremur, ne interpretentur, illud quoque oppidum ab Italia non satis abesse: nec scribis, quam ad diem te exspectemus. Quod me ad vitam vocas, unum efficis, ut a me manus abstinere; alterum non potes, ut me non nostri consilii vitaeque poeniteat. quid enim est, quod me retineat, praesertim si spes ea non est, quae nos proficiscentes prosequatur? non faciam, ut enumerem miseras omnes, in quas incidi per summam injuriam, et scelus non tam inimicorum meorum, quam invidorum, ne et meum mcerorem exagitem, et te in eundem luctum vocem. hoc affirmo, neminem umquam tanta calamitate esse affectum, nemini mortem magis optandam fuisse: cujus oppetendae tempus honestissimum praetermissum est. reliqua tempora ⁸non sunt jam ad me-

⁷ Sed et consilium -- sic itineris causa.] Haec male coherent, et abest odd. pr. et post variant libri: sit, sic, sed. Cicero mihi videtur scripsisse: et esset consilium -- sed itineris causa, &c.

⁸ Non sunt jam ad medicinum, sed ad fin. doloris.] Sic plerique scr. et ed. Rom. at ed. Jensoni, Ald. Asc. &c. non tam -- quam, quod et Victorius secutus est, mihi quae melius videtur, jam non aptum videtur

dicinam, sed ad finem doloris. De republica video te colligere omnia, quæ putes aliquam spem mihi posse adferre mutandarum rerum: quæ quamquam exigua sunt; tamen, quoniam placet, exspectemus. Tu nihilo minus, si properaris, nos consequere. nam aut accedemus in Epirum, aut tarde per Candaviam ibimus. Dubitationem autem de Epiro non inconstantia nostra afferebat, sed quod de fratre, ubi cum visuri essemus, nesciebamus. quem quidem ego ⁹nec quo modo visurus, nec ubi dimissurus sim, scio. id est maximum et miserrimum mearum omnium miserrimum. Ego et sæpius ad te, et plura scriberem, nisi mihi dolor meus cum omnes partes mentis, tum maxime hujus generis facultatem ademisset. Videre te cupio. Cura, ut valeas. Dat. prid. Kal. Mai. Brundisii.

CICERO ATTICO S.

8

¹⁰BRUNDISII proficiscens scripseram ad te, quas ob causas in Epirum non essemus profecti; quod et Achaia p. 42.
prope esset plena audacissimorum inimicorum, et exitus ^{a.}difficiles haberet, cum inde proficisceremur. accessit, cum Dyrrachii essemus, ut duo nuntii afferrentur; unus, classe fratrem Epheso Athenas; alter, pedibus per Macedoniam venire. Itaque illi obviam misimus Athenas, ut inde Thessalonicam veniret. ipsi processimus, et Thessalonicam a. d. x Kal. Jun. venimus; neque de illius itinere quicquam certi habebamus, nisi eum ab Epheso ante aliquanto profectum. nunc, istic quid agatur, magno opere timeo. quamquam tu altera epistola scribis Id. Mai. audiri, fore, ut, acrius postularetur; altera, jam esse mitiora. sed hæc est pridie data, quam illa: quo conturbor magis. itaque, cum meus me mœror quotidianus lacerat et conficit, tum vero hæc addita cura vix mihi vitam reliquam facit. sed et navigatio perdifficilis fuit: et ille incertus, ubi ego essem, fortasse alium cursum petivit. Nam Phaetho libertus eum non vidit; vento rejectus ab illo in Macedoniam, Pellæ mihi præsto fuit. reliqua quam mihi timenda sint video,

tempori futuro, nisi forte exprimit Græcum *Êτι*. Asc., &c.

⁹ Nec - - nec - - nescio.] Sic vulgati recentiores, quamquam e libris ser. idque Grævius exemplis portarum defendit. Ego restitui scio ex edd. pr. Rom. Jens. Aldi.

¹⁰ Brundisii proficiscens.] Hoc in edd. pr. adhæret ep. præcedenti. Grævius e Balliol. et aliis libris edidit *Brundisio*. recte, si ad *proficiscens*: sed pertinet ad *scripseram*.

nec, quid scribam, habeo, et omnia timeo: nec tam miserum est quicquam, quod non in nostram fortunam cadere videatur. equidem adhuc miser, in maximis meis ærumnis et luctibus, hoc metu adjecto, maneo Thessalonicae suspensus. nec audeo quicquam. Nunc ad ea, quæ scripsisti. Tryphonem Cæcilium non vidi. Sermonem tuum et Pompeii cognovi ex tuis litteris. Motum in republica non tantum ego impendere video, quantum tu aut vides, aut ad me consolandum affers. ¹¹Tigrane enim neglecto, sublata sunt omnia. Varroni me jubes agere gratias: faciam: item Hypsæo. Quod suades, ne longius discedamus, dum acta mensis Maii ad nos perferantur: puto me ita esse facturum; sed ubi, nondum statui. atque ita perturbato sum animo de Quinto, ut nihil queam statuere. sed tamen statim te faciam certiorem. Ex epistolarum mearum inconstantia puto te mentis meæ motum videre; qui, etsi incredibili et singulari calamitate afflictus sum, tamen non tam est ex miseria, quam ex culpæ nostræ recordatione, commotus. cujus enim scelere ¹²impulsi ac proditi simus, jam profecto vides: atque utinam jam ante vidisses! neque totum animum tuum mœrori mecum simul dedisses. quare, cum me afflictum et confectum luctu audies, existimato, me stultitiæ meæ poenam ferre gravius, quam eventi; quod ei crediderim, quem esse nefarium non putarim. Me et mœrorum maiorum memoria, et metus de fratre in scribendo impedit. tu ista omnia vide et gubernâ. Terentia tibi maximas gratias agit. Litterarum exemplum, quas ad Pompeium scripsi, misi tibi. Dat. IIII Kal. Jun. Thessalonicae.

9

CICERO ATTICO S.

QUINTUS frater cum ex Asia discessisset ante Kal. Mai. et Athenas venisset Idib. valde fuit ei properandum, ne quid absens acciperet calamitatis, si quis forte fuisset, qui contentus nostris malis non esset. itaque eum malui properare Romam, quam ad me venire: et simul (dicam enim, quod verum est; ex quo magnitudinem miserationum mearum perspicere possis) animum inducere non potui, ut aut illum, amantissimum mei, mollissimo animo, tanto in mœrore aspicerem; aut meas miseras, luctu afflictas, et

p. 43.
a.

¹¹ Tigrane e. neglecto.] V. Clav.

¹² Impulsi ac pv.] Impulsi ad agen-

dum quod egerant, et deinde deserti. Pompeium intelligit.

perditam fortunam, illi offerrem, aut ab illo aspici paterer. atque etiam illud timebam, quod profecto accidisset, ne a me digredi non posset. versabatur mihi tempus illud ante oculos, cum ille aut lictores dimitteret, aut vi avelleretur ex complexu meo. hujus acerbitatis eventum altera acerbitate non videndi fratris vitavi. in hunc me casum vos, vivendi auctores, impulistis. itaque mei peccati luo poenas. quamquam me tuæ litteræ sustentant: ex quibus, quantum tu ipse speres, facile perspicio. quæ quidem tamen aliquid habebant solatii ante, quam eo venisti, ¹⁵*a Pompeio nunc b.* *Hortensium allice, et ejusmodi viros.* obsecro, mi Pomponi, nondum perspicis, quorum opera, quorum insidiis, quorum scelere perierimus? sed tecum hæc coram agemus. tantum dico, quod scire te puto, nos non inimici, sed invidi periderunt. nunc, si ita sunt, quæ speras, sustinebimus nos, et spe, qua jubes, vitamur. ¹⁴sin, ut mihi videntur, infirma sunt; ¹⁵quod optimo tempore facere non licuit, minus idoneo fiet. Terentia tibi sæpe agit gratias. Mihi etiam unum de malis in metu est, ¹⁶fratris miseri negotium: quod, si sciam, cujusmodi sit; sciam, quid agendum mihi sit. Me etiam nunc illorum beneficiorum et litterarum exspectatio, ut tibi placet, Thessalonicae tenet. si quid erit novi allatum, sciam, de reliquo quid agendum sit. Tu si, ut scribis, Kal. Jun. Roma profectus es, propediem nos videbis. Litteras, quas ad Pompeium scripsi, tibi misi. Dat. Id. Jun. Thessalonicae.

CICERO ATTICO S.

10

ACTA quæ essent usque ad VIII Kalend. Jun. cognovi ex tuis litteris. reliqua exspectabam, ut tibi placebat, Thessalonicae: quibus allatis, facilius statuere potero ubi sim. nam, si erit causa, si quid agetur, si spem videro, aut ibi-

13 *A Pompeio nunc H.*] In edd. pr. a Pompeio conjungitur cum venisti, ita sensus: ante quam ab iis, quæ de Pompeio scripseras, venisti ad hæc: *nunc H.* &c. Si vulgata interpunctio vera est, sensus est: post Pompeium; sive, quia ille te deseruit, s. ut ille prius sit, qui alliciatur.

14 *Sin - - infirma sunt.*] Sic edd. Jensoni, Asc. Aldi, P. Mau. &c. at ed. Rom. habet *firma*: quod Viet. Bosius, Gruterus et Gray. male secuti sunt. manifeste op-

ponitur hoc superioribus *si ita sunt, quæ*

speras. eadem sententia est in ep. sequente.

15 *Quod optimo tempore facere n. l.*] *Tempore* habent edd. Rom. Ald. Asc. &c. at Jons. *genere*, atque ita Mss. quidam. recepit Bosius, Gruterus, defenditque et Grævius. male *optimum tenapus* est, quo cum laude potuisset mori. hoc minus idoneum erat, quia humilis animi nota fuisset, non ferre miseras.

16 *Fratris miseri negotium.*] Metns, ne Romanæ et provincia reversus accusaretur. v. ep. 15.

dem opperiar, aut me ad te conferam: sin, ut tu scribis, ista evanuerint, aliquid aliud videbimus. omnino adhuc nihil mihi significatis, nisi discordiam istorum; quæ tamen inter eos de omnibus potius rebus est, quam de me. itaque, quid ea mihi prosit, nescio. sed tamen, quoad me vos sperare vultis, vobis obtemperabo. Nam quod me tam sæpe, et tam vehementer objurgas, et animo infirmo esse dicis: quæso, ecquod tantum malum est, quod in mea calamitate non sit? ecquis umquam tam ex amplo statu, tam in bona causa, tantis facultatibus ingenii, consilii, gratiæ, tantis præsiidiis bonorum omnium, concidit? possum oblivisci, qui fuerim? non sentire, qui sim? quo carcam honore? qua gloria? quibus liberis? quibus fortunis? quo fratre? quem ego (ut novum calamitatis genus attendas) cum pluris facerem, quam me ipsum, semperque fecissem, vitavi, ne viderem, ne aut illius luctum squaloremque aspicerem, aut me, quem ille florentissimum reliquerat, perditum illi afflictumque offerrem. Mitto cetera intolerabilia. etenim fletu impediior. Hic utrum tandem sum accusandus, quod doleo; an, quod commisi, ut hæc aut non retinerem, (quod facile fuisset, ¹⁷nisi intra parietes meos de mea perniciæ consilia inirentur,) aut certe vivus nunc amitterem? Hæc eo scripsi, ut potius relevares me, quod facis, quam aut castigatione, aut objurgatione dignum putares: eoque ad te minus multa scribo, quod et mœrore impediior, et ¹⁸quod exspectem istinc, magis habeo, quam quod ipse scribam. quæ si erunt allata, faciam te consilii nostri certiorum. Tu, ut adhuc fecisti, quam plurimis de rebus ad me velim scribas; ut prorsus ne quid ignorem. Dat. XIII Kal. Quint. Thessalonicae.

11

CICERO ATTICO S.

ME et tuæ litteræ, et quidam boni nuntii, non optimis tamen auctoribus, et exspectatio vestrarum litterarum, et quod tibi ita placuerat, adhuc Thessalonicae tenebant. si accepero litteras, quas exspecto; si spes erit ea, quæ rumoribus afferebatur; ad te me conferam: si non erit, fa-

¹⁷ Nisi intra parietes, &c.] Sc. ab amicis et familiaribus, ut Hortensio, Arrio, &c. ut scribit ad Q. fr. ep. 1. quorum consilia secutus ad perniciem venerat, ut ep. superiore dixit.

¹⁸ Quod exspectem -- quod ipse scribam.] Vulgati quid -- quid. malo. in altero Ms. Balliol, habet quod. utroque loco ed. Rom.

ciam te certiozem, quid egerim. Tu me, ut facis, opera, consilio, gratia juva: consolari jam desine: objurgare vero noli: quod cum facis, ut ego tuum amorem et dolorem desidero! quem ita adfectum mea ærumna esse arbitror, ut te ipsum consolari nemo possit. Quintum fratrem optimum humanissimumque sustenta. Ad me, obsecro te, ut omnia certa prescribas. Dat. IIII Kal. Quint.

CICERO ATTICO S.

12

TU quidem sedulo argumentaris, quid sit sperandum, et maxime per senatum: ¹⁹idemque caput rogationis proponi scribis, quare in senatu dici nihil liceat, itaque siletur. Hic tu me accusas, quod me adflixtem; cum ita sim adflictus, ut nemo unquam: quod tute intelligis. Spem ostendis secundum comitia. quæ ista est, eodem tribuno plebis, et inimico consule de: gnato? Percussisti autem me etiam ²⁰de oratione prolata. cui vulnere, ut scribis, medere, si quid potes. scripsi equidem olim iratus, quod ille prior scripserat; sed ita compresseram, ut nunquam manaturam putarem. quo modo exciderit, nescio. sed quia nunquam accidit, ut cum eo verbo uno concertarem; et quia scripta mihi videtur negligentius, quam ceteræ; puto posse probari, non esse meam. id, si putas me posse sanari, cures velim: sin plane perii, minus laboro. Ego etiam nunc eodem in loco jaceo, sine sermone nullo, sine cogitatione ulla. Licet tibi, ut scribis, significarim, ut ad me ²¹venires Dodona; tamen intelligo, te re istic prodesse, hic ne verbo quidem levare me posse. Non queo plura scribere: nec est, quod scribam: vestra magis exspecto. Dat. XVI Kal. Sext. Thessalonicae.

CICERO ATTICO S.

13

QUOD ad te scripseram, me in Epiro futurum: postquam extenuari spem nostram et evanescere vidi, mutavi consilium; nec me Thessalonica commovi, ubi esse statue-

19 I. caput rogationis proponi scribis, &c.] Hic locus varie editur, et est in libris sei. Edd. pr. habent *proponis. Scribis*, &c. ed. Jems. etiam omittit *duci. pro siletur* Malaspina malebat *sileri*. Sensus quidem Ciceronis in promptu est. *proponi* potest intelligi, ab adversariis Ciceronis: sed potius de Clodio est res narratur ep.

15. itaque siletur est Ciceronis, Atticum irridentis.

20 De oratione prolata.] Oratione in Curionem, ut patet ex ep. 15.

21 Venires Dodona.] Edd. pr. *Sidona*. Ms. Bessarionis habebat *Dodomitam*: unde Tunstallus p. 90. fari: *id omittam tamque int.* &c. ingeniose sane.

ram, quoad aliquid ad me de eo scriberes, quod proximis litteris scripseras, fore, uti secundum comitia aliquid de nobis in senatu ageretur; id tibi Pompeium dixisse. ²² Qua de re, quoniam comitia habita sunt, tuque nihil ad me scribis, proinde habebō, ac si scripsisses nihil esse; ²³ neque temporis non longinqui spe ductum esse, moleste feram. Quem autem motum te videre scripseras, qui nobis utilis fore videretur, eum nuntiant, qui veniunt, nullum fore. In tribunis plebis designatis reliqua spes est: quam si exspectaro, non erit, quod putes me causæ meæ ²⁴ ac voluntati meorum defuisse. Quod me sæpe accusas, cur hunc meum casum tam graviter feram; debes ignoscere, ²⁵ cum ita me afflictum vides, ut neminem umquam nec videris, nec audieris. Nam quod scribis te audire, me etiam mentis errore ex dolore affici: mihi vero mens integra est. atque utinam tam in periculo fuisset! cum ego iis, quibus meam salutem carissimam esse arbitrabar, inimicissimis crudelissimisque usus sum: qui, ut me paululum inclinari timore viderunt, sic impulerunt, ut omni suo scelere et perfidia abuterentur ad exitium meum. nunc, quoniam est Cyzicum nobis eundum, quo rarius ad me litteræ perferentur, hoc velim diligentius omnia, quæ putaris me scire opus esse, perscribas. Quintum fratrem meum fac diligas: quem ego miser si incolumem relinquo, non me totum perisse arbitror. Dat. Non. Sext.

14

CICERO ATTICO S.

EX tuis litteris plenus sum expectatione de Pompeio, quidnam de nobis velit, aut ostendat. comitia enim credo esse habita: quibus absolutis, scribis illi placuisse, agi de nobis. si tibi stultus esse videor, qui sperem; facio tuo jussu; etsi scio te me iis epistolis potius et meas spes solitum esse remorari. nunc velim, mihi plane perscribas, quid videas. seio nos nostris multis peccatis in hanc ærurnnam incidisse. ea ²⁶ si qui casus aliqua ex parte correxerit; minus moleste feremus nos vixisse, et adhuc vivere. Ego,

²² Qua de re.] Absolute capiendum: quod igitur ad eam rem attinet.

²³ Neque temporis.] Edd. pr. meque, Bosius e libris scr. neque. rectius. forte tamen excidit me: neque me temporis, &c.

²⁴ Ac voluntati.] Ac bene restituit Grævius. est et in ed. Rom.

²⁵ Cum ita me afflictum vides.] Valgati omnes videas, male et contra latinitatem.

²⁶ Si qui casus -- correxerint.] Non dubito Ciceronem scripsisse correxerit, præsertim cum dicat aliqua ex parte.

propter viæ celebritatem, et quotidianam expectationem rerum novarum, non commovi me adhuc Thessalonica. sed jam extrudimur, non a Plancio, (nam is quidem retinet,) verum ab ipso loco, minime appposito ad tolerandam in tanto luctu calamitatem. In Epirum ideo, ut scripseram, non veni, quod subito mihi universi nuntii venerant et litteræ, quare nihil esset necesse quamproxime Italiam esse. hinc, si aliquid ²⁷ a comitiis audicimus, nos in Asiam convertemus: neque adhuc stabat, quo potissimum: sed scies. Dat. XII Kal. Sext. Thessalonicae.

CICERO ATTICO S.

15

ACCEPI Id. Sext. quatuor epistolas a te missas; unam, qua me objurgas, ut sim firmior; alteram, qua Crassi libertum ais tibi de mea sollicitudine macieque narrasse; tertiam, qua demonstras acta in senatu; quartam de eo, quod a Varrone scribis tibi esse confirmatum de voluntate Pompeii. Ad primam tibi hoc scribo; me ita dolcre, ut non modo a mente non deserar, sed id ipsum doleam, me, tam firma mente ubi utar, et quibuscum, non habere. nam si tu me uno non sine mœrore cares, quid me censes, qui et te et omnibus? et si tu incolumis me requiris; ecquo modo a me ipsam incolumitatem desiderari putas? nolo commemorare, quibus rebus sim spoliatus, non solum quia non ignoras, sed etiam ne scindam ipse dolorem meum. hoc confirmo, neque tantis bonis esse privatum quemquam, neque in tantas miseras incidisse. dies autem non modo non levat luctum hunc, sed etiam auget. nam ceteri dolores mitigantur vetustate; hic non potest non et sensu præsentis miseriæ, et recordatione præteritæ vitæ quotidie augeri. desidero enim non mea solum, neque meos, sed me ^{p. 46.} ipsum. ^{a.} ²⁸ quid enim sum? sed non faciam, ut aut tuum animum angam querelis, aut meis vulneribus sæpius manus adferam. Nam quod purgas eos, quos ego mihi scripsi invidisse, et in eis Catonem: ego vero tantum illum puto ab isto scelere abfuisse, ut maxime doleam, plus apud me simulationem aliorum, ²⁹ quam istius fidem, valuisse. ³⁰ cete-

²⁷ A comitiis.] Post comitia quod actum sit.

²⁸ Quid enim sum.] An qui enim sum? In fine est, me esse aliquem, quoniam qui fui, et quiescere potui, jam esse non possum.

et sic alibi dicit.

²⁹ Quam istius fidem.] Fidem Catoni tribuit, qui palam invidit Ciceroni, nec eum specie amicitiae fefellit.

³⁰ Ceteri, quos - purgati esse.] Sic

ri, quos purgas, debent mihi purgati esse, tibi si sunt. Sed hæc sero agimus. Crassi libertum nihil puto sincere locutum. In senatu rem probe scribis actam. sed quid Curio? ³¹an illam orationem non legit? quæ unde sit prolata, nescio. sed Axius, ejusdem dici scribens ad me acta, non ita landat Curionem. ³²at potest ille aliquid prætermittere: tu, nisi quod erat, profecto non scripsisti. Varronis sermo facit expectationem Cæsaris: atque utinam ipse Varro incubat in causam! quod profecto cum sua sponte, tum te instante faciet. ego, si me aliquando vestri et patriæ compotem fortuna fecerit, certe efficiam, ut maxime lætere unus ex omnibus amicis; meaque officia et studia, quæ parum antea luxerunt, (fatendum est enim,) sic exequar, ut me æque tibi, ac fratri, et liberis nostris, restitutum putes. si quid in te peccavi, ³³ac potius quoniam peccavi, ignosce. in me enim ipsum peccavi vehementius. neque hæc eo scribo, quo te non meo casu maximo dolore esse affectum sciam: sed profecto, si, quantum me amas et amasti, tantum amare deberes ac debuisses, numquam esses passus, me, quo tu abundabas, egere consilio; nec esses passus mihi persuaderi, utile nobis esse, legem de collegiis perferri. ³⁴sed tu tantum lacrymas præbuidisti dolori meo, quod

b. erat amoris, tamquam ipse ego: quod meritis meis perfectum esse potuit, ut dies et noctes, quid mihi faciendum esset, cogitares, id abs te, meo, non tuo scelere prætermisum est. quodsi non modo tu, sed quisquam fuisset, qui me Pompeii ³⁵minus liberali responso perterritum a turpissimo consilio revocaret, quod unus tu facere maxime potuisti: aut occubuissem honeste, ³⁶aut victores hodie viveremus. Hic mihi ignosces. me enim ipsam multo magis accuso;

edd. Rom. Aldi, Asc. P. Manut. Viet. Idque e Ms. Helmut. restituit Grævius. Ed. Jens. vitiose ceteris et probati. alii libri ceteros, quod recentiores inde a Bosio secuti sunt, item probati Crat. Hervag., &c.

31 An illam orationem non legit.] De qua supra ep. 12. nempe qua illum bene de Cicerone dixisse scripserat Atticus.

32 Ac potest - prætermittere.] Videtur potuit legendum, aut prætermisiss. Ed. Jens. abest aliquid. non male. mox tum abest ed. Grævii, vitio, opinor, operarum.

33 Ac potius quoniam p.] Videtur legendum aut potius.

34 Sed tu tantum lacrymas præbuidisti, -

tamquam ipse ego.] Grævius conjicit, tantum lacrymarum - - quantum ipse ego. hoc ex Helmut. libro, qui habet tantum - - tamquam. nec tamen vulgatum improbat.

35 Minus liberali responso.] Nempe se contra Cæsarem nil facere posse, nec contra tribunal pl. sine consilio publico certare, ut in or. in Pisonem narrat et infra X, 4.

36 Aut victores h. viveremus.] Mutavit numerum, quia hoc ipsi cum aliis optimatibus commune esset. Similiter mox: ac si restitutor, etiam minus videbimur deliquisse: quod hoc cum Attico commune futurum erat: ubi Grævius malebat at.

deinde te, quasi me alterum: et simul meae culpæ socium quæro: ac si restitutor, etiam minus videbimur deliquisse; abs teque certe, quoniam nullo nostro, tuo ipsius beneficio diligemur. Quod te ³⁷ cum Culeone scribis de privilegio locutum, est aliquid; ³⁸ sed multo est melius abrogari. si enim nemo impedit, ³⁹ quid est firmiss? sin erit, qui ferri non sinat; idem senatus consulto intercedet. ⁴⁰ nec quicquam aliud opus est, quam abrogari. ⁴¹ nam prior lex nos nihil lædebat. ⁴² quam si, ut est promulgata, laudare voluissimus, aut, ut erat negligenda, negligere; nocere omnino nobis non potuisset. ⁴³ hic mihi primum meum consilium defuit, sed etiam obfuit. cæci, cæci, inquam, fuimus, in vestitu mutando, in populo rogando. quod, ⁴⁴ nisi nominatim mecum agi coeptum esset, fieri perniciosum fuit. sed pergo præterita. verumtamen ob hanc causam, ut, ⁴⁵ si quid agatur, legem illam, in qua popularia multa sunt, ne tangatis. verum est stultum, me præcipere, quid agatis, aut quo modo. utinam modo agatur aliquid! in quo ipso multa occultant tuæ litteræ, credo, ne vehementius desperatione perturber. quid enim vides agi posse, aut quo modo? per senatumne? ast tute scripsisti ad me, ⁴⁶ quoddam caput legis Clodium in curiæ poste fixisse, ne referri, neve dici liceret. quo modo igitur Domitius se dixit relatarum? quo modo autem, iis, quos tu scribis, et de re dicentibus, et, ut referretur,ulantibus, ⁴⁷ Clodius tacuit? ac, si per po-

p. 47.
a.

37 Cum Culeone de privilegio, &c.] Se. mihi sic posse consuli, si doceatur, legem Clodii contra me esse non legem, sed privilegium, atque adeo, ex legibus XII tabularum, ipso jure non valere. Culeo amicus Pompeii fuit. cum eo igitur de hac re locutus est Atticus, ut id Pompeio demonstraret, &c. Corradus conjicit etiam *Aculeum*, Ciceronis consolino et juris perito e disciplina paterna, eodemque Caesaris amico. Ed. Jens. et alie habent *Curione*.

38 Sed multo est melius abrogari.] Nempe lege alia, non SCto, ex illa juris causa.

39 Quid est firmiss? Suspiciatus sum, legendum esse erit.

40 Nec quicquam aliud opus est, quam abrogari.] Tuustallus p. 71. nec q. a. opus est, inquam, abrogari. bene, opinor. nam consentit sequentibus.

41 Nam prior lex.] In qua universe Clodius tulrat de iis, qui civem indicta causa occidissent.

42 Quam si, ut est promulgata, l. voluissimus. | Scribendum puto, ut erat p. sic mox, ut erat negligenda.

43 Hic mihi primum meum c. d. sed etiam obfuit.] Sic Victorius ex antiquo exemplari se edere dicit, pro h. m. p. non modo consilium d. quod abed. Rom. fluxit. Sed sic erat jam in ed. Jensoni. an id vocat antiquum exemplar? sed etiam non precedente non modo non rarum est.

44 Nisi nominatim mecum agi c. e.] Alias est de me, nempe in lege. mox sed pergo præterita; int. commemorare ac reprehendere.

45 Si quid ageretur.] Corroxi agatur. necessario, quia sequitur, ne tangatis. Si quis malit agatur, non repugnem.

46 Quoddam caput legis, &c.] Quoddam verum esse non potest. nam illud caput quod fuerit, diserte dicit. an scribendum quoddam? nempe in ea epistola, cui respondet in ep. 12.

47 Clodius tacuit.] In ed. Gronoviana

18

CICERO ATTICO S.

EXSPECTIONEM nobis non parvam attuleras, cum scripseras, Varronem tibi pro amicitia confirmasse, causam nostram Pompeium certe suscepturum: et, simul a Cæsare ei litteræ, quas exspectaret, remissæ essent, auctorem etiam daturum. utrum id nihil fuit, an adversatæ sunt Cæsaris litteræ? an est aliquid in spe? etiam illud scripseras, eundem, secundum comitia, dixisse. fac (si vides, quantis in malis jaceam, et, si putas esse humanitatis tuæ) me fac de tota causa nostra certiorum. nam Quintus frater, homo mirus, qui me tam valde amat, omnia mittit spei plena, metuens, credo, defectionem animi mei. tuæ autem litteræ sunt variæ. neque enim me desperare vis, nec temere sperare. fac, obsecro te, ut omnia, quæ perspicui a te possunt, sciamus.

19

CICERO ATTICO S.

QUOAD ejusmodi mihi litteræ a vobis adferebantur, ut aliquid ex iis esset exspectandum; spe et cupiditate
 b. ⁵⁴Thessalonicae retentus sum: posteaquam ⁵⁵omnis actio hujus anni confecta nobis videbatur, in Asiam ire nolui: quod et celebritas mihi odio est; et, si fieret aliquid a novis magistratibus, abesse longe nolebam. itaque in Epirum ad te statui me conferre; non quo mea interesset loci natura, qui lucem omnino fugerem: sed et ad salutem libentissime ex tuo portu proficiscar, et, si ea præcisa erit, nusquam facilius hanc miserrimam vitam vel sustentabo, vel, quod multo est melius, abjecero. ero cum paucis; multitudinem dimittam. Me tuæ litteræ numquam in tantam spem adduxerunt, ⁵⁶in quantam aliorum. attamen mea spes etiam tenuior semper fuit, quam tuæ litteræ. sed tamen, quoniam coëptum est, ego, quoquo modo coëptum est, et quacumque de causa, non deseram neque optimi atque unici fratris miseras ac luctuosas preces, nec Sextii ceterorumque promissa, nec spem ærumnosissimæ mulieris Te-

⁵⁴ Thessalonicae retentus sum.] Hoc debet ad Victorio; pro vetere detentus. ⁵⁶ Quantum aliorum.] Sine dubio ad-

Sed sic jam ed. Rom. unde et in margine habet ed. Crat. detentus ex ed. Jens. fluxit.

⁵⁵ Omnis actio hujus anni confecta.] Quia finis anni aderat, neque adeo legislatio suscipi poterat a magistratibus. con-

fecta est, ad finem venit. ⁵⁶ Quantum aliorum.] Sine dubio ad-
 dendum in. mox pro ego cdd. pr. age, nec
 hoc male. nisi quod ed. Jens. habet ago, ut
 ambigua sit lectio ejus. Sed ego, quod e
 huius libris est, mihi quidem magis placet.

rentiæ, nec miserrimæ mulieris Tulliolæ obsecrationem, et fideles litteras tuas. mihi Epirus aut iter ad salutem dabit, aut, quod scripsi supra. te oro et obsecro, T. Pomponi, si me omnibus amplissimis, carissimis, jucundissimisque rebus perfidia hominum spoliatum; si me a meis consiliariis proditum et projectum vides; si intelligis me coactum, ut ipse me et meos perderem; ut me tua misericordia juves: et Quintum fratrem, qui potest esse salvus, sustentens: Terentiam liberosque meos tueare; me, si putas te istic visurum, exspectes; si minus, invisas, si potes, mihi que ex agro tuo tantum assignes, quantum meo corpore occupari potest; et pueros ad me cum litteris quamprimum et quam sæpissime mittas. Dat. XVI Kal. Octob.

CICERO S. D. Q. CÆCILIO, Q. F. POMPONIANO 20
ATTICO.

⁵⁷ QUOD quidem ita esse, et avunculum tuum functum p. 49.
a. esse officio, vehementissime probo: gaudere me tum dicam, si mihi hoc verbo licebit uti. Me miserum! ~~quam~~ omnia essent ex sententia, si nobis animus, si consilium, si fides eorum, quibus credidimus, non defuisset: quæ colligere nolo, ne augeam mœrorem. sed tibi venire in mentem ⁵⁸ certo scio, quæ vita esset nostra, quæ suavitas, quæ dignitas. ad quæ recuperanda, per fortunas! incumbere, ut facis, diemque natalem reditus mei, cura, ut in tuis ædibus amœnissimis agam tecum et cum meis. Ego huic spei et expectationi, ⁵⁹ quæ nobis proponitur, maxime tamen volui præstolari apud te in Epiro: sed ita ad me scribitur, ut putem esse commodius, nos eisdem in locis esse. De domo ⁶⁰ et Curionis oratione, ut scribis, ita est. in universa salute, si ea modo nobis restitueretur, incidunt omnia; ex quibus nihil malo, quam domum. sed tibi nihil mando nominatim: totum me tuo amoris fideique commendo. Quod te, in tanta hereditate, ab omni occupatione expediti,

⁵⁷ Quod quidem ita esse.] Coniungitur hoc cum inscriptione, qua Cicero in his litteris primum usus est. quod ergo est pro hoc ita e. sc. ut tu sis filius Q. Cæcilii Metelli, avunculi tui, et heres.

⁵⁸ Certo scio.] Sic ex latinitate dudum correxeram vulgatum inde a Jensonio, certe, cum id in edd. Cratandri, Hervagii, Pauli Manutii, tandem in ed. Rom. reperi. mi-

ror a Victorio id desertum et certe revocatum esse.

⁵⁹ Quæ nobis proponitur, maxime tamen.] Grævius corrigit: quæ nobis p. cum maxime, volui pr. eleganter, deleto etiam tamen, quod hic sane stare non potest.

⁶⁰ Et Curionis oratione.] Curionis pontificis, oratione, sermone cum Attico, de domo Ciceronis consecrata.

valde mihi gratum est. Quod facultates tuas ad meam salutem polliceris, ut omnibus rebus a te præter ceteros juver: id quantum sit præsidium, video; intelligoque, te multas partes meæ salutis et suscipere, et posse sustinere: neque, ut ita facias, rogandum esse. Quod me vetas quicquam suspicari accidisse ad animum tuum, quod secus a me erga te commissum, aut prætermissum videretur, geram tibi morem, et liberabor ista cura: tibi tamen eo plus debeo, quo tua in me humanitas fuerit excelsior, quam
 b. in te mea. Velim, quid videas, quid intelligas, quid agatur, ad me scribas: tuosque omnes ad nostram salutem adhortere. Rogatio Sextii neque dignitatis satis habet, nec cautionis. nam et ⁶¹nominatim ferre oportet, et de bonis diligentius scribi: et id animadvertas velim. Dat. 1111 Non. Octob. Thessalonicae.

21

CICERO ATTICO S.

TRIGINTA dies crant ipsi, cum has dabam litteras, per quos nullas a vobis acceperam. mihi autem erat in animo, jam, ut antea ad te scripsi, ire in Epirum: et ⁶²ibi omnem casum potissimum expectare. Te oro, ut, si quid erit, quod perspicias, quancumque in partem, quam planissime ad me scribas: et meo nomine, ut scribis, litteras, quibus putabis opus esse, ut des. Dat. v Kal. Novemb.

22

CICERO ATTICO S.

ETSI diligenter ad me Quintus frater et Piso, quæ essent acta, ⁶³scripserunt: tamen vellem, tua te occupatio non impedisset, quo minus, ut consuesti, ad me, quid ageretur et quid intelligeres, perscriberes. Me adhuc Plancius liberalitate sua retinet, jam aliquoties conatum ire in Epirum. spes homini est injecta, non eadem, quæ mihi, posse nos una decedere: quam rem sibi magno honori sperat fore. sed ⁶⁴jam, cum adventare milites dicuntur, faciendum

61 *Nominatim ferre oportet.*] Si de nondum lata lege sermo est, cujus exemplum Cicero viderit, bene habet oportet. Si ea lex jam lata erat, Cicero scripsit oportebat, ut mihi aliquando in mentem venerat. Sed illud esse, ep. 23. extr. clare videtur docere.

62 *Ibi o. casum potissimum expectare.*] Potissimum pertinet ad ibi, non ad expec-

tare. fortasse transpositum est per negligentiam. ed. Jens. habet potissime, et quadam sequaces, ut Crat.

63 *Scripterunt.*] Sic edd. omnes: tamen edidi scripserunt: præsertim, cum et sequens, tamen vellem, nullo modo post scripserant stare potest.

64 *Jam, cum adventare milites dicuntur.*] Dicuntur revocari ex edd. Rom. Ald. Her-

nobis erit, ut ab eo discedamus. quod cum faciemus, ad te statim mittemus; ut scias, ubi simus. Lentulus suo in nos officio, quod et re, et promissis, et litteris declarat, spem nobis nonnullam affert Pompeii voluntatis. sæpe enim tu ad me scripsisti, eum totum esse in illius potestate. ⁶⁵ De Metello, scripsit ad me, frater, quantum sperarit, perfectum esse per te. Mi Pomponi, pugna, ut tecum et cum meis mihi liceat vivere: et scribe ad me omnia. premor cum luctu, ⁶⁶ tum desiderio meorum omnium, tum eorum, qui mihi me cariores semper fuerunt. Cura, ut valeas. Ego, quod, per Thessaliam si irem in Epirum, perdiu nihil eram auditurus, et quod mei studiosos habeo Dyrrachinos, ad eos perrexi, cum illa superiora Thessalonicae scripsissem. inde cum ad te me convertam, faciam ut scias. tuque ad me velim omnia quam diligentissime, cuicuiusmodi sunt, scribas. ego jam aut rem, aut ne spem quidem exspecto. Dat. vi Kal. Decemb. Dyrrachii.

CICERO ATTICO S.

23

A. d. v Kal. Decemb. tres epistolas a te accepi; unam datam a. d. viii Kal. Novemb. in qua me hortaris, ut forti animo mensem Ianuarium exspectem: eaque, quæ ad spem putas pertinere, de Lentuli studio, de Metelli voluntate, de tota Pompeii ratione, perscribis. in altera epistola, præter consuetudinem tuam, diem non adscribis: sed satis significas tempus. lego enim ab octo tribunis. plebis

vag. ceteræ inde a Jensonio dicuntur, denique e Faerni libro dicuntur: quod miror arreptum esse a Grutero, etiam Grævio: cum ei repugnare sequentia erit et discedamus, etiam tiro sentire possit: nam pro his deberet esse erat et discederemus. Ita sæpe occurrunt criticis libri scripti nomen. Malaspina coniecitbat dicuntur, quod et mihi olim videbatur, antequam veteres libros videram. in significatione temporis dicuntur nihil vitii habet. milites intell. Pisonis Proc. inimici Ciceroni.

⁶⁵ De Metello - - quantum speraret, perfectum esse per te.] De Metello consule Ciceroni inimico, sed placet hacenus, ut restitutionem ejus non impediret. Ed. Rom. habet perfectum esse, Jens. profectum. Vulgati plerique secuti sunt hanc lectionem: ego edidi illam; nam quantum sp. non convenit huic, nec rã per te. Sed speraret vitiosum est manifeste, debetque esse aut speravit aut sperasset. Sed il-

lud prætulit. Quintus scripserat: quantum speravi, perfectum est per Atticum: hinc in narratione ejus sit, quantum speravit.

⁶⁶ Tum des. meorum omnium, tum eorum, qui, &c.] Hæc lectio est a Bosio, qui sic se in libris scr. reperisse dicit. Ed. Rom. habet des. rerum omnium, tum eorum qui, &c. ed Jens. des. rerum omnium, quæ mihi, &c. hanc Grævius post Victorium et alios secutus est. Eam non possum probare. de rebus, in quibus fere bona, domus, villæ, intelliguntur, Cicero non sic loquitur. Servavi lectionem Bosianam: sed in ea cum delendum, quod a Mss. Balliol. et Helmst. abest. tum est alieno loco, et pro eorum legendum est ceterorum. Ita locus sic restituetur: premor luctu et desiderio tum meorum omnium, tum ceterorum, qui mihi me cariores semper fuerunt. nam in desiderio tali solet Cicero primum suos, tum amiciores sibi commemorare.

promulgata, ⁶⁷ te eas litteras eo ipso die dedisse, id est, a. d. IIII. Kal. Novemb. et, quid putes utilitatis eam promulgationem attulisse, scribis. in quo si jam hæc nostra salus, cum hac lege desperata erit, velim pro tuo in me amore hanc inanem meam diligentiam, miserabilem potius, quam ineptam, putes: sin est aliquid spei, des operam, ut majore diligentia ⁶⁸ posthac a novis magistratibus defendamur. nam ea veterum tribunorum plebis rogatio tria capita habuit; unum de reditu meo, scriptum incaute. nihil enim restituitur, præter civitatem et ordinem: quod mihi pro meo casu satis est. sed, quæ cavenda fuerint, et quo modo, te non fugit. alterum caput est tralaticium de impunitate, si quid contra alias leges, ejus legis ergo, factum sit. tertium caput, mi Pomponi, quo consilio, et a quo sit inculcatum, vide. scis enim Clodium sanxisse, ut vix, aut omnino non posset nec per senatum, nec per populum infirmari sua lex. sed vides, numquam esse observatas sanctiones earum legum, quæ abrogarentur. nam si id csset, nulla fere abrogari posset: (neque enim ulla est, quæ non ipsa se sepiat difficultate abrogationis:) sed, cum lex abrogatur, illud ipsum abrogatur, ⁶⁹ quo non eam abrogari oporteat. hoc cum [re vera] ita sit; cum semper ita habitum observatumque sit, octo nostri tribuni plebis caput posuerunt hoc: SI QUID IN HAC ROGATIONE SCRIPTUM EST, QUOD PER LEGES, PLEBIS VE SCITA ⁷⁰ [HOC EST, QUOD PER LEGEM CLODIAM] PROMULGARE, ABROGARE, DEROGARE, OBROGARE S. F. SUA NON LICEAT, NON LICUERIT; QUOD VE EI QUI PROMULGAVIT, ABROGAVIT, DEROGAVIT, OBROGAVIT, OB EAM REM PÆNÆ, MULTÆ VE SIT ⁷¹ E. H. L. N. R. Atque hoc in illis tribunis plebis non lædebat. ⁷² lege enim collegæ sui non

⁶⁷ Scribis, te - - attulisse scribis.] Aliterum sine dubio delendum est. delevi primum.

⁶⁸ Posthac a nostris mag. def.] Viri docti legendum putarant novis, quod et Malaspina probat. id ego non dubitavi recipere. nam opponuntur statim veteres tr. pl. mox delendum ea; quod non habet, quo referatur. Si esset illa, bene haberet. Infra nostri trib. pl. sed ibi nulla veterum mentio, et post quoque novi tribuni plebis occurrunt. ut illo quoque loco sic corrigendum videatur, præsertim cum sequatur, hoc in illis i. e. veteribus. Ed. Jens. pro veterum habet vetus, quod et proximi editores secuti sunt.

⁶⁹ Quo non eam abrogari oporteat.] Sic per conjecturam Malaspina, e libris Bosius correxit. quomodo ante Bosium erat ex ed. Jans. Rom. per compendium habet quo. post revera est a glossatore, delendumque. nam revera numquam dicitur, nisi ubi verbis, specie aut simile quid præcesserit.

⁷⁰ HOC EST - - CLODIAM.] Hoc est a glossatore, ut et sensit Brissacius. Uncis inclusi.

⁷¹ E. H. L. N. R.] Ejus hac lege nihil rogatum.

⁷² Lege enim collegii sui.] Sic edd. pr. sed manifestum est, legendum collegæ, i. e. Clodii. nam collegii lege tenebantur

tenebantur. quo major est suspicio malitiæ alicujus; cum id, quod ad ipsos nihil pertinebat, erat autem contra me, scripserunt: ut novi tribuni plebis, si essent timidiore, multo magis sibi eo capite utendum putarent. neque id a Clodio prætermissum est. dixit enim in concione a. d. III Non. Nov. hoc capite designatis tribunis plebis præscriptum esse, quid liceret: tamen, in lege nulla esse ejusmodi caput, te non fallit. quod si opus esset, omnes in abrogando uterentur. Ut Ninnium, aut ceteros fugerit, investigates, velim: et, quis attulerit; et, quare octo tribuni plebis ad senatum de me referre non dubitarint; ⁷³[sitne] quod observandum illud caput non putabant, iidem in abrogando tam cauti fuerint, ut id metuerent, soluti cum essent; quod ne iis quidem, qui lege tenentur, est curandum. id caput sane nolim novos tribunos plebis ferre: ⁷⁴sed ferant modo quidlibet: uno capite, quo revocabor, (modo res conficiatur,) ero contentus. Jam dudum pudet tam multa scribere. vereor enim, ne, re jam desperata, legas; ut hæc mea diligentia miserabilis tibi, aliis irridenda videatur. sed si est aliquid in spe, vide legem, quam T. Fadio scripsit Visellius: ea mihi perplacet. nam Sextii nostri, quam tu tibi probari scribis, mihi non placet. Tertia est epistola prid. Id. Novemb. data: in qua exponis prudenter et diligenter, quæ sint, quæ rem distingere videantur; de Crasso, de Pompcio, de ceteris. quare oro te, ut, si qua spes erit, posse ⁷⁵studiis bonorum, auctoritate, multitudine comparata, rem confici, des operam, ⁷⁶ut uno impetu perfringatur; in eam rem incumbas, ceterosque excites. sin, ut ego perspicio cum tua conjectura, tum etiam mea, spei nihil est; oro obtestorque te, ut Quintum fratrem ames, quem ego mise-

p. 51.
a.

sine dabio tribuni. sic placebat Corrado, sic edd. Aldi, Crat. Hervagii. collegii revocavit Victorias.

⁷³ Sitne, quod n. illud caput, &c.] Hæc lectio est a Bosii e Ms. correctione. Edd. pr. sive. Locum alii aliter tentant. difficile est decernere. nihl videtur esse delendum sitne vel sive. ratio redditur relationis ad senatum. ita sic cohererebit oratio: quare trib. pl. cum ad senatum de me retulerint, quia illo capite se non impediri putabant, iidem tamen post in rogatione sua id metuerint, &c.

⁷⁴ Sed perferant modo quidlibet.] Perferant verum non puto: nam de ferenda lege sermo est: legendumque: sed ferant

modo quidlibet, vel quod libet, ut Grævius edidit cum aliis.

⁷⁵ Studiis bonorum, auctoritate, multitudine comparata.] Multitudinem comparatam explicant de civibus ex omni Italia. Sed quis hanc multitudinem comparatam dicat? ea semper in deteriore partem dicitur. Locum vitiosum puto; nec scio quomodo sit sanandus.

⁷⁶ Ut uno impetu perfringatur.] Ed. Jens. perfringantur, quod et ceteri post eum edidere: idque referunt ad ea, quæ rem distineant. perfringatur melius est, quod ed. Rom. habet, restituit Victorias. id dicitur pro conficiatur, quo ante usus est, sed efficacius hoc est.

rum misere perdidī; neve quid eum patiare gravius consulere de se, quam expediat sororis tuæ filio, meum Ciceronem, cui nihil misello relinquo præter invidiam et ignominiam nominis mei, tuere, quoad poteris; Terentiam, unam omnium ærumnosissimam, sustentens tuis officiis. Ego in Epirum proficiscar, cum primorum dierum nuntios
b. excepero. Tu ad me, velim, proximis litteris, ut se initia dederint, perscribas. Dat. prid. Kal. Decemb.

24

CICERO ATTICO S.

ANTEA, cum ad me scripsissetis, vestro consensu consulum provincias ornatas esse; etsi verebar, quorsum id casurum esset, tamen sperabam, vos aliquid aliquando vidisse prudentius: posteaquam mihi et dictum est, et scriptum, vehementer consilium vestrum reprehendi, sum graviter commotus; quod illa ipsa spes exigua, quæ erat, videbatur esse sublata. nam si tribuni plebis nobis succensent, quæ potest spes esse? ⁷⁷at videntur jure succensere: cum et expertes consilii fuerint, qui causam nostram susceperant; et nostra concessione ⁷⁸omnem vim sui juris amisserint: præsertim cum ita dicant, se nostra causa voluisse suam potestatem esse de consulibus ornandis, non ut eos impedirent, sed ut ad nostram causam adjungerent. nunc, si consules a nobis alieniores esse velint, posse id libere facere; ⁷⁹sin velint nostra causa, nihil posse se invitis. Nam quod scribis, ⁸⁰ni ita vobis placuisset, illos hoc idem per populum assecuturos fuisse; invitis tribunis plebis fieri nullo modo potuit. ita vereor, ne et studia tribunorum amiserimus, et, si studia mancant, vinclum illud adjungendorum consulum amissum sit. Accedit aliud non parvum incommodum, quod gravis illa opinio, ut quidem ad nos perferebatur, senatum nihil decernere ante, quam de nobis actum esset, amissa est; præsertim in ea causa, quæ non

⁷⁷ *Videtur esse sublata.*] Scribendum hic hæsit.
est videbatur.

⁷⁸ *At videntur.*] Sic pro ac legendum esse existimari: nunc in ed. Rom. id reperi, ideoque recepi.

⁷⁹ *Omnem vim sui juris.*] Sc. in ornandis provinciis consulem, quo usus erat ante Clodius.

⁸⁰ *Sin velint nostra causa.*] Ineptè Vulgg. *velint*, cum in eadem orationis serie ante sit, *si velint*. et tamen nemo

⁸¹ *Ni ita nobis placuisset.*] Nobis in exemplo meo, primum legens, pro vitio operarum habui, *correxique vobis*. Sed omnes edd. habent præter Jensonianam, quam alias proximi sequuntur, et Ascens. in quibus est *vobis*, quod restitui. Atticus scripserat utique, *ni ita nobis placuisset*: sed etiam post assecuturi fuissent: sed Cicero non verba Attici repetit, sed sententiam, narrando.

modo necessaria non fuit, sed etiam inusitata ac nova.
⁸² neque enim umquam arbitror ornatas esse provincias designatorum: ut, cum in hoc illa constantia, quæ erat mea causa suscepta, imminuta sit, nihil jam possit non decerni. iis, ad quos relatum est, amicis placuisse, ⁸³ non mirum. erat enim difficile reperire, qui contra tanta commoda duorum consulum palam sententiam diceret. fuit omnino difficile non obsequi, vel amicissimo homini, Lentulo, vel Metello, qui similitatem humanissime deponeret. sed vereor, ⁸⁴ ne, hos cum tamen tenere potuerimus, tribunos plebis amiserimus. hæc res quemadmodum ceciderit, et tota res quo loco sit, velim ad me scribas, et ita, ut instituisti. nam ista veritas, etiamsi jucunda non est, mihi tamen grata est. Dat. 1111 Id. Decemb.

p. 52.
a.

CICERO ATTICO S.

25

POST tuum a me discessum litteræ mihi Roma allatæ sunt: ex quibus perspicio, nobis in hac calamitate tabescendum esse: neque enim, (sed bonam in partem accipies,) ⁸⁵ si ulla spes salutis nostræ subesset, tu, pro tuo amore in me, hoc tempore discessisses. sed ne ingrati, aut ne omnia velle nobiscum una interire videamur, hoc omitto: illud abs te peto, des operam, id quod mihi affirmasti, ut te ante Kal. Jan. ubicumque erimus, sistas.

CICERO ATTICO S.

26

LITTERÆ mihi a Quinto fratre cum senatus consulto, quod de me est factum, allatæ sunt. mihi in animo est, legum lationem expectare; et si oblectabitur, utar auctoritate senatus, et potius vita, quam patria, carebo. Tu, quæso, festina ad nos venire.

⁸² Neque e. n. a. ornatas esse pr. des.] Sed antequam designati essent, sicut et ipsæ provinciæ ante decretis ex lege Semproniam.

⁸³ Non mirum.] Sic ed. Jens. habet. Edd. R. Ald. &c. n. mirum sit: quod revocavit male Grævius. nam id dicitur de re futura: at de præterita, ut hic, iis placuisse, dicitur est. quod Cicero saepe omittit. itaque et est delevi, quod primus edidit Bosius. si e Ms. a glossatore fuit, ut sit.

⁸⁴ Ne hos tamen - tr. pl. amiserimus.] Hæc est lectio ed. Rom. at Jens. ne hos

cum tenere potuerimus, trib. pl. miserimus. Potuerimus non sane placet. est de re plane præterita: potuissimus. Sed optime utraque edd. pr. lectio conjungatur. vereor, ne, hos cum tamen tenere potuerimus, tribunos pl. amiserimus.

⁸⁵ Si ulla spes salutis nostræ subesset.] Sic edd. pr. et Mss. fere. Primi salutis nostræ dedere Victorius et Herragius, post P. Manut., &c. quod verum est. illud revocavit Bosius, Græterus. illius constructionis exemplum nullum exstat.

27

CICERO ATTICO S.

- b. EX tuis litteris, et ex re ipsa nos funditus perisse video. Te oro, ut, quibus in rebus mei tui indigebunt, nostris misseriis ne desis. ego te, ut scribis, cito videbo.

M. TULLII CICERONIS

EPISTOLARUM

AD

ATTICUM

LIBER IV.

ARGUMENTUM.

Hoc libro quatuor annorum epistolae continentur. Tres primae, P. Lentulo Spinthere, Q. Metello Nepote: quinque consequentes, Cn. Lentulo Marcellino, L. Philippo: post has, totidem Cn. Pompeio Magno II, M. Crasso: reliquae usque ad finem, Ap. Claudio Pulchro, L. Domitio Ahenobarbo Coss. scriptae sunt. Necesse est autem aut eas una fuisse, aut non plures ab eo, qui epistolas congegit, inventas. Primae igitur reditum Ciceronis continent: qui fuit prid. Non. Septembris, duodevigesimo mense, post ejus fugam: Quomodo area domus illius, pontificum sententiis liberata fuerit: domus ac villa publica pecunia restituta: et cum in reditu ejus summa annonae caritas esset, SC. in sententiam illius factum est, quo Cn. Pompeio rei frumentariae per quinquennium cura dabatur; cum eodem imperio, quod is bello piratico habuisset: item, ut T. Annius Milo saepe cum Clodio, adilitatis candidato, manu armisque dimicaverit, ne ejus comitia haberentur. Haec in tribus primis epistolis. In proximis, quae Cn. Lentulo Marcellino et L. Philippo Coss. scriptae sunt, nihil est historia dignum, nisi de Domitii repulsa in petitione consulatus: qui etiam foro per vim pulsus sit: servo illius, qui lucernam praeferebat, interfecto: Creati vero sunt ex interregno et per vim, Cn. Pompeius II, M. Crassus II: quorum anno scriptae litterae reditum Ptolemaei in regnum strictim attingunt: turpemque Crassi in provinciam Syriam profectionem, dirarum obnuntiatione neglecta. Porro autem litterae quarti anni, Ap. Claudio videlicet et L. Domitio Coss. candidatorum ambitum et contentionem habent: quae tanta fuit, ut M. Messalla et Cn. Domitius ex interregno, septimo hujus anni mense consules declarati vix denique fuerint: idque Q. Pompeio Rufo tribuno pl. qui intercessionibus comitia tollebat, in

carcerem coniecto ex SC. ceterisque, si quis impensius conaretur, deterritis. Continent etiam A. Gabinii reditum, nocturnumque in urbem ingressum, omnium hominum odium adversus illum: accusationem de majestate, quod contra senatus populi que judicium Ptolemaeum in regnum reduxisset: et quaedam alia, sed pleraque privata atque domestica. Inter proxime superioris libri epistolas, atque hujus, menses octo fluxerunt: nimirum ex Kalendis Jan. ad Nonas Sept.

CICERO ATTICO S.

1

CUM primum Romam veni, fuitque, cui recte ad te litteras darem, nihil prius faciendum mihi putavi, quam ut tibi absentem de reditu nostro gratularer. cognoram enim, (ut vere scribam,) te in consiliis mihi dandis nec fortio- rem, nec prudentiorem, quam me ipsum, nec etiam, pro praeterita mea in te observantia, nimium in custodia salutis meae diligentem; eundemque te, qui primis temporibus erroris nostri, aut potius furoris particeps, et falsi timoris socius fuisses, acerbissime discidium nostrum tulisse, plurimumque operae, studii, diligentiae, laboris ad conficiendum reditum meum contulisse. Itaque hoc tibi vere affirmo, in maxima laetitia, et exoptatissima gratulatione, unum ad cumulandum gaudium conspectum, aut potius complexum mihi tuum defuisse; quem semel nactus numquam dimisero: ac, nisi etiam praetermissos fructus tuae suavitatis¹ [praeteriti temporis] omnes exogero, profecto hac restitutione fortunae me ipse non satis dignum judicabo. Nos adhuc in nostro statu, quod difficillime recuperari posse arbitrati sumus, splendorem nostrum illum forensem, et in senatu auctoritatem, et apud viros bonos gratiam, magis, quam optaramus, consecuti sumus. in re autem familiari, quae quemadmodum fracta, dissipata, direpta sit, non ignoras, valde laboramus, tuarumque non tam facultatum, quas ego nostras esse judico, quam consiliorum ad colligendas et constituendas reliquias nostras indigemus. Nunc, etsi omnia aut scripta esse a tuis arbitror, aut etiam nuntiis ac rumore perlata: ²tamen ea scribam brevi, quae te puto potissimum ex meis litteris velle cognoscere. Pridie Nonas Sext. Dyrrachio sum profectus, ³ipso illo die, quo

p. 53.

¹ Praeteriti temporis.] Hoc mihi glossam olet. nam id est in praetermissos.

quod nullo modo verum esse potest.

² Tamen ea scribam brevi.] Sic Ms. Helmst. et alii. recte. Vulg. inscribam,

³ Ipso illo die.] Melius Ms. Faerni illo ipso, ut alibi est.

lex est lata ~~de nonis~~. Brundisium veni Nonis Sext. ibi mihi Tulliola mea fuit præsto, natali suo ipso die, qui casu idem natalis erat et Brundisinæ coloniae ⁴ et tuæ vicinæ Salutis. quæ res animadversa a multitudine, summa Brundisinorum gratulatione celebrata est. Ante diem VI Id. Sext. cognovi, cum Brundisii essem, litteris Quinti fratris, mirifico studio omnium ætatum atque ordinum, incredibili concursu Italiæ, legem comitiis centuriatis esse perlatam. inde ⁵ a Brundisinis honestissimis ornatus, iter ita feci, ut undique ad me cum gratulatione legati convenirent: ad urbem ita veni, ut nemo ullius ordinis homo nomenclatori notus fuerit, qui mihi obviam non venerit, præter eos inimicos, quibus ⁶ id ipsum non liceret aut dissimulare, aut negare. Cum venissem ad portam Capenam, gradus tem-
 b. plorum ab infima plebe completi erant: a qua plausu maximo cum esset mihi gratulatio significata; similis et frequentia et plausus me usque ad Capitolium celebravit: in foroque, et in ipso Capitolio miranda multitudo fuit: postridie in senatu, qui fuit dies Non. Septemb. senatui gratias egimus. eo biduo cum esset annonæ summa caritas, et homines ad theatrum primo, deinde ad senatum convenirent, impulsu Clodii; mea opera frumenti inopiam esse clamarent; cum per eos dies senatus de annonâ haberetur, et ad ejus proeurationem sermone non solum plebis, verum etiam bonorum Pompeius vocaretur, idque ipse euperet; multitudoque a me nominatim, ut id decernerem, postularet; feci, et accurate sententiam dixi; eum abessent consulares, quod tuto se negarent posse sententiam dicere, præter Messalam et Afranium. factum est senatus consultum in meam sententiam, ut eum Pompeio ageretur, ut eam rem susciperet, lexque ferretur: ⁷ quo senatus consulto recitato cum continuo, more hoc insulso et novo, ⁸ plausum, meo nomine recitando, dedisset; habui coniectionem: omnes magistratus præsentés, præter unum prætorem, et

⁴ Et tuæ vicinæ Salutis.] Ædis Salutis, quæ erat vicina ædibus Attici in monte Quirinali.

⁵ A Brundisinis honestissimis ornatus.]

Hoc sensum commodum non habet. Eleganter Guilielmus conjiciebat excidisse SCtis: quamquam talibus urbibus SCtu non tribuuntur, sed decreta. mihi etiam in mentem venit comitatus pro ornatus.

⁶ Id ipsum.] Sc. se inimicos esse, quod

ex glossa etiam in libris nonnullis est, ut edd. Rom. Jens., &c.

⁷ Quo SCtu recitato.] SCtu forte est a glossa: recitato sc. apud populum.

⁸ Plausum -- dedisset.] Videtur legendum dedisset. videtur ortum vulgatum ex eo, quod pro continuo libri quidam habent comicio. Si vulgatum verum est, intell. populus e sensu, ex verbo recitato, sc. ap. populum.

duos tribunos plebis, dederunt. postridie senatus frequens, et omnes consulares nihil Pompeio postulanti negarunt. ille legatos quindecim cum postularet, me principem nominavit; ⁹et ad omnia me alterum se fore dixit. legem consules conscripserunt, qua Pompeio per quinquennium omnis potestas rei frumentariæ toto orbe terrarum daretur: alteram Messius, qui omnis pecuniæ dat potestatem, et adjungit classem et exercitum, et majus imperium in provinciis, quam sit eorum, qui eas obtineant. ¹⁰illa nostra lex consularis nunc modesta videtur, hæc Messii non ferenda. Pompeius illam velle se dicit, familiares hanc. Consulares, duce Favonio, fremunt; nos tacemus, et eo magis, quod de domo nostra ¹¹nihil adhuc pontifices responderunt. qui si sustulerint religionem, aream præclaram habebimus; superficiem consules ex senatus consulto æstimabunt: ¹²sin aliter, demolientur; suo nomine locabunt; rem totam æstimabunt. Ita sunt res nostræ; ut in secundis, fluxæ; ut in adversis, bonæ. In re familiari valde sumus, ut seīs, perturbati. præterea sunt quædam domestica, quæ litteris non committo. Quintum fratrem, insigni pietate, virtute, fide præditum, sic amo, ut debeo. Te exspecto; et oro, ut matures venire; eoque animo venias, ut me tuo consilio egere non sinas. alterius vitæ quoddam initium ordimur. jam quidam, qui nos absentes defenderunt, incipiunt præsentibus occulte irasci: aperte invidere. vehementer te requirimus.

P. 54.
a.

CICERO ATTICO S.

2

SI forte rarius tibi a me, quam a ceteris, litteræ redduntur; peto a te, ut id non modo negligentiae meæ, sed ne occupationi quidem tribuas: quæ etsi summa est, tamen nulla esse potest tanta, ut interrumpat iter amoris nostri et officii mei. nam ut veni Romam, iterum nunc sum certior factus, esse, cui darem litteras. itaque has alteras dedi. Prioribus tibi declaravi, adventus noster qualis fuisset, et

9 Et ad omnia.] Cum Grævio addidi ad, quod et ed. Jens. Asc., &c. habent.

10 Illa nostra lex cons.] Snam vocat, quia e Scto in ejus sententiam facta erat.

11 Nihil adhuc p. responderunt.] Sio Mss. Faerni, Helmst. pro responderant, quod et sine libris corrigendum erat, editque et Grævius.

12 Sin aliter, demolientur -- æstimabunt.] Tunstallus, p. 77. hæc demolientur -- æstimabunt, spuria judicat, et sin aliter var. ἀπορρώπων accipit, actum est de nobis. Sane non placent ista. primum ea, sine pontificum decreto, facere consules non poterant, et partim sunt in superiori.

quis esset status, atque omnes res nostræ quemadmodum essent, ut in secundis, fluxæ, ut in adversis, bonæ. Post illas datas litteras, secuta est summa contentio de domo. diximus apud pontifices pridie Kal. Octobres. acta res est accurate a nobis: et si umquam in dicendo fuimus aliquid, aut etiam, si umquam alias fuimus, tum profecto dolor et magnitudo vim quandam nobis dicendi dedit. itaque oratio

b. juventuti nostræ deberi non potest: quam tibi, etiamsi non desideras, tamen mittam cito. Cum pontifices decreissent, ita, SI NEQUE POPULI JUSSU, NEQUE PLEBIS SCITU, IS QUI SE DEDICASSE DICERET, NOMINATIM EI REI PRÆFRCTUS ESSET, NEQUE POPULI JUSSU, AUT PLEBIS SCITU ID FACERE JUSSUS ESSET; VIDERI, POSSE SINE RELIGIONE EAM PARTEM AREÆ MI RESTITUI; mihi facta statim est gratulatio. ¹³nemo enim dubitabat, quin domus nobis esset adjudicata. tum subito ille in concionem ascendit, quam Appius ei dedit. ¹⁴nuntiat jam populo, pontifices secundum se decrevisse; me autem vi conari in possessionem venire. hortatur, ut se et Appium sequantur, et suam Libertatem ut defendant. Hic cum etiam illi infimi partim admirarentur, partim irriderent hominis amentiam; ego statueram illuc non accedere, nisi cum consules ex senatus consulto porticum Catuli restituendam locassent. Kal. Octob. habetur senatus frequens. adhibentur omnes pontifices, qui erant senatores: a quibus Marcellinus, qui erat cupidissimus mei, sententiam primus rogatus, quæsiuit, quid essent in decernendo secuti. tum M. Lucullus de omnium collegarum sententia respondit, religionis iudices pontifices fuisse, legis senatum: se et collegas suos de religione statuuisse, in senatu ¹⁵de lege statuturos. quisque horum, loco sententiam rogatus, multa secundum causam nostram disputavit. cum ad Clodium ventum est, cupiit diem consumere; neque ei finis est factus: sed tamen,

13 *Nemo dubitabat.*] Sic recte pro *dubitāt* editum est in ed. Manutii majori sive secunda. nam in *dubitāt* est vitium puerile, ortum, ut sæpe, e compendio scripturæ, cum sequatur *esset adjudicata*.

14 *Nuntiat jam populo.*] Displicuit viris doctis *jam*, idque varie e conjectura et libris scr. correxere. Edd. pr. habent primo *nuntiant*: quod non spreverim; nam ad Clodium et Appium simul pertinere potest, quem et post cum Clodio conjungit. *jam* sane verum non videtur. an factum

est e *tum*? ut passim in libris scriptis animadversum est fieri solitum a librariis. Tunstallus, p. 88. *nuntiat in omni populo*. non bene.

15 *De lege statuturos.*] Tunstallus ibidem addit *cum senatoribus*, e libro, qui haberet *cum senatu*. Sed id frigide redundat. inest in *senatu*. post sic corrigit: *Itaque suo quisque horum loco r. s.* Itaque non displicet nimis, sed tamen suo com. modo, ut alibi in tali sensu, abest.

cum horas tris fere dixisset, odio et strepitu senatus coactus est aliquando perorare. cum fieret senatus consultum in sententiam Marcellini; omnibus præter unum assentientibus, Serranus intercessit. de intercessione statim ambo consules referre cœperunt. cum sententiæ gravissimæ dicerentur; senatui placere, mihi domum restitui, porticum Catuli locari, auctoritatem ordinis ab omnibus magistratibus defendi; si quæ vis esset facta, senatum existimaturum, ejus opera factum esse, qui senatus consulto intercessisset: Serranus pertimuit; et Cornicinus ad suam¹⁶ veterem fabulam rediit: abjecta toga, se¹⁷ ad generi pedes abjecit. ille noctem sibi postulavit: non concedebant.¹⁸ reminiscebantur enim Kal. Januar.¹⁹ vix tamen de mea voluntate concessum est. postridie senatus consultum factum est id, quod ad te misi. deinde consules porticum Catuli restituendam locarunt: illam porticum redemptores statim sunt demoliti libentissimis omnibus. nobis superficiem ædium consules de consilii sententia æstimarunt H-S vicies; cetera valde illiberaliter: Tusculanam villam quingentis millibus; Formianum H-S ducentis quinquaginta millibus. quæ æstimatio non modo vehementer ab optimo quoque, sed etiam a plebe reprehenditur. Dices, quid igitur causæ fuit? dicunt illi quidem, pudorem meum; quod neque negarim, neque vehementius postularim. sed non est id. nam hoc quidem etiam profuisset. verum iidem, mi T. Pomponi, iidem, inquam, illi, quos ne tu quidem ignoras, qui mihi pinnas incidcrant, nolunt easdem renasci. sed, ut spero, jam renascuntur. tu modo ad nos veni: quod vercor ne tardius interventu Varronis tui nostrique facias. Quoniam acta quæ sint, habes: de reliqua nostra cogitatione cognosce. Ego me a Pompeio legari ita sum passus, ut nulla re²¹ impedirer, quod ne, si vellem, mihi esset integrum, aut, si co-

16 *Veterem fabulam.*] Vide notam ad verba *reminiscebantur* K. J.

17 *Ad generi.*] Serrani. conf. ad Quir. p. R. 5. et Clav. in Oppius.

18 *Remin. Kal. Jan.*] Quibus eodem modo, velut voceri precibus commotus, cum spatium cogitandi petisset et impetrasset, tamen intercessionem non retraxit.

19 *Vix tamen sibi, &c.*] Sibi delevis, ut voluit Faernus. est enim contra latinitatem, deberetque esse *illi*. est repetitum

e proxime superioribus.

20 *Illam porticum.*] Quasi Clodium, quia ab eo quadam in ea aedificata erant.

21 *Impedirer, quod ne, &c.*] In *quid ne*, quod est a Bosio, valde variant libri edd. et scr. Rom. habet *quod nisi*, ut Mss. Grævii, Tormæ. idque secutus est Viet. ed. Jens. *quin nisi*. Manut. et Lamb. *quod minus*. sed e conjectura. Ego putem vel *quin si* e vestigiis ed. Jens. aut quo ne pro quo minus, unde factum sit *quod ne*.

- mitia censorum proximi consules haberent, ²² petere [posse],
 b. aut votivam legationem ²³sumsisse prope ²⁴omnium fanorum, lucorum. sic enim nostrae rationes postulabant. sed volui meam potestatem esse vel petendi, vel in eunte aetate ²⁵exeundi: et, interea me esse in oculis civium, de me optime meritorum, non alienum putavi. Ac forensium quidem rerum haec nostra consilia sunt: domesticarum autem valde impedita. Domus aedificatur. scis, quo sumtu, qua molestia reficiatur Fornianum; quod ego ²⁶nec relinquere possum, nec videre. Tusculanum proscripsi: suburbano non facile careo. amicorum benignitas exhausta est in ea re, quae nihil habuit praeter dedecus; (quod sensisti tu absens;) ²⁷quorum studiis ego, et copiis, si esset per meos defensores licitum, facile essem omnia consecutus. quo in genere nunc vehementer laboratur. Cetera, quae me sollicitant, *μυστικώτερα* sunt. amamur a fratre, et a filio. te exspectamus.

3

CICERO ATTICO S.

AVERE te certo scio, cum scire, quid hic agatur, tum mea a me scire; non quo certiora sint ea, quae in oculis omnium geruntur, si a me scribantur, quam cum ab aliis aut scribuntur tibi, aut nuntiantur; verum ut perspicias ex meis litteris, quo animo ea feram, quae geruntur: et qui sit hoc tempore aut mentis meae sensus, aut omnino vitae status. Armatis hominibus ante diem tertium Non. No-

²² *Petere posse.*] Ed. Rom. *p. posset*, Jens. *possem*, unde factum *posse*. Sed hoc verbum mihi a glossa natum videtur. nam id est in integrum esset. nusquam in hac formula additur.

²³ *Sumsisse.*] Hoc a Victorio esse dicit Gravius: sed is ex ed. Rom. *sumsit*, habetque et ed. Jens. ex eo Manutius fecit *sumere*, quod et Lamb. secutus est.

²⁴ *Omnium fanorum, lucorum.*] Ed. Rom. *locorum*, ut Jens. *o. fanorum et locorum sacrorum*. Unde Corradus corrigit *omnium locorum sacrorum*. quod placet. *Fanorum, lucorum* Bosius c Mss. duobus edidit. Sensus est: ut possem legationem liberam suscipere ad votum solvendum, quocumque loco sacro vellem. Sed quorsum additur *prope*? verocor, ne totum hoc sit a glossatore, legationem votivam explicare volentis. nam nusquam tale quid additur votivae aut liberae legationi.

²⁵ *Exeundi.*] Sc. per legationem votivam, quo vellem.

²⁶ *Nec relinquere possum, nec videre.*] Non relinquere, propter amorem istius villae, nec videre, propter dolorem e ruina.

²⁷ *Præsentes, quorum st.*] Sic libri omnes. Malasp. corr. *praesensque*, quod neo Grævio displicet. Sed obstat *quorum*. Si lectio sana est, intelligendum *sensere*, e *sensisti*. Recte judicatum est, locum esse vitiosum. Ego *praesentes* glossam esse puto. Locus sic est constituendus: *amicorum benignitas exhausta est - dedecus, (quod sensisti tu absens) quorum studiis ego, &c. nec dubitavi sic edere*. Sensus est: non possum amicorum copiis in restituendis villis uti; nam iis jam abunde usus sum in exsilio tolerando: nec eorum mihi jam benignitate tali opus esset, si ii, quorum opera revocatus sum, non impedissent, quo minus satis liberalis in meis jacturis sarcieudis, secutus esset. *copiis* accipio pro *opibus*: et fortasse sic legendum. nam de divitiis intelligere, res non sinit.

vemb. expulsi sunt fabri de area nostra, disturbata porticus Catuli, quæ ex senatus consulto consulum locatione reficiebatur, et ad tectum pænc pervenerat. Quinti fratris domus primo fracta conjectu lapidum ex area nostra, deinde inflammata jussu Clodii, inspectante urbe, conjectis ignibus, magna querela et gemitu, non dicam bonorum, ²⁸ qui, nescio, an nulli sint, sed plane hominum omnium. ²⁹ ille vehemens ruere: post hunc furorem nihil nisi cædem inimicorum cogitare; vicitim ambire; servis aperte spem libertatis ostendere. etenim antea, cum iudicium nolebat, habebat ille quidem ³⁰ difficilem manifestamque causam, sed tamen causam: ³¹ poterat infitiri; poterat in alios derivare; poterat etiam aliquid jure factum defendere. post has ruinas, incendia, rapinas, desertus a suis, vix jam Decimum designatorem, vix Gellium retinet: servorum consiliis utitur: videt, si omnes, quos vult, palam occiderit, ³² nihilo suam causam difficiliorem, quam adhuc sit, in iudicio futuram. itaque ante diem tertium Idus Novemb. cum Sacra via descenderem, insecutus est me cum suis. clamor, lapides, fustes, gladii, hæc improvisa omnia. discessimus in vestibulum Tettii Damionis. qui erant mecum, facile operas aditu prohibuerunt. ipse occidi potuit. sed ego diæta curari incipio: chirurgiæ tædet. ille omnium vocibus cum se non ad iudicium, sed ³³ ad supplicium præsens trudi videret,

²⁸ Qui nescio an ulli sint.] Sic omnes edd. nec quisquam hic hæsit. Correxì nulli. Littera prima absorpta est in libris a finali in an, ut aliis locis, vel insecutia latinitatis veræ. Vult dicere Cicero: versor, ne nalli, vel ut ulli sint: id est manifestum, sed hoc in illa formula est, nescio an nulli sint, quod modeste affirmat. v. Clav. in haud. Res hodie est liquida, ut de hac mea correctione dubitari non possit.

²⁹ Ille vehemens ruere.] Ruere restitutum esse dicunt e libris scr. pro furere: sed id jam erat in edd. pr. Rom. Jens. Asc. furere est ab Aldo, per conjecturam e furorem. pro vehemens libri scr. quidam vehementer, quod placebat Junio et Grævio. mihi non. Cicero ruere simpliciter ponit. v. Clav. atque omnino mihi et vehemens de glossa suspectum est.

³⁰ Difficilem manifestamque causam.] Quæ ita manifeste falsa esset, ut vix defendi posset: sermo est de iudicio de vi, cuius reum fecerat Milo.

³¹ Id poterat infitiri: poterat.] Id

friget, semperque putavi delendum. dele- vique, cum et ab edd. Jens. Asc. abesse reperi. Aldus e Romana sumsit, unde in omnes alias venit.

³² Nihilo - - difficiliorem.] Nam jam ita difficilis erat, ut difficilior fieri non posset. effluaciter ad exprimendam magnitudinem difficultatis.

³³ Ad suppl. præsens trudi videret.] Hæc lectio est ex ed. Jens. in qua, nescio quare, ita hæserint viri docti, eamque corruptam judicarint, cum nil melius e libris protulerint. Victorius e libro, nescio quo, commemoravit pro eo videri, nihil ipse iudicans de correctione, vitiosum tamen id existimans. Inde fieri volebat Corradus vocari: nempe, quia hoc est usitatum in ea re verbum. Grævius inde faciebat vadari. Sed id semper simpliciter dicitur, et est minus, quam pro re præsentì. Nemo hic inaspexit ed. Rom., quæ habet urgeri. quæ et ipsa bona lectio est. Sed tamen trudi præfero; nec id est profecto ex ingenio librarii: sed urgeri potest ejus

omnes Catilinas, Acidinos postea reddidit. nam Milonis domum, ³⁴eam, quæ in Germalo, pridie Idus Novemb. expugnare et incendere ita conatus est, ut palam hora v cum scutis homines, eductis gladiis, alios cum accensis facibus adduxerit. ipse domum P. Sullæ pro castris sibi ad eam impugnationem sumserat. tum ex Anniana Milonis domo Q. Flaccus eduxit viros acres; occidit homines ex omni latrocinio Clodiano notissimos: ipsum cupivit; ³⁵sed ille
 b. in interiora ædium: Sulla in senatu postridie Idus: domi Clodius. egregius Marcellinus, omnes acres. Metellus calumnia dicendi tempus exemit, adjuvante Oppio, etiam hercule ³⁶familiari tuo; de cujus constantia, virtute ³⁷tuae verissimæ litteræ. Sextius furere. ille postea, si comitia sua non fierent, urbi minari. proposita Marcellini sententia, quam ille de scripto ita dixerat, ut totam nostram causam aræ, incendiorum, periculi mei, iudicio complecteretur, eaque omnia comitiis anteferebat: prostripsit, se per omnes dies comitiales de cælo servaturum. conciones turbulentæ Metelli, temerariæ Appii, furiosissimæ Publii. hæc tamen summa: nisi Milo in campum obnuntiasset, comitia futura. ante diem XII Kal. Decemb. Milo media nocte cum magna manu in campum venit. Clodius, cum haberet fugitivorum delectas copias, in campum ire non est ausus. Milo permansit ad meridiem mirifica hominum lætitia, summa cum gloria. contentio ³⁸fratrum trium turpis, fracta

verbi glossa esse. Verbum *vocari* erat lenius quam pro re: quid poterat melius pro eo dici, quam *trudi*? Sic *ad mortem trudi* dixit Cicero de Socrate, cum poculum mortiferum bibendum esset, Tusc. I, 30. extr.

34 *Eam, quæ in Germalo.*] Addidi in ex ed. Rom. *Germalo* est e verissima correctione Tarnæbi, nam is mons in urbe, ubi Milo domum habebat, in qua non habitabat, sed in altera, quæ mox *Anniana* est.

35 *Sed illicet interiorem - - Clodius.*] Hic locus varie et corrupte exhibetur in libris scr. et edd. Varietatem præcipuam, nec accurate commemoratam ante affremina, et locum nostro modo constituemus. Tenendum autem, Ciceronem hic abrupte locutum, ut celeritatem fugientis Clodii exprimeret. Ex hac ratione bene se habet alterum et tertium membrum: nisi quod se in sen. vitiosum est, abestque se ed. Jens. Respondent sibi, *Sullu in senatu*,

Clodius domi, accurate. In primo membro est varietas illa. Ed. Rom. habet: *sed ille se in interiorem partem ædium recepit*, quod sensu bene habet, sed languet comparatum sequentibus. deterius etiam ed. Jens. *sed ille ex interiore abditu ædium pro-siliit*. eadem alteri membro addit *non venit*: quod manifeste est a glossa. Hæc deinde varie vel per conjecturas, vel per libros alios mutata sunt. Jac. Gronovius e conjectura non inelegante edidit *sed illicet interiorem*: Grævius, *ille se in interiorem ædium*: mitto Tunstallum, p. 39. qui andacius corrigit. Ego, quia libri quidam habent *interiora et interiore*, sine *ædium*, edidi: *sed ille in interiora*.

36 *Familiari tuo.*] Videtur esse Hortensius.

37 *Verissima litteræ.*] Grævius bene addit *tuae*, ut et placobat Malaspina.

38 *Fratrum trium.*] Metelli, Appii, Clodii, quos ante nominavit.

vis, contemptus furor. Metellus tamen postulat, ut sibi postero die in foro obnuntietur: nihil esse, quod in campum nocte veniretur: se hora prima in Comitio fore. itaque ante diem XI Kal. in Comitium Milo de nocte venit. Metellus cum prima luce furtim in campum itineribus prope deviis currebat: assequitur ³⁹inter lucos hominem Milo; obnuntiat. ille se recepit, magno et turpi Q. Flacci convicio. ante diem X Kal. nundinae. concio biduo nulla. ante diem VIII Kal. haec ego scribebam, hora noctis nona. Milo campum jam tenebat. Marcellus candidatus ita stertebat, ut ego vicinus audirem. Clodii vestibulum vacuum sane mihi nuntiabatur. ⁴⁰pauci pannosis linca laterna. meo consilio omnia illi fieri querebantur, ignari quantum in illo heroe esset animi, quantum etiam consilii. miranda virtus est. ⁴¹nova quaedam divina mitto. sed haec summa est. comitia fore non arbitror. reum Publium, nisi ante occisus erit, fore a Milone puto. ⁴²si se inter viam obtulerit, occisum iri ab ipso Milone video. non dubitat facere; praese fert; casum illum nostrum non extimescit. numquam enim cujusquam invidi et perfidi consilio est usus: nec inerti nobili crediturus. Nos animo duntaxat vigemus, etiam magis, quam cum florebamur: re familiari comminuti sumus. Quinti fratris tamen liberalitati, pro facultatibus nostris, ⁴³ne omnino exhaustus esset, illo recusante, subsidiis amicorum respondemus. quid consilii de omni nostro statu capiamus, te absente nescimus. quare appropere.

p. 57.
a.

CICERO ATTICO S.

4

PERJUCUNDUS mihi Cincius fuit ante diem tertium Kalend. Febr. ante lucem. dixit enim mihi, te esse in Ita-

39 *Inter lucos.*] Locus in Capitolii descensu, ubi asylum fuit. v. Liv. I, 8. ubi v. Intt. et qui ab iis commemorantur.

40 *Paucis pannosis linca laterna.*] Haec est lectio Bosii. Magna varietas est in scr. et edd. in libris pluribus sunt nominativi, nempe hominis infimae modo conditionis et pauperes ibi erant.

41 *Nova quaedam divina mitto.*] Hoc quid sit, nemo dixit: et quae latinitas nova divina? Saspiciatus sum *divinare*: quod bene consentit sequentibus, quae sunt omnia de futuris.

42 *Si se inter viam obtulerit.*] Hoc e corruptis librorum lectionibus factum a

P. Manutio. Cur autem non servatum, quod est in ed. Jensoni et quibusdam sequentibus: si se ituro Lanuvium in via obtulerit? quod tamen certum sensum habet. in quo tamen in *via* e glossa esse videtur: nisi illud, ituro Lanuvium, ex eventu additum a glossatore. Sed nil certi est. Tunstallus, p. 52. si se in turba obtulerit.

43 *Ne omnino exh. esset - - respondemus.*] Temporum ratio postulat sit. pro illo videtur legendum *ipso*. Gronovius respondemus accipiebat pro solvimus. nam debitores eleganter dicuntur respondere, cum solvant, quod debent. probante Gravio. male. v. Clav.

lia, seseque ad te pueros mittere: quos sine meis litteris ire nolui: non quo haberem, quod tibi, præsertim jam prope præsentī, scriberem; sed ut hoc ipsum significarem, mihi tuum adventum suavissimum expectatissimumque esse. quare advola ad nos, eo animo, ut nos ames, te amari scias. cetera coram agemus. hæc properantes scripsimus. Quo die venies, utique cum tuis apud me sis. perbelle feceris, si ad nos veneris. ⁴⁴offendes designationem
 b. Tyrannionis mirificam librorum meorum: quorum reliquæ multo meliores sunt, quam putaram. ⁴⁵etiam velim mihi mittas de tuis librariolis duos aliquos, quibus Tyrannio utatur glutinatoribus, ad cetera administris: iisque impères, ut sumant membranulam; ex qua indices fiant, quos vos Græci, ut opinor, ⁴⁶συλλάβους appellatis. Sed hæc, si tibi erit commodum. ipse vero utique fac venias, si potes in his locis adhærescere, et Piliam adducere. ita enim et æquum est, et cupit Tullia. ⁴⁷Mediusfidius ne tu emisti locum præclarum. gladiatores audio pugnare mirifice. si locare voluisses, duobus his muneribus liberasses. Sed hæc posterius. tu fac venias: et de librariis, si me amas, diligenter.

44 O. designatione T. m. l. m. bibliothecam.] Hæc est lectio ed. Rom. nisi quod ea habet designationem. lectiones aliæ corrupta ed. Jens. natæ sunt. atque ea facilis est. sed mihi tamen suspectum semper fuit bibliothecam, quod vidi et Lambinum sensisse. nam videtur potius, si ab Cicerone est hoc verbum, dicturus fuisse *cujus reliquia*, et designatio librorum est ipsa bibliotheca. denique venustas loci minuitur, quæ est in eo, quod designationem facit Tyrannionem, qui libris, ut hominibus in pompa, nuptiis, &c. lucum cuique suum adsignat. denique edd. pr. Rom. Jens. consentiunt in designationem, quod non fert bibliothecam. et quis dicat *bibliotheca librorum*? Itaque scribam: *offendes designationem Tyrannionis mirificam librorum meorum*: denique edidi cum Grævio *noxi, quam putaram, propularus*. sic edd. pr.

45 Etiam velim mihi mittas.] Sic mea sponte correxeram ex lege latinitatis vulgatum *vellem*, cum ita reperi in edd. pr. Rom. Jens. Ald. &c.

46 Συλλάβους app.] V. Clav. in Græcis. ubi ducui συλλάβους scribendum.

47 Mediusfidius ne tu emisti locum præ-

clarum.] Sic volebat Malaspina: et sic habet ed. Rom. *ne* est ex ed. Jens. in qua *mediusfidius* ad antecedentia refertur. exempla similia sunt apud comicos, ut docuit ille: *ædepol ne tu*, vel *nos*. Difficultatem habet locus, qui cmtus esse dicitur ab Attico: item reliqua. J. Fr. Gronovius accipiebat de loco in spectaculis, de Sest. II, 7. sed loca in spectaculis non emebantur. nec reliqua consentiunt, ut vidit Grævius: qui locum putat intelligi, ubi gladiatores exercebantur, quos alius, edentibus munera, locaret, ut æs alienum ex ea emptione contractum dissolveret. ita et P. Manutius. Sed durum est, talem palæstram simpliciter *locum* dici. nam quod infra dicit, sc. Dionysio præcepturi Ciceronem *edificasse locum*, id non satis simile est, quia ibi ad hominem refertur, qui ibi habitet, doceat. nec credibile est, Atticum aliena pecunia emisse, qui tam dives esset. melius Popina, qui *locum* de ludo glud. capit, et *liberasses* explicat, ut manumittere gladiatores posses, recepta pecunia tua, etiam cum fornore. *Locum* ergo capiemus de ludo cum gladiatoribus in eo ludo: nisi legamus *ludum*.

CICERO ATTICO S.

5

AIN tu? an me existimas ab ullo malle mea legi pro-
barique, quam a te? cur igitur cuiquam misi prius? urge-
bar ⁴⁸ ab eo, ad quem misi, et non habebam exemplar.
quid? etiam (dudum enim circumrodo, quod devorandum
est) subturpicula mihi videbatur esse ⁴⁹ παλινφδία. sed va-
leant recta, vera, honesta consilia. non est credibile, quæ
sit perfidia in istis principibus, ut volunt esse, et ut essent,
si quicquam haberent fidei. senseram, noram, inductus, re-
lictus, projectus ab iis; tamen hoc erat in animo, ut cum
iis in republica consentirem. iidem erant, qui fuerant. vix
aliquando, te auctore, respiciui. Dices, ea te monuisse,
suasisse, quæ facerem; non etiam ut scriberem. ego me-
hercule mihi necessitatem volui imponere hujus novæ con-
junctionis; ne qua mihi liceret labi ad illos, ⁵⁰ qui etiam
tum, cum misereri mei debent, non desinunt invidere. sed
tamen modici fuimus ὑποδέσσει, ut scripsi. erimus uberiores, p. 58.
si et ille libenter accipiet, et hi subringentur, qui villam a.
me moleste ferunt habere, quæ Catuli fuerat, ⁵¹ a Vettio
emisse non cogitant; qui domum negant oportuisse me
ædificare, ⁵² vendere ajunt oportuisse. sed quid ad hoc? si,
quibus sententiis dixi, quod et ipsi probarent, lætati sunt
tamen, me contra Pompeii voluntatem dixisse? ⁵³ finis:
sed quoniam, qui nihil possunt, ii me nolunt amare; de-
mus operam, ut ab iis, qui possunt, diligamur. Dices:
vellem jampridem. scio te voluisse, ⁵⁴ et me asinum germanum
fuisse. sed jam tempus est me ipsum a me amari,

48 Ab eo, ad q. m.] Cæsar intelligendus
aut Pompeius, de cujus laudibus in eo li-
bro, de quo sermo est, h. e. de consulatu
suo.

49 Παλινφδία.] Retractatio laudum, quas
tribuerat Cæsari, Pompeio, &c. quos prin-
cipes mox vocat.

50 Qui etiam tum, cum m. m. debent.]
Sermo est de tempore præsentis. itaque
etiam tum est pro etiam nunc. nisi legen-
dum etiamdum vel etiamnum. Tacit. A.
III, 61. tamen tum etiam habet pro etiam-
num.

51 A Vettio me emisse.] Ab homine longe
me inferiori: qui si villam Catuli habere
potuit, cur non et ego, etsi homo novus,
tamen consularis? Ceterum a Vectio est
e Ms. Faerni: edd. pr. non habent, quæ
nec habent me. itaque hoc quidem delevi.

52 Vendere ajunt oportuisse.] Sc. vel
modestæ causa, ne depressus exsilio mag-
nifice habitarem, vel ne sumtus ædifica-
tionis fierent, quibus ego non sufficerem.
Post forte legendum, ut alibi est, sed id
q. u. h.

53 Finis: sed quoniam.] Sic ed. Jous.
Sed omnes proximæ, etiam quæ e Jenson-
iana ductæ sunt, omiserunt finis. quod et
ed. Rom. abest. e Mss. reposuere Bosius
et alii: Grævius conjiciebat. Finis sit,
quoniam. vulgatum hodie melius puto. Tu-
stallus, p. III. corrigit sinis. putat Atticum
fiagi dicere, se sinere et facile pati istam
optimatum improbitatem.

54 Et me asinum germanum fuisse.]
Plane stupidum, qui non te audierim. Sed
lectio est e conjectura e vitiosis librorum
scripturæ vestigiis.

quando ab illis nullo modo possum. Domum meam quod crebro invisis, est mihi valde gratum. ⁵⁵ Viaticum Crassipes præripit. Tu de via recta in hortos. videtur commodius ad te. postridie scilicet: quid enim tua? sed viderimus. Bibliothecam mihi tui pinxerunt constructione ⁵⁶ et sittybis. eos velim laudes.

6

CICERO ATTICO S.

DE Lentulo scilicet sic fero, ut debeo. virum bonum, et magnum hominem, et in summa magnitudine animi multa humanitate temperatum perdidimus; nosque malo solatio, sed nonnullo tamen, consolamur, quod ipsius vicem minime dolemus, non ⁵⁷ ut Saufeius et vestri; immo hercule quia sic amabat patriam, ut mihi aliquo deorum beneficio videatur ex ejus incendio esse ereptus. nam quid foedius nostra vita? præcipue mea? nam tu quidem, etsi es natura πολιτικός, tamen ⁵⁸ nullam habes propriam servitutem: ⁵⁹ communi frueris nomine. ego vero, qui, si loquor de republica, quod oportet, insanus; si, quod opus est, servus existimor; si taceo, oppressus et captus; quo dolore esse debeo? quo sum scilicet, hoc etiam acriore, quod ne dolere quidem possum, ut non ingratus videar. quid, si cessare libeat, et in otii portum confugere? nequicquam. immo etiam in bellum et in castra. ergo erimus ὁπαδοί, qui ταγοί esse noluimus? sic faciendum est. tibi enim ipsi, cui utinam semper paruissem! sic video placere. ⁶⁰ reliquum est, Σπάρταν ἐλαχε, ταύταν κόσμει non mehercule possum; et Philoxeno ignosco, qui reduci in carcerem maluit. verumtamen id ipsum mecum in his locis commentor, ⁶¹ ut ista improbem; idque tu, cum una erimus, confirmabis. A

55 *Viaticum Crassipes præripit.*] Crassipes novus gener Ciceronis: ei quia dos danda erat, Ciceroni sumtus itineris circa villas faciendi deerat.

56 *Et sittybis.*] Hoc est et conjectura e vitiosis lectionibus librorum. idem verbum hio debet esse, quod supra, ep. 4. ubi vid. 57 *Ut Saufeius et vestri.*] Epieurei, quorum sectam Atticus sequebatur, qui nihil dolent, nisi sua mala.

58 *Nullam propriam servitutem.*] Quia sc. remp. non administrarat, sed semper privatus vixerat.

59 *Communi frueris nomine.*] Sc. servitutis: servitutem omnibus communem

modo sentis, quæ est levior propria servitute, qualis mea est.

60 *Reliquum est.*] Sic conjiciebat Malaspina. immo sic ed. Rom. quam nemo hio inspexit. alii libri scr. et edd. *reliqua, reliquia, reliqui*, quod Victorius edidit, male defendit Grævius exemplis, in quibus *reliqui* est cum *quid, aliquid, nihil*: quæ sunt omnia aliena.

61 *Ut ista improbem.*] Quomodo ita improbem, ut ne nimis offendam. Malaspina corrigit et duobus Mss. *prohem*, sc. salva dignitate, sive ut amici suadent; quod cum Grævio probo.

te litteras crebro ad me scribi video; sed omnes uno tempore accepi. quæ res etiam auxit dolorem meum. casu enim trinas ante legeram, quibus, meliuscule Lentulo esse, scriptum erat. ecce quartæ fulmen. ⁶²sed ille, ut scripsi, non miser; nos vero ferrei. Quod me admones, ⁶³ut scribam illa Hortensiana: in alia incidi, non immemor istius mandati tui. sed mehercule incipiendo refugi; ⁶⁴ne, qui videar stulte illius amici intemperiem non tulisse, rursus stulte injuriam illius faciam illustrem, si quid scripsero; et simul, ne βαδύρης mea, quæ in agendo apparuit, ⁶⁵in scribendo sit oculatio, et aliquid satisfactio levitatis habere videatur. Sed viderimus. tu modo quam sæpissime ad me aliquid. Epistolam, Luccio nunc quam misi, qua, meas res ut scribat, rogo, fac ut ab eo sumas: valde bella est: eumque, ut appropere, adhorteris: et, quod mihi se ita facturum rescripsit, agas gratias. Domum nostram, quoad poteris, invisas. ⁶⁶Vestorio aliquid significes. valde enim est in me liberalis.

p. 59.
a.

CICERO ATTICO S.

7

NIHIL εὐκαιρότερον epistola tua, quæ me sollicitum de Quinto nostro, puero optimo, valde levavit. Venerat horis duabus ante Chærrippus; ⁶⁷mera monstra nuntiarat. De Apollonio quod scribis, qui illi dii irati, homini Græco, ⁶⁸qui conturbare quidem putat sibi licere; quod equitibus Romanis. nam Terentius suo jure. ⁶⁹De Metello,

62 Sed i. u. s. non miser, nos vero ferrei.] Victorius corrigebat, nos vero servi, quod et Manutius recepit. id bene consentit cum superioribus: ad quæ Ciceronem respexisse patet e verbis, ut scripsi. nec ferrei commode τῶ miser oppositur.

63 Ut scribam illa Hortensiana.] Ad librum Hortensii nomine inscriptum de philosophia referunt. Sed is non commode sic dicatur, ut opinor.

64 Ne, quod videor stulte -- tulisse, rursus stulte, &c.] Quod videor verum esse non potest. Correxì qui videar: ita latinitas postulat. videar habet ed. Jens. eademque ne quidem. qui conjecere etiam Nizolius et Lambinus. post faciam delendum putat Grævius, quod et Ms. Helmst. abest. placet.

65 In scribendo sit oculatio.] Sic pro oculatio e Ms. edidit Bosius: bene. v. Clav.

66 Vestoria aliquid significs.] Sc. fac

intelligat aliquo modo, cum mihi et tibi gratum facere, cum sit in me tam liberalis.

67 Mera monstra nuntiarat.] Magnum periculum Quiuti ægrotantis.

68 Qui conturbare, &c.] Conturbare pertinet ad rem pecuniariam, sed varie dici potest de peccatis in ea: genus peccati et fraudis intelligi e contextu debet. Manutius de ordine solutionis perturbato accipit, cum posterioribus debitoribus prius solvit, quam prioribus: quod ex or. pro Plancio firmatur, c. 28. id scilicet publicanis licere, non aliis. Si acceperimus pro decoquere, totus locus orit ironicus in Torrentium equitem R. qui decoxerat. idque mihi prope magis placet.

69 De Metello.] Estis, quem supra, ep. 3. cum Clodio et Appio conjunxerat. nam improbum hominem fuisse et Ciceroni inimicum, illa ἀπορίσθητε, qui quidem, et acquentia docent. Nempe et is conturbat.

οὐχ ὁσὶν φθιμένοισιν. sed tamen multis annis civis nemo erat mortuus, qui quidem. ⁷⁰tibi numi meo periculo sint. quid enim vereris, ⁷¹quemcumque heredem fecerit. nisi Publium fecit. ⁷²verum fecit non improbe; quamquam fuit ipse. quare in hoc thecam numariam non retexcris. in aliis eris cautior. Mea mandata de domo curabis: præsidia locabis: Milonem admonebis. Arpinatium fremitus est incredibilis de Laterio. quid quæris? equidem dolui. ὁ δὲ οὐκ ἐμπαζέτο μύθων. Quod superest, etiam puerum Ciceronem curabis et amabis, ut facis.

8

CICERO ATTICO S.

MULTA me in epistola tua delectarunt, sed nihil magis, quam patina tyrotarichi. nam de raudusculo quod scribis, μήπω μέγαν εἶπης, πρὶν τελευτήσαντ' ἴδης. ædificati tibi in agris nihil reperio. ⁷³in oppido est quiddam, de quo est dubium, sitne venale, ac proximum quidem nostris ædibus. hoc scito, ⁷⁴Antium esse Romæ, ut Corcyræ Buthrotum illud tuum. nihil quietius, nihil alsius, nihil amœnius. εἴη μισητὸς φίλος οἶκος. postea vero quam Tyrannio mihi libros b. disposuit, mens addita videtur meis ædibus: qua quidem in re mirifica opera Dionysii, et Menophili tui fuit. nihil venustius, quam ⁷⁵illa tua pegmata, postquam mi sittybis libros illustrarunt. valde est. Scribas ad me velim de gladiatoribus, sed ita, bene si rem gerunt: non quæro, male si se gessere. Apenas vix discesserat, cum epistola: ⁷⁶quid ais? putasne fore, ut legem non ferat? dic, oro te, clarius: vix enim mihi exaudisse videor. verum statim fac ut sciam, si modo tibi est commodum. Ludis quidem,

⁷⁰ Tibi numi meo periculo sint.] Dicitur et hoc ironice. solutionem a me peto, si ex hereditate non accipies: scil. Cicero solvere non potuisset, qui tua pecuniæ inopia laborabat, ut sæpe ipse dicit. et sequentia omnia sunt talia. ironia intelligitur e clausula: in aliis eris cautior.

⁷¹ Quemcumque heredem fecit.] Hic legendum fecerit.

⁷² Verum fecit non improbe.] Si Clodium fecit, quia ejus sororum in matrimonio habet. in fuit ipse iotel. improbos, ex improbe, quod per εὐφρασίαν, ut ante, omisit.

⁷³ In oppido.] Antium intelligi, e sequentibus patet.

⁷⁴ Antium Buthrotum esse - - tuum.] Omnes explanationes hujus loci sunt con-

tortæ. Puto Buthrotum esse alieno loco, et verba sic esse ordinanda: Antium esse Romæ, ut Corcyræ Buthrotum illud tuum. nec dubitavi sic edere. Ita sensus facilis: ita Antium comparatur Romæ, ut B. quod tibi tam jocundum est, Corcyræ.

⁷⁵ Illa tua pegmata, postquam - - valde est.] Hæc fere sunt e correctionibus virorum doctorum. pegmata bene pro poemata. reliqua mihi sittybis l. i. e superioribus, ep. 5. extr. ubi v. Sensus est: postquam libris meis titulos addidit, plutei, ad modum strocti tuorum, admodum pulchri facti sunt. reliquum non intelligo.

⁷⁶ Quid ais? putasne fore, &c.] Historiam, quam hic locus respicit, ignoramus: nec explicare possumus.

quoniam dies est additus, eo etiam melius hic eum diem cum Dionysio conteremus. De Trebonio prorsus tibi assentior. ⁷⁷ De Domitio,

Σύκιρ μὰ τὴν Δήμητρα σύκον οὐδὲ ἐν

Οὕτω ὅμοιον γέγονεν,

quam est, ista *περίστασις* nostræ: ⁷⁸ vel quod ab iisdem, vel quod præter opinionem, vel quod viri boni nusquam. unum dissimile, quod huic merito. nam de ipso casu nescio, ⁷⁹ an illud melius. quid enim hoc miserius, quam cum, qui ⁸⁰ tot annos, quot habet, designatus consul fuerit, fieri consulem non posse? ⁸¹ præsertim cum aut solus, aut certe non plus, quam cum altero petat. si vero id est, quod nescio an sit, ⁸² ut non minus longas jam in codicillorum fastis futurorum consulum paginulas habeat, quam factorum; quid illo miserius, nisi respublica? in qua ne speratur quidem melius quidquam. ⁸³ De Natta ex tuis primum scivi litteris: oderam hominem. De poemate quod quæris; quid ⁸⁴ si cupiat effugere? quid? sinas? ⁸⁵ De Fabio Luseo quod eram exsorsus; homo peramans semper nostri fuit, nec mi unquam odio. satis enim acutus et permodestus, ac bonæ frugi. eum, quia non videbam, abesse putabam. audiui ex Gavio hoc Firmano, Romæ esse hominem, et fuisse assiduum. percussit animum. dices, tantulanc causa? permulta ad me detulerat non dubia de Firmanis fratribus. ⁸⁶ quid sit, quod se a me remorit, si modo removet, ignoro. p. 60.
De eo, quod me mones, ut et *πολιτικῶς* me geram, et τὴν a.
ἔσω γραμμὴν teneam; ita faciam. sed opus est majore pru-

⁷⁷ De Domitio.] L. Ænobarbo, consulatus candidato, ut e seqq. patet.

⁷⁸ Vel quod ab iisdem.] Ei invidetur, vel impeditur.

⁷⁹ An illud melius.] Quod mihi accidit per invidiam aliorum, etsi in alio genere sc.

⁸⁰ Tot annos, quot habet.] Per omnem vitam. facite. nobiles homines per ipsam nobilitatem videbantur designati anno suo, quod ii solerent fere semper anno suo designari; quod scelus erat in hominibus novis.

⁸¹ Præsertim cum aut solus, aut certe non plus, quam cum altero petat.] In his quoque ironia aut jocus est, etsi obscurior, ut opinor, in patetiores, quales Pompeius, Cæsar, Crassus, qui ita in potestate haberent honores, ut imperare potius, quam

petere viderentur.

⁸² Ut non minus -- quam factorum.] Nova ironia. Sensus est: si jam de summa aut alio modo scit, consulatum jam in multos annos privatim a potentioribus illis esse assignatos, quibus velint, ut ei spes consulatus in permultos annos adempta sit. Fasti codicillorum sunt fasti privati.

⁸³ De Natta.] V. Clavis.

⁸⁴ Si cupiat effugere.] Nempe, e tenebris domesticis, in quibus latet, premente domino, in lucem, ut ab omnibus legi possit, poema videtur intelligi, quod de temporibus suis scripsit.

⁸⁵ De F. L. quod eram exsorsus.] Nempe paullo ante, cum de Natta scripsi.

⁸⁶ Quid sit, quod se a me remorit.] Scribendum remorit.

dentia; quam a te, ut soleo, petam. Tu velim e Fabio, si quem habes aditum, odorere; et istum convivam tuum degustes; et ad me de his rebus, et de omnibus quotidie scribas. ubi nihil erit, quod scribas; id ipsum scribito. Cura, ut valeas.

9

CICERO ATTICO S.

SANE velim scire; ⁸⁷num censum impediunt tribuni diebus vitandis, (est enim hic rumor,) totaque de censura, quid agant, quid cogitent. Nos hic cum Pompeio fuimus. multa mecum de republica, sane sibi displicens, ut loquebatur, (sic est enim in hoc homine dicendum,) Syriam spernens, Hispaniam jactans: hic quoque, ut loquebatur; et opinor, usquequaque de hoc cum dicemus, sit hoc quasi, καὶ τὸδε Φωκυλίδου tibi etiam gratias agebat, quod ⁸⁸signa componenda suscepisses: in nos vero suavissime hercule effusus. venit etiam ad me in Cumanum a se. nihil minus velle mihi visus est, quam Messalam consulatum petere: de quo ipso si quid scis, velim scire. Quod Luccio scribis te nostram gloriam commendaturum, et ædificium nostrum quod crebro invis; ⁸⁹gratum. Quintus frater ad me scripsit, se, quoniam Ciceronem suavissimum secum haberet, ad te Nonis Mai. venturum. Ego me de Cumano movi ante diem v Kal. Maias. eo die Neapoli ⁹⁰apud L. Pætum, ante diem iv Kal. Maias, iens in Pompeianum, bene mane hæc scripsi.

87 Num censum impediunt, &c.] Recepti cum aliis correctionem veteris lectionis impendant. Sed res habet difficultatem. nam censores tum nulli fuere, et demum a. V. C. 703. C. Marcello et L. Paulo consulibus post longum intervalum creati sunt. Itaque videtur hoc pertinere ad comitia creandis censoribus impedienda: quod diebus vitandis fit. deinde addit de censura ipsa universa, an eam se. tollere lege in animo habeant, aut mutare, limitibus novis circumscribendis, quale quid fecerat lege quadam Clodius. sed tamen ep. 11. censores memorantur. an hæc aut illa epistola demum scripta est, cum censores essent? cf. ep. 17. Pro diebus vitandis, quod est e correctione Victorii, et Manutii in ed. 1540.

qui tamen post maluit injiciendis, i. e. intercalandis, quod in Ms. repererat initium, ut alii post in aliis. at initandis habent omnes edd. pr. placet correctio Grævii.

88 Signa componenda.] Statuas in theatro ejus ordinandas apte ad pulchritudinem adspetus.

89 Gratum.] Alii memini semper Ciceronem in hoc consequente dicere est gratum. quid, si est absorptum esse patemus per finem antecedentis verbi?

90 Apud Latum.] Sine dubio legendum L. Patum. Sæpe in libris reperi similia vitia. alii simpliciter Patum. nec dubitavi sic edere. Is Neapoli habebat domum, et omnino illam regionem amabat.

CICERO ATTICO S.

10

PUTEOLIS magnus est rumor, Ptolemæum esse in regno. Si quid habes certius, velim scire. Ego hic pascor bibliotheca Fausti. fortasse tu putabas, his rebus Puteolanis et Lucrinensibus. ne ista quidem desunt. sed mehercule a ceteris oblectationibus ⁹¹ut deseror et voluptatibus propter rempublicam; sic litteris sustentor et recreor: maloque in illa tua sedecula, quam habes sub imagine Aristotelis, sedere, quam in istorum sella curuli; tecumque apud te ambulare, quam cum eo, ⁹²quocum video esse ambulandum. Sed de illa ambulatione fors viderit, aut si qui est, qui curet deus. Nostram ambulationem, et Laconicum, eaque, quæ Cyrea sint, velim, quod poteris, invisas; et ⁹³urgeas Philotimum, [ut properet]; ut possim tibi aliquid in eo genere respondere. Pompeius in Cumanum Parilibus venit: misit ad me statim, qui salutem nuntiaret. ad eum postridie mane vadebam, cum hæc scripsi.

CICERO ATTICO S.

11

DELECTARUNT me epistolæ tuæ: quas accepi uno tempore duas ante diem 11 Kal. perge reliqua. gestio scire ista omnia. etiam illud cujusmodi sit, velim perspicias: potes a Demetrio. ⁹⁴dixit mihi Pompeius, Crassum a se in Albano exspectari ante diem 14 Kal. is cum venisset, Romam esse statim venturos, ut rationes cum publicanis putarent. quæsiui, gladiatoribusne? respondit, antequam inducerentur. id cujusmodi sit, aut nunc, si scias, aut cum is Romam venerit, ad me mittas velim. Nos hic voramus litteras cum homine mirifico (ita mehercule sentio) Dionysio, qui te omnesque vos salutat. οὐδὲν γλυκύτερον ἢ πάντ' εἰδέναι. quare, ut homini curioso, ita perscribe ad me, quid primus dies, quid secundus, quid censores, quid Appius, ^{p. 61.}

91 *Ut deseror.*] Hic ut inserui, ubi ab ultima præcedentis verbi absorberi facile potuit, quod omnes fere agnoscunt excidisse, ob sequens sic.

92 *Quocum v. esse ambulandum.*] Nempe cum Pompeio, si Romæ sim, sed alio modo quam cum amico in villa, i. e. assecutando, obsequendo, &c. aut etiam in legatione.

93 *Urgeas Phil. ut properet, ut possim,*

&c.] *Ut properet* mihi valde de glossa suspectum est: nam est in *urgeas*, quod in tali re semper absolute ponitur, et illa ut *pr. ut poss.* in tanta vicinia aures Ciceronis nullo modo tulissent. nec dabitavi uncis includere.

94 *Dixit mihi Pompeius.*] Addidi mihi, ut volebat Malaspina, qui in Mss. duobus repperat. est et in ed. Rom. Jens. Asc. Ald. respondet ei *quæsiui*.

⁹⁵ quid illa populi Apuleia. denique, etiam quid a te fiat, ad me velim scribas. non enim (ut vere loquamur) tam rebus novis, quam tuis litteris, delector. Ego tecum, præter Dionysium, duxi neminem: ⁹⁶ nec metuo tamen, ne mihi sermo desit: abs te opere delector. Tu Luceio ⁹⁷ nostrum librum dabis. Demetrii Magnetis tibi mitto; statim ut sit, qui a te mihi epistolam referat.

12

CICERO ATTICO S.

EGNATIUS Romæ est. sed ego cum eo de re Halimeti vehementer Antii egi. graviter se acturum ⁹⁸ cum Aquilio confirmavit. videbis ergo hominem, si voles. Macroni vix videor præsto esse. ⁹⁹ Idibus enim auctionem Larini video, et biduum præterea. id tu, quoniam Macronem tanti facis, ignoscas mihi, velim. Sed, si me diligis, postridie Kalend. cena apud me cum Pilia. prorsus id facies. Kalend. cogito in hortis Crassipedis, quasi in diversorio, cenare. ¹⁰⁰ facio fraudem senatus consulto. inde domum cenatus, ut sim mane præsto Miloni. ¹ ibi te igitur videbo, et promovebo. Domus te nostra tota salutat.

CICERO ATTICO S.

NOS in Tusculanum venisse a. d. XVII Kal. Decemb. video te scire. ibi Dionysius nobis præsto fuit. Romæ a.

⁹⁵ Quid illa populi Apuleia.] Clodius, alter Apuleius Saturninus, quem Apuleium propter libidinum insaniam dicit. Tunstallus tamen, p. 98, mavult intelligi Clodium, si lectio sana sit: sed malit legere *ἀφεία*. quid populus in Appii petitione consulatus faciat pro illa sua *ἀφεία*, qua in creandis consulibus utitur, libere ageos et sine simulatione aut dissimulatione. Non placet. nam morte hic personæ sunt.

⁹⁶ Nec metuo tamen, ne mihi sermo desit abs te. Opere delector.] Valde se tuerunt in h. l. viri docti: qui sic est in ed. Rom. at ed. Jens. Ald. &c. habent, *desit abs te, quo magnopere delector*. rō tamen comparatum cum *neminem*, olarum facit, hoc non metuo ne mihi sermo desit, referri ad anteceden tia: etiam unum Dionysium tecum habeo, tamen sermo non deerit, sc. propter doctrinam ejus. Ergo abs te cum opere delector coniungendum est: tu interea quoquo me delectabis opere sive libro, quem de rebus novis scripsi, sive epistolis ad me scribendis, de quibus ab

initio dixerat: *epistola tua me delectavit*. dixit opere, ut opponeretur sermoni, sicut alibi verba et res, facta opponuntur. io quo venestas quedam est. quidam de edificio intelligunt: nec hoc male.

⁹⁷ Nostrum librum.] De conspectu meo, ut habeat materiam operis de me scribendi.

⁹⁸ Cum Aquilio.] Jcto, an trib. plebis, qui illis temporibus fuit, incertum, quia historia rei ignoratur.

⁹⁹ Idibus enim.] Addidi com Grævio Idibus, ut jam Bosius fecit, e veteribus suis, ut dicit, scriptis an editis? nam sic jam est in ed. Jens. Asc. Ald. &c. Victorius delevit, opinor auctoritate ed. Rom.

¹⁰⁰ Facio fraudem Senatus.] Nempe absens tali modo, ne mihi nece esset sit adesse in senatu e Scto.

¹ Ibi te igitur, &c.] Ibi apud Milonem. edidi deinde ex edd. pr. *promovebo*, pro *promonebo*, quod a Bosio est. *promovebo* est, inde te deducam ad me cenatum, ut recte explicat Tunstallus, p. 97.

d. xlix Kalend. volumus esse: quid dico, volumus? b. immo vero cogimur. ²Milonis nuptiæ; comitiorum nonnulla opinio est. ³ergo, ut si rata. abfuisse me in altercationibus, quas in senatu factas audio, fero non moleste. nam aut defendissem, quod non placeret, aut defuissem, cui non oporteret. sed mehercule velim, res istas, et præsentem statum reipublicæ, et quo animo consules ferant hunc σκυλ-
μὸν, rescribas ad me, ⁴quantum potest. ⁵valde sum ὀξύπνεος: et, si quæris, omnia mihi sunt suspecta. Crassum quidem nostrum ⁶minore dignitate ajunt profectum paludatum, quam olim æqualem ejus L. Paullum, iterum consulem. o hominem nequam! De libris oratoriis factum est a me diligenter. diu multumque in manibus fuerunt; describas licet. Illud etiam te rogo, τὴν παρούσαν κατάστασιν τυπωδῶς: ne istuc hospes veniam.

CICERO ATTICO S.

14

VESTORIUS noster me per litteras fecit certiore, te Roma a. d. vi Id. Mai. putare profectum esse, tardius, quam dixerat, quod minus valuisses. si jam melius vales, vehementer gaudeo. Velim, domum ad te scribas, ut mihi tui libri pateant, non secus, ac si ipse adesses, cum ceteri, tum Varronis. est enim mihi utendum quibusdam rebus ex iis libris ad eos, quos in manibus habeo: quos, ut spero, tibi valde probabo. Tu velim, si quid forte novi habes, maxime a Quinto fratre, deinde a C. Cæsare, et si quid forte de comitiis, de republica, (soles enim tu hæc ⁶festive odorari,) scribas ad me: si nil habebis; tamen scribas ali-

² Milonis nuptiæ: com. n. o. e.] Causæ, propter quas Romanæ ire necesse erant. Milonis nuptiæ cum Fausta L. Syllæ filia. est delendum puto.

³ Ego ut sit rata.] Varie locus corruptus in scr. et edd. scribitur. Hæc lectio est a Bosio e Ms. alii omnes ergo. Tunstallus, p. 83. corrigit: Ego, ut si rerer, abfuisse, &c. non placet. Puto: Ergo, ut si rata. sc. sit ea comitiorum opinio, ibo Romam ut iis intersim, si habent ed. Jens. et Mss. quidam. in abfuisse, &c. nova sententia est.

⁴ Quantum potest.] Ex uno Ms. Bosius potest: alii omnes edd. et scr. potes.

⁵ Valde sum ὀξύπνεος.] Sic ed. Rom. nnde, et Ms. Faerni, Malaspina. ed. Jen-soni et seqq. potes et vales. sum ὁ. sune et vales friget sed et valde: nam id est jam

in ὀξύπνεος. Suspicio in valde vel vales latere verbum, quod rem exprimat, in qua sit ὀξύπνεος, ut II, 12. est, in curiositate sum ὀξύπνεος.

⁶ Minore dignitate p. p. quam olim æ. e. L. P. &c.] Hic locus mihi semper frigidus visus est. Si sanus est; comparationis fundamentum est in eo, quod uterque post alterum consulatum in provinciam abiit, uterque eadem ætate fuit. Paullus magno comitatu prosequentium abiit, Crassus nullo, atque etiam ab Ateio Capitone trib. pl. diris devotus. Sed mihi hoc friget, uti dixi.

⁶ Festive odorari.] Primum legens sic correxi vulgatum festive. adeo evidens vitium hoc est, legendumque festive. post et Victoriam et Manutium sic judicasse vidi. Itaque sine hæsitatione recepi.

quid. numquam enim mihi tua epistola aut intempestiva aut
 p. 62. loquax visa est. maxime autem rogo, rebus tuis totoque
 a. itinere ex sententia confecto, nos quamprimum revisas.
 Dionysium jube salvere. Cura, ut valeas.

15

CICERO ATTICO S.

DE Eutyichide gratum; ⁷ qui vetere prænومine, novo nomine T. erit Cæcilius; ut est ex me, et ex te junctus Dionysius, M. Pomponius. valde mehercule mihi gratum, si Eutyichides tuam erga me benivolentiam cognoscet, et suam illam in meo dolore *συμπάθειαν*, neque tum mihi obscuram, neque post ingratam fuisse. ⁸ Iter Asiaticum tuum puto tibi suscipiendum fuisse. numquam enim tu sine justissima causa tam longe ⁹ a tot tuis et hominibus, et rebus carissimis abesse voluisses. sed humanitatem tuam, amoremque in tuos, reditus celeritas declarabit. sed vercor, ne lepore te suo detineat diutius rhetor Clodius, et homo pereruditus, ut ajunt, et nunc quidem deditus Græcis litteris Pituanus. sed, si vis homo esse, recipe te ad nos, ad quod tempus confirmasti. cum illis tamen, cum salvi venerint, Romæ vivere licebit. Avere te scribis, accipere aliquid a me litterarum; dedi, ac multis quidem de rebus, *ἡμερόλεγον* perscripta omnia: sed, ¹⁰ ut conjicio, quoniam mihi non videris in Epiro diu fuisse, redditas tibi non arbitror. genus autem mearum, ad te quidem, litterarum ejusmodi fere est, ut non libeat cuiquam dare, nisi de quo exploratum sit, tibi eum redditurum. Nunc Romanas res accipe. A. d. III Non. Quint. Sufenas et Cato absoluti: Procilius condemnatus. ¹¹ ex quo intellectum est, *τρισαρικοπαγίτας* ambitum, comitia, interregnum, majestatem, totam denique rempublicam flocci non facere. debemus patrem
 b. familias domi suæ occidere nolle; neque tamen id ipsum abunde. nam absolverunt XXII, condemnarunt XXIX.

⁷ Qui v. prænومine, novo nomine T. erit Cæcilius.] Puto excidisse tuo. vetus pronomen erat T. quia ante Atticus erat T. Pomponius. novum nomen Cæcilius ex adoptione. Post ex me et ex te, venuste, e pronomine meo, nomine tuo.

⁸ Iter Asiaticum tuum.] Tuum friget ob sequenti tibi: videturque ortum e clausula verbi antecedentis.

⁹ A tot tuis et hom. - s. voluisses.] Tot abest ab edd. nonnullis et Græv. vicissim

post in edd. pr. et Græv. additur et suavissimis. Ego locum sic constituam: a tot tuis et hominibus carissimis et rebus suavissimis ab. vol.

¹⁰ Ut conjicio.] Hoc quidem genuinum non puto. quis dicat, ut conjicio, - non arbitror?

¹¹ Ex quo intell. est.] Sequentia non satis intelligi possunt, quia historiam ignoramus. Similiter in seqq. scripta est enim pusilla nihil certi est.

Publius sane deserto epilogo criminans, mentes iudicum moverat. Hortalus in ea causa fuit, cujusmodi solet. nos verbum nullum. verita est enim pusilla, quæ nunc laborat, ne animi in Publio offenderer. His rebus actis, Reatini me ad sua τέμνη duxerunt, ut agrem causam contra Interamnates apud consulem et decem legatos; quod lacus Velinus, a M' Curio emissus, interciso monte, in Narem defluit: ex quo est illa siccata, et humida tamen modice Rosia. Vixi cum Axio. quin etiam me ad Septem aquas duxit. Redii Romam Fonteii causa a. d. vii Idus Quint. veni in spectaculum; primum, magno et æquabili plausu: sed hoc ne curaris; ego ineptus, qui scripserim: deinde, Antiphonti operam. is erat ante manumissus, quam productus. ne diutius pendeas, palmam tulit. sed nihil tam pusillum, nihil tam sine voce, ¹² nihil tam verum. hæc tu tecum habeto. in Andromacha tamen major fuit, quam Astyanax. in ceteris parcm habuit neminem. quæris nunc de Arbuscula: valde placuit. Ludi magnifici et grati. Venatio in aliud tempus dilata. Sequere nunc me in campum. ardet ambitus; σῆμα δέ τοι ἐπέω. ¹³ fœnus ex triente Idib. Quint. factum erat bessibus. ¹⁴ dices, istuc quidem non moleste fero. o virum! o civem! Memmii Cæsaris omnes opes confirmant. cum eo ¹⁵ Domitium consules junxerunt; qua pactione, epistolæ committere non audeo. Pompeius fremit, queritur, Scauro studet: sed utrum fronte, an mente, dubitatur. ἐξοχὴ in nullo est. pecunia omnium dignitatem exæquat. Messala languet: non quo aut animus desit, aut amici: sed coitio consulum et Pompeius obsunt. ea comitia, puto fore, ut ducantur. Tribunicii candidati jurarunt se arbitrio Catonis petitueros. apud eum H-S quingena deposuerunt; ut, qui a Catone damnatus esset, id perderet, et competitoribus tribueretur. hæc ego pridie scribebam, quam comitia fore putabantur. sed ad te v Kal. Sext. si facta erunt, et tabellarius non erit profectus, tota comitia perscribam: quæ si, ut putantur, gratuita fuerint;

p. 63.
a.

12 Nihil tam verum.] Hoc precedentiibus non consentit, quæ omnia ad contemptum pertinent. Nil melius scio, quam quod Malaspina coniecit, victum: etsi nec hoc satis placet.

13 Fœnus ex triente, &c.] Nempo inde intelligebatur, pecuniam quæri magnam, quod fœnus repente tantopere crevisset:

eam autem ad emenda suffragia quæri.

14 Dices, &c.] Jocus in Atticum negotiatorem et sceneratorem, qui inde lucrari posset.

15 Domitium consules.] Domitium Calvinum, consules L. Domitium Ahenobarbus, Appius Claudius Pulcher.

plus unus Cato potuerit, quam omnes quidem iudices. Messius defendebatur a nobis, e legatione revocatus. nam eum Cæsari legarat Appius. Servilius edixit, ut adesset. tribus habet Pœtinam, Velinam, Mæciam. pugnatur acriter: agitur tamen satis. deinde me expedito ad Drusum, inde ad Scaurum. parantur orationibus ¹⁶ indices gloriosi. fortasse accedent etiam consules designati: in quibus si Scaurus non fuerit, in hoc iudicio valde laborabit. Ex Quinti fratris litteris suspicor, jam eum esse in Britannia. suspenso animo exspecto, quid agat. illud quidem sumus adepti, quod multis et magnis indiciis possumus iudicare, nos Cæsari et carissimos et jucundissimos esse. Dionysium velim salvere jubeas, et eum roges et hortere, ut quamprimum veniat, ut possit Ciceronem meum, atque etiam me ipsum, erudire.

16

CICERO ATTICO S.

OCCUPATIONUM mearum vel hoc signum erit, quod epistola librarii manu est. De epistolarum frequentia te
 b. nihil accuso: sed pleræque tantummodo mihi nuntiabant, ubi esses, ¹⁷ quod erant abs te: vel etiam significabant recte esse. quo in genere ¹⁸ maxime delectarunt duæ, fere eodem tempore abs te ¹⁹ Bruto datæ. scire enim volebam, te commode navigasse. sed hæc epistolarum frequentia non tam ubertate sua, quam celeritate delectavit. illa fuit gravis, et plena rerum, quam mihi M. Paccius, hospes tuus, reddidit. ad eam rescribam igitur, et hoc quidem primum: Paccio re et verbis ostendi, quid tua commendatio ponderis haberet. itaque in intimis est meis, cum antea notus non fuisset. nunc pergam ad cetera. Varro, de quo ad me scribis, includetur in aliquem locum, si modo erit locus. sed nosti genus dialogorum meorum: ²⁰ ut in oratoriis, quos tu in cælum fers, non mentio potuit fieri cujusquam ab iis, qui disputant, nisi ejus, qui illis notus, aut auditus

16 Indices gloriosi.] Tituli gloriosi; quod pro tantis viris dictæ erant.

17 Quod erant abs te.] Intelligunt, ab loco, ubi esses, sed id frivolum. nam tales omnes. forte delendum est.

18 Maxime delectarunt duæ.] Suspiciatus sum, me excidisse post maxime.

19 Bruto datæ.] An Buthroto? Sed sic jam correxit P. Manutius, receperat-

que Gruterus. Gronovius Bruto reposuit.

20 Ut in oratoriis, &c.] Ut mihi insititium videtur; nam sensum hio commodum non habet. Cicero vult dicere, in oratoriis libris, i. e. de oratore, qui per dialogum scripti sint, se Varronem inducere non potuisse: at in libris de rep. fortasse se eum inducere laudando posse, per exordium aliquod.

esset. hanc ego de republica, quam institui, ~~disputationem~~ in Africani personam, et Philii, et Lælii, et Manilii contuli. adjunxi adolescentes, Q. Tiberonem, P. Rutilium, duo Lælii generos, Scævolam, et Fannium. itaque cogitabam, quoniam in singulis libris utor procemiis, ut Ἀριστοτέλης in iis, quos ἐξωτερικοὺς vocat, aliquid efficere, ut non sine causa istum appellarem: id quod intelligo tibi placere. utinam modo conata efficere possim! rem enim, quod te non fugit, magnam complexus sum et gravem, et plurimi otii, quo ego maxime egeo. Quod in iis libris, quos laudas, personam desideras Scævolæ; ²¹ non eam temere dimovi: sed feci idem, quod in πολιτεία deus ille noster Plato. cum in Piræcum Socrates venisset ad Cephalum, locupletem et festivum senem; quoad primus ille sermo haberetur, adest in disputando senex: deinde cum ipse quoque commodissime locutus esset, ad rem divinam dicit se velle discedere; neque postea revertitur. credo Platonem vix putasse satis consonum fore, si hominem id ætatis in tam longo sermone diutius retinisset. ²² multo ego satius hoc mihi cavendum putavi in Scævola; qui et ætate et validudine erat ea, qua esse meministi; et iis honoribus, ut vix satis decorum videretur, cum plures dies esse in Crassi Tusculano. et erat primi libri sermo non alienus a Scævolæ studiis. reliqui libri τεχνολογίαν habent, ut scis. huic joculatorem senem illum, ut noras, interesse sane nolui. ²³ De re filiæ, quod scribis, erit mihi curæ. etenim est luculenta res, Aureliani, ut scribis, indiciis: et in eo me etiam Tulliæ meæ venditabo. Vestorio non desum. gratum enim tibi id esse intelligo: et, ut ille intelligat, curo. sed scis, qui? cum habeat duo faciles, nihil difficilius. Nunc ad ea, quæ quæris de C. Catone. ²⁴ Lege Junia et Licinia scis absolutum: Fufia ego tibi nuntio absolutum iri; neque patronis suis tam libentibus, quam accusatoribus. is tamen et mecum, et cum Milone in gratiam rediit. Drusus reus est factus a Lucretio,

p. 64.
2.

²¹ Non eam temere dimovi.] Hoc verbum alienum videtur, pro *semovi*, sc. e disputatione L. II. et III. cum in libro primo inductus esset.

²² Multo ego satius h. m. cavendum putavi.] Satius hio looum non potest habere: et ego friget. Corrigendum est: multo ergo potius vel magis h. m. c. p. natum est satius e satis, quod paullo ante est; et

ergo habent omnes edd. pr.

²³ De re filiæ, &c.] H. l. non intelligo: nec satisfaciunt interpretes. nihil mihi pronius videtur, quam de matrimonio capere. id est verbis Ciceronis, *luculenta res, me in eo filiæ venditabo*, aptius.

²⁴ Lege Junia - - Licinia - - Fufia.]

E quibus reus factus erat propter tribu-

²⁵judicibus rejiciendis a. d. v Non. Quint. De Procilio rumores non boni: sed judicia nosti. Hirrus cum Domitio in gratia est. Senatus consultum, quod hic consules de provinciis fecerunt, QUICUMQUE POSTHAC, non mihi, ²⁶ut qui jam intelligebamus enuntiationem illam Memmii, valde Cæsari displicere. Messala noster, et ejus competitor Domitius ²⁷liberalis in populum valde fuit. nihil gratius. ²⁸certi erant consules. ²⁹at senatus decrevit, ut tacitum judicium ante comitia fieret. ³⁰ab iis consiliis, quæ erant omnibus sortita in singulos candidatos, magnus timor candidatorum. Sed quidam judices, in his Opimius VEIEN. TRO. Antius, tribunos plebis appellarunt, ne injussu populi judicarent. ³¹res cedit. comitia dilata ex senatus consulto, dum lex de tacito judicio ferretur. Venit legi dies: Torentius intercessit. Consules, qui illud levi brachio egissent, rem ad senatum detulerunt. hic Abdera, non tacente me. dices, tamen tu non quiescis? ignosce, vix possum. verumtamen quid tam ridiculum? Senatus decreverat, ne prius comitia haberentur, quam lex lata esset: si qui intercessisset, res integra referretur. ³²coepta ferri leviter: intercessum non invitis; res ad senatum: de ea re ita censuerunt, comitia primo quoque tempore haberi, esse e re. Scaurus, qui erat paucis diebus illis absolutus, ³³cum ego partem ejus ornatissime defendissem, obnuntiationibus per Scævolam interpositis, singulis diebus usque ad pridie Kal. Octob. quo ego hæc die scripsi, sublatis, populo tributum domi suæ satisfecerat. sed tamen, etsi uberior liberalitas hujus, gratior esse videbatur eorum, qui occupant. Cu-

²⁵ Judicibus rejiciendis, &c.] Interpretantur, cum judicium rejectio fieret, vel, ut Manutius, ut judicium rejectio fieret; quod melius. Sed oratio est durior.

²⁶ Ut qui jam, &c.] Hæc vitiosa et obscura. non intelligo, nec corrigere possum.

²⁷ Liberalis in populo.] Scr. in populum.

²⁸ Certi erant consules.] Ed. Rom. addit scilicet. quod non spreverim.

²⁹ At senatus.] At edidi pro ac, ut habuit Ms. Maffei, placebatque Malaspinae. tacitum judicium quid sit, non salis scio. an quod fieret non de certis hominibus nominatim: sed de genere universo, ut, si quis candidatum hoc vel illud fecisset, ejus creatio irrita esset, idque fieret

ita, ut lateret, quid indicatum esset, sitque adeo simile Scto tacito.

³⁰ Ab iis consiliis, quæ erant omnibus s. in s.] Hæc non intelligo, nec quisquam satis explicavit. omnibus vitiosum videtur.

³¹ Res cedit.] Hoc quoque obscurum, vel vitiosum: neo satisfaciunt conjecturae eruditiorum. est autem hæc lectio a Bonio. edd. pr. rescidit.

³² Coepta ferri leviter.] Puto scribendum leviter.

³³ Cum ego partem ejus, &c.] Sic edd. pr. et Asconius. ex eo factum partem ejus. qui modus loquendi est inusitatus. difficultas est ex eo. quod Scaurus pater mortuus est Cicerone adhuc adolescente. et sane verbum ornatissime non placet in illa lectione.

perem vultum videre tuum, cum hæc legeres. ³⁴nam profecto rem habes nullam, hæc negotia multarum nundinarum fore. sed senatus hodie fuerat futurus, id est, Kal. Octobribus. jam enim luciscit. ibi loquetur, præter Antium et Favonium, libere nemo. nam Cato ægrotat. de me nihil timueris: sed tamen promitto nihil. Quid, quæris, aliud? judicia, credo. Drusus, Scaurus ³⁵non fecisse videbantur. tres candidati fore rei putabantur, Domitius a Memmio, Messala, a Q. Pompeio Rufo, Scaurus a Triario, aut a L. Cæsare. quid poteris, inquires, pro iis dicere? ne vivam, si scio. ³⁶in illis quidem tribus libris, quos tu dilaudas, nihil reperio. ³⁷Nunc, ut opinionem habeas rerum, ferendum est. ^{p. 65.} quæris, ego me ut gesserim? constanter et libere. quid ^{a.} ille, inquires, ut ferebat? humaniter, meæque dignitatis, quoad mihi satisfactum esset, habendam sibi rationem putabat. quo modo ergo absolutus? omnino γοργυῖα γυμνά: accusatorum incredibilis infantia, ³⁸id est, L. Lentuli, L. F. quem fremunt omnes prævaricatum; deinde Pompeii mira contentio; judicum sordes. attamen XXXII condemnarunt, XXXIIX absolverunt. judicia reliqua impendent: nondum est plane expeditus. Dices, tu ergo hæc quo modo fers? belle mehercule, et in eo me valde amo. amisimus, mi Pompoui, omnem non modo succum ac sanguinem, sed etiam colorem, et speciem pristinam civitatis. nulla est res publica, quæ delectet, in qua acquiescam. idne igitur, inquires, facile fers? id ipsum. recordor enim, quam bella paullisper, nobis gubernantibus, civitas fuerit, quæ mihi gratia relata sit. nullus dolor me angit, unum omnia posse: dirumpuntur ii, qui me aliquid posse doluerunt: multa mihi dant solatia: nec tamen ego de meo statu demigro: quæ-

34 Nam profecto rem habes nullam.] Nam his rebus omnibus nihil actum est. hæc negotia, &c. hic aliquid excidisse puto, unde pendeat fore.

35 Non fecisse videntur.] Sc. ambitum. Ceterum puto scripsisse Ciceronem videbantur: primo ne clausula hexametri sit: deinde, quia sequitur putabantur.

36 In illis quidem tribus libris.] Intellegit libros de oratore, quos supra laudasse Atticum memoravit. Sed tribus mihi esse a glossatore videtur. nihil reperio, quod pro eo dicere possim, nullum artificium dicendi, quo uti possim ad probabiliter eum defendendum.

37 Nunc, ut opinionem h., &c.] Hæc esse alieno loco et ex alia epistola huc translata, putabat Malaspina, et quidem usque ad verba sed accipe alia. Tunstallus, p. 118. usque ad verba in Ciliciam cogitat, et in ep. sequentem transfert, post verba datur esse valiturum. Ceterum pro ferendum est putem legendum faciendum est, sc. nili.

38 Id est.] Hoc delendum videtur. in ed. Rom. est l. quod forte numeri signum est adscriptum ab aliquo, nisi id intelligendum in primis: nam is unus ex accusatoribus nominatur.

que vita maxime est ad naturam, ad eam me refero, ³⁹ et litteras, et studia nostra: dicendi laborem delectatione oratoria consolor. domus me et rura nostra delectant. Non recordor, unde ceciderim, sed unde surrexerim. fratrem mecum et te si habebo, per me ista pedibus trahantur. vobis ἐμφιλοσοφῆσαι possum. locus ille animi nostri, stomachus ubi habitabat olim, concalluit. privata modo et domestica nos delectant. miram securitatem videbis; cujus plurimæ mehercule partes sunt in tuo reditu. nemo enim in ter-
 b. ris est mihi tam consentientibus sensibus. Sed accipe alia. Res fluit ad interregnum; et est nonnullus odor dictaturæ: sermo quidem multus; qui etiam Gabinium ⁴⁰ apud timidos iudices adjuvit. Candidati consulares omnes rei ambitus. accedit etiam Gabinus: quem P. Sulla, ⁴¹ non dubitans, quin foris esset, postularat, contradicente et nihil obtinente Torquato. sed omnes absolventur; nec posthac quisquam damnabitur, nisi qui hominem occiderit. hoc tamen agitur severius. ⁴² itaque iudicia calent. M. Fulvius Nobilior condemnatus est. ⁴³ multi alii urbani ne respondent quidem. Quid aliud novi? ⁴⁴ et tamen, absoluto Gabinio, stomachantes alii iudices, hora post, Antiochum Gabinium, nescio quem e ⁴⁵ Sopolidis pictoribus, ⁴⁶ libertum accensum Gabini, lege Papia condemnarunt. ⁴⁷ itaque dixit statim reus P. lege maiestatis. οὐ σ' οἶδ' Ἀρης ἄμα Παφίη? Pontinus vult a. d. iv Non. Novemb. ⁴⁸ triumphare. huic obviam Cato et Servilius, prætores, aparte, et Q. Mucius tribunus. negant enim ⁴⁹ latum de imperio: et est latum hercule in-

39 Et litteras et st. n.] Malim ad litteras et st. n. est enim interpretatio superioris.

40 Apud timidos iudices.] Qui timent, ne offendant futurum dictatorem Pompeium, si ejus amicum Gabinium condemnent. v. ad Q. Fr. III, 6.

41 Non dubitans, quin foris esset, postularat.] Non intelligo h. l. nec aliorum interpretationes satisfaciunt. Manutii quidem, quem Grævius dicit intellexisse, ne intelligi quidem. an intelligi potest, quomodo aliquis dubitare possit, aliquis talis vir domi an absens sit?

42 Itaque iudicia calent.] Sic edd. pr. bene. Victorius et alii iudicia: sed ei verbo non convenit calent.

43 M. alii urbani ne respondent quidem.] Frigidum sit, urbanos intelligere, qui non absint. Recte J. F. Gronovius, Obs. II,

8. facelos homines intelligit, sed per ironiam qui non respondent in iudicio, sed abeunt in exsilium voluntarium.

44 Et tamen.] Int. est sc. aliquid. sed non displicet Mureti correctio: est tamen.

45 Sopolidis.] V. Clavem.

46 Libertum ac accensum.] Ac sequente vocali non est Ciceronianum. ab edd. Rom. Jens., &c. abest. delevi.

47 Itaque dixit - - Παφίη.] Huc nec intelligo, nec corrigere possum: nec aliis dicta vel intelligo satis vel proba, nec quæ recentissimus Tunstallus, p. 125.

48 Triumphare.] Ex Allobrogibus victis. v. Clav. in Pontinus.

49 Latum de imperio.] Sc. lege curiata: sine qua qui in provinciis abiit, non possunt triumphare, ut qui imperium non habuerunt. v. infra, ep. 18. De eadem vox sine lege, suo sunt i. e. sine decreto

sulse. sed erit cum Pomtino Appius consul. Cato tamen affirmat, se vivo illum non triumphare. id ego puto, ut multa ejusdem, ad nihil recasurum. Appius sine lege, suo sumtu, in Ciliciam cogitat. Paccianæ epistolæ respondi: cognosce cetera. Ex fratris litteris incredibilia quædam de Cæsariis in me amore cognovi: eaque sunt ipsius Cæsaris uberrimis litteris confirmata. Britannici belli exitus expectatur. constat enim, aditus insulæ esse munitos mirificis molibus. etiam illud jam cognitum est, neque argenti scripulum esse ullum in illa insula, neque ullam spem prædæ, nisi ex mancipiis: ex quibus nullos puto te litteris aut musicis eruditos expectare. Paullus in medio foro basilicam jam pæne texuit iisdem antiquis columnis: illam autem, quam locavit, facit magnificentissimam. quid quæris? nihil gratius illo monumento, nihil gloriosius. itaque Cæsaris amici (me dico et Oppium: ⁵⁰ dirumparis licet:)
⁵¹ in monumentum illud, quod tu tollere laudibus solebas, ut forum laxaremus, et usque ad atrium Libertatis explicaremus, contempsimus sexcenties H-S. cum privatis non poterat transigi minore pecunia. efficiemus rem gloriosissimam. nam in campo Martio Septa tributis comitiis marmorea sumus et tecta facturi; eaque cingemus excelsa porticu; ut mille passuum conficiatur. simul adjungetur huic operi villa etiam publica. Dices, quid mihi hoc monumentum proderit? ⁵² quid? celabo te res Romanas? non enim te puto de lustro, quod jam desperatum est, aut de judiciis, quæ ⁵³ lege Coctia fiant, quærere. Nunc te objurgari patere, si jure. scribis enim in epistola, quam C. Decimius mihi reddidit, Buthroto datam, in Asiam tibi eundum esse, te arbitrari. mihi mehercule nihil videbatur esse, in quo tantulum interesset, utrum per procuratores ageres, an per te ipsum; ⁵⁴ ut abiros toties et tam longe abesses. sed hæc

p. 66.
a.

viatico. tum *insulse* dicit latini. sc. contra leges et perverse, sc. ut Dio tradit, L. 59. ante lucem et primam horam: ante quam ferre non licebat.

⁵⁰ *Dirumparis licet.*] Per jocum dictum, quod Appius ab ea amicitia enim absterrete solebat.

⁵¹ *In monumentum illud, -- contempsimus, &c.]* In, quod abest edd. pr. absorptum a littera sequente, recte restituit Bosius. deinde *contempsimus* eleganter pro effudimus, impendimus, mox *cum privatis*, intellige dominis ædium ad forum, quorum

ardes emendaræ erant, ad amplificandam arcem. Sic Cæsari arca fori Julii constitit H-S. *millies*. Suet. Cæs. 26.

⁵² *Quid? celabo te res Rom.]* Hæc sic coherent: dices, quid mihi, &c. non erat opus de eo ad me scribi. sed ibi tibi non possum res Romanas perscribere: quæ nullæ majores sunt. nam de lustro, &c.

⁵³ *Lege Coctia.]* Hæc est lectio edd. pr. et Mss. plurium, quam secutus cum Grævio sum, dum meliôr et certior reperitur. v. Clav. in h. lege.

⁵⁴ *Ut abiros toties et tam longe abesses.]*

mallem, integra re, tecum egisse. profecto enim aliquid egissem. nunc reprimam susceptam objurationem. utinam valeat ad celeritatem reditus tui! Ego ad te propterea minus sæpe scribo, quod certum non habeo, ubi sis, aut ubi futurus sis. Huic tamen nescio cui, quod videbatur is te visurus esse, putavi dandas esse litteras. tu, quoniam iturum te in Asiam esse putas, ad quæ tempora te exspectemus, facias me certiore velim, et ⁵⁵ de Eutychide quid egeris.

17

CICERO ATTICO S.

O EXSPECTATAS mihi tuas litteras! o gratum adventum! o constantiam promissi, et fidem miram! o navigationem amandam! quam mehercule ego valde timebam, recordans superioris tuæ transmissionis *δέσπονος*. sed nisi fallor, citius te, quam scribis, videbo. credo enim te putasse, tuas mulieres in Apulia esse: quod cum secus erit, quid te Apulia moretur? nam Vestorio dandi sunt dies, et ille Latinus *ἄρρις* ex intervallo regustandus. Quin tu huc advolas, et invisis illius ⁵⁶ nostræ reipublicæ germina? ne puta, vide, numis ante comitia tributum uno loco divisis, palam inde absolutum Gabinium. detur esse valiturum. De Messala quod quæris; quid scribam nescio: numquam ego vidi tam pares candidatos. Messalæ copias nosti. Scaurum Triarius remi fecit. si quæris, nulla est magnopere commota *συμπάθεια*. sed tamen habet ædilitas ejus memoriam non ingrati; et est pondus apud rusticos in patris memoria. reliqui duo plebei sic exæquantur, ut Domitius valeat amicis, adjuvetur tamen non gratissimo munere; Menmius Cæsaris commendetur militibus, ⁵⁷ Pompeii Gallia nitatur. quibus si non valuerit, putant fore aliquem, qui

b. comitia in adventum Cæsaris detrudat, Catone præsertim absoluto. Ab Quinto fratre, et a Cæsare accepi a. d. IX Kalend. Novemb. litteras, confecta Britannia, obsidibus acceptis, nulla præda, imperata tamen pecunia, datas a litto-

Sic dudum correxi vulgatum iade a Victorio *abis et abes*, e temporum ratione. reperi deinde *abesses* in edd. Rom. Jens. sed ante *mutabis*. Aldus *ne abires* - - *abesses*.

⁵⁵ De Eutychide quid egeris.] Patet hinc, epistolam 15. posthanc scriptam esse.

⁵⁶ Nostræ reip. - - detur e. valiturum.] Edidi lectionem Gruterianam, etsi vitio-

san: in qua frustra adhuc laborare viri ducti: quorum conjecturas referre inane sit.

⁵⁷ Pompeii Gallia nitatur.] I. e. clientibus Pompeii in Gallia Cisalpina. Simili in re Gallie mentio et alibi facta est. Sed de Pompeii nomine h. l. dubitat Manutius, quia tum Cæsar et Pompeius non amici fuere.

ribus Britanniae, proximo a. d. vi Kalend. Octob. Exercitum Britannia reportabant. Q. Pilius erat jam ad Caesarem profectus. Tu, si aut amor in te est nostri ac tuorum, aut ulla veritas, aut si etiam sapis, ac frui tuis commodis cogitas. adventare et prope adesse jam debes. non mehercule æquo animo te careo. te autem quid mirum, qui Dionysium tantopere desiderem? quem quidem ⁵⁸ abs te, cum dies venerit, et ego, et Cicero meus flagitabit. Abs te proximas litteras habebam Epheso a. d. v Id. Sext. datas.

CICERO ATTICO S.

18

PUTO te existimare, me, nunc oblitum consuetudinis et instituti mei, rarius ad te scribere, quam solebam; sed, cum loca et itinera tua nihil habere certi video, neque in Epirum, neque Athenas, neque in Asiam, neque cuiquam, nisi ad te ipsum proficiscenti, dedi litteras. neque enim sunt eae epistolae nostrae, quae si perlatæ non sint, nihil ea res nos offensura sit; quae tantum habent mysteriorum, ut eas ne librariis quidem fere ⁵⁹ commitamus. Lepidum quo exedar; consules flagrant infamia, quod C. Memmius candidatus pactionem in senatu recitavit, quam ipse et suus competitor Domitius cum consulibus fecissent, uti ambo H-S quadragena consulibus darent, si essent ipsi consules facti, nisi tris augures dedissent, qui se adfuisse dicerent, cum lex curiata ferretur, ⁶⁰ quæ lata non esset; et duo consulares, qui se dicerent in ornandis provinciis consularibus scribendo adfuisse, cum omnino ne senatus quidem fuisset. hæc pactio, ⁶¹ non verbis, sed nominibus et perscriptionibus, multorum tabulis cum esse facta diceretur, prolata a Memmio est nominibus inductis, auctore Pompeio. b.

58 Abs te, cum dies venerit - - flagitabit.] Sc. ut libertatem ei des, quo tempore pollicitus es.

59 Committamus. Lepidum quo excedat.] Sic edd. Rom. Jens. Asc. Aldus pro eo edidit, *nedum cuiuslibet*: quod facile intellectum habet, sed e conjectura esse videtur. Grævius ne *lepidum quod* (quid) *excedat*. Sed quid timeat, ne dictum lepidum exeat?

60 Quæ lata non esset.] Hoc non fuit in pactione: sed est e Ciceronis persona dictum, ut in altero, *cum omnino ne senatus quidem fuisset*. Itaque videtur esse de hoc erat.

61 Non verbis sed.] Verba opponuntur rebus. eae sunt in nominibus, perscriptionibus, tabulis multorum. primum est, nomina fecere, suis et consulum illorum tabulis. (v. Clav. in *nomen*.) alterum, apud argentarios vel feneratores iis pecuniam eandem assignavere, ut ab iis acceperent, iique fidem adeo suam pro iis obligarent. (v. Clav. in *perscribere*.) denique aliorum multorum in tabulis, fecere, ut ea res scriberetur, quibus testium loco uti possent: exsetque adeo, ut Cicero alibi dicit, multorum tabulis testata. ita omni ratione cautum consulis erat.

⁶²hic Appius erat idem. nihil sane jacturæ. corruebat alter, et plane, inquam, jacebat. Memmius autem, dirempta coitione invito Calvino, ⁶³plane refrixerat; ⁶⁴et eo magis nunc cogitare dictaturam, tui favere justitio, et omnium rerum licentiæ. Perspice æquitatem animi mei et ludum, et contentionem ⁶⁵Selencianæ provinciae, et mehercule cum Cæsare suavissimam conjunctionem, (hæc enim me una ex hoc naufragio tabula delectat,) qui quidem Quintum meum tuumque, dii boni! quemadmodum tractat honore, dignitate, gratia? non secus, ac si ego essem imperator. ⁶⁶hiberna legionum eligendi optio delata commodum, ut ad me scribit. hunc tu non ames? quem igitur istorum? Sed heus tu, ⁶⁷scripseramne tibi, me esse legatum Pompeio? et extra urbem quidem fore ex Idib. Jan.? Visum est hoc mihi ad multa quadrare. sed quid plura? coram, opinor, reliqua; ⁶⁸ut tu tamen aliquid exspectes. Dionysio plurimam salutem: cui quidem ego non modo servavi, sed etiam ⁶⁹ædificavi locum. quid quaeris? ad summam lætitiā meam, quam ex tuo reditu capio, magnus illius adventu ⁷⁰cumulus accedit. quo die ad me venies, ⁷¹si me amas, apud me cum tuis maneat.

⁶² *Hic Appius erat idem, &c.*] Appius Pulcher, alter consul. nempe is ante jam satis infamis erat et contentus. itaque ea res, quamquam turpis, nihil majoris infamiae afferbat; sen, ut Manutius interpretatur, non commovebatur animo ex ea turpitudine. alter, Domitius Ahenobarbus, jacturam omnis existimationis faciebat.

⁶³ *Plane refrixerat.*] Omnem spem consularis potius amiserat, pactione illa sublata, suo consilio altera candidato Domitio Calvino non consentiente.

⁶⁴ *Et eo magis nunc cogitare dictaturam, &c.*] Hæc est lectio ed. Rom. nisi quod e vestigiis Mss. factum est *cogitare pro concitare*, et *licentia* e *licitia*. Lærtio Gruterianæ editionis, *cogi ædificæ, tum fluere justitio* et o. r. *licitia*, est e correctione Basil. *Cogitare dictaturam*, non ut ipse acciperet, sed ut Pompeius, quo auctore pactionem emittarat: nam dictaturam animo agitasse Pompeium, supra dictum, famam tulisse. vide ad Q. Fr. III, 8. extr.

⁶⁵ *Selencianæ pr.*] Sic edd. pr. et Mss. plerique intelligunt Syrium seu Ciliciam. in utraque est arbs Seleucia. Bosius e Mss. suis elidit *Silicianæ*.

⁶⁶ *Hibernam legionem eligendi optio de-*

lata.] Hæc sine dubio vitiosa sunt. *hiberna legio* nihili est. Puto legendum, et *hibernæ legionum eligendi o. d.* nam legiones, quibus præerat, mutatas non credibile est. Accipit autem *hiberna* in Nervii, ad Q. Fr. III, 8. Firmat locus infra, ep. 21. ubi Cicero dicit, se fratrem *hibernis* præfuisse, nec dubitavi sic corrigere.

⁶⁷ *Scripseramne tibi.*] Aut intelligendum, nonne scripseram; cuius generis et alia exempla sunt ap. Ciceronem notata; si tamen sunt sine vitio: aut *ne* delendum, quod nullum.

⁶⁸ *Ut tu tamen, &c.*] Quod ex me ipso nodas. ob eam causam se dicit scripseram, *coram reliqua*, ut speret, se ex eo auditurum alia quæ suare intersit.

⁶⁹ *Ædificavi locum.*] V. supra ml ep. 4. extr.

⁷⁰ *Cumulus accedit.*] Forte melius *accedet*: reditus Attici et Græcia laetus erat: Dionysii futurus erat.

⁷¹ *Si me amas.*] Delevi tu, quod est a Faerno factum e lectione *ut* in Mss. quibusdam, quæ et est in ed. Rom. revocata a Victorio. Ed. Jensoni sic habet, ut ipse edidi, et edd. Asc. Ald. Crat. Hervag. P. Manutii, &c.

M. TULLII CICERONIS
EPISTOLARUM

AD
ATTICUM

LIBER V.

—
ARGUMENTUM.

Ex antepenultima epistola superioris libri, atque hujus secunda, intelligimus, cessatum esse scribi inter eos, annos ipsos duos, et menses paulo amplius sex: nimirum ex u. d. ix Kal. Nov. L. Domitio Ahenobarba et Ap. Claudio Pulchro coss. ad usque mensem Martium, cass. M. Marcello et Ser. Sulpicio: qui mense Ciceru pro consule, in provinciam Ciliciam, cum imperio, Roma profectus est, sibi et S. C. et lege Curiata traditam extra sortem: Appioque successit. Scriptæ sunt autem libri hujus epistolæ ex itinere magna ex parte: reliquæ ex provinciâ, quæ perrexit prid. K. Sext. cuâ Roma egressus est, ut diximus, circiter K. Maii, Marcello et Sulp. coss. Quæ ex itinere scriptæ sunt, nihil continent memorabile: quæ in provincia, tantum, quæ moderatione, quæ abstinentiâ illam gubernavit: quoque machinæ coarctaverit, si forte Parthi in suam provinciam irruptionem facere conarentur. Nam cum superiore anno, exercitum populi Romani, Crasso dux interfecto, miserabili clade affecissent: reliquiasque illius, haud sane magna manu, in Syriam persequenti, a Q. Cassio Longino fortissime repulsi fuissent: majori ac firmitori vi, hoc anno redierunt: ab eodemque Cassio rursum Syria excedere evacti sunt. Ita enim infra Ciceru: Interim rumore adstratus nostri, et Cassio, qui Antiochiam tenebatur, anticus accessit: et Parthis timor injectus est. Itaque erdentes ab oppido Cassius insecutus, rem bene gessit: quæ in fuga, magna auctoritate Osares dux Parthorum, vulnus accepit, eoque interiit paucis post diebus. Continetur item his epistolis, quomodo Cicero in Ammum, Pindenisso, oppido Eleutheræideâ captu, nomen imperatoris assecutus fuerit: et quædam alia, haud magni ad historiam momenti. Cessatum est autem scribi inter eos toto consulatu Cu. Domitii Calpurni: M. Valerii Messallæ: item Cu. Pompeii Magni in, et Q. Metelli Scipionis.

CICERO ATTICO S.

1

EGO vero et tuum in discessu vidi animum, et meo sum ipse testis. quo magis erit tibi videndum, ne quid novi de-

1 Videndum, ne quid, &c.] Idem est etiam hoc erat, ne sibi provincia pro-
ep. 2. scilicet statim ab abitu in provin- garetur, idque ut evarent amici, rogabat

cernatur; ut hoc nostrum desiderium ne plus sit annuum. De Annio Saturnino curasti probe. De satisfando vero, te rogo, quoad eris Romæ, tu ut satisfacdes. et ²sunt aliquot satisfationes secundum Mancipium, ³vel Memmianorum prædiorum, vel Atilianorum. De Oppio, factum est ut volui, et maxime, ⁴quod necesse aperuisti: quæ quidem ego utique ⁵vel versura [facta] solvi volo; ne extrema exactio nostrorum nominum expectetur. Nunc venio ad ⁶transversum illum extremæ epistolæ tuæ versiculum, in quo me ⁷admones de sorore. quæ res se sic habet. Ut ⁸veni in Arpinum, cum ad me frater venisset, in primis nobis sermo, isque multus, de te fuit: ex quo veni ad ea, quæ fueramus ego et tu inter nos [de sorore] in Tusculano locuti. nihil tam vidi mite, nihil tam placatum, quam tum meus frater erat in sororem tuam; ut etiam, si qua fuerat ⁹ex

² S. a. satisfationes s. m.] Hoc est vel, sunt exempla talium satisfationum, vel, et potes satisfacere pro me aliquot modis, vel Memmianis vel Atilianis prædiis, quod verius puto. v. Clavem in satisfatio.

³ Et Memm. vel At.] Edd. pr. vel his tu M. vel At. Si prædia Iose Ciceronis fuere, emta ubi eo in auctione bonorum Memmii et Atilii Serrani, cum fuissent condemnati, sensus est, et has ad satisfationes uti potes vel Memmianis vel Atilianis prædiis: sin minus, sensus est, ut in illis prædiis factum est: sed hoc est durius, opinor. Vulgatum in his et M. vel At. durum est, debeturque Aldo. Ego edidi vel M. vel A.

⁴ Quod necesse aperuisti.] Recte necesse pro nec ex ep. h. factum: ultimum in quod absorpsit rō d. durum est ex ed. Jens. in qua est *qua necesse*: hic deinde est *aperuisti*, ibi *exposuisti*, utrumque obscurius puto. Sensus est: promisisti Oppio, ea solutum iri.

⁵ Vel versura facta solvi volo.] Facta est sine dubio a glossatore. *versuram facere* dicitur; nunquam *versura facta solvere*, sed semper *versura solvere*, itaque saltem uncis inclusi. Sensus est: malo solvi, quæ debeo, pecunia mutuo sumpta, quam committere, ut omnem pecuniam meam, aliis creditam, exacturus videar, eaque res a debitoribus meis timeatur. Utrum Cn. Oppius, Atilii Serrani gener, an aliquis negotiator alius intelligatur, non decernam; fuere plures Oppii nomine. v. Clav. Ceterum ea pecunia debebatur Cæsari. ep. G.

⁶ Transversum illum, &c.] Scriptus

fuerat in margine epistolæ, adeoque transverse.

⁷ Admones de sorore. quæ res.] Hic addendum semper putavi tua, quod a verbo sequente absorptum esse potest. nam in tali textu semper pronomen possessivum additur, et infra est *frater meus erat in sororem tuam*. Max in his: *quæ fueramus* - - *de sorore in Tusc. locuti*, puto a glossatore esse *de sorore*, nam mihi quidem valde friget, et me semper offendit, etiam ob repetitionem nimis propinquam *de sorore, de sorore, in sororem*.

⁸ Veni in Arpinum.] Sic ed. Rom. at ed. Jens. *Arpinum*, quod cetera secatur sunt. Illud cum in Ms. aliquo repertum esset, receptum, etsi insolens, vel propterea, ut alia, quia insolens; idque late et scrupulose defendit Malaspina. Ego id vitiosum credo. Nam quodam substantivum intelligemus, cum hic esse debeat accusativus? In hac forum semper intelligitur *ager, fundus*, debet ergo esse in *Arpinum*. Si *Arpinum* non est a Cicerone: certe legendum *Arpinates*, nude per compendiarium aliquem scripturam *Arpinum* natum sit. in *Arpinum* autem non esset grammaticæ vitiosum, ut putavere, si maxime urbs intelligeretur. sed *Arpinum* hic non urbem notat; nec enim ibi fuit, sed est ager Arpinas, fines Arpini vel Arpinum. Sic est infra, XIV, extr. *scire te volui, me hinc Arpinum* sc. ire. Itaque *Arpinum* restitui.

⁹ Ex ratione sumta offensio.] *Sumere off.* bene dicitur, ut *sumere inimicitias*. In ed. Rom. est *sumtus*, quod et in margine Cratandri notatum, et in Mss. repertum, a

ratione sumta offensio, non appareret. illo *sic die*. postridie ex Arpinati profecti sumus. ut in Arcano Quintus maneret, ¹⁰ dies fecit: ego Aquini, sed prandimus in Arcano. nosti hunc fundum. quo ut venimus, humanissime Quintus, Pomponia, inquit, ¹¹ tu invita mulieres, ego vero acciam pueros. nihil pôtuit, mihi quidem ut visum est, dulcius, idque ¹² cum verbis, tum etiam animo, ac vultu. at illa, audientibus nobis, ego sum, inquit, hic hospita. id autem ex eo, ut opinor, quod antecesserat Staius, ut prandium nobis videret. tum Quintus, en, inquit mihi, hæc ego patior quotidie. Dices, quid, quæso, istue erat? magnum: itaque me ipsum commoverat: sic absurde et aspere verbis vultuque responderat. dissimulavi dolens. discubui omnes præter illam; cui tamen Quintus de mensa misit; illa rejecit. quid multa? nihil meo fratre lenius, nihil asperius tua sorore mihi visum est: et multa prætereo, quæ tum mihi majori stomacho, quam ipsi Quinto, fuerunt. ego inde Aquinum; Quintus in Arcano remansit, et Aquinum ad me postridie mane venit, mihi que narravit, nec secum illam dormire voluisse; et eum discessura esset, fuisse ejusmodi, qualem ego vidissem. quid quæris? vel ipsi hoc dicas licet, humanitatem ei, in eo judicio, illo die defuisse. Hæc ad te scripsi fortasse pluribus, quam necesse fuit, ut videres, tuas quoque esse partes instituendi et monendi. Reliquum est, ut ante, quam proficiscare, mandata nostra exhaurias; scribas ad me omnia; Pomtinum extrudas; cum profectus eris, cures, ut sciam. sic habeas, nihil meherecule te mihi nec carius esse, nec suavius. A. Torquatum amantissime dimisi

Victorio quidem in omnibus, ut ait. editionis Rom. nullam mentionem facit. Forma loquendi, ex ratione sumta offensio, elegans est et Ciceroniana: non illud. dixisset: si qua fuerat e sumta offensio. usitatus tamen ex abesse. ratione sumta offensio est, quæ ab idonea et justa causa orta est.

¹⁰ Dies fecit.] Sc. dies festus, aut aliam ob causam talis fuit, ut Quintus non posset ea die honeste abire.

¹¹ Tu invita m. ego accivero pueros.] Hæc lectio est ex ed. Rom. quamquam ea habet accivero. unde Asc. Aldus, &c. Editionem Jens. deseruere, qui alias sequuntur, in qua est ego vero acciam pueros: nec eam quisquam criticorum clarorum in-spexit. mihi autem hæc lectio placet, nec dubitavi recipere. nam futurum conjunc-

tivi hic alienum est. acciverim rectum esset, nullo modo accivero: uti dici potest ego ei dixerim, non ego ei dixero.

¹² Cum verbis, tum etiam animo ac vultu.] Alias tantum vultus opponitur in tali re, et sic post est: aspere verbis vultuque responderat. Canegieterus ad Avianum ingeniose corrigit mimo ac vultu, sicut Perizonius, in Floro IV, 11, 3. ut mente, ita animo ac cultu, correxit mimo. Sed vultus ad mimum pertinet: essetque intelligendus modo gestus, nempe placidi et amantis. animus hic locum non habet comode, ubi de externis sermo est, e quibus animus intelligitur: sed tamen et mimus in tali sermone hominis placidi vix locum habet. Si de Pomponia esset, femina feroci et iracunda, placeret.

Minturnis, optimum virum : cui me ad te scripsisse aliquid, in sermone significes velim.

2

CICERO ATTICO S.

- p. 69. A. D. vi Id. Mai. cum has dabam litteras, ex Pompeia-
 a. no proficiscebar, ut eo die manerem in Trebulano apud Pontium. deinde cogitabam sine ulla mora justa itinera facere. In Cumano cum essem, venit ad me, quod mihi pergratum fuit, noster Hortensius: cui, deponenti mea mandata, cetera universe mandavi; illud proprie, ne pateretur, quantum esset in ipso, prorogari nobis provincias. in quo eum tu velim confirmes, gratumque mihi fecisse dicas, quod et venerit ad me, et hoc mihi, praeterea si quid opus esset, promiserit. confirmavi ad eam causam etiam Furnium nostrum; quem ad annum tribunum plebis videbam fore. Habuimus in Cumano quasi pusillam Romam: tanta erat in his locis multitudo, cum interim Rufio noster, quod se a Vestorio observari videbat, strategemate hominem percussit. nam ad me non accessit. itane? cum Hortensius veniret, et infirmus, et tam longe, et Hortensius, cum maxima praeterea multitudo, ille non venit? non, inquam. non vidisti igitur hominem, inquis? qui potui non videre, cum per emporium Puteolanorum iter facerem? in quo ¹³illum, agentem aliquid, credo, salutavi; ¹⁴postea etiam jussi valere, cum me ¹⁵expense e sua villa, numquid vellem, rogasset. hunc hominem parum gratum quisquam putet? aut non in eo ipso laudandum, quod audiri non laborarit? Sed rodeo ad illud. Noli putare mihi aliam consolationem esse hujus ingentis molestiae, nisi quod spero non longiorem annua fore. hoc me ita velle multi non credunt, ¹⁶ex consuetudine
 b. aliorum. tu, qui scis, omnem diligentiam adhibebis, tum scilicet, cum id agi debebit. Cum ex Epiro redieris, de republica scribas ad me velim, si quid erit, quod opperiare. nondum enim satis huc erat allatum, ¹⁷quomodo Caesar

13 *Illum agentem aliquid c. salutari.*] Sc. praetens cum tractat res venales, velut ille apud Horatium, ep. I, 7. Philippus Volteium.

14 *Postea jam jussi valere.*] Jam hoc admodum friget. Ciceronem puto scripsisse: post etiam, vel postea etiam.

15 *Expense e sua villa - - rogasset.*] In hoc expense critici impense laborant: nec tamen satisfacere, alius exiens, quod

et in Ms. suo reperisse se dicit Lambinus; alius, ut Victorinus, spectans, e Pansa villa P. Manutius. Deligat sibi quisque, quod placet. Vulgatum quidem non est a Cicerone.

16 *Ex consuetudine aliorum.*] Quia alii quam diutissime cupiunt retinere provincias, et tantum desiderium Romae simulant.

17 *Q. C. f. de auctoritate perscripta.*] Sc. nuntium, senatum decrevisse, Marcello

ferret de auctoritate perscripta: eratque rumor¹⁸ de Transpadanis, eos jussos III viros creare. quod si ita est, mag-nos motus timeo. sed aliquid ex Pompeio sciam.

CICERO ATTICO S.

3

A. D. VI Id. Mai. veni in Trebulanum ad Pontium. ibi mihi tuæ litteræ binæ redditæ sunt tertio abs te die: eodem autem, ex Pansæ Pompeiano Philotimo dederam ad te lit-teras. nec vero nunc erat sane, quod scriberem. Qui de republica rumores, scribe quæso. in oppidis enim summum video timorem; sed multa inania. quid de iis cogites,¹⁹ et quando, scire velim. Ad quas litteras tibi rescribi velis, nescio. nullas enim adhuc acceperam, præter²⁰ quæ mihi binæ semel in Trebulano redditæ sunt: quarum alteræ²¹ edictum P. Licinii habebant, (erant autem Non. Mai. datæ,) alteræ rescriptæ ad meas Minturnenses. quam ve-reor, ne quid fuerit *σπουδαϊότερον* in iis, quas non²² accepi, quibus rescribi vis. Apud Lentulum²³ ponam te in gratiam. Dionysius nobis cordi est. Nicanor tuus operam mihi dat egregiam. Jam deest,²⁴ quod scribam; et lucet. ^{b.} Bene-venti cogitabam hodie. nostra continentia et diligentia²⁵ esse satisfaciemus. satis. A Pontio, ex Trebulano a. d. v Id. Mai.

CICERO ATTICO S.

4

BENEVENTUM veni a. d. v Id. Mai. ibi accepi eas^{p. 70.} litteras, quas tu superioribus litteris significaveras te de-disse: ^{a.} ad quas ego ipso eo die dederam ex Trebulano a

referente, ut ei succederetur, ei tamen scito intercessum esse.

18 *De Transp. eos jussos IV viros creare.*] Transpadani intelligendi, qui jus Latinum habent, velut coloniar, quæ ibi essent. eos Pompeius volebat accipere jus municipiorum, ut Romam venire omnes et suffragia ferre possent: municipiorum autem magistratus IV viri erant. Res nar-ratur a Dione.

19 *Et quando.*] Si sana lectio est, int. quando futurum sit aliquid de oppidis. Pertinet, opinor, ad Transpadanam illam causam, de qua ep. superiori.

20 *Quæ mihi binæ semel r. s.*] Placet Ursini conjectura simul.

21 *Edictum P. Licinii.*] Quale fuerit, ignoratur. Putant intelligi provinciale, quod Cicero habere voluerit, ut eo uti in suo componendo posset.

22 *Ponam te in gratiam.*] Alias Ci-cero dicit *in gratia*, quod et viris doctis placet. Ed. Rom. habet *Lentulo*. Jens. *Lentulum sine apud.*

23 *Quod scribam.*] Edd. pr. male *quid*. male servavit Grævius, cum ep. 5. init. ipse dederit deest, quod ser.

24 *Beneventi cogitabam h.*] Int. esse. Sed malim *Beneventum*, cum Grævio, quia in hac forma iter intelligitur alibi.

25 *Esse satisfaciemus.*] *Esse* abest ed. Grævii. quæ correctio facillima. Sed vix est a librariis. an Cicero dicit *ex asse*?

26 *Ad quas ego ipse eo die d. ex Trebulano L. Pontio.*] Male ipse edd. vulgg. Correxii ipso eo die, ut habent edd. Jens. Ald. &c. Rom. eo ipso die, etiam lenius. tunc dedi a Pontio, ut est in fine prioris, ubi et ed. Rom. habet *L. Pontio*.

Pontio. ²⁷ ac binas quidem tuas Beneventi accepi. quarum alteras **Funisulanus** multo mane mihi dedit, alteras scriba Tullius. Gratissima est mihi tua ²⁸ cura de illo meo primo et maximo mandato. sed tua profectio spem meam debilitat. ²⁹ ac me ille: illuc quidem labor, non quo; sed inopia cogimur eo contenti esse. De illo altero, quem scribis tibi visum esse non alienum, vereor adduci ut nostra possit; ³⁰ et, ut vis, *δυσδιάγνωστον*. esset quidem summe facilis: sed tu aberis, et me absente res. habebis mei rationem. nam posset aliquid, si utervis nostrum adesset, ³¹ agente Servilia, Servio fieri probabile. nunc, si jam res placeat, agendi tamen viam non video. Nunc venio ad illam epistolam, quam accepi a Tullio. De Marcello, fecisti diligenter. igitur senatus consultum si erit factum, scribes ad me: sin minus, rem tamen conficies. ³² mihi enim attribui oportebit, item Bibulo. sed non dubito, quin senatusconsultum expeditum sit, in quo praesertim sit compendium populi. De Torquato, probe. De Masone, et Ligure, cum venerint. De illo, quod Chærippus: quoniam hic quoque *πρόσνευσιν* sustulisti: o provincia! etiamne hic mihi curandus est? curandus autem? hactenus, ³³ ne quid ad senatum, consule, aut numera. nam de ceteris. Sed tamen commode, quod cum Scrofa. De Pontino, recte scribis. est enim ita, ut si ante Kalend. Jun. Brundisii futurus sit, minus urgendi fuerint M. Annius et Tullius. Quæ ³⁴ de Sicinio audisti, ca mihi probantur: modo ne illa exceptio in aliquem incurrat bene de nobis meritum. sed considerabimus. rem enim

²⁷ *Ac binas quidem tuas.*] Tuas hic friget: nec in superiore epistola additum est. Puto *binas alias*: quia sc. ante jam binas simul acceperat.

²⁸ *Cura de illo meo primo - - mandato.*] Putem esse de filia sua collocanda. nam et de eo intelligi posset, de quo ep. 1. init. et 2. sed illud sequentibus aptius.

²⁹ *Ac me ille, illuc labor, &c.*] Hæc vitiosa esse, non est dubium; et sunt tamen et hæc e correctione. sed nulla est certa correctio. Ed. Jens. habet *labat*, unde *labor* factum. Ed. Rom. neutrum habet: omisit nam alii Grævius. Sensus quidem hic est: unus quidem ex iis, qui filiam meam appetit, non satis placet, sed non est delectas copia, et oportet esse hoc Catone contentum: alter filiae non placet.

³⁰ *Et, ut vis, δυσδιάγνω.*] *Ut vis* Bosius edidit e Ms. alii et edd. vet. et tuis, quod

Grævius revocavit. nihili est. *ut vis*, non male. Suspensus etiam sum, *ut ais*. intelligendum est. nisi malis, est *ut ais*, d. sequentia vero ita sunt corrupta, ut corrigendi spes nulla sit. itaque iis nec me, nec lectores torquelo.

³¹ *Agente Servilia.*] Edidi *Servilia* pro *Servilio* ex L. VI, ep. 1. quod et vidit Tunstallus, p. 187. hic esse faciendum.

³² *Mihi enim attribui oportebit.*] Verbum *attribui* ap. Ciceronem de provinciis, pecunia, legionibus dicitur: hic opinor de pecunia, quia simpliciter dicitur.

³³ *Ne quid ad senatum, consule, aut numera.*] Ne quid ad senatum veniat, propter quod impediatur causa mea. Erant autem illa duo genera impediendi, cum clamaretur *consule vel numera*.

³⁴ *De Sicinio audisti.*] I. quæ: is tibi dixit.

probo. De nostro itinere, quod statuerō; ³⁴ de quinque præfectis, quid Pompeius facturū sit, cum ex ipso cognoro, faciam, ut scias. De Oppio bene curasti, ³⁵ quod ei DCCC exposuisti: idque, quoniam Philotimum habes, perfice, et cognosce rationem: et, ut agam amplius, si me amas, prius quam proficiscaris, effice. magna me cura levaris. Habes ad omnia. etsi pæne præterii, chartam tibi deesse: ³⁷ mea cautio est; siquidem ejus inopia minus multa ad me scribis. tu vero ³⁸ aufer ducentos. etsi meam in eo parsimoniam hujus paginæ contractio significat, ³⁹ dum acta et rumores vellet. jam, si qua certa habes de Cæsare, exspecto litteras; et alias Pontino de omnibus rebus ⁴⁰ diligenter dabis.

CICERO ATTICO S.

5

PLANE deest, quod scribam. nam ⁴¹ nec, quod mandem, habeo: nihil enim prætermisum est: nec quod narrem: novi enim nihil: nec jocandi locus est; ita me multa sollicitant. tantum tamen scito, Idibus Mai. nos Venusia mane proficiscentes has dedisse. eo autem die credo aliquid actum in senatu. sequantur igitur nos tuæ litteræ, quibus non modo res omnes, sed etiam rumores cognoscamus. eas accipimus Brundisii. ibi enim Pomtinum ad eam diem, quam tu scripsisti, exspectare consilium est. Nos Tarenti, quos cum Pompeio *διαλόγου* de republica habuerimus, ad te perscribemus, etsi id ipsum scire cupio, quod ad tempus recte ad te scribere possim, id est, quamdiu Romæ futurus sis, ut aut quo dem posthac litteras sciam, aut ne dem frustra. Sed antequam proficiscar, utique ⁴² explicatum sit illud

p. 71.
a.

³⁵ De quinque præfectis.] V. ep. 7. Sed ibi est quis: quod videtur et hic reponendum.

³⁶ Quod ei DCCC exposuisti.] V. supra ad ep. 1.

³⁷ Mea cautio est.] Sic ed. Jens. prima dedit. Rom. habet *captio*, ut et Mss. plures: idque late defendunt, inprimis Malaspina. Sed cautio verum est. mea cautio, tua cautio est, frequens et usitatum est Ciceroni et aliis. Sensus est: hoc ego cavere debeo, ne amittam commodum litterarum tuarum.

³⁸ Aufer ducentos.] Sesteritios ad emendam chartam, de mea pecunia. jocose.

³⁹ Dum acta et rumores vellet.] Hoc vellet ineptum est latinitate et sensu. Ma-

nus interpretatur, intelligendo, a te querere. Sed ita deberet esse, *vult*. Venit aliquando in mentem tollit, i. non memorat tibi, quæ tu forte libenter legas: melius nihil dum succurrit.

⁴⁰ Diligenter dabis.] Sic correxi ex ep. 9. ubi sunt litteræ diligenter datæ. Vulg. diligentes. non sio Latini: diligentes litteras dare.

⁴¹ Nec quod mandem - - nec quod narrem.] Vulg. omnes quid, male, ut aliis locis.

⁴² Explicatum sit illud H-S xx et DCCC.] An excidit de H-S? ut sit, de sesteritiis xx et DCCC. sive, ut ed. Rom. habet, sesteritium, in quo int. millibus.

H-S xx et dccc. hoc velim in maximis rebus et maxime necessariis habeas; ut, quod auctore te velle cœpi, adiutore assequar.

6

CICERO ATTICO S.

TARENTUM veni a. d. xv Kalend. Jun. Quod Pomtinum statueram exspectare, commodissimum duxi, dies eos, quoad ille veniret, cum Pompeio consumere: eoque magis, quod ei gratum esse id videbam; qui etiam a me petierit, ut secum et apud se essem quotidie: quod concessi libenter. multos enim ejus præclaros de republica sermones accipiam: instruam etiam consiliis idoneis ad hoc nostrum negotium. Sed ad te brevior jam in scribendo incipio fieri, dubitans, Romæne sis, an jam profectus. quod tamen quoad ignorabo, scribam aliquid potius, quam committam, ut, tibi cum possint reddi a me litteræ, non redantur. nec tamen jam habeo, quod aut mandem tibi, aut narrem. mandavi omnia, quæ quidem tu, ut polliceris, exhausties: narrabo, cum aliquid habebō novi. illud tamen non desinam, dum adesse te putabo, ⁴³ de Cæsaris nomine rogare, ut confectum relinquo. avidè exspecto tuas litteras, et maxime, ut norim tempus protectionis tuæ.

7

CICERO ATTICO S.

QUOTIDIE, vel potius in dies singulos, breviores litteras ad te mitto. quotidie enim magis suspicor, te in Epirum jam profectum. sed tamen, ut mandatum scias me curasse; ⁴⁴ quot ante, ait se Pompeius [quinos] præfectos delaturum, novos, vacationes, judicariam causam. Ego cum triduum cum Pompeio et apud Pompeium fuisset, proficiscebar Brundisium ⁴⁵ a. d. xi Kal. Junias. civem illum egregium relinquebam, et ad hæc, quæ timentur, propulsanda paratissimum. Tuas litteras exspectabo, cum ut, quid agas, ⁴⁶ tum, ut ubi sis, sciam.

43 De Cæsaris nomine.] De pecunia, quam ei debeo, H-S dccc, de quo supra.

44 Quot ante, ait se P. quinos pr. d. novos; vacationes.] Sic edidit primus Victorius. Lectiones edd. valde corruptæ et variæ sunt. Sed nec hanc sine vitio puto esse. quinos est sine dubio a glossa e superioribus addita. quot non patitur numerum: nec novos verum puto. Grævius corrigit non vult v. &c. sc. deferri. mihi videtur

non vero. quod consentit ep. 11. ubi omnes vacationes negavisse præfectis dicitur: et VI, 1. Græcis Græcos judices dat Cicero, quod et in aliarum provinciarum, ut Siciliae, formula erat, ut provinciales haberent judices suos.

45 A. d. xiii Kal.] Corrigan viri docti recte xi. nam venerat ad Pompeium a. d. xv. et ibi triduum manserat.

46 Tum ut, ubi sis, sciam.] Conjeceram

CICERO ATTICO S.

8

ME et incommoda valitudo, qua jam emergeram, utpote cum sine febris laborassem, et Pontini exspectatio, de quo adhuc ne rumor quidem venerat, tenebat duodecimum jam diem Brundisii. sed cursum exspectabamus. tu si modo es Romæ; vix enim puto: sin es, hoc vehementer animadvertas velim. ⁴⁷ Roma acceperam litteras, Milonem meum queri per litteras injuriam, meam, quod Philotimus socius esset in bonis suis. id ego ita fieri volui de C. Duronii sententia; quem et amicissimum Miloni perspexeram, et talem virum, qualem tu judicas, cognoram. ejus autem consilium, meumque hoc fuerat; primum, ut in potestate nostra esset res, ne illum ⁴⁸ malus emtor alienus ⁴⁹ mancipiis, quæ per multa secum habet, spoliaret: deinde, ut Faustæ, cui ⁵⁰ cautum ille [esse] voluisset, ratum esset. erat etiam illud, ut ⁵¹ ipsi nos, si quid servari posset, quam facillime servaremus. nunc rem totam perspicias velim. nobis enim ⁵² scribuntur sæpe majora. sed si ille queritur, si scribit ad amicos, si idem Fausta vult, Philotimus, ut ego ei coram dixeram, mihi que ille receperat, ne sit invito Milone in bonis. nihil nobis fuerat tanti. sin hæc leviora sunt, tu judicabis. Loquere cum Duronio. scripsi etiam ⁵³ ad Camillum, ad Lamiam: eoque magis, quod non confidebam Romæ te esse. summa erit hæc: statues, ut ex fide, fama, reque mea videbitur.

p. 72.
a.

CICERO ATTICO S.

9

ACTIUM venimus a. d. xvii Kal. Quint. cum quidem et Corcyræ, et Sybotis, muneribus tuis, quæ et Arcus, et

ut hic esse addendum, quia Cicero in tali forma solet repetere: reperi tandem id ipsum in ed. Rom. unde recipere non dubitavi.

⁴⁷ Roma acceperam litteras.] Litteras mihi suspectum est de glossa, vel, si hoc Ciceronis sit, illud alterum per litteras, Massilie in exsilio erat Milo. itaque sua sponte intelligitur, cum per litteras questum esse apud amicos: infra tamen litteræ ejus memorantur.

⁴⁸ Malus emtor alienus.] Grævius putat et alienus. bene. Edd. pr. alienis. male.

⁴⁹ Mancipiis - - spoliaret.] Quod in iis pars esset bonorum Milonis emtorum, eaque adeo emtori deberentur.

⁵⁰ Cautum ille esse voluisset.] Atibi non additur esse in hac forma: nec bene sonat h. l. sæpe hoc esse a glossatoribus vel librariis additum est. Cautum voluerat Fauste, uxori, de dote.

⁵¹ Ipsi nos.] Qui sumus socii Philotimi in istis bonis emtis. itaque infra dicit: ex fide, fama, reque mea.

⁵² Scribuntur s. majora.] I. a scribentibus augentur, ut sit, quæ sunt leviora, ut infra dicit.

⁵³ Ad Camillum, ad Lamiam.] Camillum prædátorem et hujus rei peritum. Lamiam, nobilem illum apud Ciceronem? an alium? negotia quidem illum in Asia habuisse, atque adeo rei pecuniarie peritum fuisse, ex epp. ad Div. constat.

meus amicus Eutychides opipare et φιλοπροσπένεσθαι nobis congesse-
rant, epulati essemus Saliarem in modum. Actio
maluimus iter facere pedibus, qui incommodissime navi-
gassemus: et Leucatam flectere molestum videbatur. ac-
tuariis autem minutis, Patras accedere ⁵⁴ sine his impedi-
mentis, non satis visum est decorum. Ego, ut sæpe tu me
currentem hortatus es, quotidie meditor, præcipio meis,
faciam denique, ut summa modestia et summa abstinencia
⁵⁵ munus hoc extraordinarium traducamus. Parthus, velim,
quiescat, et fortuna nos juvet: nostra præstabimus. Tu,
quæso, quid agas, ubi quoque tempore futurus sis, quales
res nostras Romæ reliqueris, ⁵⁶ maxime de xx et dccc,
cura ut sciamus. id unis diligenter litteris datis, quæ ad me
utique perferantur, consequere. Illud tamen (quoniam nunc
abes, cum id non agitur: aderis autem ad tempus, ut mihi
rescripsisti) memento curare per te, et per omnes nostros,
in primis per Hortensium, ut ⁵⁷ annus noster maneat suo
b. statu, ne quid novi decernatur. hoc tibi ita mando, ut dubi-
tem, an etiam te rogem, ut pugnes, ⁵⁸ ne intercaletur. sed
non audeo tibi omnia onera imponere annum quidem utique
teneto. Cicero meus, modestissimus et suavissimus puer,
tibi salutem dicit. Dionysium semper equidem, ut scis,
dilexi, sed quotidie pluris facio, et mehercule in primis,
quod te amat, nec tui mentionem intermittere sinit.

10

CICERO ATTICO S.

UT Athenas a. d. vii Kal. Quint. veneram, exspectabam
ibi jam quartum diem Pomtinum: neque de ejus adventu
certi quicquam habebam: eram autem totus, crede mihi,
tecum: et quamquam ⁵⁹ sine his per me ipse, tamen acrius,
vestigiis tuis monitus, de te cogitabam. quid quæris? non
mehercule alius ullus sermo, nisi de te. sed tu aliquid ⁶⁰ de

⁵⁴ Sine his impedimentis.] Lictoribus
et aliis, quæ ad pompam proconsulis per-
tinerent et ad dignam speciem ejus.

⁵⁵ Munus hoc extraordinarium.] Pro-
consulatum, quem gereret alio, quam mos
esset, h. e. post magistratum urbanum,
tempore.

⁵⁶ Maxime de xx et de dccc.] Alterum
de delevi, quod supra non additum est,
nec in numeris talibus interponitur, sc. qui
unius summe nomen exprimunt. Edd.
pr. valde in his numeris vitiosi sunt, unde
illud de natum est, tamquam duæ diversæ

summe essent.

⁵⁷ Annus maneat suo statu.] I. e. con-
ditione ea, qua accepi, nempe ut unus sit.
v. ad Div. VIII, 7.

⁵⁸ Ne intercaletur.] Sc. ne anno meo
ex intercalatione aliquot dies accedant.
cf. cp. 13. vox annum utique teneto;
saltem hoc ellice, ut unus annus provincie
maneat.

⁵⁹ Sine his, per me ipse, &c.] Sine his int.
Athenis, vestigiis tuis monitus, locis iis in
urbe, in quibus tu versari solitus esses, &c.

⁶⁰ De me ipso scire, &c.] Hæc lectio

me scire fortasse mavis. hæc sunt. Adhuc sumtus nec in me aut publice, aut privatim, nec in quemquam comitum. nihil accipitur lege Julia, nihil ab hospite. persuasum est omnibus meis, serviendum esse famæ meæ. belle adhuc. Hoc animadversum, Græcorum laude et multo sermone celebratur. Quod superest, elaboratur in hoc a me, sicut tibi sensi placere. sed hæc tum laudemus, cum erunt perorata. Reliqua sunt ejusmodi, ut meum consilium sæpe reprehendam, quod non aliqua ratione ex hoc negotio emergerim. o rem minime aptam meis moribus! o illum verum, *ἔρδοι τις!* Dices, quid adhuc? nondum in negotio versaris. nescio; et puto molestiora restare: etsi hæc ipsa fero equidem ⁶¹ fronte, ut puto, et vultu, bellissime; sed angor intimis sensibus: ita multa vel iracunde, vel insolenter, vel in ^{p. 73.} omni genere stultitiæ insulse, arroganter ⁶² et dicuntur et ⁶³ tacentur quotidie. quæ, non quo te colem, non perscribo, sed quia *δυσεξίμητα* sunt. itaque admirabere meam *βαδύτητα*, cum salvi redierimus: tanta mihi *μελέτη* hujus virtutis datur. ergo hæc quoque hactenus. ⁶⁴ Etsi mihi nihil erat propositum ad scribendum; quia, quid ageres, ubi terrarum esses, ne suspicabar quidem: nec hercule umquam tam diu ⁶⁵ ignarus rerum mearum fui; quid de Cæsaris, quid de Milonis nominibus actum sit: ac non modo nemo, sed ne rumor quidem quisquam, ut sciremus, in republica quid ageretur. quare si quid erit, quod scias de iis rebus, quas putabis scire me velle, per mihi gratum erit, si id curaris ad me perferendum. Quid est præterea? nihil sane, nisi illud: valde me Athenæ delectarunt: urbs duntaxat, et ⁶⁵ urbis ornamentum, et hominum amores in te, et in nos quædam benivolentia; sed multum est philosophia. *ἀνω κάτω* si quid est, est in Aristo, apud quem eram. nam Xenonem tuum, vel nostrum potius, Quinto concesseram: et tamen

a Jensonio est. Ed. Rom., ut codd. quidam, de ipso. Scripsi cum Grævio de me, deleto ipso, oppositur de me: itaque ipso hic locum non habet.

61 Fronte, ut puto, et volo.] Et volo est a Bosio, qui in libris scr. reperit. restitui veterem et veram edd. lectionem et vultu. frons et vultus sic sæpe junguntur ap. Ciceronem, ut: simulatio facillime sustinetur fronte atque vultu, ad Div. 1, 9.

62 Et dicuntur et tacentur.] A meis. dicitur autem proverbii modo. alias aptius

foret, dicuntur et aguntur. sed nihil mutandum.

63 Etsi mihi n. e. p. ad scribendum.] Est h. l. oratio *ἀνακρίλουτος*.

64 Ignarus rerum mearum.] Intelligit ea, quæ post dicit nomina Milonis et Cæsaris, quæ an et quomodo explicata essent, scire cupiebat. de istis nominibus supra est.

65 Urbis ornamentum.] Quodnam? imo ornamenta.

propter vicinitatem totos dies simul eramus invicem. Cum primum poteris, tua consilia ad me scribas; ut sciam, quid agas, ⁶⁶ubi quoque, et maxime quando Romæ futurus sis.

11

CICERO ATTICO S.

HUI! totiesne me litteras dedisse Romam, cum ad te nullas darem? at vero posthac frustra potius dabo, quam si recte dari potuerint, committam, ut non dem. Ne provincia nobis prorogetur, per fortunas! dum ades, quidquid
 b. provideri potest, provide. Non dici potest, quam flagrem desiderio urbis, quam vix harum rerum insulsiatam feram.
⁶⁷ Marcellus fœde de Comensi. ⁶⁸ etsi ille magistratum non gesserat; erat tamen Transpadanus. ita mihi videtur non minus stomachi nostro ac Cæsari fecisse. sed hoc ipse viderit. Pompeius mihi quoque videbatur, quod scribis Varonem dicere, ⁶⁹ in Hispaniam certe iturus. id ego minime probabam; qui quidem Theophani facile persuasi, nihil esse melius, quam nusquam illum discedere. ergo Græcus incumbet. valet autem auctoritas ejus apud illum plurimum. Ego has pridie Nonas Quint. proficiscens Athenis dedi; cum ibi decem ipsos fuisset dies. Venerat Pomtinus: una Cn. Volusius: aderat quæstor: tuus unus Tullius aberat. ἀφρακτα Rhodiorum, et dicrota Mytilenæorum habebam: ⁷⁰ et aliquid ἐπικὸν δέ. De Parthis erat silentium. quod superest, dii juvent. Nos adhuc iter per Græciam summa cum admiratione fecimus. nec mehercule habeo, quod adhuc quem accusem meorum. videntur mihi nosse nos, nostram causam, et conditionem profectionis suæ. plane serviunt existimationi meæ. Quod superest, si verum illud est: οἷα γ' ἡ δέσποινα, certe permanebunt. nihil

⁶⁶ *Ubi quoque.*] Quid hic est quoque? excidisse pulo tempore. nam certe intelligi deberet: quod insolitam est ac durum.

⁶⁷ *Marcellus fœde de Comensi.*] Quem ille male tractavit, forte virgis cecidit. Ceterum hæc lectio est a Bosio e vestigiis librorum veterum ser. et edd. qui hic mire corrupti sunt.

⁶⁸ *Etsi ille magistratum non gesserat.*] Fdidi gesserat pro vulgato gesserit, postulante latinitate; sed et e libris ita commemoratur. Sensus est: non poterat ille pro cive agnosci, quia nondum magistratus in civitate sua fuerat, per quem Latini accipiebant civitatem Romanam: tamen

erat Latinus, quia Transpadanus erat, nec sic debebat tractari. — Mox nostro est Pompeio.

⁶⁹ *In Hispaniam certe.*] Si non in aliam provinciam, tamen in Hispaniam.

⁷⁰ *Et aliquid ἐπικὸν δέ.*] Sic libri antiqui, oisi quod est ἐπικὸν σου, uno tenore. sensum facit Tunstallus, p. 133, huic: oportet aliquid gerere me illustre, dignum carmine epico. quæ sententia per se bona est, sed huic loco non nimis apto videtur. Sed tamen melior iis, quæ e correctioibus Victorii ἐπικαππων, et Bosii ἐπὶ ἄλλων δέ, sunt; neutra placet.

enim a me fieri ita videbunt, ut sibi sit delinquendi locus. sin id parum pro fuerit, fiet aliquid a nobis severius. nam adhuc lenitate dulces sumus; et, ut spero, proficimus aliquantum. sed ego hanc, ⁷¹ ut singuli dicunt, ἀνέξιν in unum annum meditatus sum. proinde pugna, ne, si quid prorogatum sit, turpis inveniar. Nunc redeo ad quæ mihi mandas: ⁷² ni præfectis excusationi sis, quos voles deserto. non ero tam μετέωρος, ⁷³ quam in Apuleio fui. Xenonem tam diligo, quam tu: quod ipsum sentire certo scio. Apud Patronem ⁷⁴ et p. 74. reliquos barones te in maxima gratia posui: et hercule a. merito tuo feci. nam mihi is, ter, dixit, te scripsisse ad se, mihi ex illius litteris rem illam euræ fuisse, quod ei pergratum erat. sed cum Patron mecum egisset, ut peterem a vestro Ariopago, ὑπομνηματισμὸν tollerent, quem Polycharmo prætore fecerant; commodius visum est et Xenoni, et post ipsi Patroni, me ad Memmium scribere, qui pridie, quam ego Athenas veni, Mitylenas profectus erat, ut is ad suos scriberet, posse id sua voluntate fieri. non enim dubitabat Xeno, quin ab Ariopagitis invito Memmio impetrari non posset. Memmius autem ædificandi consilium abjecerat: sed erat Patroni iratus. itaque scripsi ad eum accurate: ⁷⁵ ejus epistolæ misi ad te exemplum. Tu, velim, Piliam meis verbis consolere: indicabo enim tibi: tu illi nihil dixeris. Acepi fasciculum, in quo erat epistola Pilæ: abstuli, aperui, legi: ⁷⁶ valde scripta est συμπαθῶς. Brundisio quæ tibi epistolæ redditæ sunt sine mea, ⁷⁷ tum videlicet datas, cum ego me non belle haberem. nam illam

71 Ut singuli dicunt.] Nempe meorum comitum. sive, ut omnes in tali causa et re dicere solent.

72 Ni præfectis - - deserto.] Hæc est lectio Bosii, sed e Ms. sensum facit: si non postulas, ut præfecti, quos tu vis a me fieri, vacent muneribus militariibus, et tantum nomen habeant, quos voles faciam. qui sensus bonus est: nam præfecti illi tales abutebantur hoc nomine ad injurias faciendas, præsertim in pecuniis exigendis, ut negotiatores, de quo videbimus infra. Sed latinitas durior est, ni excusationi sis, malim: in præfectis excusatio ni sit, vel ni excusatio sit. antiqua edd. lectio est, in præfectis excusatio iis, quos voles, deserto, quam Grævius, etsi vitiosam, servavit.

73 Quam in Apuleio fui.] Quem sc. mihi commendasti, ut præfecturam ei da-

rem. Apuleius negotiator videtur esse, qui et prædicator, cujus mentio XII, 13. 17.

74 Et reliquos barones.] Sic Epicureos dicit. est autem hæc lectio edd. pr. pro quo libri quidam varones, quod Bosius et alii, etiam Tunstallus, præferunt: sed est modo diversa scriptura. v. baro in Clav.

75 Cujus epistolæ.] Est ea, quæ prima est L. XIII, ad Div.

76 Valde scripta est συμπαθῶς.] Forte rectius erat: nam miserat eum fasciculo clauso ad Piliam.

77 Tum videlicet datas.] Sio edd. pr. aliæ data, quod servavit Grævius. Putem fuisse: tum v. data sunt, excusat scilicet se, quod sine sua illæ venerint ad Atticum, quia non belle se habuerit, nam intelligi sunt, durius est h. l.

⁷⁸ ῥομανανδρίαν excusationem ne acceperis. Cura, ut omnia sciam, sed maximè, ut valeas.

12

CICERO ATTICO S.

NEGOTIUM magnum est navigare, atque id mense Quintili. sexto die Delum Athenis venimus. pridie Nonas Quintil. a Piræeo ad Zostera, vento molesto, qui nos ibidem Nonis tenuit. A. d. VIII Idus ad Ceo jucunde. inde Gyarum sævo vento, non adverso: hinc Scyrum, inde Delum, utroque citius, quam vellemus, ⁷⁹ cursum confecimus.

- b. Jam nosti ἀφρακτα Rhodiorum. nihil, quod minus fluctum ferre possit. itaque erat in animo nihil festinare, ⁸⁰ Delo nec movere, nisi ⁸¹ omnia ἀκρωτηρίων οὖρα vidissem. ⁸² De Messala ad te statim, ut audivi, de Gyaro dedi litteras: et id ipsum consilium nostrum etiam ad Hortensium: cui quidem valde συνηγωνίων. sed tuas de ejus judicii sermonibus, et mchercule omni de reipublicæ statu litteras exspecto, πολιτικώτερον quidem scriptas, (quoniam ⁸³ meos cum Thallumeto nostro pervolutas libros,) ejusmodi inquam litteras, ex quibus ego, non quid fiat, (nam id vel Helenius, ⁸⁴ vir gravissimus, potest efficere, cliens tuus,) sed quid futurum sit. etiam cum hæc leges, habebimus consules. omnia per-spicere poteris, de Cæsare, de Pompeio, de ipsis judiciis. Nostra autem negotia, quoniam Romæ commoraris, amabo te, explica. Cui rei fugerat me rescribere, de struc laterum, plane rogo. ⁸⁵ De aqua, si quid poterit fieri, eo sis animo, quo soles esse: quam ego cum mea sponte, tum tuis sermonibus æstimo plurimi. ⁸⁶ ergo aliquid conficies. Præterea, si quid Philippus rogavit, quod in sua re faceres, id velim facias. Plura scribam ad te, cum constitero: nunc eram plane in medio mari.

⁷⁸ ῥομανανδρίαν.] V. Ind. Græc. Ed. Rom. addit me.

⁷⁹ Cursum confecimus.] Hoc mihi videtur esse glossatoris.

⁸⁰ Delo nec me movere.] Me aberat Mss. Balliol. Helnst. placebatque Grævio. recte.

⁸¹ Omnia ἀκρ.] Sic edd. pr. recte. omnia οὖρα. Bosius fecit omnia, quod et Gruterus secutus est. non bene. illa οὖρα non sunt signa bona, sed res ipsa, ventus secundus.

⁸² De Messala.] Reo ambitus, VIII, 2.

4. ejus avunculus erat Hortensius, itaque ad hunc retulit consilium suum.

⁸³ Meos - libros.] Int. politicos. quæ lectio Attici indicabat, cum rei politicæ studiosum esse.

⁸⁴ Vir gravissimus.] Edd. pr. vir gravissimus. correxit e Mss. Malaspina. recte. dixit homo grat. non vir.

⁸⁵ De aqua.] Int. Crabra. de qua ad Div. XVI.

⁸⁶ Ergo quid conficies.] Victorinus edidit aliquid, quod secutus est Græv. bene.

CICERO ATTICO S.

13

EPHESUM venimus a. d. xi Kal. Sext. ⁸⁷sexagesimo et quingentesimo post pugnam Bovillam. navigavimus sine timore et sine nausea; sed tardius, propter aphractorum Rhodiorum imbecillitatem. De concursu legationum, privatorum, et de incredibili multitudine, quæ mihi jam Sami, sed mirabilem in modum Ephesi præsto fuit, aut audisse te puto, aut quid ad me attinet? ⁸⁸Verumtamen. ⁸⁹Decu-
 mani, ac si venissem cum imperio, Græci quasi Ephesio prætori se alacres obtulerunt. ex quo te intelligere certo scio, multorum annorum ⁹⁰ostentationes meas nunc in discrimen esse adductas. sed, ut spero, utemur ea palæstra, quam a te didicimus; omnibusque satisfacimus; et eo facilius, quod in nostra provincia confectæ sunt pactiones. ⁹¹Sed hactenus, præsertim cum cenanti mihi nuntiaret Cæsarius, se de nocte proficisci. Tua negotia Ephesi curæ mihi fuerunt: Thermoque, tametsi ante adventum meum liberalissime erat pollicitus tuis omnibus, tamen Philogenem et Scium tradidi; Apollonidiensem Xenonem commendavi. omnino omnia se facturum recepit. Ego præterea rationem Philogeni permutationis ejus, quam tecum feci, edidi. ergo hæc quoque hactenus. Redeo ad urbana. Per fortunas! quoniam Romæ maues, primum illud præfulci atque præmuni, quæso, ut simus annui; ne interealetur quidem. deinde exhauri mea mandata; maximeque, ⁹²si quid potest, de illo domestico, scrupulum, quem non ignoras; deinde de Cæsare: cujus in cupiditatem te auctore incubui; nec me piget. et, si intelligis, quam meum sit scire et curare, quid in republica fiat: fiat autem? immo vero etiam quid futurum sit, perscribe ad me omnia; sed diligentissime: in primisque, ecquid judiciorum status, aut factorum

87 Sexagesimo et quingentesimo post p. B.] Edd. pr. *sexagesimo et quinto*: vitiose sine dubio. illud edidit e Ms. Bosius. Pontedera in epist. antiquitatum Lat. et Gr. p. 321. supputatione sua conficit DLV dies. quæ supputatio si vera est, Cicero numerum plenum posuisse videri potest. *pugna Bovilla* est cædes Clodii.

88 Verumtamen.] Int. dicam, abrupte, ut alibi dictum in correctione.

89 Decumani, si venissem cum imp.] Edd. pr. *Decumanis venissem*. alii edidere ac si v. quod pro certo recepit Grævius. respondet sane bene alteri membro quasi

Eph. prætori. intelligendum autem est, in Asiam, ut ibi pro imperio agere possem: quod non erat.

90 Ostentationes meas.] De studio erga publicanos. — *tua palastra* i. e. tuis consiliis.

91 Sed hactenus.] Int. ista. Sed malim addi hæc, ut est nox. et int. scripsi.

92 Si quid potest, de illo domestico.] Ursinus malebat *potest*. Ed. Rom. habet *quoad potest. de illo domestico*, sc. de filia collocanda. debebat esse de i. d. scrupulo, quem: sed alterius collocaionis græcissantis et alia exempla sunt.

aut futurorum etiam, laboret. De aqua, si curæ est, si quid Philippus aget, animadvertas.

14

CICERO ATTICO S.

ANTEQUAM aliquo loco consedero, neque longas a me, neque semper mea manu litteras expectabis. cum autem erit spatium, utrumque præstabo. nunc iter conficiebamus æstuosa et pulverulenta via. Dederam Epheso pridie: has dedi Trallibus. In provincia mea fore me putabam Kal. Sextilibus. ex ea die, si me amas, ⁹³παράπηγμα ἐναύσιον commoveto. tamen interea hæc, quæ vellem, mihi afferebantur: primum otium Parthicum, dein consecræ pactiones publicanorum, postremo seditio militum sedata ab Appio, stipendiumque eis usque ad Idus Quint. persolutum. Nos Asia accepit admirabiliter. adventus noster nemini ne minimo quidem fuit sumtui. spero meos omnes servire laudi meæ. tamen magno timore sum: sed bene speramus. omnes jam nostri, præter Tullium tuum, ⁹⁴venerunt. erat mihi in animo recta proficisci ad exercitum, æstivos menses reliquos rei militari dare, hibernos jurisdictioni. Tu, velim, si me nihilo minus nosti curiosum in republica, quam te, scribas ad me omnia, quæ sint, quæ futura sint. nihil mihi gratius facere potes: nisi tamen id erit mihi gratissimum, si, quæ tibi mandavi, confeceris; in primisque illud ἐνδύμυχον, quo ⁹⁵mihi scis nihil esse carius. Habes epistolam plenam festinationis et pulveris. reliquæ subtiliores erunt.

15

CICERO ATTICO S.

LAODICEAM veni pridie Kal. Sext. ex hoc die clavum anni movebis. nihil exoptatius adventu meo, nihil carius, sed est incredibile, quam me negotii tædeat. ⁹⁶non habet satis magnum campum ille tibi non ignotus cursus animi, et industriæ meæ præclara opera cessat. quippe, jus Laodiceæ me dicere, cum Romæ A. Plotius dicat? et cum

p. 76.
a.

⁹³ Παράπηγμα ἐναύσιον commoveto.] lim venerant.

Primus græca edidit Cratander. intellexere viri docti, sermonem esse de gnomone; in epist. seq. est clavum anni movere. Sed ei rei non aptum est παράπηγμα. Tunstallus, p. 128. rectissime correxit παράπνηγμα, quod nos recipere, propter evidentiam rei, non dubitavimus. v. Ind. Gr.

⁹⁴ Venerunt.] Propter sequentia ma-

⁹⁵ Mihi scis nihil esse carius.] Int. majoris curæ: est enim τὸ ἐνδύμυχον ille, quem ante, ep. 13. dixerat scrupulum domesticum. infra, ep. 17. vocat domesticam et maximam curam suam.

⁹⁶ Non habet - - cessat.] Sic cum Grævio edidi, qui habet in Mss. Balliol. et Helmstad. reperit, cessat in hoc. habet et in cd. Rom. est.

exercitum ⁹⁷ noster amicus habeat tantum, me nomen habere duarum legionum exilium? denique hæc non desidero; lucem, forum, urbem, domum, vos desidero. sed feram, ut potero: sit modo annuum. si prorogatur, actum est. verum persfacile resisti potest. tu modo Romæ sis. Quæris, quid hic agam? ita vivam, ⁹⁸ ut maximos sumtus facio. mirifice delector hoc instituto. admirabilis abstinentia ex præceptis tuis: ut verear, ne illud, ⁹⁹ quod tecum permutavi, versura mihi solvendum sit. Appii vulnera non refrico: sed apparent, nec oculi possunt. iter Laodicea faciebam a. d. 111 Non. Sext. cum has litteras dabam, in castra in Lycaoniam: inde ad Taurum cogitabam, ut cum Moeragene signis collatis, si possem, de servo tuo deciderem. clitellæ bovi sunt impositæ, plane non est nostrum onus: sed feremus: modo, si me amas, sit annuum. adsis tu ad tempus, ut senatum totum excites. mirifice sollicitus sum, quod jam diu ignota sunt mihi ista omnia. quare, ut ad te ante scripsi, cum cetera, tum respublica, cura, ut mihi nota sit. ¹⁰⁰ Plura scribebam tarde reddituro. sed dabam familiari homini ac domestico, C. Andronico Puteolano. tu autem sæpe dare tabellariis publicanorum poteris, per magistros scripturæ et portus ¹ nostrarum dioecesium.

CICERO ATTICO S.

16

ETSI in ipso itinere et via discedebant publicanorum tabellarii, et eramus in cursu: tamen surripiendum aliquid putavi spatii, ne me immemorem mandati tui putares. itaque subsedi in ipsa via, dum hæc, quæ longiorem desiderant orationem, summatim tibi perscriberem. Maxima expectatione in perditam et plane eversam in perpetuum provinciam nos venisse scito pridie Kal. Sextiles. moratus triduum Laodiceæ, triduum Apameæ, totidem dies Synnade, audivimus nihil aliud, nisi ² imperata ἐπικεφάλαια sol-

⁹⁷ Noster amicus.] Bibulum alii, alii alium intelligunt. ironice dictum esse patet. igitur de Pompeio et Cæsare non cogitandum.

⁹⁸ Ut maximus sumtus facio.] Nempe, de meo, patet e sqq.

⁹⁹ Quod tecum permutavi.] Quam pecuniam tu mihi mutuam dedisti per procuratores tuos in provincia, eam e fructibus provincie reddere iis non possum. nempe litteris suis Cicero pecunias as-

signaverat; quod in permutatione intelligitur.

¹⁰⁰ Plura scribebam tarde reddituro.] Scribebam pro scribam dedi, quod in aliquot Mss. repertum est. id requirit sequens dabam.

¹ Nostrarum dioecesium.] Asiaticarum illarum trium, quæ Cilicie provincie Ciceronis, adjectæ erant, ut in ep. ad Div. tradit XIII. 53. 67.

² Imp. ἐπεκεφ. solvere non posse.] Ver-

vere non posse: *ὥρας* omnium venditas: civitatum gemitus, ploratus: monstra quædam non hominis, sed feræ nescio ejus immanis. Quid quæris? ³ tædet omnium nos vitæ. levantur tamen miseræ civitates, quod nullus sit sumtus in nos, neque in legatos, neque in quæstorem, neque in quemquam. scito, non modo nos fœnum, aut quod lēge Julia dari solet, non accipere, sed ne ligna quidem; nec, præter quatuor lectos et tectum, quemquam accipere quidquam: multis locis ne tectum quidem, et in tabernaculo manere plerumque. itaque incredibilem in modum concursus fiunt ex agris, ex vicis, ⁴ ex domibus omnibus. uchercule etiam, adventu nostro, reviviscunt; justitia, abstinentia, clementia tui Ciceronis. itaque opiniones omnium superavit. Appius, ut audivit nos venire, in ultimam provinciam se coniecit Tarsum usque: ibi forum agit. De Partho silentium est: sed tamen concisos equites nostros a barbaris nuntiabant ii, qui veniebant. Bibulus ne cogitabat quidem etiam nunc in provinciam suam accedere. id autem facere ob eam causam dicebant, quod tardius vellet decedere. Nos in castra properabamus, quæ aberant bidui.

17

CICERO ATTICO S.

p. 77. ^a ACCEPI Roma sine epistola tua fasciculum litterarum: in quo, si modo valuisti, et Romæ fuisti, Philotimi duco esse culpam, non tuam. hanc epistolam dictavi sedens in rheda, cum in castra proficiscerer, a quibus aberam bidui. ⁵ paucis diebus habebam certos homines, quibus darem litteras. itaque eo me servavi. Nos, tametsi hoc te ex aliis audire malo, sic in provincia nos gerimus, quod ad abstinentiam attinet, ut ⁶ nullus teruncius insumatur in quemquam. id fit etiam et legatorum, et tribunorum, et præfectorum diligentia. nam omnes mirifice *συμφιλοδοξοῦσιν*

ba solvere non posse mihi suspecta sunt et insititia videntur. omnino tributa in capita odiosa fuere, ut Cicero alibi dicit in epp. ad Div. et sequentia genera omnia simpliciter dicuntur.—*ὧραι* sunt possessiones, quod ipsum verbum est in ed. Jens. et aliis inde ductis. Ed. Rom. habet latinis litteris onas.

³ Tædet omnium nos vitæ.] Hoc nihili est. Conjecturæ variae sunt, probo eam, quæ t. omnino eos vitæ corrigendum putat. Infra dicuntur reviviscere.

⁴ Ex domibus.] In hoc sæpe hæsi: conieci et oppidis.

⁵ Paucis diebus habebam.] Pro habiturus eram, nisi inde per contractionem factum habebam: ut perfecta infinitivi passivi confluxere interdum in libris in activa, v. c. *habitu* esse in *habuisse*.—itaque eo me servavi, i. e. eo distuli scribere ipse, quæ per librarium scribi nolui.

⁶ Nullus t. insumatur in quemq.] Sc. a provincialibus in quemquam meorum.

gloriæ meæ. Lepta noster mirificus est. Sed nunc pro-
 pero. perscribam ad te paucis diebus omnia. Cicerones
 nostros Deiotarus filius, qui rex ab senatu appellatus
 est, secum in regnum. dum in æstivis nos essemus, il-
 lum pueris locum esse bellissimum duximus. Sextius ad
 me scripsit, quæ tecum esset de mea domestica et maxima
 cura locutus, et quid tibi esset visum. amabo te, incumbe
 in eam rem, et ad me scribe, ⁷quid et possit, et tu cen-
 seas. Idem scripsit, Hortensium de proroganda nostra
 provincia dixisse nescio quid. mihi in Cumano, diligentis-
 sime, se, ut, annui essemus, defensurum, receperat. si quic-
 quam me amas, hunc locum muni. dici non potest, quam
 invitum a vobis absim. et simul hanc gloriam justitiæ et ab-
 stinentiæ fore illustriorem spero, si cito decesserimus: id
 quod Scævola contigit, qui solos novem menses Asiæ præ-
 fuit. Appius noster, cum me adventare videret, profectus
 est Tarsum usque Laodicea. ibi forum agit, cum ego sim in b.
 provincia; quam ejus injuriam non insector. satis enim
 habeo negotii in sanandis vulneribus, quæ sunt imposita
 provinciæ. quod, do operam, ut faciam quam minima illius
 contumelia. sed hoc ⁸Bruto nostro velim dicas, illum fe-
 cisse non belle, qui adventu meo, quam longissime potu-
 erit, discesserit.

CICERO ATTICO S.

18

QUAM vellem Romæ esses, si forte non es: ⁹nihil
 enim certi habebamus, nisi accepisse nos tuas litteras a. d.
 XIII Kal. Sext. datas: in quibus scriptum esset, te in
 Epirum iturum circiter Kal. Sextiles. sed, sive Romæ es,
 sive in Epiro, Parthi Euphraten transierunt duce Pacoro,
¹⁰Orodi, regis Parthorum, filio, cunctis fere copiis. Bibu-
 lus nondum audiebatur esse in Syria. Cassius in oppido
 Antiochiæ cum omni exercitu. nos in Cappadocia ad Tau-
 rum cum exercitu ad Cybistra. hostis in Cyrrhestica; quæ

⁷ Quid et possit et tu censeas.] Possit
 intelligunt fieri. Sed id est in censeas.
 quia in hoc additur tu, videtur et in pri-
 mo membro pronomen fuisse. forte scrip-
 sit Cicero: quid ille possit et tu censeas.
 ita primum referetur ad illud: quæ esset
 de mea -- cura tecum locutus, alterum ad
 hoc: quid tibi esset visum.

⁸ Bruto nostro.] Marco, qui fuit Ap-
 pii gener.

⁹ Nihil certi habebamus, nisi accepisse
 nos tuas litteras, &c.] Non hæc bene co-
 hærent. nam illud nihil certi habebamus est,
 nihil certi sciebamus, cognoramus nuntiis
 aut litteris, de ea re, Romæ sit, nec ne.
 Sed ei non convenit. nisi accepisse nos t. l.
 itaque mihi verba accepisse nos suspecta
 sunt, quibus deletis omnia plana forent.

¹⁰ Orodi.] V. ad ep. 21.

Syria pars proxima est provinciae meae. his de rebus scripsi ad senatum: quas litteras, si Romae es, videbis, putesne reddendas, et multa, immo omnia: quorum κεφάλαιον, ne quid inter cæsa et porrecta, ut ajunt, oneris mihi addatur aut temporis. nobis enim, hac infirmitate exercitus, inopia sociorum, praesertim fidelium, certissimum subsidium est hiems. ea si venerit, nec illi ante in meam provinciam transierint, unum vereor, ne senatus, propter urbanarum rerum metum, Pompeium ¹¹nolit dimittere. quodsi alium ^{a.} ad ver mittit, non laboro: nobis modo temporis ne quid prorogetur. Hæc igitur, si Romae es: sin abes, aut etiam si ades; hæc negotia sic se habent. Stamus animis, et, quia consiliis, ut videmur, bonis utimur, ¹²speramus etiam manu, ¹³tuto consedimus, copioso a frumento, Ciliciam prope conspiciente, expedito ad mutandum, loco; parvo exercitu; sed, ut spero, ad benivolentiam erga nos consentiente: quem nos, Deiotari adventu cum suis omnibus copiis, duplicaturi eramus. Sociis multo fidelioribus utimur, ¹⁴quam quisquam usus esset: quibus incredibilis videtur et nostra mansuetudo et abstinencia. delectus habetur civium Romanorum: frumentum ex agris in loca tuta comportatur. si fuerit occasio, manu; sin minus, locis nos defendemus. quare bono animo es. video enim te, et, quasi coram adsis, ita cerno συμπάθειαν amoris tui. sed te rogo, (si ullo pacto fieri poterit,) si integra in senatu nostra causa ad Kal. Jan. manserit, ut Romae sis mense Januario. profecto nihil accipiam injuriæ, si tu aderis. amicos consules habemus, nostrum tribunum plebis Furnium. verum tua est opus assiduitate, prudentia, gratia. tempus est necessarium. sed turpe est, me pluribus verbis agere tecum. Cicerones nostri sunt apud Deiotarum; sed, si opus erit, deducuntur Rhodum. Tu, si es Romae; ut soles, diligentissime: si in Epiro; mitte tamen ad nos de tuis aliquem ta-

11 Nolit dimittere.] Ad bellum contra Parthos gerendam, aut in provinciam aliam, v. infra, ep. 21.

12 Speramus etiam manu.] Manu opponitur animis. Stamus animis, et manu. sed hic nexus velut divellitur forma illa, et speramus etiam manu: firmetur, si addatur ut: ut speramus. sed et sic aliquid duri est.

13 Tutto consedimus, &c.] Ed. Rom. addit: in Amiano, cujus lectionis apud

Manutium mentio: illi, Ciliciam prope conspiciente, satis convenit, item ei, quod infra est, locis nos defendemus. Sed videtur natum ex etiam manu. nam tum in Amiano fuisse non videtur.

14 Quam quisquam usus esset.] Faerni liber habebat est, quod ipso et Ursinus praeferebat: idque et mihi olim, primum legenti, in mentem venit: sed esset verum est: quam quisquam alius, nostro loco missus, usus esset.

bellarium; ut et tu, quid nos agamus, et nos, quid tu agas, quidque acturus sis, scire possimus. Ego ¹⁵ tui Bruti rem sic ago, ut suam ipse non ageret. ¹⁶ sed jam exhibeo pupillum, neque defendo. sunt enim negotia et lenta, et inania. faciam tamen satis. tibi quidem, cui difficilius est, quam ipsi. sed certe satisfaciam utrique.

CICERO ATTICO S.

19

OBSIGNARAM jam epistolam eam, quam puto te modo perlegisse, scriptam mea manu, in qua omnia continentur, cum subito Appii tabellarius a. d. xi Kal. Octob. septimo quadragesimo die Roma celeriter (hui tam longe!) mihi tuas litteras reddidit. ex quibus non dubito, quin tu Pompeium exspectaris, dum Arimino rediret, et jam in Epirum profectus sis: magisque vereor, ut scribis, ne in Epiro sollicitus sis non minus, quam nos hic sumus. ¹⁷ De Attelliano nomine scripsi ad Philotimum, ¹⁸ ne appellaret Messalam. Itineris nostri famam ad te pervenisse lætor, magisque lætabor, si reliqua cognoris. Filiolam tuam tibi jam Romæ jucundam esse gaudeo; eamque, quam nunquam vidi, tamen et amo, et amabilem esse certo scio. ¹⁹ etiam atque etiam valet, Patron, et tui condiscipuli. Quæ de Tarentinis in militia laboravi, ea tibi grata esse gaudeo. Quod scribis libente te ²⁰ repulsam tulisse cum, qui cum sororis tuæ filii patruo certaret; magni amoris signum. itaque me etiam admonuisti, ut gauderem. nam mihi in mentem non venerat. non credo, inquis. ut libet: sed plane gaudeo: quoniam τὸ νερμεσῶν interest τοῦ φθονεῖν.

15 Tui Bruti rem.] Pecuniariam. ei debebat Ariobarzanes. cf. VI, 1.

16 Sed jam exhibeo pupillum.] Int. Ariobarzane, cujus tutelam susceperat, ut est l. c. alludit ad factum illud suum, cum in judicio Ser. Gallum exhibuerat iudicibus ad misericordiam movendam in judicio patris. Sed quid est neque defendo? nam illud exhibeo pertinet ad defendendum. an legendum atque? nihil melius video. nam et causa defensionis subjicitur.

17 De Attelliano nomine.] Corrigit viri docti Atikiano.

18 Ne appellaret Messalam.] Qui videtur sponsor pro Atilio fuisse.

19 Etiam atque etiam valet Patron, &c.] Variant huc libri valde. Hæc lectio

ost a Bosio: quæ nec ipsa mihi probatur. nam Patron non erat apud Atticum. Tuustallus, p. 174. sic constituit: e. a. e. vale. De Patrone et tuis condiscipulis (hos ablativos habent edd. pr.) quæ de parietinis in militia laboravi, &c. ut hæc de Patrone, &c. epistola finita jam addiderit, cujus generis et alia exempla sunt in his epistolis. parietina etiam Manatio placere. nempe ex ad Div. XIII, 1. militiam intelligit peregrinationem suam ex VI, 2. in peregrinatione militave nostra. Non displicet.

20 Repulsam tulisse cum, &c.] In petitione auguratus. intelligit Hirrum et deinde sororis tuæ filii patruum semel ipsam. res est in epp. Cælii. pro certaret forte melius sit certavit.

SATURNALIBUS mane se mihi Pindenissæ dediderunt, septimo et quadragesimo die, postquam oppugnare eos coepimus. qui (malum) isti Pindenissæ? qui sunt? in-
 /p. 79. quics: nomen audiui numquam. ²² quid ego faciam? potui.
 a. Ciliciam, Ætoliā, aut Macedoniam reddere? hoc jam sic habeto, nec hoc exercitu hic tanta negotia geri potuisse. quæ cognosce *ἐν ἐπιτομῇ*. sic enim concedis mihi proximis litteris. Ephesum ut venerim, nosti; qui etiam mihi gratulatus es illius dici celebritatem, qua nihil me umquam delectavit magis. inde oppidis, iis, ²³ qua ieram, mirabiliter accepti, Laodiceam pridie Kal. Sext. venimus. ²⁴ ibi morati biduum, perillustres fuimus, ²⁵ honorificisque verbis omnis injurias revellimus superiores. quod idem dein Apameæ quinque dies morati, et Synnadis triduum, Philomeli quinque dies, Iconii decem, fecimus. nihil ea jurisdictione æquabilius, nihil lenius, nihil gravius. inde in castra veni a. d. VII Kal. Septemb. a. d. III exercitum lustravi apud Iconium. ex his castris, cum graves de Parthis ²⁶ nuntii venissent, perrexi in Ciliciam per Cappadociæ partem cam, quæ Ciliciam attingit, eo consilio, ut Armenius Artavasdes, et ipsi Parthi Cappadocia se excludi putarent. cum dies quinque ²⁷ ad Cybistra [Cappadociæ] castra habuissem, certior sum factus, Parthos ab illo aditu Cappadociæ longe abesse; Ciliciæ magis imminere. itaque confestim iter in Ciliciam feci per Tauri pylas. Tarsum veni a. d. III Non. Octob. inde ad Amanum contendi, qui Syriam ²⁸ a Cilicia ima aquarum divortio dividit; qui mons erat ²⁹ hostium plenus sempiternorum. hic a. d. III Idus Octob. magnum numerum hostium occidimus. castella munitissima, nocturno Pomtini adventu, nostro matutino, cepimus, incendimus. imperatores appellati sumus. castra paucos

²² Quid ego faciam? potui, &c.] Ms. Balliol. quid ergo f. quod recte placet Grævio. Ego locum sic constituerim: Quid ergo? non potui, &c. Ms. Helmst. habet non. edd. pr. numq. quod et ipsum non displicet.

²³ Qua ieram.] Malim ieramus. nam meri hic sunt plurales: et illud est e' correctione: edd. pr. quæ erant.

²⁴ Ibi morati biduum.] Ep. 16. est triduum

²⁵ Honorificisque verbis.] An in Appium?

²⁶ Nuntii venient.] Immo venissent.

²⁷ Ad Cybistra Cappadociæ.] Cappadociæ delendum puto.

²⁸ A Cilicia ima.] Ima abest ed. Jons. et aliis libris edd. et scr. In ed. Rom. est in. ima est a Bosio, qui in Ms. suo reperit. Grævius corrigit ultima: sed id redundat, ut opinor. puto delendum.

²⁹ Hostium sempiternorum.] Parthorum, quos et alibi sic appellat.

dies habuimus, ea ipsa, quæ contra Darium habuerat apud Issum Alexander, imperator haud paullo melior, quam aut tu, aut ego. ibi dies quinque morati, direpto et vastato ^{b.} Amano, inde discessimus. scis enim dici quædam *πανικά*, dici item *τὰ κενὰ τοῦ πολέμου*. rumore adventus nostri, et Cassio, qui Antiochia tenebatur, animus accessit, et Parthis timor injectus est. itaque eos, cedentes ab oppido, Cassius insecutus, rem bene gessit. qua in fuga, magna auctoritate Osaces, dux Parthorum, vulnus accepit, coque interiiit paucis post diebus. erat in Syria nostrum nomen in gratia. Venit interim Bibulus. credo voluit ³⁰ appellatione hae inani nobis esse par. in eodem Amano cepit laureolam in mustaceo quærere. at ille cohortem primam totam perdidit, centurionemque primipili, nobilem sui generis, Asinium Dentonem, et reliquos cohortis ejusdem, et Sex. Lucilium, T. Gavii Cæpionis, locupletis et splendidi hominis, filium, tribunum militum. sane plagam odiosam acceperat cum re, tum tempore. Nos Pindenissum, quod oppidum munitissimum Eleutheroecilium omnium memoria in armis fuit, (feri homines et acres, et omnibus rebus ad defendendum parati,) cinximus vallo et fossa: aggere maximo, vineis, turre altissima, magna tormentorum copia, multis sagittariis, magno labore, apparatu, multis sauciis nostris, incolumi exereitu, negotium confecimus. Hilara sane Saturnalia. militibus quoque, equis exceptis, reliquam prædam concessimus. mancipia vænibant ³¹ Saturnalibus tertiis. ³² Cum hic scribebam, in tribunali res erat ad H-S CXX. hinc exereitum in hiberna agri male pacati deducendum Quinto fratri dabam. ipse me Laodiceam recipiebam. Hæc adhuc. sed ad præterita revertamur. Quod me maxime hortaris, et, quod pluris est, quam omnia, in quo laboras, ut etiam ³³ Ligurino *μῶμῳ* satisfaciam: moriar, si quicquam fieri potest elegantius. nec jam ego hanc continentiam appello, quæ virtus voluptati resistere videtur. ego in vita mea nulla umquam voluptate tanta sum adfectus,

p. 80.
a.

30 Appellatione hac inani.] Imperatoris.

31 Saturnalibus tertiis.] Tertio Saturn. die. sic enim loquebantur, v. Gronov. ad Liv. XXX, 36.

32 C. h. scribebam in tribunali, res erat, &c.] An ergo hanc talem epistolam in tribunali sedens scripsit? Immo distinguendum post scribebam. In tribunali facta est

auctio: inde oi, cum ista scriberet, nuntiatum est de summa pecuniæ jam facta.

33 Ligurino *μῶμῳ*.] Unde Ligurinus dicatur Momus ille, nemo pro certo dixerit. Non displicet tamen Bosii ratio, qui a Græco *λειτουργία* ductum verbum putat; ut sit, qui ubique clamet. Ciceronem esse vanum hominem, et gloriosum.

quanta adficior hac integritate. nec me tam fama, quæ summa est, quam res ipsa, delectat. quid quæris? fuit tanti: me ipse non noram: nec satis sciebam, quid in hoc genere facere possem: recte *πεφυσίωμαι*. nihil est præclarius. ³⁴interim hæc *λαμπρά*. Ariobarzanes opera mea vivit, regnat. *ἐν παρόδῳ*, consilio, et auctoritate, et quod insidiatoribus ejus *ἀπρόσαιτον* me, non modo *ἄδωροδόκηρον* præbui, regem regnumque servavi. interea e Cappadocia ne pilum quidem. ³⁵[atque etiam spero toto anno imperii nostri teruncium sumtus in provincia nullum fore.] ³⁶Brutum abjectum, quantum potui, excitavi: quem non minus amo, quam tu; pæne dixi, quam te. Habes omnia. Nunc publice litteras Romam mittere parabam. uberiores erunt, quam si ex Amano misissem. at te Romæ non fore? ³⁷sed est totum, quod Kal. Mart. futurum est. vercor enim, ne, cum de provincia agetur, ³⁸si Cæsar resistat, nos retineamur. his tu si adesses, nihil timerem. Redeo ad urbana: quæ ego diu ignorans, ex tuis jucundissimis litteris a. d. v Kal. Jan. denique cognovi. eas diligentissime Philogenes, libertus tuus, curavit, perlonga et non satis tuta via, perferendas. nam quas Lenii pueris scribis datas, non acceperam. ³⁹Jucunde de Cæsare, et quæ senatus decrevit, et quæ tu speras: quibus ille si cedit, salvi sumus. Incendio Plætoriano ⁴⁰quod Scius ambustus est, minus moleste b. fero. Lucceius de Q. Cassio cur tam vehemens fuerit, et quid actum sit, ardeo scire. Ego, cum Laodiceam venero, Quinto, sororis tuæ filio, ⁴¹togam puram jubeor dare; ⁴²cui moderabor diligentius. Deiotarus, cujus auxiliis magnis

³⁴ *Interim hæc λαμπρά.*] Intelligo, contemno, parvi duco.

³⁵ *Atque etiam - fore.*] Hæc in edd. ante Malaspinam sunt post *pæne dixi quam te*. Malaspinam secuti sunt omnes. Jac. Gronovius in veterem locum reposuit.

³⁶ *Brutum abjectum - excitavi.*] Cum desperaret pecuniam, quam sibi Ariobarzanes deberet, se recepturum, Cicero effecit apud regem, ut pecuniam reddere vellet, ut primum posset.

³⁷ *Sed est totum, quod, &c.*] Sed omnia mihi in hoc sunt, quod Kal. Martii decerneret, de provinciis.

³⁸ *Si Cæsar resistet.*] Puto scribendum esse resistat.

³⁹ *Jucunde de Cæsare.*] Melius pnto jucunda.

⁴⁰ *Quod Leius adustus est.*] Sine dubio

legendum *ambustus*, quod est in hac re proprium et perpetuum verbum. nec dubitavi sic corrigere. est de judicio sermo. Sed *Leius* etiam vitiosum est. nomen hoc nuspiam occurrit. Scribendum *Seius*.

⁴¹ *Togam puram jubeor dare.*] Sc. a fratre, qui hoc ei mandaverat, ut est L. VI, 1. sed id tamen durius h. l. est, propter illud adjunctum, *cum Laodiceam venero*. *Jubeo* habet ed. Jensoni et seqq. ad Victorium usque, qui o Mss. dedit *jubeor*, quod etiam est in ed. Rom. est sane hoc quoque durum, *jubeo dare*: nam dabat ipse: unde infra, l. o., est *cogitabam dare*: sed dabat tamen per ministros ad tribunal. Deligat lector.

⁴² *C. moderabor diligentius.*] quam a patre factum est; et erat minus continens.

usus sum, ad me, ut scripsit, cum Ciceronibus Laodiceam venturus erat. Tuas etiam Epiroticas exspecto litteras; ut habeam rationem non modo negotii, verum etiam otii tui. Nicanor in officio est, et a me liberaliter tractatur: quem, ut puto, Romam cum litteris publicis mittam; ut et diligentius perferantur, et idem ad me certa de te et a te referat. Alexis quod mihi toties salutem adscribit, est gratum. sed cur non suis litteris idem facit, quod ⁴³meus ad te Alexis facit? Phemio quæritur *κέρως*. Sed hæc hactenus. Cura, ut valeas, et ut sciam, quando cogites Romam. etiam atque etiam vale. Tua, tuosque Thermo et præsens Ephesi diligentissime commendaram, et nunc per litteras: ipsumque intellexi esse perstudiosum tui. Tu velim, quod antea ad te scripsi, de domo Pammeni, des operam, ut, quod tuo meoque beneficio puer habet, cures, ne qua ratione convellatur. utrique nostrum honestum existimo; tum mihi erit pergratum.

CICERO ATTICO S.

21

TE in Epirum salvum venisse, et, ut scribis, ex sententia navigasse, vehementer gaudeo: non esse Romæ meo tempore pernecessario, submolesto fero: hoc me tamen consolor: non spero te istuc jucunde hiemare, ⁴⁴et libenter requiescere. Cassius, frater Q. Cassii, familiaris tui, pudentiores illas litteras miscrat, (de quibus tu ex me requiris, quid sibi voluerint,) quam eas, quas postea misit, quibus per se scribit confectum esse Parthicum bellum. Recesserant illi quidem ab Antiochia ante Bibuli adventum, sed nullo nostro *ἐννεμήματι*. hodie vero hiemant in Cyrrhestica, maximumque bellum impendet. nam et ⁴⁵Orodis, regis Parthorum, filius in provincia nostra est: nec dubitat Deiotarus, (cujus filio pacta est Artavasdis filia, ex quo sciri potest,) quin cum omnibus copiis ipse prima æstate Euphraten transiturus sit. quo autem die Cassii litteræ victrices in senatu recitatæ sunt, id est, nonis Octobribus, eodem meæ tumultum nuntiantes. Axius noster

p. 81.
a.

⁴³ *Meus Alexis.*] Est Tiro, quem Cicero eodem modo amabat, quo Atticus Alexin suum, et est in hoc quoque fortasse non proprium nomen.

⁴⁴ *Et libenter requiescere.*] Hoc delet Ursinus auctore Ms. vetere: placet Junio,

etiam mihi.

⁴⁵ *Orodes.*] Sic edd. pr. sed id vitiosum. Correxì *Orodis*, ut supra, ep. 18. fecimus ex Div. XV, 1. constantiæ causa. alii habent *Orodis*, ut ep. 18. Grævius dedit *Oroda*.

ait, nostras auctoritatis plenas fuisse; illis negat creditum. Bibuli nondum erant allatae: quas certo scio plenas timoris fore. Ex iis rebus hoc vereor, ne, cum Pompeius propter metum rerum novarum nusquam dimittatur, Caesari nullus honos a senatu habeatur; dum hic nodus expediatur, non putet senatus, nos, ⁴⁶ antequam successum sit, oportere decedere; nec in tanto motu rerum tantis provinciis singulos legatos praeesse. Hic, ne quid mihi prorogetur, ⁴⁷ quod ne intercessor quidem sustinere possit, horreo: atque eo magis, quod tu abes, qui consilio, gratia, studio multis rebus occurreres. ⁴⁸ Dices me ipsum mihi sollicitudinem struere. cogor: et velim ita sit. sed omnia metuo. etsi bellum ἀκροτελεύτιον habet illa tua epistola, quam dedisti nauseans Buthroto: *tibi, ut video et spero, nulla ad decedendum erit mora.* mallet, *ut video*: nihil opus fuit, *ut spero.*

- b. acceperam autem satis celeriter Iconii per publicanorum tabellarios a Lentuli triumpho datas. in his γλυκύπικρον illud confirmas, moram mihi nullam fore: deinde addis, si quid secus, te ⁴⁹ ad me [fore] venturum. ⁵⁰ angunt me dubitationes tuæ: simul et vides, quas acceperim litteras. nam quas Hermoni, centurionis Camulæ, ⁵¹ [ipse] scribis te dedisse, non accepi. Lenii pueris te dedisse, sæpe ad me scripseras. eas Laodiceæ denique, cum eo venissem, III Id. Febr. Lenius mihi reddidit, datas a. d. x Kal. Octobres. Lenio tuas commendationes et statim verbis et reliquo tempore re probabo. hæ litteræ cetera vetera habebant, unum hoc novum, de Cibyrtis pantheris. multum te amo, quod respondisti M. Octavio, te non putare. sed posthac omnia, quæ certa non crunt, pro certo negato. nos enim et

⁴⁶ *Antequam successum sit.*] Ante, quam de provinciis decretum factum sit: quod tum fieri nondum potuerat, inprimis propter Cæsarem.

⁴⁷ *Quod ne int. q. sustinere possit.*] I. e. intercedendo impedire sustineat, si maxime aliquem mihi intercessorem e tribunis parem. sc. quod de intercessione relatum iri putet.

⁴⁸ *Sed dices.*] Sed puto delendum. nam nuspiam additur, et ortum sine dubio est ex ultimis litteris in *occurreres* et prima in *sed*. Non dubitavi delere.

⁴⁹ *Ad me fore venturum.*] Sic edd. pr. alii dedere esse, e Faerni libro. valde defendunt illud fore, ut Grævius, et sunt

alia exempla. v. Clav. Sed tamen *angunt* Ciceronem nullum exemplum est, et est hic siue dubio a librariis e propinquo temere repetitum, sicut esse a glossatore additum. itaque saltem uncis inclusi.

⁵⁰ *Pungunt me dubitationes tuæ.*] Pungunt Victorius dicit, se ex antiquo Ms. dare. Sed erat jam in ed. Jensoni, quam hic deseruere sequentes editores, edideruntque ex Rom. *angunt*, quod et ipse restitui. *Pungere* dicitur de acri sensu ex aliqua re: de quo hic non est sermo; sed de sollicitudine continua: in qua est angere.

⁵¹ *Ipsæ scribis t. d.]* Cur ipse? nuspiam additur. nec in tali textu locum habet.

nostra sponte bene firmi, et mehercule auctoritate tua inflammati vicimus omnes (hoc tu ita reperies) cum abstinentia, tum justitia, facilitate, clementia. Cave putes quicquam homines magis umquam esse miratos, quam nullum teruncium, me obtinente provinciam, sumtus factum esse, nec in rempublicam, nec in quemquam meorum, præterquam in L. Tullium legatum. is, ceteroqui abstinens,⁵² sed Julia lege, transitans, semel tamen in diem, non, ut alii solebant, omnibus vicis,⁵³ [præter eum semel, nemo accepit] facit ut mihi excipiendus sit, cum teruncium nego sumtus factum. præter eum accepit nemo. has⁵⁴ a nostro Q. Titinio sordes accepimus. Ego, æstivis confectis, Quintum fratrem hibernis et Ciliciæ præfeci: Q. Volusium,⁵⁵ tui Tiberii generum, certum hominem, sed mirifice etiam abstinentem, misi in Cyprum, ut ibi pauculos dies esset; ne cives Romani pauci, qui illic negotiantur, jus sibi dictum negarent: nam evocari ex insula Cyprios non licet: ipse in Asiam profectus sum Tarso nonis Januariis: non mehercule dici potest, qua admiratione Ciliciæ civitatum, maximeque Tarsensium. postea vero quam Taurum transgressus sum, mirifica exspectatio Asiæ nostrarum diœcesium, quæ sex mensibus imperii mei⁵⁶ nullas meas acceperat litteras, numquam hospitem viderat. illud autem tempus quotannis ante me fuerat in hoc quæstu. civitates locupletes, ne in hiberna milites reciperent, magnas pecunias dabant: Cyprii talenta Attica cc. qua ex insula (non ἐπερβολικῶς, sed verissime loquor) numus nullus, me obtinente, erogabitur. Ob hæc beneficia, quibus illi obstupescunt, nullos honores mihi, nisi verborum, decerni sino: statuas, fana τέθριππα prohibeo: nec sum in ulla re alia molestus civitatibus; sed fortasse tibi, qui hæc prædicem de me. pèrfer, si me amas. tu enim me hæc facere voluisti. Iter igitur ita per Asiam feci, ut etiam fames, qua nihil miserius est, quæ tum erat

p. 82.
a.

52 Sed Julia lege, transitans, &c.] *mel* additum ex antecedenti. Mox recte *Transitans* est e Manutii correctione. ante erat *transita*, quod librarii fecere, retuleruntque ad lege Julia, velut violata lex Julia intelligeretur. Sed est iter faciens per provinciam. itaque et interpanxi post Julia lege. ea permittebat tales sumtus. v. supra, ep. 10.

53 Præter eum semel n. accepit.] Hæc sunt sine dubio spuria, ut judicabat etiam Grævius. sunt repetita e sequentibus, se-

mel additum ex antecedenti. Mox recte Malaspina vult excipiendum sit: i. e. exceptio addenda.

54 A nostro Titinio.] Qui eum mihi commendavit, ut legatum facerem.

55 Tui Tiberii.] Qui sit, nondum reperi.

56 Nullas meas acceperat litteras.] Sc. quibus pecunia ei imperaretur et erogatio aliqua facienda.

in hae mea Asia, (messis enim nulla fuerat,) mihi optanda fuerit. quacumque iter feci, nulla vi, nullo iudicio, nulla contumelia, auctoritate et cohortatione perfeci, ut et Græci, et cives Romani, qui frumentum compresserant, magnum numerum populis pollicerentur. Idibus Februariis, quo die has litteras dedi, forum institueram agere Laodiceæ Cibyraticum et Apamense ex Idibus Mart. ibidem Synnadense, Pamphylium, (tum Phemio dispiciam ⁵⁷ κέρας Aonium) Isauricum: ex Idibus Mai. in Ciliciam, ut ibi Junius consumatur. velim tranquille a Parthis. Quintilis, si erit, ut
 b. volumus, in itinere est, per provinciam redeuntibus, consumendus. venimus enim ⁵⁸ in provinciam, Laodiceam, Sulpicio et Marcello consulibus, pridie Kal. Sextiles. inde nos oportet decedere a. d. 1111 Kal. Sext. Primum contendam a Quinto fratre, ut se præfici patiatur: ⁵⁹ quod et illo et me invitissimo fiet. ⁶⁰ sed aliter honeste fieri non potest, præsertim cum virum optimum, Pomtinum, ne nunc quidem retinere possim. rapit enim hominem Postumius Romanam, fortasse etiam Postumia. Habes consilia nostra. nunc cognosce de Bruto. Familiares habet Brutus tuos quosdam creditores Salaminiorum ex Cipro, M. Scaptium et P. Matinium; quos mihi maiorem in modum commendavit. Matinium non novi. Scaptius ad me in castra venit. pollicitus sum curaturum me, Bruti causa, ut ei Salaminii pecuniam solverent. egit gratias. præfecturam petivit. negavi me cuiquam negotianti dare: quod idem tibi ostenderam. ⁶¹ Cn. Pompeio petenti probaram institutum meum: quid dicam? Torquato, de M. Lenio tuo, multis aliis. si præfectus vellet esse syngraphæ causa, me curaturum, ut exigeret. gratias egit: discessit. Appius noster turmas aliquot equitum dederat huic Scaptio, per quas ⁶² Salaminios coaceret; et eundem habuerat præfectum. vexabat Sala-

57 κέρας Aonium.] Supra dixerat tantum κέρας. v. Clav. hic addit Aonium, musicum.

58 In provinciam, Laodiceam.] Laodiceam suspicatus sum additam esse e superioribus per notam glossatoris, ubi Laodiceam primam urbem provinciae se ingressum dixit. alibi simpliciter provinciam memorat: et ita aptius est sequens, inde nos oportet decedere: non præcise ex urbe Laodicea. sed fortasse argutati sumus interdum.

59 Quod et illo et me i. f.] Hic quod puto pro illo legendum ipso. ratio rei est, quod ea res invidiam facere utique poterat: quasi præfectus esset, quia frater esset.

60 Sed aliter honeste f. n. p.] Sc. quia alium non habebat, quam tuto præficere posset, cum Pomtinus nollet.

61 Cn. P. petenti.] Pro aliquo negotiatore, ut ei darem.

62 Salaminios coaceret.] Cogere pecunias, quas ei debent, solvere.

minios. ego equites ex Cypro decedere jussi. moleste tulit Scaptius. quid multa? ut ei fidem meam præstarem; cum ad me Salaminii Tarsum venissent, ⁶³et una Scaptius, imperavi, ut pecuniam solverent. multa de syngrapha, de Scaptii injuriis. negavi me audire. hortatus sum; petivi etiam, pro meis in civitatem beneficiis, ut negotium conficerent: denique dixi me coacturum. homines non modo p. 83.
non recusare, sed etiam hoc dicere, se a me solvere. quod a.
enim prætori dare consuessent, quoniam ego non acceperam, se a me quodam modo dare; atque etiam minus esse aliquanto in Scaptii nomine, quam in vectigali prætorio. collaudavi homines. recte, inquit Scaptius: sed subducamus summam. interim cum ego in edicto tralaticio, centesimas me observaturum, haberem, ⁶⁴cum anatocismo anniversario; ille ex syngrapha postulabat quaternas. quid ais? inquam. possumne contra meum edictum? at ille profert senatus consultum Lentulo Philippoque consulibus, UT, QUI CILICIAM OBTINERET, JUS ⁶⁵EX ILLA SYNGRAPHA DICERET. cohorrui primo: ⁶⁶etenim erat interitus civitatis. reperio duo senatus consulta iisdem consulibus de eadem syngrapha. Salaminii cum Romæ versuram facere vellent, non poterant; ⁶⁷quod lex Gabinia vetabat [e syngrapha jus dicere]. tum ii Bruti familiares, freti gratia Bruti, dare

63 Et in his Scaptius.] Primum hic et me offendit, quod in hac forma non solet addi, nec aptum est in his: quia Scaptius non erat Cyprius. itaque prætuli lectionem ed. Jens. et una Scaptius. quam et Ascensius, Aldus et alii secuti sunt.

64 Cum anatocismi anniversario.] Dissentiant, anatocismi legendum sit, an *annatocismo*: illud defendente Grævio: hoc probante Corrado, Lambino. Quia *anniversarium* substantivè nuspam dicitur apud bonæ latinitatis auctores, *anatocismi anniversario* veram esse non potest. Itaque Corradum in textu secutus sum. Sed mihi totum verbum *anniversario* suspectum est, quod alias simpliciter dicuntur *centesimæ cum anatocismo*, etiam in hac epistola: inestque *ad anniversarium* in ipso anatocismo, ut patet e VI, 3. ubi est: *centesimis, renovato in singulos annos fenore*. item ep. 1. *centesimas sexcentiis cum renovatione annorum singulorum*.

65 EX ILLA SYNGRAPHA.] Nempe Scaptius et Matrinus impetraverant decretum senatus, quo illa syngrapha firmaretur, ne magistratus provincialis eam ex

edicto suo irritam redderet.

66 Et erat enim.] Sic et Rom. male. at Jens. *etenim erat*, quod et sequentes habent. illud post revocatum est ad usque Gruterum. Grævius et tacite delevit.

67 Quod lex Gabinia vetabat.] An univérse: ne provincialibus liceret pecuniam Romæ mutuum sumere, aut dare. nequam: nam id quidem absurdum fuisset. Sed lex ea voluit coercere feneratorum avaritiam in usuris, quarum modum nulla lex statuerat. unde crudelitas eorum in usuris supra modum creverat. Sanxit igitur, ne magistratus ex syngraphis jus dicerent, sed ex edicto, in quo modus usurarum statueretur. Id paullo post diserte dicit Cicero, patetque ex eo, quod in SCto, quod ejus legis gratiam fecerat, fuit, ut Ciliciæ magistratus ex syngrapha illa jus diceret, quam Saptius et Matrinus cum Salaminis fecissent. Hinc, re recenti, nemo provincialibus pecunias credere volebat: et hoc est, *Salaminii cum versuram facere vellent, non poterant*. Sed illud, quod in lege erat, excidit e textu Ciceronis. Idque addidi, sed inclusum uncis.

volebant quaternis, si sibi senatus consulto caveretur. fit gratia Bruti senatus consultum, UT NE VE SALAMINIIS, NE VE QUI EIS DEDISSET, FRAUDI ESSET. pecuniam numerarunt. ⁶⁸at postea venit in mentem foeneratoribus, nihil se juvare illud senatus consultum, quod ex syngrapha jus dici lex Gabinia vetaret. tum fit senatus consultum, ⁶⁹UT EA SYNGRAPHA ESSET QUA VI CETERÆ. Sed ut eodem; cum hæc disseruissem, seducit me Scaptius; ait se nihil contra dicere: sed eos putare, talenta cō se debere; ea se velle accipere: ⁷⁰debere autem eos paullo minus: rogat, ut eos ad cō perducam. optime, inquam. voco illos ad me, remoto Scaptio. quid vos? quantum, inquam, debetis? respondent, CVI. refero ad Scaptium. homo clamare. quid opus est? inquam. rationes conferatis. ⁷¹assidunt, subducunt: ad numum convenit. illi se numerare velle, urgere, ut acciperet. Scaptius me rursus seducit: rogat, ⁷²ut rem sic relinquam. dedi veniam homini impudenter petenti. Græcis querentibus; ⁷³ut in fano deponerent, postulantibus, non concessi. clamare omnes qui aderant, nihil impudentius Scaptio, qui centesimis cum anatocismo contentus non esset: alii, ⁷⁴nihil stultius. mihi autem impudens magis, quam stultus, videbatur. nam aut ⁷⁵bono nomine centesimis contentus erat, aut, non bono, quaternas centesimas sperabat. Habes meam causam: quæ si Bruto non probatur; nescio, cur illum amemus: ⁷⁶sed avunculo ejus certe probabitur, præsertim cum senatus consultum modo factum sit, puto, postquam tu es profectus, in creditorum causa,

68 Et postea venit in mentem f.] Et hic alienum est. itaque mut delendum est, aut at scribendum. hoc malui.

69 UT ET EA SYNGRAPHA.] Ed. pr. habent ex ea s. id ex puto temere repetitum e præcedentibus, ubi est ex syngrapha, post ab editoribus mutatum in et, cum potius delendum esset.

70 Debere autem illos paullo minus.] Illos delendum est, repetitum e superioribus. In ed. Jens. est etiam utroque loco eos, ut et post est, quod melius puto.

71 Adsidunt.] Ed. Jens. et sqq. adsident. Ed. Rom. adsunt, vitiose pro adsidunt: quæ forma et alibi est apud Ciceronem.

72 Ut rem sic relinquam.] I. e. ne decernam, sed infectam relinquam.

73 Ut in fano deponerent.] Sc. ut usuræ consistere. depositio autem pecu-

niarum fiebat in templis.

74 Nihil stultius.] Qui non acciperet pecuniam, cum posset, et periculum perdendæ pecuniæ adiret.

75 Bono nomine c. c. erat.] Obscurius est hinc. nū intelligi potest impudentia in hoc, quod contentus esset centesimis in bono nomine: nam hoc erat honestum. An excidit non? bono nomine centesimis non contentus erat. nam hoc impudens erat, quia contra edictum, et avaritiam turpem probebat. et ante sic est: nihil impudentius S. qui centesimis - contentus nū esset. non bono, q. c. sperabat, nam ab alio post Ciceronem magistratu sperabat se fortasse impetraturum, ut quaternas centesimas solvere Salaminii cogentur.

76 Sed avunculo ejus.] M. Catoni, viro gravi et amanti æquitatis. v. VI, 2.

ut centesimæ ⁷⁷ perpetuo fœnore ducerentur. hoc quid intersit, si tuos digitos novi, certe habes subductum. in quo quidem, ⁷⁸ ὁδοῦ πάρεργον, Lucceius M. F. queritur apud me per litteras, summum esse periculum, ne culpa senatus, his decretis, res ad tabulas novas perveniat. commemorat, quid olim mali ⁷⁹ C. Julius fecerit, cum dieculam duxerit: numquam respublica plus. Sed ad rem redeo. meditare adversus Brutum causam meam: ⁸⁰ si hæc causa est, contra quam nihil honeste dici potest; præsertim cum integri rem et causam reliquerim. Reliqua sunt domestica. De ἐνδομύχῳ, probō idem, quod tu, ⁸¹ Postumiæ F. ille, quoniam Pontidia nugatur. sed vellem adesses. a Quinto fratre his mcusibus nihil exspectaris. nam Taurus propter nives ante mensem Junium transiri non potest. ⁸² Thermum, ut rogas, creberrimis litteris fulcio. ⁸³ P. Valerium negat habere quicquam Deiotarus rex, eumque, ait, a se sustentari. Cum scies, Romæ intercalatum sit, necne; velim ad me scribas certum, quo die mysteria futura sint. Litteras tuas minus paullo exspecto, quam si Romæ esses: sed tamen exspecto.

⁷⁷ Perpetuo fœnore.] V. Clav. in perpetuus.

⁷⁸ ὁδοῦ πάρεργον.] In parenthesi dictum accipio; ut hoc obiter addam.

⁷⁹ C. Julius f. cum dieculam duxerit.] In h. l. explicando non consentiunt viri docti. ego fateor me non intelligere, quia historiam ignoro. de dilatione solutionis sermonem esse credo, per quam fides sublatā sit, ut nemo nemini pecuniam crederet.

⁸⁰ Si hæc causa est, &c.] Nam in causa intelligitur res controversa.

⁸¹ Postumiæ F. ille, qu. Pontidia nugatur.] F. int. filius, si ille verum est; sed videtur mihi ille natus e fil. explanate scripto vitiose, ut in edd. pr. est filiæ.

Ergo ille deleverim; et scribam Postumiæ filium, i. e. Serv. Sulpicium; pendet enim e proba. Tam dedi Pontidia, ut habent edd. pr. quoniam Pontidia, quæ alium commendarat, nugatur: nec ejus filius est intelligendus. Sic Servilia commendarat Servium Sulp. unde dicit VI, 1. malo hunc a Pontidia, quam illum a Servilia.

⁸² Thermum -- cr. litteris fulcio.] Ed. Jens. celeberrimis. Fulcio litteris i. e. firmo in benivolentia et voluntate, quam mihi ostendit se commendatione mea habere erga te tuosque.

⁸³ P. Valerium negat, &c.] Videtur Attico debuisse, et, quia in Deiotari regno erat, ab eo auxilium petisse.

M. TULLII CICERONIS EPISTOLARUM.

AD

ATTICUM

LIBER VI.

ARGUMENTUM.

Qui has M. Tullii epistolas in libros distribuit, is mihi videtur, libri alius initium hinc maxime fecisse, quod hæc aliis consulibus, quam superioris libri scriptæ fuerint: nempe L. Æmilio Paulo: C. Claudio Marcello: quem Suetonius Marci Marcelli patruelem facit; Dio, sobrinum; vel ex aliorum opinione, fratrem. Hic igitur liber certum argumentum nullum habet, quod ad remp. pertineat. Nam bellum Parthicum, cuius hic mentio fit, in metu potius, quam re ipsa fuit: cum anno superiore, qui ab illo cæpto quartus fuit, finem acceperit. De rebus urbanis, quod odiosa quædam se Cicero audisse scribit, tale fuit. Cæsari cum vereretur, ne se iniqui sui provincia atque exercitu spoliarent: sicque cogeretur, si consul fieri vellet, privatus ac præsens petere: L. Paulum consulem et C. Curionem tribunum pl. antea suis actionibus adversantes, grandi mercede sibi conciliavit: quorum opera factum est, ut retineret exercitum. Nam cum de illo remittendo referretur, Curio ita est assensus, si reliqui quoque dimitterent: Pompeium notans sine dubio. Hoc anno Cicero de provincia decessit III Kalend. Sext. atque Idib. Oct. Athenis fuit, unde postrema libri huius epistola data est. Reliqua sunt privata atque domestica: de Tullia Dolabella collocanda: et aliis rebus.

1

CICERO ATTICO S.

ACCEPI tuas litteras a. d. quintum Terminalia Laodiceæ, quas legi libentissime, plenissimas amoris, humanitatis, officii, diligentiae. his igitur respondebo; sic enim postulas: nec οἰκονομίαν meam instituiam; sed ordinem conservabo tuum. Recentissimas a Cybistris te meas litteras habere ais, a. d. x Kal. Octob. datas: et scire vis, tuas ego quas acceperim. omnes fere, quas commemoras, præter eas, quas scribis Lentuli pueris et Equotutico et Brundisio datas. quare non οἰχίσται tua industria, quod vereris, sed præclare ponitur; si quidem id egisti, ut ego delectarer.

nam nulla re sum delectatus magis. Quod meam βασιλίδα in Appio tibi, libertatem etiam in Bruto probo; vehementer gaudeo: ac putaram secus. Appius enim ad me ex itinere his terve ἰκομεμφυμοίρους litteras miserat, quod quædam a se constituta rescinderem. Ut, si medicus, cum ægrotus alii medico traditus sit, irasci velit ei medico, qui sibi successerit, si, quæ ipse in curando constituerit, mutet ille: sic Appius, cum ἐξ ἀφαιρέσεως provinciam curarit, sanguinem miserit, quidquid potuit detraxerit, mihi tradiderit enectam, προσανατρεφόμενην eam a me non libenter videt; sed modo succenset, modo gratias agit. nihil enim a me fit b. cum ulla illius contumelia. tantummodo dissimilitudo meæ rationis offendit hominem. quid enim potest esse tam dissimile, quam illo imperante exhaustam esse ¹ sumtibus et jacturis provinciam; nobis eam obtinentibus, numum nullum esse erogatum nec privatim, nec publice? Quid dicam de illius ² præfectis? comitibus? legatis? etiam de rapinis? de libidinibus? de contumeliis? nunc autem domus mehercule nulla tanto consilio, aut tanta disciplina gubernatur, aut tam modesta est, quam nostra tota provincia. ³ Hæc nonnulli amici Appii ridicule interpretantur: qui me idcirco putent bene audire velle, ut ille male audiat, et recte facere, non meæ laudis, sed illius contumeliæ causa. Sin Appius, ut Bruti litteræ, quas ad te misit, significabant, gratias nobis agit, non moleste fero: sed tamen eo ipse die, quo hæc ante lucem scribebam, cogitabam ejus multa inique constituta et acta tollere. Nunc venio ad Brutum, quem ego omni studio, te auctore, sum complexus: quem etiam amare cœperam: ⁴ sed, dico, revocavi me, ne te offenderem. noli enim putare, me quicquam maluisse, ⁵ quam ut mandat is, facere: nec ulla de re plus laborasse. mandatorum autem mihi libellum dedit: iisdemque de rebus tu mecum egeras. omnia sum diligentissime

1 Sumtibus et jacturis.] Sumtus ad impensas ad itinera, &c. pertinent, jactura ad largitiones ac dona, quæ provincialibus exprimantur. v. Clav. in jactura.

2 Præfectis, comitibus, legatis.] De comitibus v. dicta in Clave. hic ab iis distinguuntur præfecti, cum aliis locis eorum nomine contineantur.

3 Hanc n. A. Appii.] Hanc referunt ad dissimilitudinem: sed fatentur melius esse, si scribatur Hæc. quia in Ms. reperit

Ursinus, recepi.

4 Sed, dico, revocavi me.] Dico absolute dictum, pro vere dicam, non celabo, aut simili quo.

5 Quam, ut mandat is, facerem.] Corrigitur ut mandatis satisfacere, et id quidem e Mss. quibusdam, vel quam mandatis satisfacere. Sed cur nemo hæsit in tempore? ego corrigam ut mandavit is. etiam mox puto scribendum dederat; nam sequitur statim egeras.

persecutus. Primum, ab Ariobarzane sic contendì, ut talenta, quæ mihi pollicebatur, illi daret. quoad mecum rex fuit, perbono loco res erat: post a Pompeii procuratoribus sexcentis premi coeptus est. Pompeius autem cum ob ceteras causas plus potest unus, quam ceteri omnes, tum quod putatur ad bellum Parthicum esse venturus. ei tamen sic
 p. 85. nunc solvitur: tricesimo quoque die talenta Attica XXXIII,
 et hoc ex tributis: ⁶nec id satis efficit in usuram menstruam. sed Cnæus noster clementer id fert: sorte caret: usura, nec ea solida, contentus est. alii neque solvit cuiquam, nec potest solvere. nullum enim ærarium, nullum vectigal habet. Appii instituto tributa imperat. ea vix, in fœnus Pompeii quod satis sit, efficiunt. Amici regis duo tresve perdivites sunt: sed ii suum tam diligenter tenent, quam ego, aut tu. equidem non desino tamen per litteras rogare, suadere, accusare regem. Deiotarus etiam mihi narravit, se ad eum legatos misisse de re Bruti: eos sibi responsum retulisse, illam non habere. et mehercule ego ita judico, nihil illo regno spoliatus, nihil rege egentius. itaque aut tutela cogito me abdicare, aut, ut pro Glabrigone Scævola, ⁷fœnus et impendium recusare. Ego tamen, quas per te Bruto promiseram præfecturas, M. Scaptio, L. Gavio, qui in regno rem Bruti procurabant, detuli. nec enim in provincia mea negotiabantur. tu autem meministi, nos sic agere, ut quot vellet, præfecturas sumeret, ⁸dum ne negotiatori. itaque duas ei præterea dederam. sed ii, quibus petierat, de provincia decesserant. Nunc cognosce de Salaminii: quod video tibi ⁹etiam novum accidisse, tamquam mihi. numquam enim ex illo audivi, illam pecuniam esse suam. quin etiam libellum ipsius habeo, in quo est, *Salaminii pecuniam debent M. Scaptio et P. Matinio, familiaribus meis.* eos mihi commendat: adscribit etiam, et quasi

6 *Nec id satis efficitur in usuram mensiv.*] Non id satis efficitur, nullo modo latinum est. Scribendum efficit: illud tributum, illa exactio XXXIII talentorum non tantum efficit pecuniam, quantum opus est. sic et statim post, ea tributa vix efficiunt in fœnus P. quod satis ait. non dubitavi sic corrigere. de verbo *efficere* in hac tali re vid. Clav.

7 *Fœnus et impendium recusare.*] Fœnus est b. l. ipsa sors; impendium usuræ, quas dat debitor, in quibus est impendium. nam et in nomine funeraturum inest pecunia locata. bene hoc docuit Gronovius in

Mantissa ἀνεξεργαστος, p. 104. tota res alias dicitur bonam copiam ejurare, Franci *bunquerouter*. Scævola fuit avus Glabrigonis pupilli, atque tutor.

8 *Dum ne negotiatori.*] Int. eas peteret, deferri vellet. *negotiatori* pro *negotiantur* edidit Victorinus, ut ait, e veteri libro: forte ex ed. Rom. quæ sic habet. Secutus est P. Manutius.

9 *Etiam novum accidisse, tamquam mihi.*] Non placet etiam, tamquam. ant. glossam puto esse *tamquam mihi*, aut legendum *tam - quam mihi*.

calcar admovet, intercessisse se pro iis magnam pecuniam. confeceram, ut solverent, centesimis sexennii ductis cum renovatione singulorum annorum. at Scaptius quaternas postulabat. metui, si impetrasset, ne tu ipse me amare desineres. nam ab edicto meo recessissem, et civitatem, in Catonis et in ipsius Bruti fide locatam, meisque beneficiis ornatam, funditus perdidissem. Atque hoc tempore ipso impingit mihi epistolam Scaptius Bruti, rem illam suo periculo esse: quod nec mihi umquam Brutus dixerat, nec tibi: etiam, ut præfecturam Scaptio deferrem. id vero per te exceperamus, ne negotiatori: quodsi cuiquam, huic tamen non. fuerat enim præfectus Appio; et quidem habuerat turmas equitum, quibus inclusum in curia senatum Salamine obsederat, ut fame senatores quinque morentur. itaque ego, quo die tetigi provinciam, cum mihi Cyprii legati Ephesum obviam venissent, litteras misi, ut equites ex insula statim decederent. His de causis credo Scaptium iniquius de me aliquid ad Brutum scripsisse. sed tamen hoc sum animo: si Brutus putabit me quaternas centesimas oportuisse decernere, qui in tota provincia singulas observarem, itaque edixissem, idque etiam acerbissimis fœneratoribus probaretur; si præfecturam negotiatori denegatam queretur, quod ego Torquato nostro in tuo Lenio, Pompeio ipsi in Sex. Statio negavi, et iis probavi; si equites deductos moleste feret: accipiam equidem dolorem, mihi illum irasci, sed multo maiorem, non esse eum talem, qualem putassem. Illud quidem fatebitur Scaptius, me jus dicente, sibi omnem pecuniam ex edicto meo auferendi potestatem fuisse. Addo etiam illud, quod vereor, tibi ipsi ut probem: consistere usura debuit, quæ erat in edicto meo. deponere volebant: impetravi ab Salaminis, ¹⁰ ut silerent. veniam illi quidem mihi dederunt; sed quid iis fiet, ¹¹ si huc Paullus venerit? sed totum hoc Bruto dedi, qui de me ad te humanissimas litteras scripsit: ad me autem, etiam cum rogat aliquid, contumaciter, arroganter, ἀκολούθητος solet scribere. tu autem velim ad eum scribas de his rebus, ut sciam, quo modo hæc accipiat. facies enim me certiolem. atque hoc superioribus litteris ad te diligenter

p. 86.

¹⁰ Ut silerent.] De deponenda pecunia in fano, ut supra memoravit.

¹¹ Si huc Paullus venerit.] Qui cum

Bruto conjunctus ei omnia concedet, quæ petet. is tum consul erat, poteratque Ciceroni succedere.

perscripseram: sed plane te intelligere volui, mihi non excidisse illud, quod tu ad me quibusdam litteris scripsisses; si nihil aliud de hac provincia, nisi illius benivolentiam, deportassem, mihi id satis esse. sit sane; quoniam ita tu vis: ¹² sed tamen cum eo credo, quod sine peccato meo fiat. Igitur ¹³ meo decreto soluta res Scaptio statim. Quam decretum sit, tu judicabis; ne ad Catonem quidem provocabo. sed noli me putare ἐγκελεύματα illa tua abjecisse, quæ mihi in visceribus hærent. siens mihi meam famam commendasti. quæ epistola tua est, in qua mentionem non facias? itaque irascatur, qui volet: patiar. τὸ γὰρ εὖ μετ' ἐμοῦ, præsertim cum ¹⁴ sex libris, tamquam prædibus, me ipsum obstrinxerim, quos tibi tam valde probari gaudeo; e quibus ¹⁵ unum ἱστορικὸν requiris de Cn. Flavio Cn. F. ille vero ante decemviros non fuit: quippe qui ædilis curulis fuerit: qui magistratus multis annis post decemviros institutus est. quid ergo profecit, quod protulit fastos? occultatam putant quodam tempore ¹⁶ istam tabulam, ut dies agendi peterentur a paucis. nec vero pauci sunt auctores, Cn. Flavium scribam fastos protulisse, ¹⁷ actionesque composuisse: ne me hoc, vel potius Africanum, (is enim loquitur,) commentum putes. Οὐκ ἔλαθε σὲ illud de gestu histrionis; tu scelestè suspicaris, ego b. ἀφελῶς scripsi. De me imperatore scribis te ex Philotimi litteris cognosse. sed credo te, jam in Epiro cum esses, binas meas de omnibus rebus accepisse, unas a Pindenisso capto, alteras a Laodicea, utrasque tuis pueris datas. quibus de rebus, propter casum navigandi, per binos tabellarios misi Romam litteras publice. De Tullia mea tibi assentior; scripsique ad eam, et ad Terentiam, mihi placere. tu enim ad me jam ante scripseras, ac vellem te ¹⁸ in tuum veterem gregem retulisses. ¹⁹ correctæ vero

¹² Sed tamen cum eo.] Hac addita conditione vel exceptione.

¹³ Meo decreto s. r. Sc. statim.] I. e. quantum quidem in me fuit, Scaptius accipit pecuniam suam. nam decernebatur pecuniæ solutio: si ille modo accipere voluisset. — Quam decretum sit, non habet plenum sensum: puto excidisse bene; aut ejusmodi quid.

¹⁴ Sex libris.] De republica. Brant tum tantum sex scripti. post alii additi: nam ad Q. Fr. III, 5. novem memorantur.

¹⁵ Unum i. requiris.] I. vitiosum esse

putas.

¹⁶ Istam tabulam.] Fastorum, quæ nunc publice proposita est, ut omnes dies actionum scire possint.

¹⁷ Actionesque composuisse.] V. Clav. in actio.

¹⁸ In tuum veterem gregem ret.] Ordinem equestrem, et filiam equiti Rom. locasset.

¹⁹ Correcta epistola Memmiana.] I. e. quæ erat de Memmio proco Tullia, eo errore agnito et correcto jam malo hunc, equitem, quam illum, patricium.

epistola Memmiana, nihil negotii fuit. multo enim malo hunc a Pontidia, quam illum a Servilia. quare adjunges ²⁰ Aufium nostrum, hominem semper amantem mei; nunc, credo, eo magis, quod debet etiam fratris Appii amorem erga me cum reliqua hereditate crevisse; qui declaravit, quanti me faceret, cum sæpe, tum in Bursa. næ tu me sollicitudine magna liberaris. ²¹ Furnii exceptio mihi non placet. nec enim ego ullum aliud tempus timeo, nisi quod ille solum excipit. sed scriberem ad te de hoc plura, si Romæ esses. ²² In Pompeio te speciem omnem otii ponere non miror: ita res est; removendumque censeo ²³ illud *dissimulantem*. Sed enim, ²⁴ *οικονομία* si perturbatior est, tibi assignato: te enim sequor *σχεδιάζοντα*. Cicerones pueri amant inter se, discunt, exercentur: sed alter, uti dixit Isocrates in Ephoro et Theopompo, frenis eget, alter calcaribus. Quinto togam puram Liberalibus cogitabam dare. mandavit enim pater. ea sic observabo, quasi intercalatum non sit. Dionysius mihi quidem in amoribus est. pueri autem ajunt, eum furenter irasci. sed homo non doctior, nec sanctior fieri potest, nec tui meique amantior. Thermum, ²⁵ Silium vere andis laudari. valde se honeste gerunt. adde M. Nonium, Bibulum; me, si voles. jam ²⁶ Scrofa, vellem, haberet, ubi posset. est enim lautum negotium. ceteri ²⁷ infirmanant *πολίτευμα* Catonis. Hortensio quod causam meam commendas, valde gratum. De ²⁸ Amiano, spei nihil putat

p. 37.
a.

²⁰ *Aufium nostrum*.] Nomen hoc quidem vitiosum est. Corradus conjicit *C. Alfium*, qui illis temporibus quaestor fuit. ad Q. fr. III, 3. mihi videtur *Aufidium*, sc. Larconem, qui Pisone et Messala Coss. trib. pl. fuerat. mox pro *amantem me* *Malaspina* inavult *a. nci*, e perpetua Ciceronis consuetudine, et sic in Mss. repererat. recepi. *adjunges* his, de quibus deliberatur.

²¹ *Furnii exceptio*.] Trib. pl. qui sc. de successione provinciarum tulerat, sed ita, si Parthus nihil moveret. nam hoc ne faceret, timebat Cicero, ut sempiternus hostis Romanorum, et supra dixit.

²² *In Pompeio*.] Revincavi lectionem add. pr. *In Pompeium* e quibusdam Mss. inductum est auctore insolentia.

²³ *Illud dissimulantem*.] Quod tribuisti Pompeio, cum eum dissimulantem appellasti, illud verbum sc. edd. pr. male *illum*.

²⁴ *Οικονομία*.] Ordo epistolæ hujus in rebus scribendis.

²⁵ *Silium*.] Sic edidi cum Grævio pro *Silvium*. Sermo est de magistratibus provinciarum Ciceroni vicinarum. Bithyniæ prætor Silius ut Nonius Sullenas Cretæ et Cyrenaicæ.

²⁶ *Scrofa*.] Tremellius, provinciam cupiebat habere, in qua esset materia laudis et gloriæ. *lautum negotium* indicat, sermonem esse de certa provincia, in quam tum esset mittendus prætor, cum eam alius repudiasset.

²⁷ *Infirmanant πολιτεύμα Catonis*.] Sensus est: ceteri, præter eos sc. quos laudavi, magistratus provinciarum exemplo suo tollunt rationem administrandæ reip. in provinciis, quæ Catoni probatur, de qua dixit supra, II, 1. nam *πολίτευμα* apud optimos Græcorum, imprimis apud Polybium, sic dicitur, ut *πολιτεία*. qui pro actione in rep. cepere, intellexere de provincia ab Catone ex prætura repudiata. Sed illud antecedentibus melius censent.

²⁸ *Amiano* - - *Terentii* - - *Maragenses*.]

esse Dionysius. Terentii nullum vestigium agnovi. Mæragenes certe periit. feci iter per ejus possessionem, in qua animal reliquum nullum est. hæc non noram ²⁹ tum, cum cum Democrito tuo locutus sum. Rhosiaca vasa mandavi. Sed heus tu, quid cogitas? in felicitatis lancibus et splendidissimis canistris, olusculis nos soles pascere; quid te in vasis fictilibus appositurum putem? Κέρας Phemio mandatum est: reperietur; modo aliquid illo dignum canat. Parthicum bellum impendet. Cassius ³⁰ ineptas litteras misit. necdum ³¹ Bibuli erant allatæ: quibus recitatis, puto fore, ut aliquando commoveatur senatus. equidem ³² sum in magna animi perturbatione. si, ut opto, non prorogatur ³³ nostrum negotium; habeo Junium et Quintilem in metu. esto; duo quidem menses sustinebit Bibulus. quid illo fiet, quem reliquero, præsertim si fratrem? quid me autem, si non tam cito decedo? magna turba est. mihi tamen cum Deiotaro convenit, ut ille in meis castris esset cum suis copiis omnibus. habet autem cohortes quadringenarias nostra armatura xxx; equitum cīo cīo. erit ad sustentandum, quoad Pompeius veniat; qui litteris, quas ad me mittit, significat, suum negotium illud fore. hiemant in nostra provincia Parthi. exspectatur ipse Orodes. quid quæris? aliquantum est negotii. De Bibuli edicto, ³⁴ nihil novi, b. præter illam exceptionem, de qua tu ad me scripseras, ³⁵ nimis gravi præjudicio in ordinem nostrum. ego tamen habeo ἰσοδυναμοῦσαν, sed ³⁶ tectiorem, ex Q. Mucii P. F. edicto Asiatico, extra quam si ita negotium gestum est, ut eo stari non oporteat, ex fide bona: multa que sum secutus

Debitores Attici fuisse, colligi potest ex ultimo, de Mæragenis prædiis.

²⁹ Tum, cum cum Democrito.] Edd. pr. non habent alteram cum: et potuit absorberi a primo, semel scripto, sed bis legendo. sed tamen male sonat, deleverim. potest et dici loqui alicui.

³⁰ Ineptas litteras.] Falso gloriantes: gloriosos dixit V, 1.

³¹ Bibuli nondum e. allatæ.] Non gloriosæ, ut Cassii, sed periculum demonstrantes.

³² Sum magna a. p.] Addendum in, quod et libri quidam habent, absorptam a littera m.

³³ Nostrum negotium, &c.] Provincia nostra, menses J. et Q. metuo, ne aliquid periculi afferant: sed tamen spero, si per illud spatium parem utroque fure bello.

³⁴ Nihil novi.] Sic Lambinus, Manutius &c. edd. pr. nihil novi. sed quid est nihil novi? an mutavi? sc. in edicto meo, ut visum Bosio. sed Ciceronis edictum prius Bibuli edicto. ergo veterem lectionem veram puto: quod ad edictum Bibuli attinet, in eo nihil novi est, præter illam exceptionem. Dictum est ad exousandum Bibulum.

³⁵ Nimis gravi præjud. in n. ordinem.] Hæc verba sunt ex epistola Attici. in iis est reprehensio exceptionis ex eo, quod negotiatoribus valde periculosa sit.

³⁶ Tectiorem.] Sc. quia non commemorabat discrete certum causæ et vitii genus, ut negotiatores sentirent statim, eam ad se pertinere, et sibi nocere posse. Ed. Rom. habet certiorum, Jons. rectiorem. bene. Victorius e Ms. tectiorem.

Scævolæ; in iis illud, in quo sibi libertatem censent Græci datam, ut Græci inter se disceptent suis legibus. Breve autem edictum est propter hanc meam διαίρεσιν, quod duobus generibus edicendum putavi: quorum unum est provinciale, in quo est de rationibus civitatum, de ære alieno, de usura, de syngraphis; in eodem omnia de publicanis: alterum, quod sine edicto satis commode transigi non potest, de hereditatum possessionibus, de bonis possidendis, ³⁷ magistris faciendis, vendendis: quæ ex edicto et postulari et fieri solent. tertium, de reliquo jure dicundo, ἀγραφον reliqui. dixi me de eo genere mea decreta ad edicta urbana accommodaturum: itaque euro, et satisfacio adhuc omnibus. Græci vero exultant, quod ³⁸ peregrinis iudicibus utuntur. nugatoribus quidem, inquires. quid refert? tamen se αὐτονομίαν adeptos putant. vestri enim, credo, graves habent, Turpionem sutorium, et Vtictium mancipem. De publicanis quid agam, videris quærere. habeo in deliciis, obsequor, verbis laudo, orno; efficio, ne cui molesti sint. (τὸ παραδοζότατον,) usuras eorum, quas pactionibus adscripserant, servavit etiam Servilius. ego sic. diem statuo satis laxam; quam ante si solverint, dico, me centesimas ducturum: si non solverint, ex pactione. itaque et Græci solvunt tolerabili fœnore; et publicanis res est gratissima. sic illa jam habent, pleno modio, verborum honorem, invitationem crebram. quid plura? sunt omnes ita mihi familiares, ut se quisque maxime putet. sed tamen ³⁹ μηδὲν αὐτοῖς. scis reliqua. De statua Africani, (ὡ παραγμάτων ἀσυγκλώστων! sed me ipsum delectavit in tuis litteris,) ain' tu? Scipio hic Metellus proavum suum nescit ⁴⁰ censorem non fuisse? atqui nihil habuit aliud inscriptum, ⁴¹ nisi Cos. ea statua, quæ ad Opis per te posita in excelso est. in illa item, quæ est ad Πολυδεύκον, hercule inscriptum est, Cos. quam esse ejusdem, status, amictus, anulus, imago ipsa declarat. at mehercule ego cum in turma inauratarum equestrium, ⁴² quas hic in Capitolio posuit, animadvertissem in

p. 88.

a.

³⁷ Magistris faciendis, vendendis.] Vendendis pertinet ad bona: si loco suo est, postponitur magistris, quia ante magistris fiunt, quam vendantur bona.

³⁸ Peregrinis iudicibus.] I. e. suis, non Romanis. dicuntur peregrini more Romano. nam Græcis non erant peregrini.

³⁹ Μηδὲν αὐτοῖς.] I. concedo contra jus cum injuria aliorum.

⁴⁰ Censorem non fuisse.] Sic jam ed. Rom. Jenson. omisit non, et inde sequentes: unde difficultas oblata. Sed recte non repositum est. est sic et infra in ed. Rom.

⁴¹ Nisi consul.] Sic e Mss. duobus Bosius. at ita jam erat in ed. Rom.

⁴² Quas hic Metellus.] Grævius auc-

Serapionis subscriptione ⁴³Africani cognomen, erratum fabrilē putavi, nunc video Metelli. O! ἀνιστορησάν turpem! Nam illud de Flavio et fastis, si secus est, commune erratum est; et tu belle ἡπόρησας; et nos publicam prope opinionem secuti sumus, ut multa apud Græcos. quis enim non dixit, Εὐπολιν, τὸν τῆς ἀρχαίας, ab Aleibiade, navigante in Siciliam, dejectum esse in mare? redarguit Eratosthenes. adfert enim, quas ille post id tempus fabulas docuerit. num idcirco Duris Samius, homo in historia diligens, quod cum multis erravit, irridetur? Quis Zaleucum leges Locris scripsisse non dixit? num igitur jacet Theophrastus, si id a Timæo, tuo familiari, reprehensum est? Sed nescire, proavum suum censorem non fuisse, turpe est; præsertim cum post eum consulem, nemo Cornelius, illo vivo, censor fuerit. Quod de Philotimo, et de solutione

- b. H-S xx de scribis; Philotimum circiter Kalend. Januar. in Chersonesum audio venisse: ac mihi ab eo nihil adhuc. reliqua mea Camillus scribit se accepisse; ea quæ sint, nescio, et aveo scire. verum hæc posterius et eorum fortasse commodius. Illud me, mi Attice, in extrema fere parte epistolæ commovit: scribis enim sic, τί λοιπόν? deinde me obsecras amantissime, ne obliviscar vigilare, et ut animadvertam, quæ fiant. ⁴⁴num quid de quo inaudisti? etsi nihil ejusmodi est. πολλοῦ γε καὶ δεῖ. nec enim me fecellisset, nec falleret. sed ista admonitio tua tam accurata, nescio quid mihi significare visa est. ⁴⁵De M. Octavio, iterum jam tibi rescribo, te illi probe respondisse. paullo vellem fidentius. Nam Cœlius libertum ad me misit, et litteras accurate scriptas: ⁴⁶sed de pantheris fœde, ac civitatibus. rescripsi, alterum me moleste ferre, si ego in tenebris laterem, nec audiretur Romæ, nullum in mea

tore Ms. Balliol. ejiciendum putabat Metellus. recte. Ed. Rom. non habet. Jensonius addidit, est a glossatore. delevi.

⁴³ Africani imaginem.] Sic omnes inde a Jensonio. interpretantur de capite Africani imposito statuæ pro Serapionis capite. sed id est ineptum. caput hoc non dicebatur imago. et dicitur in subscriptione fuisse. Ed. Rom. habet Africanum agmen. Legendum est Africanum nomen, vel cognomen: quod recipere non dubitavi. atque hoc potest dici fabrilē erratum.

⁴⁴ Num quid de quo inaudisti.] Sc.

meorum, qui aliquid fecerit, quod mihi vitio verti possit.

⁴⁵ De M. Octavio.] Ædile designato, v. ad Div. VIII, 2. 3. iterum jam. nam jam scripserat V, 21.

⁴⁶ Sed de Pantheris fœde ac civitatibus.] Pertinet ad ep. ad Div. VIII, 9. fœde, quia petebat ea, quæ honeste fieri non possent: civitatibus, quarum agros immunes fieri petebat Fetidii in gratiam. moleste ferebat Cicero, tale quid a se potius, in quo suspicio easse posset, se pecuniam a civitatibus accepisse, ut agros immunes faceret.

provincia numum; nisi in æs alienum, erogari; docuique, nec mihi conciliare pecuniam licere, ⁴⁷ nec illi capere: monuique eum, quem plane diligo, ut, cum alios accusasset, cautius viveret. illud autem alterum, alienum esse existimatione mea, Cibratas imperio meo publice venari. Lepta tua epistola gaudio exultat. etenim scripta belle est, neque apud eum magna in gratia posuit. Filiola tua gratum mihi fecit, quod tibi diligenter mandavit, ut mihi salutem adscriberes: gratum etiam Pilia: sed illa officiosius, quod mihi, ⁴⁸ quem numquam vidit. igitur tu quoque ⁴⁹ salutem utrique adscribito. Litterarum datarum ⁵⁰ prid. Kal. Januar. suavem habuit recordationem clarissimi jurisjurandi: quod ego non eram oblitus. ⁵¹ magnus enim prætextatus illo die fui. Habes ad omnia, non, ut postulasti, *χρῖσται χαλκείων*; sed paria paribus respondimus. Ecce autem alia ^{p. 89.} pusilla epistola; quam non relinquam *ἀναντιφώνητον*. ^{a.} ⁵² Bene mehercule potuit Lucecius Tuseulanum; nisi forte: solet enim cum suo tibicine: et velim scire, quis sit status ejus. Lentulum quidem nostrum, ⁵³ præ ære, Tusculanum proscripsisse audio. cupio hos expeditos videre: cupio etiam Sextium; adde, si vis, Cœlium; quibus omnibus est, *αἰδεσθαι μὲρ ἀνήρασθαι, δεῖσαν δ' ὑποδέχθαι*. ⁵⁴ De Memmio restituendo ut Curio cogitet, te audisse puto. De Egnatii Sidicini nomine, nec nulla, nec magna spe sumus. Pinarium, quem mihi commendas, diligentissime Deiotarus

47 *Nec illi capere.*] Fetidio vel Cœlio, qui hoc petisse videntur, ut pecuniam a civitatibus caperet, quibus id impetrasset. Si ad Cœlium pertinet, quod malim, nam et sequenti ad eum pertinent, legendum etiam videtur ipsi.

48 *Quem jam pridem numquam vidit.*] Vidit edidi cum Grævio, ut voluit Malaspina, sed sic jam edd. Rom. Jens. et alii veteres. *jam pridem* deleri volebat idem Malaspina, probabatque Grævius, sed nolebat deleri, quia in libris omnibus est. ego non dubitavi delere, quia manifeste absurdum est.

49 *Salutem utrique adscribito.*] Sc. cum Roman scribes.

50 *Pridie Kal. Jan.*] Est pro nominativo, dies sc. qui fuit pridie Kal. Jan. quo die epistola tua data est. ea die Cicero abiens consulatu, cum orationem ad populum habere, intercedente tribuno plebis, de consulatu suo non liceret, juravit, se remp. servasse.

51 *Magnus prætextatus illo die fui.*] Offendor in *prætextatus*. Vereor, ne in eo aliud quid lateat, aut sit insititium.

52 *Bene m. potuit.*] Int. vendere salubri pretio, et commode ad æs alienum dissolvendum. reliqua interpretantur: nisi forte maluit retinere, quia ibi libenter est cum servulo suo, tibicine, ut Manutius. alii aliter. Tunstallus, p. 123. intelligit *stat*, i. e. adhuc sustinet æs alienum, adjunctus altero Lucecio: quod placet. nam convenit sequenti, *qui sit ejus status*, quod ad rem pecuniariam pertinet, et de utriusque ære alieno alibi est.

53 *Præ ære Tusc. proscr.*] Sic correxit Hosius. Ed. Rom. habet *Pr. Jensoni præter*. post e Ms. *præ re* datum. quod interpretantur præter rem, sine necessitate. Sed illud etiam *præ ære* abundat. nam ex re intelligitur, uris alieni causa proscriptioni fuisse, ut ante in Lucecio.

54 *De Memmio restit.*] V. Clav. in C. Memmius.

curat, graviter ægrum. Respondi etiam minori. Tu, velim, dum ero Laodiceæ, id est, ad Idus Mai. quam sæpissime mecum per litteras colloquare: et cum Athenas veneris, (jam enim sciemus de rebus urbanis, de provinciis, quæ omnia in mensem Martium sunt collata,) utique ad me tabellarios mittas. Sed heus tu, jamne vos a Cæsare, ⁵⁵ per Herodem, talenta Attica L extorsistis? in quo, ut audio, magnum odium Pompeii suscepistis. putat enim, suos nummos vos comedisse; Cæsarem ⁵⁶ in Nemorensi ædificando diligentiore fore. hoc ego ex P. Vedio, magno nebulone, sed Pompeii tamen familiari, audiui. Hic Veditus venit mihi obviam cum duobus essedis, et rheda equis juncta, et lectica, et familia magna: pro qua, ⁵⁷ si Curio legem pertulerit, H-S centena pendat necesse est. erat præterea cynocephalus in essedo: nec decrant onagri. numquam vidi hominem nequiores. sed extremum audi. Diversatus est Laodiceæ apud Pompeium Vindullum: ibi sua deposuit, cum ad me profectus est. moritur interim Vindullus: quæ
b. res ad Magnum Pompeium pertinere putabatur. C. Venonius domum Vindulli venit: cum omnia obsignaret, in Vedianas res incidit. in his inventæ sunt quinque plangunculæ matronarum, in quibus una sororis amici tui, ⁵⁸ hominis Bruti, qui hoc utatur; et illius Lepidi, qui hæc tam negligenter ferat. hæc te volui *παριστορήσαι*. sumus enim ambo belle curiosi. Unum etiam velim cogites. audio Appium *προφυλαιον* Eleusine facere. num inepti fuerimus, si nos quoque Academia fecerimus? puto, inquis. ergo id ipsum scribes ad me. quidem valde ipsas Athenas amo. volo esse aliquod monumentum. ⁵⁹ odi falsas inscriptiones statuarum alienarum. sed ut tibi placebit: faciesque me, in quem diem Romana incidunt mysteria, certiores, et quo

55 *Per Herodem.*] Hoc nomen profecto verum non est. Laubinus in Ms. reperit *per Erotem*. quod non displicet. est nomen liberti vel procuratoris, atque id et alibi ap. Ciceronem est.

56 *In Nemorensi ædificando d., &c.*] Hoc est e correctione Turnebi, Adv. XXIV, 20. enimvero cur hoc displicuisset Pompeio? immo placere debebat.

57 *Si C. legem pertulerit.*] Legem viariam, opinor, de qua v. Clav. vel sumtuarum aliquam.

58 *Hominis Bruti.*] Ludit in Bruti nomine ex umbigo, quod et appellative in-

telligi potest, *bruti*: declarat sequens, qui *hoc utatur* familiari. Similis ambiguitas faceta est in sequente, et illius Lepidi: qui sane non est lepidus, cum hæc tam leniter fert.

59 *Odi falsas inscriptiones st. a.*] I. contemno statuas nobis honoris causa positas, quarum inscriptiones falsæ, fictæ sunt, assentandi causa, nec adeo monumenta vera et honorifica, sed si ipse ejusmodi monumentum fecero, id nobis veram gloriam affert. Vulgo accipiunt de mutatis inscriptionibus statuarum. quod nullum aptum loco sensum habet.

modo hiemaris. Cura, ut valeas. ⁶⁰Post Leutricam pugnam die septingentesimo sexagesimo quinto.

CICERO ATTICO S.

2

CUM Philogenes, libertus tuus, Laodiceam ad me, salutandæ causa, venisset, et se statim ad te navigaturum esse diceret; has ei litteras dedi: quibus ad eas rescripsi, quas acceperam a Bruti tabellario. Et respondebo primum postremæ tuæ paginæ; quæ mihi magnæ molestiæ fuit; quod ad te scriptum est a Cincio ⁶¹de Statii sermone: in quo hoc molestissimum est, Statium dicere, a me quoque id consilium ⁶²probari. probari autem? de isto hactenus. dixerim ⁶³me vel plurima vincla tecum summæ conjunctionis optare: ⁶⁴et si sunt amoris arctissima: tantum abest, ut ego ex eo, quo astricti sumus, laxari aliquid velim. ⁶⁵illum autem multa de istis rebus asperius solere loqui, sæpe sum expertus, sæpe etiam lenivi iratum. id scire te arbitror. in hac autem peregrinatione, militiæ nostræ sæpe incensum ira vidi, sæpe placatum. quid ad Statium scripserit, nescio. quidquid acturus de tali re fuit, scribendum tamen ad libertum non fuit. mihi autem erit maxime curæ, ne quid fiat secus, quam volumus, quamque oportet. nec satis est in ejusmodi re, ⁶⁶se quemque præstare: maximæ partes istius officii sunt pueri Ciceronis, sive jam adolescentis: quod quidem illum soleo hortari, ac mihi videtur matrem valde, ut debet, amare, teque mirifice. sed est magnum illud quidem, veruntamen multiplex pueri ingenium: ⁶⁷in quo ego regendo habeo negotii satis. Quoniam

⁶⁰ *Post Leutricam pugnam.*] Inter Milonem et Clodium, qua Clodius interfectus est. puto sic dixisse, quia ea libertus et securitas Romæ sic per Milonem restituta est, ut illa Leutricia Græciæ, a dominatione Lacedæmoniorum liberata per Epaminondam.

⁶¹ *De Statii sermone.*] Qui dixerit, Q. Ciceronem dimissurum uxorem suam, Attici sororem.

⁶² *Probari. probari autem, &c.*] Victorius ait, se hunc locum fæde (in ed. Jens. sqq.) corruptum e codice antiquiori suo sic correxisse. Enimvero sic erat jam in ed. Rom.

⁶³ *Me vel plurima vincula - - optare.*] Scribendum puto *plura*: sc. nedum illud affinitatis vinculum rumpi velim: etsi vincula, quæ sunt ex auctore, sunt arctiora

vinculis affinitatis.

⁶⁴ *Etsi sunt.*] Sic ed. Jensoni, &c. Ed. Rom. *sint*, quod Grævius repertum in Mss. suis male recepit: est sententia directe pronuntiata.

⁶⁵ *Illum autem.*] Q. fratrem meum.

⁶⁶ *Se quemque præstare. ac maxime partes i. o., &c.*] Exquisite, se præstare, ipsum facere, quod debeas. at sequens *ac maxime partes sunt*, &c. sine dubio est vitiosum. nam nec cohæret apte antecedenti, nec est bene latinum. Correxì *maximæ partes sunt*, deleta copula. vitium ortum est ab e pro æ, ut sæpe, scriptum et in edd. pr. expressum.

⁶⁷ *Quo ego regendo.*] Scripsit Cicero in quo e. r. sic enim Latini semper: littera m in ingenium absorpsit, ut sæpe. Edd. pr. etiam habent quod.

responendi postremæ tuæ paginæ prima mea; nunc ad primam revertar tuam. Peloponnesias civitates omnes maritimas esse, ⁶⁸ hominis non nequam, sed etiam tuo iudicio probati, Dicæarchi tabulis credidi. is multis nominibus in Trophouiana ⁶⁹ Chæronis narratione Græcos in eo ⁷⁰ reprehendit, quod mare tam secuti sint: nec ullum in Peloponneso locum excipit. cum mihi auctor placeret, (etenim erat *ιστορικώτατος*, et vixerat in Peloponneso,) admirabar tamen; et, vix accedens, communicavi cum Dionysio. atque is primo est commotus: deinde, quod tum ⁷¹ de isto Dicæarcho non minus bene existimabat, quam tu de C. Vestorio, ego de M. Cluvio, non dubitabat, ⁷² quin ei crederemus. ⁷³ Arcadiæ censebat esse Lepreon quoddam maritimum;

b. ⁷⁴ Tenea autem, et Aliphæra, et Tritia *νεώκτιστα* ei videbantur; idque *τῷ τῶν νεῶν καταλόγῳ* confirmabat, ubi mentio non fit istorum. atque istum ego locum totidem verbis a Dicæarcho transtuli. ⁷⁵ Phliasios autem dici sciebam: et ⁷⁶ ita, fac, ut habeas: nos quidem sic habemus. sed primo me *ἀναλογία* deceperat, *Φλιοῦς*, *Ὀποῦς*, *Σιποῦς*. quod *Ὀπούντιοι*, *Σιπούντιοι*. sed hoc continuo correximus. Lætari te nostra moderatione et continentia video. tum id magis faceres, si adesses, atque hoc foro, quod egi ex Idibus Febr. Laodiceæ ad Kalend. Mai. omnium dioecesium, præter Ciliciæ. mirabilia quædam effecimus: ita multæ civitates omni ære alieno liberatæ, multæ valde levatæ sunt: omnes, suis legibus et iudiciis usæ, *αὐτονομίαν* adeptæ, revixerunt. His ego duobus generibus facultatem ad se ære alieno liberan-

68 Hominis non nequam - - Dicæarchi.] Nequam mihi non nptum h. l. videtur: nec reperi sic, pro non satis docto, dici. Conieci non meo tantum.

69 Charonis.] Sic ed. Rom. A Jensonio fluxit Charontis. Habent tamen Charonis et edd. Crat. P. Mamtiii. et sic placuit Corrado et aliis. Ant. Augustinus malebat Charontis. nempe Charon indutus est narrans, quæ in antro Trophouii audisset. In antro Trophonii Charon esse non potuit.

70 Reprehendit, quod mare tam secuti sunt.] Sine dubio corrigendum sint. semper conjunctivus est in hac constructione.

71 De isto Dicæarcho.] An Dicæarcho est a glossatore? Sic videbatur et P. Manatio.

72 Quin ei crederemus.] I. e. credere deberemus: nisi excidit recte vel jure.

73 Arcadiæ esse censebat esse Lepreon quoddam maritimum.] Censebat int. Dicæarchus. Sed quare quoddam? nam est unum tantum. Legendum videtur quoddam: Lepreon urbem, quæ jam esset remotior u mari, olim maritimam fuisse: deinde remotam a mari esse vel aggestu terræ, ut alie, vel tractatam ad interiora. distabat autem tum, ut Strabo tradit, XL stadiis a mari.

74 Tene autem.] Grævius corrigit Tenea. recte. Sic semper Græcis et Latinis dicitur, in singulari. non dubitavi sic corrigere.

75 Phliasios.] Cicero videtur reprehensus esse ab Attico, quod scripsisset Phliuntios.

76 Ita, fac, ut habeas.] I. e. in exemplo tuo (sc. librorum de Rep.) sic corrige: et sic ego in meo exemplo correxi.

das aut levandas dcdi; uno, quod omnino nullus in imperio meo sumtus factus est, (nullum cum dico, non loquor *ὑπερβολικῶς*,) nullus, inquam, ne teruncius quidem. hac autem re, incredibile est, quantum civitates emerscint. Accessit altera. Mira crant in civitatibus ipsorum furta Græcorum, quæ magistratus sui fecerant. quæsiivi ipse de iis, qui annis decem proximis magistratum gesserant. aperte fatebantur. itaque, sine ulla ignominia, suis humeris pecunias populis retulerunt. populi autem, nullo gemitu, publicanis, quibus hoc ipso lustro nihil solverant, etiam superioris lustri reddiderunt. itaque publicanis in oculis sumus. gratis, inquis, viris. sensimus. Jam cetera jurisdictio⁷⁷ nec imperita, et clemens cum admirabili facilitate. aditus autem ad me minime provinciales. nihil per cubicularium. ante lucem inambulabam domi, ut olim candidatus. grata hæc et magna, mihiq; nondum laboriosa⁷⁸ ex illa vetere militia. Nonis Mai. in Ciliciam cogitabam: ibi cum Junium mensem consumsissem, atque utinam in pace! (magnum enim bellum impendit a Parthis) Quintilem in reditu^{p. 91.} ponere. annuæ enim mihi operæ a. d. III Kalend. Sext. emerentur. magna autem in spe sum, mihi nihil temporis prorogatum iri. Habebam acta urbana usque ad nonas Martias; c quibus intelligebam, Curionis nostri constantia⁷⁹ omnia potius actum iri, quam de provinciis. ergo, ut spero, propediem te videbo. Venio ad Brutum tuum, immo nostrum: sic enim mavis. Equidom omnia feci, quæ potui aut in mea provincia perficere,⁸⁰ aut in regno experiri. omni igitur modo egi cum rege, et ago quotidie, per litteras scilicet. ipsum enim triduum quatrimumve mecum habui turbulentis in rebus, quibus cum liberavi. sed et tum præsens, et postea creberrimis⁸¹ non destiti rogare et petere mea causa; suadere et hortari sua. multum profeci, sed quantum, non plane, quia longe absum,

⁷⁷ *Nec imperita.*] Falsum hoc. Lege *impedita*: sic et Corrado et Tunstallo placuit, edidit Brutus. Bosius correxit *impetrata* c Ms. mox ed. Rom. *nec demens*, ut Ms. Balliol. quod ex *imperita* natum videtur: et *clemens* Jensonus edidit.

⁷⁸ *Ex illa vetere militia.*] Sc. urbana et forensi, cum causas adhuc ageret.

⁷⁹ *Omnia potius actum iri, quam de provinciis.*] Eum nullo modo concessu-

rum, ut aliquid novi de provinciis decerneretur, ut prorogentur.

⁸⁰ *Aut in regno experiri.*] I (T.) Ariobarzani.

⁸¹ *Non destiti r. et p.*] Sc. ut pecuniam debitam solvat, de quo supra dictum. In Ms. Faerni fuit *creberrimis litteris*, per glossam. at ed. Jens. Asc. &c. *creberrime*. mihi utrumque videtur esse a glossatore. nam frigide abundat, cum res sit in destiti.

scio. Salaminios autem (hos enim poteram coercere (ad-
dixi, ut totum nomen Scaptio vellent solvere; sed cen-
tesimis ductis a proxima quidem syngrapha, ⁸² nec perpe-
tuis, sed renovatis quotannis. numerabantur numi: noluit
Scaptius. ⁸³ tun' qui ais, Brutum cupere aliquid perdere?
quaternas habebat in syngrapha. fieri non poterat: ⁸⁴ nec,
si posset, ego pati possem. audio omnino Scaptium pœni-
tere. nam quod senatus consultum esse dicebat, ut jus ex
syngrapha diceretur; eo consilio factum est, quod pecuniam
Salaminii contra legem Gabiniam sumserant. vetabat au-
tem Auli lex, jus dici de ita sumta pecunia. decrevit igitur
senatus, ut jus diceretur ista syngrapha. nunc ista habet
juris idem, quod ceteræ, nihil præcipui. Hæc a me ordine
b. facta, puto me Bruto probaturum; ⁸⁵ tibi, nescio; Catoni
certe probabo. sed jam ad te ipsum revertor. Ain' tandem
Attice, laudator integritatis et ⁸⁶ elegantiae. *ausus es hoc ex
ore tuo?* inquit Ennius: ut equites Scaptio ad pecuniam
cogendam darem, me rogare? an tu, si mecum esses, qui
scribis morderi te interdum, quod non simul sis, paterere me
id facere, si vellem? non amplius, inquis, quinquaginta.
Cum Spartaco minus multi primo fuerunt. quid tandem isti
mali ⁸⁷ in tam tenera insula. non fecissent? non fecissent
autem? immo quid ante adventum meum non fecerunt?
inclusum in curia senatum habuerunt Salaminium ita mul-
tos dies, ut interierint nonnulli fame. erat enim præfectus
Appii Scaptius, et habebat turmas ab Appio. id me igitur
tu, cujus mehercule os mihi ante oculos solet versari, cum
de aliquo officio ac laude cogito, tu me, inquam, rogas,
præfectus ut Scaptius sit? alias hoc statueramus, ut nego-
tiatorem neminem: idque Bruto probaveramus. habeat is
turmas? cur potius, quam cohortes? ⁸⁸ sumtu jam nepos

⁸² Nec perpetuis, sed renovatis quotan-
nis.] I. e. non quæ semper novas ex se
gignerent usuras, sed quæ tantum quotan-
nis repetentur. v. Cluv. in Centesima.

⁸³ Tun' qui ais B.] Edd. pr. Tu, qui
ais B. Tunstallus, p. 132. corrigit: tun',
queris, Br. cupere aliquid perdere sc. de
pecunia sua. nempe pecunia illa Bruti
erat. malim tun', ais, Brutum, &c.

⁸⁴ Nec si posset, ego pati possem.] In
possem hæsi semper. vel delendum et pote-
ram intelligendum, aut sic scribendum
videtur.

⁸⁵ Tibi, nescio.] Intellige an, vel adde.

sc. sim probaturus.

⁸⁶ Elegantiae nostrae.] Nostræ Malaspi-
na et Grævius auctoribus Mas. suis deleri
volebant. at aberat etiam ed. Rom. non
dubitavi delere. Loquitur de integritate
et elegantia universæ. elegantiae, i. e. recti
in agendo judicii.

⁸⁷ In tam tenera insula.] Cypro sc.
ubi homines molles, minus fortes, qui non
resistere, nec ferre ullam vim possent mi-
litarem.

⁸⁸ Sumtu jam nepos evasit Scaptius.]
Sic Victorius e vestigiis codicis sui edi-
disse se dicit. Sed id jam erat in margine

evadit Scaptius. Volunt, ⁸⁹ inquis, principes. scio. nam ad me Ephesum usque venerunt, flentesque equitum scelera, et miserias suas detulerunt. itaque statim dedi litteras, ut ex Cypro equites ante certam diem decederent: ob eamque causam, tum ⁹⁰ ob ceteras, Salaminii nos in cælum decretis suis sustulerunt. sed jam quid opus equitatu? solvunt enim Salaminii. nisi forte id volumus armis efficere, ut fœnus quaternis centesimis ducant. et ego audebo legere umquam, aut attingere ⁹¹ eos libros, quos tu dilaudas, si tale quid fecero? nimis, nimis, inquam, in isto Brutum amasti, dulcissime Attice: nos, vereor, ne parum. atque hæc, scripsi ego ad Brutum, scripsisse te ad me. cognosce nunc cetera. Pro Appio ⁹² nos hic omnia faciemus; honeste tamen, sed plane libenter: nec enim ipsum odimus: et Brutum amamus: et Pompeius mirifice a me contendit; quem mcherecule plus plusque in dies diligo. C. Cœlium quæstorem huc venire audisti. nescio, quid sit: sed, ⁹³ Pammenia illa mihi non placent. Ego me spero Athenis fore mense Septembri. tuorum itinerum tempora scire sane velim. *ἐνθελειαν* Sempronii Rusi cognovi ex epistola tua Corcyræa. quid quæris? invideo potentiae Vestorii. Cupiebam etiam nunc plura garrere; sed lucet: urget turba: festinat Philogenes. Valebis igitur, et valere Piliam et Cæciliam nostram jubebis litteris: salvebis a meo Cicerone.

CICERO ATTICO S.

3

ETSI nil sane habebam novi, quod post accidisset, quam dedissem ad te Philogeni, liberto tuo, litteras: tamen cum Philotinum Romam remitterem; scribendum aliquid ad te fuit. Ac primum illud, quod me maxime angebat, (non

ed. Cratandri, nescio unde, quæ in textu habet, *sumtuum jam nec rudes pascet Scaptius*. Atque eo pertinet, quod Victorius dicit, hanc lectionem jam perspexisse videri Germanos. sensus est: non est mirum, eum sumtuosius militum genus habere velle: nam omnino jam sit sumtuosior. edd. pr. *sumtum jam ne posse evadit Scaptius*. Pro *evadit* e vestigiis horum librorum malim *evadit*.

89 *Inquis*.] Mss. quidam, et edd. Jenson. Asc. Ald. Crat. &c. *inquit*. quod melius videtur Græviu. illud Victorius dedit, quod est in ed. Rom. Videtur utique ad Atticum potius pertinere, quam

ad Scaptium. Ceterum ironice id dictum.

90 *Ob ceteras*.] Ex ed. Jensoni fluxit. Ed. Rom. habet *cetera*, quod et in Mss. suis reperit Grævius, quod malim.

91 *Eos libros quos, &c.*] Int. libros de republica.

92 *Nos hic omnia faciemus*.] Sic Græv. se ait edidisse e duobus Mss. suis, eumque se imitatum esse dicit Gronovius. at sic etiam edd. pr. Rom. Jems. Asc. Aldi. Primus facimus edidit P. Manutius. Sed id tamen mihi melius videtur. nam dudum fecerat: ut est in ep. seq.

93 *Pammenia*.] Negotia Pammenis, de quibus supra, V, 20. extr.

quo me aliquid juvare posses: ⁹⁴quippe res enim est in manibus: tu autem abes longe gentium:

Πολλὰ δ' ἐν μεταχειρίῳ

Νότος κυλινδει κύματ' εὐρείης ἀλός) ⁹⁵obrepsit dies, ut vides, (michi enim a. d. III Kal. Sext. de provincia decedendum est,) nec succeditur. quem relinquam, qui provinciæ præsit? Ratio quidem et opinio hominum postulat fratrem: primum, quod videtur esse honos: nemo igitur potior: deinde, quod solum habeo prætorium. Pomtinus enim ⁹⁶ex pacto et conventu (nam ea lege exierat) jam a me discesse-
rat. Quæstorem nemo dignum putat. etenim est levis, libidinosus, sagax. De fratre autem primum illud est: per-
suaderi ei non posse arbitror. odit enim provinciam et her-
cule nihil odiosius, nihil molestius. deinde, ut mihi nolit ne-
gare; quidnam mei sit officii? cum bellum esse in Syria magnum putetur, id videatur in hanc provinciam. eruptu-
rum; hic præsidii nihil sit; sumtus annuus decretus sit; videaturne aut pietatis esse meæ, fratrem relinquere; aut diligentia, nugarum aliquid relinquere? magna igitur, ut vides, sollicitudine afficior, magna inopia consilii. quid quæris? ⁹⁷toto negotio nobis opus non fuit. ⁹⁸quanto tua provincia melior? decedes, cum voles; nisi forte jam decessisti: quem videbitur, præficies Thesprotiæ et Chaoniæ. necdum tamen ego Quintum conveneram, ut jam, si id placeret, scirem, possetne ab eo impetrari: nec tamen, ⁹⁹si posset, quod vellein, habebam. Hoc est igitur ejusmodi. reliqua plena adhuc et laudis et gratiæ, digna iis libris, ¹⁰⁰quos tu laudas. conservatæ civitates; cumulate publica-
nis satisfactum: offensus contumelia nemo; decreto justo et severo perpauci; nec tamen quisquam, ut queri audeat. res gestæ dignæ triumpho: de quo ipso nihil cupide age-
mus; sine tuo quidem consilio certe nihil. Clausula est

94 Quippe res enim.] Sic ed. Jens. et proxime. enim omittit Rom. Aldi, &c. omisit et Grævius. barro tamen, an quippe enim sic dicatur ut quippe quia. nec de-
lere aous sunt.

95 Obrepsit dies.] Credo legendum obrepsit. nam nondum aderat dies ille.

96 Ex p. et conventu.] Bosius e suis libris scr. dicit se edere conventu. Sed ita eodd. vet. omnes usque ad P. Manu-
tinum, qui fecit conventu. et alibi illa forma est apud Ciceronem.

97 Toto negotio nobis opus non fuit.]

Int. provinciæ suscipiendæ et adminis-
trandæ. debebamus provinciam non reci-
pere.

98 Quanto tua provincia melior.] Hæc
per joenum dicta sunt.

99 Si posset.] Recte restituit Grævius
si pro nisi, quod nescio quomodo primum
in ed. Viet. irrepsit, et a Grutero serva-
tum est.

100 Quos tu laudas.] Restitui lectio-
nem edd. pr. pro quos dilaudas. nam addi
deberet tu, ut ep. superiori: repetitum
est ex eadem epistola.

difficilis in tradenda provincia. sed hæc Deus aliquis gubernet. De urbanis rebus scilicet plura tu scis; sæpius et certiora audis. equidem doleo, non me tuis litteris certior fieri. huc enim odiosa afferebantur de Curione, de Paulo: non quo ullum periculum videam stante Pompeio, vel etiam sedente; valeat modo: sed mehercule Curionis et Paulli, meorum familiarium, vicem doleo. formam igitur mihi totius reipublicæ, si jam es Romæ, aut cum eris, velim mittas, quæ mihi obviam veniat, ex qua me fingere possim, et præmeditari, quo animo accedam ad urbem. est enim quiddam, advenientem non esse peregrinum atque hospitem. Et, quod pæne præterii, Bruti tui causa, ut sæpe ad te scripsi, feci omnia. Cyprii numerabant. sed Scaptius centesimis, renovato in singulos annos tenore, contentus non fuit. Ariobarzanes non in Pompeium prolixior per ipsum, quam per me in Brutum: ¹ quem tamen ego præstare non poteram. erat enim rex perpauper; aberamque ab eo ita longe, ut nihil possem, nisi litteris; quibus pugnare non destiti. summa hæc est. pro ratione pecuniæ ² liberalius est Brutus tractatus, quam Pompeius. Bruto curata hoc anno talenta circiter c. Pompeio in sex mensibus promissa cc. jam in Appii negotio quantum tribuerim Bruto, dici vix potest. quid est igitur, quod laborem? Amicos habet meras nugas, Matinium, Scaptium; qui, quia non habuit a me turmas equitum, quibus Cyprum vexaret, ut ante me fecerat, fortasse succenset; aut quia præfectus non est, quod ego nemini tribui negotiatori; non C. Vennonio, meo familiari; non tuo M. Lenio; et ³ quod tibi Romæ ostenderam me servaturum, in eo perseveravi. sed quid poterit queri is, qui, auferre pecuniam cum posset, noluit? Scaptio, qui in Cappadocia fuit, puto esse satisfactum. is a me tribunatum cum accepisset, quem ego ex Bruti litteris ei detulissem, postea scripsit ad me, se uti nolle eo tribunatu. Gavius est quidam; cui cum præfectu-

¹ Quem tamen, &c.] Int. regem. non possum pro certo dicere, cum pecuniam solaturum Bruto, quam debet.

² Liberalius est Br. tr.] Pro vulgato *Libertus* restitui *liberalius*, quod Bosius et Gruterus receperunt, Grævius et Gronovius repudiaverunt, etsi probabant cum Victorio. nam in tanta evidentia nihil dubitationis est, quo minus recipiatur etiam sine

libris, ut multa alia. *liberaliter tractari* est apud eundem Ciceronem in ep. ad Div. Compendium scripturæ attulit vitium.

³ Quod tibi - in eo perseveravi.] Secutus sum Ursini librum, cujus Ilectionem structura orationis desiderat, pro vulgato *in quo*.

ram detulissem Bruti rogatu, multa et dixit et fecit cum quadam mea contumelia P. Clodii canis. is me nec proficiscentem Apameam persecutus est; nec, cum postea in castra venisset, atque inde discederet, numquid vellem, rogavit; et fuit aperte mihi, nescio quare, non amicus. hunc ego si in praefectis habuissem, quem tu me hominem putares? qui,
 b. ut scis, potentissimorum hominum contumaciam numquam tulerim, ferrem hujus adseclae? etsi hoc plus est, quam ferre, tribuere etiam beneficii aliquid et honoris. is igitur Gavius, cum Apameae me nuper vidisset Romam proficiscens, me ita appellavit: (Culleolum vix auderem:) unde, inquit, me jubes potere cibaria praefecti? respondi lenius, quam putabant oportuisse, qui aderant; me non instituisse iis dare cibaria, quorum opera non essem usus. abiit iratus. ⁴hujus nebulonis obiratione si Brutus moveri potest, licebit eum solus ames; me æmulum non habebis. sed illum eum futurum esse puto, qui esse debet. tibi tamen causam notam esse volui: et ad ipsum hæc perscripsi diligentissime. omnino ⁵(soli enim sumus) nullas umquam ad me litteras misit Brutus, ne proxime quidem de Appio, in quibus non inesset arrogans, ἀκονώρητον aliquid. tibi autem valde solet in ore esse,

Granius autum

Non contemnere se, et reges odisse superbos:

in quo tamen ille mihi risum magis, quam stomachum, movere solet: sed plane parum cogitat, quid scribat, aut ad quem. Q. Cicero puer legit, ut opinor, et certe, epistolam inscriptam patri suo. solet enim aperire, idque de meo consilio; si quid forte sit, quod opus sit sciri. in ea autem epistola erat illud idem ⁶de sorore, quod ad me. mirifice conturbatum vidi puerum. lacrymans mecum est questus. quid quæris? miram in eo pietatem, suavitatem, humanitatemque perspexi: quo majorem spem habeo, nihil fore aliter, ac deceat. id te igitur scire volui. Ne illud quidem prætermittam: Hortensius, filius, fuit Laodiceæ, gladiatoribus, flagitiose et turpiter. hunc ego patris causa vo-

⁴ Hujus nebulonis obiratione.] Obiratione est a Besio, qui in uno Ms. se reperisse dicit, pro antiquo operatione. Sed id verbum etsi analogiam habet, tamen nusquam alibi occurrit, credoque cum Latinum legendum esse oratione, præsertim

cum in Ms. fuerit peroratione.

⁵ Soli enim sumus.] Nemo ergo audit, quæ tibi dico de Bruto. ex Terentio est.

⁶ De sorore, quod ad me.] Scripseras ep. superiore: eam Quintum dimittere velle.

cavi ad cenam, quo die venit; et ejusdem patris causa ⁷ nihil amplius. is mihi dixit, se Athenis me exspectaturum, ut mecum decederet. recte, inquam: quid enim dicerem? omnino puto nihil esse, quod dixit. ⁸ nolo quidem; ne offendam patrem, quem mehercule multum diligo. sin fuerit meus comes, moderabor ita, ne quid eum offendam, quem minime volo. Hæc sunt; etiam illud. Orationem Q. Celeris mihi velim mittas contra M. Servilium. litteras mitte quamprimum: si nihil; nihil fieri, vel per tuum tabellarium. Piliæ et filiæ salutem. Cura, ut valeas.

CICERO ATTICO S.

4

TARSUM venimus nonis Juniis. ibi me multa moverunt: magnum in Syria bellum; magna in Cilicia latrocinia; mihi difficilis ratio administrandi, quod paucos dies habebam reliquos anni muneris: illud autem difficillimum; relinquendus erat ex senatus consulto qui præesset. nihil minus probari poterat, quam quæstor Mescinius. nam de Coelio nihil audiebamus. rectissimum videbatur, fratrem cum imperio relinquere: in quo multa molesta, discessus noster, belli periculum, militum improbitas, sexcenta præterea. o rem totam odiosam! sed hæc fortuna viderit: quoniam consilio non multum uti licet. Tu, quando Romam salvus, ut spero, venisti, videbis, ut soles, omnia, quæ intelliges nostra interesse, in primis de Tullia mea: cujus de conditione quid mihi placeret, scripsi ad Terentiam, cum tu in Græcia esses: deinde de honore nostro. quod enim tu abfuisti, vereor ut satis diligenter actum in senatu sit de litteris meis. Illud præterea *μυστικώτερον* ad te scribam: tu sagacius odorabere: *τῆς δάμαρτός μου ὁ ἀπελεύθερος (οἶσθα ὃν λέγω) ἔδοξε μοι πρώην, ἐξ ὧν ἀλογυνόμενος παρεφθέγγετο, ἡ πεφυρακέναι τὰς ψήφους ἐκ τῆς ὠνῆς τῶν ὑπαρχόντων τοῦ Κροτωνιάτου τυραννοκτόνου. δέδοικα δὲ, μήτι νοήσης. εἰς δῆπου τοῦτο δὴ περισκεψάμενος, τὰ λοιπὰ ἐξασφάλισαι.* non quæo tantum, quantum vereor, scribere. Tu autem fac, ut mihi tuæ

⁷ *Nihil amplius.*] Int. feci. intelligit autem, se eum non reprehendisse, coercuisse, ne patrem offenderet, ut e sqq. patet.

⁸ *Nolo quidem, ne o. p.*] Obscurius hoc est, et nescio an vitiosum. Sensus esse debet, ut Manlius vidit: nolo qui-

dom eum esse in comitatu meo, ne offendam patrem, si habuero. Sed quare hoc timebat? an excidit non? *non nolo quidem:* non cum prohibebo a comitatu meo: nam hoc poterat patrem offendere.

litteræ volent obviæ. Hæc festinans scripsi in itinere atque agmine. Piliæ et puellæ Cæciliæ bellissimæ salutem dices.

5

CICERO ATTICO S.

NUNC quidem profecto Romæ es: quo te, si ita est, sal-
vum venisse gaudeo: unde quidem quamdiu abfuisti, ⁹ma-
gis a me abesse videbare, quam si domi esses. minus enim
mihi meæ notæ res erant, minus etiam publicæ. quare velim,
etsi, ut spero, te hæc legente ¹⁰aliquantum viæ processero,
tamen obvias mihi litteras quam argutissimas de omnibus
rebus crebro mittas, in primis de quo scripsi ad te antea:
τῆς ξυναύρου τῆς ἐμῆς οὐξ ἐλευθέρος, ἔδοξέ μοι θαμὰ βατταρίζων,
καὶ ἀλύνων τοῖς ξυλλόγοις, καὶ ταῖς λίσχαις ὑπὸ τι πιφυρακέναι
τὰς ψήφους ἐν τοῖς ὑπάρχουσι τοῖς τοῦ Κροτωνιάτου. hoc tu
indaga, ut soles; ast hoc magis. ἐξ ἄστεως ἐπταλόφου τειχῶν
παρέδωκεν μνῶν κδ. μη. ὀφειλημάτων Καμίλλω. ἐαυτὸν τε ὀφεί-
λονται μνᾶς κδ. ἐκ τῶν Κροτωνιατικῶν καὶ ἐκ τῶν Χερρόνη-
σιατικῶν μη· καὶ μνᾶς κληρονομήσας χμ. χμ. τούτων δὲ μηδὲ
ὀβολὸν διαλύσασθαι, πάντων ὀφειληθέντων τοῦ δευτέρου μηνὸς
τῇ νομηνίᾳ. τὸν δὲ ἀπελεύθερον αὐτοῦ, ὄντα ὁμώνυμον τῇ
p. 95. Κόνωνος πατρὶ, μηδὲν ὀλοσχερῶς πεφροντικέναι. ταῦτα οὖν,
a. πρῶτον μὲν, ἵνα πάντα σώζηται· δεύτερον δὲ, ἵνα μηδὲ τῶν τόκων
ὀλιγωρήσης τῶν ἀπὸ τῆς προεκκειμένης ἡμέρας. ὅσας αὐτὸν ἠνέ-
γκαμεν σφόδρα δέδοικα. καὶ γὰρ παρῆν πρὸς ἡμᾶς κατασκευόμενος,
καὶ τι σχεδὸν ἐλπίσας· ἀπογνοὺς δὲ, ἀλόγως ἀπέστη, ἐπειπῶν,
εἶκω· αἰσχρὸν τοι δηρὸν τε μένειν· meque objurgavit vetere
proverbio, τὰ μὲν διδόμενα. Reliqua vide, et, quantum fieri
potest, ¹¹prospiciamus. Etsi annum tempus prope jam
emeritum habebamus: dies enim XXXIII erant reliqui:
sollicitudine provinciæ tamen vel maxime urgebamur. cum
enim arderet Syria bello; et Bibulus, in tanto mœrore suo,
maximam curam belli sustineret; ad meque legati ejus, et
quæstor, et amici litteras mitterent, ut subsidio venirem:
etsi exercitum infirmum habebam; auxilia sane bona, sed

9 Magis - - quam si domi esses.] Nam
in Græcia cum esset Atticus, proprie mi-
nus aberat a Cicerone, quam cum esset
Romæ.

volebat Grævius tamen. recte, ego delevi.
abest et ab ed. Rom. Ceterum tamen na-
tum esse potest & jam.

11 Prospiciamus.] Grævius bene cor-
rigit prospiciamus.

10 Aliquantum viæ processero.] Deleri

ca Galatarum, Pisidarum, Lyciorum; hæc enim sunt nostra roborā: tamen esse officium meum putavi, exercitum habere quamproxime hostem, quoad mihi præesse provinciæ per senatus consultum liceret. sed, quo ego maxime delectabar, Bibulus molestus mihi non erat; de omnibus rebus scribebat ad me potius: et mihi decessionis dies λεληθώς obreptat: qui cum advenerit, ἄλλο πρόβλημα, quem præficiam; nisi Calvus quæstor venerit; de quo adhuc nihil certi habebamus. Cupiebam mehercule longiorem epistolam facere: sed nec erat res, de qua scriberem; nec joculari præ cura poteram. Valebis igitur, et puellæ salutem Atticulæ dices, nostræque Piliæ.

CICERO ATTICO S.

6

EGO, dum in provincia omnibus rebus Appium orno, subito sum factus accusatoris ejus socer. id quidem, inquis, dii approbent. ita velim: teque ita cupere certo scio. sed crede mihi, nihil minus putaram ego; qui ¹² de Ti. Nerone, qui mecum egerat, certos homines ad mulieres miseram; qui Romam venerunt, factis sponsalibus. sed hoc spero melius. mulieres quidem valde intelligo delectari obsequio et comitate ¹³ adolescentis. cetera noli ἐξ ακανθίζειν. Sed heus tu, πυροῦς εἰς ἤμυν Athenis? placet hoc tibi? etsi non impediabant ¹⁴ mei certe libri (non enim ista largitio fuit in cives, sed in hospites liberalitas) me tamen ¹⁵ de Academiæ προπύλῳ jubes cogitare; cum jam Appius de Eleusine non cogitet. De Hortensio te certo scio dolere. equidem exerceor. decreram enim cum eo valde familiariter vivere. Nos provinciæ præfecimus Cœlium: puerum, inquires, et fortasse fatuum, et non gravem, et non continentem. assentior: fieri non potuit aliter. Nam quas multo ante tuas acceperam litteras, in quibus ἐπέχειν te scripseras, quid esset mihi faciendum de relinquendo; eæ me pungebant. Videbam enim, quæ tibi essent ἐποχῆς causæ; et erant eædem mihi: ¹⁶ puero tradere me? fratri autem? illud non utile

¹² De Ti. Nerone.] Est is, qui postea Liviam duxit, tum Tulliam petebat.

¹³ Adolescentis.] Dolabellæ: qui tum, cum Tulliam dacebat, jam consul fuerat. Sed consul creatus est longe ante ætatem legitimam, anno quinto et viceſimo, ut Dio tradit.

¹⁴ Mei certe libri.] De republica.

¹⁵ De Acad. προπύλῳ.] Sc. ædificando. in sequente de Eleusine puto aliquid latere in Appium.

¹⁶ Puero tradere me: fratri autem.] Hæc interrogative accipiendæ sunt. me abest edd. pr. Sequens illud non utile nobis non intelligo quomodo coherereat reliquæ orationi. Referunt ad fratrem: sed

nobis. Nam præter fratrem nemo erat, quem sine contumelia quæstori, nobili præsertim, anteferebam. tamen, dum impendere Parthi videbantur, statueram fratrem relinquere, aut etiam reipublicæ causa contra senatus consultum ipse remanere: qui posteaquam, incredibili felicitate, discesse-
 runt; sublata dubitatio est. videbam sermones: hui! fratrem reliquit? num est hoc, non plus annum obtinere provinciam? quid, quod senatus eos voluit præesse provinciis, qui non præfuissent? at hic triennium. ergo ¹⁷ hæc ad populum. Quid, quæ tecum? numquam essem sine cura, si
 p. 96. a. quid iracundius, aut contumeliosius, aut negligentius; ¹⁸ quæ fert vita hominum. quid, si quid filius puer, et puer bene sibi fidens? qui esset dolor? quem pater non dimittebat; teque id censere, moleste ferebat. At nunc Coelius, ¹⁹ non dico equidem, quid egerit; sed tamen multo minus laboro. Adde illud: Pompeius, eo robore vir, iis radicibus, Q. Cassium sine sorte delegit, Cæsar Antonium: ego sorte datum offenderem? ut etiam inquireret in eum, quem reliquisset? Hoc melius: et hujus rei plura exempla: senectuti quidem nostræ profecto aptius. At te apud eum, dii boni! quanta in gratia posui; eique legi litteras non tuas, sed librarii tui. Amicorum litteræ me ad triumphum vocant, rem a nobis, ut ego arbitror, propter hanc *παλιγγενεσίαν* nostram, non negligendam. quare tu quoque, mi Attice, incipe id cupere; quo nos minus inepti videamur.

7

CICERO ATTICO S.

QUINTUS filius, pie sane, me quidem certe multum hortante, sed currentem, animum patris sui sorori tuæ reconciliavit. eum valde etiam tuæ litteræ excitarunt. quid quæris? confido rem, ut volumus, esse. Bis ad te antea scripsi de re mea familiari, si modo tibi redditæ litteræ sunt, Græce, ἐν αἰνυμοῖς. scilicet, ²⁰ nihil est movendum. sed

ita non addidisset illud: quod si abesset, omnia facilia forent.

¹⁷ *Hæc ad populum.*] l. e. hæ rationes pertinent ad rempublicam et iudicium populi de successore a me relicto.

¹⁸ *Quæ fert vita hominum.*] Lenius dixit, quam sensit. Quintus erat iracundior, vehementior, &c. et in eo genere sæpe peccarat in Asiæ administratione, ut ex epistola Ciceronis ad eum de administratione provinciæ, intelligitur.

¹⁹ *Non dico eq. quid egerit.*] Sensus est: non possum quidem commemorare multa, quæ ipse in provincia fecerit, ad probandam ejus dignitatem.

²⁰ *Nihil est movendum.*] Int. non jure et severe agendum est ad exigendam pecuniam. mox ita mihi suspectum est. nam et durum h. l. est, et, si deleatur, omnin salva et facilia sensu sunt. Est autem ita primum in cd. Jens. Rom. habet aut. in qua est etiam ante, *recepit*.

tamen, ἀφελῶς percunctando de nominibus Milonis, et, ut expediat, ut mihi recepit, hortando, aliquid ita tu proficies. Ego Laodiceæ quæstorem Mescinium ²¹exspectare jussi, ^{b.} ut confectas rationes lege Julia apud duas civitates possim relinquere. Rhodum volo puerorum causa: inde quamprimum Athenas: etsi etesiæ valde reflant: sed plane volo his magistratibus, quorum voluntatem in supplicatione sum expertus. Tu tamen mitte mihi, quæso, obviam litteras, numquid putes reipublicæ nomine tardandum esse nobis. Tiro ad te dedisset litteras, nisi cum ²²graviter ægrum reliquissem. sed nuntiant, melius esse. ego tamen angor. nihil enim illo adolescente castius, nihil diligentius.

CICERO ATTICO S.

8

CUM instituisssem ad te scribere, calamumque sumsissem, Battonius e navi recta ad me venit domum Ephesi, et epistolam tuam reddidit 11 Kal. Octobres. Lætatus sum felicitate navigationis tuæ, opportunitate Piliæ, etiam meherecule sermone ejusdem de conjugio Tulliæ meæ. Battonius autem miros terrores ad me attulit Cæsarianos: cum Lepta etiam plura locutus est: spero, falsa, sed certe horribilia: exercitum nullo modo dimissurum: cum illo prætores designatos, Cassium tribunum plebis, Lentulum consulem facere: Pompeio in animo esse, urbem relinquere. Sed heus tu, numquid moleste fers ²³de illo, qui se solet anteferre patruo sororis tuæ filii? at a quibus victus? sed ad rem. Nos etesiæ vehementissime tardarunt. ²⁴detraxit xx ipsos dies etiam aphractus Rhodiorum. Kal. Octob. Epheso conscendentes hanc epistolam dedimus L. Tarquittio, simul e portu egredienti, sed expeditius naviganti. nos Rhodiorum aphractis, ceterisque longis navibus tranquilli-

p. 97.
a.

21 *Exspectare jussi.*] Hæc est lectio ed. Rom., eaque optima, revocata a P. Manutio, Lambino, &c. In aliis ut in scriptis varie interpolatus est.

22 *Graviter ægrum Issi reliquissem.*] Issi est e conjectura P. Manutii. alii aliud nomen exsculpere e lectione Jens. Escæ vel excoagitare tentarunt. Tunstallus, p. 144. corr. ἀσπρία. Nil melius quam sequi ed. Rom. quæ tantum habet quod edidi.

23 *De illo.*] Corradus in quæstura intelligit M. Catonem, alii Hirrum: quod verius. is igitur competitor Ciceronis in

augurato, qui etiam in ædilitatis petitione a Cælio Rufo victus erat, ut e Cælii epistola 3. constat.

24 *Detrahit - - aphractus.*] Hoc sine dubio vitiosum est. Ms. Ursini habebat *detrazere* - - *aphractus*: unde Tunstallus, p. 144. fecit: *detrazeram et jam aphractus Rhodiorum - - Epheso conscendentes. Detrazere* verum puto: pertinetque ad etesias. tum post *dies* interpungam. *etiam aphractus Rh.* sc. detraxit nobis aliquid dierum, nempe propter imbecillitatem navigii, quam tribuit aphractis, V, 13. et inf.

tates aucupaturi eramus. ita tamen properabamus, ut non posset magis. De raudusculo Puteolano, gratum. Nunc velim dispicias res Romanas: videas quid nobis de triumpho cogitandum putes; ad quem amici me vocant. ego, nisi Bibulus, qui, ²⁵ dum unus hostis in Syria fuit, pedem porta non plus extulit, quam domo sua, adniteretur de triumpho, æquo animo essem. nunc vero αἰσχροὺν σιωπᾶν. sed explora rem totam: ut, quo die congressi erimus, consilium capere possimus. At multa; qui et properarem, et ei litteras daren, qui aut mecum, aut paullo ante venturus esset. Cicero tibi plurimam salutem dicit. tu dices utriusque nostrum verbis et Piliæ tuæ, et filiae.

9

CICERO ATTICO S.

IN Piræca cum exissem prid. Idus Octob. accepi ab Acasto, servo meo, statim tuas litteras: quas quidem cum expectassem jam diu, admiratus sum, ut vidi obsignatam epistolam, brevitatem ejus, ut aperui, rursus σύγχυσιν litterularum, ²⁶ quæ solent tuæ compositissimæ et clarissimæ esse: ac, ne multa, cognovi ex eo, quod ita scripseras, te Romam venisse a. d. XII Kalend. Octob. cum febris percussus vehementer, nec magis, quam debui, statim quæro ex Acasto. ille et tibi et sibi visum, et ita se domi ex tuis audisse, ut nihil esset incommode. id videbatur approbare, quod erat in extremo, febriculam tum te habentem scripsisse. sed amavi tamen, admiratusque sum, quod nihilo minus ad me tua manu scripsisses. quare de hoc satis. spero enim, quæ tua prudentia et temperantia est, et hercule, ut me jubet Acastus, confido te jam, ut volumus, valere. A Turannio te accepisse meas litteras gaudeo. παραφύλαξον, si me amas, τὴν ²⁷ τοῦ φυρατοῦ φιλοτιμίαν αὐτότατα. hanc, quæ me hercule mihi magno dolori est: dilexi enim hominem. procura, quantulacumque est, Præcianam hereditatem, prorsus

²⁵ Dum unus hostis in Syria fuit.] Sic non dubitavi rescribere pro *homines* ex ep. 2. L. VII. ubi eandem rem eodem modo dicit: *qui pedem porta, quoad hostis eis Piræphratem fuit, non extulit*: - - *quam domo sua* sc. Romæ in consulatu, cum per oculo menses non egressus est domo, metn Cæsaris.

²⁶ Quæ solent tuæ compositissimæ, &c.] Mss. quidam *copiosissimæ*: sic et ed. Jens.

et quæ ex ea fluxere. probat Junius et, ut videtur, Grævius: ut hoc opponatur brevitati, ut alterum, *clarissimæ*, confusioni. Sed hic de sola confusione sermo est, cognita post apertas litteras: tuæ int. cum a te ipso litteræ scriptæ sunt.

²⁷ Τοῦ φυρατοῦ φιλοτ.] Philotimi liberti. mox dices iterum int. Philotimo, cum volet illam hereditatem, velut meo nomine, exigere.

ille ne attingat. dices, numos mihi opus esse ad apparatus triumphi: in quo, ut præcipis, nec me *κενὸν* in expetendo cognosecs, nec *ἀτυφον* in abjiciendo. Intellexi ex tuis litteris, te ex Turannio audisse, a me provinciam fratri traditam. adeon' ego non perspexeram prudentiam litterarum tuarum? *ἐπέχειν* te scribebas. quid erat dubitatione dignum, si esset quidquam, cur placeret fratrem, et talem fratrem, relinqui? *ἀθέτησις* ista mihi tua, non *ἐποχή*, videbatur. monebas de Q. Cicerone puero, ut eum quidem neutiquam relinquerem. *τοῦμὸν ὄνειρον ἐμοί*. eadem omnia, quasi collocuti essemus, vidimus. non fuit faciendum aliter, meque *ἐπιχρονία ἐποχή* tua dubitatione liberavit. sed puto te acceperisse de hac re epistolam, scriptam accuratius. Ego tabellarios postero die ad vos eram missurus, quos puto ante venturos, quam nostrum Saufeium. sed cum sine meis litteris ad te venire, vix rectum erat. Tu mihi, ut polliceris, de Tulliola mea, id est, de Dolabella, perscribas; de republica, quam prævideo in summis periculis; de censoribus, maximeque ²⁸ de signis, tabulis, quid fiat, referaturne. Idibus Octob. has dedi litteras: quo die, ut scribis, Cæsar Placentiam legiones quatuor. quæso, quid nobis futurum est? ²⁹ In arce Athenis statio mea nunc placet.

28 De signis, tabulis quid fiat: referaturne.] Intell. de modo signorum et tabularum, et an censores ad senatum referant, ut modus luxuriæ in eo genere statuatur.

29 In arce Ath.] Sic bene Victorius: sic fere ed. Rom. nisi quod pro *in arce* vitiose est *marte*. Est locus. malim hic manere, quam Romam venire, ubi nihil securum jam est.

M. TULLII CICERONIS EPISTOLARUM

AD

ATTICUM

LIBER VII.

ARGUMENTUM.

Continentes sunt libri hujus epistolæ cum superioribus, ut hæc ipsa prima illa esse videatur, quam proxima superiore, postero die se daturum, promiserat. Scriptæ porro sunt partim ex itinere, dum ex provincia rediit: partim ex fuga, quam, audito Caesaris adventu, cum consulibus totoque senatu excutus est. Nam cum ad urbem prid. Non. Januarii accessit, ibidemque spe triumphi, quem sibi frequens senatus, ut ipsemet scribit ad Tironem, efflagitabat, moratur: XIII Kal. Febr. mentio illo, ut diximus, accepto, coactus est exire, atque eam cogitationem omittere. Etenim, cum in sententiam Scipionis S. C. factum esset, ut ante certam diem Caesar exercitum dimitteret: si non faceret, eum adversus remp. facturum videri: eique S. C. M. Antonius, Q. Cassius tribunus pleb. intercessissent: de intercessione relatum, acerbissimeque decretum fuisset: illi, urbe cedentes, ad Casarem se, qui tum erat Ravennæ, contulissent: Caesar, iis maxime auctoribus, trajecto Rubicone, Arminum, quod erat extra provinciam illius, cum venisset, tantus pavor repente urbem invasit, ut passim fuga turpissima facta sit. Continent autem Epistolæ priores, a prima usque ad decimam, quæ incipit, Subito consilium cepi, hasitationem, sollicitudinem, quæ Ciceronis animi, quoniam modo cum Casare Pompeioque se gereret, cum utrique esset amicus, et illum uterque suis annumeraret: posteriores usque ad finem libri, cum multa alia, tum querelam de Pompeio: tum sine ratione gesta esse omnia ab illo atque geri; accusationem impudentiæ Caesaris: legationem L. Caesaris ad Pompeium et consules, C. Caesaris nomine: et quæ illi ad hæc responderint. Reliqua privata sunt. Scriptæ porro sunt illæ L. Paullo, C. Marcello Coss. Illud etiam sciendum, abfuisse Ciceronem annum et menses circiter octo. Profectus est enim in provinciam ineunte Maio, Ser. Sulpicio et M. Marcello Coss. in eaque et in itinere L. Paulli et C. Marcelli consulatu consumto, ad urbem fuit, prid. Non. Jan. consulatum L. Lentulo et C. Marcello ineuntibus.

CICERO ATTICO S.

DEDERAM equidem L. Saufeio litteras, et dederam ad te unum, quod, cum non esset temporis mihi ad scribendum

satis, tamen hominem tibi tam familiarem sine meis litteris ad te venire nolebam. sed, ¹ut philosophi ambulant, has tibi redditum iri putabam prius. sin jam illas accepisti, scis, me Athenas venisse prid. Idus Octobres; e navi egressum in Piræeum tuas ab Acasto nostro litteras accepisse; conturbatum, quod cum febre Romam venisses; bono tamen animo esse coepisse, quod Acastus ea, quæ vellem, de allevato corpore tuo nuntiaret; ²cohorruisse autem me, quod tuæ litteræ de legionibus Cæsaris afferrent; et egisse tecum, ut videres, ne quid φιλοτιμία ejus, quem nosti, nobis noceret; de quo jam pridem ad te scripseram. Turannius autem ³secus tibi Brundisii dixerat; quod ex iis litteris cognovi, quas a Xenone, optimo viro, accepi. Cur fratrem provinciæ non præfecissem, exposui breviter. hæc fere sunt in illa epistola. Nunc audi reliqua. Per fortunas! omnem tuum amorem, quo tu es amplexus, omnemque tuam prudentiam, quam mehercule in omni genere judico singularem, ⁴confer te jam ad eam curam, ut de omni statu meo cogites. videre enim mihi videor tantam dimicationem; nisi idem Deus, qui nos melius, quam optare auderemus, Parthico bello liberavit, respexerit rempublicam; sed tantam, quanta numquam fuit. ⁵age, hoc malum mihi commune est cum omnibus. nihil tibi mando, ut de eo cogites. illud meum proprium πρόβλημα, quæso, suscipe. videsne, ut te auctore sim ⁶utrumque complexus? Ac vellem a principio te audisse amicissime monentem,

Ἄλλ' ἐμὸν οὐποτε θυμὸν ἐνὶ στήθεσσιν ἔπειδες.

Ἠπαρίδος.

sed aliquando tamen persuasisti, ut alterum complecterer,

1 *Ut philosophi ambulant.*] Nempe tam, non assueti lahor, præsertim e schola Epicuri, e qua Saufeius erat.

2 *Coorruisse me, quod, &c.*] *Me e* Mss. se addere dicit Malaspina et ulii. Sed est in primis edd. Rom. Jens. Asc. Aldi, &c. onissum postea. In vulgata lectione non placet. sed mihi coorruisse suspectum est, nec bene coit sequentibus, quod tuæ litteræ, &c. An legendum conterruisse me, id, quod tuæ litteræ, &c.

3 *Secus tibi dixerat.*] Secus ac factum est a me, sc. de fratre Ciliciæ præposito.

4 *Confer te jam.*] Sic cum Grævio dedi pro convertēte jam: in quo saltem te addi deberet. Sed illud e vestigiis Mss. eruunt recentiores. nemo insepit ed. pri-

nam, Romanam, in qua plane sic est. in ed. Jens. etiam est confer, sed sine te, quod videtur vitio operarum exoidisse: nam ed. Asc. quæ inde fluxit, habet confer te, item Aldina, &c. Sed has edd. nemo insepit.

5 *Age, hoc malum, &c.*] Quid hic age? plane alienum est ab hac forma orationis, putoque legendum esse atque. nam age in tali forma est fac, finge, quod sequi debet responsio, quæ hic nulla est.

6 *Utrumque.*] Pompeium et Cæsarem, quod et a glossatore in libros quosdam scriptos irrepsit, estque et in edd. pr. Rom. Jens., &c.

7 *Παρίδος.*] Ἐνικα, qua nil dulcius est.

quia de me erat optime meritus; alterum, quia tantum valebat. ⁸ feci igitur. itaque effeci omni obsequio, ut neutri illorum quisquam esset me carior. ⁹ hæc enim cogitabamus; nec mihi, conjuncto cum Pompeio, fore necesse peccare in republica aliquando; nec, cum Cæsare sentienti, pugnandum esse cum Pompeio: tanta erat illorum conjunctio. nunc impendet, ut et tu ostendis, et ego video, summa inter eos contentio. me autem uterque numerat suum, nisi forte simulat alter. nam Pompeius non dubitat (vere enim judicat) ea, quæ de republica nunc sentiat, mihi valde probari. utriusque autem accepi ejusmodi litteras eodem tempore, quo tuas; ut neuter quemquam omnium pluris faceret, quam me, videretur. Verum quid agam? non quæro illa ultima, (si enim castris res geretur, video cum altero vinci satius esse, quam cum altero vincere,) sed illa, quæ tum agentur, cum venero; ne ratio absentis habeatur, ut exercitum dimittat. DIC M. TULLI. quid dicam? exspecta, amabo te, dum Atticum conveniam? non est locus ad tergiversandum. contra Cæsarem? ubi illæ sunt densæ dexteræ? nam ut illi hoc liceret, adjuvi, ¹⁰ rogatus ab ipso Ravennæ de Cœlio tribuno plebis. ab ipso autem?

p. 99.
a.

etiam a Cnæo nostro, ¹¹ in illo divino tertio consulatu. aliter sensero? αἰδέσθαι non Pompeium modo, sed Τρωάδας, καὶ Τρωάδας: Πουλυδάμης μοι πρώτος ἐλεγχέειν καταθήσει. quis? tu ipse scilicet, laudator et factorum et scriptorum meorum. ¹² Hanc ergo plagam effugi per duos superiores Marcellorum consulatus, cum est actum de provincia Cæsaris. nunc incido in discrimen ipsum. itaque, ¹³ ut stultus primus suam sententiam dicat, mihi valde placet, de triumpho nos moliri aliquid: extra urbem esse cum justissima causa. tamen da-

8 Feci igitur: itaque effeci.] Dedi effeci ex edd. Jens. Asc. Aldi, &c. pro feci, quod est a Victorio. Sed et post effeci delevi. quidam recentiores, ut Brutus, etiam atque pro itaque. Grævius malebat idque effeci o. o. Sed id mihi valde languet. melius est atque.

9 Hæc enim cogitabamus, nec mihi, &c.] Non placet hæc forma orationis, præsertim in Cicerone. Solet dicere sic enim, &c. Sed mihi etiam in mentem venit: Nec enim cogitabamus (vel cogitabam) mihi, &c.

10 Rogatus ab ipso Ravennæ.] Ut Cœlio persuaderem de rogatione illa pro Cæsare ferenda.

11 In illo divino tertio consulatu.] I. en, quo Cæsarem reliquit.

12 Hanc ergo plagam.] Edidi cum Grævio ergo, qui sic in Ms. Balliol. reperit: ego dudum ex te sic legendum judicavi. At sic jam ed. Rom. Imhet. — per duos sup. M. cons. nempe dum absuit Roma.

13 Ut stultus primus suam sententiam dicat.] Hoc nullo modo sanum est. Si verum esset, in nomine stulti intelligendus esset aliquis notus Attico, quem pro statu uterque haberet, quique appeteret honorem sententiæ primæ. etiam suam languet, nec in hac forma additur a Cicerone. Venit in mentem aliquando: alius primus sententiam dicat.

bunt operam, ut eliciant sententiam meam. ridebis hoc loco fortasse. quam vellem etiam nunc in provincia morari! plane opus fuit, si hoc impendebat. etsi nil miserius. ¹⁴nam *ἔδοῦ πάρεργον*, volo te hoc scire; omnia illa prima, quæ etiam tuis litteris in cælum ferebas, ¹⁵*ἐπίτηκτα* fuerunt. Quam non est facilis virtus! quam vero difficilis ejus diuturna simulatio! cum enim hoc rectum et gloriosum putarem, ex annuo sumtu, qui mihi decretus esset, me C. Coelio ¹⁶quæstori relinquere annum, referre in ærarium ¹⁷ad H-S CIO; ingemuit nostra cohors, omne illud putans distribui sibi oportere; ut ego amicior invenirem Phrygum et Cilicum ærariis, quam nostro. sed me non moverunt. nam et ¹⁸mea laus apud me plurimum valuit: nec tamen quicquam honorifice in quemquam fieri potuit, quod prætermiserim. Sed hæc fuerit, ut ait Thueydides, *ἐκβολὴ λόγον* non inutilis. Tu autem de nostro statu cogitabis: primum, quo artificio tueamur benivolentiam Cæsaris: deinde de ipso triumpho, quem video, nisi reipublicæ tempora impediunt, *εὐπόριστον*. Judico autem cum ex litteris amicorum, tum ex supplicatione; quam ¹⁹qui non decrevit, plus decrevit, quam si ^{h.} omnes decreasset triumphos. ei porro assensus est, unus, familiaris meus, Favonius, alter iratus, Hirrus. Cato autem et scribendo affuit, et ad me de sententia sua jucundissimas litteras misit. sed tamen gratulans mihi Cæsar de supplicatione, ²⁰triumphat de sententia Catonis: nec scribit, quid ille sententiæ dixerit, sed tantum, supplicationem eum mihi non decrevisse. Redeo ad Hirrum. cœperas cum mihi placare: perfice. habes Scrofam, habes Silium. ad eos ego etiam antea scripsi, et ad ipsum Hirrum. Locutus enim erat cum iis commode, se potuisse impedire, sed noluisse: assensum tamen esse Catoni, amicissimo meo;

14 Nam *ἔδοῦ πάρεργον*.] Ut ab instituta oratione paulum degrediar.

15 *Ἐπίτηκτα*.] Sic ed. Rom. Asc. a quibus aberravit Aldus edens *ἐπίτηκτα*, unde et in alias quasdam, ut Cratandrinam venit, illa prima int. quæ in provincia fecerat, cum tanta laude.

16 Quæstori relinquere annum.] Anni sumtum, qui ipsi decretus a senatu erat, de meo dare.

17 Ad HS CIO.] Ed. Rom. explanate ad sestertia mille. Gravius autem corrigit H8 x sestertium decies. nam sic loquuntur Latini, non sestertia mille. placet. c x facile fieri potuit vetus signum millenarii ∞.

sunt 25000 sentatorum amplius.

18 Mea laus.] Eleganter conscientia recte factorum, quod est, ut in Tusculanis II, 26. ait, theatrum virtutis omnium optimum et maximum.

19 Qui non decrevit.] I. e. Cato, qui plus decrevit quam ceteri, quia sententia sua dixerat, supplicationem esse inferiorem dignitate Ciceronis. vid. epistolam Catonis L.XV. ad Div. quam epistolam mox jucundissimam vocat.

20 Triumphat de Catonis sent.] Sc. quod putat me a Catone abalienatum esse, quod non decreverit supplicationem.

cum is honorificentissimam in me sententiam dixisset; nec me ad se ulla litteras misisse, cum ad omnes mitterem. Verum dicebat. Ad eum enim solum, et ad Crassipedem non scripseram. Atque hæc de rebus forensibus. Redeamus domum.²¹ dijungere me ab illo volo. Mirus est *φωράτης*, germanus ²² Lartidius.

ἀλλὰ, τὰ μὲν προτερύχθαι ἐάσωμεν, ἀχνομένοι περ.

reliqua expediamus. Hoc primum, quo accessit cura dolori meo: sed hoc tamen, quidquid est, ²³ Præcianum, cum iis rationibus, quas ille meas tractat, admisceri nolo. Scripsi ad Terentiam, scripsi etiam ad ipsum, me, quidquid possem numorum, ad apparatus sperati triumphi ²⁴ ad te redacturum. ²⁵ Ista puto *ἄμειπτα* fore: verum ut lubebit. ²⁶ Hanc quoque suscipe curam, quemadmodum experiamur. id et ostendisti quibusdam litteris, ex Epiro an Athenis datis, et in eo ego te adjuvabo.

2

CICERO ATTICO S.

p. 100. BRUNDISIUM venimus vii Kalend. Decembr. usq^{ue}
^{a.} ²⁷ tua felicitate navigandi: ita belle nobis flavit ab Epiro lenissimus Onchesmites. Hunc *σπονδεδιάζοντα*, si cui voles *τῶν νεωτέρων*, ²⁸ pro tuo vendita. Invalitudo tua me valde conturbat. significant enim tuæ litteræ, te prorsus laborare. ego autem, cum sciam, quam sis fortis, vehementius esse quiddam suspicor, quod te cogat cedere, et propemodum infringat: etsi alteram quartanam Pamphilus tuus mihi dixit decessisse, et alteram leviolem accedere. Terentia

²¹ *Dij. me ab illo volo.*] A Philotimo liberto, opera ejus uti amplius nolo.

²² *Lartidius.*] Imitator Laertis, Ulyssis.

²³ *Præcianum.*] Hereditas Præciana. v. Epp. VI, 9.

²⁴ *Ad te redacturum.*] *Ad te*, ut tu eam recipias et serves. paullo durius hic sonat: et mihi interdum pro glossa suspectam fuit. Si esset *per te*, bene haberet.

²⁵ *Ista puto ἄμειπτα fore.*] Recte ista. edd. vet. ita. Græcum non habent edd. pr. Prima Cratandri habet græcum verbum, sed *ἀμειπτά*, quod falso Victorius dicit a Germanis editum pro *ἄμειπτα*. nec dubitandum, id e. Ms. sumtum esse. nec id repetiit Hervagiana, sed veteres secuta est. Sensus est: quia ita rem ago, ut ei non alium libertum similemve præ-

fero, puto non habiturum, quod queratur. Sed id ei liberum sit, irascatur, nec ne.

²⁶ *Il. q. curam, quemadmodum experiamur.*] Arbitror nd Philotimum pertinere; quemadmodum eum renovere bono quodam modo a re nostra pecuniaria administranda, et pecuniam nostram, quam in manibus habet, ei exlorquere possimus. quidam de triumpho petendo intelligunt: sed ei non conveniunt sequentia: ostendisti quibusdam litteris, et in eo ego te adjuvabo. quamquam et in illa ratione non video sensum eorum commodum satis.

²⁷ *Tua felicitate.*] Qua tu es usus vel uti soles? an quia ventus ille secundus flavit ab Epiro, et quasi ab Attico?

²⁸ *Pro tuo vendita.*] Non dubitavi sic cedere de certissimo J. F. Gronovii iudicio, pro vendita.

vero, quæ quidem eodem tempore ad portam Brundisinam venit, quo ego in portum, mihiq; obvia in foro fuit, L. Pontium sibi in Trebulano dixisse narrabat, etiam cam decessisse. Quod si ita, est quod maxime mehercule opto; idque spero ²⁹ tua prudentia et temperantia te consecutum. Venio ad epistolas tuas, quas ego sexcentas uno tempore accepi, aliam alia jucundiorē, ³⁰ quæ quidem erant tua manu. ³¹ Nam Alexidis animum amabam, quod tam prope accedebat ad similitudinem tuæ litteræ: manum non amabam, quod indicabat te non valere. cujus quoniam mentio facta est; Tironem Patris ægrum reliqui, adolescentem, ut nosti, ³² et adde, si quid vis, probum: nihil vidi melius. itaque careo ægre. quamquam videbatur se non graviter habere; tamen sum sollicitus, maximamque spem habeo in M. Curii diligentia, de qua ad me scripsit Tiro, et multi nuntiarunt. Curius autem ipse sensit, quam tu velles se a me diligere, et eo sum admodum delectatus. et mehercule ³³ est, quem facile diligas. *αὐτόχθων* in homine urbanitas est. ³⁴ ejus testamentum deporto Ciceronum signis ob-
signatum, ³⁵ cohortisque prætoriae: ³⁶ fecit palam te ex libella, me ex teruncio. In Actio Coreyrae Alexio me opipare muneratus est. Quinto Ciceroni obsisti non potuit, quo minus Thyamim videret. Filiola tua te delectari lator, et probari tibi, *φυσικὴν* esse τὴν πρὸς τὰ τέκνα. et-

29 *Tua prudentia et temp.*] I. e. diligentia, quo verbo utitur ep. 5. extr.

30 *Quæ quidem erant tua manu.*] Erant dixit, quia plures erant ipsius manu scriptæ. sed fortasse Cicero scripsit erat.

31 *Nam Alexidis animum amabam - - manum non am.*] Sic edd. et scr. omnes. quia *manum* in priori membro melius convenit rei, Manutius id reponi volebat pro *animum*, in altero membro omitti, quod secutus est Grævius. Sed ita hiæ oratio: nam in altero membro substantivum necessarium videtur. an scribendum *rem* non a. quod convenit etiam sequenti, *cujus* g. m. f. i. e. invaliditudinis. In ed. Aldi et aliis est bis *manum*.

32 *Et adde, si quid vis, probum.*] Non placet et: quod in hac forma numquam additur: nec quid: putoque scribendum, *adde, si vis*.

33 *Est, quem facile diligas.*] Sic ed. Rom. et inde alia, ut Ald. Asc. Man. *quam* est in ed. Jens. revocavit Victorius, Malaspina, &c. *quem* melius convenit forme orationis *facile diligas*. sed post dili-

gas interpungendum est, ut feci. in fine addidi est, ex eadem ed. Rom.

34 *Ejus testamentum deporto duorum Cic. signis obs.*] Hæc lectio est e correctione criticorum, ut Manutii, qui tamen et deleri volebat *duorum*, et pro eo poni *Romani*: quod et Grævio placebat. Ego *duorum* delevi, quia ejus nullum vestigium est in edd. vet. ut nec *Romani*, quo verbo nec opus erat.

35 *Cohortisque prætoriae.*] Non intelligenda est cohors militaris prætoriae, sed illa, quæ comites prætoris habebat, præfectos, scribas, medicos, &c. v. Clav. quod ex eo intelligitur facile, quia militaris cohortis signa non ceperant tabulæ.

36 *Fecit palam te, &c.*] Primum *palam* mihi vitiosum videtur, et a glossatore natum, qui non concoquebat *fecit* sine adjunctione. intelligendum est *heredem* e testamento. tum scripsi *ex libella* cum Grævio pro *ex liberis m.* sed *libella* jam edidit Jenisonus, inde Ascensius, Aldus et alii. v. et Clav. tum pro *me* ex *ix uncis*, *me ex teruncio*. v. Clav. in *teruncius*.

enim, si hæc non est, nulla potest homini esse ad hominem naturæ adjunctio; qua sublata, vitæ societas tollitur. ³⁷ *Bene eveniat*, inquit Carnecades, spurce: ³⁸ sed tamen prudentius, quam Lucius noster et Patro: qui, cum omnia ad se referant, ³⁹ nec quidquam alterius causa fieri putent, et cum ea re bonum virum oportere esse dicant, ne malum habeat, non quo id natura rectum sit; ⁴⁰ non intelligunt, se de callido homine loqui, non de bono viro. sed hæc, opinor, sunt in iis libris, quos tu laudando, animos mihi addidisti. Redeo ad rem. commodo expectabam epistolam, quam Philoxeno dedisses: scripseras enim, in ea esse de sermone Pompeii Neapolitano: ⁴¹ eam mihi Patro Brundisii reddidit: Corcyrae, ut opinor, acceperat. nihil potuit esse jucundius. ⁴² erat enim de republica, de opinione, quam is vir haberet, integritatis meae; de benivolentia, quam ostendit eo sermone, quem habuit de triumpho. sed tamen hoc jucundissimum, quod intellexi, te ad eum venisse, ut ejus animum erga me perspiceres. hoc mihi, inquam, accidit jucundissimum. De triumpho autem nulla me cupiditas unquam tenuit ante Bibuli impudentissimas litteras, ⁴³ quas amplissime supplicatio consecuta est. ⁴⁴ a quo si ea gesta essent, quæ scripsit; gauderem, et honori faverem: nunc illum, qui pedem porta, quoad hostis eis Euphratem fuit, non extulerit, honore augeri; me, in cujus exercitu spem illius exercitus habuit, idem non assequi, dedecus est nostrum, ⁴⁵ nostrum

³⁷ *Bene eveniat.*] Omisit verbum spurceum *παιδοτρονισμῶν*.

³⁸ *Sed tamen prudentius.*] Carrexere plures *prudentius*, quod et Grævius recepit. Acntior Lambinus, qui hoc non ad spurce referri vidit: nam in sequentibus nihil est obsceni: eumque secutus est Gruterus. Lucius est Santeius; pro Patro scripsi Patro ex edd. Jens. Ascens. Uterque fuit Epicureus.

³⁹ *Nec quicquam.*] Conjeci olim nec addendum esse. addidi ex ed. Rom. ed. Jens. habet *non putent*, item Ascens. Ald. Crat. Primi omisere Viet. et Manut. negationem.

⁴⁰ *Non intelligunt.*] Correxoram pro intelligant conjectura, cum reperi sic esse in edd. pr. nam interrogatio, quam Busius adsciscit, ab h. l. est aliena.

⁴¹ *Eam mihi Patro Br. reddidit.*] Credo, in principio excidisse cum: ita coheret recte cum superiori *expectabam*, ex la-

litate elegantia.

⁴² *Erat enim de republ.*] Suspicio, aliquid post hæc verba excidisse ejusmodi, cujus sunt post cetera de opinione - de benivolentia: quod Ciceroniana elegantia in similitudine membrorum postulat.

⁴³ *Quas amplissime supplicatio consecuta est.*] *Amplissime* intellige, modo honorificentissimo, sc. propter decretum verbis honorificis factum. Sed mihi tamen suspectum est, legendumque puto *amplissima*, propter verbum *consecuta*, cui illud non est aptum: dixisset *decreta est*: et amplitudo fuit in numero dierum, ut e sequentibus patet.

⁴⁴ *A quo si ea gesta essent, quæ scripsit.*] Correxì sine dubitatione *essent*, pro *sunt*: nam id postulat sequens *gauderem*, ut Corradus jam monuit: et vitium latinitatis, quod in tirone non feratur, non ferendum est in Ciceronis libris.

⁴⁵ *Nostrum inquam, te conjungens.*]

inquam, te conjungens. itaque omnia experiar; et ut spero, assequar. quod, si tu valeres, jam mihi quædam explorata essent. sed, ut spero, valebis. De raudusculo Numeriano multum te amo. ⁴⁶ Hortensius quid egerit, aveo scire. ⁴⁷ Cato quid agat: qui quidem in me turpiter fuit malivulus. dedit integritatis, justitiæ, clementiæ, fidei mihi testimonium, quod non quærebam; quod postulabam, ⁴⁸ id negavit. itaque Cæsar iis litteris, quibus mihi gratulatur, et omnia pollicetur, quo modo exultat Catonis, in me ingratis-simi, injuria? at hic idem ⁴⁹ Bibulo dierum xx. ignosce mihi. non possum hæc ferre, nec feram. Cupio ad omnes tuas epistolas; sed nihil necesse est. jam enim te videbo. illud tamen de Chrysippo: nam de altero illo minus sum admiratus, operario homine. sed tamen ne illo quidem quidquam improbius. Chrysippum vero, quem ego, propter litterularum nescio quid, libenter vidi, in honore habui, discedere a puero, insciente me? mitto alia, quæ audio, multa: mitto furti: fugam non fero, qua mihi nihil visum est sceleratius. itaque usurpavi ⁵⁰ vetus illud Drusi, ut ferunt, prætoris in eo, ⁵¹ qui eadem liber non juraret; ⁵² me istos liberos non addixisse; præsertim cum adesset nemo, a quo recte vindicarentur. id tu, ut videbitur, ita accipies. ⁵³ ego tibi assentiar. Uni tuæ disertissimæ epistolæ non rescripsi, in qua est de periculis reipublicæ. quid rescriberem?

Nullo modo mihi probabitur, conjungens esse a Cicerone. Credo Ciceronem scripsisse, *te contingens*: quocum facile illud permutari potuit eleganter autem sic dixit: supra, I, 16. est *contagio turpitudinis* de societate dedecoris.

⁴⁶ *Hortensius quid egerit.*] Int. in autione quid profecerit.

⁴⁷ *Cato quid agat.*] Visum mihi est, legendum esse *C. quid agat*, aut *quid agit*. nam illa *aveo scire* pertinet ad superius: nec hoc *agere* Catonis quiequam conjunctionis habet cum superiori.

⁴⁸ *Negavit id.*] Alii jam viderunt legendum esse *id negavit*, quod mihi quoque videtur. alii delent *id*, quos Grævius secutus est.

⁴⁹ *Bibulo d. xx.*] Grævius probat lectionem Ms. Ursini, in quo fuit *Bibulo decrevit*, sc. ordinariam supplicationem, non tot dierum. male. immo intelligitur hinc illud, quod supra dixerat, amplissimam supplicationem decretam fuisse: et consentit talis supplicatio iis, quæ de jac-

tantia litterarum Bibuli scripsit supra: omninoque tum numerus dierum in supplicationibus valde auctus est.

⁵⁰ *Vetus illud Drusi -- prætoris.*] V. Clav. in C. Drusus.

⁵¹ *Qui eadem liber non juraret.*] Quæ scilicet jurasset domino servus, se liberum domino vel patrono præstiturum: quod dicitur in *jure libertatis causa jurare*. Et non obligabatur valide servus, nisi et post manumissionem juraret, ut tradit Paullus L. VII. ad Plautium. Ergo servus Drusi manumissus noluerat jurare, quæ ante missionem juraverat: Drusus illam manumissionem irritam fecit.

⁵² *Me istos liberos non addixisse.*] Nempe per venditionem illam servi imaginariam, quæ proprie manumissio est, vel emancipatio. — cum Cicero liberos fecerat istos libertos, non erat, cui de more venderet, cui magistratus addiceret in mancipio.

⁵³ *Ego tibi assentiar.*] Sic pro assentior legendum semper judicavi. et sic in edd. pr. reperi.

valde eram perturbatus. sed, ut nihil magnopere metuam, Parthi faciunt, ⁵⁴ qui repente Bibulum semivivum reliquerunt.

3

CICERO ATTICO S.

- b. A. D. VIII Id. Decemb. Herculenum veni, et ibi tuas litteras legi, quas Philotimus mihi reddidit: e quibus hanc primo aspectu voluptatem cepi, quod erant a te ipso scriptae: deinde earum accuratissima diligentia sum mirum in modum delectatus. Ac primum illud, in quo te ⁵⁵ Dicæarcho assentiri negas, etsi cupidissime expetitur a me sit, et approbante te, ne diutius anno in provincia essem, tamen non est nostra contentione perfectum. sic enim scito, verbum in senatu factum esse numquam de ullo nostrum, qui provincias obtinuimus, quo in his diutius, quam ex senatus consulto maneremus: ut jam ne istius quidem rei culpam sustineam, quod minus diu fuerim in provincia, quam fortasse fuerit utile. sed, QUID SI HOC MELIUS? sæpe opportune dici videtur, ut in hoc ipso. Sive enim ad concordiam res adduci potest, sive ad bonorum victoriam; utriusvis rei me aut adiutorem velim esse, aut certe non expertem. Sin vincuntur boni; ubicumque essem, una cum iis victus essem. quare celeritas nostri reditus ἀμεταμέλητος debet esse. quodsi ista nobis cogitatio de triumpho injecta non esset, quam ⁵⁶ tu quoque approbabas, næ tu laud multum requireres illum virum, qui in VI libro informatus est. quid enim tibi faciam, qui illos libros devorasti? ⁵⁷ quin nunc ipsum non dubitabo rem tantam abjicere, si id erit rectius. utrumque vero simul agi non potest, et de triumpho ambiciose, et de republica libere. sed ne dubitaris, quin, p. 102. quod honestius, id mihi futurum sit antiquius. Nam quod
- a. putas utilius esse vel mihi, quod tutius sit, ⁵⁸ vel etiam ut reipublicæ prodesse possim, me esse cum imperio: id eoram considerabimus quale sit. habet enim res deliberationem; etsi ex parte magna tibi assentio. De animo autem

⁵⁴ Q. repente B. semivivum reliquerunt.] Ex provincia sua sponte exierunt, cum Bibulum metu examinatus esset.

⁵⁵ Dicæarcho.] Auctori vitæ practicae, non otiosæ, ut Epicurus.

⁵⁶ Tu q. approbas.] Sine dubio scribendum approbas: res enim pertinet ad præteritum tempus. nec dubitavi hoc vitio

liberare Ciceronem.

⁵⁷ Quin nunc ipsum non d.] Nunc ipsum est pro hoc ipso tempore: similiter nunc ipsum est infra, L. XII, &c.

⁵⁸ Vel etiam ut reip. prodesse possim.] Concinnius et superiori membro aptius foret vel reipublicæ, ut p. p. sive cui pr. p.

LIBER VII.

meo erga rempublicam, bene facis, quod non dubitas: et illud probe judicas, nequaquam satis pro meis officiis, pro ipsius in alios effusione, ⁵⁹ illum in me liberalem fuisse: ejusque rei causam vere explicas; et eis, quæ de ⁶⁰ Fabio Caninioque acta scribis, valde consentiunt: quæ si secus essent, totumque se ille in me profudisset; tamen illa, quam scribis, custos urbis, me præclaræ inscriptionis memorem esse cogeret; nec mihi concederet, ⁶¹ ut imitarer Volcatium, aut Servium, quibus tu es contentus; sed aliquid nos vellet nobis dignum et sentire et defendere. quod quidem agerem, si liceret, alio modo, ac nunc agendum est. De sua potentia dimicant homines hoc tempore, periculo civitatis. nam, si respublica defenditur; cur ea, consule isto ipso, defensa non est? cur ego, in cujus causa reipublicæ salus consistebat, defensurus postero anno non sum? cur imperium illi, aut cur illo modo prorogatum est? cur tantopere pugnatum est, ut de ejus absentis ratione habenda decem tribuni plebis ferrent? his ille rebus ita convaluit, ut nunc ⁶² in uno civi spes ad resistendum sit: qui mallet, tantas ei vires non dedisset, quam nunc tam valenti resisteret. sed quoniam res eo deducta est, non quæram, ut scribis, τοῦ σκάφοι τὸ τῶν Ἀτρειδῶν; mihi σκάφοι unum erit, quod a Pompeio gubernabitur. illud ipsum, quod ais, quid fiet, cum erit dictum? DIC M. TULLI, σύντομα, Cn. POMPEIO ⁶³ ASSENTIOR. ipsum tamen Pompeium separatim ad concordiam hortabor. sic enim sentio; maximo in periculo rem esse. vos scilicet plura, qui in urbe estis. verumtamen hoc video, cum homine audacissimo paratissimoque negotium esse; omnes damnatos, omnes ignominia affectos, omnes damnatione ignominiaque dignos ⁶⁴ illuc facere, omnem fere juventutem, omnem illam urbanam ac perditam plebem, tribunos valentes, addito ⁶⁵ C. Cassio, omnes, qui ære alieno premantur: quos plures esse intelligo, quam puta-

59 *Illum in me liberalem fuisse.*] Intelligent Cæsarem.

60 *Fabio Caninioque.*] Legatis Cæsaris. historiam ignoramus.

61 *Ut imitarer Volcatium aut Servium.*] Medios scilicet inter Cæsarem et Pompeium.

62 *In uno civi res ad resistendum sit.*] Valde se torsere viri docti in hoc loco, qui in scr. et edd. varie interpolatus est. Vulgatum est ex edd. pr. Rom. Jens. &c.

Gronovius malebat *vis sit ad r.* quod placeat, vel spes, quod prætulerim. res et spes et alibi in libris scr. confunduntur.

63 *Assentior.*] Sic ed. Jens. et aliæ pr. ed. Rom. assentiar.

64 *Illuc facere.*] Corradus corrigebat *illuc*. bene. quia Junius in Mss. reperit, reoepi.

65 *C. Cassio.*] Sic edd. at C. fuit Pompeianus. Itaque Corradus corrigebat Q.

ram. causam solum illa causa non habet; ceteris rebus abundat. hic omnia facere omnes, ne armis decernatur; quorum exitus semper incerti, nunc vero in alteram partem magis timendi. Bibulus de provincia decessit, Veientonem præfecit. in decedendo erit, ut audio, tardior: quem cum ornavit Cato, declaravit, iis se solis non invidere, quibus nihil aut non multum ad dignitatem posset accedere. Nunc venio ad privata. fere enim respondi tuis litteris de republica, et iis, quas in suburbano, et iis, quas postea scripsisti. ad privata venio. Unum etiam de Coelio. tantum abest, ⁶⁶ut meam ille sententiam moveat, ut valde ego ipsi, quod de sua sententia decesserit, pœnitendum putem. sed ⁶⁷quid est, quod ei vici Luceii sint addicti? hoc te prætermisisse miror. De Philotimo, faciam equidem, ut mones. sed ego mihi ab illo, hoc tempore, non rationes expectabam, qua tibi edidit, verum id reliquum, quod ipse in Tusculano me referre in commentarium mea manu voluit, quodque idem in Asia mihi sua manu scriptum dedit. id si præstaret, quantum mihi æris alieni esse ibi edidit, tantum, et plus etiam ipse mihi deberet. sed in hoc genere, si modo per rempublicam licebit, non accusabimur post-hac: neque hercule antea negligentes fuimus, sed amicorum multitudinem occupati. ergo utemur, ut polliceris, et opera et consilio tuo: nec tibi erimus, ut spero, in eo molesti. ⁶⁸De serperastris cohortis meæ, nihil est, quod doleas. ipsi enim se collegerunt admiratione integritatis meæ. sed nie moverat nemo magis, ⁶⁹quam is, quem tu neminem putas. idem et initio fuerat, et nunc est egregius. sed in ipsa decessione significavit, sperasse se aliquid; et ⁷⁰id, quod animum induxerat paullisper, non tenuit: sed cito ad se rediit, meisque honorificentissimis erga se officiis victus, pluris ea duxit, quam omnem pecuniam. Ego a Curio tabulas accepi, quas mecum porto. Hortensii legata cognovi. nunc aveo scire, quid hominis sit, et quarum

66 *Ut meam ille sententiam moveat.*] Sc. de Pompeio sequendo.

67 *Quid est, quod ei vici Luceii sint addicti.*] Hæc est lectio Victorii e vestigiis codicis sui. sic et habuit liber Tormesii et alius Junii. Ingeniose et valde probabiliter Tunstallus, p. 123. corrigit, *quod mei vicini Luceii sint addicti?* Luceii erant vicini Ciceronis Tusculano. Epp. ad Div. V, 15.

68 *De serperastris cohortis meæ.*] Hæc est, quæ supra, ep. 2. *pratoria* dicta est. de serperastris v. Clav. de re ep. 2.

69 *Quam is, quem tu neminem putas.*] Fortasse quæstor Mescinius, de quo ita scribit L. VI, 3. 4. ut ad eum hoc referri possit.

70 *Id, quod animum induxerat.*] Videtur addendum in, quod in animum induxerat.

rerum auctionem instituat. nescio enim, cur, ⁷¹ cum portam Flumentanam Coelius occuparit, ego Puteolos non meos faciam. Venio ad Pirææa, in quo magis reprehendendus sum, quod homo Romanus *Pirææa* scripserim, non *Piræeum*, (sic enim omnes nostri locuti sunt,) quam quod *in* addiderim. non enim hoc ut oppido præposui, sed ut loco: et tamen Dionysius noster, qui est nobiscum, et Nicias Cous non rebatur, oppidum esse Pirææa. sed de re videro. nostrum quidem si est peccatum, in eo est, quod, non ut de oppido, locutus sum, sed ut de loco; secutusque sum, non dico Cæcilium, *Mane ut ex portu in Piræeum*, (malus enim auctor Latinitatis est,) sed Terentium, cujus fabellæ, propter elegantiam sermonis, putabantur a C. Lælio scribi: *Heri aliquot adolescentuli coimus in Piræeum*. et idem, *Mercator hoc addebat, captam e Sunio*. quodsi *ὄμμονς* oppida volumus esse; tam est oppidum Sunium, quam Piræeus. sed, quoniam Grammaticus es, ⁷² si hoc mihi *ζήτημα* ^{b.} persolveris, magna me molestia liberaris. ⁷³ Ille mihi litteras blandas mittit. facit idem pro eo Balbus. mihi certum est, ⁷⁴ ab honestissima sententia digitum nusquam. sed scis illi reliquum quantum sit. putasne igitur verendum esse, ne aut objiciat id nobis aliquis, si languidius, ⁷⁵ aut repetat, si fortius? quid ad hæc reperis? solvamus, inquis. age, a Cælio mutuabimur. hoc tu tamen consideres velim. puto enim, in senatu si quando præclare pro republica dixerò, ⁷⁶ Tartessium istum tuum mihi exeunti, Jube sodes numos curare. Quid superest? etiam. gener est suavis mihi, Tulliæ, Terentiæ: quantumvis vel ingenii, vel humanitatis. satis. reliqua, quæ nosti, ferenda. ⁷⁷ scis enim, quos aperuerimus: qui omnes, præter eum, de quo per te egimus,

⁷¹ Cum portam Flumentanam Coelius occupavit.] Intell. prædium prope portam Flumentanam. Ad eandem igitur rationem Puteolos accipe prædium Hortensii Puteolanum, Baulon.

⁷² Si hoc mihi ζήτημα persolveris.] Videtur dicere debuisse dissolveris: sed ζήτημα ad rem pecuniariam pertinet, et ad pecuniam debitam Cæsari: itaque jocose dixit persolveris. cf. ep. 8. extr.

⁷³ Ille mihi, &c.] Intellige Cæsarem.

⁷⁴ Ab honestissima sententia.] De qua est supra, ep. 1.

⁷⁵ Aut repetat, si fortius.] Int. pecuniam, quam debeo. Sed videtur addendam ille, ut respondeat τῷ aliquis in

membro priori.

⁷⁶ Tartessium istum tuum.] Balbum Gaditanum.

⁷⁷ Scis e. quos aperuerimus.] Hæc sunt paulo obscuriora. Sensus est: scis quales cognoverimus inquirendo, qui fidem meam petierunt, præter unum illum, cujus tu procus fuisti: qui omnes mihi sunt irati maxime et ulciscendi cupidi. ultionis autem genus posuit, quod tum, cum e provincia decessisset, maxime in promptu erat, accusare de repetundis. ratio jocularis est: nam ipsi nec rem nec fidem habent: itaque, quod ipsi facerent, si in provinciam venirent, id me fecisse putant, aut calumniabantur.

EPIST. AD ATTICUM

reum me facere rentur. ipsis enim expensum nemo ferret. Sed hæc coram. nam multi sermonis sunt. Tironis reficiendi spes est in M'. Curio: cui ego scripsi, tibi eum gratissimum facturum. Dat. v Id. Decemb. a Pontio ex Trebulano.

CICERO ATTICO S.

p. 104. ^{a.} DIONYSIUM, flagrantem desiderio tui, misi ad te, nec mehercule æquo animo; sed fuit concedendum: quem quidem cognovi cum doctum, quod mihi jam ante erat notum, tum sanctum, plenum officii, studiosum etiam meæ laudis, frugi hominem, ac, ⁷⁸ ne libertinum laudare videar, plane virum bonum. Pompeium vidi III Id. Decembres: fuimus una horas duas fortasse. magna lætitia mihi visus est affici meo adventu: de triumpho hortari, ⁷⁹ suscipere partes suas; monere, ne ante in senatum accederem, quam rem confecissem; ne dicendis sententiis aliquem tribunum alienarem. quid quæris? in hoc officio sermonis nihil potuit esse prolixius. de republica autem ita mecum locutus est, quasi non dubium bellum haberemus. nihil ad spem concordiae: plane illum ab se alienatum, cum ante intelligeret, tum vero proxime judicasse: venisse Hirtium a Cæsare, qui esset illi familiarissimus, ad se non accessisse: et, cum ille a. d. VIII Idus Decemb. vesperi venisset, Balbus de tota re constituisset a. d. VII ad Scipionem ante lucem venire; multa de nocte eum profectum esse ad Cæsarem. hoc illi ⁸⁰ *τεκμηριώδες* videbatur esse alienationis. quid multa? nihil me aliud consolatur, nisi quod illum, cui etiam inimici alterum consulatum, fortuna summam potentiam dederat, non arbitror fore tam amentem, ut hæc in discrimen adducat. quodsi ruere cœperit; næ ego multa timeo, quæ non audeo scribere. sed, ut nunc est, a. d. III Nonas Jan. ad urbem cogito.

⁷⁸ Ne libertinum laudare v., &c.] Ne tantum ut libertinum laudem: nam istæ virtutes cadunt in libertinum: addam laudem e genere majori: vir bonus est, seu su sc. latino. Baberius ad Tusc. III, 8. etiam addendum putabat ut, quia re vera libertus Attici erat: placet.

⁷⁹ Suscipere partes suas.] Rarum dicendi genus. s. p. meas usitatum est, et id

quoque h. l. dicere poterat: se pro re mea facturum, quæ ipse non possem. Sed dixit suas: quæ alias partem virilem dicunt Latini. igitur dicit, se pro virili laboraturum pro triumpho meo.

⁸⁰ *τεκμηριώδες* - alienationis.] Forma hæc inusitata est Græcis. unde mihi alienationis interdum de glossa suspectum fuit.

CICERO ATTICO S.

5

MULTAS uno tempore accepi epistolas tuas: quæ mihi, quamquam recentiora audiebam ex iis, qui ad me veniebant, tamen erant jucundæ. studium enim et benivolentiam declarabant. ⁸¹Invaliditudine tua moveor: et, Piliam in idem genus morbi delapsam, curam tibi afferre majorem sentio. date igitur operam, ut valeatis. De Tirone, video tibi curæ esse; quem quidem ego, etsi mirabiles utilitates mihi præbet, cum valet, in omni genere vel negotiorum, vel studiorum meorum, tamen propter humanitatem et modestiam malo salvum, quam propter usum meum. Philogenes mecum nihil umquam de Luscio locutus est: ^{b.} de ceteris rebus habes Dionysium. Sororem tuam non venisse in Arcanum, miror. De Chrysippo, meum consilium probari tibi, non moleste fero. Ego in Tusculanum nihil sanc hoc tempore. devium est τοῖς ἀπαντῶσιν, et habet alia δὲ ἄλλοις. sed de Formiano Tarracinam pridie Kal. Jan. inde ⁸²Pontinam summam: inde Albanum Pompeii: ita ad urbem III Nonas, natali meo. De republica quotidie magis timeo. non enim boni, ut putant, consentiunt. quos ego equites Romanos, quos senatores vidi? qui acerrime cum cetera, tum hoc iter Pompeii vituperarent: pace opus est. Ex victoria cum multa mala, ⁸³tum certe tyrannus existet. sed hæc propediem coram. Jam plane ⁸⁴mihi deest, quod ad te scribam. nec enim de republica, quod uterque nostrum scit eadem: et domestica nota sunt ambobus. reliquum est jocari, si hic sinat. nam ego is sum, qui, illi concedi, putem utilius esse quod postulat, quam signa conferri. Sero enim resistimus ei, quem per annos decem aluimus contra nos. quid sentis igitur? inquis. nihil scilicet, nisi de sententia tua; nec prius quidem, quam nostrum negotium aut confecerimus, aut deposuerimus. Cura igitur, ut valeas. aliquando ἀπόρρηται quartanam istam diligentia, quæ in te summa est.

81 Invaliditudine tua.] In ed. Gronoviana male In valitudine, ut et in quibusdam vet. est, ut Jens. Asc. 1.

82 Pontinam summam.] Regionem ad summam Pontinæ paludis partem.

83 Tum certe tyrannus.] Sic pro tyrannus ex ed. Viet. et Mss. suis edidit Grævius. at sic jam edd. pr. Rom. Jens. In

ed. Asc. est tyrannis: quod ceteri secuti sunt. Visum est multis melius convenire.

84 Mihi deest, quod.] Grævius in Mss. reperit nihil est, quod: nec ei displicet. ed. Rom. non est, quod. Vulgata est a Jensonio, qui et vitiose quid: idque Aldus et alii imitati sunt: sicut et in proximæ ep. initio omnes edd. pr. habent.

6

CICERO ATTICO S.

PLANE deest, quod ad te scribam: nota omnia tibi sunt: nec ipse ⁸⁵ habeo, a te quod exspectem. tantum igitur nostrum illud solemne servemus, ut ne quem istuc euntem sine litteris dimittamus. De republica valde timeo: nec adhuc fere inveni, qui non concedendum putaret Cæsari, quod postularet, potius, quam depugnandum. est illa quidem postulatio opinione valentior. cur autem nunc primum ei resistamus? οὐ γὰρ ἂν τόδε μείζον ἔπει κακόν, quam cum quinquennium prorogabamus; aut eum, ut absentis ratio haberetur, ferebamus. nisi forte hæc illi tum arma dedimus, ut nunc cum bene parato pugnaremus. Dices, quid tu igitur sensurus es? non idem, quod dicturus. sentiam enim omnia facienda, ne armis decertetur; dicam idem, quod Pompeius: neque id faciam humili animo. ⁸⁶ sed rursus hoc permagnum reipublicæ malum est: at quodam modo mihi præter ceteros non rectum, me in tantis rebus a Pompeio dissidere.

7

CICERO ATTICO S.

DIONYSIUS, *vir optimus, ut mihi quoque est perspectus, et doctissimus, tuique amantissimus, Romam venit xv Kal. Jan. et litteras a te mihi reddidit*: tot enim verba sunt de Dionysio in epistola tua. ⁸⁷ Illud, puto, non adscribis; et tibi gratias egit. atqui certe ille agere debuit: et, si esset factum, quæ tua est humanitas, adscripsisses. mihi autem nulla de eo *παλινφθία* datur propter superioris epistolæ testimonium. sit igitur sane bonus vir. ⁸⁸ hoc enim ipsum bene fecit, quod mihi sui cognoscendi penitus etiam istam facultatem dedit. Philogenes recte ad te scripsit. curavit enim, quod debuit. eum ego uti ea pecunia volui, b. quoad liceret. itaque usus est menses XIII. Pontinum

85 *Habeo, a te quod exspectem.*] Correxī vulgatum quid, sicut dudum illud quid post deest ab editoribus posterioribus correctum est.

86 *Sed.*] Est h. l. objicientis.

87 *Illud, puto, non adscr.*] Mire hic variant libri scr. et edd. Rom. Jens. putate. Asc. 1. peccato, ex Mediol. opinor, quod Cratand. secuta est. Ald. privatus, quod P. Manut. et alii secuti sunt. Corradus interpretatur, quod ad me magis

proprie pertinet. Victorius fecit puto: Bosius puta tu, nempe ex putato, quod in libris quibusdam scr. fuit: id Gruterus secutus est. Grævius puto, sed male servato tu, restituit. nihil omnium placet, et puto aliud quid latere. Sed non multum refert.

88 *Hoc enim ipsum - - istam fac.*] Nempe, quod mihi gratias non egit, ostenditque, se non esse gratum: item quod male de me locutus est, ut est in ep. seq.

cupio valere : ⁸⁹et, quod scribis in urbem introisse, vereor quid sit : nam id nisi gravi de causa non fecisset. Ego, quoniam ⁹⁰III Nonas Januar. Compitalicius dies est, nolo eo die ⁹¹in Albanum venire, ne molestus sim familiæ. veniam ⁹²III Nonas igitur : inde ad urbem pridie Nonas. Tua ληψις quem in diem incurrat, nescio ; sed prorsus te commoveri incommodo valitudinis tuæ nolo. De honore nostro, nisi quid occulte Cæsar per suos tribunos molitus erit, cetera videntur esse tranquilla. tranquillissimus autem animus meus, qui totum istuc æqui boni facit ; et eo magis, quod jam a multis audio constitutum esse Pompeio et ejus consilio, in Siciliam me mittere, quod imperium habeam. id est Ἀβδηρικόν. nec enim senatus decrevit, nec populus jussit, me imperium in Sicilia habere. sin hoc respublica ⁹³ad Pompeium defert ; qui me magis, quam privatum aliquem, mittat ? itaque, si hoc imperium mihi molestum erit ; utar ea porta, quam primam videro. Nam quod scribis, mirificam exspectationem esse mei, neque tamen quemquam bonorum, aut satis bonorum dubitare, quid sensurus sim : ego, quos tu bonos esse dicas, non intelligo : ipse nullos novi : ⁹⁴sed ita, si ordines bonorum quærimus. nam singulares sunt boni viri. verum in dissensionibus ordines bonorum et genera quærenda sunt. Scnatum bonum putas, per quem sine imperio provinciæ sunt ? ⁹⁵numquam enim Curio sustinisset, si cum eo agi cœptum esset : quam sententiam senatus sequi noluit : ex quo factum est, ut Cæsari non succederetur. an publicanos ? qui numquam firmi : sed nunc Cæsari sunt amicissimi : an fœneratores ? an agricolas ? quibus optatissimum est otium. nisi eos timere putas, ne sub regno sint, qui id numquam, dum modo otiosi essent, recusarunt. Quid ergo ? exercitum retinentis, cum legis dies transierit, rationem haberi placet ? mihi vero ⁹⁶ne absentis quidem. sed, cum id datum est, illud una datum est. annorum enim decem imperium : et ita la-

p. 106.
a.

89 *Et, quod scribis.*] Videtur legendum sed vel at.

90 *In Albanum.*] Pompeii.

91 *Ad Pompeium defert.*] Sic bene Grævius restituit pñst Lamb. et Junium. Vulgatum refert alienum est. mox male idem tacite primum pro primam.

92 *Sed ita, si ordines b. q.*] Sed id ita intelligo, ut ordinem in rep. nullum bonum putem : nam singuli boni viri adhuc

sunt, qui ea non probant, quæ fiant, ut h. l. quod provinciis non decernuntur magistratus.

93 *Numquam e. Curio sustinisset.*] Sc. repugnare senatui, si decrevisset, successores mittendos, et contra temp. facturam, qui intercedat.

94 *Ne absentis quidem.*] Etiam si exercitum amisisset.

tum placet? placet igitur etiam me expulsus, et agrum Campanum periisse, et adoptatum patricium a plebeio, ⁹⁵Gaditanum a Mitylenæo: et Labieni divitiæ, et Mamuræ placent, et Balbi horti, et Tusculanum. sed horum omnium fons unus est. imbecillo resistendum fuit: et id erat facile. nunc legiones XI, equitatus tantus, quantum volet; Transpadani, plebes urbana, tot tribuni plebis, tam perditæ juventus, tanta auctoritate dux, tanta audacia. cum hoc aut depugnandum est, aut habenda e lege ratio. depugna, inquis, potius, quam servias; ut quid? si victus eris, proscribere? si viceris, tamen servias? quid ergo, inquis, acturus es? idem quod pecudes, quæ dispulsæ sui generis sequuntur greges. Ut bos armenta, sic ego bonos viros, aut eos, quicumque dicentur boni, sequar, etiamsi ruent. quid sit optimum male contractis rebus, plane video. nemini est enim exploratum, cum ad arma ventum est, quid futurum sit: at illud omnibus, si boni victi sunt, nec in cæde principum clementiorem hunc fore, quam Ciinna fuerit, nec moderatiorem, quam Sulla, in pecuniis locupletium. ἐμπολιτεύομαι σοι jaundudum: et facerem diutius, nisi me lucerna desereret. Ad summam, DIC M. TULLI. assentior Cn. Pompeio, id est T. Pomponio. Alexim, humanissimum puerum, nisi forte, dum ego absum, adolescens factus est, (id enim agere videbatur,) salvere jubeas velim.

8

CICERO ATTICO S.

- b. QUID ⁹⁶opus erat de Dionysio tam valde affirmare? an mihi nutus tuus non faceret fidem? suspicionem autem eo mihi majorem tua taciturnitas attulerat, quod et tu soles conglutinare amicitias testimoniis tuis; et illum aliter cum aliis de nobis locutum audiebam. sed prorsus ita esse, ut scribis, mihi persuades. itaque ego is in illum sum, quem tu me esse vis. Diem tuum ego quoque ex epistola quadam tua, quam incipiente febricula scripseras, mihi notaveram; et animadverteram, posse, pro re nata, te non incommode ad me in Albanum venire III Nonas Januar. sed, amabo te, nihil incommodo valitudinis feceris. quid enim est tantum in uno, aut altero die? Dolabellam video Li-

⁹⁵ Gaditanum a Mitylenæo.] Balbum a Theophrane.

⁹⁶ Opus est.] Scribendum esse erat, sequentia, faceret, &c. ostendunt.

vīa testamento cum duobus coheredibus esse in triente; sed juberi mutare nomen. est πολιτικὸν σκῆμμα, rectumne sit nobili adolescenti, mutare nomen mulieris testamento. sed id ⁹⁷ φιλοσοφώτερον διευκρινήσομεν, cum sciemus, ⁹⁸ quantum quasi sit in trientis triente. Quod putasti fore, ut ante, quam istuc venirem, Pompeium viderem; factum est ita. nam vi Kal. ⁹⁹ ad Lavernium me consecutus est. una Formias venimus, et ab hora octava ad vesperum secreto collocuti sumus. Quod quæris, ecqua spes pacificationis sit: quantum ex Pompeii multo et accurato sermone perspexi, ne voluntas quidem est. sic enim existimat, si ille, vel dimisso exercitu, consul factus sit, σύγχυσιν τῆς πολιτείας fore. atque etiam putat, eum, cum audierit, contra se diligenter parari, consulatum hoc anno neglecturum, ac potius exercitum provinciamque retenturum. sin autem ille fureret; vehementer hominem contemnebat, et suis et reipublicæ copiis confidebat. quid quæris? etsi mihi crebro ξυνὸς ἐννόλος occurrebat; tamen levabar cura, virum fortem et peritum, et plurimum auctoritate valentem audiens, πολιτικῶς de pacis simulatæ periculis disserentem. habebamus autem in manibus Antonii concionem, habitam x Kal. Januar. in qua erat accusatio Pompeii usque a toga pura, querela ¹⁰⁰ de damnatis, terror armorum: in quibus ille, quid censes, agebat, facturum esse ipsum, si in possessionem reipublicæ venerit, cum hæc quæstor ejus, infirmus et inops, audeat dicere? quid multa? non modo non expetere pacem istam, sed etiam timere visus est. ¹ Ex illa autem sententia ita relinquendæ urbis movet hominem, ut puto. mihi autem illud molestissimum est, quod solvendi sunt numi Cæsari, et instrumentum triumphi eo conferendum.

p. 107.
a.

⁹⁷ φιλοσοφώτερον.] Non hic de philosophia cogitandum, sed est diligentius, accuratius. patet e subjecta ratione, quæ ad rem pecuniariam pertinet. et φιλοσοφῶν sic dicitur, pro diligenter considerare rem.

⁹⁸ Quantum sit in trientis triente.] Nempe si Dolabella non adibat hereditatem, quod nomen mutare nollet ex testamento, tamen fortasse coheredes ipsi hereditatem concederent, si ad eos parum rediret, Dolabella ab hereditate exclusæ.

⁹⁹ Ad Lavernium.] Sic edd. pr. Bosius fecit L. Avernium i. e. lacum A. quod Gruterus secutus est. Sed Lavernii etiam alibi mentio.

¹⁰⁰ De damnatis.] So. in consulatione ejus tertio.

¹ Ex illa autem sententia ita rel. urbis.] Valde in hoc loco laborarunt viri docti. Ed. pr. Rom. habet *ira*, quod Aso. Ald., &c. secuti sunt, ed. Jens. neutrum habet. ex *ira* factum est *ita*, ut est in sor. quibusdam, sed sine sensu. quod tamen Gruterus secutus est. Pantagathus corrigebat *Mea autem sententia non rel. urbis*, quod recepit Lambinus. Puto ex natum esse e præcedente est: legendumque *illa a. sententia non relinquenda urbis*, quæ sane erat Ciceronis.

est enim ἀμορφον, ἀντιπολιτενομένου χρεωφειλέτην esse. Sed hæc, et multa alia coram.

CICERO ATTICO S.

²QUOTIDIENE, inquis, a te accipiendæ litteræ sunt? si habeo, cui dem, quotidie. at jam ipse ades. tum igitur, cum venero, desinam. Unas video mihi a te non esse redditas; quas L. Quintius, familiaris meus, cum ferret, ad bustum Basili vulneratus et ³despoliatus est. videbis igitur, numquid fuerit in his, quod me scire opus sit: et simul tu hoc διευκρινήσεις πρόβλημα, sane πολιτικόν: ⁴cum sit necesse, aut haberi Cæsaris rationem, illo exercitum vel per senatum, vel per tribunos plebis obtinente, aut persuaderi Cæsari, ut tradat provinciam atque exercitum, et ita consul fiat; aut, si id non persuadeatur, haberi comitia sine illius ratione, illo patiente, atque obtinente provinciam; aut, si per tribunos plebis non patiatur, tamen quiescat, rem adduci ad interregnum; aut, si ob eam causam, quod ratio ejus non habeatur, exercitum adducat, armis cum eo contendere; illum autem initium facere armorum, aut statim nobis minus paratis, aut tum, cum comitiis, amicis ejus postulantibus, ut e lege ratio habeatur, impetratum non sit: ire autem ad arma, aut hanc unam ob causam, quod ratio non habeatur, aut addita causa, si forte tribunus plebis senatum impediens, aut populum incitans, notatus, aut senatus consulto circumscriptus, aut sublatus, aut expulsus sit, dicensve se expulsus, ad illum confugerit: suscepto autem bello, aut tenenda sit urbs, aut ea relictæ, ille commeatu et reliquis copiis intercludendus: quod horum malorum, quorum aliquod certe subeundum est, minimum putes. Dices profecto, persuaderi illi, ut tradat exercitum, et ita consul fiat. est omnino id ejusmodi, ut, si ille eo descendat, contra dici nihil possit: idque eum, si non obtinet, ut ratio habeatur retinentis exercitum, non facere miror. nobis autem, ⁵ut quidam putat, nihil est timendum magis, quam ille consul. at sic malo, inquires, quam

² Quotidiene.] In edd. pr. hæc epistola coheret præcedenti.

³ Despoliatus est.] Puto dispoliatus, ut alibi est.

⁴ Cum sit necesse.] Consequens est in verbis quod horum malorum.

⁵ Ut quidam putant.] Recte Tunstallus, p. 148. corrigat putat, ut ad Pompeium pertineat. nam sic et mox est. nec dubitavi recipere. Sic et mox correxi putet, nam ibi putat edd. pr.

cum exercitu. certe. ⁶ sed istud ipsum, dico, magnum malum putat aliquis: neque ei remedium est ullum. cedendum est, si id volet. vide consulem illum iterum, quem vidisti consulatu priore. ⁷ at tum imbecillus plus, inquis, valuit, quam tota respublica. quid nunc putas? et eo consule, Pómpēio certum est esse in Hispania. o rem miseram! si quidem id ipsum deterrimum est, quod recusari non potest; et ⁸ quod ille si faciat, jam jam a bonis omnibus summam ineat gratiam. Tollamus igitur hoc, quo illum posse adduci negant: de reliquis quid est deterrimum? concedere illi, quod, ut idem dicit, impudentissime postulat. nam quid impudentius? tenuisti provinciam per decem annos, non tibi a senatu, sed a te ipso per vim et per factionem datos. præterit tempus, non legis, sed libidinis tuæ: fac tamen, legis. ut succedatur, decernitur: impedis; et ais, habe mei rationem. habe tu nostrum. exercitum tu habeas diutius, quam populus jussit, invito senatu? Depugnes oportet, nisi concedis. cum bona quidem spe, ut ait idem, vel vineendi, vel in libertate moriendi. jam si pugnandum est: quo tempore, in casu; quo consilio, in temporibus situm est. itaque te in ea quæstione non exerceo. ad ea, quæ dixi, affer, si quid habes. equidem dies noctesque torqueor.

p. 108.
a.

CICERO ATTICO S.

10

SUBITO consilium cepi, ut, antequam lueret, exirem; ⁹ ne qui conspectus fieret, aut sermo, lietoribus præsertim laureatis. de reliquo, neque hercule, quid agam, nec, quid acturus sim, scio: ita sum perturbatus temeritate nostri ¹⁰ amentissimi consilii. tibi vero quid suadeam, ejus ipse consilium exspecto? Cnæus noster quid consilii ceperit,

6 Sed istuc ipsum sic, o magnum malum putet al.] Sine dubio est hoc vitiosum. J. Fr. Gronovius corrigit s. istud ipsum, sicut est, m. m. putat aliquis. Ego corripi: sed istud ipsum, dico, magnum m. p. u. nam est repetitio superioris de malo, quod sit in consulatu Cæsaris. Ita una modo littera mutatur: nec dubitavi in textum recipere.

7 At tum imbecillus plus, inquis, valuit.] Inquis non rectum puto. non enim hæc est oratio Attici, contra ejus sententiam disputatur, sed Pompeii, de quo ante bis ostenditur. Itaque scribendum puto inquit.

8 Quod ille si faciat.] Cæsar, ut consul fiat, vel se consulem alii faciant, omnia provincia. tum jam jam alienum est: nihil melius scio, quam corrigere tamen; quod h. l. aptissimum sit.

9 Ne qui conspectus fieret aut sermo.] I. e. ne oculi hominum omnium in me convertantur, et sermones oriantur. Sic conspici dicitur, quod insolentia sua convertit oculos hominum. Sic in epp. ad Div. incurrit hæc laurus non modo in oculos, sed etiam in vultus, nostri dicunt ein Aufsehen machen.

10 Amentissimi consilii.] De urbe relinquenda, v. ep. seq.

capiatve, nescio, adhuc in oppidis ¹¹coarctatus et stupens. omnes, si in Italia consistat, erimus una: sin cedet, consilii res est. adhuc certe, nisi ego insanio, stulte omnia et incaute. Tu, quæso, crebro ad me scribe, vel quod in buccam venerit.

11

CICERO ATTICO S.

- b. QUÆSO, quid hoc est? aut quid agitur? mihi enim tenebræ sunt. Cingulum, inquis, nos tenemus: Anconem amisimus. Labienus discessit ab Cæsare. utrum de imperatore populi Romani, an de Hannibale loquimur? o hominem amentem et miserum, qui ne umbram quidem umquam τοῦ καλοῦ viderit! atque, hæc, ait, omnia facere se dignitatis causa: ubi est autem dignitas, nisi ubi honestas? ¹²num honestum igitur, habere exercitum nullo publico consilio? occupare urbes civium, quo facilius sit aditus ad patriam? χρεῶν ἀποκοπὰς, φυγάδων καθόδους, sexcenta alia scelera moliri, τὴν θεῶν μεγίστην ὄρε' ἔχειν τυραννίδα? sibi habcat suam fortunam. unam mehercule tecum apricationem in illo Lucretino tuo sole malim, quam omnia istiusmodi regna; vel potius mori milies, quam semel istiusmodi quidquam cogitare. quid si tu velis? inquis. age quis est, cui velle non liceat? sed ego hoc ipsum velle, miserius esse duco, quam in crucem tolli. una res est ea miserius, adipisci, quod ita volueris. Sed hæc hactenus. libenter enim in his molestiis ἐνσχολάζω σοι. redeamus ad nostrum. Per fortunas! quale tibi consilium Pompeii videtur? hoc quæro, quod urbem reliquerit. ego enim ἀπορώ: ¹³tum nihil absurdius. urbem tu relinquas? ergo idem, si Galli venirent. non est, inquit, in parietibus respublica, at in aris et focis. fecit idem Themistocles. fluctum enim totius barbariæ ferre urbs una non poterat. at idem Pericles non fecit, annum fere post quinquagesimum, cum præter mœnia nihil teneret. nostri olim, urbe reliqua capta, arcem tamen retinuerunt.

p. 109. Οὕτω που τῶν πρόσθεν ἐπευθόμεθα κλέα ἀνδρῶν. rursus
a.

11 Coarctatus et stupens.] Coarctatus cunt, sed sensum non dicunt. recte Græcū multitudinem omnium Pompeianorum, qui ex urbe fugerunt, et stupens, nesciens, quid consilii capiat.

12 Num honestum igitur.] Sic edd. friget, aut deleam, aut tamen legam: nempe pr. Rom. Jens. &c. recentiores pro num ut sit correctio τῷ ἀνωτέρω. dedere nisi. et in eo ἀποσιώπων esse di-

13 Tum nihil absurdius.] Tum h. l.

autem ex dolore municipali, sermonibusque eorum, quos convenio, videtur hoc consilium exitum habiturum. mira hominum querela est, ¹⁴(nescio istic: sed facies, ut sciam:) sine magistratibus urbem esse, sine senatu. fugiens denique Pompeius mirabiliter homines movet. quid quæris? alia causâ facta est: nihil jam concedendum putant Cæsari. hæc, tu mihi explica, qualia sint. Ego negotio præsum non turbulento. vult enim me Pompeius, esse, quem tota hæc Campana et maritima ora habeat ἐπίσκοπον, ad quem delectus et summa negotii referatur. itaque vagus esse cogitabam. Te puto jam videre, quæ sit ὄρμη Cæsaris, qui populus, qui totius negotii status: ea velim scribas ad me, et quidem, quoniam mutabilia sunt, quam sæpissime. acquiesco enim et scribens ad te, et legens tua.

CICERO ATTICO S.

12

UNAM adhuc a te epistolam acceperam, datam XII Kal. in qua significabatur, aliam te ante dedisse, quam non acceperam. sed quæso, ut scribas quam sæpissime, non modo si quid scies, aut audieris, sed etiam si quid suspicabere, maximeque, quid nobis faciendum aut non faciendum putes. Nam quod rogas, curem, ut scias, quid Pompeius agat, ne ipsum quidem scire puto; nostrum quidem nemo. Vidi Lentulum consulem Formiis x Kal. vidi Libonem: plena timoris et erroris omnia. ille iter Larinum: ibi enim cohortes, et Luceriæ, et Theani, reliquaue in Apulia. inde b. utrum consistere uspiam velit, an mare transire, nescitur. si manet; vcreor, ne exercitum firmum habere non possit. ¹⁵sin discedit: quo, aut qua, aut quid nobis agendum est, nescio. nam istum quidem, cujus φαλαρισμὸν times, omnia teterrime facturum puto. nec cum rerum prolatio, nec senatus, magistratuumque discessus, nec ærarium clausum tardabit. Sed hæc, ut scribis, cito sciemus. interim velim mihi ignoscas, quod ad te scribo tam multa toties. acquiesco enim, et tuas volo elicere litteras, maximeque consilium, quid agam, aut quo me pacto geram; demittamne me penitus in causam? Non deterreor periculo, sed dirumpor

14 Nescio istic.] Videtur exoidisse gatum *discedet* e contextu, ut ante est, si an: *nescio an istic*, apud vos: tales sint sc. *manet*, infra rursus si *Italia cedit*: cum sic querelæ. in edd. pr. reperi.

15 Sin discedit.] Sic correxeram vul-

dolore. Tam nullo consilio, aut tam contra meum consilium gesta esse omnia! An cuneter et tergiverser, et iis me dem, qui tenent, qui potiuntur? αἰδέσθαι Τρωῆας nec solum civis, sed etiam amici officio revocor; etsi frangor sæpe ¹⁶ misericordia puerorum. ut igitur ita perturbato, etsi te eadem sollicitant, scribe aliquid, et maxime, si Pompeius Italia cedit, quid nobis agendum putes. M'. quidem Lepidus (nam sumus una) eum finem statuit, L. Torquatus eundem. me cum multa, tum etiam lietores impediunt: nihil vidi umquam, quod minus explicari posset. itaque a te nihil dum certi exquiro, sed quid videatur. denique ipsam ἀπορίαν tuam cupio cognoscere. Labienum ab illo discessisse, propemodum constat. si ita factum esset, ut ille Romam veniens magistratum et senatum Romæ offenderet, magno usui causæ nostræ fuisset. damnasse enim sceleris hominem amicum, reipublicæ causa, videretur: quod nunc quoque videtur; sed minus prodest. non enim habet, cui ^a prosit: eumque arbitror poenitere: nisi forte id ipsum est falsum, discessisse illum. nos quidem pro certo habebamus. et velim, (quamquam, ut scribis, domesticis te finibus tenes,) formam mihi urbis exponas, ecquod Pompeii desiderium, ecqua Cæsaris invidia appareat: etiam quid eeneas de Terentia et Tullia, Romæ cas esse, an mecum, an aliquo tuto loco. et hæc, et si quid aliud, ad me scribas velim, vel potius scriptites.

13

CICERO ATTICO S.

DE Vennonianis rebus tibi assentior. Labienum ἥρωνα iudico. facinus jamdiu nullum civile præclarius: qui ut aliud nihil, hoc tamen profecit; dedit illi dolorem. sed etiam ad summam profectum aliquid puto. ¹⁷ amo etiam Pisonem: cujus iudicium de genere suspicio visum iri grave. quamquam, genus belli quod sit, vides. ita civile est, ut non ex civium dissensione, sed ex unius perditæ civis audacia natum sit. is autem valet exercitu; tenet multos spe et promissis; omnia omnium concupivit. huic tradita urbs est, nuda præsidio, referta copiis. quid est, quod ab eo non me-

* 16 Misericordia puerorum.] Int. nos-
trorum; quod quibusdam visum exci-
disse. sed et alibi simpliciter dicuntur, ut
cp. 17.

17 Amo c. Pisonem.] Illum Gabinii
collegam quondam: qui tum censor, ad-
ventante Cæsare, urbem pariter reliquerat,
eaque re ostenderat, sibi Cæsaris, cujus
socer erat, causam improbari: quod dici-
tur iudicium de genere, et quidem grava.

tuas, qui illa templa et tecta, non patriam, sed prædā putet? quid autem sit acturus, aut quō modo, nescio, sine senatu, sine magistrātu. ne simulare quidem poterit quicquam πολιτικῶς. nos autem ubi exsurgere poterimus? aut quando? quorum dux quam ἀσπράγγητος, tu quoque animadvertis; ¹⁸ cui ne Picena quidem nota fuerint: quam autem sine consilio, res testis. ut enim alia omittam ¹⁹ decem annorum peccata, ²⁰ quæ conditio non huic fugæ præstitit? ^{b.} nec vero nunc quid cogitet scio: ac non desino per litteras sciscitari. nihil esse timidius constat, nihil perturbatius. itaque nec præsidium, cuius parandi causa ²¹ ad urbem retentus est, nec locum ac sedem præsidii ullam video. spes omnis ²² in duabus, invidiose retentis, pæne alienis legionibus. nam delectus adhuc quidem invitorem est, et a pugnando abhorrentium. conditionum autem amissum tempus est. quid futurum sit, non video. commissum quidem a nobis certe est, sive a nostro duce, ut, e portu sine gubernaculis egressi, tempestati nos traderemus. itaque de Ciceronibus nostris dubito quid agam. nam mihi interdum amandandi videntur in Græciam. de Tullia autem et Terentia, cum mihi ²³ barbarorum adventus proponitur, omnia timeo: cum autem Dolabellæ venit in mentem; paululum respiro. sed velim consideres, quid faciendum putes: primum πρὸς τὸ ὀσφαλές (aliter enim mihi de illis, ac de me ipso, consulendum est:) deinde ad opiniones; ne reprehendamus, quod eas Romæ velimus esse in communi bonorum fuga. quin etiam tibi et Peduceo, (scripsit enim ad me,) quid faciatis, videndum est. is enim splendor est vestrum, ut eadem postulentur a vobis, quæ ab amplissimis civibus.

18 Cui ne Picena q. nota fuerint.] Cui ne Picenum quidem ita cognitum fuit. cum esset satis vicinum urbi, ut intelligeret, id in primis idoneum esse ad Cæsarem ab urbe arcendum, et id occuparet et se Cæsari adveniēti opponeret. Pertinet hoc ad Polybii præceptum, qui in bono duce in primis esse debere vult geographiæ scientiam talem, quæ situs, regionum, opportunitates, incommoda, &c. ad bellum gerendum habeat, ejusque ignorantia sæpe graviter peccasse duces belli.

19 Decem annorum peccata.] Pompeii, inde ab eo tempore, quo se cum Cæsare conjunxit: qui fuisse decem anni.

20 Quæ conditio.] Int. a Cæsare proposita Pompeio conservandæ pacis causa.

melius fuit omnem conditionem a capere, quamvis duram, quam urbem ita relinquere.

21 Ad urbem retentus est.] Cum in provinciā suā ire posset Hispaniam, quam per legatos administrabat.

22 In duabus - - legionibus.] Quas Pompeius retinuit in Apulia, cum Cæsari essent decreta: sub specio Parthioi belli: unde ei magna invidia, sive, ut Cæsar dicit de B. C. I, 4. infamia.

23 Barbarorum adventus ad urbem.] Delevi cum Grævio ad urbem, quod ab ejus Mss. aberat, etiam in Memm. non repperit est. abest et ab ed. Rom. Barbari sunt Galli, quos multos in exercitu Cæsar habebat.

sed de hoc tu videbis, quippe cum de me ipso, ac de meis te considerare velim. Reliquum est, ut, et quid agatur, quoad poteris, explores, scribasque ad me, et quid ipse conjectura assequare: quod etiam a te magis exspecto. nam, acta omnibus nuntiantibus, a te exspecto futura. *μάντις δ' ἄπιστος*. Loquacitati ignoscas, quæ et me levat, ad te quidem scribentem, et elicit tuas litteras. ²⁴ *Ænigma Oppiorum ex Velia* plane non intellexi. est enim ²⁵ numero Platonis obscurius. ²⁶ jam intellexi tuum. Oppios enim de Velia ²⁷ succones dicis. in eo æstuavi diu: quo aperto, reliqua patebant, et cum Terentiæ summa congruebant. L. Cæsarem vidi Minturnis a. d. viii Kal. Febr. mane, cum absurdissimis mandatis, non hominem, sed scopas solutas: ut id ipsum mihi ²⁸ ille videatur irridendi causa fecisse, qui tantis de rebus huic mandata dederit; nisi forte non dedit, et hic, sermone aliquo arrepto, pro mandatis abusus est. Labienus, vir mea sententia magnus, Theanum venit a. d. ix Kal. ibi Pompeium consulesque convenit. qui sermo fuerit, et quid actum sit, scribam ad te, cum certum sciam. Pompeius ab Theano Larinum versus profectus est a. d. viii Kal. eo die mansit Venafri. aliquantum animi videtur nobis attulisse Labicnus. sed ego nondum habeo, quod ad te ex his locis scribam. ista magis exspecto: quid illinc afferatur; quo pacto de Labieno ferat; quid agat Domitius in Marsis, Iguvii Thermus, P. Attius Cinguli; quæ sit populi urbani voluntas; quæ tua conjectura de rebus futuris: hæc velim crebro, et quid tibi de mulieribus nostris placeat, et quid acturus ipse sis, scribas. ²⁹ Si scriberem ipse, longior epistola fuisset; sed dictavi propter lippitudinem.

CICERO ATTICO S.

A. D. vi Kal. Febr. Capuam Calibus proficiscens, ³⁰ cum leviter lippirem, has litteras dedi. L. Cæsar mandata Cæ-

²⁴ *Ænigma Oppiorum, &c.*] Quæ mihi de Oppiis, fœneratoribus a monte Velia, scribis obscurius: seu potius, quæ Oppii dixerunt. nam mox sequitur *tuum* sc. ænigma. res pertinet ad pecuniam creditam, forte Terentiæ.

²⁵ *Numero Platonis.*] Mss. quidam *Timeo Platonis*.

²⁶ *Jam int. tuum.*] Sc. ænigma. Corradus hic facit initium novæ epistolæ.

²⁷ *Succones.*] V. Clav.

²⁸ *Ille.*] Cæsar. mox *sermone aliquo*. int. Cæsaris de me.

²⁹ *Si scriberem ipse.*] I. si ipse possem scribere. forte tamen legendum *si scripsissem ipse*, propter sequens *fuisset* et *dictavi*.

³⁰ *Cum leviter lippirem.*] Sic libri antiqui edd. et scr. Lambinus o corrupta scriptura duorum codd. fecit *fluenter*, quod Bosius et Gruterus secuti sunt. id verbum est ap. Lucretium.

saris detulit ad Pompeium a. d. viii Kal. cum is esset cum consulibus Theani. probata conditio est, sed ita, ut ille de iis oppidis, quæ extra suam provinciam occupavisset, præsidia deduceret. id si fecisset, responsum est, ad urbem nos redituros esse, et rem per senatum confecturos. ³¹ spero esse in præsentia, pacem nos habere. nam et illum furoris, et hunc nostrum copiarum supponit. Me Pompeius Capuam venire voluit, et adjuvare delectum: in quo parum prolixè respondent Campani coloni. Gladiatores Cæsaris, qui Capuæ sunt, de quibus ante ad te falsum ex Torquati litteris scripseram, sane commode Pompeius distribuit, binos singulis patribus familiarum. ³² scutorum in ludo 100 fuerunt: eruptionem facturi fuisse dicebantur. sane multum in eo reipublicæ provisum est. De mulieribus nostris, in quibus est tua soror, quæso videas, ut satis honestum nobis sit, eas Romæ esse, cum ³³ ceteræ ulla dignitate discesserint. hoc scripsi ad eas, et ad te ipsum antea. velim, eas cohortere, ut exeant; præsertim cum ea prædia in ora maritima habeamus, cui ego præsum, ut in his pro re nata non incommode possint esse. nam si quid offendimus, ³⁴ in genere nostro; quod quidem ego præstare non debeo. sed id fit majus, quod mulieres nostræ præter ceteras Romæ remanserunt. tu ipse ³⁵ cum Sexto, scire velim, quid cogites de exeundo, de totaque re quid existimes. quidem pacem hortari non desino: quæ vel injusta utilior est, quam iustissimum bellum. sed hæc, ut fors tulerit.

CICERO ATTICO S.

15

UT ab urbe discessi, nullum adhuc intermisi diem, quin aliquid ad te litterarum darem: non quo haberem magnoperc, quod scriberem; sed ut loquerer tecum absens: quo mihi, ³⁶ cum coram id non licet, nihil est jucundius. Capuam cum venissem a. d. vi Kal. pridie, quam has litteras

p. 112.
a.

31 Spero esse in præsentia.] Hoc sine dubio vitiosum. Victorius et alii etiam edidere, de conjectura, quod et Grævius secutus est. malum ipse.

32 Scutorum in ludo, &c.] Reposui veterem lectionem pro Victoriana conjectura, scutorum. tot gladiatores in uno ludo esse non potuere: scutorum, gladiatorum ante mentio est, qui in eruptionem facturi intelligendi.

33 Ceteræ ulla dignitate.] Feminæ, in

quibus quicquam dignitatis esset.

34 In genere nostro.] Offendimus in Dolabella, Canariano. ea offensio augebatur, quod credebant homines, Ciceronem clam cum Cæsare facere, quia uxor ejus et filia Romæ manebant, cum omnes aliæ honestiores discessissent.

35 Cum Sexto.] Peducæo.

36 Cum coram id non licet.] Edd. pr. liceret. Ms. Helmst. cum eorum licet, quod placet Grævio.

dedi, consules conveni, multosque nostri ordinis. omnes cupiebant Cæsarem, abductis præsiidiis, stare conditionibus iis, quas tulisset. uni Favonio, leges ab illo nobis imponi non placebat: sed is haud auditus in consilio. Cato enim ipse jam servire, quam pugnare, mavult. sed tamen ait, in senatu se adesse velle, cum de conditionibus agatur, si Cæsar adductus sit, ut præsidia deducat. ita, quod maxime opus est, in Siciliam ire non curat: quod metuo ne obsit, in senatu esse vult. Postumus autem, de quo nominatim senatus decrevit, ut statim in Siciliam iret, ³⁷ Furfanoque succederet, negat se sine Catone iturum: et suam in senatu operam, auctoritatemque ³⁸ quam magni aestimat. ita res ad Fannium pervenit. is cum imperio in Siciliam præmittitur. In disputationibus nostris summa varietas est. plerique negant, Cæsarem in conditione mansurum; postulataque hæc ab eo interposita esse, quo minus, quod opus esset ad bellum, a nobis pararetur. ego autem eum puto facturum, ut præsidia deducat. vicerit enim, si consul factus erit, et minore scelere vicerit, ³⁹ quam quo ingressus est. sed accipienda plaga est. sumus enim flagitiose imparati cum a militibus, tum a pecunia; quam quidem omnem, non
 b. modo privatam, ⁴⁰ quæ in urbe est, sed etiam publicam, quæ in ærario est, illi reliquimus. Pompeius ad ⁴¹ legiones Attianas est profectus: Labienum secum habet. ego tuas opiniones de his rebus exspecto. Formias me continuo recipere cogitabam.

16

CICERO ATTICO S.

OMNES arbitror mihi tuas litteras redditas esse, sed primas præpostere, reliquas ordine, quo sunt missæ, per Terentiam. De mandatis Cæsaris, adventuque Labieni, et

³⁷ *Furfanoque.*] Hoc secutus cum aliis pro *Fuffano* vel *Fufano*, quod edd. pr. habent, revocavitque Bosius. *Fuffani* nulli fuere, certe clari, qualis hic intelligendus prætor Siciliæ. *Furfano* primus dedit P. Man.

³⁸ *Quam magni aestimat.*] *Quam* in vulgatis recentius adest. Grævius auctoribus suis Mss. et ed. Vict. reposuit. at id erat jam in edd. pr. primus omisit P. Manutius.

³⁹ *Quam quo ingressus est.*] *Quam* quo cœpit agere contra rempublicam per vim, cum non esset consul. in quo ipso magnum

scelus fuit.

⁴⁰ *Quæ in urbe est.*] Int. in foro et apud feneratores: nam et publica in urbe est. Videtur addidisse ad æquanda membra, quia in altero est: quo in ærario est.

⁴¹ *Legiones Attianas.*] Quas P. Attius Varus habebat. de Attio supra est, ep. 13. Legiones hæc iterum sunt infra, ep. 20. Lipsius epp. ad Belg. II, 16. putabat legendum *Appianas*, quas Appianus legatus habebat, duas sc. illas abductas a Cæsare per ipsum illum Attium, de quibus supra. probat Grævius, ut videtur.

responsis consulum ac Pompeii, scripsi ad te litteris iis, quas a. d. v Kal. Capua dedi: pluraque præterea in eandem epistolam conieci. nunc has expectationes habemus duas: unam, quid Cæsar acturus sit, cum acceperit, ea, quæ referenda ad illum data sunt L. Cæsari; alteram, quid Pompæius agat: qui quidem ad me scribit, paucis diebus se firmum exercitum habiturum; spemque affert, si in Picenum agrum ipse venerit, nos Romam redituros esse. Labienum secum habet, non dubitantem de imbecillitate Cæsaris copiarum: cujus adventu Cnæus noster multo animi plus habet. Nos a consulibus Capuam venire iussimus ad Nonas Febr. Capua profectus sum Formias a. d. III Kal. eo die cum Calibus tuas litteras hora fere nona accepissem, has statim dedi. De Terentia et Tullia tibi assentior; ad quas scripseram, ad te ut referrent: si nondum profectæ sunt, nihil est quod se moveant, quoad perspiciamus, quo loci sit res.

CICERO ATTICO S.

17

TUÆ litteræ mihi ⁴² gratæ jucundæque sunt. De pueris in Græciam transportandis tum cogitabam, cum fuga ex Italia quæri videbatur. ⁴³ nos enim Hispaniam petcremus: ^{p. 113.} illis hoc æque commodum non erat. tu ipse ⁴⁴ cum Sexto etiam nunc mihi videris Romæ recte esse posse. etenim minime amici Pompeio nostro esse debetis. nemo enim unquam tantum de urbanis præsidiis detraxit. videsne me etiamolari? Scire jam te oportet, L. Cæsar quæ responsa referat a Pompeio, quas ab eodem ad Cæsarem ferat litteras. scriptæ enim et datæ ita sunt, ut proponerentur in publico: in quo accusavi mecum ipse Pompeium, qui, ⁴⁵ cum scriptor luculentus esset, tantas res, atque eas, quæ in omnium manus venturæ essent, Sextio nostro scribendas dederit. itaque nihil unquam legi scriptum *σημνωδέστερον*, perspicere tamen ex litteris Pompeii potest, nihil Cæsari negari, omniaque et cumulate, quæ postulet, dari, quæ ille, amen-

⁴² *Gr. jucundæque sunt.*] Alias dicitur fuerunt. nam hic non de litteris univcrse loquitur, sed iis, quas proxime acceperat.

⁴³ *Nos enim Hisp. petcremus.*] Sc. si ex Italia abeundum esset. Malaspina intelligebat si. In Hispaniam autem ire cogitabant, quod ibi esset exercitus Pompeianus.

⁴⁴ *Cum Sexto.*] V. ad ep. 14.

⁴⁵ *Cum scriptor luculentus esset.*] Pertinet manifeste ad Pompeium. int. ipse, quod videtur omisisse, quia modo præcessit: nisi vero transpositum est. nam ibi mecum est apud mo; non ut alias, uti me. nam nullum hic Ciceronis peccatum est conjunctum cum Pompeii peccato.

tissimus fuerit, nisi acceperit, præsertim cum impudentissime postulaverit. quis enim tū es, qui dicas, si in Hispaniam profectus erit, si præsidia dimiserit? tamen non conceditur; minus honeste nunc quidem, violata jam ab illo republica, illatoque bello, quam si olim de ratione habenda impetrasset: et tamen vereor, ut his ipsis contentus sit. nam cum ista mandata dedisset L. Cæsari, debuit esse paullo quietior, dum responsa referrentur. dicitur autem nunc esse acerrimus. Trebatius quidem scribit, se ab illo 1x Kal. Febr. rogatum esse, ut scriberet ad me, ut essem ad urbem: nihil ei me gratius facere posse. hæc verbis plurimis. intellexi ex dierum ratione, ut primum de discessu nostro Cæsar audisset, laborare eum cœpisse, ne omnes abessemus. itaque non dubito, quin ad Pisonem, quin ad Servium scripserit. illud admiror non ipsum ad me scripisse, non per Dolabellam, non per Cœlium egisse: quamquam non aspernor Trebatii litteras, a quo me unice diligi scio. rescripsi ad Trebatium, (nam ad ipsum Cæsarem, qui mihi nihil scripsisset, nolui,) quam illud hoc tempore esset difficile: me tamen in prædiis meis esse, neque delectum ullum, neque negotium suscepisse. in quo quidem manebo, dum spes pacis erit: sin bellum geretur; non deero officio, nec dignitati meæ, pueros ὑπεκθήμενος in Græciam. totam enim Italiam flagraturam bello intelligo. tantum mali excitatum partim ex improbis, partim ex invidis civibus. sed hæc paucis diebus ⁴⁶ ex illius ad nostra responsa responsis intelligentur, quorsum evasura sint. tum ad te scribam plura, si erit bellum: sin autem etiam induciæ, te ipsum, ut spero, videbo. Ego 1111 Non. Febr. quo die has litteras dedi, in Formiano, quo Capua redieram, mulieres exspectabam: quibus quidem scripseram, tuis litteris admonitus, ut Romæ manerent. sed audio maiorem quendam in urbe timorem esse. Capuæ Non. Febr. esse volebam, quia consules jusserant. quidquid huc erit a Pompeio allatum, statim ad te scribam: tuasque de istis rebus litteras exspectabo.

46 Ex illius ad nostra responsa responsis.] autem dedi pro si a. ex edd. pr. ut et Græc. Non placet idem verbum sic bis positum. vius dedit. ejus formæ et alia exempla Credo responsa esse delendum. max sin sunt.

CICERO ATTICO S.

18

QUARTO Non. Febr. mulieres nostræ Formias venerunt, tuaque erga se officia, plena tui suavissimi studii, attulerunt. eas ego, quoad sciremus, utrum turpi pace nobis, an misero bello esset utendum, in Formiano esse volui, et una Cicerones. ipse cum fratre Capuam ad consules (Nonis enim adesse jussi sumus) ^{p. 114.} 111 Non. profectus sum, cum has litteras dedi. Responsa Pompeii grata populo, et probata concioni esse dicuntur. ita putaram. quæ quidem ille si repudiarit, jacebit: ^{a.} 47 si acceperit? Utrum igitur, inquires, mavis? responderem, si quemadmodum parati essemus, scirem. Cassium, erat hic auditum, expulsum Aneone, eamque urbem a nobis teneri. si bellum futurum est, negotium utile. Cæsarem quidem, L. Cæsare cum mandatis de pæce misso, tamen aiunt acerrime delectum habere, loca occupare, ^{a.} 48 vincere præsidiis. ô perditum latronem! o vix ullo otio compensandam hanc reipublicæ turpitudinem! sed stomachari desinamus, tempori pareamus, cum Pompeio in Hispaniam eamus. hæc opto in malis; quoniam illius alterum consulatum a republica, ne data quidem occasione, repulimus. Sed hæc hactenus. De Dionysio, fugit me ad te antea scribere: sed ita constitui; exspectare responsa Cæsaris, ut, si ad urbem rediremus, ibi nos exspectaret; sin tardius id fieret, tum cum arecesseremus. omnino quid ille facere debuerit in nostra illa fuga, quid docto homine et amieo dignum fuerit, cum præsertim rogatus esset, scio. sed hæc non nimis exquiro a Græcis. tu tamen videbis, si erit, quod nolim, arecessendus, ne molesti simus invito. Quintus frater laborat, ut tibi, quod debet, ab Egnatio solvat: nec Egnatio voluntas deest: nec parum locuples est: sed cum tale tempus sit, ut Q. Titinius (multum enim est nobiseum) viaticum se neget habere; idemque debitoribus suis denuntiarit, ut eodem fœnore uterentur; atque hoc idem etiam L. Ligus fecisse dicatur; nec hoc tempore aut domi numos Quintus habeat, aut exigere ab Egnatio, aut versuram usquam facere possit; miratur, te non habuisse rationem hujus publicæ difficultatis. ego autem;

47 Si acceperit.] Int. pax turpis consequetur, aut simile quid mali, quod mali ominis causa noluit exprimere.

48 Vincire præsidiis.] Vulg. vinciri.

male, ut res ipsa docet. et edd. pr. habent *vincire*: i. e. firmare. miror de latinitate hac dubitare potuisse viros doctos, etiam Grævium.

b.

etsi illud *ψευδοησιόδειον* (ita enim putatur) observo, μηδὲ δίκην, praesertim in te, a quo nihil umquam vidi temere fieri; tamen illius querela movebar. hoc, quidquid est, te scire volui.

19

CICERO ATTICO S.

NIHIL habeo, quod ad te scribam. quin etiam epistolam, quam eram elucubratus, ad te non dedi. erat enim plena spei bonae; quod et concionis voluntatem audieram, et illum ⁴⁹ conditionibus usurum putabam, praesertim suis. ecce tibi 11 Non. Febr. mane accepi litteras tuas, Philotimi, Furnii, Curionis ad Furnium, quibus irridet L. Caesaris legationem. plane oppressi videmur: nec, quid consilii capiam, scio: nec mehercule de me laboro: de pueris quid agam, non habeo. Capuam tamen proficiscebam haec scribens, quo facilius de Pompeii rebus cognoscerem.

20

CICERO ATTICO S.

BREVILOQUEM jam me tempus ipsum facit. pacem enim desperavi: bellum nostri nullum administrant. cave enim putes, ⁵⁰ quidquam esse minoris his consulibus: ⁵¹ quorum ego spe audiendi, et cognoscendi nostri apparatus, maximo imbri Capuam veni pridie Nonas, ut eram iustus. illi autem nondum venerant, sed erant venturi, inanes, imparati. Cnæus autem Luceriae dicebatur esse, et adire cohorts legionum Attianarum, non firmissimarum. at illum ruere nuntiant, et jam jamque adesse, non ut manum conferat, (quicum enim?) sed ut fugam intercludat. Ego autem in Italia καὶ συναποθανεῖν. nec te id consulo. sin extra, quid ago? ad manendum hiems, lictores, improvidi et negligentes duces; ad fugam hortatur amicitia Cnæi, causa bonorum, turpitudine conjungendi cum tyranno: qui quidem incertum est, Phalarimne an Pisistratum sit imitaturus. Hæc velim explices, et me juves consilio. etsi te ipsum istic jam calere puto. sed tamen quantum poteris. ego si quid hic hodie novi cognoro, scies. jam enim aderunt consules ⁵² ad

49 Conditionibus usurum.] In ed. Grut. est usum, vitio, opinor, operarum, quod servavit Gronovius.

50 Quicquam minoris h. e.] Minus curari ab his consulibus.

51 Quorum ego spe audiendi aliquid, et cognoscendi n. a.] Omisi cum Grævin aliquid, quod a Jensonio venit, ab ed. Rom

abest: quam nemo editorum inspexit. glossator non cepit phrasin quorum audiendi, pro, quorum audiendorum: sed ejus et alia exempla sunt.

52 Ad suas Nomus.] Quas ipsi statuerunt, ut ad eas conveniremus Capuam, ut supra dixit.

suas Nonas. Tuas quotidie litteras exspectabo. ad has autem, cum poteris, rescribes. Mulieres et Cicerones in Formiano reliqui.

CICERO ATTICO S.

21

DE malis nostris tu prius audis, quam ego. istinc enim emanant. boni autem hinc quod exspectes, nihil est. Veni Capuam ad Nonas Febr. ita ut jusserant consules. eo die Lentulus venit sero: alter consul omnino non venerat VII Idus. eo enim die ego Capua discessi, et mansi Calibus. inde has litteras postridie ante lucem dedi. hæc, Capuæ dum fui, cognovi: nihil in consulibus, nullum usquam delectum. nec enim conquisitores *φαινοπροσπεῖν* audent; cum ille adsit contra; cum noster dux nusquam sit, nihil agat: nec nomina dant. deficit enim non voluntas, sed spes. Cnæus autem noster (o rem miseram et incredibilem!) ut totus jacet! non animus est, non consilium, non copiæ, non diligentia. mittam illa, fugam ab urbe turpissimam, timidissimas in oppidis conciones, ignorationem non solum adversarii, sed etiam suarum copiarum. hoc cujusmodi est? VII Id. Febr. Capuam C. Cassius tribunus plebis venit, ⁵³ attulit mandata ad consules, ut Romam venirent, pecuniam de sanctiore ærario auferrent, statim exirent urbe relicta. redeant: quo præsidio? deinde exeant: quis sinat? Consul ei rescripsit, ut prius ipse in Picenum. at illud totum erat amissum: sciebat nemo præter me ex litteris Dolabellæ. mihi dubium non erat, ⁵⁴ quin ille jam jamque foret in Apulia: Cnæus noster in navi. ego quid agam, *σκέμμα* magnum: neque mehercule mihi quidem ullum, nisi omnia essent acta turpissime, neque ego ullius consilii particeps. sed tamen, quod me deceat. ipse me Cæsar ad pacem hortatur. sed antiquiores litteræ, quam ruere cœpit. Dolabella, Coelius, me illi valde satisfacere. mira me *ὑποπία* torquet. juva me consilio, si potes: et tamen ista, quantum potes, provide. nihil habeo, tanta rerum perturbatione, quod scribam. tuas litteras exspecto.

53 Attulit mandata.] Sc. a Cn. Pom. ad persequendum Pompeianum. — in navi, peio. fugiens ex Italia in Græciam.

54 Quin ille.] Cæsar. — in Apulia,

PEDEM in Italia video nullum esse, qui non in istius potestate sit. De Pompeio scio nihil; cumque, nisi in navim se contulerit, exceptum iri puto. o celeritatem incredibilem! hujus autem nostri! sed non possum sine dolore accusare eum, de quo angor et crucior. Tu cædem non sine causa times: non quo minus quidquam Cæsari expediat ad diuturnitatem victoriæ et dominationis: sed video, quorum arbitrio sit acturus. recte sit. censeo cedendum de oppidis his. ego consilii. quod optimum factu videbitur, facies. cum Philotimo loquere: atque adeo Terentiam habebis Idibus. Ego quid agam? qua aut terra, aut mari persequar eum, qui ubi sit, nescio? etsi terra quidem qui possum? mari quo? tradam igitur isti me? fac posse tuto. multi enim hortantur. num etiam honeste? nullo modo. quid? a te petam consilium, ut soleo? explicari res non potest. sed tamen, si quid in mentem venit, velim scribas, et ipse quid sis acturus.

QUINTO Id. Feb. vesperi a Philotimo litteras accepi, Domitium exercitum firmum habere; cohortes ex Piceno, Lentulo et Thermo ducentibus, cum Domitii exercit^{us} conjunctas esse; Cæsarem intercludi posse, eumque id timere; bonorum animos recreatos Romæ, ⁵⁵improbos quasi perculsos. Hæc, metuo equidem, ne sint somnia: sed tamen M'. Lepidum, L. Torquatum, C. Cassium tribunum plebis, (hi enim sunt nobiscum, id est, in Formiano,) Philotimi litteræ ad vitam revocaverunt. ego autem illa metuo ne veriora sint, nos omnes pæne jam captos esse, Pompeium Italia cedere: quem quidem (o rem acerbam!) persequi Cæsar dicitur. persequi Cæsar Pompeium? quid? ut interficiat? o me miserum! et non omnes nostra corpora opponimus? in quo tu quoque ingemiscis. sed quid faciamus? victi, oppressi, capti plane sumus. Ego tamen, Philotimi litteris lectis, mutavi consilium de mulieribus: quas, ut scripseram ad te, Romanam remittebam: sed mihi venit in mentem, multum fore sermonem, me judicium jam de causa

⁵⁵ Improbos q. perculosos.] Præcedens membrum bonorum animos videtur postulare improborum: ut et Lambinus sensit.

publica fecisse; qua desperata, quasi hunc gradum mei reditus esse, quod mulieres revertissent. De me autem ipso tibi assentior, ne me dem incertæ et periculosæ fugæ; cum reipublicæ nihil prosim, nihil Pompeio; pro quo emori cum pie possum, tum lubenter. manebo igitur: ⁵⁶etsi vivere. Quod quæris, hic quid agatur: tota Capua, et omnis hic delictus jacet. desperata res est; in fuga omnes sunt: nisi quid ejusmodi fuerit, ut Pompeius istas Domitii copias cum suis jungat. sed videbamur omnia biduo triduove scituri. Cæsaris litterarum exemplum tibi misi: rogaras enim; cui nos valde satisfacere, multi ad me scripserunt: quod patior facile, dum, ut adhuc, nihil faciam turpiter.

CICERO ATTICO S.

24

PHILOTIMI litteræ me quidem non nimis, sed eos, qui in his locis erant, admodum delectarunt. ecce postridie Cassio litteræ Capua, a Lucretio, familiari ejus, Nigidium a Domitio Capuanum venisse; eum dicere, Vibullium cum paucis militibus e Piceno currere ad Cuæum, confestim sequi Cæsarem, Domitium non habere militum III millia. idem scripsit, consules Capua discessisse. non dubito, quin Cnæus in fuga sit; modo effugiat. a consilio fugiendi, ut tu censes, absum.

CICERO ATTICO S.

25

CUM dedissem ad te litteras tristes, et metuo ne veras, de Lucretii ad Cassium litteris Capua missis; Cephalio venit a vobis, attulit etiam a te litteras hilariores, nec tamen firmas, ut soles. omnia facilius credere possum, quam quod scribitis, ⁵⁷Pompeium exercitum habere. nemo huc ita affert, omniaque, quæ nolim. o rem miseram! malas causas semper obtinuit, in optima conceidit. quid dicam? nisi, illud eum scisse; neque enim erat difficile: hoc nescisse. erat enim ars difficilis, ⁵⁸recte rempublicam regere. Sed jam jamque omnia sciemus, et scribemus ad te statim.

⁵⁶ *Etsi vivere.*] Int. nolo. id consulto reticuit, ne malum omen faceret, aut sollicitudinem moveret Attico.

⁵⁷ *P. exercitum habere.*] In Ms. Bal-liol. erat *exercitum firmum*, quod placebat Gravio. nam certe exercitum Pompeius habebat, sed non firmum. nisi vero prop-

terea dixit Cicero, non habere exercitum, quia firmus erat.

⁵⁸ *Recte remp. regere.*] Idem Ms. habebat *remp. gerere*: quod sane hic dici poterat: sed verbum *artis*, *difficilis ars erat*, requirit potius *regere*, quam *gerere*.

CICERO ATTICO S.

NON venit idem usu mihi, quod tu tibi scribis: *quoties exorior?* ego enim nunc paullum exorior, et maxime quidem iis litteris, quæ Roma afferuntur, de Domitio, de Picentium cohortibus. omnia erant facta hoc biduo. lætiora. itaque fuga, quæ parabatur, repressa est. Cæsaris interdicta,

Si te secundo lumine hic offendero,

respuuntur. Bona de Domitio, præclara de Afranio fama est. Quod me amicissime admones, ut me integrum, quoad possim, servem; gratum est. Quod addis, ne propensior ad turpem causam videar; certe videri possum. ego me ducem in civili bello, quoad de pace ageretur, negavi esse: non quin rectum esset; sed quia, quod multo rectius fuit, id mihi fraudem tulit. plane eum, cui Cnæus noster alterum consulatum deferret et triumphum: at quibus verbis? pro suis rebus gestis amplissimis; inimicum habere nolueram. ego scio, et quem metuam, et quam ob rem. sin erit bellum, ut video fore; partes meæ non desiderabuntur. De H-S millib. xx Terentia tibi rescripsit. Dionysio, dum existimabam vagos nos fore, nolui molestus esse. tibi autem, b. crebro ad me scribenti de ejus officio, nihil rescripsi: quod dicam ex die exspectabam, ut statuerem, quid esset faciendum. nunc, ut video, pueri certe in Formiano videntur hie-maturi: num et ego, nescio. si enim erit bellum, cum Pompeio esse constitui. quod habebo certi, faciam, ut scias. ego bellum foedissimum futurum puto; nisi qui, ut tu scis, Parthicus casus exstiterit.

M. TULLII CICERONIS
EPISTOLARUM

AD

ATTICUM

LIBER VIII.

ARGUMENTUM.

Scriptæ sunt libri hujus epistolæ consulibus item L. Cornelio Lentulo et C. Claudio Marcello; continentque historiam dierum xvi, Pompeii videlicet Pompeianorumque trepidationem: curam in delectu habendo: gesta a Cæsare in Piceno, et in Pelignis ad Corfinium; Domitii, Domitianorumque deditionem; sollicitudinem Ciceronis, aut potius æstum, Atticum consulentis, si Pompeius Italia excedat, quid sibi faciendum sit: navigandumne cum illo, an in suis prædiis manendum: et multa in utramque partem disputantis.

CICERO ATTICO S.

CUM ad te litteras dedissem, redditæ mihi litteræ sunt a Pompeio. cetera de rebus in Piceno gestis, quæ ad se Vibullius scripsisset; de delectu Domitii; quæ sunt vobis nota; ¹ nec tamen tam læta erant in his litteris, quam ad me Philotimus: (ipsam tibi epistolam misissem; sed subito fratris puer proficiscebatur: cras igitur mittam :) sed in ea Pompeii epistola erat in extremo, ipsius manu: *Tu, censeo, Luceriam venias: nusquam eris tutius.* Id ego in eam partem accepi; hæc oppida atque oram maritimam illum pro derelicto habere: nec sum miratus, eum, ² qui caput ipsum reliquisset, reliquis membris non parcere. Ei statim rescripsi, hominemque certum misi de comitibus meis,

¹ *Nec tamen tam læta erant in his litteris, quam a. m. Ph. scripserat.* Valde hic variant libri scr. et edd. nec locus est nunc quoque sine vitio. Primo in his litteris puto esse spurium et a glossatore: satis est in principio esse litteræ et post parentheses *sed in ea epistola.* ea porro glossa peperit quos pro quam in edd. pr. Deinde scripserat, pro quo dederat habent

libri quidam, pariter est glossa; abestque ab ed. Juss. idque delevi. intelligi potest e superiori scripsisset, et alibi quoque omittitur a Cicerone.

² *Qui caput reliquisset - non parcere.]* Caput Italiæ, Romam. *non parcere;* nempe non pepercerat Romæ, cum eam relinquendo hostibus permiserat occupandam. v. ep. seq. med.

non me quærere, ³ubi tutissime essem: si me vellet sua, aut reipublicæ causa Luceriam venire, statim esse venturum: hortatusque sum, ut oram maritimam retineret, si rem frumentariam sibi ex provinciis suppeditari vellet, hoc me frustra scribere videbam. sed uti in urbe retinenda tunc, sic nunc in Italia non relinquenda testificabar sententiam meam. sic enim parari video, ut Luceriam omnes copię contrahantur: ⁴et ne is quidem locus stabilis, sed ex eo ipso, si urgeamur, paretur fuga. quo minus mirere, si invitatus in eam causam descendo, in qua neque pacis, neque victoriæ ratio quæsita sit umquam, sed semper flagitiosæ et calamitosæ fugæ. Eundem; ut, quemcumque fors tulerit casum, subeam potius cum iis, qui dicuntur esse boni, quam videar a bonis dissentire. etsi propediem video bonorum, id est, lautorum et locupletium, urbem refertam fore, municipiis vero his relictis, refertissimam. quo ego in numero essem, si hos lictores molestissimos non haberem. nec me M'. Lepidi, L. Volcatii, Ser. Sulpicii comitum pœniteret; quorum nemo nec stultior est, quam L. Domitius, nec inconstantior, quam App. Claudius. Unus Pompeius me movet, beneficio, non auctoritate. quam enim ille habeat auctoritatem in hac causa, qui, cum omnes Cæsarem metuebamus, ipse cum diligebat? postquam ipse metuere cœpit, putat omnes hostes illi oportere esse? Ibimus tamen Luceriam: nec cum fortasse delectabit noster adventus. dissimulare enim non potero, mihi, quæ adhuc acta sunt, displicere. Ego si somnum capere possem, tam longis te epistolis non obtunderem. tu, si tibi eadem causa est, me remunerere sane velim.

2

CICERO ATTICO S.

- b. MIHI vero omnia grata; et quod scripsisti ad me, quæ audieras; et quod non credidisti, quæ digna diligentia mea non erant; et quod monuisti, quod sentiebas. Ego ad Cæsarem unas Capua litteras dedi, quibus ad ea rescripsi, ⁵quæ mecum ille de gladiatoribus suis egerat, breves, sed

3 Ubi tutissime essem.] Sic libri sor. et edd. omnes. Victorius et Lambinus e Charisio L. II, p. 173. ed. Putsch. edidit tutissimo, quod omnes secuti sunt. ego, quia ea forma est contra analogiam, nec aliud exemplum aspiciam ejus occurrit, uno Charisii libro, non sum imitatus. In-

fra, ep. 11. est tutissime fore.

4 Et ne is q. locus stabilis, sed.] Puto post stabilis excidisse sit: quod hic facile fieri potuit.

5 Quæ mecum ille.] Int. Pompeius; de gladiatoribus suis, v. VII, 14.

benivolentiam significantes, non modo sine contumelia, sed etiam ⁶ cum maxima laude Pompeii. id enim illa sententia postulabat, qua illum ad eoneordiam hortabar. eas si quo ille misit, in publico proponat velim. Alteras eodem die dedi, quo has ad te. non potui non dare, cum et ipse ad me scripsisset, et Balbus. earum exemplum ad te misi. Nihil arbitror fore, quod reprehendas. si qua erunt, doce me, quo modo ea effugere possim. Nihil, inquires, omnino scripseris. qui magis effugas eos, ⁷ qui volent fingere? verumtamen ita faciam, quoad fieri poterit. Nam quod me hortaris ad memoriam factorum, dictorum, scriptorum etiam meorum; facis amice tu quidem, mihiq; gratissimum: sed mihi videris aliud tu honestum meque dignum in hac causa judicare, atque ego existimeni. mihi enim nihil ulla in gente umquam, ab ullo auctore reipublicæ ac duce, turpius factum esse videtur, quam a nostro amico factum est: cuius ego vicem doleo: qui urbem reliquit, id est patriam; pro qua et in qua mori præclarum fuit. Ignorare mihi videris, hæc quanta sit clades, es enim etiam nunc domi tuæ. ⁸ sed, invitis perditissimis hominibus, esse diutius non potes. hoc miserius, hoc turpius quidquam? vagamur egentes cum conjugibus et liberis. in unius hominis, quotannis periculose ægrotantis, anima positas omnes nostras spes habemus, ⁹ non expulsi, sed evocati e patria; quam non servandam ad reditum nostrum, sed diripiendam et inflammandam reliquimus. ita multi nobiscum sunt, non in suburbanis, non in hortis, ¹⁰ non in ipsa urbe: et si nunc sunt, non erunt. nos interea, ne Capuæ quidem, sed Luceriæ: et oram quidem maritimam jam relinquemus; Afranium exspectabimus, et Petreium. nam ¹¹ in Labieno parum est dignitatis. ¹² Hic tu in me illud; des, id feras. nihil de me dico;

p. 119.
a.

6 Cum maxima laude Pompeii.] Edd. pr. cum hujus max. laude Pompeii, ut et in Ms. reperit Ursinus. Placet Faerni sententia, qui servabat hujus, et debebat Pompeii, ut a glossa natum. Puto verum esse. illum intellige Cæsarem.

7 Qui volent fingere.] De 'mo, quæ sentiam, dixerim.

8 Sed, invitis p. hominibus, e. d. n. p.] Venit mihi in mentem, aut legendum: sed, nisi inv. aut post hominibus interpungendum. non post tuæ.

9 Non expulsi, sed evocati.] Illud ad Cæsarem, hoc ad Pompeium pertinet.

10 Non in ipsa urbe.] Urbe abest Mss. quibusdam, item ed. Rom. Vict. Jensonus primus edidit, et post cum omnes ad Victorium. urbem intellige Capuam. Sed non constant sibi hæc: multi nobiscum sunt -- et si nunc sunt. An non excidit in primo? ita non multi n. sunt. Sed omnino locus est vitiosus et obscurus.

11 In Labieno parum est dignitatis.] Opinor, quia transfuga erat. v. supra, VII, 11.

12 Hic tu in me illud, &c.] Hic locus vitiosus est, ut omnes videre. nec est certa medicina. Videant interpretes, qui

alii viderint. Hic quidem quæ est? domi vestræ estis, et eritis omnes boni. quis tum se mihi non ostendit? quis nunc adest hoc bello? sic enim jam appellandum est. Vibullii res gestæ sunt adhuc maximæ. id ¹³ ex Pompeii litteris cognosces: in quibus animadvertito illum locum, ubi erit *δενλῆ*. videbis, de Cnæo nostro ipse Vibullius quid existimet. Quo igitur hæc spectat oratio? ego pro Pompeio lubenter emori possum. facio pluris omnium hominum neminem. ¹⁴ sed non ita uno in eo judico spem de salute reipublicæ. significas enim aliquanto secus, quam solebas: ut etiam, Italia, si ille cedat, putes cedendum. Quod ego nec reipublicæ puto esse utile, nec liberis meis: præterea neque rectum, neque honestum. sed cur? poterisne igitur videre tyrannum? quasi intersit, audiam an videam, aut locupletior mihi sit quaerendus auctor, quam Socrates; qui, cum xxx tyranni essent, pedem porta non extulit. Est mihi præterea præcipua causa manendi: de qua utinam aliquando tecum loquar! Ego xiiii Kalend. cum eadem lucerna hac epistolam scripsissem, qua inflammam ^b ram tuam, Formiis ad Pompeium, ¹⁵ si de pace agetur, profecturus; si de bello, quid ero?

3

CICERO ATTICO S.

MAXIMIS et miserrimis rebus perturbatus, cum coram tecum mihi potestas deliberandi non esset, uti tamen tuo consilio volui. Deliberatio autem omnis hæc est: si Pompeius Italia cedat, quod cum facturum esse suspicor, quid mihi agendum putes: et quo facilius consilium dare possis; quid in utramque partem mihi in mentem veniat, explicabo brevi. Cum merita Pompeii summa erga salutem meam, familiaritasque, quæ mihi cum eo est, tum ipsa reipublicæ causa me adducit, ut mihi vel consilium meum cum illius consilio, ¹⁶ vel fortuna [cum fortuna] conjun-

velint. Tanstallus, p. 63. sic corrigit: *Hic tu in me (dignitatem) desideras. Illud des, id feras. desideras excidisse putat ob similitudinem sequentium, des, id feras. mox: quis istum se mihi nunc ostendet?*

¹³ *Ex Pompeii litteris.*] Eas adiecerat suis.

¹⁴ *Sed non ita uno, &c.*] Non eodem modo, ut illum amo, in judicio, &c.

¹⁵ *Si de pace ageretur, profectus, &c.*]

Sic hodie vulgati. Edd. pr. *profecturus*, ut Rom. aut *profectus* ut Jons., &c. Similiter variant libri. Haud dubie verum est *profecturus*, sc. ap. Pompeium consilio meo. sed inde necessarium est *ageretur*. Res manifesta est. Itaque sic edidi. idem placuit Tanstallo, p. 79.

¹⁶ *Vel fortuna cum fortuna.*] Verba cum fortuna sunt e sola conjectura Malaspina: itaque et Grævius omisit. et pos-

genda esse videatur. Accedit illud: si maneo, et illum comitatum optimorum et clarissimorum civium desero, eadendum est in unius potestatem: qui, etsi multis rebus significat se nobis esse amicum, et, ut esset, a me est (tute scis) propter suspicionem hujus impendentis tempestatis multo ante provisum: tamen utrumque considerandum est, et quanta fides ei sit habenda; et, si maxime exploratum eum nobis amicum fore, sitne viri fortis et boni civis, esse in ea urbe, in qua cum summis honoribus imperiisque usus sit, res maximas gesserit, sacerdotio sit amplissimo præditus, ¹⁷ non futurus sit sui juris, subeundumque periculum sit, cum aliquo forte dedecore, quando Pompeius rempublicam recuperarit. In hac parte hæc sunt. vide nunc, quæ sint in altera. Nihil actum est a Pompeio nostro sapienter, nihil fortiter; addo etiam, nihil nisi contra consilium auctoritatemque meam. omitto illa vetera, quod istum in rempublicam ille aluit, auxit, armavit: ille legibus per vim et contra auspicia ferendis auctor: ille Galliæ ulterioris adjunctor: ille gener: ille in adoptando P. Clodio augur: ille restituendi mei, quam retinendi, studiosior: ille provinciæ propagator: ille absentis in omnibus adjutor: idem etiam tertio consulatu, postquam esse defensor reipublicæ cœpit, contendit, ut decem tribuni plebis ferrent, ut absentis ratio haberetur: quod idem ¹⁸ ipse sanxit lege quadam sua; Marcoque Marcello consuli, ¹⁹ finienti provinciis Galliis Kal. Mart. restitit. Sed, ut hæc omittam, quid foedius, quid perturbatius hoc ab urbe discessu, sive potius turpissima fuga? quæ conditio non accipienda fuit potius, quam relinquenda patria? malæ conditiones erant, fateor: sed num quid hoc peius? At recuperabit rempublicam. quando? aut quid ad eam spem est parati? non ager Picenus amissus? non patefactum iter ad urbem? non pecunia omnis

sunt e superiori, cons. m. cum ill. consilio intelligi. puto tamen conjecturam esse veram. Saltem unciis inclusi.

17 *Non futurus sit sui juris.*] Sic primus edidit Jensonus, quem omnes secuti sunt, præter J. Gronovium, qui de conjectura edidit *nomen futurus*, eleganter sane, ex antiquiori (ed. Rom.) et Mss. prope omnium lectione *non futurus*. Malui cum Grævio veterem add. lectionem sequi, cujus sensus optimus est. non liberum esse alibi dicit, idque in summo malo ponit.

18 *Ipse sanxit lege quadam sua.*] Nempe ea, de qua Suetonius tradit, Cæs. 28. lege de imperio magistratuum.

19 *Finienti provinciis Galliis Kal. Mart.*] Ilanc lectionem prætulī, quæ et ipsa in Mss. reperta est, etiam adjuncto verbo *diem*: sicut in altera et vulgata hodie lectione *f. provincias Gallias* ed. Rom. habet *Kal. Martiarum die*. Mss. quidam *Kal. Martii die*. Viduum ortum est ab non intellecto verbo *finienti*, quod librarii intellexere vulgari modo, cum sit decernere finem, v. Clav.

et publica et privata adversario tradita? denique ²⁰ nulla causa, nullæ vires, nulla sedes, quo concurrant, qui rempublicam defensam velint. Apulia delecta est, inanissima pars Italiæ, et ab impetu hujus belli remotissima: fuga et maritima opportunitas visâ quæri desperatione. invite cepi Capuam, non quo munus illud defugerem, ²¹ sed sic ne causam, in qua nullus esset ordinum, nullus apertus privatorum dolor: bonorum autem esset, aliquis, sed hebes, tu solet; ²² et, ut ipse sensissem: multitudo et infimus quisque propensus in alteram partem, multi mutationis rerum cupidi. Dixi ipsi, me nihil suscepturum sine præsidio et sine pecunia. itaque habui nihil omnino negotii; quod ab initio vidi, nihil quæri præter fugam. Eam si nunc sequor, b. quonam? Cum illo non: ad quem ²³ cum essem profectus, cognovi in iis locis esse Cæsarem, ut tuto Luceriam venire non possem. infero mari nobis, incerto cursu, hieme maxima navigandum est. Age jam, cum fratre, an sine? cum filio, aut quomodo? in utraque enim re summa difficultas erit, summus animi dolor. Qui autem impetus illius erit in nos absentes fortunasque nostras? acrior, quam in ceterorum; quod putabit fortasse, ²⁴ in nobis violandis aliquid se habere populare. Age jam, has compedes, fascēs, inquam, hos laureatos efferre ex Italia, quam molestum est? Qui autem locus erit nobis tutus, (ut jam placatis utamur fluctibus,) antequam ad illum venerimus? qua autem, aut quo, nihil scimus. At si restitero, et fuerit nobis in hac parte locus; idem fecero, quod in Cinnæ dominatione Philippus, quod L. Flaccus, quod Q. Mucius, quoquo modo ea res huic quidem cecidit; qui tamen ita dicere solebat, se, id fore, videre, quod factum est; sed malle, quam armatum ad patriæ moenia accedere. aliter Thrasybulus, et fortasse melius. sed est certa quædam illa Mucii ratio atque sententia: est illa etiam Thrasybuli; et, cum sit necesse,

20 Nulla causa.] Non consentiunt interpretes. Sensus est similis locis superioribus, ubi causa dicitur nullam causam habere: nempe omnia, quæ tum pro causa jactabantur, ea jam ante fuerant, nec tamen Pompeius iis motus fuerat, ut Cæsari adversaretur.

21 Sed sic ne causam.] Edd. pr. *sed sine causa*. quidam correxerunt: *sed sic, ne causam*, sc. depererem. Sed omnia ista dura sunt, nec apta seriei orationis non quo

- sed, quæ postulat *sed ut causam*. idque et consentit sequentibus.

22 Et, ut ipse sensissem.] Scil. cum in exsilium mitterer.

23 Cum essem profectus.] Sic edd. pr. aliæ edd. vet. *profecturus*: quod est facilius. Sed illud quoque intelligi commodè potest: cum jam discessissem et essem in itinere.

24 In nobis viol. - populare.] Scil. quod ex optimatibus esset.

servire tempori, et non amittere tempus, cum sit datum. Sed in hoc ipso habent tamen iidem fascēs molestiam. sit enim nobis amicus, quod incertum est: sed sit; deferet triumphum. ²⁵ non acciperene periculosum sit, an accipere invidiosum ad bonos? o rem, inquis, difficilem et inexplicabilem! atqui explicanda est: qui enim fieri potest? ac ne me existimaris ad manendum esse propensio-
 rem, quod plura in eam partem verba fecerim: potest fieri, quod sit in multis quæstionibus, ut res verbosior hæc fuerit, illa verior. quamobrem, ut maxima de re, æquo animo deli-
 beranti, ita mihi des consilium velim. Navis et in Caieta ^{p. 121.} est parata nobis et Brundisii. sed ecce nuntii, scribente me hæc ipsa noctu in Caleno, ecce litteræ, Cæsarem ad Corfinium, Domitium Corfinii cum firmo exercitu, et pugnare cupiente. non puto etiam hoc Cnæum nostrum commissurum, ut Domitium relinquat: ctsi Brundisium Scipionem cum cohortibus duabus præmiserat; legionem Fausto conscriptam, in Siciliam sibi placere a consule duci, scripserat ad consules. Sed turpe Domitium descrere erit, implorantem ejus auxilium. Est quædam spes, mihi quidem non magna, sed in his locis firma, Afranium in Pirenæo cum Trebonio pugnasse, pulsum Trebonium, etiam Fabium tuum transisse cum cohortibus: summa autem, Afranium cum magnis copiis adventare. id si est, in Italia fortasse manebitur. Ego autem, cum esset incertum iter Cæsaris, quod vel ad Capuam, vel ad Luceriam iturus putabatur, Leptam ad Pompeium misi et litteras; ipse, ne quo inciderem, reverti Formias. Hæc te scire volui, scripsique sedatiore animo, quam proxime scripseram, nullum meum judicium interponens, sed exquirens tuum.

CICERO ATTICO S.

4

DIONYSIUS quidem tuus potius, quam noster, ejus ego cum satis cognossem mores, tuo tamen potius stabam judicio, quam meo, ²⁶ ne tui quidem testimonii, quod ei sæpe apud me dederas, veritus, superbum se præbuit in fortuna, quam putavit nostram fore: ejus fortunæ nos,

²⁵ Non acciperene per. sit, an accipere scripsisse: non accipere, ne periculosum i. a. b.] Hæc non placent, nam sententia sit: accipere invidiosum ad bonos, ne aut af- non satis constat: et variant libri. ed. firmando accipiendum, aut intell. metuo ne. Rom. habet: non accipere: ne periculosum ²⁶ Ne tui quidem testimonii - - veritus.] sit, invidiosum ad bonos. puto Ciceronem V. Clav. in verbor.

- b. quantum humano consilio effici poterit, motum ratione quadam gubernabimus. cui, qui noster honos, quod obsequium, quæ etiam ²⁷ ad ceteros contemti cujusdam hominis commendatio defuit? ut meum iudicium reprehendi a Quinto fratre, vulgoque ab omnibus mallet, quam illum non efferre laudibus; Cicronesque nostros meo potius labore subdoceri, quam me aliumvis magistrum quærere. ad quem ego quas litteras, dii immortales! miseram? ²⁸ quantum honoris significantes? quantum amoris? Dicæarchum mehercule, aut Aristoxenum diceres arcessi, non unum omnium loquacissimum et minime aptum ad docendum. sed est memoria bona. me dicet esse meliore. quibus litteris ita respondit, ut ego nemini, cujus causam non reciperem. semper enim, *si potero; si ante suscepta causa non impediar*. numquam reo cuiquam, tam humili, tam sordido, tam nocenti, tam alieno, tam præcise negavi, quam hic mihi. plane sine ulla exceptione præcidit. nihil cognovi ingratus: in quo vitio nihil mali non inest. Sed de hoc nimis multa. Ego navem paravi: tuas litteras tamen exspecto; ut sciam, quid respondeant consultationi meæ. Sulmone C. Attium Pelignum aperuisse Antonio portas, cum essent cohortes quinque, Q. Lucretium inde effugisse, scis; ²⁹ Cnæum ire Brundisium desertum. confecta res est.

5

CICERO ATTICO S.

CUM ante lucem iix Kal. litteras ad te de Dionysio dedissem, vesperi ad nos eodem die venit ipse Dionysius, auctoritate tua permotus, ut saspicor. quid enim putem aliud? etsi solet eum, cum aliquid furiose fecit, pœnitere.

p. 122. ³⁰ numquam autem certior fuit, quam in hoc negotio. nam,

a.

²⁷ Ad cet. contemti cujusdam hominis.] Ad ceteros et ad commendatio referri potest et ad contemti. hoc malim. Sed cujusdam non placet: putoque delendum.

²⁸ Quantum honoris significantes.] Sic inde a Jensonio editur. Grævius o lectione Mss. Ball. Helmst. quantum honoris significationem conjiciebat quantum h. significationem. At in ed. Rom. plane est quantum hon. significationem, quantum amoris. nec id displicet, cum illud significantes aures meas suboffendat.

²⁹ Cnæum ire Brundisium desertum.] Hoc primum in margine ed. Crat. reperi: receperit in textum Vict. P. Manutius, &c. ed. Rom. habet Cn. noster Brundisium de-

seruit, ut Græv. in Ms. Balliol. reperit atque edidit. Sed putabat excidisse *Domitium* ante *deseruit*. ed. Jens. et seqq. usque ad Vict. Quo noster Cnæus? Brundisium desertum. Jensoniana lectio, quæ et in Mss. Pal. reperta est, omnium minime librarium sapere videtur. Sed non audeo decernere.

³⁰ Numquam a. certior fuit q. i. h. n.] Quare, aut quomodo certior? sensit Lambinus et alii, feceruntque *territior*. quod est sane durum. Mihi videtur legendum *tetrior*: quod rei optime convenit. littera t in initio verborum media ætate sic exprimitur, ut facile cum e confundas, ut sæpe vidimus. hinc certior nasci potuit.

quod ad te non scripseram, postea audiui, a tertio miliario tum eum *ρίψαι*

Πολλὰ μάτην κεράσσειν ἐς ἡέρα θυμήναντα

multa, inquam, mala eum dixisse; suo capiti, ut ajunt. sed o meam mansuetudinem! Conjeecebam in fasciculum una cum tua vehementem ad illum epistolam: hanc ad me referri volo; nec ullam ob aliam causam ³¹ Pollicem, servum a pedibus meis, Romam misi. eo autem ad te scripsi, ut, si tibi forte reddita esset, mihi curares referendam; ne in illius manus perveniret. Novi si quid esset, scripsissem. pendeo animi exspectatione Corfiniensi; in qua de salute reipublicæ decernitur. Tu fasciculum, qui est *URS M'. CURIO* inscriptus, velim cures ad eum perferendum; Tironemque Curio commendes; ut ei, ut petii, si quid opus erit in sumtum, eroget.

CICERO ATTICO S.

6

OBSIGNATA jam epistola, quam de nocte daturus eram, sicut dedi, (nam eam vesperi scripseram,) C. Sosius prætor in Formianum venit ad M'. Lepidum, vicinum nostrum, cujus quæstor fuit; Pompeii litterarum ad consulem exemplum attulit.

Litteræ mihi a L. Domitio ³² *a. d. XIII Kalend. Mart. allatæ sunt: earum exemplum infra scripsi. nunc, ut ego non scribam, tua sponte te intelligere scio, quanti reipublicæ intersit, omnes copias in unum locum primo quoque tempore convenire. tu, si tibi videbitur, dabis operam, quamprimum ad nos venias. præsidii Capuæ, quantum constitueritis esse satis, relinquas.*

Deinde supposuit exemplum epistolæ Domitii, quod ego ad te pridie miscram. Dii immortales, qui me horror ^{b.} perfudit! quam sum sollicitus, quidnam futurum sit? hoc tamen spero, magnum nomen imperatoris fore, magnum in adventu terrorem, ³³ spero etiam, quoniam adhuc nihil nobis

³¹ Pollicem servum a p. m.] Pro glossate habet Ursinus servum a p. m.

³² A. d. XIII Kal. Mart.] Pontedera in Antiqu. Rom. et Græc. Em. p. 322. et hunc et alterum numerum XIII qui est in cdd. pr. vitiosum esse judicat, et litteras illas datas fuisse XII, IV, aut V Id. Febr.

³³ Spero etiam, &c.] Locum hunc valde corruptum esse, viderunt omnes. nec sensus commodus efficitur, cujuscunque vel libri lectionem vel viri docti conjecturam sequamur. itaque iis commemorandis non molesti erimus lectoribus nostris.

obfuit, nihil mutasse: nec tegentia hoc, quod cum fortiter et diligenter, tum etiam hercule. modo enim audiui, quartanam a te discessisse. moriar, si magis gauderem, si id mihi accidisset. Piliæ dic, non esse æquum, eam diutius habere, nec id esse vestræ concordia. Tironem nostrum ab altera relictum audio. sed cum video in sumtum ab aliis mutuatum. ego autem Curium nostrum, si quid opus esset, rogaram. malo Tironis verecundiam in culpa esse, quam illiberalitatem Curii.

7

CICERO ATTICO S.

UNUM etiam restat amico nostro ad omne dedecus, ut Domitio non subveniat. at nemo dubitat, quin subsidio venturus sit. ego non puto. deseret igitur talem civem, ³⁴et eos, quos una scis esse? cum habeat præsertim et ipse cohortes xxx? nisi me omnia fallunt, ³⁵deseret. incredibiliter pertimuit. nihil spectat, nisi fugam: cui tu (video enim quid sentias) me comitem putas debere esse. Ego vero, quem fugiam, habeo; quem sequar, non habeo. ³⁶quod enim tu meum laudas, et memorandum dicis, malle, quod dixerim, me cum Pompeio vinci, quam cum istis vincere: ego vero malo, sed cum illo Pompeio, qui tum erat, aut qui mihi esse videbatur; cum hoc vero, qui ante fugit, quam scit, aut quem fugiat, aut quo, qui nostra tradidit, qui patriam reliquit, Italiam relinquit, si malui; ³⁷contigit; victus sum. quod superest, nec ista videre possum, quæ, numquam timui, ne viderem; nec mehercule istum, propter quem mihi non modo meis, sed memet ipso carendum est. Ad Philotimum scripsi de viatico, sive ³⁸a Moneta, (nemo enim solvit,) sive ab Oppiis, tuis contubernalibus. ³⁹cetera apposita tibi mandabo.

34 Et eos, quos una scis esse.] Sic legitur e correctione Viotorii, sumta ex cod. ejus scr. quam tamen et margo Cratandri habebat, quem P. Manutius et ceteri secuti sunt. Vulgata ante erat, ex ed. Rom. et eos una, quos is secum habeat, præsertim ex ipso coh. xxx. Ed. Jensoni etiam vitiosior, quam nemo secutus est.

35 Deseret.] Grævius addi vult Domitium, quia nomen ejus hic in libris est, post xxx, tum scr. tum edd. antiquis.

36 Quod e. tu meum laudas.] Edd. inde a Jens. addunt consilium, id Victorius et Mss. se delevisse dicit: sed et ab

ed. Rom. aberat. Prodiçis Grævius tacito dedit ducis.

37 Contigit.] Factum est, quod volui. facetus locus, contigit, victus sum, per conjunctionem verbi felicia significantis contigit, cum verbo tristi, victus sum. Mox istum intellige Cæsarem.

38 A Moneta.] Ex officina numorum cudendorum, quæ erat ad eadem Monetæ, sc. pro argento non signato petendo signato. nemo enim solvit, qui mihi debet, ut ab iis petere pecuniam possim.

39 Cetera apposita tibi m.] Offendit me verbum apposita. vix credo esse a Ci-

CICERO ATTICO S.

§

O REM turpem, et ea re miseram! sic enim sentio, id demum, aut potius id solum esse miserum, quod turpe sit. Aluerat Cæsarem: eundem repente timere cœperat: conditionem pacis nullam probarat: nihil ad bellum pararat: urbem reliquerat: ⁴⁰ Picenum amiserat culpa; in Apuliam se compegerat: ibat in Græciam: omnes nos ἀπροσφωνήτους, expertes sui tanti, tam inusitati consilii, relinquebat. ecce subito litteræ Domitii ad illum, ipsius ⁴¹ ad consules. fulsisse mihi videbatur τὸ καλὸν ad oculos ejus, et exclamasse ille vir, qui esse debuit,

Πρὸς τοῦθ' ὃ, τι χρεὶ καὶ παλαμάσθων,
Καὶ πάντ' ἐπ' ἐμοὶ τεκταινέσθων.
Τὸ γὰρ εὖ μετ' ἐμοῦ.

at ille tibi, πολλὰ χαίρειν τῷ καλῷ dicens, pergit Brundisium. Domitium autem ajunt, re audita, et eos, qui una essent, se tradidisse. o rem lugubrem! itaque intereludor dolore, quo minus ad te plura scribam. tuas litteras exspecto.

CICERO ATTICO S,

9

⁴² EPISTOLAM meam quod pervulgatam scribis esse, non fero moleste. quin etiam ipse multis dedi describendam. ea enim et acciderunt jam et impendent, ut testatum b. esse velim, de pace quid senserim. cum autem ad eam hortarer, cum præsertim hominem, non videbar ullo modo facilius moturus, quam si id, quod eum hortarer, convenire ejus sapientiæ dicerem. eam si *admirabilem* dixi, cum eum ad salutem patriæ ⁴³ hortabar; non sum veritus, ne viderer assentari; cui tali in re lubenter me ad pedes abjecissem. Qua autem est, *aliquid impertias temporis*; non est de pace, sed, de me ipso, et de meo officio, ut aliquid cogitet. Nam quod testificor, me expertem belli fuisse; etsi id re perspectum est, tamen eo scripsi, quo in suadendo

cyrone: is sic non dicit, cum res necessarias exprimere vult. Si est a Cicrone, significat, his conjuncta vel similia, ut de Inv. II, 50.

⁴⁰ Picenum amiserat culpa.] An addendum sua: nam tamen videtur dicendum fuisse, cujus culpa amiserit.

⁴¹ Ad consules.] Malunt viri docti ad consulem, sc. Lentulum, ad quem scrip-

siasse Cicero describere narrat. Fortasse plurali usus est e more. ad consules scribit in re publica, qui ad unum scribit.

⁴² Epistolam meam.] Ad Cæsarem sc. de qua supra, ep. 2.

⁴³ Hortabar.] Frustra Grævius e libris suis hortarer probat. quia cum temporis vim habet, hortabar dicere debuit Cicero.

plus auctoritatis haberem; eodemque pertinet, quod causam ejus probo. Sed quid hæc nunc? utinam aliquid profectum esset! nã ego istas litteras in concione recitari velim; si quidem ⁴⁴ille ipse ad eundem scribens in publico proposuit epistolam illam, in qua est, *pro tuis rebus gestis amplissimis*: amplioribusne, quam suis, quam Africani? ita tempestas ferebat. si quidem etiam ⁴⁵vos duo tales ad quintum milliarium: quid, nunc ipsum, unde se recipienti? quid agenti? quid acturo? quanto autem ferocius ille causæ suæ confidet, cum vos, cum vestri similes non modo frequentes, sed læto vultu gratulantes viderit? Num igitur peccamus? minime vos quidem. sed tamen signa conturbantur, quibus voluntas a simulatione distingui posset. Quæ vero senatus consulta video? sed apertius, quam proposueram. Ego Arpini volo esse pridie Kal. deinde circum villulas nostras errare, quas visurum me postea desperavi. *ἐὺγενῇ* tua consilia, et tamen pro temporibus non incauta, mihi valde probantur. Lepido quidem (nam fere ^{a.} *συνδιημερεύομεν*: quod gratissimum illi est) numquam placuit ex Italia exire, Tullo multo minus. crebro enim illius litteræ ab aliis ad nos commeant. sed me illorum sententiæ minus movebant. minus multa dederant illi reipublicæ pig-nora. tua mehercule auctoritas vehementer movet. affert enim et reliqui temporis recuperandi rationem, et præsentis tuendi. sed, obsecro te, quid hoc miserius, quam alterum plausus in foedissima causa quærere, alterum offensiones in optima? alterum existimari conservatorem inimicorum, alterum desertorem amicorum? Et mehercule quamvis amemus Cnæum nostrum, ut et facimus, et debemus; tamen hoc, quod talibus viris non subvenit, laudare non possum. nam sive timuit; quid ignavius? sive, ut quidam putant, meliorem suam causam illorum cæde fore putavit; quid injustius? Sed hæc omittamus. ⁴⁶augemus enim dolorem retractando. vi Kal. vesperi Balbus minor ad me venit, occulta via currens ad Lentulum consulem, missu Cæsaris, cum litteris, cum mandatis, cum promissione provinciæ, Romam ut redeat; cui persuaderi posse non arbitror,

⁴⁴ Ille ipse.] Pompeius.

⁴⁵ Vos duo tales.] Int. Atticum et S. Peducacum. v. VII, 12. Mox nunc ipsum est hoc ipso tempore, ut alibi usurpat Ci-

cero: unde, sc. e bello cum civibus gesto.

⁴⁶ Augemus dol. retractando.] Int. vulnere, ex ipso verbo, quod ad vulnus referri notum est.

⁴⁷ nisi erit conventus. idem ajebat, nihil malle Cæsarem, quam ut Pompeium assequeretur: id credo: et rediret in gratiam: id non credo; et metuo, ne omnis hæc clementia ad ⁴⁸ unam illam crudelitatem colligatur. Balbus quidem major ad me scribit, nihil malle Cæsarem, quam principe Pompeio sine metu vivere. tu puto hæc credis. sed, cum hæc scribebam v Kalend. Pompeius jam Brundisium venis-
 nis-
 se poterat. expeditus enim antecesserat legiones Luce-
 ria. sed hoc *répas* horribili vigilantia, celeritate, diligentia
 est. plane, quid futurum sit, nescio.

CICERO ATTICO S.

10

DIONYSIUS cum ad me præter opinionem meam ve-
 nis-
 set, locutus sum cum eo liberalissime; tempora expo-
 sui: rogavi, ut diceret, quid haberet in animo: me nihil
 ab ipso invito contendere. respondit, se, ⁴⁹ quod in numis
 haberet, nescire quo loci esset: alios non solvere, aliorum
 diem nondum esse, dixit. etiam alia quædam de servulis
 suis, quare nobiscum esse non posset. morem gessi: di-
 misi a me, ut magistrum Ciceronum, non lubenter; ut ho-
 minem ingratum, non invitus. Volui te scire, quid ego de
 ejus facto judicarem.

CICERO ATTICO S.

11

QUOD me magno animi motu perturbatum putas; sum
 equidem, sed non tam magno, quam tibi fortasse videor.
 Levatur enim omnis cura, cum ⁵⁰ aut constitit consilium,
 aut cogitando nihil explicatur. lamentari autem licet. ⁵¹ il-
 lud tamen totos dies. sed vereor, ne, nihil cum proficiam,
 etiam dedecori sin studiis ac litteris nostris. consumo igitur
 omne tempus, considerans, quanta vis sit illius viri,
 quem nostris libris satis diligenter, ut tibi quidem vide-
 mur, expressimus. Tene-
 scne igitur, moderatorem illum rei-

⁴⁷ Nisi erit conventus.] Sc. a Balbo, *habere in numis*, eaque dicitur de pecunia
 ut coram res agatur. nec tempus relinqua-
 tur, rem referendi ad Pompeium: an ali-
 quid ad largitionem pertineat hic lateat,
 ut nonnullis visum, non dixerim.

⁴⁸ Unam crudelitatem.] Ut Pompeius
 interficiatur.

⁴⁹ Quod in numis haberet.] Sic ed. Rom.
 et inde alie. quidam scr. *nominibus*, quod
 Lamb. et Manutius probant, recepit et
 Grævius. Propria Ciceronis phrasia est

et que in arca est, et qua fœnori data,
 opponiturque prædiis. Verr. III, 86. *ha-*
bet in numis, in urbanis prædiis.

⁵⁰ Aut constitit consilium.] I. consi-
 lium certum captum est. alia lectio est
cum constant consilia. non male, sed vulga-
 tum melius et facilius.

⁵¹ Illud tamen totos dies.] Int. non
 placet.

publicæ quo referre velimus omnia? nam sic quinto; ut opinor, in libro loquitur Scipio: *Ut enim gubernatori cursus secundus, medico salus, imperatori victoria; sic huic moderatori reipublicæ beata civium vita proposita est; ut opibus firma, copiis locuples, gloria ampla, virtute honesta sit, hujus enim operis, maximi inter homines atque optimi, illum esse perfectorem volo.* Hoc Cnæus noster cum antea numquam, tum in hac causa minime cogitavit. dominatio quæsitæ ab utroque est: non id actum, beata et honesta civitas ut esset. Nec vero ille urbem reliquit, quod eam tueri non posset; nec Italiam, quod ea pelleretur: sed hoc a primo cogitavit, omnes terras, omnia maria movere, reges barbaros incitare, gentes feras armatas in Italiam adducere, exercitus conficere maximos. genus illud Sullani regni jampridem appetitur, multis, qui una sunt, cupientibus. An censes, nihil inter eos convenire, nullam pacificationem fieri potuisse? hodie potest. sed neutri *σκοπὸς* est ille, ut nos beati simus; ⁵² uterque regnare vult. Hæc, a te invitatus, breviter exposui. voluisti enim me, quid de his malis sentirem, ostendere. *προδεδεικνύω* igitur, noster Attice, non ariolans, ut illa, cui nemo credidit, sed conjectura prospiciens;

⁵³ *Jamque mari magno.*

non multo inquam secus possum vaticinari: tanta malorum impendet *ἰλιγγία*. atque hoc nostra gravior est causa, qui domi sumus, quam illorum, qui una transierunt, quod illi quidem alterum metuant, nos utrumque. cur igitur, inquis, remansimus? vel tibi paruius; ⁵⁴ vel non occurrimus; vel hoc fuit rectius. conculcari, inquam, miseram Italiam videbis proxima æstate, et quati utriusque vi, mancipiis ex omni genere collectis: ⁵⁵ nec tam irruptio pertimescenda,

⁵² *Uterque regnare vult.*] Græviana habet *repugnare*: nescio consulto, an operarum vitio. nihil quidem de hac lectione Grævius.

⁵³ *Jamque mari magno.*] Reliqua vid. de Divia. L. I.

⁵⁴ *Vel non occurrimus.*] Pompeio sc.

⁵⁵ *Nec tam irruptio - - interitus.*] *Irruptio* est lectio antiqua edd. Rom. Ascens. &c. Victorius e scriptura, quam in codice antiquo dicit se reperisse, *iptio*, fecit *proscriptio*, quod ceteri deinde secuti sunt. ea scriptura est in ed. Jens. ut cetera,

quæ ex illo antiquo codice affert, in quo forte illa ipsa editio intelligenda, ut alibi ed. Rom. Sed quomodo e *proscriptio* fiat *iptio*? Immo est compendium ineptum, lectionis veræ *irruptio*, quæ est in ed. Rom. nec ea est loco movenda. *irruptioni* hostili, bene ut gravior opponitur *interitus*, non *proscriptioni*. Jac. Gronovius e conjectura, haud probabili, in textum recepit *sectio*. Græviana conjectura melior est, *directio*, mox servavi *universæ* sc. Italiae, ex eadem ed. Rom. in qua, ut sæpe pro *a* est *e*. nonnulli libri habent ut ed.

quæ Luceriæ multis sermonibus denuntiata est, quam universæ interitus: tantas in configendo utriusque vires video futuras. Habes conjecturam meam. tu autem consolationis fortasse aliquid expectasti: nihil invenio; nihil fieri potest miserius, nihil perditius, nihil foedius. Quod quæris, quid Cæsar ad me scripserit; quod sæpe: gratissimum sibi esse, quod quierim: oratque, in eo ut perseverem. Balbus minor hæc eadem mandata. iter autem ejus erat ad Lentulum consulem cum litteris Cæsaris, præmiorumque promissis, si Romam revertisset. verum, cum habeo rationem dierum, ante puto transmissurum, quam potuerit conveniri. Epistolarum Pompeii duarum, quas ad me misit, negligentiam, ⁵⁶ meamque in rescribendo diligentiam volui tibi notam esse. earum exempla ad te misi. Cæsaris hic per Apuliam ad Brundisium cursus quid efficiat, exspecto. utinam aliquid ⁵⁷ simile Parthicis rebus! simul aliquid audiero, scribam ad te. tu ad me velim bonorum sermones. Romæ frequentes esse dicuntur. scio equidem te in publicum non prodire. sed tamen, audire te multa, necesse est. Memini librum tibi afferri a Demetrio Magnete (ad te missum scio) *περὶ ὁμοιοτάς*. eum mihi velim mittas. vides, quam causam mediter.

CN. MAGNUS, PROCOS. S. D. M. CICERONI, IMP.

QUINTUS Fabius ad me venit a. d. iv Kalend. Febr. is nuntiat L. Domitium cum suis cohortibus xi, et cohortibus xiv, quas Vibullius adduxit, ad me iter habere: habuisse in animo proficisci Corfinio, a. d. v Id. Febr. C. Hirrum cum v cohortibus subsequi. censeo, ad nos Luce-
riam venias. nam te hic tutissime puto fore.

M. CICERO, IMP. S. D. CN. MAGNO, PROCOS.

A. D. xv Kalend. Mart. Formiis accepi tuas litteras: ex quibus ea, quæ in agro Piceno gesta erant, cognovi com-
modiora esse multo, ⁵⁸ quam ut erat nobis nuntiatum; Vi-

Jens. universam, vel universum, e quo Bosius fecit *universim*: melius conjecisset *universorum*.

⁵⁶ Meamque in rescribendo dil.] Grævius e suis Mss. edidit scribendo, quia opponeretur melius *litterarum negligentia*: in vulgata idem exprimitur, et simul responsio ad illas litteras.

⁵⁷ Simile Parthicis rebus.] I. e. irruptiones et incursiones breves, quales Parthorum fuerant, cum esset in provincia, et quales esse solent.

⁵⁸ Quam ut erat nobis nuntiatum.] Ut mihi suspectum est. non solet in hac quidem forma addi *quæ*.

bullique virtutem, industriamque libenter agnovi. Nos adhuc ⁵⁹in ea ora, ubi praepositi sumus, ita fuimus, ut navem paratam haberemus. ea enim audiebamus, et ea verebamus, ut, ⁶⁰quodcumque tu consilium praecepisses, id nobis persequendum putaremus. nunc, quoniam auctoritate et consilio tuo in spe firmiore sumus : si teneri posse putas Taracinam, et oram maritimam, in ea manebo : etsi praesidia in oppidis nulla sunt. nemo enim nostri ordinis in his locis est, praeter M. Eppium, quem ego Minturnis esse volui, vigilantem hominem et industrium. nam L. Torquatum, virum fortem et cum auctoritate, Formiis non habemus : ad te profectum arbitramur. ego omnino, ut proxime tibi placuerat, Capuam veni eo ipso die, quo tu Teano Sidicino es profectus. volueras enim me cum M. Considio proprætores illa negotia tueri. Cum eo venissem, vidi T. Ampium delectum habere diligentissime, ab eo accipere Libonem, summa item diligentia, et in illa colonia auctoritate. fui Capuæ, quoad consules. iterum, ut erat dictum ab consulibus, veni Capuam ad Nonas Februar. cum fuisset triduum, recepi me Formias. Nunc quod tuum consilium, aut quæ ratio belli sit, ignoro. si tenendam hanc oram putas, quæ et opportunitatem ⁶¹et dignitatem habet, et egregios cives, et, ut arbitror, teneri potest ; opus est esse, qui praesit. sin omnia in unum locum contrahenda sunt ; non dubito, quin ad te statim veniam : quo mihi nihil optatius est : idque tecum, quo die ab urbe discessimus, locutus sum. Ego, si cui adhuc videor segnior fuisse, dum ne tibi videar, non laboro : et tamen, si, ut video, bellum gerendum est, confido me
b. omnibus facile satisfacturum. M. Tullium, meum necessarium, ad te misi : cui tu, si tibi videretur, ad me litteras dares.

CN. MAGNUS, PROCOS. S. D. M. CICERONI, IMP.

S. V. B. E. Tuas litteras libenter legi. recognovi enim tuam pristinam virtutem etiam in salute communi. Consules ad eum exercitum, quem in Apulia habui, venerunt. Magnopere te hortor, pro tuo singulari perpetuoque studio

⁵⁹ In ea ora ubi praepositi sumus.] Pato scribendum esse cui : nam verbum praepositi sumus simpliciter eo sensu, quo hic est, vix commode dicitur.

⁶⁰ Quodcumque tu consilium prae-

pisses.] Durius est consilium præcipere : vereor, ne consilium sit a glossa, ut supra, ep. 7.

⁶¹ Et dignitatem.] Ex urbe Capua, quæ erat, ut supra dicit, quasi altera Roma.

in rempublicam, ut te ad nos conferas; ut communi consilio reipublicæ afflictæ opem atque auxilium feramus. censeo, via Appia iter facias, et celeriter Brundisium venias.

M. CICERO, IMP. S. D. CN. MAGNO, PROCOS.

CUM ad te litteras misissem, quæ tibi Canusii redditæ sunt, suspicionem nullam habebam, te reipublicæ causa mare transiturum; eramque in spe magna, fore, ut in Italia possemus aut concordiam constituere, qua mihi nihil utilius videbatur, aut rempublicam summa cum dignitate defendere. interim, nondum meis litteris ad te perlatis, ex his mandatis, quæ D. Lælio ad consules dederas, certior tui consilii factus, non exspectavi, dum mihi a te litteræ redderentur, confestimque cum Quinto fratre, et cum liberis nostris iter ad te in Apuliam facere cœpi. cum Teanum Sidicinum venissem, C. Messius, familiaris tuus, mihi dixit, aliique complures, Cæsarem iter habere Capuam, et eo ipso die mansurum esse Eserniæ. Sane sum commotus; quod, si ita esset, non modo iter meum interclusum, sed meipsum plane exceptum putabam. itaque tum Cales processi, ut ibi potissimum consisterem, dum certum nobis ab Esernia de eo, quod audieram, referretur. At mihi, cum Calibus essem, affertur litterarum tuarum exemplum, quas tu ad Lentulum consulem misisses. hæ scriptæ sic erant: Litteras tibi a L. Domitio a. d. xiiii Kal. Mart. allatas esse, (carumque exemplum subscripscras,) magnique interesse reipublicæ scripscras, omnes copias primo quoque tempore in unum locum convenire; ⁶² et ut, præsidii quod satis esset, Capuæ relinqueret. His ego litteris lectis, in eadem opinione fui, qua reliqui omnes, te cum omnibus copiis ad Corfinium esse venturum: quo mihi, cum Cæsar ad oppidum castra haberet, tutum iter esse non arbitrabar. Cum res in summa exspectatione esset, utrumque simul audimus, et quæ Corfinii acta essent, et te iter Brundisium facere cœpisse: cumque nec mihi, nec fratri meo dubium esset, quin Brundisium contenderemus; a multis, qui e Samnio Apuliaque veniebant, admoniti sumus, ut caveremus, ne exciperemur a Cæsare; quod is in eadem loca, quæ nos petebamus, profectus, celerius etiam, quam nos possemus,

p. 127.
a.

62 Et ut - Capuæ relinqueret.] Quis? nempe Lentulus, forte tamen fuit relinqueretur.

⁶³ eo, quo intenderet, venturus esset. quod cum ita esset; nec mihi, nec fratri meo, nec cuiquam amicorum placuit committere, ut temeritas nostra non solum nobis, sed etiam reipublicæ noceret; cum præsertim non dubitarem, quin, si etiam tutum nobis iter fuisset, te tamen jam consequi non possemus. interim accepimus tuas litteras, Canusiō a. d. x Kalend. Mart. datas, quibus nos hortaris, ut celerius Brundisium veniamus; quas cum accepissemus a. d. 111 Kalend.

- b. Mart. non dubitabamus, quin tu jam Brundisium pervenisses: nobisque iter illud omnino interclusum videbatur, neque minus nos esse captos, quam qui Corfinium venissent. Neque enim eos solos arbitrabamur capi, qui in armatorum manus incidissent, sed eos nihilo minus, qui regionibus exclusi, intra præsidia, atque intra arma aliena venissent. Quod cum ita sit, maxime vellem primum semper tecum fuisse; quod quidem tibi ostenderam, cum a me Capuam rejiciebam: quod feci non vitandi oneris causa, sed quod videbam, teneri illam urbem sine exercitu non posse: accidere autem mihi nolebam, quod doleo viris fortissimis accidisse. quoniam autem, tecum ut essem, non contigit: utinam tui consilii certior factus essem! nam suspicione assequi non potui; quod omnia prius arbitratus sum fore, quam ut hæc reipublicæ causa in Italia non posset ducere te consistere. Neque vero nunc consilium tuum reprehendo, sed fortunam reipublicæ lugeo: nec, si ego, quid tu sis secutus, non perspicio, idcirco minus existimo, te nihil nisi summa ratione fecisse. Mea quæ semper fuerit sententia, primum de pace vel iniqua conditione retinenda, deinde de urbe, (nam de Italia quidem nihil mihi umquam ostenderas,) meminisse te arbitror. sed mihi non sumo, ut meum consilium valere debuerit: secutus sum tuum; neque id reipublicæ causa, de qua desperavi, quæ et nunc afflicta est, nec excitari sine civili perniciosissimo bello potest: sed te quærebam: tecum esse cupiebam: neque ejus rei facultatem, si qua erit, prætermittam. Ego me in hac omni causa facile intelligebam pugnandi cupidis hominibus non satisfacere. primum enim præ me tuli, me nihil malle, quam pacem; non quin eadem timerem, quæ illi: sed ea bello

p. 128.

a.

63 *Eo, quo intenderet, venturus esset.*] excludere, quæ sunt inter *nec mihi, nec Intenderet dedi pro intenderat*: quod cum *fratri meo, nec cuiquam amicorum*, et summi dudum placuisset, in edd. Jens. Asc. perius *nec mihi nec fratri meo*. et aliis antiquis reperi. In ed. Rom. hic

civili leviora ducebam. inde, suscepto bello, cum pacis conditiones ad te afferri, a teque ad ea honorifice et large responderi viderem; duxi meam rationem; quam tibi facile me probaturum, pro tuo in me beneficio, arbitrabar. Memineram me esse unum, qui pro meis maximis in rempublicam meritis supplicia miserrima et crudelissima pertulissem: me esse unum, qui, si offendissem ejus animum, cui tum, cum jam in armis essemus, consulatus tamen alter, et triumphus amplissimus deferbatur, subjicerer eisdem præliis: ut mea persona semper ad improborum civium impetus ⁶⁴aliquid videretur habere populare. atque hæc non ego prius sum suspicatus, quam mihi palam denunciata sunt: neque ea tam pertimui, si subeunda essent, quam declinanda putavi, si honeste vitare possem: quam brevem illius temporis, dum in spe pax fuit, rationem nostram vides; reliqui facultatem res ademit. Iis autem, quibus non satisfacio, facile respondeo. neque enim ego amicior C. Cæsari umquam fui, quam illi: neque illi amiciores reipublicæ, quam ego. hoc inter me et illos interest; quod, cum et illi cives optimi sint, et ego ab ista laude non absim, ego conditionibus, quod idem te intellexeram velle, illi armis disceptari maluerunt. quæ quoniam ratio vieit; perficiam profecto, ut neque respublica civis a me animum, neque tu amici desideres.

CICERO ATTICO S.

12

MIHI molestior lippitudo erat etiam, quam ante fuerat. dictare tamen hanc epistolam malui, quam Gallo Fabio, amantissimo utriusque nostrum, nihil ad te litterarum dare. nam pridie quidem, quoquo modo potueram, scripseram b. ipse eas litteras, quarum vaticinationem falsam esse cupio. hujus autem epistolæ non solum ea causa est, ut ne quis a me dies intermittatur, quin dem ad te litteras; sed etiam hæc justior, ut a te impetrarem, ut sumeres aliquid temporis; quo quia tibi perexiguo opus est, explicari mihi tuum consilium plane volo, ut penitus intelligam. Omnia sunt integra nobis. nihil prætermisum est, quod non habeat sapientem excusationem, non modo probabilem. nam certe neque tum peccavi, eum ⁶⁵imparatam jam Capuam,

64 *Aliquid habere populare.*] V. ad ep. Jens. et seqq. Rom. ut codd. quidam, male *imparatam*, est enim ab re alienum.

65 *Imparatam jam Capuam.*] Grævins *ignavia delectus* opponitur diligentiae del. jam deleri volebat, *imparatam* recte ed. quæ supra commemorata est.

non solum ignaviæ delectus, sed etiam perfidiæ suspicionem fugiens, accipere nolui; neque cum post conditiones pacis per L. Cæsarem et Fabatum allatas, cavi, ne animum ejus offenderem, cui Pompeius jam armatus armato consulatum triumphumque deferret. Nec vero hæc extrema quisquam potest jure reprehendere, quod mare non transierim. id enim, etsi erat deliberationis, tamen obire non potui. neque enim suspicari debui; præsertim cum ex ipsius Pompeii litteris, idem quod video te existimasse, non dubitarim, quin is Domitio subventurus esset. et plane, quid rectum, et quid faciendum mihi esset, diutius cogitare malui. Primum igitur, hæc qualia tibi esse videantur, etsi significata sunt a te, tamen accuratius mihi perscribas, velim: deinde aliquid etiam in posterum prospicias, ⁶⁶ fingasque, quem me esse deceat, et ubi me plurimum prodesse reipublicæ sentias; ecquæ pacifica persona desideretur; an in bellatore sint omnia. Atque ego, qui omnia officio metior, recordor tamen tua consilia; quibus si paruissem, tristitiam illorum temporum non subiissem. memini, quid

p. 129. mihi tum suaseris per Theophanem, per Culeonem: idque

a. sæpe ingemiscens sum recordatus. quare nunc saltem ad illos calculos revertamur, quos tum abjecimus; ut non solum gloriosis consiliis utamur, sed etiam ⁶⁷ paullo salubribus. sed nihil præscribo. accurate velim perscribas tuam ad me sententiam. Volo etiam exquiras, quam diligentissime poteris, (habebis autem, per quos possis,) quid Lentulus noster, quid Domitius agat, quid acturus sit, quemadmodum nunc se gerant, num quem accusent, num cui succenseant. quid dico, num cui? num Pompeio? omnino culpam omnem Pompeius in Domitium confert: quod ipsius litteris cognosci potest: quarum exemplum ad te mitto. Hæc igitur videbis; et, quod ad te ante scripsi, Demetrii Magnetis librum, quem ad te misit de concordia, velim mihi mittas.

66 *Fingasque, quem me esse deceat.*] omnes. paullo pro paulum, ut et alibi
 Ducta est forma ex eo, quod *fingere hominem* dicunt, qui cum præceptis docent, qualis esse debeat, et quomodo personam v. c. oratoris sustinere debeat. mox, ubi - - sentias, refertur ad scribas, quod in *fingas* latet *κατ' ἐμμαν*.

67 *Paullo salubribus.*] Sic edd. et libri

occurrit, etsi rarius cum adjectivis positivis. *salubrioribus*, quod quidam maluerunt, plane alienum est. Vult Atticum etiam salubritatis habere rationem, non tantum gloriæ: sed tamen plus hujus quam illius: ideo dixit *paullo salubribus*.

CN. MAGNUS, PROCOS. C. MARCELLO, L. LENTULO, COSS. S. D.

EGO, quod existimabam, dispersos nos, neque reipublicæ utiles, neque nobis præsidio esse posse, idcirco ad L. Domitium litteras misi, primum uti ipse eum omni copia ad nos veniret: si de se dubitaret, ut cohortes XIX, quæ ex Piceno ad me iter habebant, ad nos mitteret. quod veritus sum, factum est, ut Domitius implicaretur; neque ipse satis firmus esset⁶⁶ ad eastrum faciendum: quod meas XIX, et suas XII cohortes tribus in oppidis distributas haberet: (nam partim Albæ, partim Sulmone collocavit:)⁶⁹ neque se, si vellet, expedire posset. nunc scitote, me esse in summa sollicitudine. nam et tot et tales viros periculo obsidionis liberare eupio: neque subsidio ire possum; quod his duabus legionibus non puto esse committendum, ut illuc ducantur; ex quibus tamen non amplius XIV cohortes contrahere potui: quod Brundisium præsidium misi: neque Canusium sine præsidio, dum abessem, putavi esse dimittendum.⁷⁰ D. Lælio mandaram, quod majores copias sperabam nos habituros, ut, si vobis videretur, alteruter vestrum ad me veniret; alter in Siciliam cum ea copia, quam Capuæ et circum Capuam comparastis; et cum iis militibus, quos Faustus legit, proficisceretur; Domitius eum XII suis cohortibus eodem adjungeretur; reliquæ copiarum omnes Brundisium cogerentur, et inde navibus Dyrrachium transportarentur. nunc, cum hoc tempore nihilo magis ego, quam vos, subsidio Domitio ire possim, se per montes explicare; non est nobis committendum, ut ad has XIV cohortes, quas ego dubio animo habeo, hostis accedere, aut in itinere me consequi possit. Quamobrem placitum est mihi, ac ita video censi⁷¹ Marello, et ceteris nostri ordinis, qui hic sunt, ut Brundisium ducerem hanc copiam, quam mecum habeo. Vos hortor, ut quodcumque militum contrahere

68 *Ad castra faciendum.*] Sc. quæ opponeret hostibus, i. e. ad prælia consequenda extra urbem.

69 *Neque se, s. v. expedire posset.*] Se est a Lambino, quem secutus est Gruterus. Ejecit Grævius. Lambinum recte fecisse puto. nam *expedire* pertinet non ad cohortes, sed ad Domitium, quem dicit Pompeius implicatum esse. Cohortes pertinent ad infirmitatem ante memoratam.

Itaque se servavi.

70 *D. Lælio.*] Recepi cum Grævio pro *Dellio*. Sic et supra est, ep. 11. et sæpius hoc vitium occurrit.

71 *Marcello.*] In ed. Rom. et aliis inde additur M. item ut in Mss. quibusdam. sed de C. hic sermo est, ad quem et epistola scripta est, nam is cum Lentulo consul fuit.

poteritis, contrahatis, et eodem veniatis quamprimum. arma, quæ ad me missuri eratis, iis, censeo, armetis milites, quos vobiscum habetis. quæ arma superabunt, ea si Brundisium jumentis deportaritis, vehementer reipublicæ profueritis. De hac re ⁷²velim nostros certiores faciatis: ego ad P. Lupum et C. Coponium prætores misi, ut se nobis conjungerent, et, militum quod haberent, ad vos deducrent.

p. 130. CN. MAGNUS, PROCOS. S. D. L. DOMITIO,
PROCOS.

MIROR, te ad me nihil scribere, et potius ab aliis, quam a te, de republica me certiores fieri. Nos, disjecta manu, pares adversariis esse non possumus. ⁷³conjunctis nostris copiis, spero nos et reipublicæ et communi saluti prodesse. quamobrem cum constituisses, ut Vibullius mihi scripserat a. d. v Id. Feb. Corsinio proficisci cum exercitu, et ad me venire; miror, quid causæ fuerit, quare consilium mutaris. nam illa causa, quam mihi Vibullius scribit, levis est, te propterea moratum esse, quod audicris, Cæsarem Firmo progressum in Castrum Truentinum venisse. Quanto enim magis appropinquare adversarius cœpit, eo tibi celerius agendum erat, ut te mecum conjungeres, priusquam Cæsar aut tuum iter impedire, aut me abs te excludere posset. Quamobrem etiam et etiam te rogo et hortor, id quod non destiti superioribus litteris a te petere, ut primo quoque die Luceriam ⁷⁴advenias, antequam copiæ, quas instituit Cæsar contrahere, in unum locum coactæ nos a nobis distrahant. sed si erunt, qui te impedian, ⁷⁵ut villas suas servent, æquum est me a te impetrare, ut cohortes, quæ ex Piceno et Camerino venerunt, quæ fortunas suas reliquerunt, ⁷⁶ad me missum facias.

⁷² Velim nost. c. faciatis.] Velim reposui pro *vellem*, ut dudum videram corrigendum esse ex latinitate. nunc et sic in ed. Rom. reperi. ed. Jens. et inde aliove. *vellem* - - *faceretis*: quod ipsum quoque bene habet: sed illud melius. incititia correctoris alienius in edd. recentiores irrepsit *vellem*, ut sæpe.

⁷³ Conjunctis n. copiis.] Sic legi pro contractis placebat Grævio e Mss. suis: quia sic et ed. Rom. recepi. infra est *coactæ copiae*.

⁷⁴ Advenias.] Vulgo vitiose *advenires*.

nam præcedit rogo et hortor, et sequitur *distrabant*. Librarii male retulerunt ad *destiti*.

⁷⁵ Ut illas suas servent.] Intelligunt *cohortes*: sed ita omisisset *illas*. Græv. bene corrigit *villas suas*. nam mox sequitur *quæ fortunas suas reliquerunt*. cf. et ep. 13. ubi in eadem sententia *agri, villula*. non dubitavi recipere.

⁷⁶ Ad me missum facias.] Pro *missas*. v. Perizon. ad Sanctii Min. p. 1125. sed est durius. aliud exemplum in hac forma nusquam exstat.

CN. MAGNUS, PROCOS. S. D. L. DOMITIO,
PROCOS.

LITTERAS abs te M. Calerius ad me attulit a. d. XIII Kal. Mart. in quibus litteris scribis, tibi in animo esse, ob-
servare Cæsarem; et, si secundum mare ad me ire cœpisset, confestim in Samnium ad me venturum; sin autem ille circum istæ loca commoraretur, te ei, si propius accessisset, resistere velle. Te animo magno et fortî istam rem agere existimo: sed diligentius nobis est videndum, ne distracti pares esse adversario non possimus; cum ille magnas copias habeat, et majores brevi habiturus sit. Non enim, pro tua prudentia, debes illud solum animadvertere, quot in præsentia cohortes contra te habeat Cæsar, sed quantas brevi tempore equitum et peditum copias contrahaturus sit. cui rei testimonio sunt litteræ, quas Bussenius ad me misit; in quibus scribit, id quod ab illis quoque mihi scribitur, præsidia Curionem, ⁷⁷ quæ in Umbris et Tuscis erant, contrahere, et ad Cæsarem iter facere. quæ si copiarum in unum locum fuerint coactæ, ut pars exercitus ad Albam mittatur, pars ad te accedat; ut non pugnet, sed locis suis repugnet, hærebis: neque solus cum ista copia tantam multitudinem sustinere poteris, ut frumentatum eas. Quamobrem te magnopere hortor, ut quamprimum cum omni copia huc venias. Consules constituerunt idem facere. ego Metuscilio ad te mandata dedi, providendum esse, ne duæ legiones sine Picentinis cohortibus in conspectum Cæsaris committerentur. Quamobrem nolito commoveri, si audieris me regredi, ⁷⁸ si forte Cæsar ad me veniet. cavendum enim puto esse, ne implicatus hæream. nam neque castra, propter anni tempus et militum animos, facere possum: neque ex omnibus oppidis contrahere copias expedit; ne receptum amittam. itaque non amplius XIV cohortes Luceriam coegi. Consules præsidia omnia deducturi sunt, aut in Siciliam ituri. Nam aut exercitum firmum habere oportet, quo confidamus perrumpere nos posse, aut regiones ejusmodi obtinere, e quibus repugnemus: id quod neutrum nobis hoc tempore contingit; quod et magnam partem Italiæ Cæsar occupavit, et nos non habe-

p. 131.
a.

⁷⁷ Quæ in Umbris et Tuscis.] Edidi teros dicunt quam Umbriam. Umbris, ut placebat Grævio, qui in Mss. ⁷⁸ Si forte Cæsar ad me veniet.] Mss. repererunt. sic et ed. Rom. Melius lius foret veniat propter si forte. consentit ⁷⁹ Tuscis: et Umbras potius ve-

mus exercitum tam amplum, neque tam magnum, quam ille. itaque nobis providendum est, ut summam reipublicæ rationem habeamus. Etiam atque etiam te hortor, ut cum omni copia quamprimum ad me venias. possumus etiam nunc rempublicam erigere, si communi consilio negotium administrabimus: sin distrahemur, infirmi erimus. mihi hoc constitutum est. His litteris scriptis, Sica a te mihi litteras attulit et mandata. Quod me hortare, ut istuc veniam: id me facere non arbitror posse; quod non magnopere his legionibus confido.

CN. MAGNUS, PROCOS. S. D. L. DOMITIO,
PROCOS.

LITTERÆ mihi a te redditæ sunt a. d. xxi Kal. Mart. in quibus scribis, Cæsarem apud Corfinium castra posuisse. quod putavi et præmonui, fit, ut nec in præsentia committere tecum prælium velit; et, omnibus copiis conductis, te implicet, ne ad me iter expeditum tibi sit: atque istas copias conjungere optimorum civium possis cum his legionibus, de quarum voluntate dubitamus: quo etiam magis tuis litteris sum commotus. neque enim eorum militum, quos mecum habeo, voluntati satis confido, ut de omnibus fortunis reipublicæ dimicem: neque etiam, qui ex delectibus conscripti sunt a consulibus, convenerunt. Quare da operam, si ulla ratione etiam nunc efficere potes, ut te explices, huc quamprimum venias, antequam omnes ⁷⁹copiæ adversariorum convenient. neque enim celeriter ex delectibus huc homines convenire possunt: et, si convenirent, quantum iis committendum sit, quod inter se ne noti quidem sunt, contra veteranas legiones, non te præterit.

13

CICERO ATTICO S.

LIPPITUDINIS meæ signum tibi sit librarii manus, et eadem causa brevitatís: etsi nunc quidem, quod scriberem, nihil erat. omnis expectatio nostra erat in nuntiis Brundisinis. Si nactus hic esset Cnæum nostrum, spes dubia pacis: sin ille ante tramisisset, exitiosi belli metus. sed videsne, in quem hominem inciderit respublica? quam acutum, quam vigilantem, quam paratum? Si mehercule

⁷⁹ Copiæ adversarium.] Durius hæc contractio est in tali oratione. ed. Rom. habet adversariorum, quod recepi.

neminem occiderit, nec cuiquam quidquam ademerit, ab his, qui eum maxime timuerant, maxime diligetur. Multum mecum municipales homines loquuntur, multum rustici. nihil prorsus aliud curant; nisi agros, nisi villulas, nisi numulos suos. et vide, quam conversa res est. illum, quo antea confidebant, metuunt; hunc amant, quem timebant. Id quantis nostris peccatis vitiisque evenerit, non possum sine molestia cogitare. quæ autem impendere putarem, scripseram ad te; et jam tuas litteras exspectabam.

CICERO ATTICO S.

14

NON dubito, quin tibi odiosæ sint epistolæ quotidianæ, cum præsertim neque nova de re aliqua certiore te faciam, neque novam denique jam reperiam scribendi ullam sententiam. sed, si dedita opera, cum causa nulla esset, tabellarios ad te cum inanibus epistolis mitterem; facerem inepte. euntibus vero, domesticis præsertim, ut nihil ad te dem litterarum, facere non possum: et simul (crede mihi) ^{p. 132.} requiesco paullum in his miseriis, cum quasi tecum loquor; cum vero tuas epistolas lego, multo etiam magis. omnino intelligo, nullum fuisse tempus post has fugas et formidines, quod magis debuerit mutum esse a litteris: propterea, quod neque Romæ quidquam auditur novi; nec in his locis, quæ a Brundisio absunt propius, quam tu, biduum, aut triduum. Brundisii autem omne certamen vertitur huius primi temporis. qua quidem exspectatione torqueor. sed omnia ante nos sciemus. eodem enim die video Cæsarem a Corfinio post meridiem profectum esse, id est, Ferilibus, quo Clausio manet Pompeium. eo modo autem ambulat Cæsar, et iis diariis militum celeritatem incitat, ut timeam, ne citius ad Brundisium, quam opus sit, accesserit. Dices, quid igitur proficis, qui anticipes ejus rei molestiam, quam triduo sciturus sis? nihil equidem. sed, ut supra dixi, tecum perlibenter loquor: et simul scito, labare meum consilium, illud, quod satis jam fixum videbatur. non mihi satis idonei sunt auctores ii, qui a te probantur. quod enim umquam eorum in republica forte factum exstiterit? aut quis ab his ullam rem laude dignam desiderat? nec mehercule laudandos existimo, qui trans mare belli parandi causa profecti sunt: (quamquam hæc ferenda non erant:) video enim, quantum id bellum, et quam pestiferum futu-

rum sit: sed me movet unus vir; cuius fugientis comes, rempublicam recuperantis socius videor esse debere. Totiesne igitur sententiam mutas? ego tecum, tamquam mecum loquor. quis autem est, tanta quidem de re, quin varie secum ipse disputet? simul et elicere cupio sententiam
 b. tuam; si manet, ut firmior sim; si mutata est, ut tibi assentiar. Omnino ad id, de quo dubito, pertinet, me scire, quid Domitius acturus sit, quid noster Lentulus. de Domitio varia audimus, ⁸⁰ modo esse in Tiburti, haud lepide: quod cum lepidius accessisset ad urbem: quod item falsum video esse. ait enim Lepidus, eum nescio quo penetrasse itineribus: occultandi sui causa, an maris apiscendi? ne id quidem scit. ignorat enim de filio. addit illud, sane molestum; pecuniam Domitio satis grandem, quam is Corfinii habuerit, non esse redditam. de Lentulo autem nihil audimus. Hæc velim exquiras, ad meque perscribas.

15

CICERO ATTICO S.

A. D. v Non. Mart. epistolas mihi tuas Ægypta reddidit, unam veterem iv Kal. quam te scribis dedisse Pinario, quem non vidimus; in qua exspectas, quidnam præmissus agat Vibullius; qui omnino non est visus a Cæsare: (in altera epistola, video, te scire, ita esse:) et, quemadmodum redeuntem excipiam Cæsarem; quem omnino vitare cogito; et, ⁸¹ aut Hæmonis fugam intendis, commutationemque vitæ tuæ; quod tibi puto esse faciendum: et ignoras, Domitius cum fascibusne sit; quod cum scies, facies, ut sciamus. Habes ad primam epistolam. Secutæ sunt duæ, pridie Kal. ambæ datæ, quæ me convellerunt de pristino statu, jam tamen, ut ante ad te scripsi, labantem. Nec me movet, quod scribis, ⁸² *Jovi ipsi iniquum*. nam periculum in utriusque iracundia positum est: victoria autem ita incer-

⁸⁰ Modo esse in Tiburti, haud lepide, &c.] Locum vitiosus et molestus criticis. nec quicquam certi repertum est. Sensus postulat haud vere; nam de altero dicit, quod item fulsum video esse. Grævius post Tiburti non improbabilius conjicit excidisse Lepidi: quod est in ed. Rom. Tum post quod cum, &c. etiam constructio stare non potest. debet enim esse accusativus cum infinitivo Conjeci: inde (e clausula τῷ λεπίδῃ) cum Lepidis accessisse ad urbem. Forte ergo sic legendum: modo, esse in

Tiburti Lepidi: haud vere. inde cum l. accessisse ad urbem. Sed sine libris melioribus frustra laboramus in hoc loco.

⁸¹ Aut Hæmonis fugam.] Pertinere hoc ad transitum Attici trans mare in Græciam, facile intelligitur: de qua et VII, 1. in fine querit: sed de lectione nihil certi extricatum est, aut extricari potest.

⁸² Jovi ipsi iniquum.] Ad Pompeium pertinet, qui minatus erat omnibus, qui se non sequerentur.

ta, ut deterior causa paratior mihi esse videatur. nec me consules movent, qui ipsi pluma aut folio facilius moventur. officii me deliberatio cruciat, cruciavitque adhuc. cautiore certe est mansio: honestior existimatur trajectio. malo interdum, multi me non caute, quam pauci non honeste fecisse existiment. De Lepido et Tullo quod quaeris; illi vero non dubitant, quin Caesari praesto futuri, in senatumque venturi sint. Recentissima tua est epistola Kal. data: in qua optas congressum, pacemque non desperas. sed ego, cum haec scribebam, nec illos congressuros, nec, si congressi essent, Pompeium ad ullam conditionem accessurum putabam. Quod videris non dubitare, si consules transeant, quid nos facere oporteat: certe transeunt, vel, quo modo nunc est, transierunt. sed memento, praeter Appium, neminem esse fere, qui non jus habeat transeundi. nam aut cum imperio sunt, ut Pompeius, ut Scipio, Setinas, Fannius, Voconius, Sextius, ipsi consules, quibus more majorum concessum est, vel omnes adire provincias; aut legati sunt eorum.⁸³ sed nihil dissero. quid placeat tibi, et quid propemodum rectum sit, intelligo. Plura scriberem, si ipse possem. sed, ut mihi videor, potero biduo. Balbi Cornelii litterarum exemplum, quas eodem die accipi, quo tuas, misi ad te, ut meam vicem doleres, cum me derideri videres.

BALBUS CICERONI, IMP. S.

OBSECRO te, Cicero, suscipe curam et cogitationem dignissimam tuae virtutis, ut Caesarem et Pompeium, perfidia hominum distractos, rursus in pristinam concordiam reducas. crede mihi, Caesarem non solum fore in tua potestate, sed etiam maximum beneficium te sibi dedisse iudicaturum, si huc te rejicis. velim, idem Pompeius faciat: qui ut adduci tali tempore ad ullam conditionem possit, magis opto, quam spero. sed, cum constiterit, et timere desierit, tum incipiam non desperare tuam auctoritatem plurimum apud eum valituram. Quod Lentulum meum, consulem, voluisti hic remanere, Caesari gratum, mihi vero gratissimum mediis fidius fecisti. nam⁸⁴ illum tanti facio, qui non Caesarem magis di-

⁸³ Sed nihil dissero.] Sc. de officio aliqua in utramque partem disputantium. meo, s. ut supra dixi, quid me facere oporteat, quid propemodum, ut post rectum ego. Sed est durum, praesertim cum stasit. Disserere est philosophorum, de re tui iterum sit qui. forte erat ut a Balbo.

⁸⁴ Illum tanti facio, qui.] Qui pro ut

ligam : qui si passus esset, nos secum, ut consueramus, loqui, et non se totum etiam et etiam ab sermone nostro avertisset, minus miser, quam sum, essem, nam cave putes, hoc tempore plus me quemquam cruciari, quod eum, quem ante me diligo, video in consulatu quidvis potius esse, quam consulem. quodsi voluerit tibi obtemperare, et nobis de Cæsare credere, et consulatum reliquum Romæ peragere, incipiam sperare, etiam consilio senatus, auctore te, illo relatore, Pompeium et Cæsarem conjungi posse. quod si factum erit, me satis vixisse putabo. Factum Cæsaris de Corfinio totum⁸⁵ te probaturum scio. ⁸⁶ quomodo in hujusmodi re, commodius cadere non potuit, quam ut res sine sanguine confieret. Balbi mei tuique adventu delectatum te, valde gaudeo. is quæcumque tibi de Cæsare dixit, ⁸⁷ quæque Cæsar scripsit, scio, re tibi probabit, quæcumque fortuna ejus fuerit, verissime scripsisse.

16

CICERO ATTICO S.

OMNIA mihi provisa sunt, præter occultum et tutum iter ad mare superum. hoc enim mari uti non possumus hoc tempore anni. illuc autem, quo spectat animus, et quo
^{134.} ^{a.} res vocat, qua veniam? cedendum enim est celeriter; ne forte qua re impediatur atque alliger. nec vero ille me ducit, qui videtur; quem ego hominem ἀπολιτικώτατον omnium jam ante cognoram; nunc vero etiam ἀστρατηγικώτατον. non me igitur is ducit, sed sermo hominum, qui ad me a Philotimo scribitur. is enim me ab optimatibus ait conscindi. quibus optimatibus, dii boni? qui nunc quo modo occurrunt? quo modo autem se venditant Cæsari? ⁸⁸ municipia vero Deum: nec simulant, ut cum de illo ægroto vota faciebant. sed plâne, quidquid mali hic Pisistratus non fecerit, tam gratum est, quam si aliū facere prohibuerit. hunc propitium sperant; illum iratum putant. quas fieri censes ἀπαρτήσεις ex oppidis? quos honores? metuunt, inquires: credo: sed mehercule illum magis. hujus insidiosa clementia delec-

⁸⁵ *Me probaturum scito.*] Edd. pr. sciet. ntrumque male. non de suo judicio scribit, ut patet e subjecta ratione, sed de judicio Ciceronis. Itaque recte Grævius dedit te p. scio, ut Ursinus in libro vetere reperit: Idque et ipse secutus sum.

⁸⁶ *Quomodo in h. re, c. c. non potuit.*] *Quomodo in h. re, est, ut in tali. id est durius. malim non deleri. conficeret* Victorius dicit se e codicibus antiquis dedisse pro

conficeretur. Sed sic est jam in ed. Rom. ⁸⁷ *Quæque Cæsar scripsit.*] Grævius Cæsar delendum putat. In sequentibus libri valde variant. In lectione vulgata re - - fuerit, in parenthesis accipienda sunt. Sed lectio est incerta.

⁸⁸ *Municipia vero Deum.*] Sic Victorius edidit, int. faciunt; nempe ex ad eum, quod ex Mss. laudant, cum sit et in edd. pr. Rom. Jens., &c.

tantur: illius iracundiam formidant.⁸⁹ iudices DCCCL, qui præcipue Cnæo nostro delectabantur, ex quibus quotidie aliquem video,⁹⁰ nescio quas ejus Lucerias horrent. itaque quæro, qui sint isti optimates,⁹¹ qui me exturbent, cum ipsi domi maneant. sed tamen, quicumque sunt, αἰδέσθαι Τρωάς. etsi, quâ spe proficiscar, video; conjungoque me cum homine, magis ad vastandum Italiam, quam ad vincendum parato. demum quem exspecto. et quidem, cum hæc scribebam, IV Nonas, jam exspectabam aliquid a Brundisio. quid autem aliquid? quam inde turpiter fugisset, et victor hic qua se referret, et quo. quod ubi audissem, si ille Appia veniret, ego Arpinum cogitabam.

M. TULLII CICERONIS

EPISTOLARUM

AD

ATTICUM

LIBER IX.

ARGUMENTUM.

Continentur item hoc libro Cnæi fuga Brundisium, atque inde in Macedoniam transmissio, quæ fuit Idibus Martiis, præmissis antea consulibus L. Cornelio Lentulo et C. Claudio Marcello, cum omnibus sane magistratibus, cunctoque senatu: æstus animi ægritudoque Ciceronis, Atticum consulentis, cum Pompeius Italia cesserit, quid sibi faciendum sit: redeuntemque Cæsarem a Brundisio, quo Pompeium fuerat persecutus, cœspectarene debeat; et quo maxime in loco, quo vultu sermoneque excipere: denique congressus ipse cum Cæsare, et utriusque discessus. Quæ omnia acciderunt diebus paullo plus viginti. Nam quotidiana inter eos crant litteræ.

⁸⁹ Iudices DCCCL.] Nempe quos Pompeius ex omnibus ordinibus legerat. Sed Plutarchus et Velleius habent DCCCLX. unde hunc numerum hic reponi volunt quidam.

⁹¹ Qui me exturbent.] I. e. ex Italia exire et Pompeium sequi velint.

⁹⁰ Nescio quas e. Luceria horrent.]

CICERO ATTICO S.

ETSI, cum tu has litteras legeres, putabam fore, ut scirem jam, quid Brundisii actum esset; (nam Canusio ¹ VIII Kal. profectus erat Cnæus; hæc autem scribebam pridie Nonas, XIV die postquam ille Canusio moverat;) tamen angebar singularum horarum expectatione: mirabarque, nihil allatum esse ne rumoris quidem. nam erat mirum silentium. sed hæc fortasse *κενόσπουδα* sunt; quæ tamen jam sciantur, necesse est. illud molestum, me adhuc investigare non posse, ubi P. Lentulus noster sit, ubi Domitius. quæro autem, quo facilius scire possim, quid acturi sint; iturine ad Pompeium; et, si sunt, ²qua quandove ituri sint. urbem quidem jam refertam esse optimatum audio; Sosium et Lupum, quos Cnæus noster ante putabat Brundisium venturos esse, quam se, jus dicere. hinc vero vulgo vadunt. etiam M. Lepidus, quocum diem contere solebam, cras cogitabat. nos autem in Formiano morabamur, quo citius audiremus: deinde Arpinum volebamus. inde, iter qua maxime *ἀναπάντητον* esset, ad mare superum, remotis sive omnino missis lictoribus. audio enim, bonis viris, qui et nunc, et sæpe antea magno præsidio reipublicæ fuerunt, hanc cunctationem nostram non probari, multaque in me et severe, ³in conviviis tempestivis quidem, disputari. cedamus igitur, et, ut boni cives simus, bellum Italiæ terra marique inferamus, et odia improborum rursus in nos, quæ jam extincta erant, incendamus, et Luccelli consilia ac Theophani persequamur. nam Scipio vel in Syriam proficiscitur, sorte; vel cum genere, honeste; vel Cæsarem fugit, iratum. Marcelli quidem, nisi gladium Cæsaris timuissent, manerent. Appius et eodem timore, et inimicitiarum recentium: et tamen, præter hunc et C. Cassium, reliqui legati, Faustus proquæstor: ego unus, cui utrumvis liceret: ⁴frater acce-

p. 135.

a.

1 VIII Kal. profectus e. Cn.] L. VIII, 14. dixit, Pompeium Feralibus profectum mane. Ea quia in vetere anno erant 1x Kal. Mart. ut ex Ovidio constat, sic corrigendus numerus, ut doceat Pontedera loco supra cit. p. 319. Hinc porro XIV dies erant ad prid. nonas Mart. sic ergo correx.

2. Qua quandove ituri sint.] Vulgo sunt. sed sint latinitas postulat, et habent edd. Jens. Asc. Ald. &c. Victorius primus sunt, ex ed. Rom. opinarer, si certum

esset, ea ipsum usum.

3. In conviviis tempest. quidem.] Hoc additur irridendi causa. ab hominibus ebriis reprehendebatur inter pocula.

4 Frater accedet.] Sic bene Grævius cum Maunzio, nam accederet factum est, quod librarii putabant id. verbum conformandum esse *τῷ* liceret. Eodem modo natum est mox irasceretur, quod ex ed. Rom. fluxit, pro quo legendum esse irascetur semper existimavi: quia et sic est in edd. Jens. Asc. Ald. &c. correx.

det; quem socium hujus fortunæ esse, non erat æquum: cui magis etiam Cæsar irascitur. sed impetrare non possum, ut maneat. dabimus hoc Pompeio, quod debemus. nam me quidem alius nemo movet; non sermo bonorum, qui nulli sunt; non causa, quæ acta timide est, agatur improbe. uni, uni hoc damus, ne id quidem roganti, nec suam causam (ut ait) agenti, sed publicam. Tu quid cogites de transeundo in Epirum, scire sane velim.

CICERO ATTICO S.

2

ETSI Nonis Mart. ⁵ dic tuo, ut opinor, exspectabam epistolam a te longiorem; tamen ad eam ipsam brevem, quam III nonas ⁶ ἐπὶ τὴν λῆψιν dedisti, rescribendum putavi. Gaudere ais te, mansisse me; et scribis, in sententia te manere. mihi autem superioribus litteris videbar non dubitare, quin cederem, ita, si et Cnæus bene comitatus concendisset, et consules transissent. utrum hoc tu parum commeministi, an ego non satis intellexi, an mutasti sententiam? sed aut ex epistola, quam exspecto, perspiciam, quid sentias, aut alias abs te litteras eliciam. Brundisio nihil dum erat allatum. o rem difficilem, planeque perditam! quam nihil prætermittis in consilio dando! quam nihil tamen, ⁷ quod tibi ipsi placeat, explicas! non esse me una cum Pompeio, gaudes: ⁸ ac proponis, quam sit turpe, me adesse, cum quid de illo detrahatur, nec fas esse approbare. certe. ⁹ contra igitur? dii, inquis, averruncent. quid ergo fiet, si in altero scelus est, in altero supplicium? impetras, inquis, a Cæsare, ut tibi absesse liceat, et esse otioso.

ceretur revocavit Victorius, qui totum hunc locum ex suo codice vetere, ut appellat, refluxit. — cui *mugis etiam Cæsar irascitur*, quia ejus legatus fuit, et liberatissimo ab eo tractatus.

5 *Dic tuo.*] Quo febris accedit, quatum laborabat Atticus. v. VII, 8. sic et infr. ep. 4. extr.

6 *Ἐπὶ τὴν λῆψιν.*] Sic primus Victorius: ante ab Aldo erat *ἐπὶ δειλῶν*. uatu in odd. ante eum nullum verbum græcum est, ne in Rom. quidem, quæ alias græca habet. Tum Cicero aliis locis habet *λῆψιν*, quod est proprium Græcorum verbum, qui et *ἐπιληψιν* dicunt. Victorius dicit *δειλῶν* esse idem, sed non firmat exemplo. Atque constat, ab Hippocrate *διαλαμψάν* in morbis significare intermissionem,

unde *διαλαμψίς* esset intermissio febris potius quam accessio. Itaque placet Lamini sententia, qui *διὰ* delendum putavit atque delevit.

7 *Quod tibi ipsi placeat.*] *Ipsi* omisit tacite Grævius. Sed id est necessarium ad sententiam. nam quid sibi placere, scripserat in consilio Ciceroni dando: quid ipse facturus esset, non scripserat.

8 *Ac proponis* — *approve.*] Hoc totum nec inter se, nec cum antecedente coherere videtur. Sed in libris nihil auxilii. Forte pro *ac* scribendum *at*.

9 *Contra igitur?*] Int. dicam. Sermo autem est de rebus, quæ in senatu aguntur. nam ante in *adesse* intelligendum, in senatu, ut e seqq. patet.

supplicandum igitur? miserum. quid, si non impetraro? et de triumpho erit, inquis, integrum. quid, ¹⁰ si hoc ipso premar? accipiam? quid fœdins? negem? repudiari se totum, magis etiam, quam olim in xx viratu, putabit. ac solet, cum se purgat, in me conferre omnem illorum temporum culpam: ita me sibi fuisse inimicum, ut ne honorem quidem a se accipere vellem. quanto nunc hoc idem accipiet asperius? tanto scilicet, quanto et honor hic illo est amplior, et ipse robustior. Nam quod negas te dubitare, quin magna in offensa sim apud Pompeium hoc tempore; non video causam, cur ita sit, hoc quidem tempore. qui enim amisso Corfinio denique certior me sui consilii fecit, is queretur, Brundisium me non venisse, cum inter me et Brundisium Cæsar esset? deinde, etiam scit ἀπαρρησίαστωρ esse in ea causa querelam suam. me putat de municipiorum imbecillitate, de delectibus, de pace, de urbe, de pecunia, de Piceno occupando plus vidisse, quam se. sin, cum potuero, non venero; tum erit inimicus: quod ego non eo vereor, ne mihi noceat: (quid enim faciet?)

p. 136.
a.

Τίς δ' ἔστι δούλος τοῦ θανάτῳ ἄφροντις ὢν;

sed quia ingrati animi crimen horreo. confido igitur adventum nostrum illi, quoquo tempore fuerit, ut scribis, ἀσμένιστον fore. Nam quod ais, si hic temperantius egerit, consideratius consilium te daturum; qui hic potest se gerere non perdit? vita, mores, antefacta, ratio suscepti negotii, socii, vires bonorum, aut etiam constantia. Vixdum epistolam tuam legeram, cum ad me, currens ad illum, ¹¹ Postumus Curtius venit, nihil nisi classes loquens et exercitus: eripiebat Hispanias: tenebat Asiam, Siciliam, Africam, Sardiniam: confestim in Græciam persequabatur. eundum igitur est, nec tam ut belli, quam ut fugæ socii simus. nec enim ferre potero sermones istorum, quicumque sunt. non sunt enim certe, ut appellantur, boni. sed tamen id ipsum scire cupio, quid loquantur; idque ut exquiras, meque certior facias, te vehementer rogo. Nos adhuc, quid Brundisii actum esset, plane nesciebamus. cum sciemus, tum ex re et ex tempore consilium capiemus; sed utemur tuo.

¹⁰ Si hoc ipso premar.] Nempe, triumpho mihi decernendo eo redigar, ut, quid agam, nesciam.

¹¹ Postumus Curtius.] Cæsarianus, qui

Cæsaris victorias futuras jactando Cicero-nem ad Cæsarem traducere volebat: eripiebat, dicebat, Cæsarem eripiturum Pompeio, et sic cetera. ed. Rom. habet Postumius.

CICERO ATTICO S.

3

DOMITII filius transiit Formias viii Id. currens ad matrem Neapolim, mihiq̄ nuntiari jussit, patrem ad urbem esse; cum de eo curiose quæsisset servus noster Dionysius. nos autem audieramus, eum profectum sive ad Pompeium, sive in Hispaniam. id cujushmodi sit, scire sane velim. nam ad id, quod delibero, pertinet, si ille certe nusquam discessit, intelligere Cnæum, non esse faciles nobis ex Italia exitus, cum ea tota armis præsidiisque teneatur, hieme præsertim. nam, si commodius anni tempus esset, vel infero mari liceret uti. nunc nihil potest, nisi supero, tramitti; quo iter interclusum est. quæres igitur et de Domitio et de Lentulo. A Brundisio nulla adhuc fama venerat: et erat hic dies vii Id. quo die, suspicabamur, aut pridie Brundisium venisse Cæsarem. nam Kal. Arpis manserat. sed si Postumum audire velles, persecutus erat Cnæum. transisse enim jam putabat, conjectura tempestatum ac dierum. ego nautas eum non putabam habiturum: ille confidebat, et eo magis, quod audita naviculariis hominis liberalitas esset. sed tota res Brundisina jam quo modo habcat se, diutius nescire non possum.

CICERO ATTICO S.

4

EGO etsi tamdiu requiesco, quamdiu aut ad te scribo, aut tuas litteras lego: tamen et ipse egeo argumento epistolarum, et tibi idem accidere certo scio. quæ enim soluto animo familiariter scribi solent. temporibus his excluduntur: quæ autem sunt horum temporum, ea jam contrivimus. sed tamen, ne me totum ægritudini dedam, sumsi mihi quasdam tamquam θέσεις, quæ et politicæ sunt, et temporum horum; ut et abducam animum ab querelis, et in eo ipso, de quo agitur, exercear. eæ sunt hujusmodi:

Εἰ μενετέον ἐν τῇ πατρίδι τυραννουμένη; Τυραννουμένης δ' αὐτῆς, εἰ παντὶ τρόπῳ τυραννίδος κατάλυσιν πραγματευτέον, καὶν μέλλῃ διὰ τοῦτο περὶ τῶν ὅλων ἢ πόλις κινδυνεύσει; Εἰ εὐλαβητέον τὸν καταλύοντα, μὴ αὐτὸς αἰρηται; Εἰ πειρατέον ἀρῆγειν τῇ πατρίδι τυραννουμένη καιρῷ καὶ λόγῳ μᾶλλον, ἢ πολέμῳ; Εἰ πολιτικὸν τὸ ἡσυχάζειν, ἀναχωρήσαντά ποι, τῆς πατρίδος τυραννουμένης; Εἰ διὰ παντὸς ἴτεον κινδύνου τῆς ἐλευθερίας πέρι; Εἰ πόλεμον ἐπακτέον τῇ χώρῃ, καὶ πολιορκῇ

p. 137. ^{a.} τέον ταύτην τυραννουμένην ; Εἰ καὶ μὴ δοκιμάζοντα τὴν διὰ πολέμον καταλύσιν τῆς τυραννίδος, συναπογραφτέον ὅμως τοῖς ἀρίστοις ; Εἰ τοῖς εὐεργέταις καὶ φίλοις συγκινδυνεύτεον ἐν τοῖς πολιτικοῖς, καὶ μὴ δοκῶσιν εὖ βεβουλευῆσθαι περὶ τῶν ὅλων ; Εἰ ὁ μέγαλα τὴν πατρίδα εὐεργετήσας, δι' αὐτό τε τοῦτο ἀνῆκεστα παθῶν καὶ φθονηθείς, κινδυνεύσειεν ἂν ἐθελοντῆς ὑπὲρ τῆς πατρίδος ; Εἰ ἐφετέον αὐτῷ ἑαυτοῦ ποτε καὶ τῶν οἰκειοτάτων ποιῆσθαι πρόνοιαν ἀφεμένῳ τὰς πρὸς τοὺς ἰσχύοντας διὰ πολιτείας ;

In his ego me consultationibus exercens, et disserens in utramque partem, tum græce, tum latine, et abduco parumper animum a molestiis, et τῶν προῦργων τι delibero. Sed vereor, ne tibi ἀκαίρος sim. si enim recte ambulaverit is, qui hanc epistolam tulit, in ipsum tuum diem incidit.

CICERO ATTICO S.

NATALI die tuo scripsisti epistolam ad me plenam consilii, summæque cum benivolentiæ tum etiam prudentiæ. eam mihi Philotimus postridie, quam a te acceperat, reddidit. Sunt ista quidem, quæ disputas, difficillima, iter ad superum, navigatio infero, discessus Arpinum, ne hunc fugisse, mansio Formiis, ne obtulisse nos gratulationi videamur : sed miseriùs nihil, quam ea videre, quæ tamen, jam, jam, inquam, videnda erunt. Fuit apud me Postumus : scripsi ad te, quam gravis. venit ad me etiam Q. Fufius, quo vultu ! quo spiritu ! properans Brundisium, scelus accusans Pompeii, levitatem et stultitiam senatus. hæc qui in mea villa non feram, Curtium in curia potero ferre ? Age, finge me quamvis ἐνστομάχως hæc ferentem : quid illa, DIC M. TULLI, quem habebunt exitum ? Et omitto causam reipublicæ, quam ego amissam puto cum vulneribus suis, tum medicamentis iis, quæ parantur ; de Pompeio quid agam ? cui plane (quid enim hoc negem ?) succensui. Semper enim causæ eventorum magis movent, quam ipsa eventa. hæc igitur mala, (quibus majora esse quæ possunt ?) considerans, vel potius judicans, ejus opera accidisse et culpa, inimicior cram huic, quam ipsi Cæsari ; ut majores nostri funcstiores diem esse voluerunt Alliensis pugnae, quam urbis captæ ; quod hoc malum ex illo ; itaque alter religiosus etiam nunc dies, alter in vulgus igno-

tus: sic ego, decem annorum peccata recordans, in quibus inerat ille etiam annus, qui nos, hoc non defendente, ne dicam gravius, afflixerat; præsentisque temporis cognoscens temeritatem, ignaviam, negligentiam, succensebam. sed ea jam mihi exciderunt. beneficia ejusdem cogito; cogito etiam dignitatem. intelligo, serius equidem, quam vellem, propter epistolas sermonesque Balbi; sed video plane, nihil aliud agi, nihil actum ab initio, quam ut hunc occideret. ego igitur, si quis apud Homerum, cum ei et mater et dea dixisset,

Αὐτίκα γάρ τοι ἔπειτα μεθ' Ἑκτορα πύτμος ἔτομος,

matri ipse respondit,

Αὐτίκα τεθναίην, ἐπεὶ οὐκ ἄρ' ἔμελλον ἱταίρῳ

Κτεινομένῳ ἐπαμῦναι·

quid, si non *ἱταίρῳ* solum, sed etiam *εὐεργέτῃ*? addo, tali viro, talem causam agenti; ¹² et ego vero hæc officia mercanda vita puto. optimatibus vero tuis nihil confido, nihil p. 138. jam ne inservio quidem. video, ut se huic dent, ut daturi a. sint. quidquam tu illa putas fuisse de valitudine decreta municipiorum præ his de victoria gratulationibus? timent, inquires. at ipsi tum se timuisse dicunt. sed videamus, quid actum sit Brundisii. ex eo fortasse ¹³ mea consilia nascentur, aliæque litteræ.

CICERO ATTICO S.

6

NOS adhuc Brundisio nihil. Roma scripsit Balbus, putare jam Lentulum consulem transmisisse, nec cum a minore Balbo conventum; quod is hoc jam Canusii audisset: inde ad se eum scripsisse: cohortesque sex, quæ Albæ fuissent, ad Curium via Minucia transisse: id Cæsarem ad se scripsisse, et brevi tempore cum ad urbem futurum. ego utar tuo consilio; neque me Arpinum hoc tempore abdam: etsi, Ciceroni meo togam puram cum dare Arpini vellem, hanc eram ipsam excusationem relicturus ad Cæsarem. sed

12 Et ego vero.] Post longiorem parenthesis, necit sequentia initio ego igitur. Sed et verum non puto. an ortum esse? quod in hac forma poni solet, pro inquam.

13 Mea consilia nascentur.] Mea edd. pr. in quo multi hæserunt, et varia tentaverunt. sane non valde placet mea. Grævio placebat certa. sequens aliæque litteræ, sc. ad te, videtur postulare, alia, nova, aut simile quid.

fortasse in eo ipso offendetur, cur non Romæ potius. sed tamen, si est conveniendus, hic potissimum. tum reliqua videbimus, id est, et quo, et qua, et quando. Domitius, ut audio, in Cosano, et quidem, ut ajunt, paratus ad navigandum: si in Hispaniam, non probo: si ad Cnæum, laudo: quovis potius certe, quam ut Curtium videat; quem ego patronus aspicere non possum. quid alios? sed, opinor, quiescamus; ne nostram culpam coarguamus, qui, dum urbem, id est patriam, amamus, dumque rem conventuram putamus, ita nos gessimus, ut plane interclusi captique simus. Scripta jam epistola, Capua litteræ sunt allatæ hoc exemplo. Pompeius mare transiit cum omnibus militibus, quos secum habuit. hic numerus est hominum millia xxx. et consules, duo et tribuni plebis, et senatores, qui fuerunt cū eo, omnes cum uxoribus et liberis. Conscendisse dicitur a. d. iv Nonas Mart. ex ea die fuere septemtriones venti. naves, quibus usus non est, omnes ¹⁴ aut præcidisse, aut incendisse dicunt. de hac re litteræ L. Metello tribuno plebis Capuam allatæ sunt ab Clodia socru, quæ ipsa transiit. ante sollicitus eram et angebar, sicut res scilicet ipsa cogebat, cum consilio explicare nihil possem: nunc autem, postquam Pompeius et consules ex Italia exierunt, non angor, sed ardeo dolore:

Οὐδὲ μοι ἦτορ
ἔμπεδον, ἀλλ' ἀλαλύκτῃμαι·

non sum, inquam, mihi crede, mentis compos; tantum mihi dedecoris admisisse videor. ¹⁵ Me non primum cum Pompeio, qualicumque consilio uso, deinde cum bonis esse, quamvis causa temere instituta? præsertim cum ii ipsi, quorum ego causa timidius me fortunæ committebam, uxor, filia, Cicerones pueri, me illud sequi mallent? hoc turpe, et me indignum putarent? nam Quintus quidem frater, quidquid mihi placcret, id rectum se putare ajebat, id animo æquissimo sequebatur. tuas nunc epistolas ¹⁶ a primo lego. hæc me paulum recreant. primæ monent et rogant, ne me projiciam. proximæ te gaudere ostendunt, me reman-

¹⁴ Aut præcidisse.] V. Clav. in præ-
eidere. tins est.

¹⁵ Me non primum.] Delevi cum
Grævio ne in *Mene*, quod Vict. addidit.
Superiores omnes Me non: idque elegau-

¹⁶ A primo lego.] I. e. ex ordine tem-
poris, initiumque facio a prima, ut non-
nulli corrigi voluere. sed sæpe sic et a
primo.

sisse. eas cum lego, minus mihi turpis videor, ¹⁷ sed tam diu, dum lego : deinde emergit rursum dolor, et αἰσχροῦ φαντασία. quamobrem obsecro te, mi Tite, eripe mihi hunc dolorem, aut minue saltem, aut consolatione, aut consilio, aut quacumque re potes. quid tu autem possis? aut quid homo quisquam? vix Deus jam. Equidem illud molior, quod tu mones sperasque fieri posse, ut mihi Cæsar concedat, ut absim, cum aliquid in senatu contra Cnæum agatur. sed timeo, ne non impetrem. venit ab eo Furnius, (ut quidem scias, quos sequamur) Q. Titinii filium cum Cæsare esse nuntiat: sed p. 139. illum majores mihi gratias agere, quam vellem. quid autem a. me roget, (paucis ille quidem verbis, sed ἐν δυνάμει,) cognosce ex ipsius epistola. me miserum, quod tu non valuisti. una fuisset: consilium certe non defuisset

Σὺν τε δὴ ἔρχομένῳ.

sed acta ne agamus; reliqua paremus. me adhuc hæc duo fefellerunt; initio spes compositionis, qua facta, volebam uti populari, vita sollicitudine sencetutem nostram ¹⁸ liberari; deinde bellum crudele et exitiosum suscipi a Pompeio intelligebam. Melioris mediusfidius civis et viri putabam, quovis supplicio affici, quam illi crudelitati non solum præesse, verum etiam interesse. videtur vel mori satius fuisse, quam esse cum iis. Ad hæc igitur cogita, mi Attice, vel potius excogita. quemvis eventum fortius feram, quam hunc dolorem.

CÆSAR, IMP. S. D. CICERONI, IMP.

CUM Furnium nostrum tantum vidissem, neque loqui, neque audire meo commodo potuissem, properarem, atque essem in itinere, præmissis jam legionibus; præterire tamen non potui, quin et scriberem ad te, et illum mitterem gratiasque agerem: etsi hoc et feci sæpe, et sæpius mihi facturus videor; ita de me mereris. in primis a te peto, quoniam confido, me celeriter ad urbem venturum, ut te ibi videam, ut tuo consilio, gratia, dignitate, ope omnium re-

¹⁷ Sed tam diu, dum lego.] Tam diu teque vetus revocavit Grævius. Sequens mihi de glossa suspectum semper fuit: membrum deinde, &c. non satis consentit nam id est in dum. primo, spes compositionis, qua facta, &c.

¹⁸ Liberari.] Sic edd. pr. et sic res consentiet, si addatur, quod: deinde bellum c. et exitiosum, quod suscipi a P. videbam.

rum uti possim. Ad propositum revertar: festinationi meæ brevitatiq̃ue litterarum ignosces. reliqua ex Furnio cognosces.

p. 141.

CÆSAR OPPIO CORNELIO S.

a.

GAUDEO mehercule, vos significare litteris, quam valde probetis ea, quæ apud Corfinium sunt gesta. consilio vestro utar libenter, et hoc libentius, quod mea sponte facere constitueram, ut quam lenissimum me præberem; et Pompeium, darem operam, ut reconciliarem. tentemus hoc modo, si possumus omnium voluntates recuperare, et diuturna victoria uti: quoniam reliqui crudelitate odium effugere non potuerunt, neque victoriam diutius tenere, præter unum L. Sullam, quem imitaturus non sum. hæc nova sit ratio vincendi; ut misericordia et liberalitate nos muniamus. id quemadmodum fieri possit, nonnulla mihi in mentem veniunt, et multa reperiri possunt. De his rebus, rogo vos, ut cogitationem suscipiatis. Cn. Magium, Pompeii præfectum, deprehendi. scilicet meo instituto usus sum, et eum statim missum feci. jam duo præfecti fabrūm Pompeii in meam potestatem venerunt, et a me missi sunt. si volent grati esse, debebunt Pompeium hortari, ut malit mihi esse amicus, quam his, qui et illi et mihi semper fuerunt inimicissimi: quorum artificiiis effectum est, ut respublica in hunc statum perveniret.

b.

BALBUS CICERONI, IMP. S.

S. V. B. E. Posteaquam litteras communes cum Oppio ad te dedi, ab Cæsare epistolam accepi, ejus exemplum tibi misi; ex quibus perspicere poteris, quam cupiat concordiam et Pompeium reconciliare, et quam remotus sit ab omni crudelitate: quod eum sentire, ut debeo, valde gaudeo. De te et tua fide et pietate idem mehercule, mi Cicero, sentio, quod tu; non posse tuam famam et officium sustinere, ut contra eum arma feras, a quo tantum beneficium te accepisse prædices. Cæsarem hoc idem probaturum, exploratum, pro singulari ejus humanitate, habeo; eique cumulatissime satisfacturum te certo scio, cum nullam partem belli contra eum suscipias, neque socius ejus adversariis fueris. atque hoc non solum in te, tali et tanto viro, satis habebit, sed etiam mihi ipse sua concessit vo-

luntate, ne in iis castris essem, quæ contra Lentulum aut Pompeium futura essent; quorum beneficia maxima haberem: sibi que satis esse dixit, si rogatus urbana officia sibi præstitissem; quæ ¹⁹etiam illis, si vellent, præstare possem. itaque nunc Romæ omnia negotia Lentuli procuro, sustineo; meumque officium, fidem, pietatem his præsto. sed mehercule rursus jam abjectam compositionis spem non desperatissimam esse puto; quoniam Cæsar est ea mente, qua optare debemus. hac re mihi placet, si tibi videtur, te ad eum scribere, et ab eo præsidium petere, ut petisti a Pompeio, me quidem approbante, temporibus Milonianis. præstabo, (si Cæsarem bene novi,) eum prius tuæ dignitatis, quam suæ utilitatis rationem habiturum. Hæc quam prudenter tibi scribam, nescio: sed illud certe scio, me ab singulari amore ac benivolentia, quæcumque scribo, tibi scribere: quod te (ita, incolumi Cæsare, moriar) tanti facio, ut paucos æque ac te caros habeam. De hac re cum aliquid constitueris, velim mihi scribas. nam non mediocriter laboro, ut utrique, ut vis, tuam benivolentiam præstare possis: quam mehercule te præstaturum confido. Fac valeas.

p. 142.
a.

BALBUS ET OPPIUS S. D. M. CICERONI.

²⁰ NEDUM hominum humilium, ut nos sumus, sed etiam amplissimorum virorum consilia ex eventu, non ex voluntate, a plerisque probari solent: tamen freti tua humanitate, quod verissimum nobis videbitur, de eo, quod ad nos seripsisti, tibi consilium dabimus: quod si non fuerit prudens, at certe ab optima fide et optimo animo proficiscetur. Nos, ²¹nisi, quod nostro iudicio Cæsarem facere oportere existimamus, ut simul Romam venerit, agat de reconciliatione gratiæ suæ et Pompeii, id eum facturum, ex ipso cognovissemus, te hortari desineremus, ut velles iis rebus interesse, quo facilius et majore cum dignitate per te, qui utrique es conjunctus, res tota conficeret: aut, si ex contrario putaremus Cæsarem id non facturum, et eum velle

¹⁹ Etiam illi, si vellem, pr. p.] Edd. pr. et Mss. illis, Lentulo et Pompeio. recte. nam et mox est his. illi est a Bosio. Sed quid si vellem? volebat enim. Puto scribendum vellent.

²⁰ Nedum - - sed etiam.] Insolenter pro Non modo - - sed etiam. Sic et infra, X, 18.

²¹ Nisi id.] Delevi cum Malasp. Lamb. Gravio id. abest et ab ed. Rom.

cum Pompeio bellum gerere sciremus; numquam tibi suaderemus, contra hominem, optime de te meritum, arma ferres; sicuti te semper oravimus, ne contra Cæsarem pugnares. sed cum etiamnum, quid facturus Cæsar sit, magis opinari, quam scire possimus: non possumus, nisi hoc;
 b. non videri cam tuam esse dignitatem, neque fidem omnibus cognitam, ut contra alterutrum, cum utrique sis maxime necessarius, arma feras: et hoc, non dubitamus, quin Cæsar pro sua humanitate maxime sit probaturus. nos tamen (si tibi videbitur) ad Cæsarem scribemus, ut nos certiores faciat, ²² quid hac re acturus sit: a quo si erit nobis rescriptum, statim, quæ sentiemus, ad te scribemus: et tibi fidem faciemus, nos ea suadere, quæ nobis videntur tuæ dignitati, ²³ non Cæsarisi rationi, esse utilissima: et hoc Cæsarem, ²⁴ pro sua indulgentia in nos, probaturum putamus.

7

CICERO ATTICO S.

p. 139.

a.

SCRIPSERAM ad te epistolam, quam darem iv Id. sed eo die is, cui dare volueram, non est profectus. venit autem eo ipso die ille celeripes, quem Salvius dixerat: attulit uberrimas tuas litteras, quæ ²⁵ mihi quiddam quasi animulæ restillarunt. recreatum enim me non queo dicere. sed plane τὸ συνέχον effecisti. ego enim non jam id ago, mihi crede, ut prosperos exitus consequar. sic enim video, nec duobus his vivis, nec hoc uno, nos umquam rempublicam habituros. ita neque de otio nostro spero jam, nec ullam acerbitatem recuso. unum illud extimescebam, ne quid turpiter facerem, ²⁶ vel, dicam, jam effecissem. sic ergo habeto, salutes te mihi litteras misisse: neque solum has longiores, quibus nihil potest esse explicatius, nihil perfectius; sed etiam illas breviores, in quibus hoc mihi jucundissi-

²² Quid hac re.] Melius foret hac de re: sed et supra sic est in ep. præced. in tamen addunt edd. Ascensii et alii.

²³ Non Cæsaris rationi.] Edidimus rationi, ut videbatur legendum Grævio, pro vulgato actioni. Sic habent edd. Jens. Asc. Aldi, &c. actioni est in ed. Rom.

²⁴ Pro sua ind. in nos.] Sic edd. Rom. Asc. Ald., &c. recte. placebat et Grævio. in suos primus dedit Jensonus. Cæsar utique in omnes suos indulgens potuit fuisse: sed hic debet aliquid esse, quod his proprium esset.

²⁵ M. quiddam q. animulæ restillarunt.]

Hæc lectio est a Bosio e Ms. Edd. pr. valde primum vitiosæ, deinde variæ. in ed. Rom. lectione sensus nullus est. in ed. Jens. et Asc. est stillarunt, cetera corrupta. Aldinæ quiddam quæ stare in instillarunt. Proclivis sum, ad stillarunt præferendum: unum illud obstat, quod Cicero videri potest restillarunt scripsisse, quia sequitur recreatum.

²⁶ Vel, dicam, jam effecissem.] Cur effecissem, et non fecissem? sic legendum puto. etiam alibi efficere inculcatum est proficere.

mum fuit, consilium factumque nostrum ²⁷ a Sexto probari: pergratumque mihi tu fecisti, a quo diligi me, et, quid rectum sit, intelligi, scio. Longior vero tua epistola non me solum, sed meos omnes ægritudine levavit. itaque utar tuo consilio, et ero in Formiano: ne aut ad urbem ἀπάντησις mea animadvertatur: aut, si nec hic nec illic eum videro, devitatum se a me putet. Quod autem suades, ut ab eo petam, ut mihi concedat, ut idem tribuam Pompeio, quod ipsi tribuerim: id me jam pridem agere intelliges et litteris Balbi et Oppii; quarum exempla tibi misi. misi etiam Cæsaris ad eos, sana mente scriptas; quo modo in tanta insania. sin mihi Cæsar hoc non concedat; video tibi placere illud, me πολίτευμα de pace suscipere: in quo non extimesco periculum. cum enim tot impendeant, cur non honestissimo depecisci velim? sed vercor, ne Pompeio quid oneris imponam;

p. 140.
a.

²⁸ Μή μοι γοργεῖν κεφαλὴν λεινωῖο πελώρου

intorqueat. mirandum enim in modum Cnæus noster Sullani regni similitudinem concupivit. εἰδώς σοι λέγω. ²⁹ nihil ille umquam minus obscure tulit. cum hocne igitur, inquires, esse vis? beneficium sequor, mihi crede, non causam, ut in Milone, ut in. ³⁰ sed hactenus. Causa igitur non bona est? immo optima: sed agetur (memento) foedissime. primum, consilium est, suffocare urbem et Italiam fame, deinde, agros vastare, urere, pecuniis locupletum non abstinere. sed, cum eadem metuam ab hac parte: si illinc beneficium non sit, rectius putem quidvis domi perpeti. sed ita meruisse illum de me puto, ut ἀχαριστίας crimen subire non audeam. quamquam a te ejus quoque rei justa defensio est explicata. De triumpho tibi assentior: quem quidem totum facile et libenter abjecero. ³¹ egregie probo fore, ut, dum agamus, ὁ πλοῦς ὠραῖος obrepat: si modo, inquis, satis ille erit firmus. est firmior etiam quam putabamus. ³² de

²⁷ A Sexto.] Peducco. mox pergratumque mihi tu fecisti, int. quod cum eo de consilio aut facto meo es locutus.

²⁸ Μὴ μοι - - intorqueat.] Ne irato vultu me terreat.

²⁹ Nihil - - minus obscure tulit.] Contextus videtur postulare, nihil minus occultavit, quam hanc suam cupiditatem, nihil magis præ se tulit. alias etiam intelligi potest de offensione non dissimulata,

si quis in hoc genere ei adversaretur, de pace loqueretur.

³⁰ Sed hactenus.] Hæc addit Grævius e Mss. suis, quod alias in hac formula additur.

³¹ Egregie probo, fore.] Plane puto verum esse, quod scribis, dum nos de triumpho agimus, ut opportunitas navigandi ad Pompeium non prætermittenda subito existat.

³² De isto.] Non de persona, sed de

isto licet bene speres. promitto tibi, si valebit, tegulam illum in Italia nullam relicturum. tene igitur socio? contra mehercule meum iudicium, et ³³ contra omnium antiquorum auctoritatem: nec tam ut illa adjuvem, quam ut ³⁴ hæc ne videam, cupio discedere. noli enim putare tolerabiles horum insanias, nec uniusmodi fore. etsi quid te horum fugit? legibus, iudiciis, senatu sublato, libidines, audacias, sumtus, egestates tot egentissimorum hominum, nec privatas
 b. posse res, nec rempublicam sustinere. Abeamus igitur inde qualibet navigatione: etsi id quidem, ut tibi videbitur: sed certe abeamus. sciemus enim, id quod exspectas, quid Brundisii actum sit. Bonis viris quod ais probari, quæ adhuc fecerimus, scirique, ab iis nos non profectos, valde gaudeo; si est nunc ullus gaudendi locus. De Lentulo investigabo diligentius: id mandavi Philotimo, homini forti ac nimium optimati. Extremum est, ³⁵ ut tibi argumentum ad scribendum fortasse jam desit: (nec enim alia de re nunc ulla scribi potest; et de hac quid jam amplius inveniri potest?) sed quoniam et ingenium suppeditat, (dico mehercule, ut sentio,) et amor, quo et meum ingenium incitatur; perge, ut facis, et scribe, quantum potes. In Epirum quod me non invitas, comitem non molestum, subirascor: sed vale. nam, ut tibi ambulandum, ungendum, sic mihi dormiendum. etenim litteræ tuæ mihi somnum attulerunt.

8

CICERO ATTICO S.

³⁶ CŒNANTIBUS pridie Idus nobis, ac noctu quidem, Staius a te epistolam brevem attulit. De L. Torquato ³⁷ quod quæris, non modo Lucius, sed etiam Aulus profectus est; ³⁸ alter multos D. ³⁹ De Reatinorum corona

re, negatim capiunt. ego malim de Cæsare, ut sit hoc Attici. sed bene speres est ironicum.

³³ Contra om. antiquorum auctoritatem.] Romanorum, clarorum in rep. virorum exempla, qui mori malebant, quam talibus interesse.

³⁴ Hæc ne videam.] Quæ Cæsariani faciunt.

³⁵ Ut tibi a. ad scr. desit.] Si maxime tibi desit materia scribendi. nec enim - - inveniri potest, in parenthesi accipienda.

³⁶ Cœnantibus, &c.] Hæc epistola in ed. Rom. cum septima cœneret. male. ceterum epistolæ Cæsaris, Balbi, item

Balbi et Oppiorum subjicienda est. itaque nos fecimus. in omnibus edd. usque a Jensoniana ei postponuntur.

³⁷ Quod modo quæris.] Modo delendum esse, recte iudicat Malaspina. quia in duobus Mss. non reperit, delevi.

³⁸ Alter multos D.] Sic e Ms. dedit Bosius. D. intelligit dies, ut dedit Grævius. Sed intelligi potest, abrupte scribente Cicerone, ut sæpe in his epistolis.

³⁹ De R. Corona.] Intelligo, quod scribis apud Reatinos sub corona venditus esse captivos. alii de concione et circulis accipiunt, in quo sermones facti de Punteo maligni.

quod scribis, moleste fero in agro Sabino sementem fieri proscriptionis. Senatores multos esse Romæ, nos quoque audieramus. ecquid potes dicere, cur exierint? In his locis opinio est, conjectura magis, quam nuntio, aut litteris, Cæsarem Formiis a. d. xi Kal. Apr. fore. hic ego vellem habere Homeri ⁴⁰illam Minervam simulatam Mentori, cui dicerem :

Μέντορ πῶς τ' ἄρ' ἴω, πῶς τ' ἄρ' προσπύξομαι αὐτόν;

p. 141.

nullam rem umquam difficiliorem cogitavi. sed cogito tamen; nec ero, ut in malis, imparatus. sed cura, ut valeas. puto enim, diem tuum heri fuisse.

CICERO ATTICO S.

9

TRIS epistolas tuas accepi postridie Idus. erant autem IV, III, pridie Idus datæ. igitur antiquissimæ cuique primum respondebo. Assentio tibi, ut in Formiano potissimum commorer: etiam ⁴¹de supcro mari; palpaboque, ut antea ad te scripsi, cequonam modo possim, voluntate ejus, nullam reipublicæ partem attingere. Quod laudas, quia oblivisci me scripsi ante facta et delicta nostri amici: ego vero ita facio. quin ea ipsa, quæ a te commemorantur, secus ab eo in me ipsum facta esse, non memini: tanto plus ⁴²apud me valere beneficii gratiam, quam injuriæ dolorem, volo. faciamus igitur, ut censes, colliganusque nos. σοφιστεύω enim, simul ut rus decurro, atque in decursu θέσεις meas commentari non desino. sed sunt quædam earum perdifficiles ad judicandum. ⁴³De optimatibus, sit sanc ita, ut vis: sed nosti illud, Διονύσιος ἐν Κορνηθῳ. Titinii filius apud Cæsarem est. Quod autem quasi vereri videris, ne mihi tua consilia displiceant; me vero nihil delectat aliud, nisi consilium et litteræ tuæ. quare fac, ut ostendis, ne destiteris ad me, quidquid tibi in mentem venerit, scribere. mihi nihil potest esse gratius. Venio ad alteram nunc epistolam. Recte non credis de numero militum. ipso dimidio plus scripsit Clodia. falsum etiam de corruptis navibus.

p. 143.

a.

40 Illam Minervam.] Alteram illam, quod est in vulgatis, delevi. non est in edd. pr. nec hic vim habere potest aliquam repetitio ejus.

41 De supcro mari.] Per id non esse navigandum, si abire vellet ex Italia, scripserat.

42 Apud me valere.] Sic semper in hac forma Cicero; sic edd. pr. non ad me,

ut recentiores dedere.

43 De optimatibus, &c.] Sensus est: sit ita, optimates Romæ probare, quod in Italia manserim, non secutus Pompeium, cum tutus hic sim a Cæsare: sed Cæsar, quamvis jam potens, potest, ut ille Dionysius, potentia sua privari, victore Pompeio. quid tum fiet?

Quod consules laudas; ego quoque animum laudo, sed consilium reprehendo. ⁴⁴dispersu enim illorum, actio de pace sublata est; quam quidem ego meditabar. itaque postea Demetrii librum de concordia tibi remisi, et Philotimo dedi. nec vero dubito, quin exitiosum bellum impendeat, cujus initium ducetur a fame. et me tamen doleo non interesse huic bello; in quo tanta vis sceleris futura est, ut, cum parentes non alere nefarium sit, nostri principes antiquissimam et sanctissimam parentem, patriam, fame necandam putent. atque hoc non opinione timco, sed interfui sermonibus. omnis hæc classis Alexandria, ⁴⁵Colchis, Tyro, Sidone, Arado, Cypro, Pamphylia, Lycia, Rhodo, Chio, Byzantio, Lesbo, Smyrna, Miletó, Coö, ad intercludendos commercatus Italiæ, et ad occupandas frumentarias provincias comparatur. at quam veniet iratus! et iis quidem maxime, qui eam maxime salvam volebant, quasi relictus ab iis, quos reliquit. itaque mihi dubitanti, quid me facere par sit, permagnum pondus affert benivolentia erga illum; qua de tanta perire melius esset in patria, quam ⁴⁶patriam servando evertere. ⁴⁷De Septentrione, plane ita est. metuo, ne vexetur Epirus. sed quem tu locum Græciæ non direptum iri putas? prædicat enim palam, et militibus ostendit, ⁴⁸se largitione ipsa superiorem, quam hunc fore. Illud me præclare admones, cum illum videro, ne nimis
b. indulgenter, et ut cum gravitate potius loquar. plane sic faciendum. Arpinum, cum eum convenero, cogito, ne forte, aut absim, cum veniet, aut cursem huc illuc via deterrima. Bibulum, ut scribis, audio venisse, et redisse pridie Idus. Philotimum, ut ais epistola tertia, exspectabas. at ille Idib. a me ⁴⁹profectus est. eo serius ad tuam illam epistolam, cui ego statim rescripseram, redditæ sunt

⁴⁴ *Dispersu illorum.*] Sic plerique Mss. sic et ed. Rom. *dispersione* Jens. Asc. Ald. Crat. Victorini illud revocavit. Sed P. Man. edidit *discessu*, post eum alii, quod Malasp. servavit; cui assentitur. n. in sua sponte, non vi, abierant: nec dispersio de duobus dicitur.

⁴⁵ *Colchis.*] Nomen populi pro regionis nomine *Colchide*. intelligenda autem est regio Pontica. nam Pompeius Ponto imperasse naves, constat.

⁴⁶ *Patriam servando evertere.*] Quam patriam evertere, dum eam servare videri volumus, in belli communionem veniendo,

et contra dominationem defendendo patriam.

⁴⁷ *De Septentrione.*] Regionibus Græciæ versus septentrionem, in quas iro, et bellum contra Cæsarem parare vult Pompeius.

⁴⁸ *Se largitione ipsa, &c.*] Qua uti non potest, nisi direptionibus pecuniæ copias paraverit. *quam hunc* est fortasse a glossatore; nimis enim languet, nec sic alibi Cicerone.

⁴⁹ *Profectus est.*] Opinor erat, propterea exspectabas, et redditæ sunt sc. tibi.

meæ litteræ. De Domitio, ut scribis, ita opinor esse, ut et in Cosano sit, et consilium ejus ignoretur. ⁵⁰ Iste omnium turpissimus et sordidissimus, qui consularia comitia a prætore ait haberi posse, est ille quidem, qui semper in republica fuit. itaque nimirum hoc illud est, quod Cæsar scribit in ea epistola, ⁵¹ cujus exemplum ad te misi, se velle uti CONSILIO meo; age, esto hoc commune: GRATIA; ineptum id quidem; sed, puto, hoc simulat ad quasdam senatorum sententias: DIGNITATE; fortasse ⁵² sententiæ consularis. illud extremum est, OPE OMNIUM RERUM. id ego suspicari cœpi tum ex tuis litteris, aut hoc ipsum esse, aut non multo secus. nam permagnæ ejus interest, rem ad interregnum non venire. id assequitur, si per prætorem consules creantur. nos autem in libris habemus, non modo consules a prætore, sed ne prætores quidem creari jus esse, idque factum esse nunquam: consules, eo non esse jus, quod majus imperium a minore rogari non sit jus; prætores autem, cum ita rogentur, ut collegæ consulum sint, quorum est majus imperium. aberit non longe, quin hoc a me decerni velit, neque sit contentus Galba, Scævola, Cassio, Antonio.

Τότε μοι χάνει εἰρεῖα χθών.

sed quanta tempestas impendeat, vides. Qui transierint senatores, scribam ad te, cum certum habebo. De re frumentaria recte intelligis; quæ nullo modo administrari sine vectigalibus potest: nec sine causa et eos, ⁵³ qui circum illum sunt, omnia postulantes, et bellum nefarium times. Trebatium nostrum, etsi, ut scribis, nihil bene sperat, tamen videre sane velim: quem fac horteris, ut properet. opportune enim ad me ante adventum Cæsaris venerit. De Lanuino, statim, ut audiui Phameam mortuum, optavi, si modo esset futura respublica, ut id aliquis emeret meorum: neque tamen de te, qui maxime meus, cogitavi. sciebam enim te ⁵⁴ quoto anno, et quantum in solo, solere quærere: neque

p. 144.
a.

⁵⁰ Iste omnium turpissimus.] Putant esse Lepidum, post triumvirum, qui tum prætor fuerit, et voluerit consules creare.

⁵¹ Cujus exemplum.] Quod est supra, scriptæ ad Ciceronem, ep. 6.

⁵² Sententiæ consularis.] Sic Bosius edidit, quem secutus est Gruterus. edd. vett. *sententia consularis*, pro quo et conjecit Corradus *sent. consulari*. Bosii lectio melior. intelligitur dignitas et auctoritas sententiæ consularis, quæ uti cupie-

bat pro sua causa Cæsar, sc. ut consules crearentur. v. infra: *aberit non longe*, &c.

⁵³ Qui c. illum sunt.] Pompeianos. nam oratio ad Pompeii partes transiit, inde a verbis: *qui transierint*, sc. ad Pompeium in Epirum.

⁵⁴ Quoto anno, &c.] Sc. reddant fructibus sortem, in eo positam emendo, *quantum in solo*, v. Clav. in *solum*. dicit, eum non oblectationem in prædiis emendis spectare, sed reditus.

solum Romæ, sed etiam Deli ⁵⁵tuum digamma videram. verumtamen ego illud, quamquam est bellum, minoris æstimo, quam æstimabatur Marcellino consule, cum ego istos hortulos propter domum, Antii quam tum habebam, jucundiores mihi fore putabam, et minore impensa, quam si Tusculanum refecissem. ⁵⁶volui H-S. D. egi per prædem, ille daret, Antii cum habcret venale: noluit. sed nunc omnia ista jacere puto propter numorum caritatem. mihi quidem erit aptissimum, vel nobis potius, si tu emeris. sed ejus dementias cave contemnas. valde est venustum. quamquam mihi ista omnia jam addicta vastitati videntur. Respondi epistolis tribus: sed cxspecto alias. nam me adhuc tuæ litteræ sustentant. D. Liberalibus.

10

CICERO ATTICO S.

NIHIL habebam, quod scriberem. neque enim novi quidquam audieram, et ad tuas omnes rescripseram pridie.
 b. sed, cum me ægritudo non solum somno privaret, verum ne vigilare quidem sine summo dolore pateretur, tecum ut quasi loquerer, in quo uno acquiesco, hoc nescio quid, nullo argumento proposito, scribere institui. Amens mihi fuisse videor a principio, et me una hæc res torquet, quod non, omnibus in rebus labentem, vel potius ruentem Pompeium tamquam unus manipularis secutus sim. vidi hominem xiv Kal. Febr. plenum formidinis. illo ipso die sensi, quid ageret. numquam mihi postea placuit; nec umquam. ⁵⁷aliud in alio peccare destitit. nihil interim ad me scribere, nihil nisi fugam cogitare. quid quæris? sicut ἐν τοῖς ἐρωτικοῖς alienant immundæ, insulsæ, indecoræ: sic me illius fugæ negligentiaeque deformitas avertit ab amore. nihil enim dignum faciebat, quare ejus fugæ comitem me adjungerem. nunc emergit amor; nunc desiderium ferre non possum; nunc mihi nihil libri, nihil litteræ, nihil doctrina prodest: ita dies et noctes, ⁵⁸tamquam avis illa, mare prospecto;

⁵⁵ Tuum digamma.] V. Clav. in h. v.
⁵⁶ Volui H-S. Q.] Intelligunt quingenties. Sed ita ellicitur summa pecuniæ major, quam pro tali prædio. Manutius intelligit quingentis millibus. In ed. Rom. post H-S est lacuna. et sequitur, et cum Q. egi. Locus est corruptus: nec enim sanare possum. Ceterum quia numeri ap. Latinos non per primam verbi litteram ex-

primantur, sed per signa, scripsi D. e quo et Q. nasci potuit.

⁵⁷ Aliud in alio.] Sc. genere: i. e. in omni genere rerum susceptarum. Sed tamen suspicatus sum aliud ex alio. nam illius formæ exemplum non reperi.

⁵⁸ Tamquam avis illa.] Illa sc. ap. Platonem, ep. 9. ubi se dicit inclusum hortis, velut cavea, prospicere extra et avo-

evolare cupio. Do, do poenas temeritatis meae: etsi quae fuit illa temeritas? quid feci non consideratissime? si enim nihil praeter fugam quaereretur, fugissem libentissime: sed genus belli crudelissimi et maximi, quod, nondum vident homines, quale futurum sit, perhorruui. quae minae municipiis? quae nominatim viris bonis? quae denique omnibus, qui remansissent? quam crebro illud, *Sulla potuit, ego non potero*? Mihi autem haescrunt illa: male Tarquinius, qui Porsenam, qui Octavium Mamilium contra patriam; impie Coriolanus, qui auxilium petiit a Volscis; recte Themistocles, qui mori maluit; nefarius Hippas, Pisistrati filius, qui in Marathoniam pugna cecidit, arma contra patriam ferens. at Sulla, at Marius, at Cinna recte, immo jure fortasse. sed quid eorum victoria crudelius? quid funestius? hujus belli genus fugi, et eo magis, quod crudeliora etiam cogitari et parari videbam. me, quem nonnulli conservatorem istius urbis, quem parentem esse dixerunt, Getarum, et Armeniorum, et Colchorum copias ad eam adducere? me meis civibus famem, vastitatem inferre Italiae? ⁵⁹ Hunc primum mortalem esse, deinde etiam multis modis posse extinguere cogitabam: urbem autem, et populum nostrum servandum ad immortalitatem, quantum in nobis esset, putabam; et tamen ⁶⁰ spes quaedam me obtentabat, fore, ut aliquid conveniret potius, quam aut ⁶¹ hic tantum sceleris, aut ille tantum flagitii admitteret. alia res nunc tota est, ⁶² alia mens mea. Sol, ut est in tua quadam epistola, excidisse mihi e mundo videtur. Ut aegrotō, dum anima est, spes esse dicitur; sic ego, quoad Pompeius in Italia fuit, sperare non destiti. haec, haec me fefellerunt; et, ut verum loquar, aetas jam a diuturnis laboribus devexa ad otium, domesticarum me rerum delectatione molliit. nunc, si vel periculo experiundum erit, experiar certe, ut hinc avoleam. ante oportuit fortasse. sed ⁶³ ea, quae scripsi, me tardarunt, et auctoritas maxime

p. 145.
a.

lare cupere. nam illa cum Bosio intelligere adverbialiter pro illac, non patiuntur cetera, mare, evolare cupio.

⁵⁹ Hunc.] Ad Caesarem pertinet.

⁶⁰ Spes obtentabat.] Sic consensu libri esse debet pro tenebat, quod in hac sententia dicitur. Ceterum hujus verbi exemplum nullum aliud est.

⁶¹ Hic - - sceleris, ille - - flagitii.] Caesar tyrannide invadenda, Pompeius Italian ad vastitatem vocanda.

⁶² Alia mens mea.] Nempe, quia tota res est commutata, etiam mens mea mutata est. Sic edd. pr. Meus primi omiserunt Victorius et P. Manutius. intelligunt: quia tota res mutata est, etiam mea mutari debuit: male. quid est hic res mea? quis sic loquitur? mutatis rebus mutantur consilia: et id factum tum, ut patet et aeqq. itaque veterem lectionem revocaui.

⁶³ Ea, quae scripsi.] Sc. paullo ante: sic bene e. Mss. suis Graevius. nam de iis,

tua. nam cum ad hunc locum venissem, evolvi volumen epistolarum tuarum, quod ego sub signo habeo, servoque diligentissime. erat igitur in ea, quam x Kalend. Febr. dederas, hoc modo: *sed videamus, et Cnæus quid agat, et illius rationes quorsum fluant. Quodsi iste Italiam relinquet; faciet omnino male, et, ut ego existimo, ἀλογιστως: sed tum demum consilia nostra commutanda erunt.* Hoc scribis post diem quartum, quam ab urbe discessimus. deinde viii
b. Kalend. Febr. *tantummodo Cnæus noster, ne, ut urbem ἀλογιστως reliquit, sic Italiam relinquat.* Eodem die das alteras, quibus mihi consulenti planissime respondes. est enim sic *sed venio ad consultationem tuam. si Cnæus Italia cedit, in urbem redeundum puto: quæ enim finis peregrinationis?* Hoc mihi plane hæsit: et nunc ita video, infinitum bellum junctum miserrima fuga; quam tu peregrinationem ὑποκορίζη. Sequitur χρησμός vi Kalend. Februar. *Ego, si Pompeius manet in Italia, nec res ad pactionem venit, longius bellum puto fore: sin Italiam relinquit, ⁶⁴ ad posterum bellum ἄσπονδον strui existimo.* Hujus igitur belli ego particeps et socius et adjutor esse cogor; ⁶⁵ quod et ἄσπονδον est, et cum civibus. Deinde vii Idus Februar. cum jam plura audires de Pompeii consilio, concludis epistolam quandam hoc modo: *Ego quidem tibi non sim auctor, si Pompeius Italiam relinquit, te quoque profugere. summo enim periculo facies, nec reipublicæ proderis; cui quidem posterius poteris prodesse, si manseris.* Quem φιλόπατριν ἀ πολιτικόν, hominis prudentis et amici, tali admonitu, non moveret auctoritas? Deinceps iii Idus Februar. iterum mihi respondes consulenti sic: *Quod quæris a me, fugamne fidam, ⁶⁶ an moram desereudam utiliore putem: ego vero in præsentia subitum discessum, et præcipitem profectionem, cum tibi, tum ipsi Cnæo inutilem et periculosam puto: et satius esse existimo, vos dispertitos, et in speculis esse. sed medius fidius turpe nobis puto esse, de fuga cogitare.* Hoc

quæ Atticus scripserat, post dicit, maxime auctoritas tua.

64 *Ad posterum bellum - - strui.*] Ad p. pro in p. Sed quorsum id additur, quod est clare satis in *strui*? et quomodo hæc tota sententia differt a priori, ubi longum bellum putat fore?

65 *Quod et ἄσπ. est, et c. c.*] Addidi est, quod add. pr. habent, sed sine et, quod exciderat.

66 *An moram desereudam.*] Sic edd. vett. et plures scr. quod varie mutatum est. mora desereuda esset incerta: sed non credo id Atticium sio dixisse. dixisset *in fidam*. quid scripserit, nondum reperi. Sed et epitheton *fida* mihi non satis certum videtur. nec tamen id corrigendum est *fadam*, vel *defadum*, ut cum Bosio Gruterus dedit. nam ita non Atticus sordiditatem ejus demum ostendisset.

turpe Cnæus noster biennio ante cogitavit: ita sullaturit
 animus ejus, et proscripserit diu. Inde, ut opinor, cum tu p. 146.
 ad me quædam a. γενικώτερον scripsisses, et ego mihi a te quæ-
 dam significari putassem, ut Italia cederem: detestaris hoc
 diligenter XI Kalend. Mart. Ego vero nulla epistola signi-
 ficavi, si Cnæus Italia cederet, ut tu una cederes: aut, si
 significari, non dico fui inconstans, sed demens. In eadem
 epistola alio loco, Nihil relinquitur, nisi fuga: cui te so-
 cium neutiquam puto esse oportere, nec umquam putavi.
 Totam autem hanc deliberationem evolvis accuratius in
 litteris IX Kalend. Mart. datis. Si M. Lepidus et L. Vol-
 catius remanent, manendum puto, ita ut, ⁶⁷ si salvus sit Pom-
 peius, et constiterit alicubi, hanc *νεκρίαν* relinquant, et te in
 certamine vinci cum illo facilius patiaris, quam cum hoc in
 ea, quæ perspicitur futura, colluvie regnare. Multa dispu-
 tas huic sententiæ convenientia. inde ad extremum. Quid
 si, inquis, Lepidus et Volcatius discedunt? plane ἀπορῶ.
 Quod evenerit igitur, et quod egeris, id στερκρόν putabo. ⁶⁸ Si
 tum dubitaras, nunc certe non dubitas, istis manentibus.
 Deinde in ipsa fuga v Kal. Mart. Interea non dubito, quin
 in Formiano mansurus sis. commodissime enim τὸ μέλλον ibi
 παραδοθήσεις. Ad Kal. Mart. cum ille quintum jam diem
 Brundisii esset: Tum poterimus deliberare, non scilicet in-
 tegrali re, sed certe minus infracta, quam si una projeceris te.
 Deinde iv Nonas Mart. ὑπὸ τὴν λήψιν cum breviter scriberes,
 tamen ponis hoc: Cras scribam plura, et ad omnia: hoc
 tamen dicam, non poenitere me consilii de tua mansionem: et,
 quamquam magna sollicitudine, tamen, quia minus mali puto
 esse, quam in illa projectione, maneo in sententia, et gaudeo
 te mansisse. Cum vero jam angerer, et timerem, ne quid a b.
 me dedecoris esset admissum, iii Nonas Mart. Tamen, te
 non esse una cum Pompeio, non fero moleste. Postea si opus
 fuerit, non erit difficile; et illi, quoquo tempore fiet, erit
 ἀσμένιστον. sed hoc ita dico, si hic, qua ratione initium fecit,
 eadem cetera agat, sincere, temperate, prudenter; valde vi-
 dero, et consideratius utilitati nostræ consulero. VII Idus
 Mart. scribis Peduceo quoque nostro probari, quod quie-
 rim, cujus auctoritas multum apud me valet, His ego tuis

67 Si salvus sit.] I. e. evaserit Cæsarem
 salvus, vel persequentem vel Brundisii
 obsidentem: et constiterit alicubi, ut post
 factum ad Dyrrhachium in Epiro.

68 Si tum dubitaras.] Sic Bosius et
 secutus Gruterus. Edd. pr. et Mss. du-
 bitares. Immo legendum dubitabas. melius
 tamen est dubitaras quam dubitares.

scriptis me consolor, ut nihil a me adhuc delictum putem. tu modo auctoritatem tuam defendito; adversus me, nihil opus est: sed consciis egeo aliis. ego, si nihil peccavi, reliqua tuebor. ad ea tu te hortare, et me omnino tua cogitatione adjuva. Hic nihildum de reditu Cæsaris audiebatur. Ego his litteris hoc tamen profeci; perlegi omnes tuas, et in eo acquievi.

11

CICERO ATTICO S.

⁶⁹ LENTULUM nostrum scis Puteolis esse: quod cum e viatore quodam esset auditum, qui se diceret cum in Appia, cum is paullum lecticam apcruisset, cognosse, etsi vix verisimile, misi tamen Puteolos pueros, qui pervestigarent, et ad eum litteras. inventus est vix in hortis suis se occultans, litterasque mihi remisit, mirifice gratias agens Cæsari: de suo autem consilio ⁷⁰ C. Cæcio mandata ad me dedisse. cum ego hodie exspectabam, id est XIII Kal. April. Verit etiam ad me Matus Quinquatribus, homo mchercule, ut mihi visus est, temperatus et prudens: existimatus quidem est semper auctor otii. quam ille hæc non probare mihi quidem visus est! quam illam *νεκρία*, ut tu appellas, timere!

p. 147. ^{a.} huic ego in multo sermone epistolam ad me Cæsaris ostendi, eam, cujus exemplum ad te antea misi; rogaviq; ut interpretaretur, quid esset, quod ille scriberet, consilio meo se uti velle, gratia, dignitate, ope rerum omnium. respondit, se non dubitare, quin et opem et gratiam meam ille ad pacificationem quæreret. utinam aliquod in hac miseria reipublicæ πολιτικὸν opus efficere et navare mihi liceat! Matus quidem et illum in ea sententia esse confidebat, et se auctorem fore pollicebatur. Pridie autem apud me Crassipes fuerat, qui se pridie Nonas Mart. Brundisio profectum, atque ibi Pompeium reliquisse dicebat: quod etiam, qui IIX Idus illinc profecti erant, nuntiabant: ⁷¹ illa vero omnes, in quibus etiam Crassipes, (⁷² qui prudentia potius attendere,) sermones minaces, inimicos optimatum, municipiorum hostis, meras proscriptiones, meros Sullas: quæ

⁶⁹ *Lentulum n.*] In edd. pr. hæc ep. his: et illa non salutaria. Sed suspicatus colueret precedenti. male.

⁷⁰ *C. Cæcio.*] Qui sit hic Cæcius, nescio. Ed. Jens. tamen habet C. Cælius.

⁷¹ *Illu vero omnes.*] Nempe, quæ post memorantur, sermones minaces, &c. int. nuntiabant? ex anteced. Sic et infra de

⁷² *Qui prudentia, &c.*] Hæc sunt vitiosa, nec intelligo. nec aliæ lectiones, ut edd. pr. qui pr. potius a., placent: nec emendatio Grævii satisfacit, qua pr. potes attendere.

Lucceium loqui? quæ totam Græciam? ⁷³ quæ vero Theophanem? et tamen omnis spes salutis in illis est: et ego excubo animo, nec partem ullam capio quietis; et, ut has pestes effugiam, cum dissimillimis nostri esse cupio. Quid enim tu illic Scipionem, quid Faustum, quid Libonem prætermisurum sceleris putas? quorum creditores convenire dicuntur. quid eos autem, cum vicerint, ⁷⁴ in cives effecturos? quam vero ⁷⁵ μακροψυχίαν Cnæi nostri esse? nuntiant Ægyptum, et Arabiam εὐδαίμονα, et Μεσοποταμίαν cogitare, Hispaniam abjecisse. monstra narrant; quæ falsa esse possunt. sed certe et hæc perdita sunt, et illa non salutaria. Tuas litteras jam desidero. post fugam nostram ⁷⁶ numquam jam nostrum earum intervallum fuit. Misi ad te exemplum ^b litterarum mearum ad Cæsarem; quibus me aliquid profecturum puto.

CICERO, IMP. S. D. CÆSARI, IMP.

UT legi tuas litteras, quas a Furnio nostro acceperam, quibus mecum agebas, ut ad urbem essem; te velle uti consilio et dignitate mea, minus sum admiratus: de gratia et de ope quid significares, mecum ipse quærebam: spe tamen deducebar ad eam cogitationem, ut te pro tua admirabili ac singulari sapientia de otio, de pace, de concordia civium agi velle arbitrarer: et ad eam rationem existimabam satis aptam esse et naturam et personam meam. Quod si ita est; et si qua de Pompeio nostro tuendo, et tibi ac reipublicæ reconciliando cura te attingit; magis idoneum, quam ego sum, ad eam causam profecto reperies neminem: qui et illi semper, et senatui, cum primum potui, pacis auctor fui; nec, suntis armis, belli ullam partem attigi; iudicavique, eo bello te violari, contra cuius honorem, populi Romani beneficio concessum, inimici atque invidi niterentur. sed ut eo tempore non modo ipse fautor dignitatis tuæ fui, verum etiam ceteris auctor ad te adjuvandum; sic me nunc Pompeii dignitas vehementer movet. aliquot enim

73 Quæ vero Theophanem.] Vero hic angel. quæ adeo Theophanem loqui, qui sit homo nullius in rep. honoris aut dignitatis, qui de talibus loqui non debeat.

74 In cives effecturos.] Prima in effecturos ex ultima in cives potuit oriri. nam e sua consuetudine Cicero videtur dixisse in cives facturos. sic in tali re semper.

75 Μακροψυχίαν.] Rectissime probat Grævius correctionem viri docti ap. Mantium μακροψυχίαν. nam ironia hic locum non habet, ut opinor.

76 Numquam jam nostrum earum intervallum fuit.] Hoc certe vitiosum est. Correctio varia est. Levissima est delendo nostrum.

sunt anni, cum vos duo delegi, quos præcipue colerem, et quibus essem, sicut sum, amicissimus. Quamobrem a te peto, vel potius omnibus precibus oro et obtestor, ut in tuis maximis curis aliquid impertias temporis huic quoque cogitationi, ut tuo beneficio bonus vir, gratus, pius denique
 p. 148. ^{a.} essc, in maximi beneficii memoria, possim. quæ si tantum ad me ipsum pertinerent, sperarem me a te tamen impetraturum: sed, ut arbitror, et ad tuam fidem, et ad rempublicam pertinet, me e paucis, et ad utriusque vestrûm, et ad civium concordiam, per te, quam accommodatissimum, conservari. Ego, cum antea tibi de Lentulo gratias egissem, ⁷⁷ cum ei saluti, qui mihi fuerat, fuisses: tamen, lectis ejus litteris, quas ad me gratissimo animo de tua liberalitate beneficioque misit, eandem me salutem a te accepisse putavi, quam ille: in quem si me intelligis esso gratum; cura, obsecro, ut etiam in Pompeium esse possim.

12

CICERO ATTICO S.

LEGEbam tuas litteras XIII Kalend. cum mihi epistola affertur a Lepta, circumvallatum esse Pompeium, ⁷⁸ ratibus etiam exitus portus teneri. non medius fidius præ lacrymis possum reliqua nec cogitare, nec scribere. nisi ad te exemplum. miseros nos, cur non omnes fatum illius una executi sumus? ecce autem a Matio et Trebatio eadem: quibus Minturnis obvii Cæsaris tabellarii. torqueor infelix, ut jam illum Mucianum exitum exoptem. at quam honesta, at quam expedita tua consilia, quam evigilata tuis cogitationibus, ⁷⁹ quam itineris, quam navigationis, quam congressus, sermonisque cum Cæsare! omnia tum honesta, tum cauta. in Epirum vero invitatio quam suavis, quam liberalis, quam fraterna? De Dionysio, sum admiratus: qui apud me honoratior fuit, quam apud Scipionem Panætius: a quo impurissime hæc nostra fortuna despecta est. odi hominem, et odero: utinam ulcisci possem! sed illum
 b. ulciscantur mors sui. Tu, quæso, nunc vel maxime, quid agendum nobis sit, cogita. Populi Romani exercitus Cn.

⁷⁷ Cum ei saluti - - fuisses.] Dimisso incolumi, cum in potestate haberet, atque interficere posset. v. VIII, 9. et Cæs. B. Civ. I, 23.

⁷⁸ Ratibus etiam exitus portus teneri.] Hoc qui planius cognoscere velit, adeat

Cæs. B. C. I, 25. s.

⁷⁹ Quam - - quam, &c.] Sic habet ed. Rom. recte. Vulgatum qua - - qua est ex ed. Jens. quam omnes secuti sunt: quo pertineat qua, nemo dixit.

Pompeium circumsidet; fossa et vallo septum tenet; fuga prohibet; nos vivimus, et stat urbs ista? Prætores jus dicunt? Ædiles ludos parant? ⁸⁰ viri boni usuras perscribunt? ego ipse sedeo? Coner illuc ire, ut insanus? implorare fidem municipiorum? boni non sequentur; leves irridebunt; rerum novarum cupidi, victores præsertim et armati, vim et manus afferent. Quid censes igitur? ecquidnam est tui consilii ⁸¹ ad finem hujus miserimæ vitæ? nunc doleo, nunc torquor, cum quibusdam aut sapiens videor, quod una non ierim, aut felix fuisse. mihi contra. numquam enim illius victoriæ socius esse volui; calamitatis mallem fuisse. quid ego nunc tuas litteras, quid tuam prudentiam aut benivolentiam implorem? actum est. nulla re jam possum juvari, qui, ⁸² ne quod optem quidem, jam habeo, nisi ut aliqua inimici misericordia ⁸³ liberemur. οὐκ ἔστ' ἔτυμος λόγος, ut opinor, ille de ratibus. quid enim est, quod Dolabella his litteris, quas III Idus Mart. a Brundisio dedit, hanc ἐνημερίαν quasi Cæsaris scriberet, Pompeium in fuga esse? eumque primo vento navigaturum? quod valde discrepat ab iis epistolis, quarum exempla antea ad te misi. hic quidem mera scelera loquuntur. sed non erat nec recentior auctor, nec hujus rei quidem melior Dolabella.

CICERO ATTICO S.

13

TUAS XI Kalend. accepi litteras, quibus omnia consilia differs in id tempus, cum scierimus, quid actum sit. et certe ita est: nec interim potest ⁸⁴ quidquam non modo statui, ^{p. 149.} sed ne cogitari quidem. ^{a.} ⁸⁵ quamquam hæ mihi litteræ Do-

80 Viri boni u. p.] Res scænebris ab locupletibus (nam hi sunt h. l. viri boni,) exercetur, ut in pace.

81 Ad finem hujus m. vitæ.] Sic dedi ex edd. Jens. Asc. Ald. Crat. Vict. Ed. Rom. autem habet ad finis, quod secuti sunt post alii, primus P. Manutius, qui etiam ad finis, ut quidam alii. illud ad finis ita interpretantur, ut ad finem: i. e. qui sit finis faciendus hujus miserimæ vitæ.

82 Ne quod optem quidem, jam habeo.] Vulgo quid.

83 Liberemur.] Edd. veti. omnes litteretur, quod esset intelligendum de Pompeio. sed de hoc non est sermo, ut contextus docet facile. recte igitur correxit Bosius liberemur, quod et Gruterus secutus est.

84 Quicquam non modo statui, sed, &c.]

Addidi non modo ex edd. primis, Rom. Jens. Asc. Ald. Primus id delevit Victorius, et contra addidit quicquam: quem Mauntius et alii secuti sunt. non modo abesse non potest, quia sequitur sed. id si abesset, et illud ubesse posset. atque etiam in libris scr. repertum est. sed quicquam posset abesse: quia tamen et ipsum in libris scr. repertum est, servavi.

85 Quamquam hæ mihi litteræ.] Primum hæ mihi suspectum est, et natum videtur ex eo, quod hæc epistola in libris quibusdam, ut et in ed. Rom. cum priori conjuncta est, in qua est Dolabella his litteris. mihi porro non ad jubent referendum, sed enclitice accipiendum. quamquam suspicio est, id a germanizante librario additum esse.

labellæ jubent ad pristinas cogitationes reverti. fuit enim pridie Quinquatrus egregia tempestas, qua ego illum usum puto. ⁸⁶ Συγγαγῇ consiliorum tuorum non est a me collecta ad querelam, sed magis ad consolationem meam. nec enim me tam hæc mala angebant, quam suspicio culpæ ac temeritatis meæ: eam nullam puto esse, quoniam cum consiliis tuis mea facta et consilia consentiunt. Quod mea prædicatione factum esse scribis magis, quam ⁸⁷ illius merito, ut tantum ei debere viderer; est ita. ego illa extuli semper, et eo quidem magis, ne quid ille ⁸⁸ superiorum meminisse me putaret: quæ si maxime meminissem; tamen ⁸⁹ illius temporis similitudinem jam sequi debcrem. nihil me adjuvit, cum posset: et postea fuit amicus, etiam valde: ecquam ob causam, plane nescio. ergo ego quoque illi. quin etiam illud par in utroque nostrum, quod ab eisdem illiciti sumus. sed utinam tantum ego ei prodesse potuissem, quantum mihi ille potuit! mihi tamen, quod fecit, gratissimum: nec ego nunc, cum juvare qua re possim, scio: nec, si possem, cum tam pestiferum bellum pararet, adjuvandum putarem. tantum offendere animum ejus hic manens nolo. nec me hercule ista videre, quæ tu potes jam animo providere, nec interesse istis malis possem. sed eo tardior ad discedendum fui, quod difficile est de discessu voluntario, sine ulla spe redditus, cogitare. nam ego hunc ita paratum video peditatu, equitatu, classibus, auxiliis Gallorum, quos Matius ἐλάπιζεν, ut puto; sed certe dicebat, peditum ἑκκισ, equitum sex b. ⁹⁰ polliceri sumtu suo annos decem. sed sit hoc λάπισμα. magnas habet certe copias: et habebit ⁹¹ non, ut ille, vectigal, sed civium bona. adde confidentiam hominis; adde imbecillitatem bonorum virorum; qui quidem, quod illum sibi merito iratum putant, ⁹² oderunt, ut tu scribis, ludum. ⁹³ ac vellem, scribis, quisnam hic significasset. sed et iste,

⁸⁶ Συγγαγῇ cons. tuorum.] Quæ sc. ab Cicerone ex epistolis Attici facta erat ep. 10.

⁸⁷ Illius merito.] Ad Pompeium pertinet, secundum eandem epistolam.

⁸⁸ Superiorum temporum.] Quibus mihi invidit, me deseruit, &c.

⁸⁹ Illius temporis similitudinem.] Cum me, ante desertum, adjuvit in reditu in patriam conficiendo.

⁹⁰ Polliceri sumtu suo.] In edd. pr. male additur se; quasi de Matio sit. Gal-

los dicebat Matius polliceri.

⁹¹ Non, ut ille, vectigal.] De Pompeio est, ut semper ille in his epp. vectigal (melius vectigalia) e provinciis Orientis.

⁹² Oderunt, ut tu scribis, ludum.] Nempe, si vera est lectio, hunc ludum belli, cujus incertus est exitus, quia timebat Pompeium sibi iratum, quod eum non secuti erant.

⁹³ Ac vellem, scribis, - - significasset.]

Hoc non intelligo, nec conjecturas virorum doctorum satisfaciunt. Grævius: ac vel-

quia plus ostenderat, quam fecit, [amatur,] et vulgo illum qui amarunt, non amant. municipia vero, et rustici Romani illum metuunt, hunc adhuc diligunt. quare ita paratus est, ut, etiamsi vincere non possit, quo modo tamen vinci ipse possit, non videam. ego autem non tam γοητεῖαν hujus timeo, quam πειθανάγκην. αἱ γὰρ τῶν τυράννων δεήσεις, inquit Πλάτων, εἰς ὅτι μεμυγμέναί ἀνάγκαις. ⁹⁴ Illa ἀλίσμενα video tibi non probari: quæ ne mihi quidem placebant: sed habebam in illis et occultationem, et ὑπηρεσῖαν fidelem: quæ ⁹⁵ si mihi Brundisii suppeterent, malletm. sed ibi occultatio nulla est. verum, ut scribis, cum scierimus. ⁹⁶ Viris bonis me non nimis excuso. quas enim eos cenas et facere et obire scripsit ad me Sextus? quam lautas? quam tempestivas? sed sint quamvis boni, non sunt meliores, quam nos: moverent me, si essent fortiores. De Lanuino Phameæ, erravi: ⁹⁷ Trojanum somniabam. id ego ⁹⁸ volui D. sed pluris est. ⁹⁹ istud tamen cuperem emere, si ullam spem fruendi viderem. Nos ¹⁰⁰ quæ monstra quotidie intelligamus, ex illo libello, qui in epistolam conjectus est. Lentulus noster Puteolis est ἀδμονῶν, ut Cæcius narrat, ¹ quid agat: διατροπὴν Corfiniensem reformidat: Pompeio nunc putat satisfactum: beneficio Cæsaris movetur; sed ² tamen movetur magis perspecta re. Tene hæc posse ferre? Omnia misera: sed hoc nihil miserius; ³ Pompeius N. Magium de pace misit; et tamen oppugnatur; quod ego non credebam: sed habeo a Balbo p. 150. litteras, quarum ad te exemplum misi: lege quæso, et illud

lem, quoniam hi, significasses. mox pro vulgato hodie sedet, reddidi ex cdd. pr. sed et, ut et Grævius vult, nec displicet ejus conjectura, excidisse amatur post fecit: idque adeo addidi, sed eum nota, ut intelligi locus posset. Sensus est: iste, Cæsar, amatur, qui quæ minatus erat, non fecit, sed mitem se præbuit: illum, Pompeium non amant, nempe quia omnibus minatur, qui eum non sunt secuti.

⁹⁴ Illa ἀλίσμενα.] V. Græca in Clave.
⁹⁵ Si mihi Br. suppeterent.] Male vulgg. suppetunt: edd. pr. suppetant, paullo melius: sed necessario corrigendum est suppetere, aut post suppetant scr. malim. Illud secutus sum.

⁹⁶ Viris bonis, &c.] Locus pertinet ad malignos lautiores sermones de se in conviviis, de quibus jam supra scripsit, ep. 1.

⁹⁷ Trojanum.] V. Clav. Geogr.

⁹⁸ Volui D.] V. supra ad ep. 9.

⁹⁹ Istuc t. cuperem emerem.] In edd. pr. et scr. mire vitatus est hic locus. istuc est pro istud, ut et aliis locis. qui emerem dedere, spectavere id, quod supra Cicero Attico commendaverat id prædium. Sed verba cuperem et viderem clare indicant, Ciceronem cupiisse emere: itaque emere edidi, eo jure, quo alii emerem.

¹⁰⁰ Q. m. q. intelligamus, ex illo libello.] So. intelliges et tu: si tamen lectio recta est, quod mihi non videtur.

¹ Quid agat.] Grævius jungit a superioribus: Quid agat? mihi glossæ videtur, pertinens ad ἀδμονῶν. Si a Cicerone est, conjungendum est cum ἀδmonῶν: ita sollicitus est animo, ut nesciat quid agat.

² Tamen movetur magis p. r.] Puto ascribendum movebitur: nam pertinet ad futuram tempus.

³ Pompeius N. Magium.] Legatum suum. de prænomine v. Clav.

infimum caput ipsius Balbi optimi, cui Cnæus noster locum, ubi hortos ædificaret, dedit. quem cui nostrum non sæpe prætulit? Itaque miser torquetur. sed, ne bis eadem legas, ad ipsam te epistolam rejicio. spem autem pacis habeo nullam. Dolabella suis litteris, Idibus Mart. datis, merum bellum loquitur. maneamus ergo in illa eadem sententia misera et desperata: quando hoc miserius esse nihil potest.

BALBUS CICERONI, IMP. S.

CÆSAR nobis litteras perbreves misit, quarum exemplum subscripsi. brevitate epistolæ scire poteris, eum valde esse distentum, qui tanta de re tam breviter scripserit. si quid præterea novi fuerit, statim tibi scribam.

CÆSAR OPIO CORNELIO S.

A. D. VII Id. Mart. Brundisium veni: ad murum castra posui. Pompeius est Brundisii. misit ad me N. Magium de pace. quæ visa sunt, respondi. hoc vos statim scire volui. cum in spem venero, de compositione aliquid me conficere, statim vos certiores faciam.

Quomodo me nunc putas, mi Cicero, torqueri, postquam rursus in spem pacis veni, ne qua res eorum compositionem impediat? namque, quod absens facere possum, opto. quod si una essem, aliquid fortasse proficere possem videri. nunc exspectatione crucior.

14

CICERO ATTICO S.

- b. MISERAM ad te VIII Kal. exemplum epistolæ Balbi ad me, et Cæsaris ad eum; ⁴ ecce tibi eodem die Capua litteras [accepi] ab Q. Pedio: Cæsarem ad se pridie Id. Mart. misisse hoc exemplo: *Pompeius se oppido tenet. nos ad portas castra habemus. conamur opus magnum, et multorum dierum, propter altitudinem maris. sed tamen nihil est, quod potius faciamus. ab utroque portus cornu moles jacimus, ut aut illum quamprimum trajicere, quod habet Brundisii copiarum, cogamus, aut exitu prohibeamus.* Ubi est illa pax,

⁴ Ecce tibi, eodem die Capua litteras inclusi. Contra in seqq. litteras additur accepi.] Ecce tibi non patitur verbum post misisse in edd. Jens. Ald. &c. omisit accepi. nam hæc formula semper sine verbo Vict. et abest ab ed. Rom. potestque inest. sine dubio est glossa. Itaque uncis telligi.

de qua Balbus scripserat torqueri se? eequid acerbius? eequid crudelius? atque eum loqui ⁵ quidam αἰθεντικῶς narrabat; Cn. Carbonis, M. Bruti se poenas persequi, omniumque eorum, in quos Sulla crudelis ⁶ hoc socio fuisset: nihil Curionem se duce facere, quod non hic Sulla duce fecisset? ad ambitionem: (a se,) quibus exsilii poena superioribus legibus non fuisset; ab illo patriæ proditores de exsilio reductos esse: queri ⁸ de Milone per vim expulso: neminem tamen se violaturum, ⁹ nisi qui arma. Hæc contra Bæbius quidam, a Curione III Id. profectus, homo non infans, ¹⁰ sed quis, ulli non dicat. plane nescio, quid agam. Illinc equidem Cnæum profectum puto. Quidquid est, biduo sciemus. ¹¹ A te nihil: ne Anteros quidem quid litterarum. nec mirum. quid enim est, quod scribamus? ego tamen nullum diem prætermitto. Scripta epistola, litteræ mihi ante lucem a Lepta Capua redditæ sunt Idib. Mart. Pompeium a Brundisio conscendisse, at Cæsarem a. d. VII Kal. April. Capuæ fore. p. 151.

CICERO ATTICO S.

15

CUM dedissem ad te litteras, ut scires Cæsarem Capuæ VII Kalend. fore, allatæ mihi sunt litteræ, eum in Albano apud Curionem V Kalend. fore. eum cum videro, Arpinum pergam. si mihi ¹² veniam, quam peto, dederit, ¹³ utar con-

⁵ Quidam αἰθ. narrabat.] Græuius correxit narrabant, sed sine libris, et præter necessitatem, in sequentibus etiam unus est Bæbius, qui aliquid attulerit.

⁶ Hoc socio.] Pompeio: et hic Cn. Carbonem et M. Brutum interfecerat.

⁷ Ad ambitionem.] Si est a Cicerone, pertinet ad antecedentia, quibuscum coniungitur in edd. pr. Ita Pompeius intelligitur sub Sullæ dominatione multa ambitioso fecisse, præsertim in reducendis exsilibus. atque ita et ipse edidi: initio sequentium jam aliquid deest. Græuius explebat conjectura a se damnatos: sed id est nimium, nec damnatos satis conuoluit sequentibus. ego nihil addo, nisi a se, quod opponitur tibi ab illo: sic: a se indemnatos de exsilio reductos, ab illo proditores patriæ: non dubitavi sic edere, sed ut unicis notarem.

⁸ De Mil. per vim expulso.] Hoc quoque ad Pompeianum pertinet, qui iulioium ejus terrore suo atque militari ita percellat, ut enim condemnare.

⁹ Nisi qui arma. H.] In edd. ante Vict. vulgo erat n. q. a. hæc contra se

moverant. Victorius ultima delevit, ut non necessaria. bene. sed sine auctore. Aberant autem ab ed. Rom. Fluxere ex ed. Jenschii. In Rom. etiam sequentia sic sunt: Hæc contra B. q.

¹⁰ Sed quis, ulli non dicat.] Sio edd. vett. omnes. Si vera lectio est, est periphrasis hominis obscuri, similis illi Octavio in epp. ad Div. VII, 16. Si quid mutandum, scribam, sed qui sit, ut sit per siglam scriptum adhaeruit pronomini.

¹¹ A te nihil, ne Anteros quidem, qui a te, litterarum.] Sio locum constituit o vestigiis librorum Bosini. Sed qui a te durius est. Ed. Jens. habet quid litterarum, et inde alia. hoc restitui: int. attulit.

¹² Veniam, quam peto.] Sc. ut mihi licent abesse urbe: sc. necesse sit in senatum venire, sententiam dicere, &c. v. supra, ep. 4. et 6. sic et infra in hac ep. venia intelligenda.—post impetruho aliquid a me ipso, venuste, pro abibo ad Pompeium et ejus exercitum, quod adhuc non sustinui facere.

¹³ Utar conditione.] Delevi illius, quod ab edd. pr. abest. et plerumque ge-

ditione: sin minus, impetrabo aliquid a me ipso. Ille, ut ad me scripsit, legiones singulas posuit Brundisii, Tarenti, Siponti. claudere mihi videtur maritimos exitus: et tamen ipse Græciam spectare potius, quam Hispanias. sed hæc longius absunt. Me nunc et congressus hujus ¹⁴stimulat: is vero adest: et primas ejus actiones horreo. volet enim, credo, S. C. facere: volet ¹⁵augurum decretum: ¹⁶rapiemur, aut absentes vexabimur: vel ut consules roget prætor, vel dictatorem dicat: quorum neutrum jus est: sed si Sulla potuit efficere, ab interrege ut dictator diceretur, cur hic non possit? nihil expedio, nisi ut aut ab hoc, tamquam Q. Mucius, aut ab illo, tamquam L. Scipio. Cum tu hæc leges, ego illum fortasse convenero. Τέτρα, κύντερον. ¹⁷ ne illud quidem nostrum proprium. erat enim spes propinqui reditus; erat hominum querela. nunc exire cupimus; qua spe reditus, mihi quidem numquam in mentem venit. non modo autem nulla querela est municipalium hominum, ac rusticorum, sed contra metuunt, ut crudelem, iratum. nec tamen mihi quidquam est miserius, quam remansisse; nec optatius, quam evolare, non tam ad belli, quam ad fugæ societatem. sed tu omnia consilia differebas in id tempus, cum sciremus, quæ Brundisii acta essent. scimus nempe: hæremus nihilo minus. vix enim spero mihi hunc veniam daturum: etsi multa affero justa ad impetrandum. sed tibi omnem illius, meumque sermonem, omnibus verbis expressum, statim mittam. Tu nunc omni amore enitere, ut nos cura tua et prudentia juves. ita subito accurrit, ut ne T. Rebilum quidem, ut constitueram, possim videre. omnia nobis imparatis agenda. sed tamen

--- ἄλλα μὲν αὐτὸς, ut ait ille,
ἄλλα δὲ καὶ δαίμων ὑποθήσεται.

Quidquid egero, continuo scies. Mandata Cæsaris ad con-

nitivus non additur: itaque nec addendus est, ubi libri non habent. Primum est in margine Crat.

¹⁴ Stimulat.] V. Clav. Mox primas actiones edd. vett. inepte Victorius e libris quibusdam prima actionis dedit.

¹⁵ Augurum decretum.] Nempe, prætorem consularia auspicia facere posse, ut comitia consularia habere possit.

¹⁶ Rapiemur.] Cogar Romam venire,

quia angur sum et senator consularis.

¹⁷ Ne illud quidem n. p. &c.] Locus est subobscurus. Segsus est: exsilium (meum) nostrum superius minus grave hoc communi fuit. nam in illo spes reditus propinqui erat, homines dolebant vires meas: in hoc ipsi cupimus exire, nulla est spes reditus, nemo queritur eo nomine. immo nolunt redire Pompeium; nam eum metuunt,

sules et ad Pompeium, quæ rogas, nulla habeo: ¹⁸ neque descripta attulit illa Lucius. E via misi ad te ante, e quibus mandata puto intelligi posse. Philippus Neapoli est, Lentulus Puteolis. De Domitio, ut facis, sciscitare, ubi sit, quid cogitet. Quod scribis, asperius me, quam mei patiantur mores, de Dionysio scripsisse: vide, quam sim antiquorum hominum. te medius fidius hanc rem gravius putavi laturum esse, quam me. nam præterquam quod te moveri arbitror oportere injuria, quæ mihi a quoquam facta sit; præterea te ipsum quodam modo hic violavit, cum in me tam improbus fuit? sed tu id quanti æstimes, tuum iudicium est. nec tamen in hoc tibi quidquam oneris impono. ego autem illum male sanum semper putavi, nunc etiam impurum et sceleratum puto: nec tamen mihi inimiciorem, quam sibi. ¹⁹ De Philargyro bene: causam certe habuisti et veram et bonam; relictum esse me potius, quam reliquisse. Cum dedissem jam litteras a. d. VIII Kal. ²⁰ quos cum Matio et Trebatio miseram, pueri, epistolam mihi attulerunt hoc exemplo:

MATIUS ET TREBATIUS CICERONI, IMP. S.

CUM Capua exissemus, in itinere audiimus Pompeium p. 152.
Brundisio a. d. XVI Kalend. April. cum omnibus copiis, ²¹
quas habuit, profectum esse: Cæsarem postero die in oppidum introisse; concionatum esse; inde Romam contendisse; velle ante Kalend. esse ad urbem, et paucos dies ibi commorari, deinde in Hispanias proficisci. Nobis non alienum visum est, quoniam de adventu Cæsaris pro certo habebamus, pucros ad te remittere, ut id tu quamprimum scires. Mandata tua nobis curæ sunt, eaque, ut tempus

18 Quæ Ægypta attulit, illa e via misi ad te ante.] Ægypta est e conjectura Turnebi, Adv. I, 21. vetus lectio est descripta. Sed ita nomen deest adferentis. Tunstallus, p. 150. acute locum constituit sic: neque descripta attulit illa L. E via misi ad te ante. Intell. Lucius, sc. Cæsar, qui venerat cum mandatis et visus erat a Cicerone Minturnis, unde Cicero cognoverat. Nomen servi aut ministerium in talibus mandatis locum non habet. Quo jure Turnebi conjectura recipi potuit, eodem et hæc minus violenta recipi a nobis potuit, dum melius quid reperitur.

19 Philargyro bene curasti.] Sic Vic-

torius et Bosius. Quæ lectio si est vera, de pecunia sermo est. Sed ei non apta sunt sequentia, causam habuisti veram et bonam, &c. Igitur prætuli lectionem ed. Rom. De Philargyro bene. Sic alibi etiam Cicero in tali re. Etiam in ed. Jens. de excidit. Sensus est: quod apud Philargyrum me defendisti, de Dionysio. nam ad eum pertinent illa: relictum esse me potius, quam reliquisse.

20 Quos cum M. &c.] In his nihil nisi pueri locum mutaverunt, quem ante inter Matium et Trebatium habebant: Malaspina et Grævius ab initio ponebant.

postularit, agemus. Trebatius Scævola facit, ut antecedit. Epistola conscripta, nuntiatum est nobis, Cæsarem a. d. VIII Kal. April. Beneventi mansurum, a. d. VII Capuæ, a. d. VI Sinuessæ. hoc pro certo putamus.

16

CICERO ATTICO S.

CUM, quod scriberem ad te, nihil haberem: tamen, ne quem diem intermitterem, has dedi litteras. A. d. VI Kal. Cæsarem Sinuessæ mansurum nuntiabant. ab eo mihi litteræ redditæ a. d. VII Kalend. quibus jam opes meas, ²¹ non, ut superioribus, opem, exspectat. cum ejus clementiam Corfiniensem illam per litteras collaudavissem, rescripsit hoc exemplo:

CÆSAR, IMP. CICERONI, IMP. S. D.

RECTE auguraris de me, (bene enim tibi cognitus sum) nihil a me abesse longius crudelitate. atque ego cum ex ipsa re magnam capio voluptatem: tum, meum factum probari ab te, triumpho, gaudeo. neque illud me movet, quod ii, qui a me dimissi sunt, discessisse dicuntur; ut mihi rursus bellum inferrent: nihil enim malo, quam et me mei
b. similem esse, et illos sui. Tu velim mihi ad urbem præstos sis, ut tuis consiliis atque opibus, ut consuevi, in omnibus rebus utar. Dolabella tuo nihil scito mihi esse jucundius. hanc adeo habeo gratiam illi: neque enim aliter facere poterit: tanta ejus humanitas, is sensus, ea in me est benivolentia.

17

CICERO ATTICO S.

TREBATIUM VI Kalend. quo die has litteras dedi, expectabam. ex ejus nuntio Matiique litteris meditabor, quo modo cum illo loquar. O tempus miserum! nec dubito, quin a me contendat, ad urbem veniam. Senatū enim Kal. velle se frequentem adesse, etiam Formiis proscribi jussit. ergo ei negandum est? ²² sed quid præcipio? statim

²¹ Non, ut superioribus litteris.] Litteris non bene repetitur; quia Malaspina in libris scr. non reperit, delevi. Ceterum non credo, mentem Ciceronis esse, in opibus intelligendam esse rem ejus familiarum. Sed in opibus potest intelligi potentia major et auctoritas. Sed est lusus Ciceronis.

²² Sed quid præcipis.] In h. l. se mi-

sere torsere viri docti e varietate librorum, varieque edidere. Paernus corripbat præcipio; nam et in libris est præcipi et similia. probabat Grævius: recepit Lambinus, quem secutus sum. Sensus est: sed quid ante scribo, quam factum est? cum brevi rem ipsam, ut acta est, possem scribere.

ad te perscribam omnia. ex illius sermone statuam, Arpinumne mihi eundum sit, an quo alio. Volo Cicroni meo togam puram dare. istic puto. tu, quæso, cogita, quid deinde. nam me hebetem mollestiæ reddiderunt. A Curio, velim scire, ecquid ad te scriptum sit de Tirone. ad me enim ipse Tiro ita scripsit, ut verear, quid agat. qui autem veniunt inde, ²³ κινδυνώδη nuntiant. sane in magnis curis etiam hæc me sollicitat. in hac enim fortuna perutilis ejus et opera et fidelitas esset. p. 153.
a.

CICERO ATTICO S.

18

UTRUMQUE ex tuo consilio. nam et oratio fuit ca nostra, ut bene potius ille de nobis existimaret, quam gratias ageret: et in eo mansimus, ne ad urbem. illa sefellerunt, facilem quod putaramus. nihil vidi minus. damnari se nostro judicio, tardiores fore reliquos, ²⁴ si nos non venerimus, dicere. ego, dessimilem illorum esse causam. cum multa; veni igitur, et age de pace. meone, inquam, arbitrato? an tibi, inquit, ego præscribam? sic, inquam, agam, senatui non placere in Hispanias iri, nec exercitus in Græciam transportari; multaque, inquam, de Cnæo deplorabo. tum ille, Ego vero ista dici nolo. ita putabam, inquam: sed ego co nolo adesse, quod aut sic mihi dicendum est, multaque quæ nullo modo possem silere, si adessem; aut non veniendum. summa fuit, ut ille, quasi exitum quærens, ut delibrarem. non fuit negandum. ita discessimus. Credo igitur, hunc me non amare. at ego me amavi; quod mihi jam pridem usu non venit. reliqua, o Dii! qui comitatus! quæ, ut tu soles dicere, νεκρία! in qua erat ²⁵ area scelerum. o rem perditam! o copias desperatas! quid, quod Servii filius? quod Titinii? quot in his castris fuerunt, quibus Pompeius circumsidcretur? sex legiones. multum vigilat; audet: nullum video finem mali. nunc certe promenda tibi sunt consilia. hoc fuerat extremum. Illa tamen κατακλείς

²³ Κινδυνώδη nuntiant.] Sic rescripsi ex epp. ad Div. XVI, 1. Vulgatum κινδυνώδης est e conjectura Bosii. odd. pr. id modo, quod et Grævius retinuit. est sine sensu.

²⁴ Si nos non venerimus.] Hic quoque mire vitiosi sunt libri. Vulgatum post Viet. si in his n. v. nullum sensum habet. Faernus corrigebat si nos. recepit bene

Grævius, qui et nos in Ms. Helmst. reperit. venerimus int. Romam.

²⁵ Area scelerum.] Revocavi lectionem edd. pr. quam Victorius mutavit in Eros Celeri, alii aliter: sed Gronovius in *dyēboron leti*. Tanstallus, p. 151. τίρας sceleris. omnia dura. illud bene convenit Attici verbo νεκρία.

- illius est odiosa, quam pæne præterii: si sibi consiliis nostris uti non liceret, usurum, quorum posset, ad omniaque esse descensurum. vidisti igitur virum, ut scripseras? ingemuisti? certe. credo reliqua. quid? continuo ipse in Pedanum, ego Arpinum. inde ²⁶ exspecto quidem λαλαγεῖσαν illam tuam. tu (malum) inquires, actum ne agas. etiam illum ipsum, quem sequimur, multa fefellerunt, sed ego tuas litteras exspecto. nihil est enim jam, ut antea, *videamus, hoc quorsum evadat*. extremum fuit de congressu nostro:
- b. quo quidem non dubito, quin istum offenderim. eo maturius agendum est. amabo te, epistolam, et πολιτικὴν. valde tuas litteras nunc exspecto.

19

CICERO ATTICO S.

EGO meo Ciceroni, quoniam Roma caremus, Arpini potissimum togam puram dedi: idque municipibus nostris fuit gratum. etsi omnes, et illos, et qua iter feci, mœstos afflictosque vidi: tam tristis, et tam atrox est ἀναδεώρησις hujus ingentis mali. delectus habentur: in hiberna deducuntur. Ea, quæ, etiam cum a bonis viris, cum justo in bello, cum modeste fiunt, tamen ipsa per se molesta sunt; quam censes acerba nunc esse, cum a perditis, in civili nefario bello, petulantissime fiant? cave autem putes, quemquam hominem in Italia turpem esse, qui hinc absit. vidi ipse Formiis universos: neque meherecule umquam homines putavi; et noram omnes; sed numquam uno loco videram. Pergamus igitur, quo placet, et nostra omnia relinquamus. proficiscamur ad eum, cui gratior noster adventus erit, quam si una fuissemus. tum enim eram in maxima spe; nunc, ego quidem, in nulla: nec, præter me, quisquam Italia cessit, nisi qui hunc inimicum sibi putaret. nec meherecule hoc facio reipublicæ causa, quam funditus deletam puto: sed ne quis me putet ingratum in eum, qui me levavit iis incommodis, quibus idem affecerat: et simul, quod ea, quæ fiunt, aut quæ certe futura sunt, videre non possum. etiam equidem senatus consulta facta quædam jam puto; utinam ²⁷ in Volcatii sententiam! sed quid refert? est enim una sententia omnium. sed erit injustissi-

²⁶ Exspecto λαλαγεῖσαν illam tuam.] Ius, p. 21. μαντεύουσαν. Edd. pr. ἀλλὰ
Hoc est c. Hosii et Junii conjectura. Μα- τελίαν.
Iasp. edidit δαδ' αἰδουσαν, quod probabat ²⁷ In Volcatii sententiam.] Ut de pace
Grævius, et Lambinus recepit. Tunstal. legati mitterentur.

mus Servius, qui filium misit ²⁸ ad effligendum Cn. Pompeium, aut certe capiendum, cum Pontio Titiniano. etsi hic quidem timoris causa; ²⁹ ille vero? sed stomachari desinamus, ³⁰ et aliquando sententiam, ³¹ ut nihil novi, nisi id, ^{a.} quod minimum vellem spiritum reliquum esse. Nos, quoniam superum mare obsidetur, infero navigabimus; et, si Puteolis erit difficile, Crotonem petemus, aut Thurios; et boni cives, amantes patriæ, ³² mare infestum habebimus. aliam rationem hujus belli gerendi nullam video. ³³ in Ægyptum nos abdemus. exercitu pares esse non possumus. pacis fides nulla est. sed hæc satis deplorata sunt. Tu velim litteras Cephalioni des de omnibus rebus actis, denique etiam de sermonibus hominum; nisi plane obmutuerunt. Ego tuis consiliis usus sum, maximeque, quod gravitatem in congressu nostro tenui, quam debui; et, ad urbem ut non accederem, perseveravi. Quod superest, scribe, quæso, quam accuratissime, (jam enim extrema sunt,) quid placeat, quid censeas: etsi jam nulla dubitatio est. tamen, si quid, vel potius quidquid veniet in mentem, scribas velim.

28 *Ad effligendum Cn. P.*] Sic in Mss. suis reperere Vict. Malaspina. nempe tum vulgatum erat *affligendum* ex ed. Jensoni ortum. Sed *effligendum* jam erat in ed. Rom. idque adeo et ipse servavi. est autem plus quam *affligendum*: nempe perdendum, interficiendum. Sic *efflictum amare*, pro perditæ dicitur: eamque sensum requirit sequens, *aut certe capiendum*.

29 *Ille vero?*] Quam improba et fœda de causa.

30 *Et aliquando sententiam.*] I. e. dicamus, quæ rem decernat. Edd. veteres inde a Jensonio addunt *terminemus*: quod

abest ab ed. Rom. delevit Victorinus. henc.

31 *Ut nihil novi.*] Sc. velimus, optemus, uisi, &c. cetera sunt adhuc vitiosa, ut hodie edantur, ut et sunt in ed. Rom. Ed. Jensoni habet *nisi id quod vellem, minimum spiritum reliquum esse*. Sed vulgatum hodie eodem modo intelligi potest.

32 *Mare infestum habebimus.*] Non, infestum nobis erit, sed infestum redditus, (sic et infra dicitur, XVI, 1.) ut commentus ex Italia intercludatur.

33 *In Ægyptum nos abdimus.*] Faeremus corripbat *abdemus*, recte. Immo sic ed. Rom. unde restituimus.

M. TULLII CICERONIS
EPISTOLARUM

AD

ATTICUM

LIBER X.

ARGUMENTUM.

Argumentum idem fere est libri hujus et superioris: Querimonia de perditis Caesaris et Pompeii consiliis: Curionis congressus, proprætoris in Sicilia proficiscentis, largique et liberaliter de sua Caesarisque in Ciceronem voluntate pollicentis: Quinti filii scelus, Romam profecti, Hirtioque, tum patris tum patri excedendi consilia indicantis: Deliberatio, an, quæ in Hispania gerantur, expectandum sit, ad quod ut sui et multi alii hortabuntur: Caesaris litteræ, ne quo progrediatur, monentis: Cælii, ut aliquod oppidum eligat, vacuum a bello, rogantis: Antonii, id ipsum, et mandatum sibi significantis, ne quem Italia excedere permittat: Congressus cum Servio Sulpicio: Fuga Catonis ex Sicilia in Africam transmittentis: firmum propositum proficiscenti, primum occulte, postea palam. Scriptæ sunt epistolæ ex ante diem III Non. Aprilis, ad XIII Kalendas Junias, plus minus: iisdem, L. Cornelio Lentulo, C. Claudio Marcello Coss.

CICERO ATTICO S.

TERTIO Nonas cum in Laterium fratris venissem, accepi litteras, ¹ et paullulum respiravi: quod post has ruinas mihi non acciderat. per enim magni æstimo, tibi firmitudinem animi nostri, et factum nostrum probari. Sexto enim nostro quod scribis probari, ita lætor, ut me quasi patris ejus, cui semper uni plurimum tribui, judicio comprobari putem: qui mihi, quod sæpe soleo recordari, dixit olim, ² Nonis illis Decembribus, cum ego, Sexte, quidnam ergo?

¹ Et paullulum respiravi.] Sic ed. Rom. paullum Jens. et seqq. Bosius ex aliquot Mss. addidit lectis: quod a glossatore esse puto. Cicero dixisset: quibus lectis paull. resp.

² Nonis illis Decembr.] Illis duplica-

vit sine libris Victorinus ed. sec. et voluerat ita fieri ed. 1. sed operæ non paruerant. Cicero in his Nonis commemorandis et similibus semel modo prænomen ponit. Loca a Victorio ad firmandum allata, nihil prosunt.

Μὴ μᾶν, inquit ille, ἀσπουδεῖ γε καὶ ἀκλειῶς ἀπολοιμῆν;
Ἄλλὰ μέγα ῥέξας τι, καὶ ἐσσομένοισι πυθέσθαι.

Ejus igitur mihi vivit auctoritas; et simillimus ejus filius eodem est apud me pondere, quo fuit ille: quem salvare velim jubeas plurimum. Tu tuum consilium etsi non in longinquum tempus differs: jam enim ³illum entum pacificatorem perorasse puto, jam actum aliquid esse in consensu senatorum; (senatum enim non puto;) ⁴tamen suspensum me tenes, sed eo minus, quod non dubito, quid nobis agendum putes. ⁵quid enim Flavio legionem et Siciliam dari scribas, et id jam fieri? quæ tu scelera partim parari, et jam cogitari, partim ex tempore futura censes? ego vero Solonis, popularis tui, ut puto, etiam mei, legem negligam, qui capite sanxit, si qui in seditione non alterius utrius partis fuisset; nisi tu aliter censes; et hinc abero et filii. sed alterum mihi est certius: ⁶nec præripiam tamen; exspectabo tuum consilium et eas litteras, nisi alias jam dedisti, quas, scripsi, ut Cephalioui dares. Quod scribis, non quo alicunde audieris, sed te ipsum putare, me attractum iri, si de pace agatur: mihi omnino non venit in mentem, quæ possit actio esse de pace, cum illi certissimum sit, si possit, exspoliare exercitu, et provincia Pompeium: nisi forte ⁷iste Summanus ei potest persuadere, ut, dum oratores cant, et redeant, quiescat. nihil video, quod sperem, ⁸aut quod jam putem fieri posse; sed tamen hominis hoc ipsum probi, ⁹et magnum τῶν πολιτικῶτάτων ἀκερμμάτων, veniendumne sit in consilium tyranni, si is aliqua de re bona

p. 155.
a.

3 *Illum entum pacificatorem.*] C. Cationem, e Vell. II, 48, vel Volcentium supra, IX, 22.

4 *Tamen suspensum me tenes.*] Bnsius e lectione Mss. *metum detines*, quæ et est in ed. Rom. *Tecit me inde tenes*: sed illud inde nimis friget, itaque delevi.

5 *Quid enim Flavio - - scribas.*] *Quid scribas?* e libris ser. pro vulgato *quod scribis*, bene dedit Bnsius: sed sic ante ed. Rom. alterum est a Jons. quare enim, dicit, tu mihi hoc scripsisses de Flavio, nisi, &c. de Flavio v. Clav. in *L. Flavius*.

6 *Nec præripiam tamen.*] Sic et ed. Rom. et ceteræ veti. nec tamen displicet loutio ed. Jensoni *præripiam*, de quorum verborum permutatione paullo ante vidimus. miror hic Jensonum ab omnibus proximis desertum esse, quem alias so-

quantur.

7 *Iste summarius.*] Sic edd. omnes et libri ser. pro quo P. Manutius malebat *nunurius*. nempe ille *entus pacificator*, de quo ante, ut *numarii julices* pro emtis. Jac. Granovius de conjectura edidit *Summanus*, qui esset Pluto, ingeniose utique, de Summano v. Clav. Eam retinui, quia antiqua *summarius* sine dubio falsa, altera etiam e conjectura est.

8 *Aut quod jam p. f. p.*] *Conrexī quod pro quid*. nam et ante est *quod*, et id *nihil desiderat*. si esset *non video*, utroque loco *quid* esse deberet.

9 *Et magnum.*] *Et habent libri veteres*, ut et Grævins dedit, non *sed*. pro *magnum* maluit unum Muretus. placet. alii addunt *sit*.

delibraturus sit. quare, si quid ejusmodi evenerit, ut arces-
samur: (quod equidem non curo: quid enim essem de pace
dicturus, dixi; ipse valde repudiavit:) sed tamen, si quid
acciderit, quid censeas mihi faciendum, utique scribito.
nihil enim mihi adhuc accidit, quod majoris consilii esset.
Treatii, boni viri et civis, verbis te gaudeo delectatum:
tuaque ista crebra ἐκφώνησις, ὑπέρευ, me sola adhuc delecta-
vit. Litteras tuas vehementer exspecto, quas quidem credo
jam datas esse. Tu cum Sexto servasti gravitatem ean-
dem, quam mihi præcipis. ¹⁰ Celer tuus disertus magis est,
quam sapiens. De juvenibus, quæ ex Tullia audisti, vera
sunt. ¹¹ M. Antonii istud, quod scribis, non mihi videtur
tam re esse triste, quam verbo. hæc est ἀλλή, in qua nunc
sumus, mortis instar. aut enim mihi libere inter malos
πολυτεύειν fuit, aut vel periculose cum bonis: aut nos teme-
ritatem bonorum sequamur: aut audaciam improborum in-
sectemur. utrumque periculosum est. at hoc, quod agimus,
nec turpe, nec tamen tutum. ¹² Istum, qui filium Brundi-
sium de pace misit, (de pace idem sentio, quod tu; simu-
lationem esse apertam, parari autem bellum acerrime;) le-
gatum iri non arbitror; cujus adhuc, ut optavi, mentio fac-
ta nulla sit. eo minus habeo necesse scribere, aut etiam co-
gitare, quid sim facturus, ¹³ si acciderit, ut legarer.

2

CICERO ATTICO S.

EGO cum accepissem tuas litteras Nonis April. quas Ce-
phalio attulerat, essemque Minturnis postridie mansurus,
¹⁴ et inde protinus; sustinui me in Arcano fratris, ut, dum
aliquid certius afferretur, occultiore in loco essemus, ag-
renturque nihilo minus, quæ sine nobis agi possunt. ¹⁵ λαλα-
γεῦσα jam adest, et animus ardet; nec est quicquam, quo,

10. Celer tuus.] Q. Metellus Celer.

11. M. Antonii istud.] Hoc quid sit, nemo dicat. Tapscallus, p. 80, corrigit de conjectura: Ἀπὸν istud: ultimum istud ep. tunc.

12. Istum, qui filium.] Intelligunt quidam Sulpiciam, qui filium miserat Brundisium, ut supra est: sed ille non de pace missus erat, sed ad Pompeium vel capiendum vel occidendum. sed id tamen potuit factum esse sub specie pacis faciendæ. nam statim dicit, simulationem fuisse. Maurlus Cornelius Balbum intelligit. mox ad legatum addunt me vel et mei, sed

de uno sermonem esse, sequentia ostendunt cujus adhuc, &c. quod manifeste tantum: ad istum pertinet.

13. Si acciderit, ut legarer.] Legarer edd. Rom Asc. Aldi, &c. et Jens. legerer, quod in Mss. fere repertum est. Malaspina autem corrigebat leger, quod et Grævius tacito secutus est. Sed acciderit postulat legarer secundum ἀκριβείαν grammatice.

14. Et inde protinus.] Ad mare, ut abirem Italia.

15. Λαλαγεῦσα, &c.] V. supra, IX, 18.

et qua. sed hæc nostra erit cura et peritorum. tu tamen, quod poteris, ut adhuc fecisti, nos consiliis juvabis. res sunt inexplicabiles. fortunæ sunt committenda omnia. sine spe conamur ulla. si melius quid acciderit, mirabimur. Dionysium nolim ad me profectum: de quo ad me Tullia mea scripsit. sed et tempus alienum est; et homini non amico nostra incommoda, tanta præsertim, ¹⁶ spectaculo esse nollem: cui te meo nomine inimicum esse nolo.

CICERO ATTICO S.

3

CUM, quod scriberem, plane nihil haberem, hæc autem reliqua essent, quæ scire cuperem; profectusne esset; quo in statu urbem reliquisset; in ipsa Italia quem cuique regioni aut negotio præfecisset; cequi essent ad Pompeium et ad consules ex senatus consulto de pace legati; cum igitur hæc scire, dedita opera has ad te litteras misi. feceris igitur commode, mihi que gratum, si me de his rebus, et si quid erit aliud, quod scire opus sit, feceris certiore. ego in Arcano opperior, dum ista cognosco. A. d. vii Id. alteram tibi eodem die hanc epistolam dictavi; et pridie dederam mea manu longiorem. Visum te ajunt ¹⁷ in regia; nec reprehendo: quippe cum ipse istam reprehensionem non fugerim. sed exspecto tuas litteras: neque jam sane video, quid exspectem: sed tamen, etiamsi nihil erit, id ipsum ad me velim scribas. Cæsar mihi ignoscit per litteras, quod non venerim; seseque in optimam partem id accipere dicit. facile patior, quod scribit, secum ¹⁸ Tullum et Servium questos esse, quia non idem sibi, quod mihi, remisisset. homines ridiculos! qui cum filios misissent ad Cn. Pompeium circumsidendum, ipsi in senatum venire dubitarent. sed tamen exemplum misi ad te Cæsaris litterarum.

CICERO ATTICO S.

4

MULTAS a te accepi epistolas eodem die, omnes diligenter scriptas; eam vero, quæ voluminis instar erat, sæpe legendam, sicuti facio: in qua non frustra laborem

16 *Spectaculo esse nollem.*] Scr. puto nolim: nam nollem non consentit structurae. t. alienum est, et - - nolim.

17 *In regia.*] Numæ, quæ proprie dicebatur, an Cæsaris per jocum? hoc

magis placet propter sequentia. nam reprehensio nulla esse poterat in regia Numæ. Cicero apud Cæsarem fuerat.

18 *Tullum.*] Volcatium.

suscepisti; mihi quidem pergratum fecisti. quare, ut id, quoad licebit, id est, quoad scies ubi simus, quam sæpissime facias, te vehementer rogo. ¹⁹ Ac deplorandi quidem, b. quod quotidie facimus, sit jam nobis aut finis omnino, si potest, aut moderatio quædam, quod profecto potest. non enim jam, quam dignitatem, quos honores, quem vitæ statum amiserim, cogito, sed quid consecutus sim, quid præstiterim, qua in laude vixerim: his denique in malis, quid intersit ²⁰ inter me et istos, quos propter omnia amisimus. hi sunt, qui, nisi me civitate expulissent, obtinere se non posse putaverunt licentiam cupiditatum suarum: quorum societatæ et sceleratæ consensionis fides quo cruperit, vides. alter ardet furore et scelere, nec remittit aliquid, sed in dies ingravescit: modo Italia expulit: nunc alia ex parte persequi, ²¹ et alia provincia exspoliare conatur: nec jam recusat, sed quodam modo postulat, ut, quemadmodum est, sic etiam appelletur, tyrannus. alter, is, qui nos sibi quondam ad pedes stratos ne sublevabat quidem, qui se nihil contra hujus voluntatem aiebat facere posse, clapsus e soceri manibus ac ferro, bellum terra ac mari comparat, non injustum ille quidem, sed cum piū, tum etiam necessarium, suis tamen civibus exitiabile, nisi vicerit; calamitosum, etiamsi vicerit. horum ego summorum imperatorum non modo res gestas non antepono meis, sed ne fortunam quidem ipsam, ²² qua illi florentissima, nos duriorē conflictati videmur. Quis enim potest, aut deserta per se patria, aut oppressa, beatus esse? et si, ut nos a te admonemur, recte in illis libris diximus, nihil esse bonum, nisi quod honestum; nihil malum, nisi quod turpe sit: certe uterque istorum est miserrimus; quorum utrique semper patriæ salus et dignitas posterior sua dominatione, et domesticis commodis fuit. Præclara igitur conscientia sustentor, cum cogito me de republica aut meruisse optime, cum potuerim: aut certe ²³ numquam, nisi divine, cogitasse: caque

p. 157.
a.

19 *At deplorandi quidem.*] *At est ab initio hoc alienum: et sine dubio legendum ac.*

20 *Inter -- istos.*] *Cæsareni et Pompeium.*

21 *Et alia provincia exspoliare.*] *Sic edit. Rom. ex quo in ed. Jens. factum temere ex alia p. s. quod tamen constanter servatum est.*

22 *Qua illi florentissima.*] *Videtur hic aliquid deesse, ut usi; sed id intelligi potest e conflictati: et forte consulto uno hoc verbo usus est, ut eo ipso illud florentissima debilitaretur.*

23 *Numquam, nisi divine, cogitasse.*] *Divine verum esse nullo modo potest. nam sensum commodum non habere potest. Nam de præscientia cum Grævio intelligi,*

ipsa tempestate eversam esse rempublicam, quam ego XIV annis ante prospexerim. hac igitur conscientia comite proficiscar, magno equidem cum dolore, nec tam id propter me, aut propter fratrem meum, ²⁴quorum jam acta ætas; quam propter pueros, quibus interdum videmur præstare etiam rempublicam debuisse: quorum quidem alter, non tam, quia maiore pietate est, me mirabiliter excruciat; alter, (o rem miseram! nihil enim mihi accidit in omni vita acerbius,) indulgentia videlicet nostra depravatus, eo progressus est, quo non audeo dicere; et exspecto tuas litteras. scripsisti enim, te scripturum esse plurima, cum ipsum vidisses. omne meum obsequium in illum fuit cum multa severitate: neque unum ejus, nec parvum, sed multa magna delicta compressi. patris autem lenitas amanda potius ab illo, quam tam crudeliter negligenda. nam litteras ejus ad Cæsarem missas ita graviter tulimus, ut te quidem celaremus; sed ipsius videmus vitam insuavem reddidisse. hoc vero ejus iter, simulatioque pietatis qualis fuerit, non audeo dicere. tantum scio, post Hirtium conventum, arcessitum ab Cæsare: cum eo, de meo animo ab suis rationibus alienissimo, et consilio relinquendi Italiam; et hæc ipsa timide. sed nulla nostra culpa est: natura metuenda est. hæc Curionem, hæc Hortensii filium, non patrum culpa, corripit. jacet in mœrore meus frater, neque tam de sua vita, quam de mea metuit. huic tu, huic tu malo affer consolationes. si ullas potes: maxime quidem illam velim; ea, quæ ad nos delata sint, aut falsa esse, aut minora. quæ si vera sint; quid futurum sit in hac vita et fuga, nescio. nam si haberemus rempublicam, consilium mihi non deesset nec ad severitatem, ²⁵nec ad diligentiam. Hæc, sive iracundia, sive dolore, sive metu permotus, gravius scripsi, quam aut tuus in illum amor, aut meus postulabat. si vera sunt, ignoscas: si falsa, me libente eripies mihi hunc errorem. ²⁶quoquo

alicuius est, bene se sensisse, animatum fuisse in remp. dicere vult. Bosius vidit; qui coniecit *pie*, sensu optime: sed nimis recedit a vulgato. Ed. Rom. habet *de ea*: sed ita modus cogitandi non exprimitur. Suspicias sum *digne*, uti me atque ipsa dignum est. Sic *digne laudare, digne deplere*, et similia.

²⁴ Quorum jam acta ætas.] Sic edd. pr. et Mss. Grævii, utut a Bosio additum

e Mss. ante jam. si esset utique, ferrem.

²⁵ Nec ad diligentiam.] Sic edd. pr. P. Manutius dedit *indulgentiam*, nescio unde, idque et Grævius secutus est. Sane id *severitati* opponitur accuratius, ut infra, ep. 7. extr. non nostra *indulgentia*, id mihi obstat, quod supra *indulgentiam* in malam partem dixit. *severitas* est in peccatis castigandis, *diligentia* in cavendis.

²⁶ Quoquo molo se res habebit.] Ha-

modo vero se res habebit, nihil assignabis, nec patruo, nec patri. Cum hæc scripsissem, a Curione mihi nuntiatum est, cum ad me venire. venerat enim is in Cumanum vesperi pridie: id est Idibus. si quid ejus igitur sermo ejusmodi attulerit, quod ad te scribendum sit; ²⁷ id in litteris adjungam. Præteriiit villam meam Curio, jussitque mihi nuntuari, mox se venturum: cucurritque Puteolos, ut ibi concionaretur. concionatus est: rediit: fuit ad me sane diu. o rem foedam! nosti hominem: nihil occultavit; in primis nihil esse certius, quam ut omnes, qui lege Pompeia condemnati essent, restituerentur; itaque se in Sicilia eorum opera usurum. de Hispaniis, non dubitabat, quin Cæsaris essent: inde ipsum cum exercitu, ubicumque Pompeius esset: ejus interitu ²⁸ finem illi fore: propius factum esse nihil: et plane iracundia clatum voluisse Cæsarem occidi Metellum tribunum plebis. quod si esset factum, cædem magnam ²⁹ futuram fuisse; permultos hortatores esse cædis; ipsum autem non voluntate, aut natura non esse crudelem, ³⁰ sed quod putaret popularem esse clementiam: quodsi populi studium amisisset, crudelium fore: cumque perturbatum, quod intelligeret, se apud ipsam plebem offendisse ³¹ de ærario. itaque ei cum certissimum fuisset, antequam proficisceretur, concionem habere, ausum non esse, vehementerque animo perturbato profectum. cum autem ex eo ³² quærerem, ³³ quid videret? quod exemplum? quam rempublicam? plane fatebatur nullam spem reliquam: Pom-

p. 158.

21.

bebit est in ed. Rom. item a Grævio reportum in Ms. Balliol. idque recepi. nam habeat veram esse non potest, malum tamen habet.

27 *Id in litteris adjungam.*] Non placet in. mox pro cucurritque Grævius tacite edidit *concurritque*. id si libris firmaretur, præferrem, nam pro cupide currere, festinare, etiam de uno homine dicitur, ut *concurrere*. v. Clav.

28 *Finem illi fore.*] Sc. Cæsari, belli gerendi, vel armorum. Sic edd. veti. omnes et libri scr. post a P. Manutio correctum est *belli*, quod sano facile erat, et aptum verbum rei. id plerique secuti sunt, etiam Gruterus et Grævius. Jac. Gronovius de conjectura edidit *Illic*. ingeniose. Sed ea Roma foret: cujus finem non expectabant. Vetus illi defendit Tunstallus, p. 152.

29 *Futuram fuisse.*] Non dubitavi sic

edere pro esse: latinitate et re necessario postulante.

30 *Sed quod putaret p. e. c.*] Primum legenti possit videri legendum *putet*, quod et in mentem venit Corrado. Sed vulgatum recte habet. pertinet ad præteritum, nempe ad imperatam Metelli cædem.

31 *De ærario.*] V. VII, 11.

32 *Quid videret? q. exemplum, quam remp.*] *Quid videret?* sc. Romæ, et pristina rep. reliquum. forma tamen loquendi durior est. sed *quod exemplum* nihili sane est: de rep. sermo est, non de luminibus, ut accipi debet, cum a rep. distinguitur. *exemplum reipublicæ* solet Cicero dicere. itaque placet Tunstalli correctio, p. 152. *quod exemplum inquam reipublicæ?* nisi quod *inquam* hic non satis aptum esse videtur. Tum mox pro *spem* legit *speciem*, recte: nam id præcedentia plane requirunt; sæpe et *speciem* factum est *spem*.

peii ³⁴ classem timebat: quæ si esset, se de Sicilia abiturum. Quid isti, inquam; sex tuî fascēs? si ab senatu, ³⁵ cur laureati? si ab ipso, cur sex? ³⁶ Cupivi, inquit, ex senatus consulto surrepto: nam aliter non poterat. at ille impendio nunc magis odit senatum: a me, inquit, omnia proficiscuntur. cur autem sex, quia duodecim nolui: nam licebat. Tum ego, quam vellem, inquam, petiisse ab eo, ³⁷ quod audio Philippum impetrasse: sed veritus sum, quia ille a me nihil impetrabat. Libenter, inquit, tibi concessisset. verum puta te impetrasse. ego enim ad eum scribam, ut tu ipse voles, de ea re nos inter nos locutos. quid autem illius interest, quoniam in senatum non venis, ubi sis? ³⁸ quin nunc ipsum minime offendisces ejus causam, si in Italia non fuisses: ad quæ ego, me recessum et solitudinem quærere, maxime quod lictores haberem: laudavit consilium. quid ergo, inquam? nam mihi cursus in Græciam per tuam provinciam est: quoniam ad mare superum milites sunt. quid mihi, inquit, optatius? hoc loco multa perliberaliter. ³⁹ ergo hoc quidem est profectum, ut non modo tuto, verum etiam palam navigaremus. reliqua in posterum diem distulit: ex quibus scribam ad te, si quid erit epistola dignum. Sunt autem, quæ præterii: interregnumne esset expectaturus; ⁴⁰ an, quomodo dixerit ille quidem, ad se deferri consulatum, sed se nolle in proximum annum. et alia sunt, quæ exquiram. Jurabat ad summam, quod nullo negotio faceret, ⁴¹ amicissimum mihi Cæsarem. esse

33 *Classē, quæ si esset.*] At erat: nam timebat eam Curio. legendum ergo *isset*, ut recte judicavit idem Tunstallus l. c. si cum classe profectus esset ad bellum gerendum contra Cæsarem, qui classe carebat.

34 *Cur laureati.*] Nam senatus tibi supplicationem et nomen imperatoris non decrevit.

35 *Cupivi ex Scto surrepto.*] Volui ego quidem ista habere ex Scto: quia hæc legitima est ratio ea consequendi, etsi per falsas artes, non legitime facto: nam legitimum impetrare non poteram.

36 *Quod audio Philippum impetrasse.*] Sc. ut mihi liceret ab Italia abesse.

37 *Quin n. ipsum minime offendisces, ejus causā si, &c.*] Gronovius corrigebat *off. ejus causam, si, &c.* rectissime. nam *ejus causā si abesses*, nullum sensum commodum habet. Librarii *ipsum ad Cæsarem* retulerunt, unde *ejus causā* facere, sed nunc ipsum coniungendum est, hoc ipso

tempore, ut et alibi dixit. non dubitavi id recipere.

38 *E. hoc quidem est verum profectum.*] Hoc nihili est, verissime Manutius correxit *profectum*, quod non dubitavi recipere, ut et alii ante fecere. Sed et verum delevi. nam id ortum est post corruptelam.

39 *An, quomodo dixerit ille quidem, ad se def. c.*] Sio edidi partim ex edd. primarum vestigiis, partim e correctione. primum illud *an o. d. ille quidem*, est in ed. Rom. Jens. &c. nisi quod dixerit dedi pro *dixerim*, ut placuit et Grævio, quod evidens est ita esse debere.

40 *Amicissimum mihi Cæsarem, &c.*]

Hic variant libri, et conjecturæ eruditiorum. Ego vulgatum verum puto: habet sensum commodum: primo in *amicissimum mihi Cæsarem* intelligo *fore*. Sensus est; ut brevi dicam, Curio jurabat, Cæsarem mihi fore valde amicū, idque se facile effecturum. Tum responderat Cicero:

- b. debet. quid enim, inquam, scripsit ad me Dolabella? ⁴¹ dico, quid? affirmabat, cum scripsisset, quod me cuperet ad urbem venire, illum quidem gratias agere maximas, et non modo probare, sed etiam gaudere. quid quæris? ⁴² acquievi. levata est enim suspicio illa domestici mali, et sermonis Hirtiani. quam cupio illum dignum esse nobis: et ⁴³ quam ipse me invito, qua pro illo sit supplicandum! sed opus fuit Hirtio convento. est profecto nescio quid: sed velim quamminimo. et tamen eum nondum redisse miramur. sed hæc videbimus. Tu Oppios Terentiæ dabis. jam enim urbis unum periculum est. Me tamen consilio juva, pedibusne Rhegium, an hinc statim in navem. ceterum, quoniam commoror, ego ad te statim habeo, quod scribam, simul ut videro Curionem. De Tirone cura, quæso, quod facis, ut sciam, quid is agat.

5

CICERO ATTICO S.

DE tota mea cogitatione scripsi ad te antea satis, ut mihi visus sum, diligenter. de die nihil sane potest scribi certi, præter hoc; non ante lunam novam. Curionis sermo postridie eandem habuit fere summam, nisi quod aperitius significavit, se harum rerum exitum non videre. Quod mihi mandas de Quinto regendo, ἀπαλλάττω. tamen nihil prætermittam. atque utinam tu! ⁴⁴ sed modestior non ero. Epistolam ad Vestorium ⁴⁵ statim de Tullia, ac valde requirere solebat. Commodius tecum Vectenus est locutus, quam ad me scripserat. sed mirari satis ⁴⁶ hominis negligentiam non queo. cum enim mihi Philotimus dixisset, H-S L emere

credo: nam et esse debet mihi amicus; non possum aliter de ejus animo in me existimare, vel propter ea, quæ de eo mihi gener Dolabella scripsit. Alii omnia hæc ad Curionem referunt, et hinc legunt esse debere, idque cum antecedentibus connectunt: deinde pro inquam legunt inquit, porro eum scripsisse, &c.

⁴¹ Dico, quid? Dico mihi suspectum est, et a glossatore ortum videtur.

⁴² Acquievi. levata est enim suspicio, &c.] Nihil amplius quæsi. Sed cum hoc non coherent sequentia. Levata est enim: suspicatus sum, pro enim legendam esse etiam domesticum malum pertinet ad Quinti filium, qui cum Hirtio et Cæsare locutus erat: de quo supra scriptum est.

⁴³ Quam i. me invito, qua, &c.] Hæc sunt vitiosa et obscura, nec correctio sine

libris melioribus excogitari potest.

⁴⁴ Sed modestior non ero.] Victorius corrigebat modestior: nempe modestior rei non videbatur convenire. est autem lenior, qui modum facit severitati et irre.

⁴⁵ Statim de Tullia.] Grævius et Mss. suorum vestigiis corrigebat detuli. non bene. nam ita non est, quo refoctur sequens solebat requirere. me interdum offundit collocatio. forte fuit de Tullia statim, sc. scripsi. argumentum epistolæ e sequentibus patet, nempe ad prædium pertinet, quod illa emtum cupiebat, quod diversorium post vocat.

⁴⁶ Hominis negligentiam.] Videtur ad pecuniam pertinere, de cujus solvendi die non egerit ante cum Cicerone, quam promiserit. hinc et intelligendum, quod post ait, se stomachosius rescripsisse.

de Canuleio diversorium illud posse, minoris etiam emturum, si Vectenum rogassem; rogavi, ut, si quid posset, ex ea summa detraheret: promisit: ad me nuper, se H-S p. 159. a. xxx emisse: ⁴⁷ ut scriberem, cui vellem addici: diem pecuniæ Id. Novemb. esse. rescripsi ei stomachosius, cum joco tamen familiari. nunc, ⁴⁸ quoniam agit liberaliter, nihil accuso hominem, scripsique ad eum, me a te certiores esse factum. Tu, de tuo itinere quid et quando cogites, velim me certiores facias. A. d. xv Kal. Mai.

CICERO ATTICO S.

6

ME adhuc nihil, præter tempestatem, moratur. astute nihil sum acturus: fiat in Hispania quidlibet: ⁴⁹ et tamen retice. meas cogitationes omnes explicavi tibi superioribus litteris. quocirca hæ sunt breves: et tamen, quia festinabam, cramque occupatio. De Quinto filio, fit a me quidem sedulo; sed nosti reliqua. Quod dein me mones, et amice, et prudenter mones: sed erunt omnia facilia, si ab uno illo cavero. magnum opus est. mirabilia multa. nihil simplex, nihil sincerum. vellem, suscepisses juvenem regendum. pater enim nimis indulgens, quidquid ego adstrinxi, relaxat. si sine illo possem, regerem: quod tu potes. sed ignosco: magnum, inquam, opus est. Pompeium pro certo habemus per Illyricum proficisci in Galliam. ego nunc, qua et quo, videbo.

CICERO ATTICO S.

7

⁵⁰ EGO vero Apuliam, et Sipontum, et tergiversationem istam probo: nec tuam rationem eandem esse duco, quam meam: non quin in republica rectum idem sit utrique nostrum: sed ea non agitur. regnandi contentio est; in qua pulsus est ⁵¹ modestior rex, et probior, et integrior, et is, qui nisi vincit, nomen populi Romani deleatur necesse est: sin autem vincit, Sullano more exemploque vincet. ergo hæc in contentione neutrum tibi palam sentiendum, et tem-

⁴⁷ Ut scriberem.] Melius abesset ut. cui vellem addici, mihi ipsi an Tullius.

⁴⁸ Quoniam agit liberaliter.] Int. de die solutionis.

⁴⁹ Et tamen retice.] Sic edidit bene, ut opinor, Victorius, e lectione librorum, qui habent reticet. Bosius correxit reticens, quod Gruterus secutus est. sed

verbum hinc nusquam occurrit. Lambinus ingeniose reticeba.

⁵⁰ Ego vero. - - probo.] Consilium itineris faciendi a te per Apuliam, Sipontum, sed ita, ut ne recta, ne Cæsar sentiat.

⁵¹ Modestior rex.] Pompeius modestius dominaturus, si vicerit, quam Cæsar.

pori serviendum est. Mea causa autem alia est, quod beneficio vinctus, ingratus esse non possum: nec tamen in acie, sed Melitæ, ⁵² aut alio in [loco] simili oppidulo, futurum puto. nihil, inquires, juvas eum, in quem ingratus esse non vis? immo minus fortasse voluisset. sed de hoc videbimus. exeamus modo: quod ut meliore tempore possimus, ⁵³ facit Adriano mari Dolabella, Fretensi Curio. Injecta autem mihi spes quædam est, velle mecum Ser. Sulpicium colloqui. ad eum misi Philotimum libertum cum litteris; si vir esse volet, præclara *συνοδια*: sin autem; erimus nos, qui solemus. ⁵⁴ Curio mecum vixit, jacere Cæsarem putans offensione populari, Siciliæque diffidens, si Pompeius navigare cœpisset. Quintum puerum accepi vehementer. avaritiam video fuisse, et ⁵⁵ spem magni congiarii. magnum hoc malum est. sed scelus illud, quod timueramus, spero nullum fuisse. hoc autem vitium, puto te existimare non nostra indulgentia, sed a natura profectum: ⁵⁶ quem tamen nos disciplina regimus. De Oppiis Veliensibus quid placeat, cum Philotimo videbis. ⁵⁷ Epirum nostram putabimus: sed alios cursus videbamur habituri.

8

CICERO ATTICO S.

ET res ipsa monebat, et tu ostenderas, et ego videbam, ⁵⁸ de iis rebus, quam intercipi periculosum esset, finem inter nos scribendi fieri tempus esse. sed, cum ad me sæpe
 160. mea Tullia scribat, orans, ut, quid in Hispania geratur,
 4. exspectem; et semper adscribat, idem videri tibi; idque ipse etiam ex tuis litteris intellexerim: non puto esse alienum, me ad te, quid de ea re sentiam, scribere. Consilium istud tunc esset prudens, ut mihi videtur, si nostras rationes ad Hispaniensem casum accommodaturi essemus; quod fieri dicitis oportere. necesse est enim, aut, id quod

52 Aut alio in loco simili oppidulo.] Hæc lectio a Jensonio fluxit. nullo modo vera esse potest. Lenior est lectio Rom. a. in loco sive oppidulo. ut et Mss. Grævii habebant, qui et sentiebat aliorum loco vel oppido vitiosum esse. Puto alio in simili oppidulo.

53 Facit Adriano - - Curio.] Nam quia ii tenent ea maria, sine impedimento poterit utrobilibet exire Italia.

54 Curio mecum vixit.] Diu apud me fuit. Ed. Jons. visit. an fuit me invisit?

55 Spem magni congiarii.] Præmii a Cæsare consequendi, sicut et alibi dicitur, ut congiario prosequi, donare. v. Clav.

56 Quem tamen - - reginus.] Videtur scribendum quam se. naturam. forte et reginus.

57 Epirum nostram putabimus.] Int. Attici prædia, quibus usurus erat pro suis, ut eo diverteret, cum placeret.

58 De iis rebus quam i. periculosum esset.] Edd. pr. habent quas: neutrum bene. puto scribendum esse quum. int. litteras.

maxime velim, ⁵⁹ pelli illum ab Hispania; aut trahi id bellum; aut istum, ut confidere videtur, apprehendere Hispanias. ⁶⁰ si pelletur; quam gratus, aut quam honestus tum erit ad Pompeium noster adventus; cum ipsum Curionem ad eum transiturum putem? si trahitur bellum; quid expectem, aut quam diu? relinquitur, ut, si vincimur in Hispania, quiescamus. id ego contra puto: istum enim victorem magis relinquendum puto, ⁶¹ quam victum et dubitantem magis, quam fidentem suis rebus. nam cædem video, si vicerit, et impetum in privatorum pecunias, et exsulum redditum, et tabulas novas, et turpissimorum honores, et regnum non modo Romano homini, sed ne Persæ quidem cuiquam tolerabile. ⁶² tacita esse poterit indignitas nostra? pati poterunt oculi, me cum Gabinio sententiam dicere? et quidem illum rogari prius? præsto esse ⁶³ clientem tuum Clodium? ⁶⁴ C. Ateii Plaguleium? ceteros? sed cur inimicos colligo? qui meos necessarios, a me defensos, nec videre in curia sine dolore, nec versari inter cos sine dedecore potero. quid? si ne id quidem est exploratum, fore, ut mihi liceat; (scribunt enim ad me amici ejus, me illi nullo modo satisfacisse, quod in senatum non venerim;) tamenne dubitemus, an ei nos etiam cum periculo venditemus, quicum conjuncti ne cum præmio quidem volumus esse? deinde hoc vide, non esse iudicium de tota contentione in Hispaniis: nisi forte, iis amissis, arma Pompeium abjecturum putas: cujus omne consilium Themistocleum est. ex-

⁵⁹ *Pelli istum ab Hisp.* - *istum, ut conf. videtur, &c.*] Non potest utrumque istum verum esse. pro alterutro scribendum *illum*, ut et alibi distinguuntur in his epistolis, cum eos non appellat nominibus suis. quia post de Cæsare est *istum*, prius sic correxi, quod ad Pompeium pertinet.

⁶⁰ *Si pelletur.*] Intelligendum ille, aut etiam addendum, quod hic propter pelletur facile excidere potuit.

⁶¹ *Quam victum, et dubitantem, &c.*] Hæc et dubitantem, &c. conjungenda sunt cum *victum*: nam si sejungantur, ut novum sit membrum, textus vitiosus est, ut sensit Lambinus, qui corrigi volebat, et *confidentem magis, quam diffidentem rebus suis*. Ego et ipse hic hæsitavi eadem de causa, et conjeci, transpositionem esse faciendam sic, et *fidentem magis suis rebus, quam dubitantem*, quod neo nunc displicet.

nam ita major est concinnitas et similitudine membrorum.

⁶² *T. c. p. indignitas nostra.*] Sic est e correctione Vict. et Lamb. Edd. autem pr. in *id dignitas nostra*, quod retineri vult Tunstallus, p. 96. Sed quis sic loquitur: *tacita esse in aliquid?* quid sit *indignitas nostra*, discas e Clave.

⁶³ *Clientem tuum Clodium.*] Quis sit ille *Clodius*, nemo dicat. nec displicet Tunstalli conjectura, l. c. legentis *Clodium*, i. e. Sextum, qui tum exsol erat, et rediturus ab exsilio, si Cæsar vicisset. is autem Attici familiaris videtur fuisse, sicut ante Publii, quem Attici sodalem appellat, II, 9. si per istum sodalem tuum *Publium* licebit.

⁶⁴ *C. Ateii Plaguleium.*] Sc. Ateii clientem, ut Attici Clodium. v. Clav. in *Plaguleius*.

istimat enim, qui mare teneat, ⁶⁵ cum necesse rerum potiri. itaque, ⁶⁶ qui numquam id egit, ut Hispaniæ per se tenerentur, navalis apparatus ei semper antiquissima cura fuit. navigabit igitur, cum erit tempus, maximis classibus, et ad Italiam accedet: in qua nos sedentes quid erimus? ⁶⁷ nam medios esse jam non licebit. classibus adversabimur igitur? ⁶⁸ quod malum majus, seu tantum denique? quid turpius? ⁶⁹ Ain' tu, Attice, siccin' absentis solus tui scelus? ejusdem, cum Pompeio et cum reliquis principibus non feram? Quodsi jam, misso officio, periculi ratio habenda est; ab illis est periculum, si peccaro: ab hoc, si recte fecero: nec ullum in his malis consilium periculo vacuum inveniri potest: ut non sit dubium, quin turpiter facere cum periculo fugiamus; quod fugeremus etiam cum salute. non simul cum Pompeio mare transierimus? omnino non potuimus. exstat ratio dierum. sed tamen (fateamur enim, quod est; nec condamus quidem, ut possumus;) fefellit ea me res, quæ fortasse non debuit, sed fefellit: pacem putavi fore: quæ si esset, iratum mihi Cæsarem esse, cum idem amicus esset Pompeio, nolui. senseram enim, quam iidem essent. hoc verens, in hanc tarditatem incidi. sed assequor omnia, si propero; si cunctor, amitto. et tamen, mi Attice, auguria quoque me incitant quadam spe non dubia, non hæc collegii nostri ⁷⁰ ab Appio, sed illa Platonis de tyrannis. nullo enim modo posse video stare istum diutius, quin ipse per se, etiam languentibus nobis, concidat; quippe qui florantissimus, ac novus, VI, VII diebus ipsi illi egenti ac perditæ multitudini in odium acerbissimum venerit; qui dua-

65 Eum necesse rerum potiri.] Nusquam reperi sic necesse sine verbo dici. non dubito excidisse esse, quod necesse absorpsit, quin librarii non videre syllabas esse his legendas esse.

66 Qui numquam id egit.] Pulo scribendum esse quia, aut post navalis app. ei semper a. c. f. Sed illud magis h. l. placet. ut H. per se tenerentur, ut ipse Hispaniam, provinciam suam, præsens obtineret: nam semper per legatos administraverat.

67 Nam medios esse, jam non licebit.] Pro mediis esse. v. Clav. in licet. medii isti mox sedentes dicantur, belli non participes.

68 Quod malum majus seu tantum denique? q. t.] Sic edidi ex ed. Rom. nisi quod in ea malum abest, quod ed. Jens.

cum ceteris habet, nec abesse potest. ele-ganter seu tantum denique: i. e. sen omnino tantum, quale hoc est. valde vitiosi hic libri sunt, et valde se torsere viri docti.

69 Ain' tu, &c.] Servavi lectionem ed. Grut. nam ea tamen sensum commodum habet, etsi incerta est: aliæ etiam sunt incertiores et fere sine comodo sensu. absentis intellige Cæsaris, quod in provincia Gallia fuit.

70 Ab Appio.] Sic e correctione Victorii. bene. Tunstallus tamen, p. 31. defendit lectionem veterem Attico: quod ille Ciceroni sæpe futura prædixerit: sed collegii nostri necessario requirit nomen auguris. et Appius scripserat libros de disciplina augurum, ad Ciceronem.

rum rerum simulationem tam cito amiserit, ⁷¹ mansuetudinis in Metello, divitiarum in ærario. Jam, quibus utatur vel sociis, vel ministris, si ii provincias, si rempublicam regent, quorum nemo duo menses potuit patrimonium suum gubernare? non sunt omnia colligenda, quæ tu acutissime perspicis: sed tamen ea pone ante oculos: jam intelliges, id regnum vix semestre esse posse. quod si me fefellerit, feram, sicut multi clarissimi homines in republica excellentes tulerunt: nisi forte me, ⁷² Sardanapali vicem in lectulo mori malle censueris, quam exsilio Themistocleo: qui cum fuisset, ut ait Thucydides, τῶν μὲν παρόντων δι' ἐλαχίστης βουλῆς κράτιστος γνώμων, τῶν δὲ μελλόντων ἐπὶ πλεῖστον τοῦ γενησομένου ἄριστος εἰκαστής, tamen incidit in eos casus, quos vitasset, si eum nihil fefellerisset. etsi is erat (ut ait idem) qui τὸ ἄμεινον καὶ τὸ χεῖρον ἐν τῷ ἄφαντι ἐτι προεώρα μάλιστα: tamen non vidit, nec quo modo Lacedæmoniorum, nec quo modo suorum civium invidiam effugeret, nec ⁷³ quid Artaxerxi polliceretur. non fuisset et illa nox tam acerba Africano, sapientissimo viro, non tam dirus ille dies Sullanus callidissimo viro C. Mario, si nihil utrumque eorum fefellerisset. nos tamen hoc confirmamus illo augurio, quo diximus; nec nos fallit, nec aliter accidet. Corruat iste necesse est, aut per adversarios, aut ipse per se, qui quidem sibi est adversarius unus acerrimus. id spero vivis nobis fore. quamquam tempus est, nos de illa perpetua jam, non de hac exigua vita cogitare. sin quid acciderit maturius, haud sanc mea multum interfuerit, utrum factum videam, an futurum esse multo ante viderim. Quæ cum ita sint, non est committendum, ut iis pareamus, quos contra me senatus, ne quid respublica detrimenti acciperet, armavit. Tibi sunt omnia commendata; quæ commendationis meæ, pro tuo in nos amore, non indigent. ne hercule ego quidem reperio, quid scribam. sedeo enim *πλουδοκῶν*. etsi nihil umquam tam fuit scribendum, quam nihil mihi umquam ex plurimis tuis ju-

71 Mansuetudinis in Metello, &c.] Quem, tribunum pl. interficere voluit, quod eum impedire volebat, quo minus ærarium effringeret, et pecuniam inde auferret: qua ipsa re cognitum est, eum pecuniis carere, cum simulasset divitias.

72 Sardanapali vicem in suo lectulo mori.] Vicem ed. Rom. vice ed. Jena. utrumque rectum est. v. Clav. illud, quia

minus usitatum, prætulit, pro suo Grævius maluit meo. Immo delevi, quia sine dubio est a glossatore. Cicero et nlibi sic loquitur, non tamen addito pronomine: ista sibi respondent: Sardanapali vicem in lectulo, et exsilio Themistocleo.

73 Quid Artax. polliceretur.] Sc. se Græciam ei traditurum in potestatem, cum exsul ad eum fugisset, Thueyd. I, 137.

cunditatibus gratius accidisce, quam quod meam Tulliam suavissime diligentissimeque coluisti. valde eo ipsa delectata est: ego autem non minus; cujus quidem virtus mirifica. quo modo illa fert publicam cladem? quo modo domesticas tricas? quantus autem animus in discessu nostro? sit *στοργή*, sit summa *σύντηξις*; tamen nos recte facere et bene audire vult. Sed hac super re nimis; ne meam ipse *συμπάθειαν* jam evocem. Tu, si quid de Hispaniis certius, et si quid aliud, dum adsumus, scribes: et ego fortasse discedens dabo ad te aliquid; eo etiam magis, quod Tullia te non putabat hoc tempore ex Italia. Cum Antonio item est agendum, ut cum Curione, Melitæ me velit esse, huic bello nolle interesse. eo velim tam facili uti possem, et tam bono in me, quam Curione. is ad Misenum vi Nonas venturus dicebatur, id est hodie: sed præmisit mihi odiosas litteras, hoc exemplo:

ANTONIUS, TRIB. PLEB. PROPRAËT. CICERONI,
IMP. S.

NISI te valde amarem, et multo quidem plus, quam tu putas, non extimuissem rumorem, qui de te prolatus est, cum præsertim falsum esse existimarem. sed quia te nimio
 p. 162. a. plus diligo, non possum dissimulare, mihi famam quoque, quamvis sit falsa, magni esse. Te iturum trans mare, credere non possum, cum tanti facias Dolabellam, et Tulliam tuam, feminam lectissimam, tantique ab omnibus nobis fias; quibus mehercule dignitas amplitudoque tua pæne carior est, quam tibi ipsi. sed tamen non sum arbitratus esse amici, non commoveri etiam improborum sermone: atque eo feci studiosius, quod judicabam, duriores partes mihi impositas esse ab offensione nostra, quæ magis a *ζηλοτυπία* mea, quam ab injuria tua nata est. sic enim volo te tibi persuadere, mihi neminem esse cariorem te, excepto Cæsare meo, meque illud una judicare, Cæsarem maxime in suis M. Ciceronem reponere. Quare, mi Cicero, te rogo, ut tibi omnia integra serves, ejus fidem improbes, ⁷⁴ qui tibi, ut beneficium daret, prius injuriam fecit: ⁷⁵ contra ne

⁷⁴ Qui tibi, ut benef. daret, prius injuriam fecit.] Pompeius, qui ejus exsilium juverat, Clodii adoptionem permittendo et reliqua, beneficium dederat. reditu juvando.

⁷⁵ Contra ne profugas.] Victorius delevit eum, quem omnes secuti sunt: Gravius restituit, quod in omnibus ante Victorium esset. immo abest ed. Rom. abestque melius.

profugias, qui te, etsi non amabit, (quod accidere non potest,) tamen salvum amplissimumque esse cupiet. Dedita opera ad te Calpurnium, familiarissimum meum, misi; ut mihi magnæ curæ tuam vitam ac dignitatem esse scires.

Eodem die a Cæsare Philotimus attulit, hoc exemplo :

CÆSAR, IMP. CICERONI, IMP. S.

ETSI te nihil temere, nihil imprudenter facturum judicaram; tamen permotus hominum fama, scribendum ad te existimavi, et pro nostra benivolentia petendum, ne quo progredereis, ⁷⁶ proclinata jam re, quo, integra etiam, progrediendum tibi non existimasses. namque et amicitiae graviorem injuriam feceris; et tibi minus commode consulueris, si non fortunæ obsecutus videbere, (omnia enim secundissima nobis, adversissima illis accidisse videntur,) nec causam secutus, (eadem enim tum fuit, cum ab eorum consiliis abesse judicasti,) sed meum aliquod factum condemnasse: quo mihi gravius abs te nil accidere potest. quod ne facias, pro jure nostræ amicitiae a te peto. Postremo, quid viro bono et quieto, et bono civi magis convenit, quam abesse a civilibus controversiis? quod nonnulli cum probarent, periculi causa sequi non potuerunt. tu, explorato et vitæ meæ testimonio, et amicitiae judicio, neque tutius, neque honestius reperies quidquam, quam ab omni contentione abesse. xv Kal. Mai. ex itinere.

CICERO ATTICO S.

9

ADVENTUS Philotimi (at cujus hominis, quam insulsi, et quam sæpe pro Pompeio mentientis!) exanimavit omnes, qui mecum erant. nam ipse obdurui. Dubitabat nostrum nemo, quin Cæsar itinera repressisset: volare dicitur: Petreius cum Afranio conjunxisset se: nihil affert ejusmodi. quid quæris? etiam illud erat persuasum; Pompeium cum magnis copiis iter in Germaniam per Illyricum fecisse: id enim ἀνθερτικῶς nuntiabatur. Melitam igitur, opinor, capessamus, dum, quid in Hispania: quod quidem propemodum videor ex Cæsaris litteris ipsius vo-

76 Proclinata jam re, qua integra etiam progrediendum, &c.] Proclinata primum Jensonius edidit. ed. Rom. inclinata. sed illud melius hoc loco, quia Cæsar sic et

in libris suis dixit B. G. VII, 42. tum legendum sine dubio quo i. e. nam progrediendum absolute dici non potest.

luntate facere posse; qui negat neque honestius, neque tutius mihi quidquam esse, quam ab omni contentione abesse. p. 163. dices, ubi ergo tuus ille animus, quem proximis litteris? a. adest, et idem est. sed utinam meo solum capite decernerem! lacrymæ meorum me interdum molliunt, precantium, ut de Hispaniis expectemus. M. Cœlii quidem epistolam, scriptam miserabiliter, cum hoc idem obsecraret, ut expectarem, ne fortunas meas, ne unicam filiam, ne meos omnes tam temere proderem, non sine magno fletu legerunt pueri nostri: etsi meus quidem est fortior, eoque ipso vehementius commovet: nec quidquam, nisi de dignatione, laborat. Melitam igitur; deinde, quo videbitur. tu tamen etiam nunc mihi aliquid litterarum, et maxime ⁷⁷ si quid ab Afranio. Ego, si cum Antonio locutus ero, scribam ad te, quid actum sit. ero tamen in credendo, ut mones, cautus. nam occultandi ratio cum difficilis, tum etiam periculosa est. Servium exspecto ad Nonas: et adigit ita Postumia, et Servius filius. Quartanam leviorē esse gaudeo. Misi ad te Cœlii etiam litterarum exemplum.

COELIUS CICERONI S.

EXANIMATUS tuis litteris, quibus te nihil; nisi triste, cogitare ostendisti; neque, id quod esset, perscripsisti; neque non tamen, quale esset, quod cogitares, aperuisti; has ad te ilico litteras scripsi. Per fortunas tuas, Cicero, per liberos te oro et obsecro, ne quid gravius de salute et incolumitate tua consulas. nam deos hominesque, amicitiamque nostram testificor, me tibi prædixisse, neque temere monuisse; sed, postquam Cæsarem convencerim, sententiamque ejus, qualis futura esset parta victoria, cognorim, te certiorē fecisse. si existimas eandem rationem fore b. Cæsaris in dimittendis adversariis, et conditionibus ferendis, erras. nihil, nisi atrox et sævum, cogitat, atque etiam loquitur. iratus sonatui exiit: his intercessionibus plane incitatus est. non mehercule erit deprecationi locus. quare, si tibi tu, si filius unicus, si domus, si spes tuæ reliquæ tibi caræ sunt; si aliquid apud te nos, si vir optimus, gener tuus, valemus: eorum fortunam non debes velle conturbare; ut eam causam, in cujus victoria salus nostra est, odisse aut relinquere cogamur, aut impiam cupiditatem

contra salutem tuam habeamus. denique illud cogita, quod offensæ fuerit, in ista cunctatione te subiisse. nunc te contra victorem Cæsarem facere, quem dubiis rebus lædere noluisti, et ad eos fugatos accedere, quos resistentes sequi nolueris, summæ stultitiæ est. vide, ne, dum pudet te parum optimatam esse, parum diligenter, quod optimum sit, eligas. quod si totum tibi persuadere non possum; saltem, dum, quid de Hispaniis agamus, scitur, exspecta; quas tibi nuntio adventu Cæsaris fore nostras. quam isti spem habeant amissis Hispaniis, nescio. quod porro tuum consilium sit ad desperatos accedere, non medius fidius reperio. Hoc, quod tu non dicendo mihi significasti, Cæsar audierat: ac simul atque hæc mihi dixit, statim, quid de te audisset, exposuit. negavi, me scire: tamen ab eo petivi, ut ad te litteras mitteret, quibus maxime ad remanendum commoveri posses. me secum in Hispaniam ducit. nam, nisi ita faceret, ego prius, quam ad urbem accederem, ubicumque esses, ad te percurrissem, et hoc a te præsens contendissem, atque omni vi te retinuissem. Etiam atque etiam, Cicero, cogita, ne te tuosque omnes funditus evertas: nec te sciens prudensque eo demittas, unde exitum vides p. 164. nullum esse. quod si te aut voces optimatium commovent; n. aut nonnullorum hominum insolentiam et jactationem ferre non potes: eligas, censeo, aliquod oppidum vacuum a bello, dum hæc decernuntur, quæ jam erunt confecta. id si feceris, et ego te sapienter fecisse iudicabo, et Cæsarem non offendes.

CICERO ATTICO S.

10

ME Cæcum, qui hæc ante non viderim! misi ad te epistolam Antonii. ei cum ego sæpissime scripsissem, nihil me contra Cæsaris rationes cogitare; meminisse me generi mei, meminisse amicitiae; potuisse, si aliter sentirem, esse cum Pompeio; me autem, quia cum lictoribus invitus cursarem, abesse velle, nec id ipsum certum etiam nunc habere; vide, quam ad hæc παροινικῶς.

Tuum consilium quam verum est. nam qui se medium esse vult, in patria manet: qui proficiscitur, aliquid de alterutra parte iudicare videtur. sed ego is non sum, qui statuere debeam, jure quis proficiscatur, nec ne. partes mihi Cæsar has imposuit, ne quem omnino discedere ex Italia

paterer. quare parvi refert, me probare cogitationem tuam, si nihil tamen tibi remittere possum. ad Cæsarem mittas, censeo, et ab eo hoc petas. non dubito, quin impetraturus sis, cum præsertim te amicitiae nostræ rationem habiturum esse pollicearis.

Habes σκυτάλην Λακωνικήν. omnino excipiam hominem. erat autem v Non. venturus vesperi, id est hodie. cras igitur ad me fortasse veniet. ⁷⁸tentabo, audeam, nihil properare; missurum ad Cæsarem, clamabo, me; cum paucissimis alicubi occultabor; ⁷⁹certe hinc, istis invitissimis, evolabo, atque utinam ad Curionem! σὺν θεῷ τοι λέγω. magnus dolor accessit. efficietur aliquid dignum nobis. δυσουρία tua mihi valde molesta. medere amabo, dum est ὄρχη. De Massiliensibus gratæ tuæ mihi litteræ. quæso, ut sciam, quidquid audieris. Siciliam cuperem, si possem palam: quod a Curione effeceram. Hic ego Servium exspecto. rogor enim ab ejus uxore et filio: et puto opus esse. ⁸⁰Hic tamen Cytheridem secum lectica aperta portat, altera uxorem: septem præterea conjunctæ lecticæ amicarum sunt, an amicorum? vide, quam turpi leto pereamus: et dubita, si potes, quin ille, seu victus seu victor redierit, cædem facturum sit. ego vero vel lintriculo, si navis non erit, eripiam me ex istorum parricidio. Sed plura scribam, cum illum convenero. Juvenem nostrum non possum non amare: sed ab eo nos non amari, plane intelligo. nihil ego vidi tam ἀνηθοποιήτον, tam aversum a suis, tam nescio quid cogitans. vim incredibilem molestiarum! sed erit curæ, et est, ut regatur. mirum est enim ingenium. ἥθους ἐπιμελητέον.

11

CICERO ATTICO S.

OBSIGNATA jam epistola superiore, non placuit ei dari, cui constitueram, quod erat alienus. itaque eo die data non est. interim venit Philotimus, et mihi a te litteras reddidit: quibus quæ de fratre meo scribis, sunt ea quidem parum firma, sed habent nihil ὑπουλον, nihil fallax, nihil non flexibile ad bonitatem, nihil, quod non, quo velis, uno sermone possis perducere. ne multa; omnes suos, et-

p. 165.
a.

⁷⁸ Tentabo, audeam, nihil properare.] Hoc nec intelligo, nec commodè corrigere possum.

⁷⁹ Certe hinc, istis inv. evolabo.] Hæc est lectio antiqua et bona. Bosius e vi-

tiosa scriptura librorum suorum dedit carris: quod omnes secuti sunt. non placet.

⁸⁰ Hic tamen.] Res docet, intelligendum esse Antonium. eam non nominat, quia de eo epistola tota est.

iam quibus irascitur crebrius, tamen caros habet, me quidem se ipso cariorum. Quod de puero aliter ad te scripsit, et ad matrem de filio, non reprehendo. De itinere et de sorore, quæ scribis, molesta sunt, eoque magis, quod ea tempora nostra sunt, ut ego his mederi non possim. nam certe mederer. sed quibus in malis, et qua in desperatione rerum simus, vides. Illa de ratione numaria non sunt ejusmodi (sæpe enim audio ex ipso) ut non cupiat tibi præstare, ⁸¹ et in eo laboret. sed si mihi Q. Axius, in hac mea fuga, H-S XIII non reddit, quæ dedi ejus filio mutua, et utitur excusatione temporis; si Lepta; si ceteri; soleo mirari, de nescio quis H-S XX. cum audio ex illo, se urgeri. vides enim profecto angustias. curari tamen ea tibi utique jubet. an existimas illum in isto genere lentulum, aut restrictum? nemo est minus. De fratre satis. de ejus filio, indulgit illi quidem suus pater semper; sed non facit indulgentia mendacem, aut avarum, aut non amantem suorum; ferocem fortasse, atque arrogantem et infestum facit. itaque habet hæc quoque, quæ nascuntur ex indulgentia: sed ea sunt tolerabilia. quid enim dicam, hac juventute? ea vero, quæ mihi quidem, qui illum amo, sunt his ipsis malis, in quibus sumus, miseriora, non sunt ab obsequio nostro; non: suas radices habent; quas tamen evellerem profecto, si liceret. sed ea tempora sunt, ut omnia mihi sint patienda. ego meum facile teneo. nihil est enim eo tractabilius: cujus quidem misericordia languidiora adhuc consilia cepi; et; ⁸² quo ille me fortiores vult esse, eo magis timeo, ne in eum existam crudelior. Sed Antonius venit heri vesperi. jam fortasse ad me veniet, aut ne id quidem; quoniam scripsit, quid fieri vellet. sed scies continuo, quid actum sit. Nos jam nihil, nisi occulte. De pueris quid agam? parvum navigio committam? quid mihi animi in navigando censes fore? recordor enim, æstate cum illo Rhodiorum ἀφάρκω navigans, quam fuerim sollicitus. quid, duro tempore anni, actuariolo fore censes? rem undique miseram! Trebatius erat mecum, vir plane et civis bonus. quæ ille monstra, dii immortales! etiamne Balbus in senatum venire cogitet? sed ei ipsi cras ad te litteras dabo. Vectenum mihi amicum,

81 Et in eo laboret.] Sic edd. pr. recte. cum Grævio lectionem edd. pr. pro certiorum, quod Victorius, Bosius, &c. edidere.

82 Quo ille me fortiores, &c.] Restitui est enim durius h. l.

ut scribis, ita puto esse: cum eo, quod ⁸³ἀποτόμως ad me scripserat de numis curandis, θυμικώτερον eram jocatus. id tu, si ille aliter acceperit, ac debuit, lenies. *Monetati* autem adscripsi, quod ille ad me, *Proconsuli*, sed ⁸⁴quoniam est homo, et nos diligit, ipse quoque a nobis diligitur. Vale.

12

CICERO ATTICO S.

QUIDNAM mihi futurum est? aut quis me non solum infelicior, sed jam etiam turpior? nominatim de me sibi imperatum dicit Antonius; nec me tamen ipse adhuc viderat, sed hoc Trebatio narravit. Quid agam nunc, cui nihil procedit, caduntque ea, quæ diligentissime sunt cogitata, tæterrima? ego enim Curionem nactus, omnia me consecutum putavi. is de me ad Hortensium scripserat. ⁸⁵Reginus erat totus noster. huic nihil suspicabamur cum hoc mari negotii fore. quo me nunc vertam? undique custodior. ^{a.} ⁸⁶sed satis lacrymis. πάρωρα πλευτέον igitur, et occulte in aliquam onerariam correndum. non committendum, ut etiam compacto prohibiti videamur. Sicilia petenda: quam si erimus nacti, majora quædam consequemur. sit modo recte in Hispaniis: quamquam de ipsa Sicilia utinam sit verum! sed adhuc nihil secundi. concursus Siculorum ad Catonem dicitur factus; orasse, ut resisteret; omnia pollicitos: commotum illum, delectum habere coepisse. non credo, ut est luculentus auctor: potuisse certe tenere illam provinciam scio. ab Hispaniis autem jam audietur. Hic nos C. Marcellum habemus, eadem de re cogitantem, aut bene simulantem: quamquam ipsum non videram, sed ex familiarissimo ejus audiebam. tu, quæso, si quid habebis novi, ego, si quid moliti erimus, ad te statim scribam. Quintum filium ⁸⁷severius adhibebo. utinam proficere possim! tu tamen eas epistolas, quibus asperius de eo scripsi, aliquando concerpito, ne quando quid emanet: ego item tuas. Servium exspecto, nec ab eo quidquam ὑγέε. scies, quidquid erit. sine dubio crrasse nos, confitendum est. at sc-

83 'Απ. ad me scr. de numis cur.] Vide supra, ep. 5.

84 Quoniam est homo.] Miror, in hoc hæsisse viros doctos. int. quia est non experta humanitatis.

85 Reginus.] V. Clavis.

86 Sed satis lacrymis.] Int. datum est

a nobis.

87 Severius adhibebo.] Nihili est adhibebo h. l. bene Grævius cohibebo. Mox edd. pr. possem. Correctum est a Corrado et Malasпина per latinitatem. bene. cur ergo non etsimilia corrigamus? cur non et paulo post quam turpe sit, pro q. t. est?

mel? at una in re? immo omnia, quo diligentius cogitata, eo facta sunt imprudentius.

Ἀλλὰ τὰ μὲν προτερεύχθαι ἐάσομεν, ἀχρύνενοι περ

in reliquis modo ne ruamus. jubes enim de protectione mea providere. quid provideam? ita patent omnia, quæ accidere possunt, ut, ea si vitem, sedendum sit cum dedecore et dolore: si negligam, periculum est, ne in manus incidam perditorum. sed vide, quantis in miseriis simus. optandum interdum videtur, ut aliquam accipiamus ab istis quamvis acerbam injuriam, ut tyranno in odio fuisse videamur. quodsi nobis is cursus, quem speraram, pateret; effecissem aliquid profecto, ut tu optas et hortaris, dignum nostra mora. sed mirificæ sunt custodiæ: et quidem ille ipse Curio suspectus. quare vi aut clam agendum est: et, si vi, forte et cum tempestate: clam autem istis. in quo si quod σφάλμα, vides, quam turpe sit. trahimur: nec fugiendum, si quid violentius. ⁸⁸ De Cœlio, sæpe mecum agito; nec, si quid habuero tale, dimittam. Hispanias spero firmas esse. Massiliensium factum cum ipsum per se luculentum est, tum mihi argumento est, recte esse in Hispaniis. minus enim auderent, si aliter esset, et scirent: ⁸⁹ nam et juncti, et diligentes sunt. Odium autem recte animadvertis significatum theatro. Legiones etiam has, quas in Italia assumptis, alienissimas esse video. sed tamen nihil inimicius, quam sibi ipse. illud recte times, ne ruat. si desperarit, certe ruet. quo magis efficiendum aliquid est, fortuna velim meliore, animo Cœliano. sed primum quidque; quod, qualecumque erit, continuo scies. Nos juveni, ut rogas, supeditabimus, et ⁹⁰ Peloponnesum ipsam sustinebimus. est enim indoles: modo aliquod hoc sit ⁹¹ ἥθος διδασχῇ ἀλωρόν. quod si adhuc nullum est, esse tamen potest: aut ἀπερὴ non est διδασκρόν. quod mihi persuaderi non potest.

88 De Cœlio, &c.] Videtur Atticus Cœlii factum ad imitandum proposuisse, qui Syllæ dominationem impediturus, bellum in Italia commoverat. Massiliensium factum est, quod Cæsari ad se venienti portas clausere.

89 Nam et juncti et dil. sunt.] Sic ed. Rom. pro quo Jens. dedit invicti. misere se in hac lectione torsere viri docti, quod miror, cum, ut Grævius bene monet, nil facilius sit, quam viciniam cogitare, item alias conjunctiones, e commerciis, &c.

90 Peloponnesum ipsam sustinebimus.] Est lusus facetus e proverbio, Spartam, quam nactus es, orna. dicit, se etiam plus præstiturum. quam postuletur. non Spartam modo, sed totam Peloponnesum sustinebo.

91 ἥθος διδ. ἀλωρόν.] Lectio græca h. l. ubique est e conjectura. retinui maxime vulgatam. Jac. Gronovii conjectura, quam textui Gruteriano inseruit, ἥθος κακία ἀδολων, est sensu bona, sed contextui non ita apta, ut illa.

CICERO ATTICO S.

EPISTOLA tua gratissima fuit meae Tulliae, et mehercule mihi. semper secum aliquid afferunt tuae litterae. scribes igitur: ac, si quid ad spem poteris, ne dimiseris. Tu Antonii leones pertimescas cavē. ⁹² nā, nihil est illo homine jucundius. attende *πρᾶξιν πολιτικοῦ*. ⁹³ evocavit literis e municipiis denos: et IIII viri venerunt ad villam ejus mane. primum dormiit ad H. III. deinde, cum esset nuntiatum, venisse Neapolitanos et Cumanos, (his enim est Cæsar iratus,) postridie redire jussit: lavari se velle, et *περὶ κοιλιολουσίαν γίνεσθαι*. hoc ⁹⁴ here effecit. hodie autem in Ænariam transire constituit. exsulibus reditum pollicetur. Sed hæc omittamus, de nobis aliquid agamus. Ab Axio accepi litteras. De Tirone gratum. Veetenum diligo. Vestorio reddidi. Servius pridie Nonas Maii Minturnis mansisse dicitur, hodie in Linternino mansurus apud C. Marcellum. eras igitur nos mature videbit, mihiq; dabit argumentum ad te epistolæ. jam enim ⁹⁵ non reperio, quod tibi scribam. Illud admiror, quod Antonius ad me ne nuntium quidem, cum præsertim ⁹⁶ me valde observarit. ⁹⁷ videlicet aliquid atrocius de me imperatum est: coram negare mihi non vult. quod ego nec rogaturus eram: nec, si impetrassem, crediturus. nos tamen aliquid excogitabimus. Tu, quæso, si quid in Hispaniis: jam enim poterit audiri: et omnes ita exspectant, ut, si recte fuerit, nihil negotii futurum putent. ego autem nec, retentis his, confectam rem puto; neque, amissis, desperatam. Silium et Ocellam, ⁹⁸ et ceteros credo retardatos. te quoque a Curtio impediri video. etsi, ut opinor, habes *κέρητα ἄκρον*.

CICERO ATTICO S.

O VITAM miseram! majusque malum, tam diu timere, quam est illud ipsum, quod timetur! Servius, ut antea

⁹² Nā, nihil est.] Addidi nā ex ed. Rom. quod per coniecturam placebat Grævio. mox pro *πρᾶξιν πολ.* eadem ed. *ἀρχὴν πολ.*

⁹³ Evocavit - denos.] I. e. decem primos, ut et alii existimavere: cum his venere magistratus IVviri.

⁹⁴ Here.] Sic Malaspina in votulis libris reperit: sic et ed. Rom.

⁹⁵ Non reperio, quod.] Volgo hic est quid. at supra, ep. 8. ne hercule ego quidem

reperio, quod scribam, ubi pariter edd. quendam veteres quid. itaque correxi quod.

⁹⁶ Me valde observarit.] Ironice dictum.

⁹⁷ Videlicet aliquid, &c.] Hic locus mihi sanus non videtur. illa aliquid, vel, ut est in recentioribus edd. aut aliquid a. d. m. i. est, nullo modo cum ceteris coeunt: si eximantur, omnia plana fiant et bene coherentia.

⁹⁸ Et ceteros.] Pompeianos, ex Italia exire cupientes.

scripsi, cum venisset Nonis Maii, postridie ad me venit. ne
 diutius te teneam, nullius consilii exitum invenimus. num-
 quam vidi hominem perturbatiorem metu: neque hercule
 quidquam timebat, quod non esset timendum: illum sibi
 iratum, hunc non amicum; horribilem utriusque victoriam,
 cum propter alterius crudelitatem, alterius audaciam, tum
 propter utriusque difficultatem pecuniarum, qua erui nus-
 quam, nisi ex privatorum bonis posset. atque hæc ita mul-
 tis cum lacrymis loquebatur, ut ego in irarer, eas tam diu-
 turna miseria non exaruisse. mihi quidem etiam lippitudo
 hæc, propter quam non ipse ad te scribo, sine ulla lacryma
 est, sed sæpius odiosa est propter vigilias. quamobrem
 quidquid habes ad consolandum, collige, et illa scribe, non
 ex doctrina, neque ex libris: nam id quidem domi est;
 sed nescio quo modo imbecillior est medicina, quam mor-
 bus: hæc potius conquire, de Hispaniis, de Massilia: quæ
 quidem satis bella Servius assert: qui etiam de duabus
 legionibus luculentos auctores esse dicebat. hæc igitur si
 habebis, et talia. et quidem paucis diebus aliquid audiri ne-
 cesse est. sed redeo ad Servium. Distulimus omnino ser-
 monem in postemum: sed tardus ad exeundum: multo se in
 suo lectulo malle, quidquid foret. odiosus scrupulus ⁹⁹ de
 filii militia Brundisina. unum illud firmissime asseverabat, si
 damnati restituerentur, in exsilium se iturum. nos autem ad
 hæc: ¹⁰⁰ et id ipsum certo fore, et, quæ jam fiant, non esse
 leviora; multaque colligebamus. verum ea non animum
 ejus augebant, sed timorem, ut jam celandus magis de nos-
 tro consilio, quam ad idem videretur. quare in hoc non
 multum est. Nos a te admoniti de Cœlio cogitabimus.

CICERO ATTICO S.

15

SERVIUS cum esset apud me, Cephalio cum tuis litte-
 ris vi Id. venit: quæ nobis magnam spem attulerunt melio-
 rum rerum de octo cohortibus: (etenim hæc quoque, quæ
 in his locis sunt, labare dicuntur:) eodem die Funisulanus
 a te attulit litteras, in quibus erat confirmatus idem illud.
 ei de suo negotio respondi cumulate, cum omni tua gratia.

p. 168.

⁹⁹ De f. militia Brundisina.] Adver- legendam fiant. nam illud propter rō jam
 sus Pompeium. de qua supra, IX, 18. et reliqua verba vitiosum.

X, 3. ¹ Quam ad idem videretur.] Excidit
¹⁰⁰ Et ipsum certo fore.] Omissum sine dubio verbum cohortandus aut simile:
 est id, aut in et mutatum: tum pro fiebant nam ejus ellipsis nimis dura foret.

adhuc non satisfaciebat : debet autem mihi multos numos ; nec habetur locuples. ² nunc ait se daturum, cui expensos tulerit : moram in tabellariis ; si apud te esset, qua satisfacisses, dares. quantum sit, Eros Philotimi tibi dicet. sed ad majora redeamus. Quod optas, ³ Coelianum illud maturescit. itaque torqueor, utrum ventum exspectem. vexillo opus est : convolabunt. Quod snades, ut palam ; prorsus assentior : itaque me profecturum puto. tuas tamen interim litteras exspecto. Servii consilio nihil expeditur, omnes captiones in omni sententia occurrunt. unum C. Marcello cognovi timidiorem ; ⁴ quem consulem fuisse pœnitet. ὦ πολλῆς ἀγεννείας ! qui etiam Antonium confirmasse dicitur, ut me impediret ; ⁵ quo ipse, credo, honestius. Antonius autem vi Id. Capuam profectus est : ad me misit, se, p̄dore deterritum, ad me non venisse, quod me sibi succensere putaret. ibitur igitur, et ita quidem, ut censes ; nisi ⁶ cujus gravioris personæ suscipiendæ spes erit ante oblata. sed vix erit tam cito. Alienus autem prætor putabat aliquem, si ego non, ex collegis suis. quivis licet, dummodo b. aliquis. De sorore, laudo. De Quinto puero, datur opera. spero esse meliora. De Quinto fratre, scito eum non mediocriter ⁷ laborare de usura : sed adhuc nihil a L. Egnatio expressit. ⁸ Axius de XII millibus pudens, sæpe enim adscripsit, ut Gallio, quantum is vellet, darẽm. quod si non scripsisset, possemne aliter ? et quidem sæpe sum pollicitus : sed tantum voluit cito. me vero ⁹ adjuvarent his in angustiis. sed dii istos ! verum alias. Te a quartana liberatum gandeo, itemque Piliam. Ego, dum putes et cetera in

² Nunc ait se daturum - - dares.] Hæc sunt e correctione Bosii : alii aliter. Locutus est ita vitiosus, ut sanari non possit, aut explicari. itaque non frustra in eo nos et lectores torquebimus.

³ Coelianum illud maturescit.] Videtur jam venire tempus, quo commode ei cum successu illud, quod de Carlio dixi, ep. 12. fieri possit ; tantum opus est duce, qui signum det : vexillo opus est, convolabunt.

⁴ Q. consulem fuisse pœnitet.] Quia Cæsari vehementius resistendo causa belli fuerat, ipsumque iratum sibi fecerat, ut ab eo omnia timere debeat.

⁵ Quo ipse c. honestius.] In Italia manere possit, si ego non abeam.

⁶ Cujus gravioris personæ.] Opinor,

quæ pacis faciendæ auctor esset Cæsari et Pompeio, velut reip. nomine, sed cum ea gravitate, ut ei cederent.

⁷ Laborare de usura.] Non credibile est in usura tantopere laborari potuisse. Credo Corradum recte conjecisse de versura, i. e. de solvendo debito per versuram. Egnatius fenerator nondum adduci poluit, ut pecuniam tibi solveret.

⁸ Arias pudens.] Ironice. qui non modo non dat, quod debet, nempe XII H S. sed etiam plus petit. adscripsit, si verum est, intelligendum : cum scribit se solvere non posse hoc tempore, scribit insuper de pecunia filio danda. alias placeret Manutii conjectura, legendum scripsit.

⁹ Adjuvarent.] Sc. potius, quam etiam a me pecuniam peterent.

navem parantur, excurro in Pompeianum. Vecteno velim gratias; ¹⁰ quod studiosus sit. Si quemquam nactus fueris, qui perferat; litteras des ante, quam discedimus.

CICERO ATTICO S.

16

COMMODUM ad te dederam litteras de pluribus rebus, cum ad me bene mane Dionysius fuit: cui quidem ego non modo placabilem me præbuissem, sed totum remissem, si advenisset, qua mente tu ad me scripseras. erat enim sic in tuis litteris, quas Arpini acceperam, cum venturum facturumque, quod ego vellem. ego volebam autem, vel cupiebam potius, esse cum nobiscum. quod quia plane, cum in Formianum venisset, præciderat, asperius ad te de eo scribere solebam. at ille perpauca locutus, hanc summam habuit orationis; ut sibi ignoscerem; se rebus suis impeditum nobiscum ire non posse. pauca respondi; magnum accepi dolorem: intellexi fortunam ab eo nostram despectam esse. quid quæris? fortasse miraberis. in maximis horum temporum doloribus hunc mihi scito esse. velim, ut tibi amicus sit. hoc cum tibi opto, opto ut beatus sis. erit enim tandiu. Consilium nostrum spero vacuum periculo fore. nam et dissimulabimus, et, ut opinor, ¹¹ acerrime adservabimus. navigatio modo sit, qualem opto. cetera, quæ quidem consilio provideri poterunt, cavebuntur. tu, dum adsumus, non modo quæ scieris audierisque, sed etiam quæ futura providebis, scribes velim. Cato, qui Siciliam tenere nullo negotio potuit, et, si tenuisset, omnes boni ad eum se contulissent, Syracusis profectus est ante diem viii Kal. Mai. ut ad me Curio scripsit. utinam, quod ajunt, ¹² Cotta Sardiniam teneat! est enim rumor. o, si id fuerit, turpem Catonem! Ego, ut minuerem suspicionem profectionis aut cogitationis meæ, profectus sum in Pompeianum a. d. iiii Id. ut ibi essem, dum, quæ ad navigandum opus essent, pararentur. cum ad villam venissem, ventum est ad me; centuriones trium cohortium, quæ Pompeiis sunt, me velle

p. 169.
a.

¹⁰ Quod studiosus sit.] Addidit sit Grævius e Mss. suis. est et in edd. Rom. Jens. &c. int. mei, rerum mearum.

¹¹ Acerrime adservabimus.] Hoc verbum vitiosum puto, si maxime adservare pro observare dici possit. nam ei rō acerrime non convenit. Si intelligamus, cus-

todiemus premendo, ne animadvertatur, cui conveniret acerrime, illud ut opinor non convenit. interim sic locum intelligemus. ep. 18. custodia, quibus asservor.

¹² Cotta Sardiniam teneat.] M. Aurelius, C. v. Cæs. B. C. 1, 30.

postridie; (hæc mecum Ninnius noster;) velle eos mihi se et oppidum tradere. at ego tibi postridie a villa ante lucem, ut me omnino illi ne viderent. quid enim erat in tribus cohortibus? quid, si plures? quo apparatu? cogitavi eadem illa Coeliana, quæ legi in epistola tua, quam accepi, simul et in Cumanum veni, eodem die, ¹³et simul fieri poterat, ut tentaremur. omnem igitur suspicionem sustuli. sed cum redeo, Hortensius venerat, et ad Terentiam salutatum diverterat; sermone erat usus honorifico erga me. tamen eum, ut puto, videbo. misit enim puerum, se ad me venire. hoc quidem melius, quam collega noster Antonius: cujus inter lictores
 b. lectica mima portatur. Tu, quoniam quartana cares, et nedum morbum removisti, sed etiam gravedinem, te vegetum nobis in Græcia siste; et litterarum aliquid interca.

17

CICERO ATTICO S.

PRID. Idus Hortensius ad me venit, scripta epistola. ¹⁴vellem cetera ejus. quam in me incredibilem ἀκτένεια! qua quidem cogito uti. deinde Serapion cum epistola tua: quam prius quam aperuissem, dixi ei, te ad me de eo scripsisse antea, ut feceras. deinde, epistola lecta, cumulatissime cetera: ¹⁵et hercule hominem bonum et doctum, et probum existimo. quin etiam navi ejus me, et ipso convectore usurum puto. Crebro refricat lippitudo, non illa quidem perodiosa, sed tamen quæ impediât scriptionem meam. Valitudinem tuam jam confirmatam esse et a vetere morbo, et a novis tentationibus, gaudeo. Ocellam vellem habere-mus. videntur enim esse hæc paullo faciliora. nunc quidem æquinoctium nos moratur, quod valde perturbatum erat. id si ἀκρεῆς erit, utinam idem maneat Hortensius! ¹⁶siquidem ut adhuc erat: liberalius esse nihil potest. De diplomate admiraris, quasi nescio cujus te flagitii insimularem. negas enim te reperire, qui mihi id in mentem venerit. ego autem, quia scripseras, te proficisci cogitare; (etenim audieram, ¹⁷nemini aliter licere;) eo te habere ceusebam, et

13 Et simul f. p.] Hoc mihi non placet. non bene coheret cum præcedentibus.

14 Vellem cetera ejus.] Sc. quæ fecit, essent vel fuissent similia his, quæ dixit.

15 Et hercule hominem bonum et doctum, et probum e.] Sic edidimus ex edd. pr. nam hodie vulgata, et h. h. probu. nam et doctum et probum existimo, non placet. mallet tamen et bonum abesse, et legi: ho-

minem et doctum et p. e. ut placuit Grævio.

16 Siquidem ut adhuc erat.] Sic Facinus, et Malaspina, addito ut, quod et Grævius recepit. Forte fuit ut quidem adhuc erat, et ut absorpsit fualis in Hortensius, additurque post si.

17 Nemini aliter licere.] Sc. proficisci ex Italia, nisi haberet diploma.

quia pueris diploma sumseras. habes causam opinionis meæ: et tamen velim scire, quid cogites, in primisque, si quid etiam nunc novi est. XVII Kal. Jun.

CICERO ATTICO S.

18

TULLIA mea peperit XIII Kal. Jun. puerum *ἐπταμη- p. 170.*
νιατον. quod *ἡνυόκησεν*, gaudebam. quod quidem est natum,
 perimbecillum est. Me mirifice tranquillitates adhuc te-
 nuerunt, atque majore impedimento fuerunt, quam custo-
 diæ, quibus asservor. nam illa Hortensiana omnia fuere in-
 fantia. ¹⁸ ita fiet homo nequissimus. a Salvio liberti deprava-
 tus est. itaque posthac non scribam ad te, quid facturus
 sim, sed quid fecerim. omnes enim *Κωρυκαῖοι* videntur sub-
 auscultare, quæ loquor. Tu tamen, si quid de Hispaniis,
 sive quid aliud, perge quæso scribere; nec meas litteras
 exspectaris, nisi cum, quo opto, pervenerimus, aut ¹⁹ si quid
 ex cursu. Sed hoc quoque timide scribo. ita omnia adhuc
 tarda et spissa. ²⁰ Ut male posuimus initia, sic cetera se-
 quuntur. Fornias nunc sequimur, cadem nos fortasse fu-
 riæ persequentur. ex Balbi autem sermone, quem tecum
 habuit, non probamus de Melita. dubitas igitur, quin nos in
 hostium numero habeat? scripsi equidem Balbo, te ad me
 de benivolentia scripsisse, et de suspicione. cgi gratias. de
 altero ei me purga. cequem tu hominem infeliciorem? non
 loquor plura, ne te quoque exercuiem. ipse conficior, ve-
 nisse tempus, cum jam nec fortiter, nec prudenter quidquam
 facere possim.

18 Ita fiet homo nequissimus.] *Cur fiet,* 19 Si quid ex cursu.] In ipso itinere
 non potius fit? forte: ita fit. homo n. &c. meo ad te scripsero.

20 Ut male posuimus initia.] An male
 est a glossatore?

M. TULLII CICERONIS
EPISTOLARUM

AD

ATTICUM

LIBER XI.

ARGUMENTUM.

Silentur menses fere novem. Consecravit enim, ut ad Pompeium navigaret, VII Id. Junii, Lentulo et Marcello Coss. ut ex epistola VII ad Terentiam cognosci potest; et ex eo tempore scriptæ litteræ, ad mensem Februarium, præter primas libri hujus, nullæ inveniantur. Nam cum Caesar, a colloquio illo Ciceronis, quo de penultima epistula proximi libri agitur, Romam se contulisset; pecuniamque ex sacriore ærario, nequidquam repugnante L. Metello tribuno pleb. abstulisset: rebus nonnullis ad suum arbitrium constitutis, Italiaque Antonio tradita et commendata, ipse in Hispaniam contra Pompeii legatos exercitum duxit: quo tempore Cicero in Macedoniam VII Id. Junii, ut diximus, transmisit, unde priores quatuor epistolæ datæ sunt: sed C. Cesare II et Servilio Isaurico Coss. ante pugnam Pharsalicam, partim ex castris Pompeii, partim Dyrrachio. Num Caesar, devictis legatis illis, Hispanique rebus compositis, Romam reversus, consulque cum Isaurico declaratus, exenat, ut ait Dio, ut Plutarchus Prid. Non. Jan. jam exercitum in Epirum deportaverat. Reliquæ autem epistolæ Brundisio; quo jam acie devicto et fugato Pompeio, Cicero se contulerat, datæ sunt, nisi fallor, mense Octobr. Nam ad Terentium scribens, libro epistolarum ad ipsam, pridie Non. Novemb. Quod nos (inquit) in Italiam salvos venisse gaudes, &c. ut ante eas, Brundisio alie datæ fuerint. Fuit autem Brundisii menses minimum undecim: ab exitu, inquam, Octobris, ad VI Kal. Octobris, anni sequentis: ut recte subducenti menses fluxerint plus minus XXI quo toto tempore Caesar et cum Pompeio pugnavit, ipsumque in Egyptum persecutus est: et ibidem contra Ptolemæum bellum gessit, in quo menses novem consumsit, ut Appianus ait: et Romam rediens in itinere Pharnacem recepit. Quæ vero datæ sunt ex Kal. Jan. usque Kal. Septemb. C. Cesare dictatore III et M. Antonio Mag. Eq. scriptæ sunt. Nam, ut Dio scribit, populus Rom. audita eade Pompeii, consulatum absenti Cesari, in annos quinque, dictaturam in annum, Tribuniciam potestatem in æternum mandavit. Qui dictaturam statim inivit; quamvis anni exitu, Calpurnius et Vatinius, eodem auctore, subrogaverit in terminos novissimos menses. Datæ ante pugnam Pharsalicam res fere domesticas continent: quæ post pugnam, querelam sui consilii: vel, ut ipse vocat, amentie

et temeritatis, quod statim ab ipso confictu, Pompeianorum causa nondum plene desperata, et postea in Africa prope revirescente, non expectato exitu, in Italiam venerit: cum neque id tutum, neque honorificum esset. Quædam insunt etiam de remittendo nuntio uxori Terentiæ: de inopia Tulliæ: de scelere Dolabellæ, qui tribunus pleb. leges perniciosissimas de novis tribulis ferret, omniaque misceret. quædam etiam de Q. Q. contra se sceelerate loquentibus.

CICERO ATTICO S.

1

ACCEPI a te signatum libellum, quem Anteros attulerat; ex quo nihil scire potui de nostris domesticis rebus: de quibus acerbissime afflictor, quod, ¹qui eas dispensavit, neque adest istic, neque, ubi terrarum sit, scio. omnem autem spem habeo existimationis privatarumque rerum in tua erga me mihi perspectissima benivolentia: quam si his temporibus miseris et extremis præstiteris, hæc pericula, quæ mihi communia sunt cum ceteris, fortins feram: idque ut facias, te obtestor atque obsecro. ego in cistophoro in Asia habeo ad H-S bis et vicies. hujus pecuniæ per mutatione fidem nostram facile tnebero: quam quidem ego nisi expeditam relinquere putassem, credens ei, cui tu scis jam pridem minime credere, commoratus essem paullisper, nec domesticas res impeditas reliquisseni: ob eamque causam serius ad te scribo, quod sero intellexi, quid timendum esset. Te etiam atque etiam oro, ut me totum tuendum suscipias; ut, si ii salvi erunt, quibuscum sum, nua cum iis possim incolumis esse, salutemque meam benivolentiæ tuæ acceptam referre.

CICERO ATTICO S.

2

LITTERAS tuas accepi pridie Nonas Febr. eoque ipso die ex testamento crevi hereditatem. ex multis meis miserimis curis est una levata, si, ut scribis, ista hereditas fidem et famam meam tueri potest, quam quidem te intelligo, etiam sine hereditate, tuis opibus defensurum fuisse. De dote quod scribis, per omnes deos te obtestor, ut totam rem suscipias, ²et illam, miseram mea culpa et negligentia, tueare meis opibus, si quæ sunt; tuis, quibus tibi molestum non erit, ³facultatibus: cui quidem deesse omnia, quod

1 Qui eas dispensavit.] Philotimus. v. cando Dolabellæ, qui ejus dotem dissipaverat.
ep. 4. mox existimatio est fama boni viri, rat.

ep. 2. in re pecuniaria fidem servantis.

2 Et illam, miseram mea culpa.] Int. 3 Facultatibus.] Hoc puto esse a glossatore, tuis referendum ad opibus.

Tulliam, quam miseram reddiderat, collo-

scribis, obsecro te, noli pati. in quos enim sumtus abeunt fructus prædiorum? jam illa H-S LX, quæ scribis, nemo mihi umquam dixit, ex dote esse detracta: ⁴numquam enim essem passus. sed hæc minima est ex iis injuriis, quas accepi; de quibus ad te dolore et lacrymis scribere prohibeor. Ex ea pecunia, quæ fuit in Asia, partem dimidiam fere exegi. tutius videbatur fore ibi, ubi est, quam apud publicanos. Quod me hortaris, ut firmo sim animo: vellem posses aliquid afferre, quamobrem id facere possem. sed si ad ceteras miseriâs accessit etiam id, quod mihi Chrysippus dixit parari, (tu nihil significasti) ⁵de domo; quis me miserior uno jam fuit? oro, obsecro, ignosce: non possum plura scribere. quanto mœrore urgear, profecto vides: quod si mihi commune cum ceteris esset, qui videntur in eadem causa esse, minor mea culpa videretur, et eo tolerabilior esset. nunc nihil est, quod consoletur; nisi quid tu efficis, si modo etiam nunc effici potest, ut ⁶ne qua singulari afficiar calamitate et injuria. Tardius ad te remisi tabellarium, quod potestas mittendi non fuit. A tuis et numorum accepi H-S LXX, et vestimentorum quod opus fuit. Quibus tibi videbitur velim des litteras meo nomine. nosti meos familiares. ⁷signum requirent, aut manum: dicces, me propter custodias ea vitasse.

3

CICERO ATTICO S.

QUID hic agatur, scire poteris ex eo, qui litteras attulit: quem diutius tenui, quia quotidie aliquid novi exspectabamus: neque nunc mittendi tamen ulla causa fuit, præter eam, de qua tibi rescribi voluisti. ⁸Quod ad Kal. Quint. pertinet, quid vellem; utrumque grave est, ⁹et tam gravi tempore periculum tantæ pecuniæ, et, dubio rerum exitu ¹⁰ista, quam scribis, abruptio. quare, ut alia, sic hoc vel maxime tuæ fidei benivolentiæque permitto, et illius

4 Numquam enim e. p.] Non placet numquam. Conjectio nequaquam aut neque. enim abest ed. Jens.

5 De domo.] An, ut ea priverer publicando, quia essem ad Pompeium profectus. Sic Manutius.

6 Ne qua singulari, &c.] Qua alii Pompeiani affecti non sunt a Cæsarianis.

7 Signum requirent, &c.] Grævius malebat si signum. non est necesse. ejus omissi in tali forma et alia exempla sunt.

mox iis friget: et abest ed. Rom. Sed ejus loco est vel, ut in Mss. Grævii. deleti.

8 Quod ad Kal. Quint. p.] So. diem pecuniæ solvendæ vel collocandæ.

9 Tam gravi.] Puto addendum et; vestigium ejus est in lectione edd. pr. etiam, quod ex et tam factum est. grave tempus est bellum civile.

10 Ista -- abruptio.] Divortium Tullæ cum Dolabella.

consilio et voluntati, cui miseræ consuluissem melius, si tecum olim coram potius, quam per litteras, ¹¹ de salute nostra fortunisque, deliberavissem. Quod negas præcipuum mihi ullum incommodum impendere; etsi ista res nihil habet consolationis, tamen etiam præcipua multa sunt, quæ tu profecto vides, ut sunt, et gravissima esse, et me facillime vitare potuisse: ea tamen erunt minora, si, ut adhuc factum est, ¹² administratione diligentiaque tua levabuntur. Pecunia apud Egnatium est. sit a me, ut est. neque enim hoc, quod agitur, videtur diuturnum esse posse; ut scire jam possim, quid maxime opus sit: et si egeo rebus omnibus; quod is quoque in angustiis est, quicum sumus; cui magnam dedimus pecuniam mutuam, opinantes, nobis, constitutis rebus, eam rcm etiam honori fore. Tu, ^{p. 172.} ut antea fecisti, velim, si qui erunt, ad quos aliquid scribendum a me existimes, ipse conficias. ^{a.} Tuis salutem dic. Cura, ut valeas. inprimis id, quod scribis, omnibus rebus cura et provide, ne quid ei deest, de qua scis me miserimum esse. Idibus Jun. ex castris.

CICERO ATTICO S.

4

ACCEPI ab Isidoro litteras, et postea datas binas. ex proximis cognovi prædia non venissc. videbis ergo, ¹³ ut sustentetur per te. ¹⁴ de Frusinati, ¹⁵ si modo futuri sumus, erit mihi res opportuna. Meas litteras quod requiris, impediior inopia rerum, quas nullas habeo litteris dignas; quippe cui nec, quæ accidunt, nec, quæ aguntur, ullo modo probentur. utinam coram tecum olim potius, quam per epistolas! ¹⁶ Hic tua, ut possum, tueor apud hos. cetera Celer ipse. fugi adhuc omne munus, eo magis, quod ita nihil poterat agi, ut mihi et meis rebus aptum esset. Quid sit gestum novi, quæris: ex Isidoro scire poteris: reliqua non videntur esse difficiliora. Tu id velim, quod scis me maxime velle, cures, ut scribis, ut facis. Me conficit sollici-

11 *De salute n. f.*] De Tullia Dolabella collocanda. factum enim erat absente Cicerone in provincia.

12 *Administratione d. t.*] Pertinet ad rem familiarem Ciceronis.

13 *Ut sustentetur per te.*] Tullia, pecunia ei suppeditanda; supra, *tuis opibus*.

14 *De Frusinati.*] Prædio, quod vendiderat cum conditione redemptionis, redi-

mendo, ut diserte est ep. 13.

15 *Si modo futuri sumus.*] Sc. salvi et incolumes.

16 *Hic tua - - apud hos.*] Hic, in Epiro, ubi Cicero erat apud Pompeium. apud hos, Pompeianos, in quorum potestate erat Epirus, atque adeo prædia Attici. cetera Celer ipse, narrabit, cum ad te venerit.

tudo, ex qua etiam summa infirmitas corporis: qua levata, ero una cum eo, qui negotium gerit, estque in spe magna. Brutus amicus in causa versatur acriter. Hactenus fuit, quod caute a me scribi posset. Vale. De pensione altera, oro te, omni cura considera, quid faciendum sit, ut scripsi iis litteris, quas Pollex tulit.

5

CICERO ATTICO S.

- b. ¹⁷QUÆ me causæ moverint, quam acerbæ, quam graves, quam novæ, coegerintque impetu magis quodam animi uti, quam cogitatione, non possum ad te sine maximo dolore scribere: fuerunt quidem tantæ, ut id, quod vides, effecerint. itaque nec quod ad te scribam de meis rebus, nec quod a te petam, reperio. rem et summam negotii vides. equidem ex tuis litteris intellexi, et iis, quas communiter cum aliis scripsisti, et iis, quas tuo nomine, quod etiam mea sponte videbam, te subdebilitatum novas rationes tuendi mei quærere. Quod scribis placere, ut propius accedam, iterque per oppida noctu faciam; non sane video, quemadmodum id fieri possit. neque enim ita apta habeo diversoria, ut tota tempora diurna in his possim consumere; neque ad id, quod quæris, multum interest, utrum me homines in oppido videant, an in via. sed tamen hoc ipsum, sicut alia considerabo, quemadmodum commodissime fieri posse videatur. ego propter incredibilem et animi et corporis molestiam conficere plures litteras non potui: iis tantum rescripsi, a quibus acceperam. tu velim et Basilo, et quibus præterea videbitur, etiam Servilio conscribas, ut tibi videbitur, meo nomine. Quod tanto intervallo nihil omnino ad vos; profecto intelligis rem mihi deesse, de qua scribam, non voluntatem. Quod ne Vatinio quæris: neque illius, neque cujusquam mihi præterea officium deesset, si reperire possent, qua in re me juvarent. Quintus aversissimo a me animo Patris fuit. eodem Corcyra filius venit. inde profectos eos una cum ceteris arbitror.

¹⁷ Quæ me causæ moverint, &c.] Ad disium, ubi hæc epistola scripta. v. et discendum ab armis; quod fecerat statim ab acie Pharsalica, redieratque Brun- epist. seq.

CICERO ATTICO S.

6

SOLLICITUM esse te cum de tuis communibusque fortunis, tum maxime de me, ac de dolore meo, sentio: qui quidem dolor meus non modo non minuitur, cum socium sibi adjungit dolorem tuum, sed etiam augetur. omnino pro tua prudentia sentis, qua consolatione levare maxime possim. probas enim meum consilium, negasque mihi quidquam tali tempore potius faciendum fuisse. addis etiam, (quod etsi mihi levius est, quam tuum iudicium, tamen non est leve,) ceteris quoque, id est, qui pondus habeant, factum nostrum probari. id si ita putarem, levius dolerem. crede, inquis, mihi. credo equidem: sed scio, quam cupias minui dolorem meum. Me discessisse ab armis, nunquam poenituit: ¹⁸ tanta erat in illis crudelitas, tanta cum barbaris gentibus conjunctio, ut non nominatim, sed generatim proscriptio esset informata; ut jam omnium iudicio constitutum esset, omnium vestrum bona prædam esse illius victoriae; vestrum, plane dico: nunquam enim de te ipso, nisi crudelissime, cogitatum est. quare voluntatis me meæ nunquam poenitebit: consilii poenitet. in oppido aliquo mallent resedissee, quoad arcesserem. minus sermonis subissem: minus accepissem doloris: ipsum hoc me non angere. Brundisii jacere, in omnes partes est molestum. propius accedere, ut suades, quo modo sine lictoribus, quos populus dedit, possum, qui mihi incolumi adimi non possunt? ¹⁹ quos ego nunc paullisper cum bacillis in turbam conieci ad oppidum accedens, ne quis impetus militum fieret. ²⁰ reliquo tempore me domo. Te nunc ad Oppidum et Antonium: iis placeret modo propius accedere, ²¹ ut hac de re considerarem: credo, fore auctores (sic enim recipiunt) Cæsari non modo de conservanda, sed etiam de

18 Tanta in illis crudelitas, &c.] Pompeianis, qui vehementer minabantur iis, in eosque saeviebant, qui a suis partibus non stetissent. barbaræ gentes, a quibus auxilia acceperant.

19 Quos ego nunc p.] Nunc pro non dedi, ut placuit et Tunstallo, p. 158. hoc quidem lenius, quam aliorum modo, quod et quidam, denique Grævius, recipere in textum.

20 Reliquo tempore me domo.] Int. non moveo, ne quis me videat. sed sic editur

e correctione: quam servavi, quia tamen intelligi potest. Locus in edd. et scriptis valde et varie corruptus est, vexatusque conjecturis, quos vident, qui velit, in notis ed. Grævianæ. addam tantum correctionem Tunstalli l. c. recipio tempore meo. Ἀρπάζω te nunc ad Oppidum.

21 Ut hac de re considerarem.] Sc. cum ipsis. pro vulg. considerarent, e Mss. suis Grævius, bene. Sic et ed. Rom. Possis et conficere consideraremus, ut ultimæ litteræ per compendium scriptæ exciderint.

augenda mea dignitate ²² curæ fore : meque hortantur, ut magno animo sim; ut omnia summa sperem : ea spondent, confirmant, quæ quidem mihi exploratiora essent, si remansissem. sed ingero præterita. vide, quæso, igitur ea, quæ restant, et explora cum istis; et si putabis opus esse, et si istis placebit, quo magis factum nostrum Cæsar probet, quasi de suorum sententia factum, adhibeantur Trebonius, Pansa, si qui alii : scribantque ad Cæsarem, me, quidquid fecerim, de sua sententia fecisse. Tulliæ meæ morbus et imbecillitas corporis me exanimat, quam tibi intelligo magnæ curæ esse; quod est mihi gratissimum. ²³ De Pompeii exitu mihi dubium numquam fuit. tanta enim desperatio rerum ejus, omnium regum et populorum animos occuparat, ut, quocumque venisset, hoc putarem futurum. non possum ejus casum non dolere. hominem enim integrum, et castum, et gravem cognovi. De Fannio consolet te? ²⁴ perniciose loquebatur de mansione tua. L. vero Lentulus Hortensii domum sibi et Cæsaris hortos, et Baias desponderat. omnino hæc eodem modo ex hac parte fiunt : nisi quod illud erat infinitum. omnes enim, qui in Italia manserant, hostium numero habebantur. sed velim hæc aliquando solutiore animo. Quintum fratrem audio profectum in Asiam, ²⁵ ut deprecaretur. de filio nihil audiui. sed quære ex Diochare, Cæsaris liberto, quem ego non vidi, qui istas ²⁶ Alexandrinæ litteras attulit. is dicitur vidisse, ²⁷ euntem, an jam in Asia? Tuas litteras, prout res postulat, exspecto : quas velim cures quamprimum ad me perferendas. IIII Kal. Decemb.

²² Curæ fore.] Hoc mihi sæpe pro glossa suspectum fuit. Dicit Cicero, sic recipiunt. quid igitur recipiunt? sc. se fore auctores Cæsari, de dignitate mea, &c. quorsum igitur curæ fore? sed contra meque hortantur esse videtur. Sed id potest coniungi cum recipiunt, est tamen hic aliquid duri.

²³ De Pompeii exitu.] De cædo ejus in Egypto intelligendum.

²⁴ Perniciosa loq. de mansione tua.] Fannius, qui in acie Pharsalica ceciderat : is minabatur olim Attico, quia in Italia

manserit.

²⁵ Ut deprecaretur.] Apud Cæsarem, cujus cum legatus fuisset, tamen ab ejus partibus discesserat.

²⁶ Alexandrinæ litteras.] De Cæsare Alexandriæ incluso ab Ægyptiis. Victorius dedit Alexandreas, quod et Gruterus secutus est.

²⁷ An euntem, an jam in Asia.] Prius an delendum est. nam est contra bonam latinitatem. Ed. Rom. habet incidisse, quod prætulerim, legamque incidisse in euntem, an, &c. Interim an delevi.

CICERO ATTICO S.

7

²⁸GRATÆ tuæ mihi litteræ sunt, quibus accurate perscripsisti omnia, quæ ad me pertinere arbitratus es. Factum igitur, ut scribis, istis placere, iisdem istis lictoribus me uti; quod concessum Sextio sit; cui non puto suos esse concessos, sed ab ipso datos. audio enim, eum ea senatus consulta improbare, quæ ²⁹post discessum tribunorum facta sunt. quare poterit, si volet sibi constare, nostros lictores comprobare. quamquam quid ego de lictoribus, qui pæne ex Italia decedere sim jussus? nam ad me misit Antonius exemplum Cæsaris ad se litterarum, in quibus erat, se audivisse, Catonem et L. Metellum in Italiam venisse, Romæ ut essent palam: id sibi non placere; ne qui motus ex eo fierent; prohiberique omnes Italia, nisi quorum ipse causam cognovisset: deque eo vehementius erat scriptum. itaque Antonius petebat a me per litteras, ut sibi ignoscerem: facere se non posse, quia iis litteris pareret. tum ad eum misi L. Lamiam, qui demonstraret, illum Dolabellæ dixisse, ³⁰ut ad me scriberet, ut in Italiam quamprimum venirem: ejus me litteris venisse. tum ille edixit ita, ut me exciperet, ³¹et Lælium nominatim. quod sane nollem. poterat enim, sine nomine, ³²re ipsa excipi. o multas et graves offensiones! quas quidem, tu das operam, ut lenias. nec tamen nihil proficis: quin hoc ipso minuis dolorem meum, quod, ut minuas, tam valde laboras: idque velim ne gravare quam sæpissime facere. maxime autem assequere quod vis, si me adduxeris, ut existimem, me bonorum ^{b.}judicium non funditus perdidisse. quamquam quid tu in eo potes? nihil scilicet. sed, si quid res dabit tibi facultatis, id me maxime consolari poterit: quod nunc quidem video non esse; sed si quid, ex eventis; ut hoc nunc accidit. dicebar debuisse cum Pompeio proficisci. exitus illius minuit ejus officii prætermisisti reprehensionem. sed ex omnibus nihil magis tamen desideratur, quam quod ³³in Afri-

²⁸ Gr. tuæ m. litteræ sunt - - perscripsisti.] In hac structura et forma orationis Cicero videtur scripsisse fuerunt, ut alibi.

²⁹ Post discessum tribunorum.] In principio belli civilis, cum ab urbe fugerant timore Cæsaris. Causa: quod in istis legibus jus intercedendi non valuisset, adeoque impediri leges malæ non potuissent.

³⁰ Ut ad me scriberet, ut.] Primum ut melius abesset, ut aliis locis similibus abest.

³¹ Et Lælium.] D. Lælium Pompeianum. v. Clay.

³² Re ipsa excipi.] Alii libri scr. et edd. res ipsa. non male.

³³ In Africam non ierim.] Cum Pompeiani me imperatorem dixissent, ut qui plus omnibus in illo bello vidissem.

cam non ierim. iudicio hoc sum usus, non esse barbaris auxiliis fallacissimæ gentis rempublicam defendendam, præsertim contra exercitum sæpe victorem. non probant fortasse. multos enim viros bonos in Africam venisse audio, et scio fuisse antea. ³⁴valde hoc loco urgeor. ³⁵hic quoque opus est casu, aliqui sint ex iis, aut, si potest, omnes, qui salutem anteponant. nam si perseverant et obtinent; quid nobis futurum sit, vides. dices, quid illis, si victi erunt? honestior est plaga. Hæc me excruciant. Sulpicii autem consilium, non scripsisti, cur meo non anteponeres: quod etsi non tam gloriosum est, quam Catonis, tamen et periculo vacuum est, et dolore. Extremum est eorum, qui in Achaia sunt. ii tamen ipsi se hoc melius habent, quam nos, quod et multi sunt uno in loco; et cum in Italiam venerint, ³⁶domum statim venerint. Hæc tu perge, ut facis, mitigare, et probare quamplurimis. Quod te excusas: ego vero et tuas causas nosco; et mea interesse puto, te istic esse, vel ut cum iis, quibus oportebit, agas, quæ erunt agenda de nobis, ut ea quæ egisti; in primisque hoc velim animadvertas. multos esse arbitror, qui ad Cæsarem detulerint, delaturive sint, me aut pœnitere consilii mei, aut non probare, quæ fiant: quorum etsi utrumque verum est; tamen ab illis dicitur animo a me alienato, non quo ita perspexerint. sed totum ut hoc Balbus sustineat, et Oppius, et eorum

p. 175. ^a crebris litteris illius voluntas erga me confirmetur, et hoc plane ut fiat, diligentiam adhibebis. Alterum est, cur te nolim discedere; ³⁷quod scribis Tulliam efflagitare. o rem miseram! quid scribam? aut quid velim? breve faciam. lacrymæ enim se subito profuderunt. tibi permitto: tu consule. tantum vide, ne hoc temporis tibi obesse aliquid possit. ignosce, obsecro te: non possum præ fletu et dolore diutius in hoc loco commorari. tantum dicam, nihil mihi

³⁴ Valde hoc loco urgeor.] Abeundumne sit in Africam, nec ne: sed videtur inclinasse in illud. nam mox Sulpicii consilium opponit suo: atqui Sulpicias in Italia manserat, nec in Africam ierat cum aliis viris bonis.

³⁵ Hic quoque opus est casu.] Hoc mihi non satis convenire videtur sequentibus. nam casus est in hoc: nam si perseverant, &c. Verbo, non intelligo locum, nec satisfaciunt interpretes.

³⁶ Domum statim venerint.] Sc. venia

a Cæsare impetrata statim Romam ire poterunt, cum ipse Brundisii sedeam miser.

³⁷ Quod scribis te flagitari.] Hoc sanum esse non potest: nam sensum nullum habet. Segnentia ostendunt, sermonem esse de Tullia: mox: quam quod cum diligis. edd. pr. habent q. scribis efflagitare, ut et libri scr. quidam te flagitare. unde et alii jam conjicere Tulliam te flagitare, nuper et Tunstallus Tulliam efflagitare sc. ut matres in Italia: quod placet, nec dubitavi recipere, cum sit certius vulgato.

gratius esse, quam quod eam diligis. Quod ³⁸litteras, quibus putas opus esse, curas dandas; facis commode. Quintum filium vidi, qui Sami vidisset, patrem Sicyone: quorum deprecatio est facilis. utinam illi, ³⁹qui prius illum viderint, me apud eum velint adjutum tantum, quantum ego illos vellem, si quid possem! Quod rogas, ut in bonam partem accipiam, si qua sint in tuis litteris, quæ me mordeant: ego vero in optimam; teque rogo, ut aperte, quemadmodum facis, scribas ad me omnia, idque facias quam sæpissime. Vale. XIV Kalend. Januar.

CICERO ATTICO S.

8

QUANTIS curis afficiar, etsi profecto vides; tamen cognosees ex Lepta et Trebatio. maximas poenas pendo temeritatis meæ; quam tu prudentiam mihi videri vis: neque te deterreo, quo minus id disputes, scribasque ad me quam sæpissime. nunnihil enim me levant tuæ litteræ hoc tempore. Per eos, qui nostra causa volunt, valentque apud illum, diligentissime contendas opus est, per Balbum et Oppium maxime, ut ⁴⁰de me scribant quam diligentissime. ^{b.} oppugnamur enim, ut audio, et præsentibus quibusdam, et per litteras. iis ita occurrendum, ut rei magnitudo postulat. Furnius est illie, mihi inimicissimus. Quintus misit filium non solum sui deprecatorem, sed etiam accusatorem mei. dictitat, se a me apud Cæsarem oppugnari: quod refellit Cæsar ipse, omnesque ejus amici. neque vero desistit, ubicumque est, omnia in me maledicta conferre. nihil mihi umquam tam incredibile accidit, nihil in his malis tam acerbum. qui ex ipso audissent, cum Sicyone palam multis audientibus loqueretur, nefaria quædam ad me pertulerunt. ⁴¹nosti genus, etiam expertus es fortasse: in me id est omne conversum. sed augeo commemorando dolorem, et facio etiam tibi. quare ad illud redeo; cura, ut hujus rei causa, dedita opera, mittat aliquem Balbus. ad quos vi-

³⁸ Litteras - - curas dandas.] Nempe, meo nomine scriptas, ut supra, et in fine hujus epistolæ.

³⁹ Qui prius illum viderunt.] Aut viderint, ut Corrado placuit, legendum, aut videbunt, ut Grevio. viderunt non potest stare propter rō velint: itaque viderint rescipsi, ut quam minimum a vulgato recederem. Sed sic in Mss. regius esse tra-

dit Alemannus.

⁴⁰ De me scribant quam dil.] Ad Cæsarem, deprecandi, commondandi causa.

⁴¹ Nosti genus, etiam expertus es f.] Varie hic locus et interpolatus est in libris et vexatus conjecturis. hæc est lectio ed. Rom. quam servavimus. Pertinet autem ad familiam Q. fratris.

debitur; velim cures litteras meo nomine. Vale. vi Kal. Januar.

9

CICERO ATTICO S.

EGO vero et incaute, ut scribis, et celerius, quam oportuit, ⁴²feci, nec in ulla sum spe; quippe qui exceptionibus edictorum ⁴³retinear: quæ si non essent sedulitate effectæ, et benivolentia tua, liceret mihi abire in solitudines aliquas. nunc ne id quidem licet. quid autem me juvat, quod ⁴⁴ante initum tribunatum veni, si ipsum, quod veni, nihil juvat? jam, quid sperem ab eo, qui mihi amicus numquam fuit; ⁴⁵cum jam lege etiam sim confectus et oppressus? quotidie jam Balbi ad me litteræ languidiores; multæque multorum p. 176. ad illum, fortasse contra me. meo vitio pereo. nihil mihi ⁴⁶mali casus attulit: omnia culpa contracta sunt. ego enim, cum genus belli viderem, imparata et infirma omnia contra paratissimos, ⁴⁷sciveram, (quid facerem?) ceperamque consilium non tam forte, quam mihi præter ceteros concedendum. ⁴⁸cessi meis, vel potius parui: ex quibus unus quamente fuerit, is, quem tu mihi commendas, cognoscas ex ipsius litteris, quas ad te et ad alios misit: quas ego numquam aperuissem, nisi res acta sic esset. Delatus est ad me fasciculus: solvi, si quid ad me esset litterarum: nihil erat: epistola Vatinio et Ligurio altera: jussi ad eos deferri: illi ad me statim ardentes dolore venerunt, scelus hominis clamantes: epistolas mihi legerunt plenas omnium in me probrorum. hic Ligurius furere. se enim scire, summo illum in odio fuisse Cæsari: illum tamen ⁴⁹non modo favisse, sed et tantam illi pecuniam dedisse honoris mei

⁴² Feci.] Ut in Italiam redirem.

⁴³ Retinear.] Ut ex Italia exire non possim: quia in edicto Antonii scriptum erat, ut nemini Pompeianorum in Italia esse liceret, præter D. Lælium et Ciceronem. nam si eo beneficio non uteretur, timenda erat perpetua Cæsaris ira: quod erat periculosum nimis.

⁴⁴ Ante initum trib.] Nempe id fecerat, ne tribuni novi, aliquid in absentes statuendo, eum excluderent Italia.

⁴⁵ Cum jam lege etiam, &c.] Hoc non coluerat antecedentibus. Puto legendum *cujus jam l. e. sum confectus*, &c. *sum habet* ed. Rom. quod et correctioni nostræ favet. Intelligenda autem lex Dolabellæ aliqua. nam ad eum pertinet superius.

⁴⁶ Sciveram.] I. e. decreveram. Sic edd. pr. Rom. Jens. Ald. &c. Victorius edidit *iveram*, quod et P. Manutius retinuit, sed in notis post repudiavit, et *quieveram* prætulit, quod Bosio placuerat. Tanstallus, p. 111, corrigit *siveram*: quod verum puto.

⁴⁷ Cessi meis.] Post illa sc. et profectus sum ad Pompeium. mox *unus* est Q. frater.

⁴⁸ Non modo favisse.] Sic habet ed. Rom. quod et Grævius in Mss. suis reperit atque edidit. In ed. Jens. errore operarum editum est *fuisse*: unde factum a seqq. *fovisse*: quod nimium est pro re et contextu. *favit* Quinto Cæsar, legationem ei dando.

causa. hoc ego dolore accepto, volui scire, quid scripsisset ad ceteros. ipsi enim illi putavi perniciosum fore, si ejus hoc tantum scelus percrebuisset. cognovi ejusdem generis: ad te misi: quas si putabis illi ipsi utile esse reddi, reddes; nil me lædet. nam quod resignatæ sunt; ⁴⁹ habet, opinor, ejus signum Pomponia. Hac ille acerbitate initio navigationis cum usus esset, tanto me dolore affecit, ut postea jacuerim: neque nunc tam pro se, quam contra me, laborare dicitur. ita omnibus rebus urgeor; quas sustinere vix possum, vel plane nullo modo possum. quibus in miseris una est pro omnibus, quo-ⁱ ⁵⁰ istam miseram, patrimonio, fortuna omni spoliata relinquam. quare te, ut polliceris, videre plane velim. alium enim, cui illam commendem, habeo neminem; quoniam matri quoque cadem intellexi esse parata, quæ mihi. sed, si me non offendes, satis tamen habeto commendatam, patrumque in ea, quantum poteris, mitigato. Hæc ad te die natali meo scripsi: quo utinam susceptus non essem, aut ne quid ex eadem matre postea natum esset! plura scribere fletu prohibeor.

CICERO ATTICO S.

10

AD meas incredibiles ægritudines aliquid novi accedit ex iis, quæ de Q. Q. ad me afferuntur. P. Terentius, meus necessarius, ⁵¹ operas in portu et scriptura Asiæ pro magistro dedit. is Quintum filium Ephesi vidit VI Id. Decemb. eumque studiose propter amicitiam nostram invitavit; cumque ex eo de me ⁵² cunctaretur, cum sibi ita dixisse narrabat, se mihi esse inimicissimum; volumenque sibi ostendisse orationis, quam apud Cæsarem contra me casset habiturus: multa a se dicta contra ejus amentiam: multa postea Patris consimili scelere secum Quintum patrem locutum: cujus furorem ex iis epistolis, quas ad te misi, perspicere potuisti. hæc tibi dolori esse ⁵³ certo scio:

49 Habet o. ejus signum Pomponia.] Quo rursus obsignari potest.

50 Istam miseram, patrim. fort. o. spol. rel.] Edd. pr. addunt post miseram, partii: Grævius et in Ms. reperit parte, unde bene coniecit legendum patre, patrim. f.

51 Operas - - dedit.] Edd. pr. addunt magnas, quod recte deletam male revocavit Grævius, putans illum Terentium publicanum fuisse, et dici magnas operas dedisse, quia majorem vectigalium partem

conduxerit. pessimo. Operas dant ministri publicanorum, in portu portitores: et in eorum numero est etiam, Pronagistro qui dicitur. Recte Lambinus improbavit, etsi in Mss. et ipse repererat.

52 Cunctaretur.] Margo Cratandri per-cunctaretur.

53 Certo scio.] Hoc verum. Sic habent Ald. Crat. P. Manut. Vict. edd. pr. certe, quod male revocatum a recentioribus.

me quidem excruciant, et eo magis, quod mihi cum illis ne querendi quidem locum futurum puto. De Africanis rebus longe alia nobis, ac tu scripseras, nuntiantur. nihil enim firmitus esse dicunt, nihil paratius. ⁵⁴accedit Hispania, et alienata Italia; legionum nec vis eadem, nec voluntas; urbanæ res perditæ. quid est, ubi acquiescam, nisi quam diu tuas litteras lego? quæ essent profecto crebriores, si quid haberes, quo putares meam molestiam minui posse. sed tamen te rogo, ne intermittas scribere ad me, quidquid erit, ^{p. 177.} ^{a.}cosque, qui mihi tam crudeliter inimici sunt, si odisse non potes, accuses tamen; non ut aliquid proficias, sed ut me tibi carum esse sentiant. Plura ad te scribam, si mihi ad eas litteras, quas proxime ad te dedi, rescripseris. Vale. xii Kal. Febr.

11

CICERO ATTICO S.

CONFECTUS jam cruciatu maximorum dolorum, ne, si sit quidem, quod ad te debeam scribere, facile id exequi possim; hoc minus, quod res nulla est, quæ scribenda sit; cum præsertim ne spes quidem ulla ostendatur, fore melius. ita jam ne tuas quidem litteras exspecto: quamquam semper aliquid afferunt, quod velim. quare tu quidem scribito, cum erit, cui des: ego tuis proximis, quas tamen jam pridem accepi, nihil habeo, quod rescribam. longo enim intervallo video immutata esse omnia: illa esse firma, quæ debeant, nos stultitiæ nostræ gravissimas poenas pendere. P. Sallustio curanda sunt II-S xxx, quæ accepi a Cn. Sallustio. velim videas, ut sine mora curentur. de ea re scripsi ad Terentiam. atque hoc ipsum jam prope consumptum est. quare id quoque velim, cum illa videas, ut sit, qui utamur. ⁵⁵hic fortasse potero sumere, si sciam istuc paratum fore. sed prius, quam id scirem, nihil sum ausus sumere. Qui sit omnium rerum status noster, vides. nihil est mali, quod non et sustineam et exspectem. quarum rerum eo gravius est dolor, quo culpa maior. Ille in Achaia non cessat

⁵⁴ *Accedit Hispania.*] Non potest esse sermo de bello Pompeii filii in Hispania: id tam nondum coeperat: intelligendus Q. Cassius Longinus, qui Hispanos alienaverat. de quo vid. Hirtius Bell. Alex. c. 48.

⁵⁵ *Hic f. p. sumere, si sciam istuc paratum fore.*] Hic possum pecuniam mihi necessariam matram sumere, si sciam, Romæ vos reperisse, qui solveret creditori meo per attributionem, ut ante in Sallustio.

de nobis detrabere. nihil videlicet tuæ litteræ profecerunt.
Vale. VIII Id. Mart.

CICERO ATTICO S.

12

CEPHALIO mihi a te litteras reddidit a. d. IIX Id. Mart. vespere. eo autem die mane tabellarios miseram, quibus ad te dederam litteras. tuis tamen lectis litteris, putavi aliquid rescribendum esse, maxime, quod ostendis, te pendere animi, quamnam rationem sim Cæsari allaturus profectionis meæ tum, eum ex Italia discesserim. nihil opus est mihi nova ratione. sæpe enim ad eum scripsi, multisque mandavi, non potuisse, cum ⁵⁶cupissem, sermones hominum sustinere; multaue in eam sententiam. nihil enim erat, quod minus eum vellem existimare, quam me tanta de re non meo consilio usum esse. postea, eum mihi litteræ a Balbo Cornelio minore missæ essent, illum existimare, Quintum fratrem lituum meæ profectionis fuisse: ita enim scripsit: qui nondum egnossem, quæ de me Quintus scripsisset ad multos: etsi multa præsens in præsentem acerbe dixerat et fecerat: tamen ⁵⁷Nilo meo his verbis ad Cæsarem scripsi.

De Quinto fratre meo non minus laboro, quam de me ipso: sed eum tibi commendare hoc meo tempore non audeo. illud duntaxat tamen audebo petere abs te, quod te oro, ne quid existimes ab illo factum esse, quo minus mea in te officia constarent, minusve te diligerem, potiusque semper illum auctorem nostræ conjunctionis fuisse, meique itineris comitem, non ducem. quare ceteris in rebus tantum ei tribues, quantum humanitas tua, amicitiaque vestra postulat. ego ei ne quid apud te obsim, id te vehementer etiam atque etiam rogo.

Quare, si quis congressus fuerit mihi cum Cæsare, (etsi non dubito, quin is lenis in illum futurus sit, idque jam declaraverit,) ego tamen is ero, qui semper fui. sed, ut video, multo magis est nobis laborandum de Africa; quam quidem tu scribis ⁵⁸confirmari quotidie magis ad conditionis

p. 178.
a.

⁵⁶ Cupissem.] Sic, non cupissem, habent edd. pr.

⁵⁷ Nilo meo.] Sic de Bosii correctione editum est. sed id non convenit reliquis. deberet esse per Nilum sc. libertum Cicronis. nec placet Gravii correctio nihilo minus: nam id est jam in. tamen.

nihil certi hic est. pro scripsi ed. Jous. rescripsi.

⁵⁸ Confirmari magis ad c. spem, quam victoria.] Confirmari mihi non videtur aptum esse reliquis, quæ converti aut simile quid requirunt.

spem, quam victoriæ. quod utinam ita esset! sed longe aliter esse intelligo; teque ipsum ita existimare arbitror, aliter autem scribere, non fallendi, sed confirmandi mei causa, præsertim cum adjungatur ad Africam etiam Hispania. Quod me admones, ut scribam ad Antonium, et ad ceteros: si quid videbitur tibi opus esse, velim facias id, quod sæpe fecisti. nihil enim mihi venit in mentem, quod scribendum putem. Quod me audis fractionem esse animo: quid putas, cum videas accessisse ad superiores ægritudines præclaras ⁵⁹ generi actiones? Tu tamen velim ne intermittas, quoad ejus facere poteris, scribere ad me, etiam si rem, de qua scribas, non habebis. semper enim afferunt aliquid mihi tuæ litteræ. Galeonis hereditatem crevi. puto enim cretionem simplicem fuisse, quoniam ad me nulla missa est. 11X Id. Mart.

13

CICERO ATTICO S.

A MURENÆ liberto nihil adhuc acceperam litterarum. P. Siser reddiderat eas, quibus rescribo. De Servii patris litteris quod scribis, item, Quintum in Syriam venisse, quod ais, esse qui nuntient; ne id quidem verum est. Quod certiore te vis fieri, quo quisque in me animo sit, b. aut fuerit eorum, qui huc venerunt; neminem alieno intellexi. sed, quantum id mea intersit, existimare te posse ⁶⁰ certo scio. mihi eum omnia sunt intolerabilia ad dolorem, tum maxime, quod in eam causam venisse me video, ut ea sola utilia mihi esse videantur, quæ semper nolui. P. Lentulum patrem Rhodi esse ajunt, Alexandriæ filium; Rhodoque Alexandriam C. Cassium profectum esse constat. Quintus mihi per litteras satisfacit, multo asperioribus verbis, quam cum gravissime accusabat. ait enim, se ex litteris tuis intelligere, tibi non placere, quod ad multos de me asperius scripserit: itaque se poenitere, quod animum tuum offenderit: sed se jure fecisse, deinde perscribit spurcissime, quas ob causas fecerit. sed neque hoc tempore, nec antea patefecisset odium suum in me, nisi omnibus rebus me esse oppressum videret. atque utinam vel nocturnis, quemadmodum tu scripseras, itineribus propius te accessissem! nunc nec ubi, nec quando te sim visurus, possum suspicari. De coheredibus Fufidianis nihil fuit, quod ad

⁵⁹ Generi actiones.] In tribunatu. v. ep. 23.

⁶⁰ Certo scio.] Vulgo certe. male, ut alibi. illud habet ed. Rom.

me scriberes. nam et æquum postulant; et, quidquid egisses, recte esse actum putarem. ⁶¹ De fundo Frusinati redimendo jam pridem intellexisti voluntatem meam: etsi tum meliore loco res erant nostræ, ⁶² neque desperaturi mihi ita videbamur; tamen in eadem sum voluntate. id quicquid fiat, tu videbis. et velim, quoad poteris, consideres, ut sit, unde nobis suppedientur sumtus necessarii. si quas habuimus facultates, eas Pompeio tum, cum id videbamur sapienter facere, detulimus. itaque tum et a tuo villico sumsimus, et aliunde mutuati sumus, cum Quintus quereretur per litteras, sibi nos nihil dedisse; qui neque ab illo rogati sumus, ⁶³ neque ipsi eam pecuniam aspeximus. sed velim videas, quid sit, quod confici possit, quidque mihi de omnibus des consilii: et causam nosti. Plura ne scribam, dolore impediatur. si quid erit, quod ad quos scribendum meo nomine putas, velim, ut soles, facias: ⁶⁴ quotiesque habebis, cui des ad me litteras, nolim prætermittas. Vale.

p. 179.
a.

CICERO ATTICO S.

14

NON me offendit veritas litterarum tuarum, quod me, cum communibus, tum præcipuis malis oppressum, ⁶⁵ ne incipis quidem, ut solebas, consolari, faterisque id fieri jam non posse. nec enim ea sunt, quæ erant antea, cum, ut nihil aliud, ⁶⁶ comites me et socios habere putabam. omnes enim ⁶⁷ Achaici deprecatores, item qui in Asia, quibus non erat ignotum, etiam quibus erat, in Africam dicuntur navigaturi. ita præter Lælium, neminem habeo culpæ socium: qui tamen hoc meliore in causa est, quod jam est receptus. de me autem, non dubito, quin ad Balbum et ad Oppium scripserit: a quibus, si quid esset lætius, certior factus essem: tecum etiam essent locuti: quibuscum tu de hoc ipso colloquare velim, et ad me, quid tibi responderint, scribas: non quod ab isto salus data quidquam habitura sit firmitu-

61 De fundo Frusinati.] V. ep. 5.

62 Neque desperaturi mihi ita videbamur.] Hæc est lectio ed. Rom. quæ mihi aliis faciliior et melior visa est. Vulgata hodie, neque tam mihi desperatum iri videbantur, est a Bosio e codd. ejus. Grævius e vestigiis codd. suorum edidit: neque tum mihi desperatum ita videbatur: in quo desperatum sic simpliciter positum non placet.

63 Neque ipsi eam pec. aspeximus.] Nam statim tota Pompeio data erat.

64 Quotiesque hab.] Edd. pr. quotiescunque, quod et Grævius restituit e codd. suis. sed quotiesque melius videtur. nam ita conjungitur cum antecedentibus aptius.

65 Ne incipis quidem.] Non satis placet rō incipis, pro instituis, conaris.

66 Comites et socios.] Reditus in Italiam.

67 Achaici deprecatores.] Pompeiani, qui in Achaia erant, et veniam a Cæsare petebant, v. ep. 16. quam et adepti sunt. v. ad Div. XV, 15.

dinis; sed tamen aliquid consuli et prospici poterit. etsi omnium conspectum horreo, praesertim hoc genero; tamen, in tantis malis quid aliud velim, non reperiō. Quintus pergit, ut ad me et Pansa scripsit, et Hirtius: isque item Africam petere cum ceteris dicitur. Ad Minucium ⁶⁸ Tarentum scribam, tuas litteras mittam. ad te scribam, ⁶⁹ numquid egerit. H-S xxx potuisse mirarer, nisi multa ⁷⁰ de b. Fufidianis praediis. ⁷¹ et id video tamen. Te exspecto; quem videre, si ullo modo potest, (poscit enim res,) pervellem. jam extremum concluditur. Tibi facile est, ⁷² quid, quale sit gravius, existimare. Vale.

15

CICERO ATTICO S.

QUONIAM justas causas affers, quod te hoc tempore videre non possim: quaeso, quid sit mihi faciendum. ⁷³ ille enim ita videtur Alexandriam tenere, ut eum scribere etiam pudcat de illis rebus. Hi autem ex Africa jam affuturi videntur; Achæi, item ex Asia redituri ad eos, aut libero aliquo loco commoraturi. quid mihi igitur putas agendum? video difficile esse consilium. sum enim solus, aut cum altero, cui neque ad illos reditus sit, neque ab his ipsis quidquam ad spem ostendatur. sed tamen scire velim, quid censeas: idque erat cum aliis, cur te, si fieri posset, cuperem videre. Minucium xii sola curasse, scripsi ad te antea: ⁷⁴ quod superest, velim videas, ut curetur. Quintus non modo non cum magna prece ad me, sed acerbissime scripsit: filius vero mirifico odio. nihil fingi potest mali, quo non urgear. omnia tamen sunt faciliora, quam peccati dolor, qui et maximus est, et æternus: cujus peccati si socios essem habiturus ego, quos putavi, tamen esset consolatio tenuis. sed habet aliorum omnium ratio exitum, mea

68 Tarentum scribam.] Sic. e J. F. Gronovii correctione edidit filius, pro vulgato parentem. recte. faveat lectio antiquior parentum, inprimis in ed. Rom. quæ habet Parentum, ut appareat nomen proprium esse. P. et T. in libris antiquis, praesertim in nominibus, non raro permutantur.

69 Numquid egerit.] I. e. pecuniam, quam petii, confecerit.

70 De Fufidianis praediis.] Vendita sunt, et ita pecunia facta.

71 Et id video tamen, &c.] Reccepi correctionem Grævianam e vestigiis librorum: quæ tamen intelligi potest. Lec-

tiones omnes aliae sensum nullam habent, suntque manifeste vitiosæ. Mox et ex ejus correctione edidi Tibi, pro vulgato ibi, vel ubi in ed. Rom. ante pro pervellem malim pervelim.

72 Quid, quale sit gravius.] Quale verum esse non potest. Non dubito, corrigendam esse quare, quid sit gravius, et quare.

73 Ille enim.] Cæsar. post ex edd. pr. dedit Hi pro ii. opposuit rō ille.

74 Quod superest.] Sc. de xxx H-S. curatis xii. i. e. xviii H-S.

nullum. alii capti, alii interclusi non veniunt in dubium de voluntate, eo minus scilicet, cum se expedierint, et una esse coeperint. ii autem ipsi, qui sua voluntate ⁷⁵ ad Fufium venerunt, nihil possunt, nisi timidi, existimari. multi autem sunt, qui, ⁷⁶ quicumque sunt, modo ad illos se recipere volent, recipientur. quo minus debes mirari, non posse me tanto dolori resistere. solius enim meum peccatum corrigi non potest, et fortasse Lælii. sed quid me id levat? ⁷⁷ C. quidem Cassium ajunt consilium Alexandriam eundi mutavisse. Hæc ad te scribo, non ut queas tu demere sollicitudinem, sed ut cognoscam, ecquid tu ad ea afferas, quæ me conficiunt: ad quæ gener accedit, et cetera, quæ, fletu reprimor, ne scribam. quin etiam Æsopi filius me excruciat. prorsus nihil abest, quin sim miserrimus. sed ad primum revertor: quid putes faciendum; occultene aliquo propius veniendum, an mare transeundum. nam hic maneri diutius non potest. De Fufidianis quare nihil potuit confici? ⁷⁸ genus enim conditionis ejusmodi fuit, in quo non solet esse controversia; cum ea pars, quæ videtur esse minor, licitatione expleri posset. hæc ego non sine causa quæro. suspicor enim, coheredes dubiam nostram causam putare, et eo rem in integro esse. Vale. Pridie Idus Mai.

CICERO ATTICO S.

16

NON meo vitio fit, hoc quidem tempore, (ante enim est peccatum,) ut me ⁷⁹ ista epistola nihil consoletur. nam et exigue scripta est, et suspensiones magnas habet, non esse ab illo; quas animadvertisse te existimo. De obviam itione ita faciam, ut suades. ⁸⁰ neque enim valde de adventu ejus opinio est; neque, si qui ex Asia veniunt, quidquam auditum esse dicunt de pace: cujus ego spe in hanc fraudem incidi. nihil video, quod sperandum putem, nunc præ-

⁷⁵ Ad Fufium.] Calenum, Achaia: a Cæsare præpositum post pugnam Pharsalicam.

⁷⁶ Quicumque sunt, modo, &c.] Mss. duo regii Paris. quocumque sunt modo: unde Alemannus fecit, quocumque modo ad illos se, &c.

⁷⁷ C. quidem Cassium.] Grævius edidit Equidem Cassium, male. non patitur ajunt. melius Alemannus e Mss. duobus: Num C. quidem.

⁷⁸ Genus conditionis.] Sc. dividendæ hereditatis: cum portiones fieri æquales

non possent, ut licitatione pretium constitueretur, atque ita portiones æquales fierent, pecunia addita portioni minori ad eam ceteris æquandam: quæ conditio in testamento præscripta videtur fuisse.

⁷⁹ Ista epistola.] Quæ mihi missa est, tamquam a Cæsare scripta.

⁸⁰ Neque valde - opinio est.] Edd. pr. neque enim valde adventu ejus. cui additum est de. Sed durum est, valde est opinio. Lambinus corrigit ulla de a. e. o. est, quod placet Grævio: etiam mihi. Brutus etiam recepit in textum.

sertim, cum ea plaga ⁸¹ in Asia sit accepta, in Illyrico, in Cassiano negotio, in ipsa Alexandria, in urbe, in Italia. ego vero, etiamsi rediturus ille est, qui adhuc bellum gerere dicitur, tamen ante reditum ejus ⁸² negotium confectum iri puto. Quod autem scribis, quandam lætitiā bonorum esse commotam, ut sit auditum ⁸³ de litteris; tu quidem nihil prætermittis, in quo putes aliquid solatii esse: sed ego non adducor, quemquam bonum ullam salutem putare mihi tanti fuisse, ut cam ⁸⁴ peterem ab illo, et eo minus, quod ⁸⁵ hujus consilii jam ne socium quidem habeo quemquam. Qui in Asia sunt, rerum exitum exspectant. Achaici etiam Fufio spem deprecationis afferunt. horum et timor idem fuit primo, qui meus, ⁸⁶ et constitutum. mora Alexandrina ⁸⁷ causam illorum correxit, meam evertit. quamobrem idem a te nunc peto, quod superioribus litteris, ut, si quid in perditis rebus dispiceres, quod mihi putares faciendum, me moneres. si recipior ab his, quod vides non fieri; tamen, quoad bellum erit, quid agam, aut ubi sim, non reperiō: sin jactor, eo minus. itaque tuas litteras exspecto; easque ut ad me sine dubitatione scribas, rogo. Quod suades, ut ad Quintum scribam de his litteris: facerem, si me quidquam istæ litteræ delectarent. etsi quidam scripsit ad me his verbis: *Ego, ut in his malis, Patris sum non invitus: essem libentius, si frater tuus ea de te loqueretur, quæ ego audire vellem.* Quod ais illum ad te scribere, me sibi nullas litteras remittere; semel ab ipso accepi: ad eas Cephalioni dedi, qui multos menses tempestatibus retentus est. Quintum filium ad me acerbissime scripsisse, jam

81 In Asia.] Ubi Pharnaces Domitium Calenum, Asiæ præfectum, vicerat: in Illyrico, victo Gabinio a barbaris: in Cassiano negotio, in Cassii discordia cum Marcello (uterque Cæsaris præfectus erat in Hispania): in i. Alexandria, cum Cæsaris milites ab Alexandrinis fusi essent, ipse in magno periculo fuisset, de quo et supra dixit: in urbe per dissidia tribunorum, absente Cæsare: in Italia per Antonium, de quo supra.

82 Negotium confectum iri.] De bello civili, ut id exitum habet.

83 De litteris.] Illis, quæ a Cæsare scriptæ dicebantur: de quibus in principio hujus ep.

84 Peterem ab illo.] Cæsare: quod sc. factum a Cicerone, ex illa epistola

colligebant. ab illo est a Manutio, edd. pr. habent ab ullo, quod Vict. Lamb. &c. servavere, estque et in Mss. fere. Sed id natum videtur ex antecedente ullam salutem, efficitque sententiam non probandam.

85 Hujus consilii.] De salute a Cæsare petenda.

86 Et constitutum.] Offendit hoc Ursinum, qui conjiciebat institutum, et nec displicet Ursini conjectura. consilium mihi in mentem venit: sed pro eo nemo librarins constitutum scripserit.

87 Causam ill. correxit.] Ut possint jam libcrius decernere, quid agere velint. meam evertit, deteriorem fenoit, qui nimis properavi in Italiam redire, et jam ab omnibus reprehendor.

ante ad te scripsi. ⁸⁸ Extremum est, quod te orem, si putas rectum esse, et a te suscipi posse, cum Camillo communices, ut Terentiam moneatis de testamento. tempora monent, ut videat, ut satisfaciat, quibus debeat. auditum ex Philotimo est, ⁸⁹ eam scelerate quædam facere. credibile vix est. sed certe, si quid est, fieri possit, providendum est. de omnibus rebus velim ad me scribas: ⁹⁰ et maxime quid scribas de eo, in quo tuo consilio egeo, etiamsi nihil excogitas: ⁹¹ id enim mihi erit pro desperato. III Nonas Jun.

CICERO ATTICO S.

17

PROPERANTIBUS tabellariis alienis hanc epistolam dedi; eo brevior est, et, quod eram missurus meos. Tullia mea venit ad me pridie Idus Jun. deque tua erga se observantia benivolentiaque mihi plurima exposuit, litterasque reddidit trinas. ego autem ex ipsius virtute, humanitate, pietate non modo eam voluptatem non cepi, quam capere ex singulari filia debui; sed etiam incredibili sum dolore affectus, tale ingenium in tam misera fortuna versari, idque accidere nullo ipsius delicto, summa culpa mea. itaque a te neque consolationem jam, qua cupere te uti video, nec consilium, quod capi nullum potest, exspecto: teque omnia cum superioribus sæpe litteris, tum proximis tentasse intelligo. Ego cum Sallustio Ciceronem ad Cæsarem mittere cogitabam. Tulliam autem, non videbam esse causam, cur diutius mecum tanto in communi mœrore retinerem. ⁹² itaque matri eam, cum primum per ipsam liceret, eram remissurus. ⁹³ Pro ea, quam ad modum consolantis scripsisti, & τὰν, ea putato me scripsisse, quæ tu ipse intelligis b.

88 *Extremum est, quod te orem.*] Alibi dicit, *Extr. est, ut te orem.* si lectio sana est, verba sic struenda sunt: extremum, quod te orem, est hoc.

89 *Eam scelerate quædam facere.*] V. ad Div. IV, 14. propter quæ et scribit Plancio, se divortium facere velle.

90 *Et maxime quid scribas de ea.*] Sic edd. omnes, quod varie tentatur, sed nil certi aut melius affertur. Lenissimum erit legere eo pro ea: scribas quidem delegendum pnto, temere repetitum. quæ sequuntur, pertinent ad statum ejus præsentem, non ad uxorem. de hoc sibi vult aliquid scribi.

91 *Id enim mihi erit pro desperato.*] Desperato primus edidit Jens. at ed. Rom.

VOL. III. P. 11.

habet explorato: et libri scr. inter has lectiones fluctuant. res quidem postulat desperato: neque in quo tu nullum consilium excogitare potes, ejus nullam medellam esse putabo.

92 *Itaque matri eam, &c.*] Hoc est e Bosii correctione per conjecturam, quam recepit Gruterus. Lectio antiqua scr. et edd. est *Emolliam*. Corradus dedit *eram tibi eam*, quod secutus est Junius. Tustallus, p. 181. *eam tibi jam*. Sed rōjam non convenit satis sequentibus, eam primum liceret.

93 *Pro ea, quam ad m. c. scr., &c.*] Locus vitiosus, et varie, sed frustra tentatus a viris doctis. Est sine libris melioribus insanabilis. piget conjecturas referre.

2 u

responderi p̄tuisse. Quod Oppium tecum scribis locutum, non abhorret a mea suspitione ejus oratio. sed non dubito, quin istis persuaderi nullo modo possit, ea, quæ faciant, mihi probari posse; quoquo modo loquar. ego tamen utar moderatione, qua potero. quamquam, quid mea intersit, ut eorum odium subeam, non intelligo. Te justa causa impediri, quo minus ad nos venias, video; idque mihi valde molestum est. Illum ab Alexandria discessisse, nemo nuntiat; constatque, ne profectum quidem ⁹⁴ illinc quemquam post Idus Mart. nec post Idus Decemb. ab illo datas ullas litteras. ⁹⁵ ex quo intelligis, illud, de litteris a. d. v Id. Febr. datis, (quod inane esset, etiamsi verum esset,) non verum esse. L. Terentium discessisse ex Africa scimus, Pæstumque venisse. quid is afferat, aut quo modo exierit, aut quid in Africa fiat, scire velim. dicitur enim per Nasidium emissus esse. id quale sit, velim, si inveneris, ad me scribas. De H-S x, ut scribis, faciam. Vale xix Kalend. Quint.

18

CICERO ATTICO S.

DE illius Alexandria discessu, nihil adhuc rumoris, contraque opinio, valde esse impeditum. itaque nec mitto, ut constitueram, Ciceronem, et te rogo, ut ⁹⁶ me hinc expedias. quodvis enim supplicium levius est hac permansione. hac de re et ad Antonium scripsi, et ad Balbum, et ad Oppium. sive enim bellum in Italia futurum est, sive classibus utetur; hic esse me, minime convenit: quorum fortasse utrumque erit; alterum certe. intellexi omnino ex Oppii sermone, quem tu mihi scripsisti, quæ istorum via esset: sed, ut eam flectas, te rogo. nihil omnino jam exspecto, nisi miserum. sed hoc perditius, in quo nunc sum, fieri nihil potest. quare, et cum Antonio loquere, velim, ⁹⁷ et cum istis; et rem, ut poteris, expedias; et mihi quamprimum de omnibus rebus rescribas. Vale xii Kal. Quint.

94 Illinc.] Secutus sum scripturam libri Faerniani, pro vulgato e Victorii conjectura illim. edd. pr. illo vel illi.

95 Ex quo intelligis, illud.] Delevi illud ante intelligis. nam est ineptum, et temere e seq. huc tractum.

96 Me hinc expedias.] Cures, ut hinc, Brundisio, abire possim, ubi supra se dixit jacere.

97 Et cum istis; et rem, ut p. exp.] Et ante rem delendum puto. et cum istis, rem ut p. exp.

CICERO ATTICO S.

19

⁹⁸CUM tuis dare possem litteras, non prætermisi: ⁹⁹etsi, quod scriberem, non habebam. tu ad nos et rarius scribis, quam solebas, et brevius: credo, quia nihil habes, quod me putes libenter legere, aut audire posse. verumtamen velim, si quid erit, quaecumque erit, scribas. est autem unum, quod mihi sit optandum, si quid agi de pace possit: quod nulla equidem habeo in spe. sed, quia tu leviter interdum significas, cogis me sperare, quod optandum vix est. Philotimus dicitur ¹⁰⁰Idib. Sext. nihil habeo de illo amplius. tu, velim, ad ea mihi rescribas, quæ ad te antea scripsi. mihi tantum temporis satis est, dum, ut in pessimis rebus, aliquid caveam, qui nihil umquam cavi. Vale. XI Kal. Sext.

CICERO ATTICO S.

20

SEPTIMO decimo Kal. Sept. venerat die XXXIX Seleucia Pieria ¹C. Trebonius, is qui se Antiochiæ diceret apud Cæsarem vidisse Quintum filium cum Hirtio. eos de Quinto, quæ voluissent, impetrasse nullo quidem negotio. quod ego magis gauderem, si ista nobis impetrata quidquam ad spem explorati haberent. sed et alia timenda sunt, ab aliisque, et ab hoc ipso. quæ dantur, ut a domino, rursus in ejusdem sunt potestate. etiam Sallustio ignovit. omnino dicitur nemini negare. ²quod ipsum est suspectum, notionem ejus differri. M. Gallius Q. F. mancipia Sallustio reddidit. is venit ut legiones in Siciliam traduceret: et protinus iturum Cæsarem Patris. quod si faciet, ego, ³quod ante mallem, aliquo propius accedam. tuas litteras ad eas, quibus a te proxime consilium petivi, vehementer exspecto. Vale. XVI Kal. Septemb.

CICERO ATTICO S.

21

ACCEPI VI Kal. Sept. litteras a te, datas XXI Kal. do-
loremque, quem ex Quinti scelere jampridem acceptum

⁹⁸ Cum tuis, &c.] Hanc epistolam in h. l. repositam primum a Victorio dicit Grævius. cum ante in vulgatis fuerit, 21. sed edd. pr. jam hic habent.

⁹⁹ Etsi, quod scriberem, n. hab.] Vulgg. quid, ut alibi, male.

¹⁰⁰ Idib. Sext.] Sc. ex Asia venturus.

¹ C. Trebonius, is qui se, &c.] Addidi

is, ut placebat Grævio ex Ms. Ball. at sic edd. pr. Rom. Jens. &c. nempe duo erant C. Trebonii.

² Quod ipsum est suspectum.] Mihi est suspectum est: sensus postulat facit, aut simile quid.

³ Quod ante mallem.] Me fecisse. sic non multo post ac mallem illum, int. venisse.

jam abjeceram lecta ejus epistola ⁴gravissimum cepi. tu etsi non potuisti ullo modo facere, ut mihi illam epistolam non mitteres: tamen mallet, non esse missam. Ad ea autem, quæ scribis de testamento, videbis, quid, et quo modo. De nummis et illa sic scripsit, ut ego ad te antea; et nos, si quid opus erit, utemur ex eo, de quo scribis. Ille ad Kal. Sept. Athenis non videtur fore. multa eum in Asia dicuntur morari, inmaxime Pharnaces. legio XII, ad quam primum Sulla venit, lapidibus egisse hominem dicitur. nullam putant se commoturam. illum arbitrantur protinus Patris in Siciliam. sed, si hoc ita est, huc veniat necesse est. ac mallet illum. ⁵aliquo enim hinc evasissem. nunc metuo, p. 183. ne sit exspectandum; et cum reliquis etiam loci gravitas ⁶hic miserrime perferenda. Quod me mones ut ea videam, quæ ad tempus accommodem: facerem, si res pateretur, et si ullo modo fieri posset. sed in tantis nostris peccatis, tantisque nostrorum injuriis, nihil est, quod aut facere dignum nobis, aut simulare possim. ⁶Sullana confers: in quibus omnia genere ipso præclarissima fuerunt, moderatione paullo minus temperata. hæc autem ejusmodi sunt, ⁷ut obliviscar mei; multoque malim, quod omnibus sit melius, ⁸quorum utilitati meam junxi. Tu ad me tamen velim quam sæpissime scribas, eoque magis, quod præterea nemo scribit: ac si omnes, tuas tamen maxime exspectarem. Quod scribis, illum per me Quinto fore placatiorem: scripsi ad te antea, eum statim Quinto filio omnia tribuisse, nostri nullam mentionem. Vale.

22

CICERO ATTICO S.

DILIGENTER mihi fasciculum reddidit Balbi tabellarius. accepi enim a te litteras, quibus videris vereri, ut epistolas illas acceperim: quas quidem vellem mihi nunquam redditas. auxerunt enim mihi dolorem: nec ⁹si in

⁴ *Gravissimum cepi.*] An, quia illum dolorem ante abjectum dicit, legendum recepi?

⁵ *Aliquo enim hinc ev.*] Delevi modo, cum Grævio, auctore Ms. Helmst.

⁶ *Sullana confers.*] Sc. tempora, quorum mala cum ferri potuerint, etiam hæc esse ferenda. *genere ipso*, quia pro nobilitate et optimatibus bellum gestam.

⁷ *Ut obliviscar.*] Mei addi voluit Manutius, probat Grævius, recepit et Bruttas. bene, puto. nam simpliciter dictum

intelligi non potest.

⁸ *Q. utilitati meam junxi.*] Durius hoc est. Grævius e vestigiis librorum ser. et edd. malebat *quorum utilitatem meam duri*. favent præter Ms. Helmst. edd. pr. quæ habent *utilitatem meam*. in qua *meam duri* non satis placet. dixisset *duco*.

⁹ *Si in aliquem incidissent.*] In alium quem, ut alibi: si timere in alias, non meas manus venissent: *quidquam attulissent novi*, quod ei non ante notum fuisset.

aliquem incidissent, quidquam novi attulissent. quid enim tam pervulgatum, quam illius in me odium, et genus hoc litterarum? quod ne Cæsar quidem ad istos videtur misisse, ¹⁰[quasi] quo illius improbitate offenderetur, sed, credo, uti notiora nostra mala essent. Nam quod te vereri scribis, ne illi obsint, ¹¹eique rei mederi; ne rogari quidem se passus est de illo: quod quidem mihi molestum non est: illud molestius, istas impetrationes nostras nihil valere. Sulla, ut opinor, cras hic erit cum Messala. currunt ad illum pulsi a militibus; qui se negant usquam, ¹²nisi acceperint. ergo ille huc veniet: quod non putabant: tarde quidem. itinera enim ita facit, ¹³ut multos dies in oppidum ponat. Pharnaces autem, quoquo modo aget, asseret moram. quid mihi igitur censes? jam enim corpore vix sustineo gravitatem hujus cæli, qui mihi laborem affert in dolore. ¹⁴An his illuc euntibus mandem, ut me excusent, ipse accedam propius? quæso, attende; et me, quod adhuc sæpe rogatus non fecisti, consilio juva: scio rem difficilem esse: ¹⁵sed, ut in malis. etiam illud mea magni interest, te ut videam. profecto aliquid profecero, si id acciderit. De testamento, ut scribis, animadvertes.

CICERO ATTICO S.

23

¹⁶QUOD ad te scripseram, ut cum Camillo communicares, de eo Camillus mihi scripsit, ¹⁷te secum locutum. tuas litteras exspectabam. ¹⁸nisi illud quidem mutari. ¹⁹si aliter

¹⁰ Quasi quo ill. i. offenderetur.] Alterutrum, quasi aut quo, delendum: puto quasi, quia est glossa *quæ* quo, cui innox respondet uti. nuncius inclusi.

¹¹ Eique rei mederi.] Te cupere.

¹² Nisi acceperint.] Ad milites pertinet, intell. stipendia, prænemia.

¹³ Ut multos dies in oppidum ponat.] In oppidum quodque intelligere procliva est. Sed Manutius explicat, in itinere ab oppido in oppidum, dum in oppidum veniat aliquod, multos dies consumit: quod sane melius convenit verbis *itinera ita facit*.

¹⁴ An his illuc euntibus mandem.] His si verum est, referendum ad Messalam et Sullam, ad Cæsarem entes.

¹⁵ Sed ut in malis.] Recepi in cum aliis et Grevio. nam vulgatum non habet sensum aptum loco.

¹⁶ Quod ad te.] Hæc epistola post 25. scripta videtur. Sermo est de testa-

mento Terentiæ. v. ep. 16.

¹⁷ Te secum locutum.] Olim, cum in vulgatis esset *te cum eo locutum*, sc. ortum ex ed. Jens. in h. l. laborarunt viri docti, donec Bosius e Ms. protulit *se tecum* et ex alio *te secum*, illud prælatum est. at ego alterum prætuli, quod et ed. Rom. habet: quam nemo inspexerat. nam Cicero scripserat Attico, ep. 16. ut ipse cum Camillo loqueretur: huc factum scripserat Cicero-ni Camillus.

¹⁸ Nisi illud q. mutari.] Sc. testamentum Terentiæ potest. nisi, quod edidit Grævius, est in omnibus edd. vett. *ni* sic est a Bosin.

¹⁹ Si aliter est et oportet.] Sic ed. Jens. est ab ed. Rom. abost. Manutius correxit, *si aliter est ut op.* Grævius malit *ac*, non bene ante *oportet*. *aliter* et etiam alibi est, ut supra, X, 11. *si de puero aliter scripsisti et ad matrem*. — non video posset sc. mutari testamentum.

est et oportet, non video posse. ²⁰sed cum ab illo accepissem litteras, desideravi tuas. ²¹etsi putabam, te certiorem factum non esse. modo valeres. scripseras enim, te quodam valitudinis genere tentari. Aeusius quidam Rhodo venerat iix Id. Quint. is nuntiabat, Quintum filium ad Cæsarem profectum iv Kal. Jun. Philotimum Rhodum pridie eum diem venisse; habere ad me litteras. ipsum Acusium audies, sed tardius iter faciebat. eo feci, ²²ut has eceleriter eunti darem. quid sit in iis litteris, nescio: sed mihi valde Quintus frater gratulatur. equidem ²³in meo tanto peccato

p. 184.

a.

nihil ne cogitatione quidem assequi possum, quod mihi tolerabile possit esse. Te oro, ut de hac misera cogites: et illud, de quo ad te proxime scripsi, ut aliquid conficiatur ad inopiam propulsandam, et etiam de ipso testamento. ²⁴illud quoque vellem antea: sed omnia timuimus. melius quidem in pessimis nihil fuit discidio. aliquid fecissemus, ²⁵ut vini, vel tabularum novarum nomine, vel nocturnarum expugnationum, vel Metellæ, vel omnium malorum: nec res perisset: et videremur aliquid doloris virilis habuisse. memini omnino tuas litteras, sed et tempus illud: etsi quidvis præstitit. nunc quidem ipse videtur denuntiare. audimus enim de statu reipublicæ. o dii! generumne nostrum potissimum, ut hoc, vel tabulas novas? placet mihi igitur, et idem tibi, nuntium remitti. petet fortasse tertiam pensionem. considera igitur, tuncne, ²⁶cum ab ipso nascetur, an prius. ego, si nullo modo potuero, vel nocturnis itineribus

20 *Sed cum a nullo a. l. desideravi tuas.* Inepta sententia est ex verbis a nullo. Corradus et Manutius recte coniecerunt ab illa se. Camillo: quod non dubitavi recipere. alii coniecerunt a Nilo, quod et receptum est in textum: in quo et Grævius reliquit, etsi illud probabat.

21 *Etsi putabam, te certiorem f. n. e.* Sc. esse, qui ad me iret, per quem litteras ad me mittere posses. Sic edd. pr. Vulgg. et sic p.

22 *Ut has eceleriter eunti darem.* Has dedi ex ed. Rom. quam nemo iussit: Jens. edidit eo, quod et in aliis libris receptum est: ex eo factum ego in edd. recentioribus, quod Grævius ut supervacuum delevit.

23 *In meo tanto peccato.* Quod admisi filia mea Dolabellæ locanda, ut et alibi vocat.

24 *Illud quoque vellem a.* De divortio Tulliarum cum Dolabella — sed omnia timuimus se. v. Dolabella.

25 *Ut vini, vel tab. n. n.* Ut vini est a Bosio, o Ms. tamen. edd. pr. omnes et plerique Mss. ut vini: quod et defendit Grævius, non bene. nam quod in his verbis querit, est in illo: videremur aliquid doloris virilis habuisse. requiritur verbum alienius culpæ, qualia sequuntur. vino ebrietas bene exprimitur. igitur vini servavi. Tuostallus, p. 183. corrigit vicinale. Metellæ: videtur pellex fuisse, vel adultera, denique ex edd. pr. perisset dedi pro periisset.

26 *Cum ab ipso nascetur.* Discidium, sc. quod ipsam denuntiaturam dixerat, et discidii faciendi occasio. Mox rectius potero legetur.

experiar, ut te videam. tu et hæc, et si quid erit, ²⁷ quod intersit mea scire, scribas velim. Vale.

CICERO ATTICO S.

24

QUÆ dudum ad me, et, quæ etiam ante bis ad Tulliam de me scripsisti, ea sentio esse vera. eo sum miserior, (etsi nihil videbatur addi posse,) quod mihi non modo irasci gravissima injuria accepta, sed ne dolere quidem ²⁸ impune licet. quare istud feramus. quod cum tulerimus, tamen eadem erunt perpetienda, quæ tu, ne accidunt, ut caveamus, mones. cænim est a nobis contracta culpa, ut omni statu, ²⁹ omnique populo eundem exitum habitura videatur. ³⁰ sed b. ad meam manum redi: dehinc enim hæc occultius agenda. vide quæso etiam nunc de testamento, quod tum factum, cum illa quærere creperat. ³¹ non credo te commoritur; neque enim rogarit, ne me quidem. sed quasi ita sit: quoniam in sermonem jam venisti, poteris eam monere, ut alicui committat, cujus extra periculum hujus belli fortuna sit. equidem tibi potissimum velim, si idem illa vellet: quam quidem celo miseram, me in hoc timere ³² de illo altero. Scio equidem venire nunc nil posse: sed seponi et occultari possunt, ut extra ruinam sint eam, quæ impendet. Nam quod scribis, ³³ nobis nostra et tua Tullia fore parata: tua credo: nostra quæ poterunt esse? de Terentia autem (mitto cetera, quæ sunt innumerabilia) quid ad hoc addi potest? scripseras, ³⁴ ut H-S XII permutaret; tantum esse reliquum de argento. misit illa cetero mihi, et adscripsit, tantum esse reliquum. cum hoc tam parvum de parvo detraxerit, per-

²⁷ Quod intersit me scire.] Legendum est mea. Malaspina sensit aliquid: sed me jungi vult cum scire. Sed sic Latini non dicunt.

²⁸ Impune liceat.] Scribendum siue dubio licet.

²⁹ Omnique populo.] I. e. quocumque sensu populus erit, alias dicit Cicero, quemcumque populum habeamus.

³⁰ Sed ad meam manum redi: dehinc.] Scil. hic cæpit sua manu scribere. Legitur sic e correctione Bosii. edd. pr. rediderint, nullo sensu. Manutius e Ms. rediero, etenim hæc, &c. quod secutus est Grævius.

³¹ Non credo te commoritur: neque e. rogarit.] Sic Bosius correxit vitiosam

edd. vet. lectionem. malim rogavit.

³² De illo altero.] De Dolabella, ne ille pecuniam Terentia auferret, aut ut Bosio placet, ne argentum et supellex Terentia surripiatur.

³³ Nobis nostra, et tua Ter.] Malim nostra nobis, et tua Ter. Ceterum pro Terentia cum Lambino dedi Tullia, quod res postulat et volebat etiam Bosius.

³⁴ Ut HS XII permutaret.] Bosius malebat permutare, sc. sumerem Brundisii, quæ redderentur Romæ a Terentia. Grævius vulgatum probat, ut Terentia pecuniam Romæ sulveret, quæ redderetur Ciceroni Brundisii. Verbum scripseras non sinit: quod ad Ciceronem pertinet. Si ad Terentiam pertineret, esset diversus.

spicis ³⁵ quid in maxima re fecerit? Philotimus non modo nullus venit, sed ne per litteras quidem, aut per nuntium certiore facit me, quid egerit. Epheso qui veniunt, ibi se cum de suis controversiis in jus adeuntem vidisse nuntiant: quæ quidem (ita enim verisimile est) in adventum Cæsaris fortasse rejiciuntur. ita aut nihil puto eum habere, quod putet ad me celerius perferendum, et eo ³⁶ me magis esse despectum: aut, etiamsi quid habet, id, nisi omnibus suis negotiis confectis, ad me referre non curat. ex quo magnum equidem capio dolorem, sed non tantum, quantum videor debere. nihil enim mea minus interesse puto, quam quid illinc afferatur. id quam ob rem, te intelligere ³⁷ certo scio. Quod me moues de vultu et oratione ad tempus accommodanda; etsi difficile est, tamen imperarem mihi, si mea quidquam interesse putarem. Quod scribis, litteris p. 185. a. ³⁸ putare Africanum negotium confici posse: ³⁹ vellem scriberes, cur ita putares: mihi quidem nihil in mentem venit, quare id putem fieri posse: tu tamen, velim, si quid erit, quod consolationis aliquid habeat, scribas ad me. sin, ut perspicio, nihil erit, scribas idipsum. ego ad te, si quid audiero citius, scribam. Vale. IIX Id. Sext.

25

CICERO ATTICO S.

FACILE assentior tuis litteris; quibus expois pluribus verbis, nullum te habere consilium, quo a te possim juvari. consolatio certe nulla est, quæ levare possit dolorem meum. nihil est enim contractum casu. nam id esset ferendum. sed omnia fecimus iis erroribus et miseriis et animi et corporis, quibus proximi utinam mederi ⁴⁰ maluissent. quam ob rem, quoniam neque consilii tui, neque consolationis cuiusquam spes ulla mihi ostenditur, non quæram hæc a te posthac. tantum velim, ne intermittas: scribas ad me, quidquid veniet tibi in mentem, cum habebis, cui des,

³⁵ *Quid in maxima re f.*] In universa re sua et testamento, sc. eam iniquam in me et filiam fore.

³⁶ *Me - - despectum.*] Sc. a Cæsare, ut nihil Philotimus haberet, quod ad me scrib. ret.

³⁷ *Certo scio.*] Vulgg. recentiores certe. male. certo habent Ald. P. Manutius, Crat. Viet.

³⁸ *Putare Afr. n.*] Grævius malebat

putare te. bene.

³⁹ *Velim scriberes, cur i. putares.*] Legendum est *vellam*, sicque rescripsi. *velim* postulat scribas - - putes, ut mox.

⁴⁰ *Maluissent. quamobrem, quoniam, &c.*] Sic volebat Grævius corrigi lectionem vulgatam, *quam obesse*, quæ nullum sensum habet, nec apta est antecedentibus. Sic ille in Mss. suis reperit: sic et ed. Rom.

et dum erit, ad quem des: quod longum non erit. Illum discessisse Alexandria, rumor est non firmus, ortus ex Sulpicii litteris: quas cuncti postea nuntii confirmarunt: quod verum, an falsum sit, quoniam mea nihil interest, utrum malim, nescio. Quod ad te jampridem de testamento scripsi; ⁴¹ apud ἐπιστον illas velim; ut possint, advertas. ⁴² ego hujus miserrimæ fatuitate confectus conflictor. nihil umquam simile natum puto: cui si qua re consulere aliquid possum, cupio a te admoneri. video eandem esse difficultatem, quam ⁴³ in consilio dando ante: tamen hoc me magis sollicitat, quam omnia. ⁴⁴ In pensione secunda cæci fuimus. ⁴⁵ alium mallet. sed præteriit. te oro, ⁴⁶ ut in perditis rebus, si quid cogi, confici potest, quod si in tuto, ex argento, neque satis multa ex supellectile, des operam. jam enim mihi videtur adesse extremum, nec ulla fore conditio pacis, eaque, quæ sunt, etiam sine adversario peritura. hæc etiam, si videbitur, cum Terentia loquare oportune. non queo omnia scribere. Vale. III Non. Quint.

⁴¹ Apud ἐπιστον illas velim, ut possint, advertas.] Servavi lectionem Bosii, quia et ingeniosa est, et intelligi potest: antiqua apud epistolas velim ut possint adversas nullo modo. De deponendo testamento Terentiae sermo est: vult illas, Terentiam et Tulliam, deponere testamentum apud ἐπιστον huminem.

⁴² Ego hujus miserrimæ fatuitate c. c.] Fatuitate Grævius per conjecturam legi volebat. ego sic correxi, quia ed. Romana habet. Sed et miserrimæ dedi: nam sic de Tullia solet dicere, et sunt vestigia ejus in ed. R. miserrimi ea.

⁴³ In consilio dando.] Sic cum Græv. edidi, pro dato.

⁴⁴ In pensione secunda c. f.] In pensione secunda dotis, quam dederant Dolabellæ, atque ita perdiderant imprudenter.

⁴⁵ Alium mallet.] Sunt, qui corrigant aliud. placet. nam alium quem intelligimus.

⁴⁶ Ut in perditis rebus.] Mss. reg. Par. ut impeditis rebus. vulgatum melius est. In seqq. iidem: ex argento tibi quod satis, multa ex supp. sed hoc non magis placet, quam vulgatum. illud neque satis multa si abeaset, omnia plana forent.

M. TULLII CICERONIS EPISTOLARUM

AD

QUINTUM FRATREM

LIBER I.

ARGUMENTUM.

Quintus Cicero, ex prætura provinciam Asiam sortitus, annos jam duos continuos parum secunda fama eam administrarat. Cum in annum tertium prorogatum illi imperium fuisset, Marcus frater inde occasionem enim ad laudem cohortandi sumpsit, quod de accessione har animi facere illum ceteriorem vellet. Est autem bipartita cohortatio: prior enim pars ad ea, quæ rempubl. attingunt, altera ad ea, quæ privata et Quinti fere præcipua sunt, pertinet: nam in priore parte ea persequitur, quæ ad Quinti imperium ac provincialem administrationem spectant; de quibus quadripartite disputat. Primo locum, de Quinto ipso præcepta dat; sed non ita quasi de Quinto ac civè Romano; verum ut de amplissimo populi Romani magistratu, Asiam provinciam cum summo imperio administrante. Altero loco, de iis comitibus præcipit, quos secum in provinciam imperii sui ministros publicarumque negotiorum adjuutores eduxerat. Postea de vitandis Græcorum et publicanorum nimis familiaritatibus illum monet; ntpote quibus imperii sui dignitas labefactari facile convellique possit. Postremo etiam, de servis cautionem adhibet; ejusque caput hoc esse voluit, ne quid iis, quod ad rempublie, ulli ex parte pertineat, committatur. Itaque summam hæc omnia in epilogo enumerans, quatuor hæc dignitatis Quinti fundamenta nominat; integritatem ipsius et continentiam, omnium qui cum ipso erant pudorem, delectum in familiaritatibus et provincialium et Græcorum, postremo familie gravem et constantem disciplinam. Altera pars ea, ut ante dixi, quæ privata magis sunt, id est, quæ Quinti personam atque officium præcipue attingunt, complectitur. Nam primo loco, de moderanda acerbitate, qua usus in suppliciis antea fuerat, deque retinenda in jure dicenda æquabilitate præcipit; secundo, de sublevandis provinciæ oneribus, minuendisque sumptibus et jucturis; tertio, de conciliandis cum publicanorum ordine sociis, constituendaque inter illos concordia; postremo, de coercenda iracundia et naturæ impetu moderando ita luculenter et prope divinitus disputat, ut hanc epistolam non Quinto fratri scripisse potius, quam omnibus provinciarum gubernatoribus præclaram quandam imperii recte administrandi normam ac regulam præscripisse videatur.

MARCUS Q. FRATRI S.

ETSI non dubitabam, quin hanc epistolam multi nuntii, ¹ fama denique esset ipsa sua celeritate superatura, tuque ante ab aliis auditurus esses, annum tertium accessisse desiderio nostro, et labori tuo: tamen existimavi a me quoque tibi hujus molestiae nuntium perferri oportere. Nam superioribus litteris, non unis, sed pluribus, cum jam ab aliis desperata res esset, tamen ego tibi spem maturae decessio-
 nis afferebam; non solum, ut quam diutissime te jucunda ^{p. 290.} opinione oblectarem, sed etiam quia tanta adhibebatur et a nobis et a praetoribus contentio, ut rem posse confici non diffiderem. Nunc quoniam ita accidit, ut neque praetores suis opibus, neque nos nostro studio quidquam proficere possemus, est omnino difficile non graviter id ferre: sed tamen nostros animos maximis in rebus et gerendis et sustinendis exercitatos, frangi et debilitari molestia non oportet. Et quoniam ea molestissime ferre homines debent, quae ipsorum culpa contracta sunt, est quiddam in hac re mihi molestius ferendum, quam tibi. factum est enim mea culpa, contra, quam tu mecum, et proficiscens, et per litteras egeras, ut priore anno non succederetur. Quod ego, dum sociorum saluti consulo, dum ²impudentiae nonnullorum negotiatorum resisto, dum nostram gloriam tua virtute augeri expeto, feci non sapienter: praesertim ³cum id commiserim, ut ille alter annus etiam tertium posset adducere. Quod quoniam peccatum meum esse confiteor; est sapientiae atque humanitatis tuae, curare et perficere, ut hoc minus sapienter a me provisum, diligentia tua corrigatur. Ac si te ipse vehementius ad omnes partes bene audiendi excitaris; non ut cum aliis, sed ut tecum jam ipse certes; si omnem tuam mentem, curam, cogitationem, ⁴ad excellentem omnibus in rebus laudis cupiditatem incitaris: mihi

¹ *Fama denique ipsa.*] Verbum denique, deinde etiam consuetudo Ciceronis in tali re me movit dudum, ut suspicarer hic, post nuntii excidisse multorum litterarum.

² *Impudentia n. negotiatorum.*] Quallis illa impudentia fuerit, optimo ex epistolis ad Atticum e Cilicia scriptis disci potest. nempe volebant Ciceronis auctoritate apud fratrem perficere, ut eorum avaritiae in re foenebri indulgeret.

³ *Cum id commiserim.*] Putem, Ciceronem scripsisse ita.

⁴ *Ad excellentem o. i. r. laudis cupiditatem.*] Potest ferri, excellentiae notionem cum cupiditate coniungi, cum proprie ad laudem pertineat. poetae quidem saepe ita epitheta permutant: sed est tamen in hoc genere orationis durius. itaque malim legere *excellentis*. ed. Jans. habet *excellentiam*, quod fortis ex *excellentis* factum est.

crede, unus annus additus labori tuo, multorum annorum lætitiā nobis, gloriā vero etiā posteris nostris afferet. Quapropter hoc te primum rogo, ne contrahas, aut demittas animum, neve te obrui, tamquam fluctu, sic magnitudine negotiī sinas: contraque erigas, ac resistas, sive etiā ultro occurras negotiis. Neque enim ejusmodi partem rei publicæ geris, in qua fortuna dominetur, sed in qua plurimum ratio possit, et diligentia. Quodsi tibi, bellum aliquod magnum et periculosum administranti, prorogatum imperium viderem; tremerem animo, quod eodem tempore esse intelligerem etiā fortunæ potestatem in nos prorogatam. Nunc vero ea pars tibi reipublicæ commissā est, in qua aut nullam, aut perexiguam partem fortuna tenet, et quæ mihi tota in tua virtute ac moderatione animi posita esse videatur. Nullas, ut opinor, insidias hostium, nullam prælii dimicationem, nullam defectionem sociorum, nullam inopiam stipendii, aut rei frumentariæ, nullam seditionem exercitus pertimescimus: quæ persæpe sapientissimis viris acciderunt, ut, quemadmodum gubernatores optimi vim tempestatis, sic illi fortunæ impetum superare non possent. Tibi data est summa pax, summa tranquillitas: ita tamen, ut ea dormientem gubernatorem ⁵ vel obruere, vigilantem etiā delectare possit. Constat enim ea provincia primum ex eo genere sociorum, quod est ex hominum omni genere humanissimum: deinde ex eo genere civium, qui aut, quod publicani sunt, nos summa necessitudine attingunt: aut, quod ita negotiantur, ut locupletes sint, ⁶ nostri consulatus beneficio se incolumes fortunas habere arbitrantur. At enim inter hos ipsos existunt graves controversiæ, multæ nascuntur injuriæ, magnæ contentiones consequuntur. ⁷ Quasi vero ego id putem, non te aliquantum negotiī sustinere. Intelligo, permagnum esse negotium, et maximi consilii. sed nemento, consilii me hoc negotium esse magis aliquanto, quam fortunæ, putare. Quid est enim negotiī, continere eos, quibus præsis, si te ipse contineas? Id autem sit magnum et difficile ceteris, sicut est difficillimum: tibi et fuit hoc semper facillimum,

p. 291.

a.

⁵ Vel obruere.] Vel hoc loco plane hulas novas. hoc nomine sæpe gloriatur alium est, adeoque delendum videtur. Cicero.

Aldus vel etiā ante vigilantem addidit.

⁷ Quasi vero ego id putam, &c.] Id

⁶ Nostri cons. beneficio se incolumes [fort. plane redundat, et duriorē orationem h. a.] Quia in consulatu impediērat ta- facit.

et vero esse debuit; cujus natura talis est, ut etiam sine doctrina videatur moderata esse potuisse: ea autem adhibita doctrina est,⁸ quæ vel vitiosissimam naturam excolere possit. Tu cum pecuniæ, cum voluptati, cum omnium rerum cupiditati resistes, ut facis: crit, credo, periculum, ne improbum negotiatorem, paullo cupidiorẽ publicanum comprimere non possis. Nam Græci quidem sic te ita viventem intuebuntur, ut quendam ex annalium memoria, aut etiam de cælo divinum hominem esse in provinciam delapsum putent. Atque hæc nunc, non ut facias, sed ut te facere et fecisse gaudeas, scribo. Præclarum est enim, summo cum imperio⁹ fuisse in Asia triennium, sic ut nullum te signum, nulla pictura, nullum vas,¹⁰ nulla vestis, nullum mancipium, nulla forma cujusquam, nulla¹¹ conditio pecuniæ (quibus rebus abundat ista provincia) ab summa integritate continentiaque deduxerit. Quid autem reperiri tam eximium, aut tam expetendum potest, quam istam virtutem, moderationem animi, temperantiam, non latere in tenebris, neque esse abditan, sed in luce Asiæ, in oculis clarissimæ provinciæ, atque in auribus omnium gentium ac nationum esse positam? non itineribus tuis perterreret homines? non sumtu exhauriri? non adventu commoveri? esse, quocumque veneris, et publice, et privatim maximam lætitiã: cum urbs custodem, non tyrannum, domus hospitem, non expilatorem, recepisse videatur? His autem in rebus jam³ te usus ipse profecto erudit, nequaquam satis esse, ipsum⁶ hæc habere virtutes, sed esse circumspectendum diligenter, ut in hac custodia provinciæ non te unum, sed omnes ministros imperii tui, sociis, et civibus, et reipublicæ præstare videre. Quamquam legatos habes eos, qui ipsi per se habituri sint rationem dignitatis suæ; de quibus honore, et dignitate, et ætate præstat Tubero, quem ego arbitror, præsertim cum scribat historiam, multos ex suis annalibus

⁸ Quæ vel v. naturam attollere possit.] Attollere est ex ed. Joss. Rom. habet accollere, ed. s. l. et a. excolere, quod etiam Aldus et alii, Victorius, Grævius secuti sunt, nosque et ipsi recepimus.

⁹ Fuisse in Asia triennium.] Sic edd. omnes præter Hagensem recentiorẽ, quæ ex Ursini conjectura recepit biennium: nempe quia tum Cicero tantam fuerat biennium. sed illud fecisse et facere indicant, etiam tertii anni hic rationem habitam esse.

itaque triennium retinui.

¹⁰ Nulla vestis.] Intellige stragulam, peristram: in quibus magnus ornatus tricliniorum fuit: itaque ea interdum pulcherrima et pretiosissima fuerunt. In Verrinis furti talium vestium interdum commemorantur.

¹¹ Conditio pecuniæ.] Est promissio pecuniæ, quamvis magnæ, ad obtinendum aliquid contra jus.

posse deligere, quos velit et possit imitari: ¹²Allienus autem noster est cum animo et benivolentia, tum vero etiam imitatione vivendi. Nam quid ego de Gratidio dicam? quem certo scio ita laborare de existimatione sua, ut propter ¹³amorem in nos fraternum, etiam de nostra laboret. Quæstorem habes, non tuo iudicio delectum, sed cum, quem sors dedit. hunc oportet et sua sponte esse moderatum, et tuis institutis ac præceptis obtemperare. Quorum si quis forte esset sordidior, ferres eatenus, quoad ¹⁴per se negligeret eas leges, ¹⁵quibus esset adstrictus: non ut ea potestate, quam tu ad dignitatem permisisses, ad quæstum interetur. Neque enim mihi sane placet, præsertim cum ¹⁶hi mores tantum jam ad nimiam lenitatem et ad ambitionem incubuerint, scrutari te ¹⁷omnes sordes, excutere unumquemque eorum: sed, quanta sit in quoque fides, tantum cuique committere. Atque inter hos, eos, quos tibi comites et adiutores negotiorum publicorum dedit ipsa respublica, duntaxat finibus his præstabis, quos ante præscripsi. Quos ⁴p. 292. vero aut ex domesticis convictionibus, aut ex necessariis apparitionibus tecum esse voluisti, qui quasi ex cohorte prætoris appellari solent, horum non modo facta, sed etiam dicta omnia præstanda nobis sunt. Sed habes eos tecum, quos possis recte facientes facile diligere: minus consulentes existimationi tuæ, facillime coercere: a quibus, ¹⁸rudis cum esses, videtur potuisse tua liberalitas decipi: nam ut quisque est vir optimus, ita difficillime esse alios improbos suspicatur: nunc vero tertius hic annus habeat integritatem eandem, quam superiores, ¹⁹cautiorum etiam ac diligentiorum. Sint aures tuæ, quæ id, ²⁰quod audiant, existimentur audire, non in quas fide et simulate quæstus causa insusurretur. Sit annulus tuus ²¹non ut vas aliquod,

¹² Allienus.] Addidi est, quod hic abesse non potest, habentque Mss. Paris. Allienus edidi pro vulgato *Haliemus*. ut et aliis viris doctis placuit. Ed. Jens. habet *Auiemus*, quod ex *Allienus* manifeste factum est. v. Clav. in *Halienus*.

¹³ Amorem in nos fraternum.] V. Clav. in *Gratidius*.

¹⁴ Per se negligeret.] Privatum, modo eo, quo posset etiam, si non esset legatus, quæstor, et in rebus privatis, non publicis.

¹⁵ Quibus est adstrictus.] Ed. Rom. et alie, etiam *Vict.* esset, quod recepi. Sic et mox *permisisses*, non *permisisti*.

¹⁶ Hi mores.] Sic edd. pr. recte, non ii, ut recentiores. mox ex edd. primis dedi et ad *ambitionem*. recentiores ad omisere.

¹⁷ Omnes sordes.] An *omnium sordes*?

¹⁸ Rudis cum esses.] Int. provincie. quod fortasse excidit, est enim ejus omisio paullo durior.

¹⁹ Cautiorum etiam ac diligens.] *Faernus* et *Urs.* malebant *cautionem etiam diligentiorum*; probante et *Malasp.* *Infra*, n. 6. est rursus *cavitus et diligens*.

²⁰ Quod audiant.] Legendum *audiant*.

²¹ Non ut vas aliquod.] Ut instrumentum, utensile. sic *Græci* *σκεῦος* dicunt.

sed tamquam ipse tu: non minister alienæ voluntatis, sed testis tuæ. Accensus sit eo numero, quo eum majores nostri esse voluerunt: qui hoc non in beneficii loco, sed in laboris, ac muneris, non temere nisi libertis suis deferebant: quibus illi quidem non multo secus, ac servis, imperabant. Sit lictor ²² non suæ, sed tuæ lenitatis apparitor: majoraque præferant fasces illi ac secures dignitatis insignia, quam potestatis. Toti denique sit provinciæ cognitum, tibi omnium, quibus præsis, salutem, liberos, famam, fortunas esse carissimas. Denique hæc opinio sit, non modo iis, qui aliquid acceperint, sed iis etiam, qui dederint, te inimicum (si id cognoveris) futurum. Neque vero quisquam dabit, cum erit hoc perspectum, nihil per eos, qui simulant se apud te multum posse, abs te solere impetrari. Nec tamen est hæc oratio mea hujusmodi, ut te in tuos aut durum esse minium, aut suspiciosum velim. Nam si quis est eorum, qui tibi biennii spatio numquam in suspicionem avaritiæ venerit, (ut ego Cæsium, et Chærippum, et Labconem, et b. audio, et, quia cognovi, existimo,) nihil est, quod non et iis, et si quis est alius ejusdemmodi, et committi et credi rectissime putem. Sed si quis est, in quo jam offenderis, de quo aliquid senseris; huic nihil credideris, nullam partem existimationis tuæ commiseris. In provincia vero ipsa, si 5 quem es nactus, qui in tuam familiaritatem penitus intrarit, qui nobis ante fuerit ignotus; huic quantum credendum sit, vide: non quin possint multi esse provinciales viri boni; sed hoc sperare licet, judicare periculosum est. Multis enim simulationum involucris tegitur, et quasi velis quibusdam obtenditur uniuscujusque natura: frons, oculi, vultus persæpe mentiuntur; oratio vero sæpissime. Quamobrem, ²³ qui potes reperire ex eo genere hominum, qui pecuniæ cupiditate adducti careant his rebus omnibus, a quibus nos divulsi esse non possumus, te autem, alienum hominem, ament ex animo, ac non sui commodi causa simulent? mihi quidem permagnum videtur; præsertim si iidem homines

Hebr. רִבִּי. Robortellus corrigebat *vas aliquis*, quod Verburgius et Alenannus receperunt male.

²² Non suæ, sed tuæ lenitatis apparitor.] Cur tantum lenitatis? nec placet Ursini correctio, non suæ severitæ, sed tuæ lenitatis, quæ Lipsio placebat, Elect. I, 23. An fuit voluntatis? ut paullo ante in annulo.

²³ Qui potes reperire - te autem, &c.] Oratio visa est non coherere. sed quomodo cohereret, si cum nonnullis legas, si potes reperire? nempe reperire non habebit nomen rei, quæ reperiatur. Immo bene coherent omnia, modo teneas, hæc qui pec. cup., &c. non conjungi cum genere hominum, sed cum reperire.

privatum non fere quemquam, prætores semper omnes²⁴ amant. Quo ex genere si quem forte tui cognosti amantio-
 tiorem (feri enim potuit) quam temporis, hunc vero²⁵ ad
 tuum numerum libenter adscribito: sin autem id non per-
 spicies; nullum erit genus in familiaritate cavendum magis:
 propterea quod et omnes vias pecuniæ norunt, et omnia
 pecuniæ causa faciunt: et, quicum victuri non sunt, ejus
 existimationi consulere non curant. Atque etiam e Græcis
 ipsis diligenter cavendæ sunt²⁶ quædam familiaritates, præ-
 ter hominum perpaucorum, si qui sunt vetere Græcia
 p. 293. digni. ²⁷ Sic vero fallaces sunt permulti, et leves, et diu-
 a. turna servitute ad nimiam assentationem eruditi. quos ego
 universos adhiberi liberaliter, optimum quemque hospitio
 amicitiaque conjungi dico oportere: nimiam familiaritates
 eorum²⁸ neque tam fideles sunt, (non enim audent adversa-
 ri nostris voluntatibus,) et vero invident non nostris solum,
 6 verum etiam suis. Jam qui in ejusmodi rebus, in quibus
 vereor etiam, ne durior sim, cautus esse velim ac diligens:
 quo me animo in servos esse censes? quos quidem cum
 omnibus in locis, tum præcipue in provinciis regere debe-
 mus: quo de genere multa præcipi possunt. sed hoc et bre-
 vissimum est, et facillime teneri potest, ut²⁹ ita se gerant
 in istis Asiaticis itineribus, ut si iter Appia via facias: neve
 interesse quidquam putent, utrum Tralles an Formias ve-
 nerint. At, si quis est ex servis egregie fidelis; sit in do-
 mesticis rebus, et privatis: quæ res ad officium imperii tui,
 atque ad aliquam partem reipublicæ pertinebunt, de his re-
 bus ne quid attingat. Multa enim, quæ recte committi ser-
 vis fidelibus possunt, tamen sermonis et vituperationis vi-
 tandæ causa, committenda non sunt. Sed nescio, quo pacto
 ad præcipiendi rationem delapsa est oratio mea, cum id
 mihi propositum initio non fuisset. Quid enim ei præci-
 piam, quem ego in hoc præsertim genere intelligam pruden-
 tia non esse inferiorem,³⁰ quam me; usu vero etiam supe-

24 Amant.] Puto scr. ament.

25 Ad tuum numerum.] Ms. Longolii habebat tuorum, quod Ursinus præferbat.

26 Quædam familiaritates.] Quædam spurium aut vitiosum est: nec consentit sententia.

27 Sic vero sunt fallaces.] Nihil est, quod τῷ sic vero respondeat in sequentibus. Sic est sine dubio vitiosum. an nunc vero?

28 Neque tam fideles.] Non placet tam. malim jam, aut aliud quid.

29 Ita se gerant - ut si iter A. v. fa-
 ceres.] Male faceres post gerant, Legen-
 dum facias.

30 Quam me.] Scio Ciceronem et ali-
 bi quam post comparativum habere: sed
 hic quam me sine dubio est a glossatore.

riorem? Sed tamen si ad ea, quæ faceres, auctoritas accederet mea, ³¹ tibi ipsi illa putavi fore jucundiora. Quare sint hæc fundamenta dignitatis tuæ: tua primum integritas et continentia: deinde omnium, qui tecum sunt, pudor: delectus in familiaritatibus, et provincialium hominum et Græcorum, percautus et diligens: familiæ gravis et constans disciplina. Quæ cum honesta sint in his privatis nostris quotidianisque rationibus; in tanto imperio, tam depravatis moribus, tam corruptrice provincia, divina videantur necesse est. Hæc institutio atque hæc disciplina potest sustinere in rebus statuendis et decernendis eam severitatem, qua tu in iis rebus usus es, ex quibus nonnullas similitudines cum magna mea lætitia susceptas habemus. nisi forte me Paconii nescio cujus, hominis ne Græci quidem, at Mysii, aut Phrygis potius, querelis moveri putas; aut Tuscenii, hominis furiosi ac sordidi vocibus, cujus tu ex impurissimis faucibus inhonestissimam cupiditatem eripuisti summa cum æquitate. Hæc, et cetera plena severitatis, quæ statuisti ⁷ in ista provincia, non facile sine summa integritate sustineremus. quare sit summa in jure dicundo severitas, dummodo ea ne varietur gratia, sed conservetur æquabilis. Sed tamen parvi refert abs te ipso jus dici æquabiliter et diligenter, nisi idem ab iis fiet, quibus tu ejus muneris aliquam partem concesseris. Ac mihi quidem videtur non sane magna varietas esse negotiorum in administranda Asia, sed ea tota ³² jurisdictione maxime sustineri. In qua scientiæ præsertim provincialis ratio ipsa expedita est: constantia est adhibenda et gravitas, quæ resistat non solum gratiæ, verum etiam suspicioni. Adjungenda etiam est facilitas in audiendo, lenitas in decernendo, ³³ in satisfaciendo ac disputando diligentia. His rebus nuper ³⁴ C. Octavius jucundissimus fuit: apud quem ³⁵ primus licitor quievit; tacuit

31 *Tibi ipsi illa.*] *Ipsi* nullo modo verum est, aut convenit loco. Ursinus corrigebat *ipsa*, bene.

32 *In jurisdictione sustineri.*] *Usitatus contineri*, quod quidam substitui voluere. non est necesse. nam fore idem est tropus in utroque verbo.

33 *In satisfaciendo ac disputando.*] V. *Clav. in satisfacere.*

34 *Cn. Octavius.*] In Macedonia prætor, v. *Clav.* Ceterum correxi C. nam hoc prænomen illius Octavii fuit, ut alii

demonstravere, et sic habet ed. Jens. quam nescio quomodo hic omnes deservere. Similiter est in ep. 2.

35 *Primus licitor quievit.*] *Cur primus?* qui nihil præcipui habet, præter admonitionem et subnotationem, cum prætor incedit in publico, quo trahebat Lipsius Blect. 1, 23. sed id ab h. l. alienum, ubi sermo est de jurisdictione. Malaspina corrigebat *primum*, et sunt alia exempla, ubi id est sine *deinde*.

- accensus: quoties quisque voluit, dixit, et quam voluit
 p. 294. diu. Quibus ille rebus fortasse nimis lenis videretur, nisi
 a. hæc lenitas illam severitatem tueretur. Cogebantur Sulla-
 ni homines, quæ per vim et metum abstulerant, reddere.
 qui in magistratibus injuriose decreverant, eodem ipsis pri-
 vatis erat jure parendum. hæc illius severitas acerba vi-
 deretur, nisi multis condimentis humanitatis mitigaretur.
 Quodsi hæc lenitas grata Romæ est, ³⁶ ubi tanta arrogantia
 est, tam immoderata libertas, tam infinita hominum licentia,
 denique tot magistratus, tot auxilia, ³⁷ tanta vis [populi],
 tanta senatus auctoritas: quam jucunda tandem prætoris
 comitas in Asia potest esse, in qua tanta multitudo civium,
 tanta sociorum, tot urbes, tot civitates unius hominis nutum
 intuentur? ³⁸ ubi nullum auxilium est, nulla conquestio, nul-
 lus senatus, nulla concio? Quare cum permagni hominis
 est, et cum ipsa natura moderati, tum vero etiam doctrina,
 atque optimarum artium studiis eruditi, sic se adhibere in
 tanta potestate, ut nulla alia potestas ab iis, quibus ipse
 8 præsit, desideretur. Cyrus ille a Xenophonte non ad his-
 toriæ fidem scriptus, sed ad effigiem justî imperii: cujus
 summa gravitas ab illo philosopho cum singulari comitate
 conjungitur: (quos quidem libros non sine causa noster
 ille Africanus de manibus ponere non solebat: nullum est
 enim prætermissum in iis officium diligentis et moderati im-
 perii.) ³⁹ eaque, si sic coluit ille, qui privatus futurus num-
 quam fuit; quonam modo retinenda sunt iis, quibus impe-
 rium ita datum est, ut redderent, et ab iis legibus datum est,
 b. ad quas revertendum est? Ac mihi quidem videntur huc
 omnia esse referenda iis, qui præsumunt aliis, ut ii, qui erunt
 eorum in imperio, sint quam beatissimi: quod tibi ⁴⁰ et esse
 antiquissimum, et ab initio fuisse, ut primum Asiam atti-
 gisti, constante fama atque omnium sermone celebratum est.

36 Ubi tanta arrogantia est.] Puto
 esse, ubi homines tam sunt arrogantes
 etiam adversus magistratus, ut his seve-
 ritas necessaria videatur, ad retundendam
 hanc arrogantiam.

37. Tanta vis.] Excidisse poto populi:
 nam alias, quæ vis sit, intelligi non potest,
 ut auctoritas non intelligeretur, si abesset
 senatus: et respondet ei in sqq. concio.
 nec dubitavi addere, sed inclusum oncis.

38 Ubi nullum auxilium est, nulla con-
 questio.] Auxilium est tribunorum plebis,

conquestio apud alios magistratus, prætoris
 collegas.

39 Eaque si sic coluit ille.] In hac lec-
 tione oratio est ἀπὸ τοῦ προτέρου. nam nihil est,
 quod respondeat superiori: Cyrus ille—
 conjungitur, nam cetera quos—imperii sunt
 in parenthesi dicta. itaque videtur delen-
 dum quæ, et ille. Lambinus in principio
 legebat, Si Cyrus, ut hæc melius respon-
 deant.

40 Et esse ant.] Sic pro esse et ant.
 edidimus, ut et alij recentiores.

Est autem non modo ejus, qui sociis et civibus, sed etiam ejus, qui servis, qui mutis pœudibus præsist, eorum, quibus præsist, commodis utilitatique servire. Cujus quidem generis constare inter omnes video, abs te summam adhiberi diligentiam: nullum æs alienum novum contrahi civitatibus: vetere autem magno et gravi multas abs te esse ⁴¹liberatas: urbes complures dirutas ac pæne desertas, (in quibus unam Ioniæ nobilissimam, alteram Cariæ, Samum et Halicarnasum,) per te esse recreatas: nullas esse in oppidis seditiones, nullas discordias: provideri abs te, ut civitates optimatum consiliis administrarentur: sublata Mysiæ latrocinia: cædes multis locis repressas: pacem tota provincia constitutam: neque solum illa itinerum atque agrorum, sed multo etiam plura et majora oppidorum et fanorum furta et latrocinia esse depulsa: remotam a fama, et a fortunis, et ab otio locupletum, illam acerbissimam ministram prætorum avaritiæ, calumniam: sumtus et tributa civitatum ab omnibus, qui earum civitatum fines incolant, tolerari æquabiliter: facillimos esse aditus ad te: patere aures tuas querelis omnium: nullius inopiam ac solitudinem, non modo, illo populari accessu, ac tribunali, sed ne domo quidem et cubiculo esse exclusam; ⁴²tuo toto denique imperio ⁴³nihil acerbum esse, nihil crudele, atque omnia plena clementiæ, mansuetudinis, humanitatis. Quantum vero illud est beneficium 9 tuum, quod iniquo et gravi ⁴⁴vectigali ædificiorum, magnis nostris simultatibus, Asiam liberasti? Enimvero, si unus p. 295. a. homo nobilis queritur palam, te, quod edixeris, NE AD LUDOS PECUNIÆ DECERNERENTUR, H-S CC sibi eripuisse: quanta tandem pecunia penderetur, si omnium nomine, quicumque Romæ ludos facerent, quod erat jam institutum, erogaretur? Quamquam has querelas hominum nostrorum illo consilio oppressimus, quod in Asia ⁴⁵nescio quo modo, Romæ quidem non mediocri cum admiratione

41 *Liberatas: urbes complures.*] Sic distinguendum est, nam illud pertinet ad civitates, quæ ante nominatæ, dirutas, &c. ad urbes.

42 *Tuo toto imp.*] Tuo quidam ad cubiculo retulere, et Lamb. domo addidit tua, non bene. Ceterum tuo commodum abfuerit.

43 *Nihil acerbum esse, nihil crudele.*] Deest tertium, cui respondeat in sequen-

tibus humanitatis. nam acerbum respondet clementiæ; crudele, mansuetudini.

44 *Vectigali ædificiorum.*] Quale hoc vectigal sit, v. in Clav. in vectigal et ædificius.

45 *Nescio quonam modo.*] Nam sine dubio delendum est: dicit, nescio quidem quomodo in Asia laudetur, Romæ quidem vehementer laudatur.

laudatur, quod, cum ad templum monumentumque nostrum civitates pecunias decrevissent; cumque id, et pro meis magnis meritis, et pro tuis maximis beneficiis, summa sua voluntate fecissent: nominatimque lex exciperet, UT AD TEMPLUM MONUMENTUMQUE CAPERE LICERET; cumque id, quod dabatur, non esset interiturum, sed in ornamentis templi futurum, ut non mihi potius, quam populo Romano, ac diis immortalibus datum videretur: tamen id, in quo erat dignitas, erat lex, erat eorum, qui faciabant, voluntas, accipicndum non putavi; cum aliis de causis, tum etiam ut animo æquiore ferrent ii, quibus nec deberetur, nec liceret. Quapropter incumbere toto animo, et studio omni in eam rationem, qua adhuc usus es, ut eos, quos tuæ fidei potestatique senatus populusque Romanus commisit et credidit, diligas, et omni ratione tueare, ut esse quam beatissimos velis. Quodsi te sors Afris, aut Hispanis, aut Gallis præfecisset, immanibus ac barbaris nationibus: tamen esset humanitatis tuæ, consulere eorum commodis, et utilitati salutique servire. Cum vero ci generi hominum præsimus, non modo in quo ipsa sit, sed etiam a quo ad alios pervenisse putetur humanitas:

b. certe iis cum potissimum tribuere debemus, a quibus accepimus. Non enim me hoc jam dicere pudebit, præsertim in ea vita, atque iis rebus gestis, in quibus non potest residere incertiæ aut levitatis ulla suspicio, nos ea, quæ consecuti sumus, his studiis et artibus esse adeptos, quæ sint nobis Græciæ monumentis disciplinisque tradita. Quare præter communem fidem, quæ omnibus debetur, ⁴⁶ præterea nos isti hominum generi præcipue debere videmur, ut, quorum præceptis ⁴⁷simus eruditi, apud eos ipsos, quod ab

10 iis didicerimus, velimus expromere. Atque ille quidem princeps ingenii et doctrinæ Plato, tum denique foris beatas respublicas putavit, si aut docti ac sapientes homines eas regere cœpissent, aut ii, qui regerent, omne suum studium in doctrina ac sapientia ⁴⁸collocarent. Hanc conjunctionem videlicet potestatis ac sapientiæ, salutis censuit civitatibus

46 *Præterea.*] Hoc verbum frigide redundat, delendumque puto.

47 *Sumus eruditi.*] *Ser. simus eruditi*, pendet enim e *velimus*: sic mox quod a. i. didicerimus. et sic dedit Aldus.

48 *Collocassent.*] Pro hoc edidi collo-

carent, necessario. nam si vulgatum verum esset, nihil hoc differret a priori docti ac sapientes homines: sed Cicero exprimit illud, quod alibi sic dictum est: si aut philosophi imperarent, aut imperantes philosopharentur.

esse posse: quod fortasse aliquando universæ reipublicæ nostræ, nunc quidem profecto isti provinciæ contigit, ut is in ea summam potestatem haberet, cui in doctrina, cui in virtute atque humanitate percipienda ⁴⁹ plurimum a pueritia studii fuisset et temporis. Quare cura, ut hic annus, qui ad laborem tuum accessit, idem ad salutem Asiæ ⁵⁰ prorogatus esse videatur. ⁵¹ quoniam in te retinendo fuit Asia felicior, quam nos in deducendo; perfice, ut lætitia provinciæ desiderium nostrum leniatur. Etenim si in promerendo, ut tibi tanti honores haberentur, ⁵² quanti haud scio an nemini, fuisti omnium diligentissimus: multo majorem in his honoribus tuendis adhibere diligentiam debes. Et quidem de isto genere honorum quid sentirem, scripsi ad te autē. semper eos putavi, si vulgares essent, viles: si temporis causa constituerentur, leves: si vero (id quod ita factum est) meritis tuis tribuerentur, existimabam multam tibi in his honoribus tuendis operam esse ponendam. Quare quoniam in istis urbibus ⁵³ cum summo imperio et potestate versaris, in quibus tuas virtutes consecratas et in decorum numero collocatas vides: in omnibus rebus, quas statues, quas decernes, quas ages, quid tantis hominum opinionibus, tantis de te judiciis, tantis honoribus debeas, cogitabis. Id autem erit ejusmodi, ut consulas omnibus, ut medeare incommodis hominum, provideas saluti, ut te parentem Asiæ et dici et haberi velis. Atque huic tuæ voluntati ac diligentiae difficultatem magnam afferunt publicani: quibus si adversamur; ordinem de vobis optime meritum, et per nos cum republica conjunctum, et a nobis, et a republica ⁵⁴ dijuugemus. sin autem omnibus in rebus obsequemur; funditus eos perire patiemur, quorum non modo saluti, sed etiam commodis consulere debemus. Hæc est una (si vere cogitare volumus) in toto imperio tuo

p. 296.
a.

11

49 *Plurimum studii f. et temporis.*] Lambinus addi volebat *positum vel collocatum*, frustra. si et temporis non addidisset Cicero, nemo hæsisset.

50 *Prorogatus esse.*] Quia ante annus dicitur accessisse: putem Ciceronem scripsisse hic *propagatus esse*. nam hoc verbo utitur Cicero, cum continuationem simpliciter intelligit. Sape hæc verba confusa sunt a librariis. v. *Clav. in prorogare*.

51 *Quoniam.*] Faeruas et Malasp. corripiebant *quoniamque*, non male.

52 *Quanti haud scio an nemini.*] Pro *quanti nemini*, modestiæ sc. causa. Mox *honoribus* deleudum putabat vir doctus in ed. Hag. bene.

53 *Cum summo imperio.*] *Summum imperium* int. civile: nam exercitum non habebat. v. in *imperium*.

54 *Dijuugemus.*] Sic edd. Rom. Jens. &c. Ed. s. l. et a. induxit *disjuugemus*, quod Asc. Aldus, &c. secuti sunt, etiam, quod miror, Gruterus. antiquam et verum revocavere Victorius et Jac. Gronovius.

difficultas. Nam esse abstinentem, continere omnes cupiditates, suos coercere, juris æquabilem tenere rationem; facilem te in rebus cognoscendis, in hominibus audiendis, admittendisque præbere; præclarum magis est, quam difficile. non est enim positum in labore aliquo, sed in quadam inductione animi atque voluntate. Illa causa publicanorum quantam acerbitem afferat sociis, intelleximus ex civibus, qui nuper in portoriis Italiæ tollendis, non tam de portorio, quam de nonnullis injuriis portitorum querebantur. ^{b.} Quare non ignoro, quid sociis accadat in ultimis terris, cum audierim in Italia querelas civium. Hic te ita versari, ut et publicanis satisfacias, præsertim publicis male redemptis, et socios perire non sinas, divinæ cujusdam virtutis esse videtur, id est, tuæ. Ac primum Græcis, id quod acerbissimum est, quod sunt vectigales, non ita acerbum videri debet, propterea quod sine imperio populi Romani, suis institutis, ⁵⁵ per se ipsi ita fuerunt. Nomen autem publicani aspernari non possunt, qui pendere ipsi vectigal sine publicano non potuerunt, ⁵⁶ quod iis æqualiter Sulla descriperat. Non esse autem leniores in exigendis vectigalibus Græcos, quam nostros publicanos, hinc intelligi potest, quod Caunii nuper, omnesque ex insulis, ⁵⁷ quæ erant ab Sulla Rhodiis attributæ, confugerunt ad senatum, nobis ut potius vectigal, quam Rhodiis penderent. Quare nomen publicani neque ii debent horrere, qui semper vectigales fuerunt; neque ii aspernari, ⁵⁸ qui per se pendere vectigal non potuerunt; neque ii recusare, qui postulaverunt. Simul et illud Asia cogitet, nullam a se neque belli externi, neque discordiarum domesticarum calamitatem abfuturam fuisse, si hoc imperio non teneretur. id autem in imperium cum retineri sine vectigalibus nullo modo possit, æquo animo parte aliqua suorum fructuum pacem sibi sempiternam redimat atque otium. Quod si genus ipsum et nomen publicani non iniquo animo sustinebunt: poterunt iis, consilio et prudentia tua, reliqua videri mitiora. Possunt in pactationibus faciendis non legem spectare censoriam, sed potius

55 *Per se ipsi ita fuerunt.* Cum liberi essent, suis ipsorum institutis habere publicanos.

56 *Quod iis æqualiter Sulla d.* Sc. in capita. de ea re v. Plutarch. in Lucullo, qui xx millia talentorum fuisse tradit.

57 *Quæ erant ab Sulla Rhodiis attributæ.* Quam ob causam Sulla Rhodiis hoc dederit, non constat.

58 *Qui per se pendere vectigal.* Per se, est, sine publicanis.

commoditatem conficiendi negotii, et liberationem molestiæ. Potes etiam tu id facere, quod et fecisti egregie, et facis, ut commemores, quanta sit in publicanis dignitas, quantum nos illi ordini debeamus, ut remoto imperio, ac vi potestatis et fascium, publicanos cum Græcis gratia atque auctoritate conjungas. Sed et ab iis, de quibus optime tu meritus es, et qui tibi omnia debent, hoc petas, ut facilitate sua, nos eam necessitudinem, quæ est nobis cum publicanis, obtinere et conservare patiantur. Sed quid ego te hæc hortor, quæ tu non modo facere potes tua sponte sine cujusquam præceptis, sed etiam magna jam ex parte perfecisti? non enim desistunt nobis agere quotidie gratias honestissimæ et maximæ societates: quod quidem mihi idcirco jucundius est, quod idem faciunt Græci. Difficile est autem, ea, quæ commodis, utilitate, et prope natura diversa sunt, voluntate conjungere. At ea quidem, quæ supra scripta sunt, non ut te instituerem, scripsi, (neque enim prudentia tua cujusquam præcepta desiderat,) sed me in scribendo commemoratio tuæ virtutis delectavit: quamquam in his litteris longior fui, quam aut vellem, aut quam me putavi fore. Unum est, quod tibi ego præcipere non desinam, neque te patiar (quantum in me erit) cum exceptione laudari. omnes enim, qui istinc veniunt, ita de tua virtute, integritate, humanitate commemorant, ut in tuis summis laudibus excipiant unam iracundiam. quod vitium, cum in hac privata quotidianaque vita levis esse animi atque infirmi videtur: tum vero nihil est tam deforme, quam ad summum imperium etiam acerbiter naturæ adjungere. Quare illud non suscipiam, ut, quæ de iracundia dici solent a doctissimis hominibus, ea tibi nunc exponam, cum et nimis longus esse nolim, et ex multorum scriptis ea facile possis ⁵⁹ cognoscere: quod est epistolæ proprium, ut ^b is, ad quem scribitur, de iis rebus, quas ignorat, certior fiat, prætermittendum esse non puto. Sic ad nos omnes fere deferunt, nihil, cum absit iracundia, te fieri posse jucundius. sed cum te alicujus improbitas perversitasque commoverit, sic te animo incitari, ut ab omnibus tua desi-

⁵⁹ Cognoscere: illud, quod est, &c.] illud vel id, deinde in altera parte periodi Dolevi hoc illud, temere e superioribus repetitum, aut a glossatore additum. Hæc est perpetua forma elegantia Ciceroniana, quod. tum mox pro ignorat scribendum est ignoret.

deretur humanitas. Quare quoniam in eam rationem vitæ nos non tam cupiditas quædam gloriæ, quam res ipsa ac fortuna deduxit, ut sempiternus sermo hominum de nobis futurus sit; caveamus, quantum efficere et consequi possumus, ut ne quod in nobis insigne vitium fuisse dicatur. Neque ego nunc hoc contendo, quod fortasse cum in omni natura, tum jam in nostra ætate difficile est, mutare animum, et si quid est penitus insitum moribus, id subito evelere: sed te illud admoneo, ⁶⁰ ut, si hoc plane vitare non potes, quod ante occupatur animus ab iracundia, quam providere ratio potuit, ne occuparetur, ut te ante compares, quotidieque meditare, resistendum esse iracundiæ; cumque ea maxime animum moveat, tum tibi esse diligentissime linguam continendam: quæ quidem mihi virtus non interdum minor videtur, quam omnino non irasci. Nam illud non solum est gravitatis, sed nonnunquam etiam lentitudinis: moderari vero et animo et orationi, cum sis iratus, aut etiam tacere, et tenere in sua potestate motum animi et dolorem, etsi non est perfectæ sapientiæ, tamen est non mediocris ingenii. Atque in hoc genere multo te esse jam commodiorem mitioremque nuntiant. Nullæ tuæ vehementiores animi concitationes, nulla maledicta ad nos, nullæ contumeliæ perferuntur: quæ cum abhorrent a litteris, ^a ab humanitate, tum vero contraria sunt imperio ac dignitati, nam si implacabiles iracundiæ sint; summa est acerbitas: sin autem exorabiles; summa levitas: quæ tamen ¹⁴ (ut in malis) acerbitati anteponenda est. Sed quoniam primus annus habuit de hac reprehensione plurimum sermonis, credo propterea, quod tibi hominum injuriæ, quod avaritiæ, quod insolentia ⁶¹ præter opinionem accidebat, et intolerabilis videbatur; secundus autem multo lenior, quod et consuetudo, et ratio, et (ut ego arbitror) meæ quoque litteræ te patientiorem lenioremque fecerunt: tertius annus ita esse debet emendatus, ut ne minimam quidem rem quisquam possit ullam reprehendere. Ac jam hoc loco non hortatione, neque præceptis, sed precibus tecum fraternis ago; totum ut animum, curam, cogitationemque tuam ponas in omnium laude undique colligenda. Quodsi in me-

60 *Ut, si -- ne occuparetur, ut te ante comp.] Alterum ut abest ab edd. vet.*

61 *Præter opinionem accidebat.] Vide-tur esse debere acciderat: item post pro fecerunt, fecerant,*

diocri statu sermonis ac prædicationis nostræ res essent: nihil abs te eximium, nihil præter aliorum consuetudinem postularetur. nunc vero, propter earum rerum, in quibus versati sumus, splendorem et magnitudinem, nisi summam laudem ex ista provincia assequimur, vix videmur summam vituperationem posse vitare. Ea nostra ratio est, ut omnes boni cum favcant, tum etiam a nobis omnem diligentiam virtutemque et postulent et expectent, omnes autem improbi (quod cum iis bellum suscepimus sempiternum) vel minima re ad reprehendendum contenti esse videantur. Quare quoniam ⁶² ejusmodi theatrum est totius Asiæ, celebritate refertissimum, magnitudine amplissimum, judicio eruditissimum, natura autem ita resonans, ut usque Romanam significationes vocesque referantur: contende, quasso, atque elabora, non modo ut ⁶³ his rebus dignus fuisse, sed etiam ut illa omnia tuis artibus superasse videre. Et ¹⁵ quoniam mihi casus urbanam in magistratibus administrationem reipublicæ, tibi provincialem dedit; ⁶⁴ et si mea pars nemini cedit, fac, ut tua ceteros vincat. Simul et illud cogita, nos non ⁶⁵ de reliqua et sperata gloria jam laborare, sed de parta dimicare. quæ quidem non tam expectanda nobis fuit, quam tuenda est. Ac si mihi quidquam esset abs te separatum, nihil amplius desiderarem hoc statu, qui mihi jam partus est. nunc vero res sic sese habet, ut, nisi omnia tua facta atque dicta nostris rebus istinc respondeant, ego me meis tantis laboribus, tantisque periculis, quorum tu omnium particeps fuisti, nihil consecutum putem. Quod si ut amplissimum nomen consequeremur, unus præter ceteros adjuvisti: certe idem, ut id retineamus, præter ceteros elaborabis. Non est tibi his solis utendum existimationibus ac judiciis, qui nunc sunt, hominum, sed iis etiam, qui futuri sunt: quamquam illorum erit verius

⁶² *Ejusmodi theatrum est totius Asiæ, &c.* Si edd. omnes veteres, omisso *virtutibus est datum*, quod primus Victorius addidit, secutusque est Gruterus. In hac lectione etiam totius offendit. Nuper Alemannus edidit: *quoniam ejusmodi theatrum virtutibus tuis est datum*: sed sine libris, et mihi illud *virtutibus tuis e. d.* glossatorem sapit, nec convenit sequentibus: *non modo ut his rebus dignus fuisse* — *videre*. Itaque veterem lectionem revocavi.

⁶³ *His rebus.*] Hoc tali theatro, et iis quæ in illo theatro agenda sunt.

⁶⁴ *Et si mea pars.*] Faeruns, Malaspina, Urinus, Manutius, delent et. beno.

⁶⁵ *De reliqua et sp.*] Quæ nobis paranda restet, et speretur a nobis. — *de parta dimicare*, de ea, quam jam habemus, retinenda. non agitur hoc, inquit, ut gloriam nobis paremus; nam abunde gloriæ nobis est: sed ut eam conservemus, nec amittamus re male gerenda. infra est *consequi et retinere nomen*.

judicium, obtreptione et malivolentia liberatum. Denique illud etiam debes cogitare, non te tibi soli gloriam quærere: quod si esset; tamen non negligeres, præsertim cum amplissimis monumentis consecrare voluisses memoriam nominis tui: sed hæc tibi est communicanda mecum, prodenda liberis nostris. ⁶⁶ In qua cavendum est, ne, si negligentior fueris, non solum tibi parum consuluisse, sed etiam tuis invidisse videaris. Atque hæc non eo dicuntur, ut te oratio mea dormientem excitasse, sed potius ut currentem incitasse videatur. Facies enim perpetuo, quæ fecisti, ut omnes æquitatem tuam, temperantiam, severitatem, integritatemque laudent. Sed me quædam tenet, propter singularem amorem, infinita in te aviditas gloriæ: quamquam illud existimo, cum jam tibi Asia, sicut unicuique sua domus, nota esse debeat, cum ad tuam summam prudentiam tantus usus accesserit, nihil esse, quod ad laudem attineat, quod non tu optime perspicias, et tibi non, sine cujusquam hortatione, in mentem veniat quotidie. Sed ego, qui, cum tua lego, te audire, et qui, cum ad te scribo, tecum loqui videor: idcirco et tua longissima quaque epistola maxime delector, et ipse in scribendo sæpe sum longior. Illud te ad extremum et oro et hortor, ut, tamquam poetæ boni, et actores industrii solent, sic tu in extrema parte et conclusionem muneris ac negotii tui diligentissimis sis, ut hic tertius annus imperii tui, tamquam tertius actus, perfectissimus atque ornatissimus fuisse videatur. Id facillime facies, si me (cui semper uni magis, quam universis, placere voluisti) tecum semper esse putabis, et omnibus iis rebus, quas dices ac facies, interesse. Reliquum est, ut te orem, ut valitudini tuæ, si me et tuos omnes valere vis, diligentissime servias.

66 In qua cavendum est.] Qua refectio scripsit more suo: in quo cavendum sunt sc. ad gloriam. Sed Cicero sine dubio est: nam illud durius est.

ARGUMENTUM.

2

De Statii liberti nimis apud Quintum gratiosi adventu, et hominum de eo sermonibus et querelis: de Græcis, quos commendaverat, aut quibus videbatur indulgere, excusatio: de litteris Quinti iniquis, duris, contrariis, de eisque tollendis consilium: L. Flavii, cui hereditas in Asia venerat, aliorumque commendatio: objurgationum suarum excusatio, ac tandem de rebus publicis commemoratio.

MARCUS Q. FRATRI S.

STATIUS ad me venit a. d. viii Kalend. Novembr. 1
ejus adventus, quod ita scripsisti, direptum iri te a tuis,
dum is abesset, molestus mihi fuit. Quod autem ⁶⁷ex-
spectationem tui, concursumque eum, qui erat futurus, si
una tecum decederet, neque antea visus esset, sustulit; id b.
mihi non incommode visum est accidisse. Exhaustus enim
est sermo hominum, et ⁶⁸multis emissæ jam ejusmodi vo-
ces, ἀλλὰ αἰεὶ τίνα φῶτα μέγαν. quæ te absente confecta esse
lætor. Quod autem idcirco a te missus est, mihi ut se pur-
garet, id necesse minime fuit. Primum enim numquam ille
mihi fuit suspectus: neque ego, quæ ad te de illo scripsi,
scripsi meo judicio, sed cum ratio, salusque omnium nos-
trûm, qui ad rempublicam accedimus, non veritate solum,
sed etiam fama niteretur, sermones ad te aliorum semper,
non mea judicia perscripsi. qui quidem quam frequentes
essent, et quam graves. adventu suo Statius ipse cognovit.
Etenim intervenit nonnullorum querelis, quæ apud me de
illo ipso habebantur: et sentire potuit, sermones iniquorum
in suum potissimum nomen erumpere. Quod autem me
maxime movere solebat, cum audiebam, illum plus apud
te posse, quam gravitas illius ætatis et imperii prudentia
postularet, (quam multos enim mecum egisse putas, ut se
Statio commendarem? ⁶⁹quam multa autem ipsum ἀφελῶς
mecum in sermone ita protulisse?) id mihi non placuit:
monui, suasi, deterrui. Quibus in rebus etiamsi fidelitas

67 [Expectationem -- sustulit.] Nempe omnes erant cupidi videndi illum libertum, qui tam gratus apud Quintum esse diceretur; unde magnos concursus fore putabat Q. si una secum e provincia venisset Romam. eos igitur concursus non sperabat, si solus venisset. M. Ciceroni hoc commodum videbatur. pro accidisse malum cecidisse. nam eo verbo Cicero in tali sententia utitur.

68 [Multis emisse, &c.] Voces, quibus indicarent, non esse Statium talem, qualem putassent: nec esse, qui tam potens esse apud Quintum potuerit. nam id est in verbis Homeri: idque adeo valdebat ad invidiam Quinti minuendam.

69 [Quam multa -- ita protulisse.] Ut appareret, eum se valde potentem apud te existimare.

summa est, (quod prorsus credo, quoniam tu ita judicas,) tamen species ipsa tam gratiosi liberti, aut servi, dignitatem habere nullam potest. Atque hoc sic habeto, (nihil enim nec temere dicere, nec astute reticere debeo,) materiam omnem sermonum eorum, ⁷⁰ qui de te detrahere vellent, Statium dedisse: et antea tantum intelligi potuisse, iratos tuæ severitati esse nonnullos: hoc manumisso, iratis, quod lo-
 2 querentur, non defuisse. Nunc respondebo ad eas episto-
 p. 300. las, quas mihi reddidit L. Cæsius, (cui, quoniam ita te velle
 a. intelligo, nullo loco decro,) quarum altera est de Blaudentio Zeuxide, quem scribis certissimum matricidam tibi a me intime commendari. Qua de re, et de hoc genere toto, ne forte me in Græcos tam ambitiosum factum esse mirere, pauca cognosec. Ego cum Græcorum querelas nimium valere sentirem, propter hominum ingenia ad fallendum parata: quoseumque de te queri audivi, quacumque potui ratione placavi. Primum Dionysipolitas, qui erant ⁷¹ inimicissimi mei, lenivi: quorum principem Hermippum non solum sermone meo, sed etiam familiaritate devinxi. Ego Apamensem Hephæstum, ego levissimum hominem, Megaristum Antandrium, ego Niciam Smyrnæum, ego ⁷² nugas maximas omni mea comitate sum complexus, Nymphontem etiam Colophonium. quæ feci omnia, non quo me, aut ii homines, aut tota natio delectaret: pertæsum est levitatis, ⁷³ assentationis, animorum, non officiis, sed temporibus servientium. Sed, ut ad Zeuxim revertar: cum is de M. Cascellii sermone secum habito, quæ tu scribis, ea ipsa loqueretur, obstiti ejus sermoni, et hominem in familiaritatem recepi. Tua autem quæ fuerit cupiditas tanta, nescio, quod scribis cupiisse te, quoniam Smyrnæ ⁷⁴ duo Mysos insuisses in culeum, simile in superiore parte provinciae edere exemplum severitatis tuæ, et idcirco Zeuxim elicere omni ratione voluisse: quem adductum in iudicium fortasse dimitti non oportuerit; conquiri vero, et eliei blanditiis (ut tu scribis) ad iudicium, necesse non fuit; cum præsertim hominem, quem ego et ex suis civibus, et

70 Qui de te d. vellent.] Vellent edidi pro velint, ut max est loquerentur.

71 Inimicissimi mei.] P. Manutius aut tui legendum, aut delendum mei putat bene, opinor.

72 Nugas maximas.] Homines nugacis-

simos et nullius pretii.

73 Assentationis, animorum.] An hominum? quod conjungatur cum servientium.

74 Duo Mysos.] Duo pro duas bene e Ms. Manut. Mysos edd. pr. non Mysios.

ex multis aliis quotidie magis cognosco nobiliorem esse prope, quam civitatem suam. At enim Græcis solis indulgeo. Quid? L. Cæcilium nunc omni ratione placavi? ^{b.} quem hominem? qua ira? quo spiritu? quem denique, præter Tuscenium, ⁷⁵ cuius causa sanari non potest, non mitigavi? Ecce ⁷⁶ supra caput homo levis ac sordidus, sed tamen equestri censu, Catienus: etiam is lenietur. cuius tu in patrem quod fuisti asperior, non reprehendo: certo enim scio, te fecisse cum causa. sed quid opus fuit ejusmodi literis, quas ad ipsum misisti? illum crucem sibi ipsum constituere, ex qua tu enim ante detraxisses: te curaturum, ⁷⁷ fimo ut combureretur, plaudente tota provincia. Quid vero ad C. Fabium, nescio quem? (nam eam quoque epistolam T. Catienus circumgestat.) renuntiari tibi, ⁷⁸ Licinium plagiarium cum suo pullo milvino tributa exigere? Deinde rogas Fabium, ut et patrem et filium vivos comburat, si possit: sin minus, ad te mittat, uti iudicio comburantur. Hæ litteræ abs te per jocum missæ ad C. Fabium, si modo sunt tuæ, cum leguntur, invidiosam atrocitatem verborum habent. Ac, si omnium mearum litterarum præcepta repetes; intelliges, nihil esse a me, nisi orationis acerbicatem et iracundiam, et, si forte, raro litterarum missarum indiligentiam reprehensam. Quibus quidem in rebus si apud te plus auctoritas mea, quam tua sive natura paullo acrior, sive quædam dulcedo iracundiæ, sive dicendi sal facetiæque ⁷⁹ valuisset, nihil sane esset, quod nos pœniteret. Et mediocri me dolore putas affici, cum audiam, qua sit existimatione Virgilius, qua tuus vicinus ⁸¹ C. Octavius? Nam si te interioribus vicinis tuis, ⁸² Ciliciensi et Syriaco antepois, valde magnum facis. Atque is dolor est, quod cum ii, quos nominavi, te innocentia non

75 Cuius causa sanari non potest.] Sc. quia in eum jam severe animadverterat, ut est in ep. 1.

76 Supra caput.] Int. adstat. Virg. Æn. 194. tum mihi - - supra caput adstitit imber. habet autem significationem molestiæ, quam ille, querendo de fratre, Ciceroni attulit.

77 Fumo ut combureretur.] Credo, fumo esse vitiosum. nec tamen placet Ursini conjectura fumno.

78 Licinium cum suo pullo milv.] Pulum intelligo filium, quia mox pater et filius junguntur de iisdem sine dubio. Ce-

terum res non intelligitur. Licinius videtur esse idem, qui est II, 1. negotiator in provincia Ciceronis.

79 Valuisset.] Vulgg. omnes valuisse, vitiose. pendet enim verbum ex auctoritas mea, quod valuisset postulare. mox quod est pro quare: alias esse deberet cuius.

80 Cum audiam.] Immo, cum audio: sic in hac sententia Cicero dicit.

81 C. Octavius.] V. supra ad ep. I, 8.

82 Ciliciensi et Syriaco.] Ciliciensis qui fuerit, ignoratur; Syriacus fuit L. Marcianus, Phil. XI, 12. — valde magnum facis, ironia est.

- p. 301. vincant, vincunt tamen artificio benivolentiæ colligendæ,
 a. qui neque **Cyrum Xenophontis**, neque **Agasilaum** noverint :
 quorum regum summo in imperio nemo umquam verbum
 ullum asperius audivit. Sed hæc a principio tibi præci-
 3 piens, quantum profecerim, non ignoro. Nunc tamen de-
 cedens (id quod mihi jam facere videris) relinque, quæso,
 quam jucundissimam memoriam tui. ⁸³ Successorem habes
 perblandum : cetera valde illius adventu tua requirentur.
 In litteris mittendis (ut sæpe ad te scripsi) nimium te ex-
 orabilem præbuiisti. tolle omnes, si potes, iniquas, tolle in-
 usitatas, tolle contrarias. Staius mihi narravit, scriptas
 ad te solere asserri, ab se legi : et, si iniquæ sint, fieri te
 certiozem. antequam vero ipse ad te venisset, nullum de-
 lectum litterarum fuisse : ex eo esse volumina selectarum
 epistolarum, quæ reprehendi solerent. Hoc de genere nihil
 te nunc quidem moneo. sero est enim : ac scire potes,
 multa me varie diligenterque monuisse. Illud tamen, quod
 Theopompo mandavi, enim essem admonitus ab ipso, vide
 per homines amantes tui, quod est facile, ut hæc genera
 tollantur epistolarum, primum iniquarum, deinde contrari-
 arum, tum absurde et inusitate scriptarum : postremo in
 aliquem contumeliosarum. Atque ego hæc tam esse, quam
 audio, non puto : et si sunt occupationibus tuis minus ani-
 madversa, nunc perspice et purga. Legi epistolam, ⁸⁴ quam
 ipse scripsisse Sulla nomenclator dietus est, non proban-
 dam : legi nonnullas iraeundas. sed tempore ipso de epi-
 stolis. Nam eum hanc paginam tenerem, L. Flavius, præ-
 tor designatus, ad me venit, homo mihi valde familiaris. Is
 mihi, te ad procuratores suos litteras misisse ; quæ mihi
 visæ sunt iniquissimæ : ne quid de bonis, quæ L. Octavii
 Nasonis fuissent, cui L. Flavius heres est, deminuerent an-
 te, quam C. Fundanio pecuniam solvissent. Itemque mi-
 sisse ad Apollonidienses, nec de bonis, quæ Octavii fuis-
 sent, deminui patèrentur, priusquam Fundanio debitum so-
 lutum esset. Hæc mihi verisimilia non videntur. sunt enim
 a prudentia tua remotissima. Ne deminuat heres ? Quid ?
⁸⁵ si infitiat ? Quid si omnino non debetur ? Quid ? ⁸⁶ præ-

⁸³ Successorem habes.] Qui fuerit, non
 reperi traditum.

⁸⁴ Quam ipse scripsisse Sulla, &c.]
 Cur ipse additum sit, non video.

⁸⁵ Si infitiat.] Se debere, vel deberi.

⁸⁶ Prætor solet judicare deberi.] Nam
 iudicium est de facto, quod non est præ-
 toris : qui tantum jus dicit : in quo non
 est de facto iudicium.

tor solet judicare deberi? Quid? ego Fundanio non cupio? non amicus sum? non misericordia moveor? nemo magis: sed via juris ejusmodi est quibusdam in rebus, ut nihil sit loci gratiæ. Atque ita mihi dicebat Flavius scriptum in ea epistola, quam tuam esse dicebat,⁸⁷ te aut quasi amicis tuis gratias acturum, aut quasi inimicis incommoda laturum. Quid multa? ferebat graviter,⁸⁸ id vehementer mecum querebatur, orabatque, ut ad te quam diligentissime scriberem: quod facio, et te prorsus vehementer etiam atque etiam rogo, ut et procuratoribus Flavii remittas de deminuendo, et de Apollonidiensibus, ne quid perscribas, quod contra Flavium sit: amplius, et Flavii causa, et scilicet Pompeii, facias omnia. Nolo mediusfidius ex tua injuria in illum, tibi liberalem me videri:⁸⁹ sed et te oro, ut tu ipse auctoritatem et monumentum aliquod decreti, aut litterarum tuarum relinquant, quod sit ad Flavii rem et ad causam accommodatum. Fert enim graviter homo et mei observantissimus, et sui juris dignitatisque retinens, se apud te neque amicitia, neque jure valuisse: et, ut opinor, Flavii aliquando rem et Pompeius et Cæsar tibi commendarunt: et ipse ad te scripserat Flavius,⁹⁰ et ego certe. p. 302. Quare si ulla res est, quam tibi me faciendam petente putes,^{a.} hæc ea sit. Si me amas, cura, elabora, perfice, ut Flavius et tibi et mihi quam maximas gratias agat. hoc te ita rogo, ut majore studio rogare non possim. 4 Quod ad me de Herminia scribis, mihi meherecule valde molestum fuit. Litteras ad te parum fraterne scripseram: quas oratione Didoti, Luculli liberti, commotus, de pactione statim quod audieram, iracundius scripseram, et revocare cupiebam. huic tu epistolæ non fraterne scriptæ, fraterne debes ignoscere. De Censorino, Antonio, Cassio, Scævola, te ab iis diligere (ut scribis) vehementer gaudeo.⁹¹ cetera fuerunt in eadem epistola graviora; quam vellem, ὁρῶν τὰν ναῦν, et ἀπαξ δαείν. majora ista erunt. Meæ objurgationes

87 Te aut quasi amicis - - laturum.] Hæc non intelligo. pro incommoda laturum, Ms. ap. Gruterum incommodaturum. alii malint inc. allaturum. sensus quidem tale quid desiderat. nam opponitur τῷ gratias acturum.

88 Id vehementer.] Ser. et veh.

89 Sed et te oro, ut tu ipse.] Hæc offendant aures meas. Ciceronem credo dedisse, sed te oro, ut ipse.

90 Et ego certe.] Et delendum est: non solet Cicero in hac forma addere.

91 Cetera fuerunt - - ista erunt.] Vix certo licet assequi sententiam hujus loci. Si ad objurgationem trahamus illud graviora: quomodo conveniunt ei: quam vellem o. τ. v. et δ. s.? Videntur res valde tristes fuisse: quia de re læta præcessit, vehementer gaudeo.

fuerunt amoris plenissimæ, quæ sunt nonnullæ, sed tamen mediocres, et parvæ potius. Ego ⁹²te numquam ulla in re dignum minima reprehensione putassem, cum te sanctissime gereres, nisi inimicos multos haberemus. Quæ ad te aliqua admonitione aut objurgatione scripsi, scripsi propter diligentiam cautionis meæ, in qua et maneo et manebo, et, idem ut facias, non desistam rogare. Attalus Iphemenus mecum egit, ut se ne impedires, quo minus, quod ⁹³ad Q. Publiceni statuam decretum est, erogaretur: quod ego te et rogo et admoneo, ne talis viri, tanque nostri necessarij, honorem minui per te, aut impediri velis. Præterea Æsopi tragædi, nostri familiaris, Licinius servus, tibi notus, aufugit. Is Athenis apud Patronem Epicureum pro libero fuit. inde in Asiam venit. Postea Plato quidam Sardinianus, Epicureus, qui Athenis solet esse multum, et qui tum Athenis fuerat, cum Licinius eo venisset, cum fugitivum postea esse ex Æsopi litteris cognosset, hominem comprehendit, et in custodiam Ephesi tradidit: sed ⁹⁴in publicam, an in pistrinum, non satis ex litteris ejus intelligere potuimus. Tu, quoquo modo, quoniam Ephesi est, hominem investiges velim, summaque diligentia vel tecum deducas. Noli spectare, quanti homo sit: parvi enim pretij est, qui jam nihili sit: sed tanto dolore Æsopus est affectus propter servi scelus et audaciam, ut nihil ei gratius ⁵facere possis, quam si illum per te recuperarit. Nunc ea cognosce, quæ maxime exoptas. Rempublicam funditus amisimus: adeo ut Cato, adolescens nullius consilij, sed tamen civis Romanus, et Cato, ⁹⁵vix vivus effugeret; quod, cum Gabinium de ambitu vellet postulare, neque prætores diebus aliquot adiri possent, vel potestatem sui facerent, in concionem adseendit, et ⁹⁶Pompeium privatus dictato-

⁹² Te u. u. in re dignum m. r. p.] Dignum reprehensione non convenire videtur sequentibus, nisi inimicos multos haberemus, vel haberes. Nempe illud dignum non est nimis premocendum. vult dicere, nulla se reprehensione usurum fuisse, nisi inimici ejus multa de eo sparsissent, arrepta occasione aliqua, ut eum cautiores redderet: quod et sequentibus consentit.

⁹³ Ad Q. Publiceni statuam.] Publiceni quidem nomen vitiosum est. neo aliæ lectiones prolatae adhuc satisfaciunt, ut publicani, quod in Ms. Gruterus reperit, estque et in ed. Jens. Nomen hominis clari

requiritur.

⁹⁴ In publicam, an in pistrinum.] An ex ed. Rom. dedi. ceteræ inde a Jensonio habent vel, saper quo, sc. an vel pro an dici possit, est longa torquentis se Malaspinae nota.

⁹⁵ Vir vivus effugeret.] Scribendum sine dubio effugerit.

⁹⁶ Pompeium privatus.] Ed. Rom. privatum, quod et in Ms. reperit Wowerius. male. Dictator vel lege vel n Consule dicitur. iste privatus erat, productus ab aliquo magistratu in concionem: nam tribunus post demum factus est.

rem appellavit. propius nihil est factum, quam ut occideretur. Ex hoc, qui sit status totius reipublicæ, videre potes. Nostræ tamen causæ non videntur homines defuturi. mirandum in modum profitentur, offerunt se, pollicentur: et quidem cum spe sum maxima, tum majore etiam animo. spero superiores fore nos: ⁹⁷ confido animo, ut in hac re publica ne casum quidem ullum pertimescam: sed tamen res sic se habet. Si diem nobis Clodius dixerit; tota Italia concurret, ut multiplicata gloria discedamus: sin autem vi agere conabitur; spero fore, studiis non solum amicorum, sed etiam alienorum, ut vi resistamus. Omnes et se, et suos liberos, amicos, clientes, libertos, servos, pecunias denique suas pollicentur. Nostra antiqua manus bonorum ardet studio nostri atque amore. ⁹⁸ Si qui antea aut alieniores fuerant, aut languidiores, nunc horum regum odio se cum bonis conjungunt. Pompeius omnia pollicetur et Cæsar: quibus ego ita credo, ut nihil de mea comparatione deminuum. Tribuni plebis designati sunt nobis amici. Consules se optime ostendunt. Prætores habentur amicissimos, et acerrimos cives, Domitium, Nigidium, Memmium, Lentulum; bonos etiam alios: sed hos singulares. Quare magnum fac animum habeas, et spem bonam. De singulis tamen rebus, quæ quotidie gerantur, faciam te crebro certio rem.

ARGUMENTUM.

De pueris sine epistola missis se excusat, et de cælii miseria et calamitate graviter conqueritur.

MARCUS Q. FRATRI S.

MI frater, mi frater, mi frater, tunc id veritus es, ne ego iracundia aliqua adductus pueros ad te sine litteris miserim? aut etiam ⁹⁹ ne te videre noluerim? Ego tibi irascerer? tibi ego possem irasci? scilicet. tu enim me afflixisti: tui me inimici, tua me invidia, ac non ego te misere perdidisti. Meus ille laudatus consulatus, mihi te, liberos, patriam,

⁹⁷ *Confido animo, ut in hac rep.]* In facilius est: quia statim sequitur: *res sic conf. an. intell. ita. in hac republica, accipio, in hoc reipublicæ vel rerum statu,*

ut paullo ante dixit, sicque et alibi dicitur. Manutius corrigebat in hac re, probabatque Lambinus: nempe ut ad illam, de qua sequitur, rem pertineat. quod et

⁹⁸ *Si qui antea - - fuerant.]* Legendum *fuerunt.*

⁹⁹ *Ne te videre noluerim.]* Sic add. pr. non *noluerim*, ut posteriores quidam, Lamb. Gruterus, &c. edidere: vix consulto.

fortunas; tibi velim ne quid eripuerit, præter unum me. Sed certe a te mihi omnia semper honesta et jucunda ceciderunt; a me tibi luctus meæ calamitatis, metus tuæ, desiderium, maior, solitudo. Ego te videre noluerim? Immo vero me a te videri nolui. Non enim vidisses fratrem tuum: non eum, quem reliqueras: non eum, quem noras: non eum, quem flens flentem, prosequentem proficiscens dimiseras: ne vestigium quidem ejus, nec simulacrum; sed quandam effigiem spirantis mortui. Atque utinam me mortuum prius vidisses, aut audisses! ¹⁰⁰ utinam te non solum vitæ, sed etiam dignitatis meæ superstitem reliquiss-
 b. sem! Sed testor omnes deos, me hac una voce a morte esse revocatum, quod omnes in mea vita partem aliquam tuæ vitæ repositam esse dicebant. Quare peccavi, scelerateque feci. nam si cecidissem, mors ipsa meam pietatem amoremque in te facile defenderet. nunc commisi, ut vivo me careres, vivo me aliis indigeres: mea vox in domesticis periculis potissimum occideret, quæ sæpe alienissimis præsidio fuisset. Nam quod ad te pueri sine literis venerunt, quoniam vides ¹ non fuisse iracundiæ causa, certe pigritia fuit, et quædam infinita vis lacrymarum et dolorum. Hæc ipsa me quo fletu putas scripsisse? eodem, quo te legere certo scio. An ego possum aut non cogitare aliquando de te, aut umquam sine lacrymis cogitare? Cum enim te desidero, fratrem solum desidero? ² Ego vero suavitate fratrem, prope æqualem, obsequio filium, consilio parentem. Quid mihi sine te umquam, aut tibi sine me jucundum fuit? Quid, quod eodem tempore desidero filiam? qua pietate, qua modestia, quo ingenio? effigiem oris, sermonis, animi mei? Quid filium venustissimum, mihi que dulcissimum? quem ego ferus ac ferreus e com-

¹⁰⁰ Utinam te non solum vitæ, sed etiam dignitatis.] Res et sententia et sequentia videntur postulare, ut sit, non solum dignitatis, sed etiam vitæ.

¹ Non fuisse iracundiæ causa.] Causa est ex ed. Jens. sqq. Ed. Rom. causam, ut quædam aliæ veteres. Gruterus recte volebat deleri

² Ego vero suavitate prope fr. prope æqualem.] Hoc certe vitiosum est, ut omnes agnoscent, sed varie tentant. male quidam fratrem delent, ut Manutius. Sunt

tria, frater, filius, pater: et verbum fratris debet habere adjunctum substantivum, ut cetera. pntem: ego vero suavitate fratrem, abs. filium, consilio parentem: vel potius, ut edidi, suavitate fratrem prope æqualem, &c. in æqualibus enim, quorum consuetudine ulimur, suavitas quæritur maxime: et in fratribus ætatis discrimen aliquid etiam in consuetudine discriminis facit: non multo post est de Ciceronibus pueris: meus Cicero et amabat (sc. Q. Cic.) ut fratrem, et jam ut majorem fratrem verebatur.

plexu dimisi meo, ³ sapientiore puerum quam vellem. sentiebat enim miser jam, quid ageretur. Quid vero tuum filium? ⁴ quid imaginem tuam, quam meus Cicero et amabat, ut fratrem, et jam, ut majorem fratrem, verebatur? Quid? quod mulierem miserimam, fidelissimam conjugem, me prosequi non sum passus, ut esset quæ reliquias communis calamitatis, communes liberos tueretur? Sed tamen, quoque modo potui, scripsi, et dedi litteras ad te Philogono, liberto tuo, quas credo tibi postea redditas esse: in quibus idem te hortor et rogo, quod pueri tibi verbis meis nuntiarunt, ut Romam protinus pergas et properes. p. 301.
a. Primum enim te præsidio esse volui, si qui essent inimici, quorum crudelitas nondum esset nostra calamitate satiata. Deinde congressus nostri lamentationem pertinui: digressum vero non tulissem: atque etiam idipsum, quod tu scribis, metuebam, ne a me distrahi non posses. His de causis hoc maximum malum, quod te non vidi, quo nihil amantissimis et conjunctissimis fratribus acerbius ac miserius videtur accidere potuisse, minus acerbum, minus miserum fuit, quam fuisset cum congressio, tum vero digressio nostra. Nunc, si potes, id quod ego, qui fortis tibi semper videbar, non possum, erige te, et confirma, si qua subeunda dimicatio erit. Spero, si quid mea spes habet auctoritatis, tibi et integritatem tuam, et amorem in te civitatis, et aliquid etiam misericordiam nostri, præsidii laturam. sin eris ab isto periculo vacuus: ages scilicet, si quid agi posse de nobis putabis. de quo scribunt ad me quidem multi multa, et se sperare demonstrant: sed ego, quid sperem, non dispicio, cum inimici plurimum valeant, amici partim deseruerint me, partim etiam prodiderint: qui in meo reditu fortasse reprehensionem sui sceleris pertimescant. Sed ista qualia sint, tu velim perspicias, mihi que declares. Ego tamen, quamdiu tibi opus erit, si quid periculi subenudum videbis, vivam. diutius in hac vita esse non possum. Neque enim tantum virium habet ulla aut prudentia, aut doctrina, ut tantum dolorem possit sustinere. Scio fuisse et honestius moriendi tempus, et utilius: sed non hoc solum, multa

3 *Sapientiore puerum, quam vellem.*] Sapientiore, quia intelligebat plus, quam puer. *quam vellem*, quia malebat pater, filium non intelligere magnitudinem mali, ut minus doleret.

4 *Quid imaginem meam.*] Sic omnes libri: at ego non dubitavi edere *tuam*, ut Manutio et Lambino placuit. nam res ipsa sic jubet. in blanditiis est, liberos parentibus simillimos dicere.

alia prætermisi: quæ si queri velim præterita; nihil agam,
 b. nisi ut augeam dolorem tuum, indicem stultitiam meam.
 Illud quidem nec faciendum est, nec fieri potest, ⁵ me diutius, quam aut tuum tempus, aut firma spes postulabit, in tam misera, tamque turpi vita commorari: ut, qui modo fratre fuerim, liberis, conjuge, ⁶ copiis, genere ipso pecuniæ beatissimus, dignitate, auctoritate, existimatione, gratia non inferior, quam qui umquam fuerunt amplissimi: is nunc, in hac tam afflicta perditæque fortuna, neque me, neque meos lugere diutius possim. Quare quid ad me scripsisti de permutatione? quasi vero nunc me non tuæ facultates sustineant. qua in re ipsa video miser et sentio, quid sceleris admiserim, cum de visceribus tuis et filii tui satisfactorius sis, quibus debes: ego, ⁷ acceptam ex ærario pecuniam tuo nomine, frustra dissiparim. Sed tamen et M. Antonio, quantum tu scripseras, et Cæpioni tantumdem solutum est: mihi ad id, quod cogito, hoc, quod habeo, satis est. sive enim restituimur, sive desperamur, nihil amplius opus est. Tu, ⁸ si forte quid erit molestiæ, te ad Crassum et ad Calidum conferas, censeo. Quantum Hortensio credendum sit, nescio. me summa simulatione amoris, summaque assiduitate quotidiana, sceleratissime insidiosissimeque tractavit, adjuncto quoque Arrio: quorum ego consiliis, promissis, præceptis destitutus, in hanc calamitatem incidi. Sed hæc occultabis, ne quid obsint. Illud caveto: et eo puto, per Pomponium fovendum tibi esse ipsum Hortensium, ne ille ⁹ versus, qui in te erat collatus, cum ædilitatem petebas, de lege Aurelia, falso testimonio confirmetur. Nihil enim tam timeo, quam ne, cum intelli-

5 *Me diutius - - commorari.*] Hæc pendent ex illud quidem; ex nec faciendum est, nec fieri potest, sequentia, ut, qui modo - - is nunc - - neque me, neque meos lugere diutius possim.

6 *Copis, genere ipso pecuniæ.*] Manutius malebat genere ipso, pecunia, ut ad Pisonem pertineret. Sed locus verbi est ab ea conjectura alienus, dixisset: conjuge, genero, copiis: tum pecunia frigeret, quæ in copiis intelligitur. genere ipso pecunia dicit, quod copias suas non malis artibus compararat, sed parsimonia et hereditatibus, quæ ei a viris bonis venerant benevolentia: causa et honoris.

7 *Acceptam ex ærario p. tuo nomine.*] Quæ ei ex ærario debebatur, ut prætori

Asiæ decreta a senatu.

8 *Si forte quid erit molestiæ.*] Sc. a creditoribus, qui dicuntur molesti esse, cum debitores appellant.

9 *Versus, qui in te erat collatus.*] Ignoratur, sed res docet, in eo fuisse objectum Quinto ambitum pecuniarium. versus de lege Aurelia indicat, in eo legem Aureliam commemoratam fuisse. Saspicatus sum interdum, de lege Aurelia esse a glossa. nam cum versus in aliquem collatus dicitur, indicatur applicatio versus, qui erat de alio proprie scriptus: in versu igitur, qui in Quintum conferebatur, non poterat lex Aurelia commemorari. Sed potest esse interpretatio Ciceronis ipsius. — falso, testimonio, Hortensii sc.

gant homines, ¹⁰ quantum misericordiæ nobis tuæ preces et tua salus allatura sit, oppugnent te vehementius. Messalam tui studiosum esse arbitror: Pompeium etiam simulatorem puto. Sed hæc utinam non experiare! quod precarer deos, nisi meas preces ¹¹ audire desissent. Verumtamen precor, ut his infinitis nostris malis contenti sint: in quibus ¹² non modo tamen nullius inest peccati infamia; sed omnis dolor est, quod optime factis pœna est maxima constituta. Filiam meam et tuam, Ciceronemque nostrum, quid ego, mi frater, tibi commendem? quin illud mæreo, quod tibi non minorem ¹³ dolorem illorum orbitas afferet, quam mihi. Sed, te incolumi, orbi non erunt. Reliqua, ita mihi salus aliqua detur, potestasque in patria moriendi, ut me lacrymæ non sinunt scribere. Etiam Terentiam velim tueare, mihi que de omnibus rebus rescribas. Sis fortis, quoad rei natura patiatur. Idibus Juniis, Thessalonicæ.

p. 305.
a.

ARGUMENTUM.

4

De perfidia, timore et invidia amicorum conqueritur, et quid sit sperandum de reditu, vere ad se perscribi cupit.

MARCUS Q. FRATRI S.

AMABO te, mi frater, ne, si uno meo facto et tu et omnes mei corruistis, improbitati et sceleri meo potius, quam imprudentiæ miseræque assignes. nullum est meum peccatum, nisi quod iis credidi, a quibus ¹⁴ nefas putabam esse me decipi, aut etiam, quibus ne id expedire quidem arbitrabar. intimus, proximus, familiarissimus quisque aut sibi pertimuit, aut mihi invidit. ita mihi nihil misero præter fidem amicorum, ¹⁵ cautum meum consilium fuit. Quod si te satis innocentia tua et misericordia hominum vindicat hoc tempore a molestia: perspicis profecto, ecquænam nobis spes salutis relinquatur. Nam me Pomponius, et

10 Quantum misericordiæ, &c.] Misericordiæ videtur lenius esse, quam pro re. scripsit miseriæ, ut opinor. Sic et ep. 4. olim edebatur imprudentiæ misericordiæque assigno, pro miseriæque.

11 Audire desissent.] Edd. pr. desissent. melius.

12 Non modo tamen nullius - sed omnis dolor.] Scio, post non modo non. non semper esse, sed ne quidem. v. Clav. in non modo. sed h. l. tamen est durius: me-

liusque abesset non modo.

13 Dol. illorum orbitas afferet.] Sic edidi pro affert, ut vulgo editur. ed. Rom. habet afferrat, ed. Jens. affert. afferet Mss. Paris.

14 Nefas putaram.] Edd. pr. putarem. Legendum est putabam, nam et in altero membro est arbitrabar.

15 Cautum m. consilium fuit.] Vera est correctio Malaspinæ defuit.

Sextius, et Piso noster adhuc Thessalonicae retinuerunt, cum longius discedere, propter nescio quos motus, varent. verum ego magis exitum, illorum litteris, quam spe
 b. certa exspectabam. Nam quid sperem, potentissimo inimico, dominatione obtreptatorum, infidelibus amicis, pluribus invidis? De novis autem tribunis plebis est ille quidem in me officiosissimus Sextius, et, spero, ¹⁶Curtius, Milo, Fadins, Gratidius; sed valde adversante Clodio: qui etiam privatus eadem manu poterit conciones concitare: deinde etiam intercessor parabitur. Haec mihi proficiscenti non proponebantur: sed saepe triduo summa cum gloria dicebar esse rediturus. Quid tu igitur? inquires. quid? multa convenerunt, quae ¹⁷mentem exturbarent meam: subita defectio Pompeii, alienatio consulum, etiam praetorum, timor ¹⁸publicanorum, arma. lacrymae meorum me ¹⁹ad mortem ire prohibuerunt: quod certe et ad honestatem et ad effugiendos intolerabiles dolores fuit aptissimum. Sed de hoc scripsi ad te in ea epistola, quam Phaethoni dedi. Nunc tu, quoniam in tantum luctum et laborem detrusus es, quantum nemo umquam: si relevare potes communem casum misericordia hominum; scilicet incredibile quiddam assequeris: sin plane accidimus; (me miserum!) ego omnibus meis exitio fuero, quibus ante dedecori non eram. Sed tu, ut ante ad te scripsi, perspice rem et pertenta: et ad me, ut tempora nostra, non ut amor tuus fert, vere perscribe. Ego vitam, quoad putabo tua interesse, aut ad spem servandam esse, retinebo. Tu nobis amicissimum Sextium cognosces: ²⁰credo tua causa velle Lentulum, qui erit consul. quamquam sunt facta verhis difficiliora. Tu et quid opus sit, et quid sit, videbis omnino. Si tuam solitudinem communemque calamitatem nemo despexerit: aut per te confici aliquid, aut nullo modo poterit. sin te quoque inimici vexare coeperint, ne cessaris. non enim gladius mecum, sed litibus agitur. Ve-

16 Curtius.] Sic edd. omnes. at Curtius esse legendum, bene docet Pighius ad a. 696.

17 Mentem exturbarent meam.] An conturbarent? quia in vulgato nimium est, et deberet esse exturbarent mihi.

18 Publicanorum arma.] Quomodo arma publicanorum poterant timeri? Manutius sic interpungebat: alienatio consu-

lum, etiam praetorum, timor publicanorum, arma, bene, opinor. nam equitum studiis Cicero confidebat. arma pertinent ad plebem.

19 Ad mortem ire.] Per vim resistendo Clodianis.

20 Credo tua causa vel Lentulum.] Ms. Paris. optimus velle Lentulum, quod cum Alemanno recepi.

rum hæc absint velim. Te oro, ut ad me de omnibus rebus scribas, et in me animi potius, aut consilii putes minus esse, quam antea; amoris vero et officii non minus.

M. TULLII CICERONIS
EPISTOLARUM

AD

QUINTUM FRATREM

LIBER II.

ARGUMENTUM.

1

Commemorat quid in Senatu sit actum, referente primum Lupo de lege C. Cæsaris, qua agrum Campanum plebi Romanæ dividi tulerat, deinde Racilio de judiciis, utrum ante, an vero post ædilitia comitia habenda sint. Scripta Lentulo Spinthere et Q. Metello Nepote Coss.

MARCUS Q. FRATRI S.

EPISTOLAM, quam legisti, mane dederam. sed fecit humaniter Licinius, quod ad me, misso senatu, vesperi venit, ut, ¹si quid esset actum, ad te (si mihi videretur) perscriberem. Senatus fuit frequentior, quam putabamus esse posse mense Decembri ²sub dies festos. Consulares nos fuimus, et duo consules designati, P. Servilius, M. Lucullus; Lepidus, Volcatius, Glabrio prætores. sane frequentes fuimus: omnino ad ducentos. Commorat expectationem Lupus. egit causam agri Campani sane accurate. auditus est magno silentio. ³materiam rei non ignoras. nihil ex nostris actionibus prætermisit. Fuerunt nonnulli aculei in C. Cæsarem, contumeliæ in Gellium; expostulationes cum absente Pompeio. Causa sero perorata, sententias se rogaturum negavit, ne quod onus simultatis nobis imponeret. Ex superiorum temporum conviciis, et ex præsentis silentio, quid senatus sentiret, se intelligere dixit.

¹ Si quid esset actum.] Confectum, decretum de republica.

² Sub dies festos.] Saturnalia.

³ Materiam rei non ignoras.] I. e. quantum dicendi materiam illa res de agro Campano habeat.

⁴ In illo cœpit dimittere. Tum Marcellinus, noli, inquit, ex taciturnitate nostra, Lupe, quid aut probemus hoc tempore, aut improbemus, judicare. Ego, quod ad me attinet, idemque arbitror ceteros, idcirco taceo, quod non existimo, cum Pompeius absit, causam agri Campani agi convenire. Tum ille, se senatum negavit tenere. Racilius surrexit, et ⁵ de judiciis referre cœpit. Marcellinum quidem primum rogavit. Is cum graviter de Clodianis incendiis, trucidationibus, lapidationibus questus esset, sententiam dixit, ⁶ ut ipse iudices per prætorem urbanum sortiretur; iudicium sortitione facta, comitia haberentur: qui iudicia impedivisset, cum contra rempublicam esse facturum. Approbata valde sententia, C. Cato contra dixit, et Cassius, ⁷ maxima acclamatione senatus, cum comitia judiciis anteferet. Philippus assensit Lentulo. Postea Racilius de privatis me primum sententiam rogavit. Multa feci verba de toto furore, latrocinioque P. Clodii: cum, tamquam reum, accusavi, multis et secundis admurmurationibus cuncti senatus. Orationem meam collaudavit satis multis verbis, ⁸ non meherecule indiserte, Severus Antistius: isque iudiciorum causam suscepit, antiquissimamque se habiturum dixit. Ibatur in eam sententiam. Tum Clodius rogatus, diem dicendo eximere cœpit. furebat, a Racilio se ⁹ contumaciter inurbaneque vexatum. Deinde ejus operæ repente a Græcostasi et gradibus clamorem satis magnum sustulerunt, opinor in Q. Sextilium et amicos Milonis incitatae. Eo metu injecto, repente, magna querimonia omnium, discessimus. Habes acta unius dici. reliqua, ut arbitror, in mensem Januarii rejiciuntur. De tri-

p. 307.

a.

⁴ In illo c. d.] Hoc dicto voluit dimittere senatum. Sic corrigi voluit Manutius vulgatum Milo, quia sic Alemaunus in Ms. regio reperit. cum ipso recepi.

⁵ De judiciis.] Habendis in eos, quorum nomina delata essent, in primis sc. in Clodium, qui de vi reus orat: quæ a tribb. pl. impediebantur.

⁶ Ut ipse iudices per pr. urb. sortiretur.] Ipse intelligendus Clodius. per prætorem urb. qui et decurias iudicium scribebat. Manutius autem et Lambinus malebant legi, ut ipse iudices prætor urbanus sortiretur. in qua lectione ipse friget. Alemaunus e Mss. regis edidit, ut ipsi iudices per prætorem urbanum sortirentur, i. e. præsentente ac sortitionem regente prætor urb.

sane iudices dicantur sortiri; sed sententia commoda non est.

⁷ Maxima acclamatione.] Accipendum in partem deteriorem.

⁸ Non meherecule indiserte Severus Antistius.] Tunstallus, p. 9. interpungit post indiserte, refertque collaudavit ad Racilium, et legit post Severius. Nempe hic Antistius non est Severus ille, sed Sextus Antistius Vetus. Quid si: non indiserte Sextus Ant. vel Vetus Antistius?

⁹ Contumaciter inurbaneque.] Inurbaneque placebat Mamutio, quod in libro aliquo repererat. res sane hoc postulat, et rō contumaciter. quia sic est in ed. Rom. recepi.

bunis plebis longe optimum Raciliū habemus. videtur etiam Antistius amicus nobis fore. nam Plancius totus noster est. Fac, si me amas, ut consideratē diligenterque naviges de mense Decembri.

p. 307.
a.

ARGUMENTUM.

2

Respondet de Lentuli et Sexti nominibus exigendis et Pomponianis inde dissolvendis, aliisque rebus domesticis: et de rege Alexandrino reducendo quid decretum et actum sit, et quale totum negotium sit, breviter commemorat.

MARCUS Q. FRATRI S.

NON occupatione, qua eram sane impeditus, sed parvula lippitudine adductus sum, ut dictarem hanc epistolam: et non, ut ad te solco, ipse scriberem. Et primum me tibi excuso in eo ipso, in quo te accuso. me enim adhuc nemo rogavit, num quid in Sardiniam vellem: te puto ¹⁰sæpe habere, qui, num quid Romam velis, quærant. Quod ad me de Lentuli et Sexti nomine scripsisti, locutus sum cum Cincio. quoquo modo res se habet, non est facilima, sed habet profecto quiddam Sardinia appositum ad recordationem præteritæ memoriæ. Nam, ¹¹ut ille Gracchus augur, posteaquam in istam provinciam venit, recordatus est, quid sibi, in campo Martio comitia consulum habenti, contra auspicia accidisset: sic tu mihi videris in Sardinia ¹²de forma Minuciana, et de nominibus Pomponianis in otio recogitasse. Sed ego adhuc emi nihil. Culleonis auctio facta est. Tusculano emtor nemo fuit. si conditio valde bona fuerit, fortasse non omitterem. De ædificatione tua Cyrum urgere non cesso. spero cum in officio fore. sed omnia sunt tardiora, propter ¹³furiosæ adilitatis expectationem. Nam comitia sine mora futura videntur. edicta sunt a. d. XI Kal. Febr. Te tamen sollicitum esse nolo. omne genus a nobis ¹⁴cautionis adhibebitur. De rege Alexandrino factum est senatus consultum, cum multitudine

¹⁰ *Sæpe habere.*] Vulgati addunt *etsi non semper*; quod est ineptum, delevitque P. Manutius, quod in Mss. pluribus non repererat, ed. Rom. sic habet, *te puto, etsi non semper, sæpe certe habere*: paullo melius. Sed Manutium secuti sumus, ex cuius correctione abest ab ed. Ald. nepotitis majore.

¹¹ *Ut ille Gracchus.*] Res narratur planius Nat. D. II. 4. ubi v. Boherius. add. Div. I, 17.

¹² *De forma Minuciana.*] Sc. ædificii Quinto struendi cf. ep. 6.

¹³ *Furiosæ adilitatis.*] Sc. Clodiane.

¹⁴ *Cautionis.*] Sc. a Clodii vi et insidijs.

eum reduci, periculosum reipublicæ videri. Reliqua cum esset in senatu contentio, Lentulusne ad Pompeius reduceret; b. obtinere causam Lentulus videbatur. In ea re nos et officio erga Lentulum mirifice, et voluntati Pompeii præclare satisfacimus. sed per obtrectatores Lentuli ¹⁵ res calumnia extracta est. Consecuti sunt dies comitiales, per quos senatus haberi non poterat. Quid futurum sit latrocinio tribunorum, non divino : sed tamen suspicor, per vim ¹⁶ rogationem Caninium perlaturum. In ea re Pompeius quid velit, non dispicio. Familiares ejus quid cupiant, omnes vident. Creditores vero regis, aperte pecunias suppeditant contra Lentulum. Sine dubio res a Lentulo remota videtur esse, cum magno meo dolore: quamquam multa fecit, quare, si fas esset, jure ei succensere possemus. Tu, ¹⁷ si ita expedit, velim quam primum bona et certa tempestate conscendas, ad meque venias. innumerabiles enim res sunt, in quibus te quotidie in omni genere desiderem. Tui nostrique valent. XIII Kal. Febr.

3

ARGUMENTUM.

Quid in Senatu sit actum, inprimisque quæ in judicio de Milone, quem Clodius de vi accusaverat ad populum, acciderint, commemorat, et quæ sit expectatio ejusdem judicii in Quirinalia a Clodio dilati. De Sextio de ambitu a Cn. Nerio, et de vi a M. Tullio postulato: de SCto, quo centuriati et decurii discedere jubebantur: de Bestia ambitus reo a se defenso; et alia domestica.

MARCUS Q. FRATRI S.

SCRIPSI ad te antea superiora: nunc cognosce, postea quæ sint acta. A Kal. Febr. legationes in Idus Febr. rejiciebantur, eo die res confecta non est. a. d. IIII Non. Febr. Milo affuit. ei Pompeius advocatus venit. Dixit Marcellus, a me rogatus. honeste discessimus. producta dies est in IIII Id. Febr. Interim rejectis legationibus in Idus, referebatur de provinciis quæstorum, et de ornandis prætoribus. Sed res, multis querelis de republica interponendis, nulla transacta est. Cato legem promulgavit de imperio Lentuli abrogando. vestitum filius mutavit. ¹⁸ A. d.

¹⁵ Res calumnia extr. est.] Sc. calumnia religionis, de qua in ep. ad Lentulum est.

¹⁶ R. Caninium perlaturum.] De Pompeio cum licitoribus duobus mittendo ad reducendum regem Ptolemæum. v. ad Div. I, 2.

¹⁷ Si ita expedit.] Faerni liber scr.

habebat, si ista expediti. sic et in aliis reperitur. Alenannus in Mss. non reperit, atque edidit: si ista expedis. in omnibus ista est.

¹⁸ A. d. VIII Id.] VIII correxi vulgatum numerum IV, c. sequentibus infra in hac ipsa epistola.

VIII Id. Febr. Milo affuit. dixit Pompeius, sive voluit. nam, ut surrexit, operæ Clodianæ clamorem sustulerunt: idque ei perpetua oratione contigit, non modo ut acclamatione, sed ut convicio et maledictis impediretur. qui ut peroravit: nam in eo sane fortis fuit: non est deterritus: dixit omnia; atque interdum etiam silentio, cum auctoritate ¹⁹ peregerat: sed ut peroravit, surrexit Clodius. ei tantus clamor a nostris, (placuerat enim referre gratiam,) ut neque mente, neque lingua, ²⁰ neque ore consisteret. Ea res acta est, cum H. VI vix Pompeius perorasset, usque ad H. VIII, cum omnia maledicta, versus etiam obscœnissimi in Clodium et Clodiam dicerentur. Ille furens et exsanguis interrogabat suos, in clamore ipso, quis esset, qui plebem fame necaret. respondebant operæ, Pompeius. Quis Alexandriam ire cuperet. Respondebant, Pompeius. Quem ire vellent. Respondebant, Crassum. Is aderat tum, Miloni animo non amico. H. fere IX, quasi signo dato, Clodiani nostros consputare cœperunt. Exarsit dolor, urgere illi, ut loco nos moverent. Factus est a nostris impetus, fuga operarum. ²¹ Ejectus de rostris Clodius: ac nos quoque tum fugimus, ne quid in turba. Senatus vocatus in curiam: Pompeius domum. neque ego tamen in senatum, ne aut de tantis rebus tacerem, aut in Pompeio defendendo (nam is carpebatur a Bibulo, Curione, Favonio, Servilio filio,) animos bonorum offenderem. res in posterum dilata est. Clodius in Quirinalia produxit diem. A. d. VI Id. Febr. senatus ad Apollinis fuit, ut Pompeius adesset. Acta res est graviter a Pompeio. eo die nihil perfectum est. A. d. VI Id. ad Apollinis senatus consultum factum est, EA, QUÆ FACTA ESSENT A. D. VIII ID. CONTRA REMPUBLICAM ESSE FACTA. Eo die Cato est vehementer in Pompeium in-
vectus, et cum oratione perpetua, tamquam reum, accusavit. De me multa, me invito, cum mea summa laude, dixit. Cum illius in me perfidiam increparet, auditus est magno silentio malivolorum. Respondit ei vehementer Pompeius, ²² Crassumque descripsit: dixitque aperte, ²³ se munitiorem

19 *Peregerat.*] Manutius cum P. Dantesio corrigebat *semper egerat*. bene.

20 *Neque ore consisteret.*] Sed vultum saepe mutaret, isque ei exideret.

21 *Ejectus de rostris.*] Coactus periculo lapidum fugere e rostris; quæ ut edilis occuparat: sicut ipse Cicero fugit.

22 *Crassumque descripsit.*] De eo sic dixit, ut quamquam a nomine ejus abstineret, tamen omnes sentirent, ad Crassum ea, quæ dicebantur, pertinere.

23 *Se munitiorem fore.*] Quo indicabat, sibi insidias fieri.

ad custodiendam vitam suam fore, quam Africanus fuisset; quem C. Carbo interemisset. Itaque magnæ mihi res jam moveri videbantur. Nam Pompeius hæc intelligit, nobiscumque communicat, insidias vitæ suæ fieri: C. Catonem a Crasso sustentari: Clodio pecuniam suppeditari: utrumque et ab eo, et a Curione, Bibulo, ceterisque suis obtrectatoribus confirmari: vehementer esse providendum, ne opprimatur, concionario illo populo a se prope alienato, nobilitate inimica, non æquo senatu, juventute improba. Itaque se comparat, hominẽs ex agris arcessit. Operas autem suas Clodius confirmat. manus ad Quirinalia paratur: in eo multo sumus superiores ipsius copiis. Sed magna manus ex Piceno et Gallia exspectatur, ut etiam Catonis roagationibus de Milone et Lentulo resistamus. A. d. 1111 Id. Sextius ab indice Cn. Nerio, Pupinia, de ambitu est postulatus: et eodem die a quodam M. Tullio de vi. is erat æger. domum (ut debuimus) ad eum statim venimus: eique nos totos tradidimus: idque fecimus præter hominum opinionem, qui nos ei jure succensere putabant; ut humanissimi, gratissimique et ipsi et omnibus videremur: itaque faciemus. Sed idem Nerius index ²¹edidit ad allegatos, Cn. Lentulum Vacciam et C. Cornelium. Eodem die senatus consultum factum est, UT SODALITATES, DECURIATIQUE DISCEDERENT: LEXQUE DE HIS FERRETUR, UT, QUI NON DISCESSISSENT, EA PŒNA, QUÆ EST DE VI, TENERENTUR. A. d. 111 Id. dixi pro Bestia de ambitu apud prætorem Cn. Domitium, in foro medio, maximo conventu: incidique in eum locum in dicendo, cum Sextius, multis in templo Castoris vulneribus acceptis, subsidio Bestiæ servatus esset. Hic *προφκονομισμόν* quiddam *ἐνκαίρως* de iis, quæ in Sextium apparabantur crimina, et cum ornavi veris laudibus, magno assensu omnium. res homini fuit vehementer grata. Quæ tibi eo scribo, quod me de retinenda Sextii gratia literis sæpe monuisti. Prid. Id. hæc scripsi ante lucem. eo die apud Pomponium in ejus nuptiis eram cenaturus. Cetera sunt in rebus nostris hujusmodi (ut tu mihi fere diffidenti prædicabas) plena dignitatis et gratiæ: quæ quidem tua, mi frater, prudentiæ, patientiæ, virtute, pietate, suavitate etiam, tibi, mihiq; sunt restituta. Domus tibi ad lucum Pisonis Liciniana conducta est. sed, ut spero, pau-

p. 309.

a.

cis mensibus post Kalend. Quint. in tuam commigrabis. Tuam in Carinis mundi habitatores Lamiae conduxerunt. A te post illam Olbiensem epistolam nullas litteras accepi. Quid agas, et ut te oblectes, scire cupio; maximeque te ipsum videre quamprimum. Cura, mi frater, ut valeas. et ²⁵quamquam est hiems, tamen Sardiniam istam esse cogites. ²⁶xv Kalend. Mart.

ARGUMENTUM.

4

De Sextio absoluto et Vatinio in judicio Sextiano vexato, aliisque domesticis rebus certiolem facit.

MARCUS Q. FRATRI S.

SEXTIUS noster absolutus est a. d. 11 Id. Mart. et, quod vehementer interfuit reipublicae, nullam videri in ejusmodi causa dissensionem esse, omnibus sententiis absolutus est. Illud, quod tibi saepe curae esse intellexeram, ne cui iniquo relinqueremus vituperandi locum, qui nos ingratos esse diceret, nisi illius perversitatem quibusdam in rebus quam humanissime ferremus: scito hoc nos in eo judicio consecutos esse, ut omnium gratissimi judicaremur. Nam in defendendo moroso homine cumulatissime satisfacimus, et (id quod ille maxime cupiebat) Vatinium, a quo palam oppugnabatur, arbitrato nostro concidimus, diis, hominibusque plaudentibus. Quin etiam Paullus noster cum testis productus esset in Sextium, confirmavit, se nomen Vatinii delaturum, si Macer Licinius cunctaretur: et Macer a Sextii subselliis surrexit, ac ²⁷se illi non defuturum affirmavit. Quid quaeris? homo petulans, et audax, Vatinus valde perturbatus debilitatusque discessit. Quintus tuus, puer optimus, eruditur egregie. hoc nunc magis animadverto, quod Tyrannio docet apud me. Domus utriusque nostrum aedificatur strenue. Redemptori tuo dimidium pecuniae curavi. Spero nos ante hiemem contubernales fore. De nostra Tullia, tui mehercule amantissima, spero cum Crassipede nos confecisse. ²⁸Dies erant duo, qui

²⁵ Quamquam est hiems.] Quae minus periculosa est valetudini, tamen, quia Sardinia est gravi caelo, cave tibi et valetudini tuae.

²⁶ xv Kal. Mart.] Ante scripserat, se hanc epistolam scripsisse prid. Id. Febr. Itaque hic numerus vitiosus videtur Pon-

tederat in epist. p. 345.

²⁷ Se illi non defuturum.] I. e. accusaturum.

²⁸ Dies erant duo, &c.] Quibus adeo res agi non poterat, de sponsalibus: de quibus v. ep. seq.

post Latinas habentur religiosi; ⁴⁹ceterum confectum erat Latiar, eram exiturus.

5

ARGUMENTUM.

De pecunia Pompeio in frumentaria causa decreta; de agro Campano quid in Senatu actum sit, et de M. Furio Flacco de collegiis ejecto.

MARCUS Q. FRATRI S.

DEDERAM ad te litteras antea, ³⁰quibus erat scriptum, Tulliam nostram Crassipedi prid. Non. April. esse desponsatam: ceteraque de re publica privataque perscripseram. Postea sunt hæc acta. Non. Apr. senatus consulto Pompeio pecunia decreta in rem frumentariam ad H-S cccc. Sed eodem die vehementer actum de agro Campano clamore senatus prope concionali. acriorem causam inopia pecuniæ faciebat, et annonæ caritas. Non
 p. 310. prætermittam, ne illud quidem, M. Furium Flaccum, equitem Romanum, hominem nequam, Capitolini et Mercuriales de collegio eiecerunt, præsentem, ad pedes uniuscujusque jacentem.

6

ARGUMENTUM.

De rebus privatis, imprimis sponsalibus et ædificatione, scribit: Consul Lentuli Marcellini in impediendis legibus perniciosis egregium studium, et alia de re publica.

MARCUS Q. FRATRI S.

A. D. viii Id. Apr. sponsalia Crassipedi præbui. Huic convivio puer optimus, Quintus tuus meusque, quod perleviter commotus fuerat, defuit: a. d. vi Id. April. veni ad Quintum, cumque vidi plane integrum, multumque is mecum sermonem habuit, et perhumanum, de discordiis mulierum nostrarum. Quid quæris? nihil festivius. Ponia autem etiam de te quæstio est. sed hæc coram agemus. A puero ut discessi, in arcem tuam veni. res agebatur multis structoribus. Longilium redemptorem cohortatus sum. fidem mihi faciebat, se velle nobis placere. Domus erit egregia. magis enim cerni jam poterat, quam quantum ex forma judicabamus. itemque nostra celeriter ædificabatur.

²⁹ Ceterum, qui confectum erat Latiar, quia conf. qui abest ed. Jens. Rom. op- erat exiturus.] Hæc vitiosa sunt. Manu- time.

tinus corrigit, cateroqui confectum erat La- 30 Quibus erat scriptum.] Hæc epistola tiare: eram exiturus: possis etiam ceterum, periit.

Eo die cenavi apud Crassipodem. cenatus, in hortos ad Pompeium lectica latus sum. Lucceium convenire non potueram, quod abfuerat. videre autem volebam, quod eram postridie Roma exiturus, et quod ille in Sardiniam iter habebat. Hominem conveni, et ab eo petivi, ut quamprimum te nobis redderet. statim dixit. Erat autem iturus (ut ajebat) a. d. III Id. Apr. ut ³¹ aut Labrone, aut Pisis conscenderet. Tu, mi frater, simulac ille venerit, primam navigationem (dummodo idonea tempestas sit) ne omiseris. ³² ἀμφιλαφίαν autem illam, quam tu soles dicere, bono modo desidero, sic prorsus, ut advenientem excipiam libenter: latentem etiam nunc, non excitem. Tribus locis ædifico, reliqua reconcinno; vivo paullo liberalius, quam solebam. Opus erat, si te haberem, paullisper fabris locum dare. sed et hæc (ut spero) brevi inter nos communicabimus. Res autem Romanæ sic sese habent. Consul est egregius Lentulus, non impediante collega: sic, inquam, bonus, ut meliorem non viderim. dies comitiales exemit omnes. nam etiam Latinæ instaurantur: nec tamen deerant supplicationes. sic legibus perniciosissimis obsistitur, maxime Catonis: cui tamen egregie imposuit Milo noster. nam ille ³³ vindex gladiatorum et bestiariorum emerat de Cosconio et Pomponio bestiarios: nec sine his armatis umquam in publico fuerat. hos alere non poterat. itaque vix tenebat. Sensit Milo. dedit cuidam non familiari negotium, ³⁴ qui sine suspitione emeret eam familiam a Catone: quæ simul atque abducta est, Racilius, qui unus est hoc tempore tribunus plebis, rem patefecit, eosque homines sibi emptos esse dixit (sic enim placuerat) et tabulam proscripsit, SE FAMILIAM CATONIANAM VENDITURUM. In eam tabulam magni risus consequebantur. ³⁵ Nunc igitur Catonem Lentulus a legibus removet, et eos, ³⁶ qui de Cæsare monstra promulgarunt, quibus intercederet nemo. Nam ³⁶ quod de Pompeio Caninius agit, sane quam refrixit. neque enim res probatur, et Pompeius noster in amicitia P.

³¹ Aut Labrone aut Pisis.] Wesselingius ad Itinerar. Anton. p. 293. putat Ciceronem scripsisse Salebrone, quia Salebrone in illo Itinerario in ora ea ponitur, Labronis autem nulla alibi mentio fit.

³² ἀμφιλαφίαν a. illam -- excitem.] Hæc Taustallus p. 108. transfert ad ep. 9. post verba ad nostrum Iovem revertantur.

³³ Vindex gladi.] Int. Catonem trib. pl.

³⁴ Nunc igitur.] Ed. Rom. Man. et Vict. Hunc. bene opinor.

³⁵ Qui de Cæsare monstra promulgarunt.] I. e. leges monstrosas, quibus Cæsari ferunt res absurdas et periculosas reip.

³⁶ Quod de Pompeio Caninius agit.] Ut Regem Ægypti reducat. de quo supra.

Lentuli vituperatur, et hercule non est idem. nam apud illam perditissimam atque infimam faciem populi, propter Milonem, suboffendit; et boni multa ab eo desiderant, multa reprehendunt. Marcellinus autem hoc uno mihi quidem non satisfacit, quod eum nimis aspere tractat: quamquam id senatu non invito facit: quo ego me libentius a curia et ab omni parte reipublicæ subtraho. In judiciis ii sumus, qui fuimus. domus celebratur ita, ut eum maxime. Unum accidit imprudentia Milonis incommode, ³⁷ de S. Cœlio: quem neque hoc tempore, neque ab imbecillis accusatoribus mihi placuit accusari. ei ³⁸ tres sententiæ tæterrimæ in consilio defuerunt. Itaque hominem ³⁹ populus revocat, et retrahatur necesse est. non enim ferunt homines. et quia, cum apud suos diceret, pæne damnatus est, vident damnatum. Ea ipsa in re Pompeii offensio nobis obstitit. ⁴⁰ senatorum enim urna copiose absolvit, equitum adæquavit, tribuni ærarii condemnarunt. Sed hoc incommodum consolantur quotidianæ damnationes inimicorum, in quibus me

p. 311. ^a perlubente ⁴¹ Servius allisus est, ceteri conciduntur. C. Cato concionatus est, comitia haberi non siturum, si sibi cum populo dies agendi essent exempti. Appius a Cæsare nondum redierat. Tuas mirifice litteras exspecto: atque adhuc clausum mare scio fuisse: sed quosdam ⁴² venisse tamen Ostia dicebant, qui te unice laudarent, plurimique in provincia fieri dicerent. ⁴³ eosdem ajebant nuntiare, te prima navigatione transmissurum. id cupio: et, quamquam te ipsum scilicet maxime; tamen etiam litteras tuas ante exspecto. Mi frater, vale.

7

ARGUMENTUM.

De itinere suo, et expectatione Quinti.

MARCUS Q. FRATRI S.

A. d. 111 Id. April. ante lucem hanc epistolam dictaveram, scripseramque in itinere, ut eo die apud T. Titium in

³⁷ De S. Cœlio.] Manutius legit S. Clodio.

³⁸ Tres sententiæ tæterrimæ.] Quia sc. Clodium non condemnarunt: defuerunt ad condemnationem.

³⁹ Populus revocat.] Iterum accusari vult.

⁴⁰ Senatorum urna copiose absolvit.] Maxima pars judicium e senatu absolve-

runt. equitum adæquavit: numero pari absolverunt et condemnarunt equites.

⁴¹ Servius allisus est.] Prope damnatus.

⁴² Venisse Ostia.] Valde inclino ad corrigendum *Olbia*, e Sardinia scilicet: conveniunt sequentia. Sic et Manutius judicabat.

⁴³ Eosdem ajebant.] Sic cum Vict. et Lamb. dedi pro *idem*.

Anagnino manerem. postridie autem in Laterio cogitabam: inde, cum in Arpinati quinque dies fuisset, ire in Pompeianum: rediens adspicere Cumanum, ut, quoniam in Non. Maias Miloni ⁴⁴dies prodita est, prid. Non. Romæ essem, ^{b.} teque, mi carissime et suavissime frater, ad eam diem (ut sperabam) viderem. Ædificationem Arcani ad tuum adventum sustentari placebat. Fac, mi frater, ut valcas, quamprimumque venias.

ARGUMENTUM.

8

De supplicatione Gabinio negata, et desiderio suo fratris videndi.

MARCUS Q. FRATRI S.

O LITTERAS mihi tuas jucundissimas, expectatas, ac primo quidem cum desiderio, nunc vero etiam cum timore! Atque has scito litteras me solas accepisse post illas, quas tuus nauta attulit, Olbia datas. Sed cetera (ut scribis) præsentī sermōni reserventur. hoc tamen non queo differre. Id. Maiis senatus frequens, divinus fuit in supplicatione Gabinio deneganda. Adjurat Procilius hoc nemini accidisse. ⁴⁵Foris valde plauditur. Mihi cum sua sponte jucundum, tum jucundius, quod me absente (est enim εὐλακρινὲς iudicium) sine oppugnatione, sine gratia nostra. cram Antii. Quod Idibus et postridie fuerat dictum, de agro Campano actum iri, non est actum. In hac causa mihi aqua hæret. Sed plura quam constitueram. coram enim. Vale, mi optime et optatissime frater, et advola. Idem te nostri rogant pueri: illud scilicet, cenabis cum veneris.

ARGUMENTUM.

9

Quid cum Pompeio et Crasso Coss. de operibus et inscriptionibus egerit, quid profecerit, et quid in Senatu actum sit, perscribit.

MARCUS Q. FRATRI S.

PLACITURUM tibi esse librum meum suspicabar: tam valde placuisse, quam scribis, valde gaudeo. Quod me admones ⁴⁶de nostra Urania, suadesque, ut meminerim Jo-

⁴⁴ Dies prodita esset.] An prodita? unde in edd. vett. quibusdam, et Rom. factum producta, quæ confusio et in aliis libris notata est: prodita dedit Jensonus.

⁴⁵ Foris Valde plauditur.] Extra senatum, a populo.

⁴⁶ De nostra Urania.] Mss. et edd. pr. de non curantia. Tunstallus p. 107. corrigit de nominum curatione. quod nunc editur, est a correctione Malaspinae: eamque veram puto.

- vis orationem, quæ est in extremo illo libro: ego vero memini, et illa omnia mihi magis scripsi, quam ceteris. Sed
- p. 312. a. tamen postridie, quam tu es profectus, multa nocte cum Vibullio veni ad Pompeium. Cumque ego egissem de istis operibus atque inscriptionibus, per mihi benigne respondit: magnam spem attulit. cum Crasso se dixit loqui velle: mihi que ut idem facerem, suasit. Crassum consulem ex senatu domum reduxi: suscepit rem: dixitque esse, quod Clodius hoc tempore cuperet per se, et per Pompeium consequi: putare se, si ego eum non impedirem, posse me adipisci sine contentione quod vellem. totum ei negotium permissi, inque in ejus potestate dixi fore. Interfuit huic sermoni P. Crassus adolescens, nostri (ut scis) studiosissimus. Illud autem, quod cupit Clodius, est legatio aliqua: si minus per senatum, per populum, libera, aut Byzantium, aut ad Brogitarum, aut utrumque. Plena res numerum. Quod ego non nimium laboro, etiamsi minus assequor, quod volo. Pompeius tamen cum Crasso locutus est. videntur negotium suscepisse. si perficiunt: optime. sin minus: ad nostrum Jovem revertamur. A. d. 111 Id. Maii senatus consultum est factum de ambitu in Afranii sententiam,⁴⁷ quam ego dixeram, cum tu adesses: sed magno cum gemitu senatus. Consules non sunt persecuti eorum sententias: qui Afranio cum essent assensi, addiderunt, ut prætores ita crearentur,⁴⁸ ut dies LX privati essent. eo die Catonem plane repudiaverunt. Quid multa? tenent omnia: idque ita omnes intelligere volunt.

10

ARGUMENTUM.

Respondet epistolæ Quinti, quæ se metuere scripserat, ne cum litteris suis interpellet.

MARCUS Q. FRATRI S.

TU metuis, ne me interpellas? primo,⁴⁹ si in isto essem, tu scis, quid sit interpellare. An te Ateius? mehercule mihi⁵⁰ docere videbaris istius generis humanitatem: quæ quidem ego nihil utor abs te. Tu vero, ut me et appelles, et interpellas, et obloquare, et colloquare, velim. Quid

47 Quam ego dixeram.] Tibi.

48 Ut dies lxx. privati essent.] Sc. ab adito magistratu, sc. ut accusari possent, si ambitum fecissent.

49 Si in isto essem.] Si illa res meæ se

haberent, ut interpellari possem.

50 Docere videb. istius generis humanitatem.] Sc. Ateio illo sæpe interpellante admittendo et non indignando, et facilitate admittendi et audiendi, qui interpellent.

enim mihi suavius? Non mehercule quisquam *μουσικά-
ταχτος* libentius sua recentia poemata legit, quam ego te
audio quacumque de re, publica, privata, rustica, ur-
bana. Sed mea factum est insulsa verecundia, ut te pro-
ficiscens non tollerem. Opposuisti semel *ἀντίστατον* cau-
sam, Cicronis nostri valitudinem; conticui. iterum Cice-
rones: quievi. Nunc mihi jucunditatis plena epistola hoc
adpersit molestiae, quod videris, ne mihi molestus esses,
veritus esse, atque etiam nunc vereri. Litigareni tecum,
si fas esset: sed mehercule istuc si umquam suspicatus
ero, nihil dicam aliud, nisi verebor, ne quando ego tibi, cum
sum una, molestus sim. Video te ingemuisse. ⁵¹ sic fit, *εἰδὲν
ἐν αὐτῷ ἔχοντας*. nunquam enim dicam, *ἔα πάσας*. Marium
autem nostrum in lecticam mehercule coniecissem, non
⁵² illam regis Ptolemæi Anicieanam. memini enim cum homi-
nem portarem ad Bajæ, Neapoli, octophoro Aniciano, ma-
chærophoris centum sequentibus, miros risus nos edere,
cum ille ignarus sui comitatus, repente aperuit lecticam,
et pæne ille timore, ego risu corruui. ⁵³ Tunc, ut dico, certe
sustulissem, ut aliquando subtilitatem veteris urbanitatis,
et humanissimi sermonis attingerem. sed hominem infir-
mum ⁵⁴ in villam apertam, ac ne rudem quidem etiam nunc,
invitare nolui. Hoc vero mihi peculiare fuerit, hic etiam
isto frui. nam illorum prædiorum scito mihi vicinum Ma-
rium, luncn esse. apud Anicium videbimus ut paratum sit.
nos enim ita philologi sumus, ut vel cum fabris habitare
possimus. habemus hanc philosophiam, ⁵⁵ non ab Hymet-
to, sed ab area Syra. Marius et valitudine est et natura
imbecillior. De interpellatione tantum sumam a vobis
temporis ad scribendum, quantum dabitis. utinam nihil de-
tis, ut potius vestra injuria, quam ignavia mea cessem! De

p. 113.
a.

51 Sic fit, &c.] Hæc ego non intelligo.

52 Illam regis Ptol. Anicinnam.] Quam Ptolemæus Rex, Romæ cum esset, sibi strui curaverat magnifice, donoque deinde dederat, ut videtur, Anicio cuidam, sive creditori, sive familiari, cujus opera usus erat Romæ. Erat illa lectica octophoros: comitatus ille machærophororum centum fuerat opinor Ptolemæi, quem joci causa imitatus est Cicero, cum Marium lectica deferret ad Bajæ.

53 Tunc, ut dico, certe sustulissem.] Manutius malebat legi: hunc -- quod sane placet.

54 In villam apertam ac ne rudem quidem.] I. e. nondum exstructam ita, ut sub tecto esse et habitare liceat, immo vondum structo omnino edificio aliquo, etsi non elaborato et culto satis.

55 Non ab Hymetto, sed ab area Syra.] Non a delicatis et elegantibus Atticis, sed e regione duriori, in qua nos nati et educati sumus, e montibus Arpinatibus. Tustallus p. 110. corrigat ex arce *Ψυρία*. alibi Arpinum dicit *ἡνίκον Ψυρίαν* ex Homer. Od. Γ. 172. arx *Ψυρία* erit regio montana illius palatris suæ. ~~que~~ Arpinum ipsum.

republica nimium te laborare dolco, et meliorem civem esse, quam Philoctetem, ⁵⁶ qui accepta injuria, illa spectacula quærebat, quæ tibi acerba esse video. Amabo te, advola: consolabor te, et omnem abstergebo dolorem: et adduc, si me amas, Marium. sed adproperate. ⁵⁷ Hortus domi est.

11

ARGUMENTUM.

De Tenediis frustra libertatem petentibus: de laudibus Quinti, et de Lucretii ac Sallustii poematibus.

MARCUS Q. FRATRI S.

EPISTOLAM hanc convicio efflagitarunt codicilli tui. nam res quidem ipsa, et is dies, quo tu es profectus, nihil mihi ad scribendum argumenti sanc dabat. Sed quemadmodum coram cum sumus, sermo nobis dcesse non solet, sic epistolæ nostræ debent interdum halucinari. Tenediorum igitur libertas securi Tenedia præcisa est. cum eos præter me, et Bibulum, et Calidium, et Favonium nemo defenderet. ⁵⁸ De te magis ab Sipylo mentio est honorifica facta, cum te unum dicerent ⁵⁹ postulationi L. Sextii Pansæ restitisse. Reliquis diebus, si quid erit, quod te scire opus sit, aut etiamsi nihil erit, tamen scribam quotidie aliquid. Prid. Id. neque tibi, neque Pomponio deero. Lucretii poemata, ut scribis, ⁶⁰ ita sunt: non multis luminibus ingenii, multæ tamen artis. Sed cum veneris, ⁶¹ virum te putabo, si ⁶² Sallustii Empedoclea legeris: hominem non putabo. Vale.

12

ARGUMENTUM.

Quomodo Appio Consuli restiterit, et cum Casare per litteras jocatus sit, commemorat.

MARCUS Q. FRATRI S.

⁶³ GAUDEO tibi jucundas esse meas litteras: nec tamen habuissem scribendi nunc quidem ullum argumentum, nisi

⁵⁶ Qui accepta injuria, &c.] Cum relictus esset in insula Lemno a sociis, gaudebat naufragiis Græcorum et malis.

⁵⁷ Hortus domi est.] Ita propinquis ædibus, ut in ipsis ædibus esse videri possit.

⁵⁸ De te magis ab Sipylo.] Hoc vitiosum est. Victorius corrigit: De te Magnæ ab Sipylo, probante Lambino et alii.

⁵⁹ Postulationi L. Sextii P.] Publicani, ut opinor.

⁶⁰ Ita sunt m. luminibus.] Ita verum esse non potest, adeo abhorret a luminibus. Victorius corrigit, non ita m. l., quod bene

convenit seqq. multæ tamen artis. ita est in ed. Jens. malim, ut scribis, ita sunt: non multis lum. i., &c. nec dubitavi ita edere quidam Mss. etiam addunt at ante multæ.

⁶¹ Virum te p. -- hominem non putabo.] Patientem laboris et molestiæ, sed sine sensu humanitatis, pulchri, venusti, &c.

⁶² Sallustii Empedoclea.] Carmen de philosophia Empedoclis, scriptum brevitate molesta et obscura, opinor.

⁶³ Gaudeo.] Hanc epistolam cum tercia conjungendam putat Pontedera.

tuas acceperissem. nam prid. Id. cum Appius senatum infrequentem coegisset, tantum fuit frigus, ut populi convicio coactus sit nos dimittere. De Commageno rege, quod rem totam discusseram, mirificum mihi et per se, et per Pomponium ⁶⁴blanditur Appius. Videt enim, hoc genere dicendi si utar in ceteris, ⁶⁵Februarium sterilem futurum: eumque lusi jocose satis: neque solum illud ⁶⁶extorsi oppidulum, quod erat positum in Euphrate ⁶⁷et Zeugmate: sed præterea togam sum ejus ⁶⁸prætextam, quam erat adeptus Cæsare consule, magno hominum risu cavillatus. ⁶⁹Quod non vult, inquam, renovare honores eosdem, quo minus ⁷⁰togam prætextam quotannis interpolet, decernendum nihil censeo. Vos autem homines nobiles, qui ⁷¹Busrenum prætextatum non ferebatis, Commagenum feretis? Genus vides et locum jocandi. Multa dixi in ignobilem regem: quibus totus est explosus. quo genere commotus (ut dixi) Appius, totum me amplexatur. Nihil est enim facilius, quam reliqua diseutere. Sed non faciam, ut illum offendam, ne imploret fidem Jovis Hospitalis, Graios omnes convocet, per quos mecum in gratiam rediit. Thecopompo satisfacimus. De Cæsare fugerat me ad te scribere. Video enim, quas

p. 314.
a.

64 *Blanditur App.*] Captans gratiam meam, ut ne idem porro faciam in rege Commag. et aliis legatorum causis.

65 *Februarium sterilem futurum.*] Sibi, sc. in muneribus accipiendis ab rege et aliis, qui per legatos aliquid peterent a senatu.

66 *Extorsi oppidulum.*] Quod petebat rex. effeci, ne regi concederetur.

67 *Et Zeugmate.*] V. Clav.

68 *Prætextam, quam erat adeptus.*] Quæ ei decreta et missa erat consule Cæsare;

quod erat honoris magni.

69 *Quod non vult, &c.*] Hæc se non intelligere fatetur Manutius, nec ego intelligo. Pro non Tunstallus vult nunc.

70 *Togam pr. quotannis interpolet.*] I. e. renovet, iterum det. interpolare est creatam addere in vestem, ut candidior sit: ergo, ut honor augeatur e repetitione decreti.

71 *Busrenum.*] Videtur esse nomen regis barbari in Oriente, clarioris tamen tunc rege Commageno.

arcae nostrae fiducia conturbaret: lusique in eo genere et familiariter, et cum dignitate. Amor autem ejus erga nos perfertur omnium nuntiis singularis. Et litterae quidem ad id, quod exspectas, fere cum tuo reditu jungentur; reliqua singulorum dierum scribemus ad te, si modo tabellarios tu praebabis. quamquam ejusmodi frigus impendebat, ut summum periculum esset, ⁷²ne Appio suae aedes urerentur. Vale.

12

ARGUMENTUM.

De rebus publicis quaedam: item de Callisthene et Philisto historicis.

MARCUS Q. FRATRI S.

RISI nivem atram: teque hilari animo esse, et prompto ad jocandum, valde me juvat. De Pompeio, assentior tibi, vel tu potius mihi. nam, ut scis, ⁷³jampridem istum canto Cæsarem. mihi crede, in sinu est: ⁷⁴neque ego discingor.

b. Cognosce nunc Idus. ⁷⁵Decimus erat Caelio dies. Domitius ad numerum judices non habuit. vereor, ⁷⁶ne homo tæter, et ferus, Pola Servius ad accusationem veniat. nam noster Caelius valde oppugnatur a gente Clodia. certi nihil est adhuc: sed veremur. Eodem igitur die Tyrii est senatus datus frequens: frequentes contra Syriaci publicani. vehementer vexatus Gabinius: exagitati tamen a Domitio publicani, quod cum essent cum equis persecuti. ⁷⁷C. noster Lamia paullo ferocius, cum Domitius dixisset, vestra culpa hæc acciderunt, equites Romani; dissolute enim judicatis: ⁷⁸Nos judicamus, vos laudatis, inquit. Actum est eo die nihil. nox diremit. Comitilibus diebus, qui Quirinalia sequuntur, Appius interpretatur, non impediri se lege Pupia, quo minus habeat senatum, et quod Ga-

⁷² Ne Appio suae aedes urerentur.] Ne Appio ita luculento camino opas foret, ut facile incendium fieret. Sed aliud quid latet sub hoc joco, quod non assequar.

⁷³ Jampridem istum canto Cæsarem.] Ejusmodi materiam quæro jocandi.

⁷⁴ Neque ego discingor.] Ut excidere sinu possit. i. e. nihil faciam, quo ejus amorem perdere possim. Sed forte Cicero scripsit discingor.

⁷⁵ Decimus erat C. dies.] Sc. quo die causam dicere debebat.

⁷⁶ Ne - - Pola Servius ad acc. veniat.] Accuset Caelium, cum prior accusatio irrita fuisset; quia die judicii legitimo ju-

dices non affuerant justo numero: quod cum factum esset, reus eximebatur de reorum numero, ut tradit Asconius ad Or. Cornelianam.

⁷⁷ C. noster Lamia.] Alibi prænomen Lamiae est L. quod et placebat P. Manutius hic reponi.

⁷⁸ Nos judicamus, vos laudatis.] Nos tamen minus facinus, quam senatores, qui etiam solent reos laudare in judiciis, ut absolvantur; nec adeo habent, quod nobis, equitibus, exprobrent, qui tantum judicant et absolvent crimine, quod minus est, quam laudare.

binia sanctum sit, ⁷⁹etiam cogi ex Kal. Febr. usque ad Kal. Mart. legatis senatum quotidie dari. ita putantur de-
trudi comitia in mensem Martium. sed tamen his comitiali-
bus tribuni plebis de Gabinio se acturos esse dicunt. Om-
nia colligo, ut novi scribam aliquid ad te. sed ut vides, res
me ipsa deficit. Itaque ad Callisthenem et ad Philistum
⁸⁰redeo: in quibus te video volutatum. Callisthenes qui-
dem vulgare et notum negotium; quemadmodum Græci
aliquot ⁸¹locuti sunt. Siculus ille, capitalis, creber, acutus,
brevis, pæne pusillus Thucydides: sed utros ejus habueris
libros (duo enim sunt corpora) an utrosque, nescio. Me
magis de Dionysio delectat. ipse est enim veterator mag-
nus, et perfamilias Philisto. Sed quod adscribis, aggre-
derisne ad historiam? me auctore potes. et, quoniam ta-
bellarios subministras, hodierni diei res gestas Luperca-
libus habebis. Oblecta te cum Cicerone nostro quam
bellissime.

ARGUMENTUM.

14

*Quid agat, commemorat: Quinto operam suam in rebus ejus pollicetur: M.
Orfium et Trebatium commendat.*

MARCUS Q. FRATRI S.

DUAS adhuc a te accepi epistolas: ⁸²quarum alteram in p. 315.
ipso discessu nostro, alteram Ariminum datam. plures, quas
scribis te dedisse, non acceperam. Ego me in Cumano et
Pompeiano, præterquam quod sine te, ceterum satis com-
mode oblectabam. et eram in iisdem locis usque ad Kal.
Jun. futurus. Scribebam illa, quæ dixeram, πολιτικά: spis-
sum sane opus, et operosum. sed si ex sententia succe-
sserit: bene erit opera posita. sin minus: in illud ipsum mare
dejiciemus, quod scribentes spectamus. aggrediemur alia,
quoniam quiescere non possumus. Tua mandata perse-
quar diligenter, et adjungendis hominibus, et quibusdam
non alienandis. Maximæ mihi vero curæ erit, ut Cicero-
nem tuum nostrumque videam, scilicet quotidie: sed inspi-
ciam quid discat, quam sæpissime: et, nisi ille contemnet,

⁷⁹ Etiam cogi -- dari.] In cogi si int. tum Olivetus.

sese, pro dari videtur scribendum dare:

quia pendet ex cogi se. sed si cogi est pro
consequi, dari rectum est.

⁸⁰ Redeo.] Verbum hoc deleri volebat
Muretus Var. Lect. II, 5. defendit vulga-

⁸¹ Locuti sunt.] Hoc à veteri Mureti
libro aberat: defendit idem Olivetus.

⁸² Quarum alteram, &c.] Quarum ali-
enum est, delendumque puto.

optime et suavissime frater, ad ea dum rescribo, quæ tu in hac eadem brevi epistola *πραγματικῶς* valde scripsisti. De quo petis, ut ad te, nihil occultans, nihil dissimulans, nihil tibi indulgens, genuine fraterneque rescribam. id est, ⁸⁹utrum voles, ut dixerimus, an ad expediendum te, si causa sit, commorere. Si, mi Quinte, parva aliqua res esset, in qua sciscitarere, quid vellem: tamen, cum tibi permissurus essem, ut faceres, quod velles; ego ipse, quid vellem, ostenderem. In hac vero re hoc profecto quæris, cujusmodi illum annum, qui sequitur, exspectem: plane aut tranquillum nobis, aut certe munitissimum: quod quotidie domus, quod forum, quod theatri significationes declarant: ⁹⁰nec laborant, quod mea conscientia copiarum nostrarum, quod Cæsaris, quod Pompeii gratiam tenemus. ⁹¹hæc me, ut confidam, faciunt. sin aliquis erumpet amentis hominis furor: omnia sunt ad eum frangendum expedita. Hæc ita sentio, judico, ad te explorate scribo. dubitare te, non assentatorie, sed fraterne veto. Quare suavitatis equidem nostræ fructuæ causa cuperem te ad id tempus venire, quod dixeras: sed illud malo tamen, ⁹²quod putas; magis etiam illa (etenim magis aestimo me) *ἀμφιλαφίαν* illam tuam, et expectationem debitorum tuorum. Illud quidem sic habeto, nihil nobis expeditis, si valebimus, forte fortunatius. parva sunt, quæ desunt, ⁹³nostris quidem moribus, et ea sunt ad explicandum expeditissima, modo valeamus. Ambitus reddit immanis. numquam fuit par. Idib. Quint. ⁹⁴fœnus fuit ZZ ex Z ⁹⁵coitione Memmii, quam cum Domitio habuit Scaurus, ⁹⁶unum vincere. Messala flaccet. non dico *ὑπερβολικῶς*: vel H-S centies constituunt ⁹⁷in prærogativa pro-

89 Utrum voles, ut diximus, an ad - commorere.] Voles, i. celeriter huc venias: alibi advoles solet dicere. an addidi de iudicio Manutii. et res sio postulat.

90 Nec laborant, quod mea consc. cop. nostrarum.] Hæc vitiosa sunt: nec intelligo.

91 Hæc me, ut c. faciunt.] Me delendum est, nisi in faciunt vitium est.

92 Quod putas; magis etiam illa.] Hæc varie tentantur a viris doctis. Tnnstallus, p. 108. corrigit: quod putas, ne agas: etiam illud (etenim magni aestimare te).—et expeditum deb. tuorum. hoc quidem bene. nam et mox est nobis expeditis.

93 Nostris quidem moribus.] Qui sc. non magnifico et copiose vivimus.

94 Fœnus fuit ZZ ex Z.] Intelligunt Z notam trientis. ita est, fuit besibus ex triente, adeoque duplicatum. cf. ad Att. IV. 14.

95 Coitione Memmii.] Ad consequendum Consulatam. v. ad Att. IV. 17. 18. ad quam cum multum pecuniæ opus esset, fœnus auctum est.

96 Unum vincere.] Manutius malebat enuntiare, sc. coitionem, pro enuntiativ.

97 In prærogativa pronunciare.] Tentavi in prærogativam: sed et ad Att. XIV. 1. est in tribu pronunciare, ubi. v. not.

nuntiare. Res ardet invidia. Tribunicii candidati compromiserunt, H-S quingenis in singulos apud M. Catonem depositis, petere ejus arbitratu, ut, qui contra fecisset, ⁹⁸ab eo condemnaretur. quæ quidem comitia gratuita si fuerint, ^{p. 317.} ut putantur, ^{a.} ⁹⁹plus unus Cato fuerit, quam omnes leges, omnesque judices.

ARGUMENTUM.

16

De occupationibus suis: quid in senatu actum: quæ judicia habita sint aut insistent: materiam carminis scribendi, superata a Cæsare Britannia, gratulatur, et quid de suis versibus Cæsar judicet, sciscitatur.

MARCUS Q. FRATRI S.

CUM a me litteras librarii manu acceperis, ne paullum otii me habuisse judicato: cum autem mea, ¹⁰⁰nullum. sic enim habeto, numquam me a causis et judiciis strictiorem fuisse: atque id anni tempore gravissimo, et caloribus maximis. Sed hæc (quoniam tu ita præscribis) ferenda sunt: neque committendum, ut aut spei, aut cogitationi vestræ ego videar defuisse: præsertim cum, tamen si id difficilius fuerit, tamen ex hoc labore magnam gratiam, magnamque dignitatem sim collecturus. Itaque, ut tibi placeat, damus operam, ne' cujus animum offendamus, atque ut etiam ab iis ipsis, qui nos cum Cæsare tam conjunctos dolent, diligamur: ab æquis vero, aut etiam a propensis in hanc partem vehementer et colamur et amemur. De ambitu cum atrocissime ageretur in senatu multos dies, quod ita erant progressi candidati consulares, ut non esset ferendum: in senatu non fui. Statui ad nullam medicinam reipublicæ sine magno præsidio accedere. Quo die hæc scripsi, Drusus erat de prævaricatione a tribunis ærariis absolutus, ¹in summa, quatuor sententiis, cum senatores et equites damnassent. Ego eodem die, post meridiem, Vatinius ²aderam defensurus. ea res facilis est. Comitia in mensem Sept. rejecta sunt. ³Scauri judicium ^{b.} statim exercebitur: cui nos non deerimus. *συνδείκνους Σοφοκλέους*, quamquam a te actam fabellam video esse fes-

⁹⁸ Ab eo condemnaretur.] Ut amitteret pecuniam apud se depositam.

⁹⁹ Plus unus Cato fuerit.] Valuerit ad ambitum coercendum.

¹⁰⁰ Nullum.] Int. ex superioribus ut, i. e. aliquid.

¹ In summa.] Quoad judices universos, vicit quatuor sententiis.

² Aderam.] Corrigendum videtur eram.

³ Scauri judicium.] De repetundis.

quem tibi proximis nuntiis Arpini de Fufidio H-S cccicccc
emeramus. Ego locum æstate umbrosiorem vidi num-
quam; permultis locis aquam profluentem, et eam uberem.
Quid quæris? Jugera L prati Cæsius irrigaturum facile
te arbitrabatur. Equidem hoc, quod melius intelligo, affir-
mo, mirifica suavitate te villam habiturum, piscina et
salientibus additis, palæstra, et ⁹ silva viridicata. Fundum
audio te hunc Bovillanum velle retinere. de eo quid vide-
atur, ipse constitues. Calvus agebat, ¹⁰ aqua demta, et ejus
aquæ jure constituto, et servitute fundo illi imposita,
tamen nos pretium servare posse, si vendere vellemus.
Messidium mecum habui. is se ternis numis in pedem
tecum transexisse dicebat: sese autem mensum pedibus
agebat passuum IV c. mihi plus visum est. sed præsta-
bo, sumtum nusquam melius posse poni. Chilonem arces-
sieram Venafro. sed eo ipso die quatuor ejus conservos
et discipulos Venafri cuniculus oppresserat. Idibus Sept.
in Laterio fui. viam perspexi, quæ mihi ita placuit, ut
opus publicum videretur esse, præter CL pass. sum enim
ipse mensus ab eo ponticulo, qui est ¹¹ ad Furinæ, Satri-
cum versus. eo loco pulvis, non glarea injecta est: et
mutabitur: et ea viæ pars valde acclivis est. sed intellexi
aliter duci non potuisse, præsertim cum tu neque per Lo-
custæ, neque per Varronis velles ducere. Velinus ante
suum fundum ¹² prope munierat. Locusta non attigerat:
quem ego Romæ aggrediar, et, ut arbitror, commovebo:
et simul M. Taurum, quem tibi audio promisisse, qui nunc
Romæ erat, de aqua per fundum ejus ducenda rogabo.
Nicephorum, villicum tuum, sane probavi: quæsi-
p. 319. ex eo, ecquid ei de illa ædificatiuncula Laterii, de qua
^{a.} mæcum locutus es, mandavisses. tum is mihi respondit,
se ipsum ejus operis H-S XVI conductorem fuisse: sed
te postea multa addidisse ad opus, nihil ad pretium: ita-
que id se omisisse. Mihi hercule valde placet, te illa, ¹³ ut
constituas, addere: quamquam ea villa, quæ nunc est,
tamquam philosopha videtur esse, quæ objurget ceterarum

9 *Silva viridicata.*] Verbum hoc viri-
dicata alibi non occurrit, sed tamen viri-
dicans: unde forte legi possit *viridicante*.

10 *Aqua demta.*] I. e. si aquam in
venditione fundi exciperemus et nobis ser-
varemus, ejusque dominium constituere-

tur, ut inde servitus hæc fundo illi impo-
neretur, ut hac aqua necessario uteretur,
pro ejusque usu aliquid solveret.

11 *Ad Furinæ.*] V. Clav.

12 *Prope munierat.*] An probe?

13 *Ut constituas.*] Malim constitueras.

villarum insaniam. Verumtamen illud additum delectabit. Topiarium laudavi: ita omnia ¹⁴convestit hedera, qua basim villæ, qua intercolumnia ambulationis; ut denique ¹⁵illi palliati topiariam facere videantur, et hederam vendere. jam ἀποδυνήσιω nihil alsius, nihil muscosius. Habes fere de rebus rusticis. Urbanam expolitionem urget ille quidem, et Philotimus, et Cincius: sed etiam ipse crebro interviso: quod est facile factu. Quamobrem ea te cura liberatum volo. De Cicerone quod me semper rogas, ³ ignoseo equidem tibi, sed tu quoque mihi velim ignoscas. Non enim concedo tibi, plus ut illum ames, quam ipse amo. Atque utinam his diebus in Arpinati, quod et ipse cupierat, et ego non minus, mecum fuisset. Quod ad Pomponiam: si tibi videtur, scribas velim, cum aliquo exhibimus, eat nobiscum, puerumque ducat. ¹⁶ clamores efficiam, si eum mecum habuero otiosum. nam Romæ respirandi non est locus. Id me scis antea gratis tibi esse pollicitum. Quid nunc putas, tanta abs te mihi mercede proposita? Venio nunc ad tuas litteras: quas pluribus epistolis accepi, dum sum in Arpinati. nam mihi uno die tres sunt redditæ, et quidem, ut videbantur, eodem abs te datæ tempore: una pluribus verbis, in qua primum erat, quod antiquior dies in tuis fuisset adscripta litteris, quam in Cæsaris. Id facit ^{b.} Oppius nonnumquam necessario, ut, cum tabellarios constituerit mittere, litterasque a nobis acceperit, aliqua res nova impediatur, et necessario serius, quam constituerat, mittat: neque nos datis jam epistolis diem commutari curemus. Scribis de Cæsaris summo in nos amore. hunc et tu fovebis, et nos, quibuscumque poterimus, rebus augebimus. De Pompeio, et facio diligenter, et faciam quod mones. Quod tibi mea permissio mansionis tuæ grata est, id ego, summo meo dolore et desiderio, tamen ex parte gaudeo. In hippodamis, et nonnullis aliis arcessendis, quid cogites, non intelligo. Nemo istorum est, quin abs te muhus, fundi suburbanus instar, exspectet. Trebatium vero meum quod ¹⁷isto admisceas, nihil est. Ego illum ad Cæsarem misi, quia mihi jam satisfecit. si ipsi minus, præstare nihil debeco: teque item ab eo vindico et libero. Quod scribis

14 *Convestit hedera.*] Faernus corrigit, mirentur omnes, quantum ex me vel pergebat *convestit*, et sic est in ed. Rom. me profecerit.

15 *Illi palliati.*] Signa habitus græci. 17 *Isto admisceas.*] Isto pro istue, scilicet

16 *Clamores efficiam.*] Faciam ut ad istis hippodamis et ceteris.

te a Cæsare quotidie plus diligi, immortaliter gaudeo. Balbum vero, qui est istius rei (quemadmodum scribis) adiutor, in oculis fero. Trebonium meum a te amari, teque ab illo, pergaudeo. De tribunatu quod scribis, ego vero nominatim petivi Curtio, et mihi ipse Cæsar nominatim Curtio paratum esse rescripsit, meamque in rogando verecundiam objurgavit. Si cui præterea petiero, (id quod etiam Oppio dixi, ut ad illum scriberet,) facile patiar mihi negari, quoniam illi,¹⁸ qui sibi molesti sunt, sibi negari a me non facile patiuntur. Ego Curtium (id quod p. 320. a. ipsi dixi) non modo rogatione, sed etiam testimonio tuo diligo, quod litteris tuis studium illius in salutem nostram facile perspexi. De Britannicis rebus, cognovi ex tuis litteris, nihil esse, nec quod metuamus, nec quod gaudeamus. De publicis negotiis, quæ vis ad te Tironem scribere, negligentius ad te ante scribebam, quod omnia, minima, maxima,⁴ ad Cæsarem mitti sciebam. Rescripsi epistolæ maximæ. Audi nunc de minuscula: in qua primum est de Clodii ad Cæsarem litteris: in quo Cæsaris consilium probō, quod tibi, amantissime petenti, veniam non dedit, uti ullum ad illam Furiam verbum rescriberet. Alterum est de Calventii Marii oratione, quod scribis, miror: tibi placere,¹⁹ me ad eum rescribere, præsertim cum illam nemo lecturus sit, si ego nihil rescripsero, meam in illum pueri omnes, tamquam dictata, perdiscant. Libros meos, quos exspectas, inchoavi: sed conficere non possum his diebus. Orationes efflagitatas pro Scauro et pro Plancio absolvi. Poema ad Cæsarem, quod composueram, incidi. Tibi quod rogas,²⁰ quoniam ipsi fontes jam sitiunt, si quid habeo spatii, scribam. Venio ad tertiam. Balbum quod ais mature Romam bene comitatum esse venturum, mecumque assidue usque ad Id. Maias futurum, id mihi pergratum perque jucundum erit. Quod me in eadem epistola, sicut sæpe antea, cohortaris ad ambitionem, et ad laborem; faciam equidem: ²¹sed quando vivemus? Quarta epistola mihi reddita est Id. Sept. quam a. d. III Id. Sext. ex Britannia dederas. In ea nihil sane erat novi, præter ²²Erigonam:

¹⁸ Qui sibi molesti sunt.] Pro sibi leg. mihi molesti sunt, sc. petendo commendationem meam ad Cæsarem, ut ab eo aliquid impetrent.

¹⁹ Me ad eum rescribere.] Faernus bene corrigi ad eam sc. orationem.

²⁰ Quoniam ipsi fontes jam sitiunt.] Quoniam tu, qui ipse poeta es, carmen consideras ab alio.

²¹ Sed quando vivemus?] I. e. otium habebimus, ut aliquid agere possimus.

²² Erigonum.] Poema Quinti tragicum.

quam si ab Oppio accepero, scribam ad te, quid sentiam. nec dubito, quin mihi placitura sit. Et, quod præterii, de eo, quem scripsisti de Milonis plausu scripsisse ad Cæsarem: ego vero facile patior ita Cæsarem existimare, illum quam maximum fuisse plausum. et prorsus ita fuit: et tamen ille plausus, qui illi datur, quodammodo nobis videtur dari. Reddita est etiam mihi pervetus epistola, sed sero ^{b.} allata, in qua de æde Telluris, et de porticu Catuli me admones. fit utrumque diligenter. ad Telluris quidem etiam tuam statuam locavi. Item de hortis quod me admones: nec fui umquam valde cupidus, et nunc domus suppeditat mihi hortorum amœnitatem. Romam cum venissem a. d. XIII Kal. Octob. absolutum offendi in ædibus tuis tectum: quod supra conclavia non placuerat tibi esse multorum fastigiorum: id non honeste vergit in tectum inferioris porticus. Cicero noster, dum ego absum, non cessavit apud rhetorem. De ejus eruditione quod labores, nihil est, quoniam ingenium ejus nosti: studium ego video. cetera ejus suscipio, ut me putem præstare debere. Gabinium ²³tres ⁵ adhuc factiones postulant: L. Lentulus, flaminis filius, qui jam de majestate postulavit: Ti. Nero cum bonis subscriptoribus: C. Memmius tribunus plebis cum L. Capitone. ad urbem accessit a. d. XI Kal. Octobr. nihil turpius, nec desertius. sed his judiciis nihil audeo confidere. Quod Cato non valebat, adhuc de pecuniis repetundis non erat postulatus. Pompeius a me valde contendit ²⁴de reditu in gratiam: sed adhuc nihil profecit: nec, si ullam partem libertatis tenebo, proficiet. Tuas litteras vehementer exspecto. Quod scribis te audisse, in candidatorum consularium coitione me interfuisse, id falsum est. ejusmodi enim pactio- nes in ea coitione factæ sunt, quas postea Memmius patefecit, ut nemo bonus interesse debuerit: et simul mihi committendum non fuit, ut his coitionibus interesssem, quibus Messala excluderetur; cui quidem vehementer satisfacio rebus omnibus: ut arbitror, etiam Memmio. Domitio ipsi ^{p. 321.} multa jam feci, quæ voluit, quæque a me petivit. ^{a.} Scan- rum beneficio defensionis valde obligavi. adhuc erat valde incertum, et quando comitia, et qui consules futuri essent. Cum hanc jam epistolam complicarem, tabellarii a vobis

²³ Tres factiones.] Accusatorum et sub-
scriptorum.

²⁴ De reditu in gratiam.] Cum Gabinio.

venerunt a. d. xi Kal. Sept. vicesimo die. O me sollicitum! quantum ego dolui in Cæsaris suavissimis litteris! sed quo erant suaviore, eo maiorem dolorem ²⁵ illius ille casus afferebat. Sed ad tuas venio litteras. Primum tuam remansionem etiam atque etiam probo, præsertim cum, ut scribis, cum Cæsare communicaris. Oppium miror quidquam cum Publio: mihi enim non placuerat. Quod interiore epistola scribis, me Idib. Sept. Pompeio legatum iri: id ego non audiui, scripsique ad Cæsarem, Vibullium Cæsaris mandata ²⁶ de mea mansione ad Pompeium pertulisse, nec ad Oppium. quo consilio? quamquam Oppium ego tenui, quod ²⁷ priores partes Bibuli erant. cum eo enim ²⁸ coram Cæsare egerat, ad Oppium scripserat. Ego vero nullas *ἐντρέπας φροντίδας* habere possum in Cæsaris rebus. ille mihi secundum te et liberos nostros ita est, ut sit pæne par. videor id iudicio facere. jam enim debeo: sed tamen
 6 amore sum incensus. Cum scripsissem hæc infima, quæ sunt mea manu, venit ad nos Cicero tuus ad cenam, cum Pomponia foras cenaret. dedit mihi epistolam legendam tuam, quam paullo ante acceperat, ²⁹ Aristophaneo modo, valde mehercule et suavem, et gravem: qua sum admodum delectatus. Dedit etiam alteram illam mihi, qua
 b. jubes, cum mihi esse affixum, tamquam magistro. Quam illum epistolæ illæ delectarunt? quam me? Nihil puero illo suavius, nihil nostri amantius. Hæc inter cenam Tironi dictavi, ne mirerè alia manu esse. Annali litteræ tuæ pergratæ fuerunt, quod et curares de se diligenter, et tamen consilio severissimo juvares. P. Servilius pater, ex litteris, quas sibi a Cæsare missas esse dicebat, significat valde te sibi gratum fecisse, quod de sua voluntate erga Cæsarem humanissime, diligentissimeque locutus esses. Cum Romam ex Arpinati revertissem, dictum mihi est, hippodamum ad te profectum esse. Non possum scribere, me miratum esse, illum tam inhumaniter fecisse, ut sine meis litteris ad te proficisceretur: illud scribo, mihi molestum fuisse. jam enim diu cogitaveram, ex eo, quod

25 *Illius ille casus.*] Manutius intelligi putat jacturam navium multarum in Occano, de qua Cæs. B. G. IV, 29.

26 *De mea mansione.*] Me cupere Romæ manere, non legatum Pompeii fieri.

27 *Priores partes Bibuli erant.*] Manutius Vibullii legendum putat, quod Cæsar

et Bibulus non erant amici.

28 *Coram Cæsare egerat.*] Puto scribendum Cæsar.

29 *Aristophaneo modo.*] Festivitate et urbanitate comica, Aristophanæ ad similitudinem.

tu ad me scripseras, ut, si quid esset, quod ad te diligentius perferri vellem, illi darem: quod mehercule hisce litteris, quas vulgo ad te mitto, nihil fere scribo, quod si in alicujus manus inciderit, molestè ferendum sit. Minneio me, et Salvio, et Labeoni reservabam. Labeo aut tarde proficiscetur, aut hic manebit. Hippodamus ne nunc quidem,³⁰ quid velim, rogavit. T. Pinarius amabiles ad me de te litteras mittit: se maxime litteris, sermonibus, cenis denique tuis delectari. Is homo semper me delectavit: fraterque ejus mecum est multum. quare, ut instituisti, complectere adolescentem. Quod multos dies epistolam 7 in manibus habui, propter commorationem tabellariorum, ideo multa conjecta sunt, aliud alio tempore, velut hoc. T. Anicius mihi sæpe jam dixit, sese tibi, suburbanum si quod invenisset, non dubitaturum esse emere. In ejus sermone ego utrumque soleo admirari; et te de suburbano emendo, cum ad illum scribas, non modo ad me non scribere, sed etiam aliam in sententiam scribere; et, cum ad illum scribas,³¹ nihil te recordari de se, de epistolis illis, quas in Tusculano ejus tu mihi ostendisti, nihil de præceptis Epicharmi, γνῶθι, πῶς ἄλλῃ κέχρηται; totum denique vultum, animum, sermonem ejus: quemadmodum conjicio,³² quasi. Sed hæc tu videris. De suburbano, cura, ut sciam, quid velis: et simul ne quid ille turbet, vide. Quid præterea? Quid? etiam. Gabinius a. d. IIII Kal. Octobr. noctu in urbem introivit: et hodie H. VIII, cum edicto C. Alfii de majestate cum adesse oporteret, concursu magno, et odio universi populi pæne afflictus est. nihil illo turpius. proximus tamen est Piso. itaque mirificum ἐμβόλιον cogito in secundum librorum meorum includere, dicentem Apollinem in concilio deorum, qualis reditus duorum imperatorum futurus esset: quorum³³ alter exercitum perdidisset, alter vendidisset. Ex Britannia Cæsar ad me Kal. Sept. dedit litteras: quas ego accepi a. d. IIII Kalend. Octobr. satis commodas de Britannicis rebus: quibus, ne admirer, quod a te nullas acceperim, scribit, se sine te fuisse, cum ad mare accesserit. Ad eas ego ei litteras nihil rescripsi,

³⁰ Quid velim, rogavit.] An si vel num de eo.

quid velim. nam sic semper hoc dicitur: ³² Quasi.] Oblitum videri.

c. Isic Maunius dedit.

³³ Alter p. alter vendidisset.] Ille est

³¹ Nihil te recordari de se.] De se pro Piso, hic Gabinius.

ne gratulandi quidem causa, ³⁴ propter ejus luctum. Te oro etiam atque etiam, mi frater, ut valeas.

2

ARGUMENTUM.

Gabinium redeuntem in urbem, in senatu male vexatum, et a Memmio tribuno pl. ad populum male tractatum esse, ac de judicio ejus proxime futuro, commemorat. Deinde qui de ambitu rei sint, quæ comitiorum spes sit, demonstrat.

MARCUS Q. FRATRI S.

- A. d. VI Id. Octob. Salvius Ostiam vesperi navi profectus erat cum iis rebus, quas tibi domo mitti volueras.
- b. Eodem die Gabinium ad populum luculente calefecerat. Memmius, sic, ut Calidio verbum facere pro eo non licuerit. Postridie autem ejus dici, qui erat tum finitrus, cum hæc scribebam ante lucem, apud Catonem erat divinatio in Gabinium futura inter Memmium, et Ti. Neronem, et C. et L. Antonios, M. F. Putabamus fore, ut Memmio daretur, etsi erat Neronis mira contentio. Quid quæris? probe premitur, nisi noster Pompeius, diis, hominibusque invitis, negotium everterit. Cognosce nunc hominis audaciam, et aliquid in republica perdita delectare. Cum Gabinus, quacumque veniebat, triumphum se postulare dixisset, subitoque bonus imperator noctu ³⁵ in urbem, hostium plane, invasisset, in senatum se non committebat. Interim ipso decimo die, quo ipsum oportebat hostium numerum, et militum renuntiare, ³⁶ in re hæsit, summa infrequentia. cum vellet exire, a consulibus retentus est: introducti publicani. Homo ³⁷ undique actus, cum a me maxime vulneraretur, non tulit, et me trementi voce exsulem appellavit. Hic, (o dii! nihil umquam honorificentius nobis accidit,) consurrexit ³⁸ senatus cum clamore ad unum, sic, ut ad corpus ejus accederet: pari clamore atque impetu publicani. Quid quæris? omnes, tamquam si tu esses, ita fuerunt. Nihil hominum sermone foris clarius. Ego tamen ³⁹ teneo ab accusando vix mehercule: sed tamen teneo, vel quod nolo cum Pompeio pugnare, (satis est, quod instat de

34 Propter ejus luctum.] E morte filii.

35 In urbem, hostium plane.] Nempe, quia Romæ ei omnes inimici erant. Lepide. Tunstallus mox interim conjungit cum committebat.

36 In re hæsit.] Tunstallus corrigit

irrepsit: Lipsius et Guilielmus mire hæsit.

37 Undique actus.] Pressus, vexatus.

38 Senatus - - ad unum.] Senatus, univ-

versus, ad unum omnis.

39 Teneo.] Int. vel adde me.

Milone,) vel quod ⁴⁰ iudices nullos habemus. ἀπότευγμα formido. addo etiam malivolentiam hominum: et timeo, ne illi, me accusante, aliquid accidat: nec despero, rem, et sine me, et nonnihil per me, confici posse. De ambitu postulati sunt omnes, qui consulatum petunt: a Memmio, Domitius: a Q. Curtio, bono et erudito adolescente, Memmius: a Q. Pompeio, Messala: a Triario, Scaurus. Magno res in motu est: propterea quod aut hominum, aut legum interitus ostenditur. Opera datur, ut iudicia ne fiant. Res videtur spectare ad interregnum. Consules comitia habere cupiunt: ⁴¹ rei nolunt, et maxime Memmius, quod ⁴² Caesaris adventu sperat se futurum consulem. sed mirum in modum jacet. Domitius cum Messala certus esse videbatur. Scaurus refrixerat. ⁴³ Appius sine lege curiata confirmat se Lentulo nostro successurum: qui quidem mirificus illo die (quod pæne præterii) fuit in Gabinium: accusavit majestatis, nomina data, cum ille verbum nullum. Habes forensia. Domi recte, et ipsa domus a redemptoribus tractatur non indiliger. Vale.

p. 323.
a.

ARGUMENTUM.

3

De rebus domesticis nonnulla: desiderium litterarum a Quinto: Comitiorum dilationes: Gabinii de ambitu reus: et Ciceronis Q. filii in rhetore audiendo diligentia.

MARCUS Q. FRATRI S.

OCCUPATIONUM mearum tibi signum sit librarii manus. Diem scito esse nullum, quo die non dicam pro reo. ita, quidquid conficio, aut cogito, in ambulationis fere tempus confero. Negotia nostra sic se habent: domestica vero, ut volumus. Valent pueri, studiose discunt, diligenter docentur, et nos, et inter se amant. Expolitiones utriusque nostrum sunt in manibus: sed tua ad perfectum jam res rustica Arcani et Laterii. Præterea de aqua et via nihil prætermisi quadam epistola, quin enucleate ad te perscriberem. sed me illa cura sollicitat, angitque vehementer, quod dierum jam amplius L intervallo nihil a te, nihil a

40 Iudices nullos habemus.] Bonos quidem.

41 Rei nolunt.] Sc. haberi comitia. rei, de ambitu: quod eorum ratio in creandis consulibus haberi non poterat.

42 Caesaris adventu.] Non in urbem vel ad urbem, sed in provinciam Galliam Transalpinam, ex qua multi ad comitia veniebant, quibus a Caesare commendari posset.

43 Appius sine lege curiata.] V. ep. ad Div. I, 9.

Cæsare, nihil ex istis locis, non modo litterarum, sed ne
 b. rumoris quidem affluxit. Me autem jam et mare istuc, et
 terra sollicitat: neque desino (ut fit in amore) ea, quæ mi-
 nime volo, cogitare. Quare non equidem jam te rogo, ut
 ad me de te, de rebus istis scribas, (numquam enim, cum
 potes, prætermittis,) sed hoc te scire volo, nihil fere um-
 quam me sic exspectasse, ut, cum hæc scribebam, litteras
 tuas. Nunc cognosce ea, quæ sunt in republica. Comi-
 tiorum quotidie singuli dies tolluntur obnuntiationibus,
 magna voluntate bonorum omnium: tanta invidia sunt
 consules propter suspicionem pactorum a candidatis præ-
 miorum. Candidati consulares quatuor, omnes rei, causæ
 sunt difficiles: sed enitemur, ut Messala noster salvus sit;
 quod est etiam cum reliquorum salute conjunctum. Gabi-
 nium de ambitu reum fecit P. Sulla, subscribente privigno
 Memmio, ⁴⁴ fratre Cæcilio Sullæ filio. Contradixit L. Tor-
 quatus. omnibusque libentibus non obtinuit. Quæris, quid
 fiat de Gabinio? scimus de majestate triduo: quo quidem
 in judicio odio premitur omnium generum: maxime testi-
 bus cæditur: accusatoribus frigidissimis utitur: consilium,
 varium: quæsitior gravis et firmus, Alfius; Pompeius, ⁴⁵ ve-
 hemens in iudiciis rogandis. Quid futurum sit, nescio:
 locum tamen illi in civitate non video. animum præbeo ad
 illius perniciem, moderatum; ad rerum eventum, lenissi-
 mum. Habes fere de omnibus rebus. Unum illud addam.
 Cicero tuus nosterque summo studio est Pæonii sui rhe-
 toris, hominis, opinor, valde exercitati et boni. sed nos-
 trum instituendi genus esse paullo cruditius, et *Σεικώτερον*,
 non ignoras. Quare neque ego impediri Ciceronis iter, at-
 que illam disciplinam volo, et ipse puer magis illo de-
 clamatorio genere duci et delectari videtur. in quo quo-
 niam ipsi quoque fuimus, patiamur illum ire nostris ilinc-
 ribus; eodem enim perventurum esse confidimus. sed tam-
 p. 324. ^{a.} men, si nobiscum eum rus aliquo eduxerimus, in hanc nos-
 tram rationem consuetudinemque inducemus. Magna enim
 nobis a te proposita merces est, quam certe nostra culpa
 numquam minus assequemur. Quibus in locis, et qua
 spe hiematurus sis, ad me quam diligentissime scribas ve-
 lim. Vale.

⁴⁴ *Fratre Cæcilio.*] Fratre uterjno.

Pro Gabinio, interpositis etiam minis.

⁴⁵ *Vehe mens in iudiciis rogandis.*]

ARGUMENTUM.

4

De Gabinio propter accusatoris et subscriptorum infantiam absoluto perseverabit, et quare nec eum accusarit, nec defenderit, sed tantum testimonium contra eum dixerit, ostendit: denique de rebus domesticis quædam addit.

MARCUS Q. FRATRI S.

GABINIUS absolutus est. omnino nihil accusatore Lentulo, subscriptoribusque ejus infantius, nihil illo consilio sordidius. sed tamen nisi incredibilis contentio, et preces Pompeii, dictaturæ etiam rumor, plenus timoris, fuisset, ipsi Lentulo non respondisset, qui tum illo accusatore, illorumque consilio sententiis condemnatus sit XXXII, cum LXX tulissent. Est omnino tam gravi fama hoc judicium, ut videatur reliquis judiciis periturus, et maxime de pecuniis repetendis. Sed vides nullum esse rempublicam, nullum senatum, nulla judicia, nullam in nullo nostram dignitatem. Quid plura de judiciis? duo prætorii sederunt, Domitius Calvinus; is aperte absolvit,⁴⁶ ut omnes viderent: et Cato; is,⁴⁷ direntis tabellis, de circulo se subduxit, et Pompeio primus nuntiavit. Ajunt nonnulli, Sallustius item, me oportuisse accusare. Iis ego judiciis committerem? Quid essem, si me agente, esset elapsus? Sed me alia moverunt. Non putasset sibi Pompeius de illius salute, sed de sua dignitate mecum esse certamen: in urbem intrasset: ad inimicitias res venisset: cum Æsernino Samnite Pacidianus comparatus viderer, auriculam fortasse mordicus abstulisset. cum Clodio quidem certe rediisset in gratiam. Ego vero meum consilium (si præsertim b. tu non improbas) vehementer approbo. Ille, cum a me singularibus meis studiis ornatus esset, cumque ego illi nihil deberem, ille mihi omnia, tamen in republica me a se dissentientem non tulit, (nihil dicam gravius,) et minus potens eo tempore, quid in me florentem posset, ostendit. nunc, cum ego ne eum quidem multum posse, res quidem publica certe nihil possit, unus ille omnia possit, cum illo ipso contenderem? sic enim faciendum fuisset. Non existimo te putare, id mihi suscipiendum fuisse. Alterutrum, inquit idem Sallustius, defendisses: idque Pompeio con-

46 *Ut omnes viderent.*] Sapit hoc glori-
sam: nisi indicat, eum ostendisse abstan-
tibus tabellam, antequam in urnam mitteret.

47 *direntis tabellis.*] Non dubitavi sic
essere pro *diruptis*, de judicio doctissimo-
rum virorum.

tendenti dedisses. etenim vehementer orabat. lepidum amicum Sallustium, qui mihi aut inimicitias putet periculosas subeundas fuisse, aut infamiam sempiternam. Ego vero hac mediocritate delector: ac mihi illud jucundum est, quod, cum testimonium secundum fidem et religionem gravissime dixissem, reus dixit, si in civitate licuisset sibi esse, mihi se satisfacturum: ⁴⁸ neque me quidquam interrogavit. De versibus, quos tibi a me scribi vis, deest mihi quidem opera, quæ non modo tempus, sed etiam animum vacuum ab omni cura desiderat: ⁴⁹ sed abest etiam ἐνδοξασμός. non enim sumus omnino sine cura venientis anni: etsi sumus sine timore. Simul et illud (sine ulla mehercule ironia loquor) tibi istius generis in scribendo ⁵⁰ priores partes tribuo, quam mihi. De bibliotheca tua Græca supplenda, ⁵¹ libris commutandis, Latinis comparandis; valde velim ista confici, præsertim cum ad meum quoque usum spectent. Sed ego, mihi ipsi ista per quem agam, non habeo. neque enim venalia sunt, quæ quidem placeant, et confici nisi per hominem, et peritum, et diligentem non possunt. Chrysippo tamen imperabo, et cum Tyrannione loquar. ⁵² De fisco quid egerit Scipio, quæram. quod videbitur rectum esse, curabo. De ⁵³ Ascanione, tu vero, quod voles, facies: me nihil interpono. De suburbano quod non properas, laudo: ut tu habeas, hortor. Hæc scripsi a. d. ix Kalend. Novemb. quo die ludi commitebantur, in Tusculanum proficiscens, ducensque mecum Ciceronem meum in ludum discendi, non lusionis. ea re ⁵⁴ non longius, quam vellem, quod Pomtino ad triumphum a. d. iiii Non. Novemb. volebam adesse. etenim erit nescio quid negotioli. Nam Cato et Servilius, prætores, prohibituos se minantur: nec, quid possint, scio. Ille enim et Appium consulem secum habebit, et prætores, et tribunos ple-

48 Neque me quidquam interrogavit.] Can testimonium dicrem: de interrogatione testium adi Clavem.

49 Sed abest etiam ἐνδοξασμός.] Qui sit ἐνδ. c sequentibus patet. non possum animum cogitatione rerum scribendarum ita implere et excitare, ut possim scribere ingeniose et cum gratia poetica. cf. ep. 5.

50 Priores partes tribuo quam mihi.] Valde languet hoc quam mihi, rectiusque abfuerit, etsi forma hæc quam post comparativum subinde in his epistolis occurrit,

ut supra notavimus,

51 Libris commutandis.] Melioribus exemplis.

52 De fisco quid egerit Scipio.] De ærario accipit Manutius: quid rei fuerit, ignoratur.

53 Ascanione.] Videtur servus Quinti fuisse.

54 Non longius, quam vellem.] Sententia videtur requirere brevius. fortasse scripsit Cicero quamquam vellem, sc. paullo longius ibi esse.

bis. sed minantur tamen: in primisque ἀρῇ πνέων ⁵⁵ Q. Scævola. Cura, mi suavissime et carissime frater, ut valeas.

ARGUMENTUM.

5

De libris de republica Sallustii monitu refingendis: de Cæsaris erga se amore: de versibus scribendis excusatio: de reipublicæ statu conquestio: de Gabinio a se non defenso, et de suo in libris Quinto emendis studio.

MARCUS Q. FRATRI S.

QUOD quæris, quid ⁵⁶ de illis libris egerim, quos, cum essem in Cumano, scribere institui: non cessavi, neque cesso: sed sæpe jam scribendi totum consilium rationemque mutavi. Nam jam duobus factis libris, in quibus, novendialibus iis feriis, quæ fuerunt Tuditano et Aquilio consulibus, sermo est a me institutus Africani, paullo ante mortem, et Lælii, Phili, Manilii, Q. Tuberonis et Lælii, generorum Fannii, et Scævolæ: sermo autem in novem et dies et libros distributus de optimo statu civitatis, et de optimo eive: sane texebatur opus luculenter, hominumque dignitas aliquantum orationi ponderis afferebat. Hi libri cum in Tusculano mihi legerentur, audiente Sallustio: admonitus sum ab illo, multo majore auctoritate illis de rebus dici posse, si ipse loquerer de republica, præsertim eum essem ⁵⁷ non Heraclides Ponticus, sed consularis, et is, qui in maximis versatus in republica rebus essem. quæ tam antiquis hominibus attribuerem, ea visum iri ficta esse. oratorium sermonem in illis nostris libris, quod esset de ratione dicendi, belle a me removisse; ad eos tamen retulisse, quos ipse vidissem: Aristotelem denique, quæ de republica et præstante viro scribat, ipsum loqui. Commovit me, et eo magis, quod maximos motus nostræ civitatis attingere non poteram, quod erant inferiores, quam illorum ætas, qui loquebantur. Ego autem id ipsum tum eram secutus, ne in nostra tempora incurrens, offenderem quempiam. Nunc et id vitabo, et loquar ipse tecum, et tamen illa, quæ institueram, ad te, si Romam venero, mittam. Puto enim, te existimaturum, a me libros illos non sine aliquo meo stomacho esse relictos. Cæsaris amore, quem

⁵⁵ Q. Scævola.] Tribunus plebis. ad Att. IV, 16.

⁵⁶ De illis libris.] De republica, opinor.

⁵⁷ Non Heraclides P.] Non Philosophus de schola et ex umbra.

ad me perscripsit, unice delector: promissis iis, quæ ostendit, non valde pendeo: nec honores sitio, nec desidero gloriam: magisque ejus voluntatis perpetuitatem, quam promissorum exitum exspecto. vivo tamen in ea ambitione et labore, tamquam id, quod non postulo, exspectem. Quod me de faciendis versibus rogas, incredibile est, mi frater, quam egeam tempore: nec sane satis commoveor animo ad ea, quæ vis, canenda. ὑποδείσεις vero ad ea, quæ ipse ego ne cogitando quidem consequor, tu, qui omnes ⁵⁶ isto eloquendi et exprimendi genere superasti, a me petis? Facerem tamen, ut possem: sed (quod te minime fugit) opus est ad poema quadam animi alacritate, quam plane mihi tempora eripiunt. Abduco equidem me ab omni reipublicæ cura, dedoque litteris: sed tamen indicabo tibi, quod mehercule in primis te celatum volebam. Angor, mi suavissime frater, angor, nullam esse reipublicam, nulla judicia, nostrumque hoc tempus ætatis, quod in illa auctoritate senatoria florere debebat, aut forensi labore jactari, aut domesticis litteris sustentari, illud vero, quod a pucro adamaram,

Αἰὲν ἀριστεύειν, καὶ ὑπείροχον ἔμμεναι ἄλλων,

totum occidisse: inimicos a me partim non oppugnatos, partim etiam esse defensos: meum non modo animum, sed ne odium quidem esse liberum: unumque ex omnibus Cæsarem esse inventum, qui me tantum, quantum ego vellem, amaret, aut etiam (sicut alii putant) hunc unum esse, qui vellet. Quorum tamen nihil est ejusmodi, ut ego ne non multa consolatione quotidie leniam: sed illa erit consolatio maxima, si una erimus. nunc ad illa vel gravissimum accedit tui desiderium. Gabiniū si, ut Pansa putat oportuisse, defendissem, concidissem: qui illum oderunt (ii sunt toti ordines) propter quem oderunt, meipsum odisse cœpissent. Tenui me, ut puto, egregie, tantum ut facerem, quantum omnes viderent. Et in omni summa, ut mones, valde me ad otium pacemque convertō. ⁵⁹ De libris, Tyrannio cēt cessator: Chrysippo dicam: sed res operosa est, et hominis perdiligentis. Sentio ipse, qui in summo studio nihil assequor. De Latinis vero, quo me vertam,

56 Isto -- genere superasti.] Forte superus melius.

59 De libris, &c.] Pertinet ad id, quod supra de bibliotheca fratris scripserat.

nescio: ita mendose et scribuntur, et veniunt: sed tamen quod fieri poterit, non negligam. ⁶⁰ Crebrius, ut ante ad te scripsi, Romæ est: et qui omnia adjurant, debere tibi valde rennuntiant. Ab ærario puto confectum esse, dum absum.

ARGUMENTUM.

G

Tragœdias a Quinto scriptas sibi mitti vult.

h.

MARCUS Q. FRATRI S.

QUATUOR tragœdias XVI diebus absolvisse cum scribas, tu quidquam ab alio mutuaris? et ⁶¹ κλέος quæris, cum Electram et Troadem scripseris? Cessator esse noli: et illud γνῶθι σεαυτὸν, noli putare ad arrogantiam minuendam solum esse dictum, verum etiam ⁶² ut bona nostra norimus. Sed et istas, et Erigonam mihi velim mittas. ⁶³ Habes ad duas epistolas proximas.

ARGUMENTUM.

7

Proluviem ingentem fuisse scribit et epistolas promittit.

MARCUS Q. FRATRI S.

ROMÆ et maxime Appia ad Martis, mira proluvies. Crassipedis ambulatio ablata, horti, tabernæ plurimæ: magna vis aquæ usque ad piscinæ publicam. Viget illud Homeri,

Ἡμεῖς ὁπωρινῶ, ὅτε λαγρότατον χέει ὕεωρ
Ζεὺς.

Cadit enim in absolutionem Gabinii

Ὅτε δὴ γ' ἀνδρεςσι κοτεσσάμενος χυλεπαίνη,
Οἱ βίη ἐν ἀγορῇ σκολιὰς κρίνωσι θέμιστας,
Ἐκ δὲ δίκην ἐλάσσωσι, θεῶν ὅπιν οὐκ ἀλέγοντες.

Sed hæc non curare decrevi. Romam cum venero, quæ perspexero, scribam ad te, et maxime de dictatura: et ad Labicnum, et ad Ligurium litteras dabo. Hanc scripsi

⁶⁰ Crebrius.] Qui sit, ignoramus.

⁶¹ Κλέος quæris? Κλέος ab h. l. alienum. Verum est χρέος, quod in Ms. reperit Junius. Χρέος est pecunia mutuo sumpta, id huic loco aptum, et illi ab alio mutuaris. Alemannus tamen e Ms. reg. dedit Et plenus quæris?

⁶² Ut b. n. norimus.] In hanc partem disputat Socrates de hoc dicto ap. Xenoph. Mem. Socr. III, 7. extr.

⁶³ Habes duas epistolas pr.] Verissime Ursinus addit ad, quod et recepi, cum et in Mss. regis repererit Alemannus.

ante lucem, ad lychnuchum ligneolum, qui mihi erat perjurundus, quod eum te ajebant, cum esses Sami, curasse faciendum. Vale, mi suavissime et optime frater.

8

ARGUMENTUM.

De Caesaris amicitia et cautione in litteris dandis adhibenda: de spe Candidatorum consulatus: de Dictaturæ timore, et de Milonis ludis.

MARCUS Q. FRATRI S.

SUPERIORI epistolæ quod respondeam, nihil est: quæ plena stomachi et querelarum est: quo in genere alteram quoque te scribis pridie Labieno dedisse; qui adhuc
 p. 327. non venerat. Delevit enim mihi omnem molestiam recentior epistola. Tantum te et moneo et rogo, ut in istis molestiis, et laboribus, et desideriis recordare, consilium nostrum quod fuerit perfectionis tuæ. Non enim commoda quædam sequebamur parva ac mediocria. Quid enim erat, quod discessu nostro emendum putaremus? Præsidium firmissimum petebamus et optimi et potentissimi viri benivolentia ad omnem statum nostræ dignitatis. ⁶⁴ Plura ponuntur in spe, quam in pecuniis: reliqua ad jacturam struuntur. Quare si crebro referes animum tuum ad rationem et veteris consilii nostri, et spei, facilius istos militiæ labores, ceteraque, quæ te offendunt, feres: et tamen cum volēs, depones. Sed ejus rei maturitas nequedum venit, et tamen jam appropinquat. Etiam illud te admoneo, ne quid ullis litteris committas; quod si prolatum sit, moleste feramus. Multa sunt, quæ ego nescire malo, quam cum aliquo periculo fieri certior. Plura ad te vacuo animo scribam, cum (ut spero) se Cicero meus belle habebit. Tu velim cures, ut sciam, quibus nos dare oporteat cas, quas ad te deinde litteras mittemus: Cæsarisne tabellariis, ut is ad te protinus mittat, an Labieni. Ubi enim isti sint Nervii, et quam longe absint, nescio. De virtute et gravitate Cæsaris, quam in summo dolore adhibuisset, magnam ex epistola tua accepi voluptatem. Quod me institutum ad illum poema jubes perficere; etsi distentus cum opera,

⁶⁴ Plura ponuntur in spe, quam in pecuniis, &c.] 1. e. plura faciendū sunt propter spem futuri boni, quā spem pecuniarum, aut pecunias ipsas, quas per legationem consequi potuissemus. reliqua omnia, ut pecuniæ, facile percant, et com-

parantur, ut sit, quod perdere possimus. Alemannus e Mss. regis dedit reliqua ad jacturam reservantur, i. e. eorum jacturam æquo animo feremus, quia iis carere possumus.

tum animo sum multo magis, quoniam tamen ex epistola, quam ad te miseram, cognovit Cæsar, me aliquid esse exorsum, revertar ad institutum; idque perficiam his supplicationum otiosis diebus: quibus Messalam jam nostrum, reliquosque molestia levatos, vehementer gaudeo: eumque b. quod certum consulem cum Domitio numeratis, nihil a nostra opinione dissentitis. Ego Messalam Cæsari præstabo. Sed Memmius ⁶⁵ in adventu Cæsaris habet spem: in quo illum puto errare: hic quidem friget. Seaurum autem jampridem Pompeius abjecit. res prolatae. ad interregnum comitia adducta. Rumor dictatoris injucundus bonis: mihi etiam magis, ⁶⁶ quæ loquuntur. Sed tota res et timetur, et refrigescit. Pompeius plane se negat velle: antea ipse mihi non negabat. ⁶⁷ Hirrus auctor fore videtur. O dii quam ineptus! quam se ipse amans sine rivali! ⁶⁸ Crassum Junianum, hominem mihi deditum, per me deterruit. velit, nolit, scire difficile est. Hirro tamen agente, nolle se non probabit. Aliud hoc tempore de republica nihil loquebantur. agebatur quidem certe nihil. Serrani Domestici filii funus perluctuosum fuit a. d. iix Kalend. Decemb. ⁶⁹ Laudavit pater scripto meo. Nunc de Milone. Pompeius ei nihil tribuit: ⁷⁰ et omnia Guttæ: dicitque se perfecturum, ⁷¹ ut in illo Cæsar incumbat. hoc horret Milo: nec injuria: et, si ille dictator factus sit, pæne diffidit. Interecessorem dictaturæ si juverit manu, et præsidio suo, Pompeium metuit inimicum. si non juverit: timet, ne per vim perferatur. Ludos apparat magnificentissimos: sic, inquam, ut nemo sumtuosiores: stulte bis, terque, ⁷² non postulatus: vel quia munus magnificum dederat, vel quia facultates non erant, ⁷³ vel quia magister, vel quia potuerat magistrum se, non ædilem putare. Omnia fere scripsi. Cura, mi carissime frater, ut valeas.

65 In adventu Cæsaris.] V. supra ad ep. 2.

66 Quæ loquuntur.] De dictatura et de futuro dictatore.

67 Hirrus auctor fore v.] Tribunus tum plebis.

68 Crassum Junianum.] De hoc v. Clav.

69 Laudavit pater scripto meo.] Oratione, quam de scripto recitavit, sed a me scripta.

70 Et omnia.] Forte at omnia G.

71 Ut in illo Cæsar incumbat.] Puto in delendum, ut illo incumbere sit illæ, in eam rem ac partem.

72 Non postulatus.] Conjeci non postulatus, nam ludi postulabantur a populo, non ii, qui edant.

73 Vel quia magister, &c.] Hæc non intelligo, neo explicare possum: nec Manutius satisfacit.

Varie de rebus publicis et domesticis perscribit.

MARCUS Q. FRATRI S.

DE Gabinio nihil fuit faciendum istorum, quæ aman-
tissime ⁷⁴ cogitata sunt. τότε μοι χάρις. feci summa cum gra-
vitate, ut omnes sentiunt, et summa cum lenitate, quæ feci.
illum neque ursi, neque levavi. testis vehemens fui: præ-
terea quievi. Exitum judicii foedum et perniciosum levis-
sime tuli. Quod quidem bonum mihi nunc denique redun-
dat, ut his malis reipublicæ licentiaque audacium, qua ante
rumpebar, nunc ne movear quidem. nihil est enim perditius
his hominibus, his temporibus. Itaque, ex republica quo-
niam nihil jam voluptatis capi potest: cur stomacher,
nescio. Litteræ me, et studia nostra, et otium, villæque
delectant, maximeque pueri nostri. Augit unus Milo. sed
velim finem afferat consulatus: in quo enitar non minus,
quam sum enisus in nostro: tuque istinc, quod facis, ad-
juvabis. De quo, cetera (nisi plane vis eripuerit) recte
sunt: de re familiari timeo,

‘Ο δὲ παίνεται οὐκ ἔρ’ ἀνεκτῶς

qui ludos ⁷⁵ H-S ccc comparet. cujus in hoc uno inconside-
rantiam et ego sustinebo, ut potero et tu ut possis, est tuo-
rum nervorum. De motu temporeni venientis anni, nihil
te intelligere volueram domestici timoris, sed de communi
reipublicæ statu: in quo etiamsi nihil procuro, tamen nihil
curare vix possum. Quam autem te velim cautum esse in
scribendo, ex hoc conjicito, quod ego ad te ne hæc quidem
seribo, quæ palam in republica turbantur, ne cujusquam
animum meæ litteræ interceptæ offendant. Quare domes-
tica cura te levatum volo. In republica scio quam sollici-
tus esse soleas. Video Messalam nostrum consulens, ⁷⁶ si
per interregem, sine judicio: si per dictatorem, tamen sine
periculo. odii nihil habet. Hortensii calor multum valebit.
Gabinii absolutio, lex impunitatis putatur. ἐν παρέργῳ: de

⁷⁴ Cogitata sunt.] Sc. a te. voluerat Quintus, fratrem ejus defensionem susci-
pere, in Caesaris, Pompeii, &c. gratiam.

⁷⁵ H-S ccc.] Numerum hunc esse justo
minorem, atque adeo vitiosum, in oculos
incurrit. mox inconsiderantiam dedi pro
considerantiam, ut voluit Manutius. Tun-

stallus tamen corrigit conversationem, p.
107. Sustinebo refero ad precium ei
suppeditandam, si indigeat: id patet ex eo,
quod id dicit esse nervorum Quinti.

⁷⁶ Si per interregem.] Int. comitia
habebuntur. cf. Att. V, 12.

dictatore tamen actum adhuc nihil est. Pompeius abest: Appius miscet: Hirrus parat: multi intercessores numerantur: populus non curat: principes nolunt: ego quiesco. De mancipiis, quod mihi polliceris, valde te amo: et sum equidem, uti scribis, et Romæ, et in prædiis infrequens. Sed cave, amabo, quidquam, quod ad meum commodum attineat, nisi maximo tuo commodo, et maxima tua facultate, mi frater, cogitaris. De epistola Vatinius, risi. sed me ab eo ita observari scio, ut ejus ista odia non sorbeam solum, sed etiam concoquam. Quod me hortaris, ut absolvam: habeo absolutum suave, mihi quidem uti videtur, εἰς ad Cæsarem: sed, quaero locupletem tabellarium, ne accidat quod Erigonæ tuæ: cui soli, Cæsare imperatore, iter ex Gallia tutum non fuit. * * Quid? si cæmentum bonum ⁷⁷ non habeam, deturbem ædificium? quod quidem quotidie mihi magis placet: in primisque inferior porticus, et ejus conclavia fiunt recte. De Arcano, Cæsaris opus est, vel mehercule etiam elegantioris alicujus. imagines enim istæ, et palæstra, et piscina, et nilus, multorum Philotimorum est, non Diphilorum. sed et ipsi ea adibimus, et mittemus, et mandabimus. De Felicis testamento tum ⁷⁸ magis querere, si scias. Quas enim tabulas se putavit obsignare, ⁷⁹ in quibus in uncis firmissimum tenuerat, (lapsus est per errorem et summ, et Sicuræ servi,) non obsignavit: quas noluit, eas obsignavit. ἀλλ' οἰμωζέω. nos modo valemus. Ciceronem, et ut rogas, amo, et ut meretur, et ut debeo. Dimitto autem a me, et ut a magistris ne abducam, et quod mater Pomponia discedit, sine quæ edacitatem pueri pertimesco. sed sumus una tamen valde multum. Rescripsi ad omnia, mi suavissime et optime frater.

⁷⁷ Non habeam.] Sic correxi vulgatum habere, quia sequitur deturbem.

⁷⁸ Magis querere.] Sic pro vulgato querens legi volebat editor Flagicus. ego in re manifesta sic corrigere non dubitavi. vestigium vere lectionis est in ed. Jcuso-

ni, quæ habet querar.

⁷⁹ In quibus in uncis firmissimum tenuerat.] In quibus heredes fecerat ex uncis singulis, idque non mutarat, cum autem scriptum testamentum repudiasset.

M. TULLII CICERONIS
EPISTOLARUM

BRUTUM

LIBER SINGULARIS.

ARGUMENTUM.

1

De L. Clodii Trib. pl. singulari et cognito in se Brutumque amore et fide accurate scribit.

CICERO BRUTO S. D.

L. CLODIUS, tribunus plebis designatus, valde me diligit, vel, ut ἐμφατικώτερον ¹dicam, valde me amat. quod cum mihi ita persuasum sit, non dubito (bene enim me nosti) quin illum quoque iudices a me amari. Nihil enim mihi minus hominis videtur, quam non respondere in amore iis, a quibus provocere. Is mihi visus est suspicari, nec sine magno quidem dolore, aliquid a suis, vel ²per suos potius iniquos ad te esse delatum, quo tuus animus a se esset alienior. Non soleo, mi Brute, (quod tibi notum esse arbitror,) temere affirmare de altero. est enim periculosum, propter occultas hominum voluntates, multiplicesque naturas. Clodii animum perspectum habeo, cognitum, iudicatum. multa ejus indicia: sed ad scribendum non necessaria. Volo enim hoc testimonium tibi videri potius, quam epistolam. Auctus Antonii beneficio est. ejus ipsius beneficii magna pars a te est. itaque cum salvis nobis vellet salvum. In eum autem locum rem adductam intelligit, (est enim, ut scis, minime stultus,) ut ³utrique salvi esse non possint.

1 Dicam.] Deleri volunt Gruterus et alii, quia in Mss. non repererunt. delevit Almannus, non repertum in Mss. regijs. abest et ed. Rom. Sed Jens. Oratandr. habent, hæc quidem, opinor, e Mss. Germ. itaque servavi, cum et durius abfuerit.

2 Per suos p. iniquos.] Sic Mss. fere et edd. pr. quia et alibi iniqui substantive dicuntur a Cicerone, v. Clav. in h. v. id pro inimicos recepi.

3 Utrique salvi esse non possint.] Mihi semper visum est, legendum esse possimus: nam præcedit salvis nobis vellet salvum.

itaque nos mavult. De te vero amicissime et loquitur, et sentit. Quare si quis secus ad te de eo scripsit, aut si coram locutus est, peto a te etiam atque etiam, mihi ut potius credas, qui et facilius judicare possum, quam ille nescio quis, et te plus diligo. Clodium tibi amicissimum existima, civemque talem, qualis et prudentissimus, et fortuna b. optima esse debet.

ARGUMENTUM.

2

Respondet epistola de cohortibus quinque a Dolabella in Cherronesum missis, ejusque clementiam miratur, et Bruti consilium de eo persequendo laudat. In seditionis auctoribus dimittendis clementiam Bruti reprehendit, et suas in Antonium invectivas defendit.

CICERO BRUTO S.

SCRIPTA et obsignata jam epistola, litteræ mihi redditæ sunt a te, plenæ rerum novarum, ⁴maximeque mirabilem. Dolabellam quinque cohortes misisse in Cherronesum? Adeone copiis abundat, ut is, qui ex Asia fugere dicebatur, Europam appetere conetur? Quinque autem cohortibus quid se nam facturum arbitratus est, cum tu eo quinque legiones, optimum equitatum, maxima auxilia haberes? quas quidem cohortes spero jam tuas esse, quoniam latro ille tam fuit demens. ⁵Tuum consilium vehementer laudo, quod non prius exercitum Apollonia, Dyrrachioque movisti, quam de Antonii fuga audisti, ⁶Bruti eruptione, populi Romani victoria. Itaque, quod scribis, postea statuisse te ducere exercitum in Cherronesum, nec pati, sceleratissimo hosti ludibrio esse imperium populi Romani, facis ex tua dignitate, et e republica. Quod scribis de seditione, quæ facta est in legione quarta, ⁷de Antoniis, (in bonam partem accipies,) ⁸magis mihi probatur militum severitas, quam tua. Te benivolentiam exercitus equitumque expertum, vehementer gaudeo. De Dolabella, ut scri-

⁴ *Maximeque mirabile.*] Vulgo libri olim habebant *mirabiles*. Manutius putavit corrigendum esse *mirabilem*. et sic est in ed. Rom. unde recepi. nam et nunc vulgata *m. mirabile*, ut intelligatur hoc est, durior est.

⁵ *Tuum consilium.*] Sic fere Mss. et edd. pr. Vulgo est *et tuum consilium*.

⁶ *Bruti eruptione.*] D. Bruti e Matina, ubi ab Antonio obsidebatur.

⁷ *De Antoniis.*] Sic edd. pr. post editum est de Catoniis, nescio e quo libro, ut et Mss. Paris. habent, unde Manutius suspicabatur verum fuisse C. Antonio, qui seditionis auctor fuisset: bene.

⁸ *Magis mihi probatur militum severitas, quam tua.*] Militum severitas, qui Antonium volvere occidi, quam tua, qui dimisisti. v. Dio Cassius L. 47. p. 340. Sed videtur excidisse atque addenda esse lenitas.

bis, si quid habes novi, facies me certiozem: in quo valde delector, me ante providisse, ut tuum iudicium liberum esset cum Dolabella belli gerendi: et id valde pertinuit, ut ego tum intelligebam, ad rempublicam, ut nunc iudico, ad dignitatem tuam. Quod scribis, ⁹ me maximo otio egisse, ut insectarer Antonios, idque laudas; credo ita videri tibi: sed illam distinctionem tuam nullo pacto probo. Scribis enim *acrius prohibenda bella civilia esse, quam in superatos iracundiam exercendam*. Vehementer a te, Brute, dissensio: nec clementiæ tuæ concedo; sed salutaris severitas vincit inanem speciem clementiæ. Quodsi clementes esse volumus, numquam decerunt bella civilia. Sed de hoc tu videris. De me possum idem, quod Plautinus pater in Trinummio: *mihî quidem ætas acta ferme est: tua istuc refert maxime*. Opprimemini, (mihî crede,) Brute, nisi provideritis. Neque enim populum semper eundem habebitis, neque senatum, neque ¹⁰ senati ducem. Hæc ex oraculo Apollinis Pythii edita tibi puta. nihil potest esse verius. xiv Kalend. Maias.

ARGUMENTUM.

Octavianum laudat, et lætitiæ Romæ e victoria Consulum et D. Bruti ortam commemorat: Liberalitatem ejus in seditionis auctoribus reprehendi Romæ, et omnes Antonianos hostes judicatos esse scribit.

M. T. C. M. BRUTO S.

NOSTRÆ res meliore loco videbantur. Scripta enim ad te certo scio, quæ gesta sunt. quales tibi sæpe scripsi consules, tales exstiterunt. Cæsaris vero pueri mirifica indoles virtutis. Utinam tam facile eum florentem et honoribus, et gratia, regere ac tenere possimus, quam facile adhuc tenuimus! Est omnino illud difficilior: sed tamen non diffidimus. Persuasum est enim adolescenti, et maxime per me, ejus opera nos esse salvos. et certe, nisi is Antonium ab urbe avertisset, periissent omnia. Triduo vero, aut quadriduo ante hanc rem pulcherrimam, timore quodam perculsa civitas tota ad te se cum conjugibus et liberis effundebat. eadem, recreata a. d. xii Kalend. Maias, te huc venire, quam se ad te ire malebat. Quo quidem die magnorum meorum laborum

⁹ Me maximo otio egisse.] Hoc nullum sensum habet. Manutius bene maximo Jena. senatus. animo; alii edidit, illud melius.

¹⁰ Senati ducem.] Sic ed. Rom. Sed

multarumque vigiliarum fructum cepi maximum, si modo est aliquis fructus ex solida veraque gloria. Nam tanta^{b.} multitudinis, quantam capit urbs nostra, concursus est ad me factus. ¹¹Ea cum usque in Capitolium deductus, maximo clamore atque plausu ¹²in rostris collocatus sum. Nihil est in me inane: neque enim debet: sed tamen omnium ordinum consensus, gratiarum actio, gratulatioque, me commovet; propterea quod ¹³popularem me esse in populi salute, præclarum est. ¹⁴Sed hæc te malo ab aliis. me velim de tuis rebus, consiliisque facias diligentissime certior: illudque consideres, ne tua liberalitas dissolutior videatur. Sic sentit senatus, sic populus Romanus, nullos umquam hostes digniores omni supplicio fuisse, quam eos cives, qui hoc bello contra patriam arma ceperunt: quos quidem ego omnibus sententiis ulciscor, et persequor, omnibus bonis approbantibus. Tu quid de hac re sentias, tui iudicii est. Ego sic sentio, trium fratrum unam et eandem esse causam. Consules duos, bonos quidem, sed duntaxat bonos, amissimus. Hirtius quidem in ipsa victoria occidit, cum paucis diebus magno prælio ante vicisset. Nam Pansa fugerat, vulneribus acceptis, quæ ferre non potuit. Reliquias hostium Brutus persequitur, et Cæsar. Hostes autem omnes iudicati, qui M. Antonii sectam secuti sunt. Itaque id senatus consultum plerique interpretantur, etiam ad tuos, sive captivos, sive dediticios pertinere. Equidem nihil disserui durius, cum nominatim de C. Antonio decernerem, quod ita statueram, a te ¹⁵cognoscere causam ejus senatum oportere. x Kalend. Maias.

ARGUMENTUM.

4

Respondet superiori epistola, et reprehensionem nimie in C. Antonium clementie diluit. Monet, ne nimis honoribus Octaviano tribuendis malum exemplum inducatur, quo regnandi cupidi abutantur, atque illis ita regnandi occasio detur, quod se vehementer timere ostendit.

BRUTUS CICERONI S.

QUANTA sim lætitia affectus, cognitis rebus Bruti nostri, et consulum, facilius est tibi existimare, quam mihi p. 275.

11 Ea cum -- deductus.] Videtur excidisse ab initio ab, et in fine essem.

12 In rostris collocatus sum.] Ut concionarer sc. de victoria apud Mutinam.

13 Popularem me esse.] Gruterus me deleri volebat. bene.

14 Sed hæc te malo ab aliis.] Omisi audivere, quod in fine addunt vulgati. abest ed. Rom. Vict. et Mss. Paris.

15 Cognoscere causam -- oportere.] Sc. ante, quam iudicaret ac decerneret.

scribere. Cum alia laudo, et gaudeo accidisse, tum quod Bruti eruptio non solum ipsi salutaris fuit, sed etiam maximo ad victoriam adjumento. Quod scribis, trium Antoniorum unam atque eandem causam esse: quid ego sentiam, mei iudicii esse: statuo nihil, nisi hoc: Senatus aut populi Romani iudicium esse de iis civibus, qui pugnantes non interierint. At hoc ipsum, inquires, inique facis, qui hostilis animi in rempublicam homines, cives appelles. Immo iustissime. Quod enim nondum senatus censuit, nec populus Romanus iussit, id arroganter non præjudico, neque revoco ad arbitrium meum. Illud quidem non muto, quod ei, quem me occidere res non coegit, neque crudeliter quidquam eripui, neque dissolute quidquam remisi: habuique in mea potestate, quoad bellum fuit. Multo quidem honestius iudico, magisque quod concedere possit respublica, miserorum fortunam non insectari, quam infinite tribuere potentibus, quæ cupiditatem et arrogantiam incendere possint. Qua in re, Cicero, vir optime ac fortissime, mihi que merito, et meo nomine, et reipublicæ, carissime, nimis credere videris spei tuæ: statimque, ut quisque aliquid recte fecerit, omnia dare ac permittere: quasi non liceat traduci ad mala consilia corruptum largitionibus animum. Quæ tua est humanitas, æquo animo te moneri patieris, præsertim de communi salute: facies tamen, quod tibi visum fuerit: etiam ego, cum me docueris. Nunc, Cicero, nunc agendum est, ne frustra, oppressum esse Antonium, gavisi simus, neu semper ¹⁶ primi cujusque mali excidendi causa sit, ut aliud renascatur illo pejus. Nihil jam
b. ¹⁷ neque opinantibus, aut patientibus nobis, adversi evenire potest, in quo non cum omnium culpa, tum præcipue tua futura sit: cujus tantam auctoritatem senatus ac populus Romanus non solum esse patitur, sed etiam cupit, quanta maxima in libera civitate unius esse potest: quam tu non solum bene sentiendo, sed etiam prudenter tueri debes. Prudentia porro, ¹⁸ quæ tibi superest, nulla abs te desideratur, nisi modus in tribuendis honoribus. Alia omnia sic abunde adsunt, ut cum quolibet antiquorum ¹⁹ comparari

16 *Primi mali excidendi causa sit.*] Brutus vult dicere, neu semper primi mali sublati hic effectus sit, sc. ne semper propterea aliquod malum tollamus, ut aliud inducatur, idque fere majus.
 17 *Neque opinantibus aut patientibus*

nobis.] Præter opinionem, aut contra voluntatem nostram. neque ad utrumque, opinantibus et patientibus pertinet, estque pro non.

18 *Quæ tibi superest.*] Abunde suppetit.

19 *Comparari possint tuæ virtutes.*] Mss.

possunt tuæ virtutes. ²⁰ unum hoc, grato animo liberalique profectum, cautio-rem ac moderatiorem liberalitatem desiderat. Nihil enim senatus cuiquam dare debet, quod male cogitantibus exemplo aut præsidio sit. Itaque timeo ²¹ de consulatu, ne Cæsar tuus altius se adscendisse putet decretis tuis, ²² quam inde, si consul factus sit, descensurum. Quodsi Antonius, ²³ ab alio relictum regni instrumentum, occasionem regnandi habuit: quonam animo fore putas, si quis, auctore, non tyranno interfecto, sed ipso senatu, putet se imperia quælibet concupiscere posse? Quare tum et felicitatem, et providentiam laudabo tuam, cum exploratum habere cœpero, Cæsarem honoribus, quos acceperit, extraordinariis fore contentum. Alienæ igitur, inquires, culpæ ²⁴ me reum subicies? Prorsus alienæ, si provideri potuit, ne existeret, quod utinam inspectare possis timorem de illo meum! Hic litteris scriptis, te consulem factum audivimus. tum vero incipiam proponere mihi reipublicam justam, et jam suis nitentem viribus, si isthuc videro. Filius valet, et in Macedoniam cum equitatu præmissus est. Idibus Maii, ex castris.

ARGUMENTUM.

5

Scribit a Senatu permissum esse arbitrio Bruti rem de Dolabella persequendo, de eaque suam consilium ostendit: Filium suum se velle in collegium Pontificum minorum absentem cooptari, idque per leges Domitiam et Juliam fieri posse demonstrat; de quo sententiam Bruti scire cupit.

CICERO BRUTO S.

p. 276.

2.

A. D. v Kalendas Maias, cum de iis, qui hostes ²⁵ judicati sunt, bello persequendis, sententiæ dicerentur, dixit Servilius etiam de Ventidio, et ut Cassius persequeretur Dolabellam. Cui cum essem assensus, decrevi hoc amplius, ut tu, si arbitrarere utile, eque republica esse, persequere bello Dolabellam: si minus id commodo reipublicæ

Paris. tuæ virtutes conjungunt cum sequentibus, ut et in aliis reperit Manutius.

²⁰ *Unum hoc, grato animo lib. profectum, &c.*] Sensum esse puto: in uno hoc, quamquam grati liberalisque animi documentum et opus est, moderatio liberalitatis desideratur.

²¹ *De consulatu.*] Si Cæsar consul factus sit.

²² *Quam inde descensurum.*] Pro, quam ut inde descendere sustineat aut possit descendere. est sane durius, sed alius sensus

commodus exsculpi e verbis non potest.

²³ *Ab alio relictum regni instrumentum.*] Ab alio, a Cæsare. regni instrumentum et infra ep. 15. dicitur *delatum ad Antonium et Lepidum*, ubi vide.

²⁴ *Me reum facies.*] Mss. Paris. *me reum subicies*, teste Alemanno, et alii, testo Jac. Gronovio, item edd. Rom. Jena. nec dubitavi cum Alemanno recipere. et est elegantius vulgato *facies*.

²⁵ *Judicati sunt.*] Usitatus esset *judicati essent*.

facere posses, sive non existimares e republica esse, ut in iisdem locis exercitum contineres. Nihil honorificentius potuit facere senatus, quam ut tuum esset iudicium, quid maxime conducere reipublicæ tibi videretur. Equidem sic sentio, si munus habet, si castra, si ubi consistat uspiam. Dolabella: ad fidem, et ad dignitatem tuam pertinere, cum persequi. De Cassii nostri copiis nihil sciebamus. neque enim ab ipso ullæ litteræ, neque nuntiabatur quidquam, quod pro certo haberemus. Quantopere autem intersit, opprimi Dolabellam, profecto intelligis; cum ut sceleris poenas persolvat, tum ne sit, quo se latronum duces ex Mutinensi fuga conferant. Atque hoc mihi jam ante placuisse, potes ex superioribus meis litteris recordari: quamquam tum et fugæ portus erat in tuis castris, et subsidium salutis in tuo exercitu. quo magis nunc liberati (ut spero) periculis, in Dolabella opprimendo occupati esse debemus. Sed hæc cogitabis diligentius, statues sapienter: facies nos, quid constitueris, et quid agas, (si tibi videbitur,) certiores. Ciceronem nostrum ²⁶ in vestrum collegium cooptari volo. Existimo omnino, absentium rationem, sacerdotum comitiis posse haberi. nam etiam factum est antea. C. enim Marius, cum in Cappadocia esset, lege Domitia factus est augur: nec, quo minus id postea liceret, ulla lex sanxit. Est etiam in lege Julia, quæ lex est de sacerdotiis proxima, his verbis, QUI PETIT, CUJUSVE RATIO HABEBITUR. ²⁷ aperte indicat, posse rationem haberi etiam non præsentis. Hac de re scripsi ad eum, ut tuo iudicio uteretur, sicut in rebus omnibus. Tibi autem statuendum est de Domitio, et de Catone nostro. Sed quamvis liceat absentis rationem haberi, tamen omnia sunt præsentibus faciliora. Quodsi statueris in Asiam tibi eundem, nulla erit ad comitia nostros arcessendi facultas. Omnino, Pansa vivo, celeriora omnia putabamus. statim enim collegam sibi subrogasset: deinde ante prætoria, sacerdotum comitia fuissent. Nunc per auspicia longam moram video. Dum enim unus erit patricius magistratus, ²⁸ auspicia ad patres redire non possunt. magna sane perturbatio. Tu tota de re quid sentias, velim me facias certiorum. III Nonas Maias. Vale.

²⁶ In vestrum collegium.] Pontificum.

²⁷ Aperte indicat.] Lex his verbis, que scripsi.

²⁸ Auspicia ad patres redire non possunt.] Ut sc. interrex creari, et per eum comitia consularia et Pontificum haberi possint.

ARGUMENTUM.

Respondet epistolæ superiori: Glauconæ medicum Pansæ, ut e custodia eripiat, rogat; Flaviū, qui cum Dyrrhachinis litem habebat, commendat, et de Dolabella fugato cæsoque certiores facit.

BRUTUS CICERONI S.

NOLI exspectare, dum tibi gratias agam. jampridem hoc ex nostra necessitudine, quæ ad summam benivolentiam pervenit, sublatum esse debet. Filius tuus a me abest. in Macedonia congregiemur. Jussus est enim Ambracia ducere equites per Thessaliam, et scripsi ad eum, ut mihi Heracleam occurreret. Cum eum videro, quoniam nobis permittis, communiter constituemus de reditu ejus ad petitionem, aut ad commendationem honoris. Tibi Glauconæ, medicum Pansæ, qui sororem Achilleos nostri in matrimonio habet, diligentissime commendo. audimus, eum venisse in suspicionem Torquato ^{p. 277.} ^{a.} de morte Pansæ, custodiri que, ut parricidam. nihil minus credendum est. quis enim majorem calamitatem morte Pansæ accepit? præterea est modestus homo, et frugi: quem ne utilitas quidem videatur impulsura fuisse ad facinus. Rogo te, et quidem valde rogo, (nam Achilleus noster non minus, quam æquum est, laborat,) eripias eum ex custodia, conservesque. Hoc ego ad meum officium privatarum rerum æque, atque ullam aliam rem pertinere arbitror. Cum has ad te scriberem litteras, ab Satrio, legato C. Trebonii, reddita est mihi epistola, ³⁰ a Tillio et Deiotaro, Dolabellam cæsum fugatumque esse. Græcam epistolam tibi misi Cycherei cujusdam, ad Satrium missam. Flavius noster de controversia, quam habet cum Dyrrachinis hereditariam, sumsit te judicem. rogo te, Cicero, et Flavius rogat, rem conficias. quin ei, qui Flavium fecit heredem, pecuniam debuerit civitas, non est dubium: neque Dyrrachini infitiantur; sed sibi donatum æs alienum a Cæsare dicunt. Noli pati, ³¹ a necessariis tuis necessario meo injuriam fieri. xvii Kalend. Jun. ex castis, ad imam Candaviam.

29 De Morte Pansæ.] Quasi venenum in vulnus indiderit: quæ tum suspicio fuit. v. Svet. Aug. c. 11. fait, non Tullius, ut omnes hodie sciunt et consentiunt.

30 a Tillio.] Sic correxi vulgatam Tullio. est enim sermo de Cimbro, qui Tullius, qui erant in Ciceronis clientela, ut ipse testatur pro Plancio, c. 41.

L. Bibulum ut in Pansæ locum nominet, rogat.

BRUTUS CICERONI S.

L. BIBULUS quam carus mihi esse debeat, nemo melius judicare potest, quam tu: cujus tantæ pro republica contentiones, sollicitudinesque fuerunt. Itaque vel ipsius virtus, vel nostra necessitudo debet conciliare te illi: quo
 b. minus multa mihi scribenda esse arbitror. Voluntas enim te movere debet nostra, si modo justa est, aut pro officio necessario suscipitur. In Pansæ locum petere constituit. eam nominationem a te petimus. neque conjunctiori dare beneficium, quam nos tibi sumus, neque digniorem nominare potes, quam Bibulum. De Domitio et Apuleio quid attinet me scribere, cum ipsi per se tibi commendatissimi sint? Apulcium vero tu tua auctoritate sustinere debes. Sed Apuleius in sua epistola celebrabitur. Bibulum noli dimittere ex sinu tuo, tantum jam virum, ex quanto, crede mihi, potest evadere, qui vestris paucorum respondeat laudibus.

C. Nasennium municipem Suessanum commendat.

CICERO BRUTO S.

MULTOS tibi commendavi, et commendem, necesse est. optimus enim quisque vir, et civis, maxime sequitur judicium tuum, tibi que omnes fortes viri navare operam et studium volunt: nec quisquam est, quin ita existimet, meam apud te et gratiam et auctoritatem valere plurimum. Sed C. Nasennium, municipem Suessanum, tibi ita commendo, ut neminem diligentius. Cretensi bello, Metello imperatore, octavum principem duxit: postea in re familiari occupatus fuit. Hoc tempore cum reipublicæ partibus, tum tua excellenti dignitate commotus, vellet per te aliquid auctoritatis assumere. Fortem virum, Brute, tibi commendo, frugi hominem, et, si quid ad rem pertinet, etiam locupletem. Pergratum mihi erit, si eum ita tractaris, ut merito tuo mihi grāas agere possit.

ARGUMENTUM.

9

Brutum, de re, nesciunt eruditi qua, exquisita arte consolatur et ad fortitudinem cohortatur.

CICERO BRUTO S.

p. 278.

u.

FUNGERER officio, quo tu functus es in meo luctu, teque per litteras consolarer, nisi scirem, his remediis, quibus meum dolorem tu levasses, te in tuo non egere: ac velim facilius, quam tunc mihi, nunc tibi tute medeare. Est enim alienum tanto viro, ut es tu, quod alteri præceperit, id ipsum facere non posse. Me quidem cum rationes, quas collegeras, tum auctoritas tua, a nimio mærore deterruit. Cum enim mollius tibi ferre viderer, quam deceret virum, præsertim cum, qui alios consolari soleret; accusasti me per litteras gravioribus verbis, quam tua consuetudo ferebat. Itaque iudicium tuum magni æstimans, idque veritus, me ipse collegi: et ea, quæ didiceram, legeram, acceperam, graviora duxi, tua auctoritate addita. Ac mihi tum, Brute, officio solum erat, et naturæ; tibi nunc populo et scenæ (ut dicitur) serviendum est. Nam cum in te non solum exercitus tui, sed omnium civium, ac pæne gentium coniecti oculi sint, minime decet, propter quem fortiores ceteri sumus, cum ipsum animo debilitatum videri. Quam ob rem acceperisti tu quidem dolorem, (id enim amisisti, cui simile in terris nihil fuit,) et est dolendum in tam gravi vulnere, (ne id ipsum, carere omni sensu doloris, sit miserius, quam dolere,) sed, ut modice, ceteris utile est, tibi necesse est. Scriberem plura, nisi ad te hæc ipsa nimis multa essent. Nos te, tuumque exercitum exspectamus: sine quo, ut reliqua ex sententiâ succedant, vix satis liberi videmur fore. De tota república plura scribam, et fortasse jam certiora his litteris, quas Veteri nostro cogitabam dare.

ARGUMENTUM.

10

Quomodo bellum ad Mutinam geratur, et quid de Octaviano recreatur, totumque reip. statum perscribit; hortaturque, ut ex senatus auctoritate celeriter cum exercitu in Italiam veniat, Cassiumque, ut idem faciat hortetur.

CICERO BRUTO S.

b.

NULLAS adhuc a te litteras habebamus: ne famam quidem, quæ declararet, te, cognita senatus auctoritate, in

Italiam adducere exercitum : quod ut faceres, idque maturares, magnopere desiderabat respublica. Ingravescit enim in dies intestinum malum, nec externis hostibus magis, quam domesticis laboramus : qui erant omnino ab initio belli, sed facilius frangebantur. Erectior senatus erat, non sententiis solum nostris, sed etiam cohortationibus excitatus. Erat in senatu satis vehemens et acer Pansa, cum in ceteros hujus generis, tum maxime in socerum : cui consuli non animus ab initio, non fides ad extremum defuit. Bellum ad Mutinam gerebatur, nihil ut in Cæsare reprehenderes ; nonnulla in Hirtio. hujus belli fortuna, ut in secundis, fluxa : ut in adversis, bona. erat victrix respublica, cæsis Antonii copiis, ipso expulso a Bruto. Deinde ita multa peccata, ut quodammodo victoria excideret e manibus, perterritos, inermes, saucios non sunt nostri duces persecuti : datumque Lepido tempus est, in quo levitatem ejus, sæpe perspectam, majoribus in malis experiremur. Sunt exercitus boni, sed rudes, Bruti et Planci. Sunt fidelissima et maxima auxilia Gallorum, sed Cæsarem meis consiliis adhuc gubernatum, præclara ipsum indole, admirabilique constantia, improbissimis litteris quidam, fallacibusque interpretibus ac nuntiis impulerunt in spem certissimam consulatus. Quod simul atque sensi ; neque ego illum absentem litteris monere destiti, nec accusare præsentem ejus necessarios, qui ejus cupiditati suffragari videbantur : nec in senatu sceleratissimorum consiliorum fontes aperire dubitavi : nec vero ulla in re memini, aut senatum meliorem, aut magistratus. Numquam enim in honore extraordinario potentis hominis, vel potentissimi potius, (quandoquidem potentia jam in vi posita est, et armis,) accidit, ut nemo tribunus plebis, nemo alio magistratu, nemo privatus, auctor existeret. sed in hac constantia atque virtute, erat tamen sollicita civitas. Illudimur enim, Brute, cum militum deliciis, tum imperatoris insolentia. Tantum quisque se in republica posse postulat, quantum habet virium. non ratio, non modus, non lex, non mos, non officium valet : non judicium, non existimatio civium, non posteritatis verecundia. Hæc ego multo ante prospiciens, fugiebam ex Italia, tum, cum me vestrorum edictorum fama revocavit. Incitavisti vero tu me, Brute, Veliaë. quamquam enim dolebam, in eam me

urbem ire, quam tu fugeres, qui eam liberavisses, quod mihi quoque quondam acciderat, periculo simili, casu tristiore: perrexī tamen, Romamque perveni, nulloque præsidio quatefecī Antonium: contraque ejus arma nefanda, præsidia, quæ oblata sunt, Cæsaris consilio et auctoritate firmavi. qui si steterit idem, mihiq̃ue paruerit satis videmur habituri præsidiī. sin autem impiorum consilia plus valuerint, quam nostra; aut imbecillitas ætatis non potuerit gravitatem rerum sustinere: spes omnis est in te. Quam ob rem advola, obsecro, atque eam rempublicam, quam virtute, atque animi magnitudine magis, quam eventis rerum liberasti, exitu libera. omnis omnium concursus ad te futurus est. Hortare idem per litteras Cassium. Spes libertatis nusquam, nisi ³² in vestrorum castrorum principiis est. Firmos omnino et duces habemus ³³ ab occidente, et exercitus. Hoc adolescentis præsidium equidem adhuc firmum esse confido. sed ita multi labefactant, ut, ne moveatur, interdum extimescam. Habes totum reipublicæ statum: qui quidem tum erat, cum has litteras dabam. Velim deinceps meliora sint: sin aliter fuerit (quod dii omen avertant!) reipublicæ vicem dolebo: quæ immortalis esse debebat. mihi quidem quantum reliqui est?

ARGUMENTUM.

11

Veteris Antistii animum in remp. laudat; et ipsius petitionem præturæ ut adjuvet, ceterisque in rebus eum complectatur, rogat.

BRUTUS CICERONI S.

VETERIS Antistii talis animus est in rempublicam, ut non dubitem, quin et in Cæsare et Antonio se præstaturus fuerit acerrimum propugnatorem communis libertatis, si occasione potuisset occurrere. Nam, qui in Achaia congressus, P. Dolabella milites atque equites habente, quodvis adire periculum, ex insidiis paratissimi ad omnia latronis, maluerit, quam videri aut coactus esse pecuniam

³² *In vestrorum castr. principiis est.]* Principiis offendit viros doctos. Manutius, si unus liber antiquus haberet *presidiis*, id se prælatum dixit. Sed habet ed. Rom. Jensonus primus *principiis* dedit, sic autem videtur dixisse Cicero, si tamen dixit, pro in castris vestris, vel po-

tius in exercitibus vestris, quia in principiis castrorum fiunt conciones ad exercitum, quibus impelli possint ad partes aliquas suscipiendas ac defendendas.

³³ *Ab occidente.]* Ab Hispania et Gallia, sc. Sextum Pompeium et Asinium Pollionem, Plancum.

dare, aut libenter dedisse homini nequissimo atque improbissimo: is nobis ultro et pollicitus est, et dedit H-S XX ex sua pecunia: et, quod multo carius est, seipsum obtulit et conjunxit. Huic persuadere coepimus, ut imperator in castris remaneret, remque publicam defenderet. ³⁴statuit eundem sibi, quoniam exercitum dimisisset. statim vero rediturum ad nos confirmavit, legatione suscepta, nisi prætorum comitia habituri essent consules. Nam illi ita sentienti de republica magnopere auctor fui, ne differret tempus petitionis suæ. cujus factum omnibus gratum esse debet, qui modo judicant, hunc exercitum esse reipublicæ.

p. 280. ^{a.} tibi tanto gratius, quanto et majore animo gloriaque libertatem nostram defendis, et dignitatem; si contigerit nostris consiliis exitus, quem optamus, ³⁵perfuncturus es. Ego etiam, mi Cicero, proprie familiariterque te rogo, ut Vetterem ames, velisque esse quam amplissimum: qui etsi nulla re deterreri a proposito potest, tamen excitari tuis laudibus, indulgentiaque poterit, quo magis amplexetur ac tueatur judicium suum. et mihi gratissimum erit.

12

ARGUMENTUM.

Excusat se Bruto, quod matris ejus et sororis precibus, de liberis M. Lepidi, quem hostem Senatus judicavit, excipiendis satisfacere non posset. De Antistio liberaliter promittit, et ipsum ut in Italiam veniat, hortatur.

CICERO BRUTO S.

ETSI daturus eram Messalæ Corvino continuo litteras, tamen Vetterem nostrum ad te sine litteris meis venire nolui. Maximo in discrimine respublica, Brute, versatur, victoresque rursus decertare cogimur. id accidit M. Lepidi scelere et amentia. Quo tempore cum multa propter eam curam, quam pro republica suscepi, graviter ferrem, tum nihil tui gravius, quam me non posse matris tuæ precibus cedere, non sororis. nam tibi, quod mihi plurimi est, facile me satisfacturum arbitrabar. Nullo enim modo poterat ³⁶causa Lepidi distingui ab Antonio: omniumque judicio etiam durior erat, quod, cum hono-

³⁴ Statuit eundem sibi.] Sic legi volebant Manutius et Lamb. et sic est in ed. Rom. unde restitui. Vulgatum statuit id sibi induxit Jensonus.

³⁵ Perfuncturus es.] Mihi placet, quod Gruterus in Palat. 3. reperit, *perfunctus es*,

i. e. habes quod vis et optasti.

³⁶ Causa Lepidi distingui ab Ant.] Aliter Lepidus tractari et lenius, quam Antonius, quippe in eodem genere percarat.

ribus amplissimis a senatu esset Lepidus ornatus, tum etiam paucis ante diebus præclaras litteras ad senatum misisset: repente non solum recepit reliquias hostium, sed bellum accerrimum terra marique gerit: cujus exitus qui futurus sit, incertum est. Itaque cum rogamur, ut misericordiam liberis ejus impertiamus, nihil affertur, quo minus summa supplicia, si (quod Jupiter omen avertat!) pater puerorum vicerit, subeunda nobis sint. Nec vero me fugit, quam sit acerbum, parentium scelera filiorum poenis lui. b. Sed hoc præclare legibus comparatum est, ut caritas liberorum amiciores parentes reipublicæ redderet. Itaque Lepidus crudelis in liberos, non is, qui Lepidum hostem judicat. Atque ille si, armis positis, de vi damnatus esset, quo in judicio certe defensionem non haberet: eandem calamitatem subirent liberi, bonis publicatis. quamquam, quod tua mater et soror deprecatur pro pueris, idipsum et multa alia crudeliora nobis omnibus Lepidus, Antonius, et reliqui hostes denuntiant. Itaque maximam spem hoc tempore habemus in te, atque exercitu tuo. Cum ad reipublicæ summam, tum ad gloriam et dignitatem tuam vehementer pertinet, te in Italiam, ut ante scripsi, venire quamprimum. Eget enim vehementer cum viribus tuis, tum etiam consilio respublica. Veterem, pro ejus erga te benivolentia singularique officio, libenter ex tuis litteris complexus sum: cumque cum tui, tum reipublicæ studiosissimum amantissimumque cognovi. Cicronem meum propediem, ut spero, videbo. tecum enim illum, et te in Italiam celeriter esse venturum confido.

ARGUMENTUM.

13

Liberos Lepidi commendat, sibi ut hoc detur. rogat, ne ex lege cum iis agatur.

BRUTUS CICERONI S.

DE M. Lepido vereri me cogit reliquorum timor: qui ³⁷ si eripuerit se nobis, (quod velim temere atque injuriose de illo suspicati sint homines,) oro atque obsecro te, Cicero, necessitudinem nostram, tuamque in me benivolentiam obtestans, sororis meæ liberos obliviscaris esse Lepidi filios, meque his in patris locum successisse existimes,

37 Si eripuerit se nobis.] Ad partes hostiles transierit.

- p. 281. hoc si a te impetro, nihil profecto dubitabis pro his susci-
 a. pere. Aliter alii cum suis vivunt: nihil ego possum in sororis meae liberis facere, quo possit expleri voluntas mea aut officium. Quid vero aut mihi tribuere boni possunt, si modo digni sumus, quibus aliquid tribuatur: aut ego matri, ac sorori, pnerisque illis præstaturus sum, si nihil valuerit apud te, reliquumque senatum, contra patrem Lepidum, Brutus avunculus? Scribere multa ad te neque possum præ sollicitudine ac stomacho, neque debeo. Nam si in tanta re, tamque necessaria, verbis mihi opus est ad te excitandum et confirmandum: nulla spes est, facturum te quod volo, et quod oportet. Quare noli expectare longas preces. intueri meipsum, ³⁸ qui hoc vel a Cicerone, conjunctissimo homine, privatim, vel a consulari, tali viro, remota necessitudine privata, impetrare debeo. Quid sis facturus, velim mihi quamprimum rescribas. Kalend. Quint. ex castris.

14

ARGUMENTUM.

Paucitatem et brevitatem epistolarum Bruti accusat: rogat, ut Ciceronem secum retineat; et in Italiam quam primum ut veniat, hortatur.

CICERO BRUTO S.

- BREVES tuæ litteræ: breves dico? immo nullæ. tribusne versiculis his temporibus Brutus ad me? nihil scripsissem potius, et requiris meas. Quis unquam ad te tuorum sine meis venit? Quæ autem epistola non pondus habuit? Quæ si ad te perlatae non sunt, ne domesticas quidem tuas perlatas arbitror. Ciceroni scribis te longiorem daturum epistolam. recte id quidem: sed hæc quoque debuit esse plenior. Ego autem, cum ad me de Ciceronis abs te discessu scripsisses, statim extrusi tabellarios, literasque ad Ciceronem; ut, etiamsi in Italiam venisset,
 b. ad te rediret. nihil enim mihi jucundius, nihil illi honestius. quamquam aliquoties ei scripseram, sacerdotum comitia, mea summa contentione in alterum annum esse rejecta: quod ego cum Ciceronis causa elaboravi, ³⁹ tum Domitii, Catonis, Lentuli, Bibulorum: quod ad te etiam scripseram. Sed videlicet cum illam pusillam epistolam tuam ad me

38 Q. h. a te vel a Cic.] A te bene aberat a Ms. Balliol. et Mss. Paris. delevi.

39 Tum Domitii, Catonis, &c.] Qui et ipsi apud Brutum erant, et Pontificatum petere volebant.

dabas, nondum erat tibi id notum. Quare omni studio a te, mi Brute, contendo, ut Ciceronem meum ne dimittas, tecumque deducas: quod ipsum, si rempublicam, ⁴⁰ cui susceptus es, respicis, tibi jam jamque faciendum est. renatum enim bellum est: idque non parvo scelere Lepidi. Exercitus autem Cæsaris, qui erat optimus, non modo nihil prodest, sed etiam cogit exercitum tuum flagitari: qui si Italiam attigerit, erit civis nemo (quem quidem civem appellari fas sit) qui se non in tua castra conferat. etsi Brutum præclare cum Planco conjunctum habemus. sed non ignoras, quam sint incerti animi hominum, ⁴² et infecti partibus; et exitus præliorum. Quin etiam, si, ut spero, vicerimus, tamen magnam gubernationem tui consilii, tuæque auctoritatis res desiderabit. Subveni igitur, per deos, idque quamprimum, tibi que persuade, non te Idibus Martiis, quibus servitutem ⁴³ a tuis civibus depulisti, plus profuisse patriæ, quam, si mature veneris, profuturum. II Idus Quint.

ARGUMENTUM.

15

Messalam mirifice laudat, et reprehensionem nimiam in tribuendis honoribus facilitatis, in poenis autem de cernendis severitatis accurate diluit. Urget præterea reditum in Italiam, et de Lepidi liberis studium suum pollicetur.

CICERO BRUTO S.

MESSALAM habes. Quibus igitur litteris tam accurate scriptis assequi possum, subtilius ut explicem, quæ gerantur, quæque sint in republica, quam tibi is exponet, qui et optime omnia novit, et elegantissimè expedire et deferre ad te potest? Cave enim existimes, Brute, (quamquam non est necesse, ea me ad te, quæ tibi nota sunt, scribere: sed tamen tantam omnium laudum excellentiam non quo silentio præterire,) cave putes, probitate, constantia, cura, studio reipublicæ quidquam illi esse simile: ut eloquentia, qua mirabiliter excellit, vix in eo locum ad laudandum habere videatur. quamquam in hac ipsa, ⁴⁴ sa-

p. 282.

⁴⁰ *Tecumque deducas.*] De provincia. Sic ed. Rom. Junt. et Mss. Paris. alie adducas, prætor Victor.

⁴¹ *Cui susceptus es.*] Ad ejus salutem natus es.

⁴² *Et infecti partibus.*] Proclives ad partium studium, puto et esse deledum, ita melius et exitus pr. conjungitur cum incerti.

⁴³ *A tuis civibus repulisti.*] Scripsi depulisti. nam jam servitutem sustinebant: ergo non repulit sed depulit. alibi etiam hæc verba sunt confusa. Sic ep. seq. *magnus pestis erat depulsa per vos, non repulsa.*

⁴⁴ *Sapientia plus apparet.*] Faernus malebat sapientia. bene.

pientia plus apparet. ita gravi iudicio, multaque arte se
 exercuit in verissimo genere dicendi. Tanta autem in-
 dustria est, tantumque evigilat in studio, ut non maxima
 ingenio (quod in eo summum est) gratia habenda videatur.
 Sed provehor amore. non enim id propositum est
 huic epistolæ, Messalam ut laudem, præsertim ad Bru-
 tum, cui et virtus illius non minus, quam mihi, nota
 est, et hæc ipsa studia, quæ laudo, notiora: quem cum
 a me dimittens, graviter ferrem; hoc levabar uno, quod
 ad te, tamquam ad alterum me, proficiscens, et officio
 fungebatur, et laudem maximam sequebatur. Sed hæc
 hactenus. Venio nunc longo sane intervallo ad quandam
 epistolam, qua mihi multa tribuens, unum reprehendebas,
 quod in honoribus decernendis essem nimius, et tamquam
 prodigus. Tu hoc: alius fortasse, quod in animadversione
 pœnaque durior; ⁴⁵ nisi fortasse utrumque tu. Quod si
 ita est, utriusque rei meum iudicium tibi cupio esse notis-
 simum: neque solum, ut Solonis dictum usurpem, qui et
 sapientissimus fuit ex septem, et legum scriptor solus
 ex septem. Is rempublicam duabus rebus contineri dixit,
 præmio et pœna. est scilicet utriusque rei modus, sicut
 reliquarum, et quædam in utroque genere mediocritas:
 b. sed non tanta de re propositum est hoc loco disputare.
 Quid ego autem secutus hoc bello sim in sententiis di-
 cendis, aperire non alienum puto. Post interitum Cæ-
 saris, et vestras memorabiles Idus Martias, Brute, quid
 ego ⁴⁶ prætermissum a vobis, quantamque impendere rei-
 publicæ tempestatem dixerim, non es oblitus. Magna pes-
 tis erat depulsa per vos, magna populi Romani macula
 deleta: vobis, vero parta divina gloria: ⁴⁷ sed instrumen-
 tum regni delatum ad Lepidum et Antonium: quorum al-
 ter inconstantior, alter impurior, uterque pacem metuens,
 inimicus otio. His ardentibus perturbandæ reipublicæ cu-
 piditate, quod opponi posset præsidium, non habebamus.
 Erexerat enim se civitas, in retinenda libertate consentiens.
 Nos tunc nimis acres: vos fortasse sapientius excessistis

45 Nisi fortasse utrumque tu.] Propter
 honores Cæsari decretos a me, et in li-
 beros Lepidi severitatem, de qua ep. 13.

46 Prætermissum a vobis.] Non inter-
 fecto sc. una Antonio.

47 Sed instrumentum regni delatum ad
 Lepidum et Antonium.] Instrumentum reg-
 ni intelligit sine dubio copias militum Cæ-
 sarianas.

turbe ea, quam liberaratis : ⁴⁸ Italiae sua vobis studia profi-
tenti remisistis. Itaque cum teneri urbem a parricidis vi-
derem, nec te in ea, nec Cassium tuto esse posse, eamque
armis oppressam ab Antonio : mihi quoque ipsi esse exce-
dendum putavi. Tætrum enim spectaculum, oppressa ab
impiis civitas, opitulandi potestate præcisa. Sed animus
idem, qui semper infixus est in patriæ caritate, discessum
ab ejus periculis ferre non potuit. itaque in medio Achaico
cursu, cum Etesiarum diebus Auster me in Italiam, quasi
dissuasor mei consilii, retulisset, te vidi Velæ, dolique
vehementer. Cedebas enim, Brute, ⁴⁹ cedebas ; quoniam
Stoici nostri negant, fugere sapientis. Romam ut veni, sta-
tim ⁵⁰ me obtuli Antonii scelerei atque dementiæ : quem cum
in me incitavissem, consilia inire cœpi Brutina planè (ves-
tri enim hæc sunt propria sanguinis) reipublicæ liberandæ.
Longa sunt, quæ restant, prætereunda : sunt enim de me :
tantum dico, Cæsarem hunc adolescentem, per quem ad-
huc sumus, si verum fateri volumus, fluxisse ex fonte con-
siliorum meorum. Huic habiti a me honores nulli quidem,
Brute, nisi debiti : nulli, nisi necessarii. Ut enim primum
libertatem revocare cœpimus, cum se nondum ne Decimi
quidem Bruti divina virtus ita commovisset, ut jam id scire
possemus : atque omne præsidium esset in puero, qui a
cervicibus nostris avertisset Antonium : quis honos ei non
fuit decernendus ? quamquam ego illi tum verborum lau-
dem tribui, eamque modicam. Decrevi etiam imperium :
quod quamquam videbatur illi ætati honorificum, tamen
erat exercitum habenti necessarium. quid enim est sine im-
perio exercitus ? Statuam Philippus decrevit, ⁵¹ celerita-
tem petitionis primo Servius, post majorem etiam Servi-
lius. nihil tum nimium videbatur. Sed nescio quomodo
facilius in timore benigni, quam in victoria ⁵² grati reperi-
untur. Ego enim, D. Bruto liberato, cum lætissimus ille
civitati dies illuxisset, idemque casu Bruti natalis esset,
decrevi, ut in fastis ad eum diem Bruti nomen adscribere-
tur. in eoque sum majorum exemplum secutus, qui hunc

p. 283.
a.

48 Italiae sua vobis studia pr. remisistis.] Remisistis, non estis usi studiis oblati.

49 Cedebas.] Inquam : hoc verbo sum usus, quia fugientis verbum tibi non convenit.

50 Me obtuli.] Opposui, adversatus sum

et oppugnavi.

51 Celeritatem petitionis.] Ut ante æta-
tem legitimam posset magistratum petere.

52 Grati reperiuntur.] Int. homines.
Sic edd. pr. et Mss. fere. Vulgo seperi-
mur.

honorem mulieri Larentiæ tribuerunt, cui vos pontifices ad aram ⁵³in Velabro facere soletis. quod ego cum dabam Bruto, notam esse in fastis gratissimæ victoriæ sempiternam volebam. atque illo die cognovi, ⁵⁴paullo plures in senatu malivolos esse, quam gratos. Eos per ipsos dies, effudi (si ita vis) honores in mortuos, Hirtium et Pansam, Aquilam etiam. quod quis reprehendit, nisi qui, deposito metu, præteriti periculi fuerit oblitus? Accedebat ad beneficii memoriam gratam ratio illa, quæ etiam posteris esset salutaris. ^{b.} Exstare enim volebam in crudelissimos hostes monumenta odii publici sempiterna. Suspicio illud minus tibi probari, quod ab tuis familiaribus, optimis illis quidem viris, sed in republica rudibus, ⁵⁵non probabatur, quod, ut ovanti introire Cæsari liceret, decreverim. Ego autem (sed erro fortasse: nec tamen is sum, ut mea me maxime delectent) nihil mihi videor hoc bello sensisse prudentius. Cur autem ita sit, aperiendum non est, ne ⁵⁶magis videar providus fuisse, quam gratus. hoc ipsum, nimium. quare alia videamus. D. Bruto decrevi honores, decrevi L. Planco. Præclara illa quidem iugenia, quæ gloria invitantur: sed senatus etiam sapiens, qui, qua quemque re putat, modo honesta, ad reipublicam juvandam posse adduci, hac utitur. At in Lepido reprehendimur: cui cum statuam in rostris statuissimus, iidem illam evertimus. Nos illum honore studuimus a furore revocare. vicit amentia levissimi hominis nostram prudentiam. nec tamen tantum in statuenda Lepidi statua factum est mali, quantum in evertenda boni. Satis multa de honoribus. nunc de pœna pauca sunt dicenda. Intellexi enim ex tuis sæpe litteris, te in iis, quos bello devicisti, clementiam tuam velle laudari. Existimo equidem nihil a te, nisi sapienter. Sed sceleris pœnam prætermittere (id enim est, quod vocatur ignoscere) etiam si in ceteris rebus tolerabile est, in hoc bello perniciosum puto. Nullum enim bellum civile fuit in nostra re-

⁵³ In Velabro fucere soletis.] Edd. pr. addunt sacrificium. non bene. ac mihi etiam ad aram suspectum est.

⁵⁴ Paulo plures esse.] Paulo non placet h. l. idque aut delendum, aut multo corrigendum esse puto, vel addendum haud.

⁵⁵ Non probabatur.] Sic per conjecturam putavi legendum, quia in Mss. regius esse tradit Alemannus, estque etiam

in ed. Rom. non dubitavi recipere, ut et Alemannus fecit.

⁵⁶ Magis providus quam gratus.] Providus videri poterat, quod ita efficere voluerit, ut Cæsar, ingressus urbem ovans, imperium deposceret, de more, atque ita exercitus ad alium veniret, quo ipse obses reip. poterat, ut et fecit. quam gratus, int. in Cæsarem.

publica omnium, quæ memoria mea fuerunt, in quo bello non, utracumque pars vicisset, tamen aliqua forma esset futura reipublicæ. hoc bello victores quam rempublicam simus habituri, non facile affirmarim; victis certe nulla umquam erit. Dixi igitur sententias in Antonium, dixi in Lepidum severas: neque tam ulciscendi causa, quam ut et in præsens sceleratos cives timore ab impugnanda patria deterrerem: et in posterum, documentum statuerem, ne quis talem amentiam vellet imitari. quamquam hæc quidem sententia non magis mea fuit, quam omnium. In qua videtur illud esse crudele, quod ad liberos, qui nihil meruerunt, pœna pervenit. Sed id et antiquum est, et omnium civitatum: siquidem etiam Themistocli liberi egerunt. et, si iudicio damnatos eadem pœna sequitur cives, qui potuimus leniores esse in hostes? Quid autem queri potest quisquam de me, qui, si vicisset, acerbiorem se in me futurum fuisse confiteatur necesse est? Habes rationem mearum sententiarum, de hoc genere dimittat honoris et pœnæ. Nam de ceteris rebus quid senserim, quidque censuerim, audisse te arbitror. Sed hæc quidem non ita necessaria. illud valde necessarium, Brute, te in Italiam cum exercitu venire quam primum. summa est exspectatio tui: ⁵⁷qui si Italiam attigeris, ad te concursus fiet omnium. Sive enim vicrimus, (qui quidem pulcherrime vicramus, nisi Lepidus perdere omnia, et perire ipse cum suis concupivisset,) tua nobis auctoritate opus est ad collocandum aliquem civitatis statum: sive etiam nunc certamen reliquum est, maxima spes est cum in auctoritate tua, tum in exercitus tui viribus. Sed propera, per deos. scis enim, quantum sit in temporibus, quantum in celeritate. ⁵⁸Sororis tuæ filiis quam diligenter consulam, spero te ex matris, et ex sororis litteris cogniturum. qua in causa majorem habeo rationem tuæ voluntatis, quæ mihi cariissima est, quam, ut ^{b.} quibusdam videor, constantiæ meæ. sed ego nulla in re malo, quam te amando constans et esse, et videri.

⁵⁷ Quodsi It. attigeris.] Quodsi a Jac. qui si. quod restitui.
Gron. editum est o Ms. Balliol. edd. vett. ⁵⁸ Sororis tuæ filiis.] Iisdem Lepidi.

*Graviter reprehendit Ciceronis ad Octavium epistolam, qua eum rogarat, ut
liberatores patriæ salvos vellet.*

BRUTUS CICERONI S.

PARTICULAM litterarum tuarum, quas misisti Octavio, legi, missam ab Attico mihi. Studium tuum, curaque de salute mea, nulla me nova voluptate affecit. Non solum enim usitatum, sed etiam quotidianum est, aliquid audire de te, quod pro nostra dignitate fideliter atque honorifice dixeris, aut feceris. At dolore, quantum animo maximum capere possum, eadem illa pars epistolæ, scriptæ ad Octavium de nobis, affecit. Sic enim illi gratias agis de republica, tam suppliciter, ac demisse, (quid scribam? pudet conditionis ac fortunæ: sed tamen scribendum est;) commendas nostram salutem illi: ⁵⁹ quæ morte qua non perniciosior? ut prorsus præ te feras, non sublatam dominationem, sed dominum commutatum esse. Verba tua recognosce, et aude negare, servientis adversus regem istas esse preces. Unum ais esse, quod ab eo postuletur et exspectetur: ut eos cives, de quibus viri boni, populusque Romanus bene existimet, salvos velit. Quid? si nolit, non erimus? Atqui, non esse, quam esse per illum, præstat. Ego, medius fidius, non existimo, tam omnes deos aversos esse a salute populi Romani, ut Octavius orandus sit pro salute cujusquam civis, non dicam pro liberatoribus orbis terrarum. Juvat enim magnifice loqui: et certe decet, adversus ignorantes, quid pro quoque timendum, aut a quoque petendum sit. Hoc tu, Cicero, posse fateris Octavium, et illi amicus es? aut, si me carum habes, vis Romæ videri; cum, ut ibi esse possem, commendandus pueri illi fuerim? Cui quid agis gratias, si, ut nos salvos esse velit et patiat, rogandum putas? An hoc pro beneficio est habendum, quod se, quam Antonium, esse maluerit, a quo ista petenda essent? Vindici quidem alienæ dominationis, non vicario, ecquis supplicat, ut optime meritis de republica liceat esse salvus? Ista vero imbecillitas et desperatio, cujus culpa non magis in te residet, quam in omnibus aliis, et Cæsarem in cupid-

p. 285.

a.

59 Quæ.] Salus ab Octavio impetrata, sima, malo millies mori, quam ab Octavio perniciosior et tristior est morte acerbis- servari.

tatem regni impulit: et Antonio post interitum illius persuasit, ut interfecti locum occupare conaretur: et nunc puerum istum extulit, ut tu judicares, precibus esse impetrandam salutem talibus viris: misericordiaque unius, vix etiam nunc viri, tutos fore nos, haud ulla alia re. Quodsi Romanos nos esse meminissemus: non audacius dominari cuperent ⁶⁰ postremi homines, quam id nos prohiberemus: neque magis irritatus esset Antonius regno Cæsaris, quam ob ejusdem mortem deterritus. Tu quidem consularis, et tantorum scelerum vindex (quibus oppressis, vereor, ne in breve tempus dilata sit abs te pernicies,) qui potes intueri quæ gesseris, simul et ista vel probare, vel ita demisse ac facile pati, ut probantis speciem habeas? Quod autem tibi cum Antonio privatum odium? nempe quia postulabat hæc, salutem ab se peti: precariam nos incolumitatem habere, a quibus ipse libertatem accepisset: esse arbitrium suum de republica. Quærenda esse arma putasti, quibus dominari prohiberetur: scilicet, ut illo prohibito, rogaremus alterum, qui se in ejus locum reponi pateretur, an ut esset sui juris ac Mancipii respublica? nisi forte non de servitute, sed de conditione serviendi recusatum est a nobis. Atqui non solum bono domino potuimus Antonio tolerare nostram fortunam, sed etiam beneficiis atque honoribus, ut participes, frui, quantis vellemus. quid enim ⁶¹ neget iis, quorum patientiam videret maximum suæ dominationis præsidium esse? Sed nihil tanti fuit, quo venderemus fidem nostram, et libertatem. Illic ipse puer, quem Cæsaris nomen incitare videtur in Cæsaris interfectores, quanti æstimet (si sit commercio locus) posse, nobis auctoribus, tantum, quantum profecto poterit, quoniam vivere, et pecunias habere, et dici consulares volumus? ceterum nequicquam perierit ille: cujus interitu quid gavisi sumus, si mortuo nihilo minus servituri eramus? ⁶² Nulla cura ab aliis adhibeatur: sed mihi prius omnia dii, deæque eripuerint, quam illud iudicium, quo non modo heredi ejus, quem occidi, non concesserim, quod in illo non tuli, sed ne patri quidem meo, si reviviscat, ut, patiente me, plus legibus ac senatu possit. An hoc tibi persuasum est,

⁶⁰ Postremi homines.] Nullius pretii ac dignitatis. ret, quia sequitur videret.

⁶² Nulla cura ab aliis adhibeatur.] Ab aliis habent edd. pr. alii post male omisere.

fore ceteros ab eo liberos, quo invito nobis in ista civitate locus non sit? Qui porro id, quod petis, fieri potest, ut impetres? Rogas enim, velit nos salvos esse. Viderant ergo tibi salutem accepturi, cum vitam acceperimus? quam, si prius dimittimus dignitatem et libertatem, qui possumus accipere? An tu Romæ habitare, id putas incolumem esse? Res, non locus oportet præstet istuc mihi. neque incolumis fui Cæsare vivo, nisi postquam illud conscivi facinus: neque usquam exsul esse possum, dum servire, et pati contumelias, pejus odero malis omnibus aliis.

p. 286. Nonne hoc est in easdem tenebras recidisce, quum ab eo,
 a. qui tyranni nomen ascivit sibi, (cum in Græcis civitatibus liberi tyrannorum, oppressis illis, eodem supplicio afficiantur,) petitur, ut vindices atque oppressores dominationis salvi sint? Hanc ego civitatem videre velim, aut putem ullam, quæ ne traditam quidem atque inenlcatam libertatem recipere possit? plusque timeat in puero nomen sublatis regis, quam confidat sibi, cum illum ipsum, qui maximas opes habuerit, paucorum virtute sublatum videat? Me vero posthac ne commendaveris Cæsari tuo: ne te quidem ipsum, si me audies. Valde eare æstimas⁶³ tot annos, quot ista ætas recipit, si propter eam causam puero isti supplicaturus es. Deinde quod pulcherrime fecisti, ac facis in Antonio, vide ne convertatur a laude maximi animi ad opinionem formidinis. Nam si Octavius tibi placet, a quo de nostra salute petendum sit: non dominum fugisse, sed amiciorem dominum quæsisse videberis. Quem quod landas ob ea, quæ adhuc fecit, plane probo. sunt enim laudanda, si modo contra alienam potentiam, non pro sua suscepit eas actiones. Cum vero iudicas, tantum illi non modo licere, sed etiam a te ipso tribuendum esse, ut rogandus sit, ne nolit esse nos salvos; nimium magnam mercedem statuis. Id enim ipsum illi largiris, quod per illum habere videbatur respublica. Neque hoc tibi in mentem venit, si Octavius ullis dignus sit honoribus, quia cum Antonio bellum gerat: iis, qui illud malum exciderint, cujus istæ reliquæ sunt, nihil, quo expleri possit eorum meritum, tributurum umquam populum Romanum, si omnia simul con-

⁶³ Tot annos, quot ista ætas recipit.] sensus universus paucitatem desiderat. de-
 Mihi tot et quot suspecta semper fuere. leverim tot, et legerim quas.
 nam tot annos multitudinem exprimit, sed

